

SPHÆRA CIVITATIS,
AVTHORE MAGISTRO
IOHANNE CASO OXONI-
ENSI, OLIM COLLEGII DIVI
Iohannis Præcursoris socio.



PSALM. CXXVI.


Nisi Dominus custodierit civitatem, frustra vigilat qui custodit eam.

OXONIÆ,

Excudebat Iosephus Barnesius, 1588.

PHILOSOPHORVM ZOONOTATO ESCVLAPIO SVO.

Vivere cui vires & robora sana dedisti
Scribere ni vellem, na robore durior essem.
Ergo mihi (que privato pertingere nulli
CASE datur) tecum satis & satis Astra tueri est.



QUAM bene Cœlesti CIVILIS machina formæ
Congruat, & quàm sit paribus distincta figuris,
Vnica pro multis Respublica nostra loquetur.

Aspicias alterno circumgyrantia cursu
Sidera, & æquali causas quæ pondere librat
IUSTITIAM, nostri centrum invariabile mundi?

Aspicias euenios SEPTEM spatia ampla PLANETAS,
Quorum quisque suo studiosè præsidet orbi?
VBERITAS RERV, Luna: & FACVNDIA; Regni
Mercurius: Venus esse potest CLEMENTIA Regis.
Par soli PIETAS medijs diffunditur Astris.
VIS ANIMI iustis Maiorem spirat in armis.
Nata Ioueni simulat PRVDENTIA prouida patrem:
Saturnumq; graui MAIESTAS plena timore.

Hæ sunt quæ nostras collustrant Lampades oras
Præcipuæ: verùm his Octauam apponere Sphæram
Luminibus fixis, clavis, varijsq; micantem
Iam liber, utq; olim STELLATVM dicere CœLVM.
Cœlum Stellatum CAMERA est STELLATA Britannis,
Consilij munita pijs, Procerumq; frequenti
Nobilium stipata manu, qui munia Regni
Ardua procurant, & magna negotia versant.

Omibus impêdet globus is, cui MOBILE PRIMVM
Nomen, & amplexu nexus qui continet omnes.
Tu VIRGO, REGINA Potens, tu MOBILE PRIMVM
ELISABETHA, rapis tecum molimina Gentis.
Indè reluctantes animos, menteq; rebelles
Debilitas, MOTVq; trahis Suprema DIVINO.

Hic ordo, sic conspirat status ORBIS, & VRBIS:
Hæc tamen hoc tantum discrimine distat ab ILLO,
Quod non perpetuò firmari possit vt ILLE.

Ergo diu SPHÆRÆ SVMMÆ MOTRICE ferantur,
Ergo diu SPHÆRAS & MOTRIX SVMMÆ gubernet.

RICHARDVS LATE--WAR, Collegij
D. Iohannis Præcursoris Socius.

ILLVSTRISSIMO
HEROI SVMMA VIR-
TVTE, SAPIENTIA AC
DOCTRINA PRAEDITO,

D. CHRISTOPHERO HATTONO,
magno Angliæ Cancellario, auræ Pe-
risclidis Equiti clarissimo, Regia Ma-
iestati à Sacris Consilijs, Domi-
no ac Patrono suo multis nomi-
nibus colendissimo.



IR ABILEM & fatalem
hunc annū mundi (vir au-
gustissime) multi ex mina-
cibus Sybillæ folijs vatici-
nantur fore: & sanè toruus
cœli vultus, prodigiosus
terræ motus, formidolo-
sus Comætarum aliorumque meteoron a-
spectus in hac temporū canicie animos mor-
taliū nescio quo metu, quāq; expectatione
malorum vulnerant & prosternunt: sed ve-
tus hoc est, Sapientes dominātur astris; quip-
pè quæ solum inclinant (vt loquūtur Philoso- Lib. de Cœlo
phi) necessitatem autem non imponunt. In
hac ergo ætate mundi, in qua plures politici
quā

EPISTOLA

quàm verè sapientes ac iusti esse cõtendunt; plurimi quidem sunt æstimandi Aristides, qui iustitiam religiosè colunt, quiq; rerumpub. sphæras ad motum primi mobilis, nutumque primi motoris sapienter vertunt. Aduersus quē quicunq; nituntur, errant, & se suasq; respub. (quas regunt) in Scyllam malorum pertrahūt: Non est enim consilium aduersus dominū. Hæc cum vera sint (Vir honorifice) dabis veniā, si tuo nomine diuino numini gratias immortales agā, quòd te hoc anno Scæuolā, id est oraculum sapientiæ; Aristidē, id est asy-lum iustitiæ nobis, patriæ, serenissimæq; principi Elizabethæ dederit. Oratio insignis illa tua, (quam summo honore donatus de iusti-tia, de æquitate, de fauore in populū, de amo-re in patriā habuisti) statim à voce, à tribunali tuo in ciuium aures & mentes fluxit, omnesq; & singulos ad incredibile tui honoris colen-di studium mirificè flexit & inflāmauit. Mag-na quidem vis vocis tuæ, quæ tibi amorem; maior virtutis, quæ tibi honorem dedit. Cum omnes in hoc publico & communi bono pa-triæ tibi hoc forū iustitiæ gratulētur: equidē à me impetrare non possū vt in hoc frequenti
 omni-

DEDICATORIA.

omniū sermone mea vox de singulari meo in honorē tuū affectu conticescat. En ergo (Vir honoratissime) signum amoris, tesseram offi-cij erga te mei: Tibi reipu. Cancellario, ciui-tatis sphæram voluēdā & reuoluendam tra-do. Scio equidem indignam esse honore, in-dignam sapientiā tuā. Veruntamen, quoniam in eā centrum immota iustitia est, lineæ æqui-tas & conscientia, circumferentia Deus, ean-dem à me gratissimā mente datam, à te hono-rificā manu fore acceptam spero. Arist. mihi author est, illum vt interpretes sequor: de repu. suum inscripsit librum, sphæram ciuitatis ap-pello meum. Ipsum authorem, nomen Philo-sophi, authoris hoc opus lumē patriæ & mi-raculū sapientiæ in hac ætate Dominus The-saurarius mihi cōmendauit. Doctus author, doctū opus, sapiēs iudex vtriusq;. Quid mul-tis? Inter alios multos vnus & tibi vnicus Vn-tonus (radio sum & illustre sidus sui generis) mihi etiā calcar ad hoc opus addidit: qui de arcanis reipub. (vt audio) multa atticè, multa accuratè scripsit; quæ si ederet, Sidnei iam defūcti animā in Vntoni pectus existimes im-migrasse. Hæc mouerunt vt scriberem, hæc

EPISTOLA

suaferunt vt academiæ, patriæ, tibi descriptâ
 hanc spherâ commēdarē; tibi dico, quia nihil
 aptius mihi videbatur quàm illi globum ciui-
 tatis offerre, cui Elizabetha Reip. dea ciuita-
 tis clauū voluit committere. Verte (si placet)
 Vir illustrissime, verte hunc globum, immo-
 bile in eo centrum, simplicem motum, rectas
 lineas, mouensq; primum & infinitum specta;
 per immobile centrū immutabilē iustitiā, per
 simplicem motum actionem virtutis, per re-
 ctas lineas leges ciuitatis, per primum moto-
 rem Principē (si velis) aut potius in Principe
 Deū intelligo: hæc tuta via est, hæc recta nor-
 ma administrandæ ciuitatis; alia inuēta homi-
 nū deuia & incerta sunt, suisq; autoribus per-
 niciosa; hanc viā ingressus (heros amplissime)
 Spartam quam ornes habes; non tamē cæca
 fors, nō genus (quāuis in eo splendor & am-
 plitudo sit) sed virtus per dextram Principis
 hanc tibi palmam honoris dedit. Christum
 precor vt diutissimē hæc virtus, hæc palma,
 hæc dextra principis Elizabethæ viuāt. Into-
 nent tum Magi, ominentur ex siderum ignito
 trigono & aspectu malum: sperabimus tamē
 in deo, & minaces eorū furias minimē formi-
 dabimus.

Vos estis dij.
 1. sal. 81.

DEDICATORIA.

dabimus. Quippe florente iustitiâ retrogre-
 dietur sol, vt viuat Ezechias; stabit in medio
 cœli, donec Ios. vincat & prosternat hostes.
 Qui aliud optant patriæ, si domi sint, cū Cho-
 re, Dathan, & Abiram conspirantibus in Mo-
 sem; cum Absolone ingratisimo filio conspi-
 rante in patrem, cum Iudâ proditore conspi-
 rante in Christū pereant: sin foris hostes sint,
 Deus illorum arcum conterat, arma confrin-
 gat, scuta comburat, vincula à nostris pedi-
 bus, à nostris ceruicibus iuga longè dispel-
 lat. Det nobis pacē in diebus nostris; & sanē
 si illū diligamus, si iustē viuamus, dabit. Sed
 quid ago? Ex thesauro animi os abundantius
 loquitur. Ad me ergo (Nobilissime Cancel-
 larie) reuersus, à te id quod velim peto: Græci
 olim Hippocrati prædicenti morbū, Atheni-
 enses Beroso prædicenti malū magnū dede-
 runt præmiū: Deum testor, me neq; aurum cū
 Hippoc. neq; præmiū cū Beroso petere. Quid
 ergo? hoc solum vt sub vimbâ palmæ tuæ flo-
 rētis (quā multos tegis) in beata (quā fruor)
 paupertate viuā spherasq; alias Philosophiæ
 si mihi vitam deus indulserit describā. Vale.

4. Reg. 20.

Ios. 10.

Numb. 16.

2. Reg. 15. 16.

17. 18.

Mat. 26.

Mar. 14.

Luc. 22.

Ioh. 13.

Psal. 45. & 2.


Cardanus de
 varietate re-
 rum.

Honoris tui alumnus humilissimus,

IOHANNES CASE.

Ad Christianum Lectorem

Politices Studiosum.



QUONIAM dixit stultus in corde suo non est Deus, opportunè quidem (Christiane lector) in isto occasu mundi (in quo permulti sine Deo, sine fide, sine Christo viuunt) & Deum esse & praeesse mūdo contendimus demonstrare. Si enim hac plenè animis mortalium non sit praeconcepta, altissq; radicibus infixæ persuasio; frustra omnino de sphaeris rerum pub. (quas Deus vertit) frustra de legibus ciuitatum (quas homo condit) hic ageretur. Posito namq; Deum non esse, aut (quod multi somniant) actiones humanas negligere; terra protinus filij sumus, & diutius solem non intuemur. Quod verò nonnulli fanatico quodam spiritui acti, infidissq; antiqui serpentis obcicati numen in rebus humanis lucere negent, defectio fidei, morum corruptio, immanis nonorum scelerum excogitatio, odiosa Epicureorum multitudo (qui Deum, omnemq; dei providentiam tollunt) apertis quasi tabulis probant & conuincunt. Nam etsi forsā non sint hodie, qui audent cum blasphemio illo Holoferne dicere, Ostendam tibi quod non est Deus; sunt tamen, sunt in quā nimis multi, qui cum Meli incolis Atheismum colunt, Deumq; vitā non voce negant. Aliter enim dic mihi, unde illi monstri angues in manus ac sinus hominum irrepserint, quorum alter de tribus impostoribus mundi, Moise, Eliā, Christo (sic enim blasphemus loquitur) alter de portentosis rerum pub. factis ac formis fauista nescio quæ dogmata euomit. Isti ut vides moralem. Quid? An hac monstra nullos Philistæos sequaces? An nullos pseudo-Christianos fautores habent? Vtinam certè non haberent. Sed res aperta est. Babel & confusio, Sodoma & Gomorrha, execrabilis ac detestanda licentia dissolutioq; vita in hac ætate nimis hoc verum esse arguunt & loquuntur. Tempus ergo iam monet, siue de fide, siue de vrbe, siue de vitā thecrica, siue de politica instituatur sermo, ut ab hac unā persuasione exordiamur, Deum nimirum esse

Psal. 14. & 53.

Iudith 6.
Gyraldus dial.
log. 9. hist.
Doletus,
Argentinus &
Machiauellus.

Ad Christianum Lectorem.

esse. Nam si hoc nobis ratione persuasum ac demonstratum fuerit, & melius credemus, & viuemus sanctius.

Sed ut nunc rem aggrediar, quid tibi vis Luciane perniciose sophista? Quid tibi vis Iuliane atrox Apostata? An Deum? An Christum esse non creditis? Pessime sophista, an sic epicureos tuos & porcos doces? Impie Apostata, an sic tuos subditos & ciues fallis? Negatisne id quod natura, id quod ratio, id quod fides, id quod omnia inter cælum & tartarum (ubi iam estis) suadent? Meritò tu quidem Luciane à canibus laceratus, meritò etiam & tu Iuliane cœlesti fulmine confossus iaces. Stulti adhuc non creditis? Causam quæso ostendite, cur non credatis. Hæc opinor est, quia omnia vi ac motu natura sine deo fiunt. Id falsum est; natura enim liber in fronte Deum conscriptum habet. Optimum natura interpretem (si placet) legite, hæc habet verba: Deus inquit est: iterum Deus vnus est: adhuc, Deus vniuersum mundum moderatur ac regit: & paulò post, Ea quidem quæ in aere fiunt, quæ in terrâ, quæ in aquâ, ea certè dei opera esse meritò diximus, Dei inquam opera. Philosophi de Deo loquentis emphasin spectate: mirabile est quod addit. Cunctorum (inquit) quæ rerum natura complectitur, cum seruator est Deus, tum verò omnium quæ in hoc mundo perficiuntur author. Sed suspectum hunc librum habebitis fortasse: non est causa cur suspicemini, nam in alijs id ipsum loquitur.

Deus inquit perpetuā rerū originē fabricatus mundū omnibus suis numeris expleuit: & alibi, Deus est vnus, simplex, immensus, infinitus quoq; & sempiternus, vltra cælos in excelso habitans, nullis locis circumscriptus, ubiq; tamen subsistens, plus quàm dici potest beatus, qui mutare potest omnia, ipse verò mutari non potest. Respondete mihi, nō hæc sufficiunt? Adhuc dicetis non est Deus? Littus aro (ut aiunt.) Pauca verò addam, si forsā magis urgeā. Deus (inquit Philosophus) Dominus est, ut bona malaq; meritis distribuat; cautece scelerati; Qui dubitant, An Deus sit, idemq; colendus, diram merentur pœnam: exhorrescite. Vana hæc verba sunt, argumenta petimus. Verissima sunt, sed argumenta audietis.

Attollite ergo oculos animosq; vestros, globum natura vertite, considerate mecum, an id verum sit quod olim Empedocles dixit, Deus

Suidas.
Hist. eccles. tripartit. li. 6. c. 4.

Theodor. Ece.
hist. li. 3. ca. 25.

Lib. 7. phys. ca.
6. Metap. c. 10.
Li. de mundo.

Lib. 2. de ortu
cap. 10.
Lib. 8. phys. ca.
6. lib. 1.
De cælo ca. 9.
lib. 2. de cælo
cap. 3. lib. 7.
Eth. cap. 1. lib.
11. Metap. c. 7.
Lib. 2. mag.
mor. cap. 8.
Lib. Top. 1.
cap. 9.

Ratio prima.

Ad Christianum Lectorem.

Deus est cuius centrum ubiq; , & cuius circumferentia nusquam. Videte cælum, videte terram, in cælo solem, in terrâ muscam; non in utroq; videtis Deum? Nam ut à minimis incipiam, narrate mihi quid finxit muscam? Ridicula hac quaestio est. Omis- sis verbis narrate (inquam) mihi, quid finxit muscam. Sol & putredo. At vivit, sentit & quodammodo sapit musca. An hac sol & pu- tredo? An oculos, pedes, alas? An motum, sensum & vitam animal- culo maiori vix atomo sol & putredo tribuunt? Solis & putredi- nis magnam potentiam miror. Est quoq; in musca occulta natura mouens. Itane? Quæ hæc occulte natura mouens tandem? Ea scili- cet quam Philosophi definiunt principium motus. Ea vero in re ipsa est, at nihil mouetur, quin etiam foras ab alio moveatur: quæ illa mo- trix causa? Aer, non Deus, ut tu existimas. Aer est quidem medi- um in quo mouetur, at quæ sit prima mouendi causa quæro. (Cur sta- ris? Cur dubium non resolvitis? Nescitis (in sari) nescitis inquam ni- si Deum (qui est prima in omnibus mouendi & quiescenti causa) vel in ipsa muscâ, hoc est in rebus minimis esse fateamini: surgite er- go à natura somno, & diutius natura ut ac motu omnia fieri ne som- nietis; nam quamvis naturali magiâ aquam in sanguinem, virgam in serpentem potestis commutare: Aronis tamen virga vestras de- uorabit, & digitus dei in muscâ & pediculo quæ sunt omnium crea- torum infima) vos penitus confundet, vestramq; incredulitatem re- futabit. Sed quoniam natura motui, tantum ascribitis, ratiocinati- onem (quâ Philosophus à motu deum esse manifeste conuincit) dis- cite. Sic est: omne mobile ab alio mouetur: sed primum calum est cor- pus mobile: ergo primum calum motorem habet. Quid negas? In scæ- lâ natura si à gradu infimo ad summum scandas, cæcus es si orbem inferiorem à superiore moueri neges. Sed quid tum orbem supremum mouet? Non corpus ulterius dices; nam ultra supremum aliud non est, est tamen motor. At quis hic motor nisi primus? Et quis hic pri- mus nisi Deus? Quem Philosophi mouentem omnia immobilem ta- men ac immutabilem motorem vocant; & in hoc sanctæ ecclesiæ cum domina recte conspirat: nam dicitur, Ego Deus & non mutor. Et iterum, Apud quem non est transmutatio. Quid addam plura? Non est Deus quasi homo, ut mutetur.

Sed pergo ut à causarum ordine hoc ipsum probem, rationem sic necis

Exod. 7. 12. &
8. 19.

Rat. 2. ex lib.
7. Phys.

Mal. 3. 6.
Iac 1. 17.
Numb. 23. 19.
Ratio 3. ex
2. Metaph.

Ad Christianum Lectorem.

nectit Philosophus: præter causas internas (materiam & formam in- telligit) aliæ sunt effectrices causa quæ in quolibet opus & effectum natura influunt, ex his verò sunt quedam mediæ: ergo est una pri- ma, quæ causa causarum & Deus dicitur. Insanit igitur qui in pri- mæ natura tabulâ causas medias cernit, & per easdem veluti per scala gradus ad primam animo suo non ascendit: facile enim est per mediæ ad summum peruenire, Deumq; ex medijs causis (quæ sine prima esse non possunt) demonstrare.

De ordine & comparatione rerum. quid dicam? In quibus cer- Ratio 4.
tè imago Dei & veluti expressa idea ipsius diuinitatis cernitur.

Diuinitatis dico quia inuisibilia ipsius à creatura mundi per ea Epist. ad Rom.
quæ facta sunt intellecta conspiciuntur: sempiterna quoque cap. 1. 20.

eius virtus & diuinitas. Sed quis hic ordo? Quæ hæc comparatio? Aperto iam natura libro, spectate mundum, qui ex globis cæli & elementis constat, videte centrum (terram intelligo) discite quomo- do aquis quasi trutinis libratum in aere pendeat. Sed hoc punctum est, immensum quæro: à centro igitur ad circumfluentem Neptu- num pergite: quis quæso hunc veluti furentem mœnibus conclusit? Quis fluere & refluxere ad Luna motum & influentiam docuit? Pa- rum hoc est, succedit aer in quo nubes, nix, grando, in quo tonitru- & fulmen, in quo cometa prænunciu mali, aliq; miranda & obstu- penda non sine vi numinis generantur meteora. Quid multis? In gy- rum suprema pars aeris ab igne accensa vertitur, ignis elemento- rum supremum ab orbe luna ad stadium cæli rapitur, orbem luna orbis Mercurij, hunc orbis Veneris, at Veneris orbem globus solis, globum solis sphaera Martis, sphaeram autē Martis Sphaera Iouis, hanc currus Saturni sequitur. Quid ultra? Infinitis sideribus splē- didè ornatum cælum, quod motu diurno ab ortu ad occasum, retro- grado ab occasu ad ortum, trepidationis à meridie ad septentrionem miraculose volui & agitari cernitur. Adhuc quid ultra? Certè Deus, qui hæc omnia à centro ad calum, à puncto ad immensum & gloriosum hoc corpus in admirabili ordine fecit & collocavit. Nā hæc quid facere, quid sic collocare potest nisi solus Deus? Cuius gloriam enarrant cæli, cuius opera annunciat firmamentū. Psal 19.
Tetrica progenies atheorum cur ratione victi non dicitis, Deus est Psal. 100.
qui fecit nos & non ipsi nos? Cur cælorum ordine perspecto non exclā-

Ad Christianum Lectorem.

Pfal. 32.

Ratio 5.

Lib. 1. de an.
cap. 4. Lib. 3.
cap. 5.

Ratio 6. ex lib.
1. de cælo ca.
9. lib. 12. Meta.

Gen. 28. 12. 13.

Ratio 7. Ex li.
Eth. primo.

exclamatis? Verbo domini cæli firmati sunt, & spiritu oris eius omnis virtus eorum.

Sed hunc ordinem rerum comparatio sequitur, per quam Philosophi quoque inuenerunt Deum. In primo gradu res inanimatas, ut elementa & mixta; in secundo res animatas, ut plantas; in tertio res sensu præditas, ut belluas; in postremo rationis participes ut homines posuerunt. In hominibus vero corpus & animus considerantes, illud à terrâ ortum, hunc verò à Deo proximè diuinitus constitutum esse docuerunt: est enim animus expers corporis, est spiritus expers passionis, est substantia æterna & immortalis: ut ergo natura non sit: dic ergo unde nisi à solo Deo cuius imaginem gerit. Si à solo Deo; est ergo Deus: indignus es igitur animo, indignus vitâ, si spiritus & mente non colas Deum.

Ab animo humano Philosophi ad intelligentias, aliasq; diuinas naturas simpliciter spirituales volant: hæc (ut aiunt) æternam & immutabilem primæ causæ maiestatem intuentes, non sine ineffabili voluptate suas sphaeras in sempiternum mouent: simillimum quiddam hoc est somnio Iacob patriarchæ, qui reclinans caput in lapidem dormiuit, vidit q; in somnis scalam stantem super terram, & cacumen illius tangens cælum, Angelos quoq; ascendentes & descendentes per eam, & dominum innixum scalæ dicentem sibi, Ego sum dominus Deus Abraham patris tui, & Deus Isaac. Lux hæc incredibilis natura fuit quæ veluti per scalam ac ordines spirituum (ne dicam Angelorum) Philosophi ad videndum quodammodo Deum penetrarunt. O utinam cum viderent, ut Deum coluissent: Vis ut hæc duo argumenta pressius conficiam? Animus humanus ex nullâ materiâ constat, à iraduce non fluit, interitum non sentit: ut ergo natura non sit: est ergo proximè à primâ causâ: at primâ causa Deus est: est ergo Deus. Spiritus quoque subsistunt, sed sine corporis mole inceperunt esse: causam ergo essentia habent, quam quæsumus Deum? est ergo Deus.

Ceterum quoniam de animo humano nunc egitur, in quo sunt multa symbola & vestigia Dei, non facessam (ut spero, beneuolo lectori molestiam, si nebulas Atheismi ab animis mortalium argumentis ab ipso animo deductis pellere & fugare coner: & ut pri-

Ad Christianum Lectorem.

primū ab appetitu (quæ est una ex infimis potentijs) exordiar, quis est vel mediocriter versatus in philosophiâ, qui eundem perpetuis quasi facibus accensum, in infinitum ferri non intelligat? Detur Roma Casari, orbem quærit; detur mundus Alexandro, plures petit: nemo contentus suâ sorte viuit, immo quod magis urget, sancti & religiosi viri infinito affectu & appetitu summi boni ardent. Optat Mosès in hac vita videre faciem Dei, multorum vir desideriorum ipse Daniel fuit, heu mihi inquit Dauid quoniam incolatus meus prolongatus est multum, incola fuit anima mea. In via rectè appetendi est nullus finis, in mundo est nulla quies, omnes incola sumus, si nobis singulis cuncta sub cælo pateant, est tamen ulterius quiddam quod appetamus, & quid hoc ulterius obsecro nisi Deus? concludam iterum: est ergo Deus, cuius maiestas in alijs animi potentijs, nempe in mente & voluntate, tanquam in speculis unita & reflexa ad confusionem omnium atheorum & Epicureorum multo conspectius lucet.

Mens (ut omnes definiunt Philosophi) est diuinissima pars animi, in qua ratio, consilium & sapientia sedent: virtutes enim mentis sunt ars, scientia, prudentia, intelligentia ac sapientia, quibus commixta musis veritatem in contemplatione rerum tam humanarum quam diuinarum ad viuum discutit. Veritatem dico, quæ est proprium obiectum mentis: verum cum mens sit infinita & immutabilis naturâ suâ; necesse est ut infinitam veritatem & incommutabilem sibi ultimum obiectum habeat: at veritas in omnibus creatis à rebus incertis mutabilibus pendet: est ergo prima aliqua æterna & incommutabilis veritas, ad quam per medias veritates tendit. At quid est hæc prima veritas? Est certe Deus. Da veniam quæso si hanc conclusionem sæpè ingeminem: est ergo Deus, qui veritas æterna in primâ philosophiâ dicitur.

Huc addo, quod ut mens verum: ita voluntas bonum materiam & obiectum habeat: at verum duplex est, dependens, quo uti; absolutum & simplex, quo frui dicimur. Est ergo bonum medium quod cadit, est etiam ultimum, simplex atq; (ut ita loquar) essenziale, & hoc est Deus. Christum precor, ut Athei nostrorum temporum hoc verum, hoc bonum ardentius mente & voluntate quarant, Deumq; esse credentes religiosè colant.

Ex

Exod. 33. 18.
Dan. 9. 23.
Psal. 119. 5.

Ratio 8. Ex
10. Eth. & 4.
Metaph.

Ratio 9. Ex li.
3. Ethicor.

Ad Christianum Lectorem.

Ratio 10.

Ex his duabus potentijs animi elicitur conscientia, cum quadam scintilla, quam vulgò Synderisim Græci appellare solent: in conscientia lux quadam natura est, quâ flectimur ad bonum; in Synderisim morsus est, quo folles & alimenta gehennæ perpetuò in committendo scelere vulneratur: conscientia natura solius lumine illustrata suadet Deum esse, solumq; id faciendum quod est honestum; cui contrarium cum agant mali, quibus furij dies noctesq; cruciuntur, mortaliū nemo intelligit, nisi ipsi scelerati, qui vermes putridos & mordaces tanquam mille testes atrocium facinorum corruptis conscientijs gerunt. Nōne hæc dilucidè Deum esse probant, qui in mentibus humanis æternum & immotum, discrimen honestorum ac turpium, adeoq; diuini iudicij futuri sensum ac metum naturaliter inseruit, fixit, confirmauit? Gentes (inquit D. Apostolus) quæ legem non habent naturaliter ea quæ legis sunt faciunt: sed unde hoc notum? Sequitur in textu, testimonium reddente illis conscientia: sit ergo hæc ratio: Vis conscientia in malis (quos spina flagitiorum pungunt) in bonis (quos benefactorum memoria consolatur) Deum esse arguit: est ergo Deus, qui si non esset, cur desperaret Nero, qui electos Dei occidit? Cur desperaret Iudas, qui dominum in manus peccatorum tradidit?

Ratio 11.

Miror profectò vel potiùs admiror inconsiderantiam huius ætatis, in qua nunc viuimus: saturitas panis cecitatem peperit & veluti squammas oculis atheorum obduxit, quæ sine tonitru vocis diuina excuti non possunt. Si Deus (inquiunt) sit, contra naturam nutum ostendat dextram & potentiam suam, Cælum & terræ, omniaque in vniuerso theatro mundi sic sunt vt olim ab initio fuerunt, vbi ergo est promissio? Vbi aduentus eius, quem cum grandioribus miraculis & prodigijs idque brevi aduenturum melancholici isti augures tam diu somniarunt? O dementes & dementatos homines, adhuc æternitatem Dei non agnoscitis? An hoc vos latet? Quòd apud eum sit vnus dies sicut mille anni, milleque anni vt vnus dies. Veniet quidem & veniet citò. Sed miracula & prodigia hæc gens requirit. O vtinam visis miraculis hæc gens intelligeret, sciret, prouideret. Christus à Virgine natus est: non hoc miraculum? Cæcis visum, claudis pedem, agrotis sanitatem, mortuis vitam dedit, non hoc miraculosum? Quicquid

de

Ad Christianum Lectorem.

de Christo dicis omnino nō credimus: illumne putemus luto & fæcio sanasse cecum? Galenus non credidit, nec nos credemus. Cæci estis qui non credetis; accedam ergo propius, Stella non diu abhinc & altius & diutius longè quàm Cometa apparuit; non hoc miraculum? Terra & mare contremuerunt simul, idq; in eodem instanti; non hoc miraculosum? Visa sunt sub aquilone per multos annos terribiles flamma & columna, in quo climate mundi rarissime halitus (qui sunt illorum causa) generantur, non hoc prodigiosum? Si naturam hæc omnia fecisse dicatis, causas ostendite; sin miris potestis, cur Deum esse non confitemini? Mihi quidem placet hæc ratio, ultra sortem viresq; natura sunt miracula: est ergo Deus, qui dominus subsistens omnium potentiam natura superat.

Oceanus immensus est rationis, in quo oratio nunc natat mea, Ratio 12. portum & exitum nō inuenio, ubertas enim causa ex sterili fecundum reddit: sed anchora defixa pressius & succinctius agam, vt ad ea quæ restant discutienda veniam. Ades dum Caligula, quo nemo vnquam audaciùs negauit Deum, quo nemo furentius negatum studuit contemnere: Ades dum magne Alexander, qui diutius cum patre tuo Philippo mortalis appellari non vis, sed apud Scythas & etiam apud Græcos Deus. Ad strepitum cadentis folij ne perhorrescas Caligula, & eris mihi magnus Apollo: fac tale cælum, terram, & mundum (magne Alexander) & dicam te deum esse. Quid? Non possunt hæc facere Imperatores mundi, qui cælum & terram subiecta habent. Cur igitur crystam attollimus? immo cur Christum deum esse & creatorem omnium non confitemur? Cur inquam vt Deum & seruatorem non veneramur? Cur queris? Lucifer superbus à cælo princeps in orcum cecidit, superbia sola in animis mortaliū lepram peccati & atheismi genuit.

Nō dicā plura, dicam tamen hoc vnū, est diabolus Iuliane, quem ab inferis euocatū à tuis magicis timuisti: est ergo Deus (qui Sauli & tibi hoc malū prohibet) quem timeres: est ergo (iterum atq; iterum dicam) est ergo Deus. Is enim verissime esse dicitur qui neq; post non esse suum esse, neq; post suum esse non esse habet: quæ ratio (vt ita loquar) essendi in nullā parte natura, neq; in tota natura cernitur: Hic Deū (vt vides) esse ex creatorum globo & veluti ex libro natura multis modis & argumentis tibi demonstra-

gg

tur:

Anno 1572 &

1573.

Suetonius in Calig. Cap. 51.

Diui Ambrosii postulatio.

Ratio 13. ex historia eccle.

D. August.

Ad Christianum Lectorem.

Heb. 11.

tur: crede nunc Deum esse, si sapias, & in illum crede; nam accedentem ad Deum oportet credere, & quando accesseris oportet recte vivere: fac saepe comparationem ab effectis ad causam, ab opere ad artificem, à teipso ad creatorem tuum: sic quidem ex essentia rerum Deum esse, ex numero unum, ex perpetuitate aeternum, ex magnitudine infinitum, ex ordine sapientem & providentem, ex gubernatione ultra quam cogitari potest bonum intelliges; illum igitur ama & time.

Deus vnus & trinus esse probatur.

Ratio cur ratione mysteria probantur.

Ratio 1.

Lib. 3. de Ani.

D. August. de fide.

Psa. 66. 7.

Ratio 2.

Veruntamen quoniam non est satis Deum credere unum, aeternum, infinitum, incommutabilem esse, nisi etiam trinum & unum ubique per se subsistere tibi persuaideas: operis precium erit natura filios contumaces & incredulos (qui fidei lumine non illustrantur) verberibus philosophia ad hoc mysterium concipiendum allectare: hoc dico non quod non existimem naturam, rationem, philosophiam, omnemque sapientiam humanam in hoc mysterio trinitatis hebescere & cecutire (Deus enim verius mente cogitatur quam ratione discitur): sed quia hoc seculo multi sunt, qui nihil credunt nisi quod rationis chirographo sit ratum, impressum & ob signatum.

Constat superius imaginem ac similitudinem dei maxime in animo hominis emergere & eminere; videamus nunc ergo an vllum quoque in eo vestigium trinitatis luceat. Magnus ille Philosophus Aristoteles hoc unum pulchre ac sapienter docet, nimirum intelligibile & intellectum idem omnino esse, cum mens in se reflexa seipsam intelligit: sic (si opus cum creatore liceat conferre) Deus ab aeterno seipsum intelligens filium coaeternum genuit, qui vnus & idem in essentia est, quamuis personam differat; nam Trinitas ad personam refertur, vnitas ad naturam: non est ergo Deus sterilis, non est infecundus; filium enim ab aeterno habet: verum ergo est quod Propheta ait, Ego qui generationem alijs tribuo ipse sterilis ero? Quasi diceret non sum, quia filium dilectum habeo: ut ergo vnitas aliunde non est, & tamen de se unitatem gignit: ita Deus pater ab ente nullo est, & tamen seipsum intelligens alterum se non aliud (ut ita loquar cum Augustino) generat.

Da veniam ut pergam in simili, sicut idem ergo est intellectus & id quod intelligitur, cum intellectus se ipsum intelligat; ita non video quin idem sit intellectus, & id quod diligitur, cum intellectus seipsum

Ad Christianum Lectorem.

sum diligit: nam idem tu est qui diligit & qui diligitur. Hac si vera sint, dic mihi, an non quodammodo in speculo natura videas essentialē (ut ita loquar) amorē, quo se pater & filius in sempiterno diligunt, eundem Deum esse? hic enim amor non est accidens, quippe nullū in Deo est: est ergo ipse Deus. Concludo igitur Deū sic vnum & trinum esse, ut neque trinitas unitatis simplicitate, neque vnitas trinitatis mysteriū tollat.

Sed magis urgeo, vides in animo tuo tres primas potētiās, nempe Ratio 3. memoriā, intellectū & voluntatē? video. Dic serio num sunt haec tres distincta potētia animi? Sunt. At tres istae potētia vnita sunt vnus animus. Fateor. Age ergo & attende quomodo hinc luceat beatissima trinitatis imago. Expedias id velim. Sic igitur comparo, ut tres potētia animae non sunt confusa sed distincta, ita quidem sunt tres personae trinitatis: sed haec tres potētia sunt vnus animus: ergo haec tres personae sunt vnus Deus. Pernoſce ergo teipsum, Deumque trinum & unum noueris, ad cuius similitudinem factus & creatus eras.

Quid plura? Theatrum vniuersitatis rerum ponamus ob oculos, quicquid est vspiciam perlustremus, certum est rem quamlibet praesferre quodammodo imaginem trinitatis: quaecumque enim arte diuina facta sunt, unitatem quandam in se ostendunt, speciem, & ordinem: ex unitate essentiae patrē: ex specie filiū, qui est imago patris: ex ordine & ornatu spiritum (qui suā providentiā suauiter disponit omnia) recte intelligas. Aahuc non credis Olympi pessime Ariane beatam trinitatem esse? equidem non miror, te in conspectu multorum tribus ignitis punctis in unum veluti contractis, calutisq; demissis consumptum fuisse: qui in balneis lauans coram multis ausus eras deum trinum & unum conuiſis & blasphemis incessere: dignus profecto fuisti hac & multo grauiori penā, qui magistri tui Arius. (qui propter blasphemiam in trinitatem sua viscera effudit) exitum & tormentū non perhorrueris. Caueat Trinitarij nostrorū temporū, qui (perhorresco dicere) qui inquā hoc ineffabile Trinitatis mysterium Cerbero tricipiti illi cani Inferno assimulant. O quanta est ista cecitas? Quāta ingratitude hominis, qui in se & omni opere natura expressa triadis ideā videt, & tamē eādē audet verbis cōſcindere?

Otiōse ignoras penitus naturam rerum: nam si scires, cur tot exemplis victus non credis? Responde: non nosti ternarium esse unum numerum? Si concedas, quid obstat quo minus con-

Ratio 5. ab inductione exemplorum,

Ad Christianum Lectorem.

cludam aliquid esse & trinum & unum? Ex hoc ergo si placet imaginem trinitatis disce. Tres annulos saepe in unum arte compactos digito gloriose gestas, si disiungas tres sunt, at si componas unus. En te gemmarius Trinitatem docet. In sole essentiam, splendorem & calorem vides; cur ergo patrem, qui est ens entium? Cur filium, qui est splendor patris? Cur spiritum, qui est calor & amor utriusque, negas? Ignis in se tria habet, flammam, lucem & feruorem: diuide si potes Ariane ignem, & tunc demum diuide trinitatem; sed quoniam non potes, veni mecum, ascendamus ad montes & fontes sacros veritatis; Clamemus cum seraphim apud Prophetam: Sanctus, sanctus, sanctus in honorem trinitatis, addamus etiam & hoc, Dominus Deus Sabaoth, ad confessionem diuinae unitatis. Cantemus alta voce cum Davide Benedicat nos Deus Deus noster, benedicat nos Deus, ter deum nominando: adiungamus quoque & illud, ut metuant eum omnes fines terrae unitatem agnoscendo. Quid istas frater? Progrediamur simul, & si forte cum Abrahamo aut Loto videamus tres vel duos, unum tamen solum adoremus, cumque unum & trinum (quamuis indigni sumus) in tectum nostrum inuitemus. Ter enim beatus erit, qui trinitatem hospitem sub suo tecto capit.

Ex his nunc perspicui potest quod deus sit, idemque trinus & unus, nondum autem hoc satis est, nisi probemus Deum ex nihilo creasse mundum, post lapsum à Paradiso expulisse hominem, promisisse Christum, edificasse ecclesiam, reges ac respublicas instituisse, religionem denique ut perpetuam vitae normam & nobis & patribus commendasse, hac inquam omnia verbo expediam.

Quid vis diuine Plato, qui Deum exemplar, & materiam tria principia mundi posuisti? an Deum artificem? An creatorem putas? Si artificem, opus est materia; si creatorem, Ideis tuis conceptis quid opus habet? Fateris cum tuo discipulo Deum esse infinita Potentia: potest ergo ex nihilo creare mundum: at posse & velle in Deo idem sunt: ergo si potest quod concedis, voluit quod non negares. Veruntamen ut ex influentia solis multa fiunt interim nulla in ipso sole contingat mutatio; ita omnia in mundo diuinâ potentia ac voluntate creantur: & tamen in Deo (qui est author & principium omnium) nulla Species mutationis cernitur. Si queras hic qua causa mundo, Respondeo iterum solam voluntatem Dei, qui ab aeterno

infinitè

Ad Christianum Lectorem.

infinitè bonus te felicitatis heredem ac possessorem voluit; infinitè enim in se subsistens bonus suum bonum (quod nec minui nec augeri potest) ad suam ipsius gloriam communicari statuit. Quid moror? totum mundum ex nihilo creauit, vide potentiam; tibi creatum omniaque in eo facta subiecit, vide amorem; nec te, nec mundo indiguit, & tamen utrumque finxit, vide immensam bonitatem.

Hoc fecit (Adam) ut summum bonum intelligeres, intelligendo amares, amando possideres: sea heu nobis posteris lapsus es, fugisti; à Deo vocatus es, erubisti; expulsus à paradiso, & te & nos in puluerem (unde sumus nati) pertraxisti. Sed quod remedium? Certè semen mulieris quod caput serpentis conterit. Quid est hoc semen mulieris? Christus. At is Deus est ut ante docuisti. Quid nunc? An hoc conuenit ut Deus homo fieret? Conuenit. Dic causam. Vt Deo patri pro peccatis mortalium satisfaceret. Cur Angelus, aut homo hoc opus non praestitit? Quia infinitum peccatum infinitum sacrificium postulat; Homo finitus est qui peccauit, cur ergo peccatum infinitum fuisse asseris? Homo quidem natura finitus, sed voluntate peccandi in infinitum rapitur: tam ergo respectu voluntatis, unde fluit; quam respectu diuinae maiestatis, in quam committitur peccatum, existens infinitum hostiam infinitam postulauit: non potuit ergo homo, non potuit Angelus, sed solus Christus, qui Deus & homo existit, pro peccatis hominum satisfacere. Sed festino ad ea quae sequuntur.

Hic Christus, hic Agnus Dei ab initio mundi occisus suo sanguine fundauit Ecclesiam, in qua elegit cohabitare cum filiis hominum, huius ecclesiae columina & patronos Reges & Caesares interra constituit: ait enim per Prophetam, Erunt Reges nutrices tui, & reginae nutrices tuæ. Audite Reges, audite Principes, Rex regum & dominus dominantium, qui vos creauit, vobis suam sponsam manu tuendam, mammis lactandam dedit: & sane sic fieri decessit, nam vos estis dii terræ, in vobis lucet imago Dei: Rex enim personam Dei & ciuitatis gerit. Quorsum hac? Quorsum quæris? Hoc unum à te quero; credisne Deum esse? Probasti, credo. Sed hoc non est satis; credisne eundem trinum & unum esse? Id quoque probasti, credo. Cum sit potestate infinitus idem Deus, mundum & hominem ex nihilo creasse credis? Non nego. At homo ingratus fuit, lapsus

Christus.
Genes. 3.
Ratio cur
Christus
venit.

Ecclesia.

Psal. 81.

est,

Ad Christianum Lectorem.

Esa. 49.

Religio.

est, Christum venturum promisit Deus, an etiam hac credis? quid nunc? Hic Christus nunc venit, sanguinem fudit, precium persoluit, civitatem Dei struxit, Reges ac principes in eam ut nutrices & nutrices constituit. Hec omnia concedo: dic quid velis? Dicam; si hac sint vera cur caste & religiose non vivis? Cur rectas semitas virtutis non sequeris? Cur Machiaveli omniumque pseudopoliticorum Idola non execraris? Civitatem Dei decet sanctitudo vitae non astutia, religio non turpitudine, pietas, quae est vera sapientia, non hypocrisis, quae est insidiosa malitia, & inescatio hominum. Pulchre tu quidem, quasi verò Aristoteles tuus (in quem nunc scribis) unquam de religione somnauerit. Non somnauit certe, sed eam oppido vigilans persuasit: quippe nullam rempublicam sine virtute, nullam politiam sine iustitia, nullam civitatem sine religione constare posse, ubique in his politicorum libris demonstravit. Liquido quidem constabunt hac tibi, si proximum caput legere non graueris. Mihi sane nunquam persuadebis Philosophum ad hanc (de qua nunc agis) religionem in his libris de republica nos adhortari. Id non contendo, scio equidem ignorasse. Veruntamen ut erubescas & dico & affirmo Philosophum Deum agnovisse, adeoque assenerasse non sine Deo, non sine virtute, non sine cultu Dei, hoc est non sine religione civitates aut constare diu aut administrari posse.

Age utrumque, urges, certum est religione & pietate respub. & imperii plurimum enervari. Blaspheme qui id doces? Vide Iudaorum sceptrum, a quo Christus venit; vide Romanorum Imperium, a quo Christi religio in urbem repulsa: nonne illud in pulvere, nonne hoc elumbe & sine nervis vides? Insanis profecto si id religioni attribuis, quod scelere & impietati hominum attribuendum vides: non enim religio Christi, sed Christi proditio Iudaorum gloriam: non religio sed supersticiosa ambitio Romanorum imperium sustulit: hoc olim (quod obijcis) vanissime obiecerunt Pagani, sed Orosius venerabilis ille sacerdos 7 libros egregie in istos scripsit, in quibus Imperium civile religione firmitus muniri, quam vlla ex parte labefactari probat: si enim Deus & reges & regna dedit, quid magis reges & regna decet quam religio, quae est cultus & adoratio Dei?

Exempla in hac re desiderari non possunt, historias sacras & prophanas legite, toties populus Dei miraculose vicit, quoties serio religionem

Ad Christianum Lectorem.

religionem coluit: ab ea quoties defecit, toties ut pulvis ac stipula coram hoste fugit. Graci (ut constat) augustum diu tenuerunt imperium, at contempta religione in vallum suorum phantasmatum precipitanter lapsi, velumque Tartarea ignorantia non sine iactura imperij sub Turcica tyrannide & olim diu senserunt, & nunc (proh dolor) sentiunt. Sed ut propius accedam: In Anglia Beda lib. 3. hist. cap. 1. successores Aduini nempe Osricus & Eanfridus statim postquam a luce Evangelij ad pristinam Idololatriam defecerunt, sperantes se eo modo & persecutionem posse effugere, & incolumitatem regni posse tueri, regnum simul & vitam amiserunt: regnum ergo sine religione est corpus sine anima, est enim lex regum pia religio, cuius cultores nec vult, nec potest Deus relinquere. Valeant igitur & facessant longè Machiaveliani, valeant Athei, Conclutio, magi & magici nostrorum temporum, qui in Deum, in Christum, in religionem tanquam in pestes civitatis submurmurant: sentient, sentient (inquam) illi tandem Gygis anulum fallacem esse, & Respublicas sine Deo, sine Christo, sine religione manere non posse: est enim civitas tanquam sphaera, cuius immobile centrum iustitia, cuius linea recta vitae actiones, cuius circumferentia sine principio, medio & fine Deus: hinc nomen meo nunc demum libro impono, Sphaeramque reipublicae ac civitatis appello; Ratio nominis huius libri, quippe in eo Philosophum sequutus, omnia ad centrum Iustitiae, ad lineas honestae vitae, ad circumferentiam divinae providentiae (quae mundi globum ad arbitrium vertit) omnino referenda volo. Si moveatur hoc centrum, si incurvantur lineae, si extra circulum viuantur in urbe, civitate, imperio; mortem, ruinam, miseriam videas: nam tolle iustitiam, quae vita? tolle virtutem, quae anchora? Deum tolle, quae beatitudo civitatis manet? Iterum ergo dico, valeant Machiaveli Tragica comedia, in quibus actores sine Deo vivunt, in quibus spectatores a centro iustitiae ad fraudem, a linea virtutis ad licentiam vitae, a gyro divinae providentiae in malorum abyssum, a cultu Dei & religione in Christi contemptum vel potius odium pertrahuntur.

Sed dices, hic annus mundi climactericus est, infestam sidera minitantur malum, vulpes & vultures ubique sunt, qui fraude non fide, gladio non religione, vi non lenitate aut prece vincunt ac su-

Coperus in
Thesauro.

Periculosum
est Machiavelium legere.

Ad Christianum Lectorem.

perari debent. Quid audio? Climaſtericus hic annus mūdi eſt. Vnde id noſti? Olim Sybilla docuit. Quid docuit Sybilla? Audies ut Leo-
nitius refert. Eloquere.

Poſt mille expletos à partu Virginis annos,
Et poſt quingentos rurfus ab orbe datos,
Oſtogeſimus oſtauus mirabilis annus
Ingruet, is tecum triſtia fata feret. *Perge.*

Si non hoc anno totus malus occidet orbis,
Si non in nihilum terra fretumque ruent:
Cuncta tamen mundi ſurſum ibunt atque retrorſum
Imperia, & luētus vndique grandis erit.

In proœmio.

Iſa. 47. 13.

Quid hinc inferis? Quid concludis? An ideo nos tanquam Cambales ſine fide & religione viuere contendis? Immo ſi hac fata ominantur ſidera, cur ſanctius non viueres? (ur deum magis non timeres? Sed dic mihi, quē noſti hac vera eſſe? An omnia Sybille folia, Merlini ſomnia, Chauceri de rebus futuris carmina, pro oraculis tibi habentur? Audi ergo veriorē prophetā. Defeciſti in multitudine conſiliorum tuorum, ſtent & ſaluent te Augures cœli, qui contempla-
bantur ſidera, & ſupputabant meſes, ut ex eis nuntiarent tibi. Quid ultra? Quid ultra queris? Suadeo ne ſis nimis credulus quod eſt temeritatis, ſuadeo etiam ne nimis ſecurus & ſupinus in laqueos incidas. At quē caueam cum totus mundus prauus ſit & in maligno poſitus? Audi,

Sebaſtianus
Brant. cap. de
contemptu
æternorum
gaudiorum.

Transibit Mundus, tranſibunt gaudia mundi,
Transibit pariter quicquid in orbe viret.
Urgeſ tu quidem, ſed ubiq; ſunt aſtuti & inſidioſi homines,
Cernimus & tales hominum ſine fide ruinas,
Cernimus occaſus, cernimus exitia.

1. Reg. 5. 4.

Suaſiſti penitus. Quid reſtat? Id ſolū qd diximus, ut credamus Deū eſſe, & viuamus pie: ſi hac fecerimus omnia Epicureorū & atheorū Idola, ut Dagon corā archa cadent: nam ut luce ſolis nubes, ita vir-
tutis radijs denſe atheiſmi tenebra diſſipantur. Vides (Chriſtiane lector) fundamentum quod ieci Ethnici politica expoſiturus, hoc ti-
bi perſuaſum velim quod ille voluit nimirum Deum eſſe, adeoq; ſi-
ne religione ciuitatem nec eſſe nec diu florere poſſe. Super eſt nunc
ſanaem ut breuiſſimē dicam rationem huius interpretationis mea.

Pri.

Ad Chriſtianum Lectorem.

Primum quidem librorum omnium omnia capita & in eis ſingula ar-
gumenta Ariſtotelem authorem ſecutus, more dialecticorum re-
ſeraui. Dialecticorum more dico, ut ſtudioſus lector artem rationis
neceſſariam ad omnem ſcientiā eſſe intelligat, nec non eiſdem uſū
& fructum ſimul percipiat: ſi plura me argumenta quā quæ in tex-
tu ſunt, aliquando intruiſſe viderit, idipſum Interpretibus quos ſe-
quor acceptum feret. Interpretes autē quos ſequor nominatim ſunt,
Ithomas. Donatus, Verſor, Borrens inter veteres: Viſtorius, Sepul-
veda, Freigius, Oſyrus, Regius, aliq; tū Galli tum Itali inter neote-
ricos & recentes. In expoſendo textu tria propoſui, argumentorum
ſeriem in qua ordo, quæſtionē in quā lis & diſtinctio, dubium in quo
quæ adam lectoris recreatio ineſt. Recreationis autem cauſa in quo-
uis ſerē capite dubia perpolui, ne ſtudentium animi longiore expoſi-
tionis penſo trahendo fatigari, nullo ingenij ſale ad nouum exciten-
tur eorum, quæ ſequuntur, ſtadium. Libri oſto ſunt, ſeges eorū am-
pla, legendi meſſis fructuoſa. In primo libro ciuitatis partes, in ſecun-
do Philoſophorum de ciuitate lites, in tertio ſpecies, in quarto magi-
ſtratus & honores, in quinto conſeruationis & euerſionis cauſas, in
ſexto gubernandi modos & leges, in ſeptimo diuina reipublica formas
& ideas, in ultimo vires muſicæ, ciuiumq; mores cum Ariſtotele
deſcribo. Labores quos in his libris ſumpſi, & eorum partem (ut
ſpero) non abortiuum tibi ſolū commendo, te autem deo. Plura eti-
am polliceor ſi anguſtia mearum rerum & infirma valetudo (quæ
nunc potius ad ſepulchrum quā ad prælium tendit) patiantur: quip-
pè nihil ſanè in votis & optatis magis habeo quā aurea Egypti-
orum ſpolia, hoc eſt Philoſophorum opera in terram ſanctam defer-
re, deoq; & tibi conſecrare. Abſurdum enim non eſt ſi abſciſſis un-
guibus & crinibus Cananita cum ſanctis, filia cum matre, ancilla
cum domina, Philoſophia humana cum diuinā permittatur viuere
& florere.

Vale in Chriſto. Anno ſalutis 1588. menſis Maij die 11.

Ad Christianum Lectorem.

perari debent. Quid audio? Climaſtericus hic annus mūdi eſt. Vnde id noſti? Olim Sybilla docuit. Quid docuit Sybilla? Audies ut Leonitus refert. Eloquere.

Post mille expletos à partu Virginis annos,
Et poſt quingentos rursus ab orbe datos,
Oſtogeſimus oſtauus mirabilis annus
Ingruet, is tecum triſtia fata feret. *Perge.*

Si non hoc anno totus malus occidet orbis,
Si non in nihilum terra fretumque ruent:
Cuncta tamen mundi ſurſum ibunt atque retrorſum
Imperia, & luſtus vndique grandis erit.

In proœmio.

Iſa. 47. 13.

Sebaſtianus
Brant. cap. de
contemptu
æternorum
gaudiorum.

Quid hinc inferſ? Quid concludis? An ideo nos tanquam Cambales ſine fide & religione viuere contendis? Immo ſi hæc fata ominantur ſidera, cur ſanctius non viueres? (ur deum magis non timeres? Sed dic mihi, qui noſti hæc vera eſſe? An omnia Sybillæ folia, Merlini ſomnia, Chauceri de rebus futuris carmina, pro oraculis tibi habentur? Audi ergo veriore prophetam. Defeciſti in multitudine conſiliorum tuorum, ſtent & ſaluent te Augures cœli, qui contempla- bantur ſidera, & ſupputabant meſes, ut ex eis nuntiarent tibi. Quid ultra? Quid ultra queris? Suadeo ne ſis nimis credulus quod eſt temeritatis, ſuadeo etiam ne nimis ſecurus & ſupinus in laqueos incidas. At qui caueam cum totus mundus prauus ſit & in maligno poſitus? Audi,

Transibit Mundus, tranſibunt gaudia mundi,
Transibit pariter quicquid in orbe virer.
Urgeſ tu quidem, ſed ubiq; ſunt aſtuti & inſidioſi homines,
Cernimus & tales hominum ſine fide ruinas,
Cernimus occaſus, cernimus exitia.

1. Reg. 5 4.

Suaſiſti penitus. Quid reſtat? Id ſolū qd diximus, ut credamus Deū eſſe, & viuamus piè: ſi hæc fecerimus omnia Epicureorū & atheorū Idola, ut Dagon corā archa cadent: nam ut luce ſolis nubes, ita vir- tutis radijs denſæ atheiſmi tenebra diſſipantur. Vides (Chriſtiane lector) fundamentum quæd iſci Ethnici politica expoſiturus, hoc ti- bi perſuaſum velim quod ille voluit nimirum Deum eſſe, adeoq; ſi- ne religione ciuitatem nec eſſe nec diu florere poſſe. Super eſt nunc tandem ut breuiſſime dicam rationem huius interpretationis meæ.

Pri.

Ad Christianum Lectorem.

Primum quidem librorum omnium omnia capita & in eis ſingula ar- gumenta Ariſtotelem authorem ſecutus, more dialecticorum re- ſerui. Dialecticorum more dico, ut ſtudioſus lector artem rationis neceſſariam ad omnem ſcientiā eſſe intelligat, nec non eiſdem uſū & fructum ſimul percipiat: ſi plura me argumenta quā qua in tex- tu ſunt, aliquando intrinſiſſe viderit, idipſum Interpretibus quos ſe- quor acceptum feret. Interpretes autē quos ſequor nominatim ſunt, Thomas. Donatus, Verſor, Borrens inter veteres: Viſtorius, Sepul- neda, Freigius, Oſyrus, Regius, aliq; in Galli tum Itali inter neote- ricos & recentes. In expoſendo textu tria propoſui, argumentorum ſeriem in qua ordo, quæſtionē in quā liſ & diſtinctio, dubium in quo quædam lectoris recreatio ineſt. Recreationis autem cauſa in quo- uis ſerē capite dubia perpolui, ne ſtudentium animi longiore expoſi- tionis penſo trahendo fatigari, nullo ingenij ſale ad nouum excitentur eorum, quæ ſequuntur, ſtudium. Libri oſto ſunt, ſeges eorū am- pla, legendi meſſis fructuoſa. In primo libro ciuitatis partes, in ſecun- do Philoſophorum de ciuitate lites, in tertio ſpecies, in quarto magi- ſtratus & honores, in quinto conſeruatiōis & euerſiōis cauſas, in ſexto gubernandi modos & leges, in ſeptimo diuina reipublica formas & ideas, in ultimo vires muſicæ ciuiumq; mores cum Ariſtotele deſcribo. Labores quos in his libris ſumpſi, & eorum partem (ut ſpero) non abortiuum tibi ſolū commendo, te autem deo. Plura eti- am polliceor ſi anguſtia mearum rerum & infirma valetudo (quæ nunc potius ad ſepulchrum quā ad prælium tendit) patiantur: quip- pè nihil ſanè in votis & optatis magis habeo quā aurea Egypti- orum ſpolia, hoc eſt Philoſophorum opera in terram ſanctam defer- re, deoq; & tibi conſecrare. Abſurdum enim non eſt ſi abſciſſis un- guibus & crinibus Cananita cum ſanctis, filia cum matre, ancilla cum domina, Philoſophia humana cum diuinā permittatur viuere & florere.

Vale in Chriſto. Anno ſalutis 1588. menſis Maij die 11.

FRANCISCVS WILLIS

Vicecancellarius Oxon.

QVIS verum neget augurium mirabilis anni?
Aurea iam redijt post ferrea secula proles.
Calicolæ liquere polum, terraque locantur.
Infima supremis concertant sidera signis.
Vna Deos eademque herodas sphæra pandit.
Virgo tenet solium, virgo tenet inclita centrum.
Vtraque complexu virtutem continet omnem.
Altera vt Astræa est, sic altera ad astra feretur.

LAVRENTIVS HUMFREDVS.

NON petis à nobis versus Casæ modusue,
Recte: non possum scribere, sebricitans.
Num pumex vndas fundet? Num carduus vuas?
Nosti sebriculam somnia vana dare.
O Deus affideas clauo sphæramque gubernes,
Atque tuâ dextrâ publica quæque regas:
Floreat vt regnum, res publica tota beetur,
Vt sanctum ac sacrum sit politeuma Dei.

EDOARDVS CRADOCVS.

CASE precor, pergas, & plura volumina scribas:
Inuideant alij: gloria iusta tua est.
Ne dubita, dabitur tibi iusta aliquando corona,
Posteritasq; tuum grata reuoluet opus.

EDMUNDVS LYLIVS.

LEX, natura, deus, ratio, virtus, decor, vsus,
Vtilitas, pax, ordo, salus, solamen, honestas;
Suadet, alit, firmat, iubet, auget, conficit, vrget,
Iungit, init, decorat, retinet, conglutinat, ornat;
Iura, vrbes, ciues, socios, fora, fœdera, leges,
Regna, tribus, classes, thalamos, commercia, cœtus.
Orbis in vrbe micat; quid multa? hanc aspice sphæram,
(Aspexi) inuenies quicquid tibi dulce putatur.

MARTINVS HETON.

QUOD lux obscuris, dumetis semita, clauis
Occlusis, riuus fontibus esse solent:

Illud

Illud Aristoteli, tua commentaria, Casæ,
Præstant, ingenij dexteritate tui.

MAT. GWINNE almae Academiæ Procurator.

MOSE S Hebraicè scribens Deus, & Plato Moses
More loquens Græco, Plato Tullius ore Latino,
Iura ferunt, Moses, Plato, Tullius, optima iura.
Religione Casus Mosen, grauitate Platonem,
Eloquio sequitur Ciceronem: ciuica iura
Dictat Aristoteles, qui vincit in omnibus omnes,
Semet in hoc; parilis methodo, grauitate, lepore,
Proprietate thori melior, sobolisque, rei;
Omissâ pietate minor Stagiritæ Platone.
Vicerunt libros tabulæ ter quattuor omnes,
Has tabulas tabulæ binæ bis quinque iubendo,
Omne ferat punctum, tabulas qui iungat vtrasque.

J. PRIME IN J. C. SPHÆRAM disticon.

NON caret effectus prædictio temporis huius:
Annus enim SPHÆRAM protulit iste nouam.
EIVSDEM.

Noscere caelestes vt sit satis utile sphæras,
Utilis at Casi ciuica sphæra magis.

J. O. H. LYLII ad Aulicos decastringon.

POLITICVS fieri vult Aulicus, Aulice fies,
Sed tamen vt fias Aulice quid facies?
Ibit in extremum feruens labor ocyûs orbem?
Crede mihi, longa est hæc via, vita brevis.
Præteriti euolues tot mille volumina fœli?
Non regnum ranti vel vagus orbis erit.
Casus vbiq; valet, cecinit sic Naso: sed audi,
Non casu vtendum est, vt ere quæso Casus.
Consilium, ingenium, & quicquid regum micat aulis
Ex Casu hoc certum est emicuisse casa.

NICOLAUS MORICIVS.

VRBIS sphæra voluta tua molimine dextra
Crede mihi, æthereos fundit ab axe sonos.
His tamen abiectis sphæris quas voluis in umbrâ,
Vrbis cælestis volue reuolue globum.

DOC.

DOCTISSIMO ATQUE
HUMANISSIMO VIRO

IOHANNI CASO S.

QUISTE, CASE, debet putabit orbem,
Tribus filiis patrem beatum?
Cui primum LOGICE puella nata est,
Præstans iudicio, sagax, pudica,
Et verè ingenij puella magni.
Excepit Soboles virilis illam
MORALIS, referens magis parentem,
Iustus, magnanimusq, liberalis,
Temperansq, sibi, omniumq, clarus,
Virtutum cumulo decentiore.
En, nouissimus exijt Polites,
Diuinus, iuuenis, (scienq, rerum,
Natusq, imperijs præesse magnis,
Cui mores hominum urbiumq, noti:
Omnes ingenio tuo creati,
Ut nata est cerebro Iouis Minerva.
Omnes nobilitant patrem, seniq,
Annos restituent, moriq, famâ
Vetabunt solidâ, potente, longâ.
O te filiis tribus beatum!

GVLIELMVS
GAGERVS.

GVLIELMI PADDY
MEDICINÆ STUDIOSI
Carmen.

ARTIS Aristoteles moriens tibi credidit omne
Arcanum innumeris CASE voluminibus.
Defuncto officium, patriæ ter gratus amorem
Soluisti, trinos parturiendo libros.
Infractâ quantos vicisti mente labores,
Insigne hoc præstat sedulitatis opus.
FINIS.

QUESTIONES ET DVBIA QUÆ IN
octo libris Politicorum continentur.

IN PRIMO LIBRO.

Vlla sit efficax & vera politia sine virtute? pag. 1.
Ciuitas sit obiectum politicæ scientiæ? pag. 8.
Ciuitas præstantissimi boni causâ sit instituta? ibidem.
Despoticus, æconomicus, politicus, & basilicus specie & naturâ
differant? ibidem.
Societates naturales, ex quibus coalescit ciuitas, rectè distin-
guantur? ibidem.
Ciuitas sit à natura? pag. 19.
Homo sit animal politicum aut ciuile à natura? ibidem.
Solitaria vita sit toleranda in ciuitate? ibidem.
Ciuitas sit domo prior? ibidem.
Domus solum ex trina societate, herili, nuptiali & paterna con-
stet? pag. 28.
Possessio rerum à nobis partarum, aut à maioribus relictarum, sit
pars familiæ? ibidem.
Seruus rectè definiatur, & an sit à naturâ? ibidem.
Liceat fæminis imperare? pag. 43.
An Præter seruum à natura sit seruus lege? ibidem.
Capti bello sint verè serui? ibidem.
Nobilitas sit à naturâ? ibidem.
Vlla sit amicitia domini cum seruo? ibidem.
Ratio acquirendi pecuniam sit re eadem cum arte administrandi
familiam? pag. 53.
Ratio acquirendi pecuniam sit pars domus vel ministra? Et si sit,
vtrum instrumentum vel materiam præbeat? ibidem.
Ratio quærendi victum sit à natura? ibidem.
Ad hominis vsum omnia fiant? ibidem.
Commutatio rerum sit naturalis & licita in republica? pag. 64.
Indigentia sit causa commutationis? ibidem.
Multitudo pecuniarum sint veræ diuitiæ ciuitatis? ibidem.
Pecunia sit necessaria ad commutationem? ibidem.
Medicina sit pars æconomiz? pag. 75.
Vsura sit licita aut toleranda in ciuitate? ibidem.
Vxor, filius & seruus eodè modo regi & gubernari debeant? pag. 84.
Sit eadem parentis & imperantis virtus? ibidem.

DVBIA.

An animus corpori imperio herili? & pag. 42.
An mens appetitui imperio ciuili præsit? ibidem.
An ex bonis boni naturâ generentur? pag. 42.
An bellum in feras & barbaros sit legitimû & naturale? pag. 63.
Vtrum licitè in infinitum expectantur diuitiæ? pag. 74.
Vtrum

Vtrum liceat cum Thaleseres vili emere vt easdem statim vendamus carius? pag. 83.
An maximum decus fæminæ sit silentium? pag. 91.

IN LIBRO SECUNDO.

VNITAS in communitate omnium magis dissoluatur quàm conseruet ciuitatem? pag. 93.
Magistratus debeat esse perpetuus? ibidem.
Vxores & liberi debeant esse communes? pag. 103.
Nuptialis coniunctio viri & fæminæ, adeoque distincta cura habenda sobolis sit ex iure naturali? ibidem.
Rerum ac possessionum communitas sit legitima? pag. 117.
Definitus numerus ciuium præscribi debeat? pag. 126.
Æquatio bonorum sit toleranda? ibidem.
In rectè administrata ciuitate cuique liceat prout vult ac potest diuitias accumulare? pag. 135.
Liceat ciuitas hæreditates vendere? ibidem.
Res militaris pacis tempore exerceri debeat? ibidem.
Sacra Deo offerentibus partem reipub. possidere liceat? pag. 147.
An Iniuria, damnum, cædes tantum sub iudicium cadant? ibidem.
In bene administrata ciuitate summum debeat esse tribunal ad quod appellatio fiat? ibidem.
Filij in bello occumbentium pro patria publicis sumptibus alimententur? ibidem.
Meliore lege inuentâ prior sit abroganda? ibidem.
Serui indulgentius vel asperius in ciuitate tractari debeant? pag. 162.
Tutius diuites quàm pauperes in magistratum eligantur? ibidem.
Ad reddendâ officij rationem impelli debeat magistratus? ibidem.
Aliquis cogi possit ad magistratum? ibidem.
Nullâ lege datâ contingat offendere? pag. 173.
Liceat sponte susceptum deferere magistratum? ibidem.
Dissentientibus principibus viris ciuitatis, litis populo dijudicandæ plena potestas detur? pag. 180.
Liceat vni plures vnâ sustinere magistratus? ibidem.
Innocens falsò accusatus iustè aliquâdo condènnari possit? pag. 189.

DVBIA.

AN vnitas ordinis conseruet ciuitatem? pag. 100.
An multiplicatio vxorum politicè sit approbanda? pag. 115.
An armorum possessio seruis interdicienda sit ne communitati studeant? pag. 124.
An fæminæ bellum vnâ cuni viris gerere debeant? pag. 133.
An opifices sint ciues? pag. 145.
An melius sit viuâ voce quàm scriptâ tabulâ iudicem in foro sententiam ferre? pag. 160.
An conuiuia publica celebrari debeant in ciuitate? pag. 171.
An liceat populo impedire magistratum quò minùs in iudicio sententiam ferat? pag. 178.
An

An liceat magistratum emere? pag. 193.
An ebrius flagitium committens grauiore pænâ sit affligendus, quàm si sobrius commisisset?

IN TERTIO LIBRO.

Cuius & ciuitas rectè definiatur? pag. 195.
Mutato statu reipub. idem ciuis maneat? ibidem.
Ciuitas à loco numeroque hominum eadem vel diuersa dicatur? pag. 207.
Eadem sit virtus boni viri ac boni ciuis? pag. 211.
Magistratus vir bonus esse debeat? ibidem.
Disciplinam obtemperandi perdiscere principibus expediat? ibidem.
Respublica rectè definiatur? pag. 224.
Vltimus finis ciuitatis sit honestè & beatè viuere? ibidem.
Tantum sint tres species rectæ reip. totidemque nò rectæ? pag. 233.
Rectæ definiantur singulæ? ibidem.
Actio virtutis sit sola mensura distribuendi honoris? pag. 242.
An Fæderatæ ciuitates inter se eandem rempub. efficiant? ibidem.
Populus vel tyrannus, diuites vel probi viri, optimus vnus vel lex rempu. administrare debeat? pag. 251.
Expediat magis populum quàm paucos studiosos imperare? ibidem.
Summum imperium concedatur populo? ibidem.
Cuiuslibet boni excellentia sit honore aliquo ciuili remuneranda? pag. 268.
Species monarchiæ rectè assignentur? pag. 282.
Ciuitas melius ab optimo rege quàm ab optima lege administretur? pag. 291.
Rex potiùs successionem quàm electionem sit creandus? ibidem.
Quæ non sunt decisa lege magistratus arbitrio relinquuntur? 300.

DVBIA.

Vtrum pacta tyranni mutato statu seruari debeant à ciuitate? pag. 205.
Vtrum expediat politico distinctè scire ciuium, urbium, portuumque numerum in sua repub. pag. 210.
An opifices sordidi ac mercenarij decem totos annos à foro & mercaturâ desisterent, suisque acquisitis opibus honestè viuerent, antequam ad magistratum sint admittendi? pag. 222.
An princeps sapienti medico, propitio patri, vigili gubernatori, bono ac studioso pastori rectè ab Aristotele compareretur? pag. 231.
An bona sit diuisio reipublicæ in rectam & non rectam? ibidem.
An libertas populi sit causa litigandi pro imperio? pag. 241.
An aliquis possit esse iudex in sua ipsius causa? pag. 248.
An monarchia sit optimus status reipublicæ? pag. 261.
Vtrum in ferendis legibus vtilitas potiùs bonorum quàm totius multitudinis spectari debeat? pag. 273.
Vtrum

Vtrum ostracismus in bene instituta ciuitate sit approbandus & ut est an liceat insigniter excellentes viros ad tempus in exilium mittere & relegare?	pag. 275.
An naturalis sit monarchia præstantis virtute viri?	pag. 281.
An rex necis & vitæ potentiam in suos ciues habeat?	pag. 288.
An satellitium regibus sit necessarium?	pag. 299.

IN LIBRO QVARTO.

P olitici sit reipub. optimæ species, differentias, vires & leges describere, tametsi talis nusquam potest existere?	pag. 306.
Tyrannis sit deterrima labes reipub.	pag. 315.
Differentiæ rerum rectè assignentur?	pag. 323.
Decreta populi pro legibus habeantur?	pag. 329.
Forma ciuitatis mutatâ eadem leges ad tempus sint retinendæ?	pag. 338.
Nothi sint ciues?	pag. 345.
In simplici aristocratia idem sit vir bonus ac ciuis bonus?	pag. 351.
Optima institutio legum sit vt iisdem latis pareatur?	pag. 356.
An In politia diuitum pauperumque filij eodem modo educari de- beant?	pag. 362.
Liceat tyrannû patri legitimè succedentē à vita tollere?	pag. 369.
Ciuitas ex medijs ciuibus composita sit præ alijs reipub. formis politicè eligenda?	pag. 374.
Egentes ac mendici sint in ciuitate tolerandi?	pag. 374.
Pro qualitate & quantitate ciuium omnis respub. sit temperanda?	pag. 381.
Liceat in politia sophismatis populum decipere.	pag. 387.
Senatus rectè definiatur ac destinguatur?	pag. 393.
Rectè definiatur magistratus?	pag. 399.
Electio magistratus per sortes in reipub. approbetur.	ibidem.
De minimis inter ciues contentionibus forense fieret iudicium?	pag. 410.

DVBIA.

A n difficilius sit deprauatam reipub. corrigere quàm ab ini- tio nouam constituere?	pag. 312.
An præstet labes reipub. ignorari à populo quàm à politico de- monstrari?	pag. 320.
An equi ad bellum alendi sint in ciuitate?	pag. 327.
An assentatores aulici sint causæ tyrannidis?	pag. 336.
An deterior sit simplex oligarchia quàm mixta?	pag. 344.
An liceat magistratibus mercedem sumere?	pag. 349.
An expediat magis aristocratiam simplicem quàm mixtam flore- re?	pag. 355.
An liceat legibus malè latis parère?	pag. 360.
An iustè in politia irrogetur multa recusantibus officiû?	pag. 368.
Vtrum magnæ ciuitates paruis sint diuturniores?	pag. 380.
An	

An periculosum sit plus diuitibus in reipub. quàm multitudini tri- buere?	pag. 385.
An cuius liceat in reipub. arma possidere?	pag. 391.
Vtrum sacerdotes in reipub. ciuilem magistratum gerât?	pag. 407.
An cædes inuoluntaria homicidij pœnam mereatur?	pag. 415.

IN LIBRO QVINTO.

S editio ciuium sit primum conuersionum seminarium in omni statu ciuitatis?	pag. 419.
Vlla sit propensio humanæ naturæ ad mutationē reipub.	pag. 427.
Causæ seditionis rectè assignentur?	pag. 431.
Nobilium factio sit maxima pestis in ciuitate?	pag. 439.
Democratia sit maximè obnoxia mutationi?	pag. 445.
Causæ conuersionum in oligarchia rectè assignentur?	pag. 451.
Causæ conuersionum in aristocratia & politia rectè assignentur?	pag. 457.
Causæ conseruantes reipub. sint corrūpentibus contrariæ?	pag. 465.
An Minimis malis exortis in ciuitate remedium præsens adhiberi de- beat?	ibidem.
Ad munus principis necessariò reipub. dilectio, potentia & iustitia requirantur?	pag. 477.
In duce exercitus eligēdo potiùs scientia rei militaris quàm amor virtutis aut ciuitatis spectari debeat?	ibidem.
Regnum & tyrannis rectè distinguantur?	pag. 484.
Regibus cōueniat academias tollere, artiumq; scholas prohibere?	pag. 495.
Sit certa & fatalis regnorum periodus?	pag. 510.

DVBIA.

V trum seditio sit toleranda potiùs quàm per tyrannum deua- stetur ciuitas?	pag. 425.
Vtrum periculosa sit in reipub. peregrinorum admissio?	pag. 437.
Vtrum magici eorumq; fautores capitali penâ iustè sint plecten- di?	pag. 443.
Vtrum in ductoribus populi eloquentia causa sit, quò minùs sediti- ones fiant?	pag. 449.
Vtrū adultores populi permittēdi sint in ciuitate viuere?	pag. 455.
Vtrum liceat nobilibus viris quocum velint affinitatis iure se co- pulare?	pag. 461.
An tutius sit paruos honores diu quàm breui spatio magnos con- cedi?	pag. 473.
An ludi & chori in ciuitate permitterentur?	ibidem.
Vtrum tyrannis possit esse diuturna?	pag. 490.
Vtrum rex publicâ famâ laborans regno priuari debeat?	ibidem.
An liceat exploratores & auscultatores passim collocare?	pag. 506.
An permittenda sit omnibus de regibus loquendi libertas.	ibidem.
Vtrum ad bene administrandam reipub. vlla cœli influentis ratio sit adhibenda?	pag. 518.
Vtrum	

Verum facilius sit in formam vicinam quam in extremam rerum-
publicarum conuersio? ibidem.

IN LIBRO SEXTO.

Officium sit bonorum principum rerumpublicarum labes vi &
armis dissoluere? pag. 523.
Ciues in democratia maiorem quam in regno & optimatum po-
tentia libertatem habeant? pag. 530.
Expediat, si ciues pari numero in senatu dissentiant, res magnas
per sortes definire? pag. 534.
In democratia agricolæ pastoribus & mercenarijs sint præfere-
ndi? pag. 540.

An Bona damnatorum potius deo, quam principibus pauperibusq; in
republica consecrentur? pag. 553.
Oligarchia in omnibus democratia contrarietur? pag. 563.
Pessimæ rerumpublicarum formæ firmiora semper postulent
præsidia? ibidem.
Athletarum palæstræ in ciuitate rectè instituta sint permittendæ?
pag. 569.
Nobiles ex officio templa deo, palatia vrbi consecrare debeant?
ibidem.
Magistratus rectè in suas species diuidantur? pag. 577.

DVBIA.

Vtrum vulgus ad studiū agriculturæ incitari debeat? pag. 550.
Verum falsi accusatores eadem pœnas subirent quas alij in-
tenderint? pag. 560.
Vtrum ludorum magistri in rectè instituta ciuitate sint permit-
tendi? pag. 584.
Vtrum expediat eundem dare & exequi sententiam mortis?
pag. 585.
Vtrum ad disciplinam intemperantium faminarum creandi sint
magistratus in ciuitate? pag. 586.

IN LIBRO SEPTIMO.

Ciuilis beatitudo magis in internis quam externis consistat
bonis? pag. 587.
Sit eadem beatitudo ciuium cuiusque & totius ciuitatis? pag. 549.
Legitimum ac iustum sit bellum inferre finitimis quò augeatur
imperium? ibidem.
Optima vita ciuium magis theórica esset quam practica, magisq;
in virtutibus mentis quam moris poneretur? pag. 601.
An Magnitudo ciuitatis sit hominum numero vel potentiâ definien-
da? pag. 607.
Vna vrbs magna seu metropolis debeat esse in quauis regione, e-
iusdemque situs prope mare? pag. 611.
Classis bellica & nauales copię sint in omni metropoli necessa-
riæ? pag. 617.
Peregrinatio sit utilis? ibidem.
In temperatis regionibus ac climatibus mundi habitantes sint
ad

ad praxim politicæ scientiæ omnium docilimi? pag. 619.
Omnia (sine quibus constare non potest ciuitas) sint verè partes
ciuitatis? pag. 634.
Sordidi artifices creari possint sacerdotes? Quaque ætate sint in-
itiandi? pag. 638.
Agri cultores in beata ciuitate debeant esse barbari & serui à na-
tura? pag. 643.
Vrbes orientem & septentrionem versùs sint salubrius sitæ quam
quæ meridiem solique occalum spectant? pag. 647.
Vrbes manibus, castris, turribusque circumcingi & muniri debe-
ant? ibidem.
Prope sacras ædes, forumque liberum artificibus sordidis habi-
tate liceat? pag. 655.
Essent in omni vrbe loca celebriora in quibus cuiusq; facultatis
ciues distinctè epulentur? ibidem.
Consideratio medijs & finis omnem actionem vitæ præcederet?
pag. 661.

An Ad beatos ciues efficiendos plus ratio quam natura aut discipli-
na valeat? ibidem.
Sit è re ciuitatis vt iuuenes in ea magistratus gerant? pag. 667.
Fœlicitas moris ad fœlicitatem mentis tanquam ad bonum per-
fectius & nobilius referatur? ibidem.
In bello fortitudo & constantia, in pace philosophia, in utroque
temperantia & iustitia virtutes sint necessariae? pag. 674.
In disciplinâ ac institutione vitę prior corporis & appetitus quam
mentis & rationis cura haberi debeat? ibidem.
Liceat in bene institutâ repub. pueris & adolescentibus vxores
ducere? pag. 680.
Ad vitandam nimiam multitudinem ciuium liceat abortum fa-
cere? ibidem.
Lactē solum eodemque potius matris quam nutricis alerentur
infantes? pag. 689.

DVBIA.

An virtus splendorem ab animo, vel animus à virtute habeat?
pag. 592.
An beatitudo in Deo sit accidens? pag. 593.
An ciues à magistratu cognosci & distingui debeant? pag. 611.
An iure seuerius in notos (si peccent) quam in ignotos animad-
uertere liceat? pag. 634.
An adulterium sit per se malum? & an in eo plus vir quam mulier
peccet? pag. 688.
An infantes frigori sint assuefaciendi? pag. 695.
An permittendum sit vt sæpe plorent pueri? ibidem.
An liceat pueris cum seruis versari, picturas videre, fabulas au-
dire? pag. 696.

IN OCTAVO LIBRO.

Disciplina seu institutio adoleſcētū publica eſſe debeat? pa. 697
 Adoleſcentes ad honores ciuiles admittendi liberales ſciē-
 tias abſolutē & accuratē perdiſcerent? pag. 701.
 Muſica in omni humanæ vitæ ſtatu ſit vt. liſ? pag. 708.
 Vtile ſit pueros gymnasticæ arti aſſueſceri? pag. 719.
 An Muſica ſolatiij potiùs quàm virtutis cauſā ſit perdiſcenda? pa. 720.
 Vita contemplatiua magis quàm actiua muſicā indigeat? ibidem.
 Vocalis & instrumentalis muſica omni ætati conueniat? pag. 728.
 Muſica fiſtularis à repub. exterminari debeat? pag. 728.
 Muſica conducat ad tria? pag. 734.

DVBIA.

An ars pingendi ſit pueris & adoleſcentibus perdiſcenda? pag. 714.
 An corporis labor ingenij vires frangat? pag. 719.

I. UNDERHIL. S. THEOL.

Doctois, Carmen.

Sphæra figura aliā quacunq; capacior extat,
 Exteriùs teres eſt, interiùs ſolida eſt.
 Sic tua ſphæra Caſe eſt, nam plurima & optima pandit
 Multiplici & ſolidā cognitione liber.
 Quodq; erit aſtronomis ea cælica ſphæra futuris,
 Hoc eſt iudicibus ciuica ſphæra tuis.

AD VRANIAM, QVAE SPHAERAM
 enixa eſt ciuilem, proſopopœia.

*Muſa Sphæra
 ſpeculatrix.*

VRANIA Herculeo clypeo te protege, *Muſa*
Oxonienſis opem quære Oxonienſis alumni.
Oxonienſis Atlas ſphæra Oxonienſis, & Anglus
Angla, inconcuſſa cervice attollet utramq;.
Præſidet illuſtris ſtellato HATTONVS in orbe;
Suſtinet HATTONVS cinilem illuſtrior orbem.



PROLEGOMENA.

An vlla ſit efficax & vera politia ſine virtute?



SCRIBENTI de repub. illud Ariſt. Lib. 3. Pol. ſæpe in mentem venit, Oportere optimam ciuitatem de virtute maximè eſſe ſolicitam. Senſit vir ſapiens nullam peſtem eſſe maiorem in ciuitate quàm morum licentiam, nullam lumem in repub. eſſe tetriorem quàm improbitatem. Nam vt delicatè viuētium corpora laxatis & diſſolutis neruis languida redduntur, diſcordiaq; elementorum corrumpuntur: ita malis ciuium moribus inermes fiunt ciuitates, eorumq; perfidiā magna ſæpe deuſtantur imperia. Sapienter olim Antiſthenes. Ciuitates inquit tum quidem cadunt & Ant. apud Diog. Lib. 6. intereunt, cum boni nequeunt à malis diſcerni. Ne ergo quis putet ſic à me ſcribi de politicis, vt refractis quaſi omnium virtutum repagulis cuius quod libet liceat, hanc in ipſo veſtibulo neceſſario mouendam quæſtionem putaui, An vlla ſit Lib. de prin-
 efficax & vera politia ſine virtute? Machiauellus Florentinum cip. Cap. 15.
 illud monſtrum affirmat eſſe: Socrates, Plato, Ariſt. omneſq; Machiaulli
 & ſinguli, qui verè philoſophantur, negant. Ille ^a ſine fide, improbitas.
^b ſine clementia, ^c ſine religione, ^d ſine vlla denique virtute Cap. 18. b 17.
 rectè adminiſtrari remp. (neſcio quo dæmone obſeſſus) dix-
 it: hi verò ſine hiſ labefactari, imò penitus extingui & deleri
 veriſſimè demonſtrârunt. Sed audiamus belluam, ſic enim lo-
 quitur. Fides, clemētia, liberalitas omnes deniq; virtutes ſunt Lib. de prin-
 damnoſæ ciuitati. Loquatur iterum, nam hoc eſt parum; Prin- cipe.
 cipi peierare, fallere & diſſimulare ſine vlla dubitatione li- Cap. 18.
 cet. Piè proſectò loquitur, eloquatur ſapius. ^a Religio animos ^b Comment. in
 hominum deprimit, ^c ſeſuicia ſubditos in officio retinet. De- Liu. li. 2. Ca. 2.
 lectat Cap. 17.

A

lectat

Cap. 17.

Comment.
in Liu. lib. 1.

Cap. 4.

Paracelsus &
Machiauellus
comparantur.

Sine Christo
non est
politia.

Virtus poli-
tiæ regula.

Natura vir-
tute conser-
uatur.

lectat hic sermo, adhibeantur reliqua. ^c Fælix est princeps quem populus non diligit, ^d tuta est ciuitas quæ dissidia & factiones nutrit; Rex ille sapiens qui boni publici studiosos & amantes tollit. Dic quæso, an plura? Sexcenta sunt alia, istis longè pulchriora. Pulchra appellas? O miseram ætatem quæ istud portentum aluit! ô miseriores quæ recepit! ô miseram quæ tam pestiferi impostoris monumenta scelere & veneno plena, vbique legi, vendi, & edisci finit! Hæc scripsi vt politicorum studio addicti intelligant, me Machiauellum odium dei ac hominum, tanquam canem & anguem in hisce præceptis fugere ac detestari. Nam quamuis multa in illo speciem sapientiæ habent; tamen quia plus fellis quàm mellis, sceleris quàm virtutis nobis propinat; non legendum, non audiendum censeo. Nam vt Paracelsus in medicinâ: ita Machiauellus in suâ politiâ facit. Ille sua pharmaca specie pulchra, precio magna, essentiâ & proprietate mirifica, at non sine interitu corporis: Hic sua præcepta prima fronte docta, primoque auditu rara, at non sine perniciæ ciuitatis venditat. Quare vt ille est fugiendus, ne admissio intereat homines: ita tollendus est iste, ne recepto ruant ciuitates. Oppono me ipsum igitur Machiauello, eiusque axiomata de instituenda repub. ac ciuitate vt anathemata animo detestor meo, adeoque verè contra eius assertionem profiteor, sine fide, sine iustitia, sine Christo non stare ciuitatem, non esse politiam: quippe sine his armis non rex sed tyrannus, non ciuitas sed furiosa multitudo, non respub. & ordo sed horrenda confusio dicitur. Hinc philosophi & sapientes olim viri omnem politiam ad virtutis ac religionis normam referendam esse iudicârunt; quorum aliquot rationes & argumenta (quibus id ipsum probârunt) hic recensere studeo. Et vt primum à naturâ quæ parit & alit ciuitatem exordiar; quæro, An virtutis influentiâ magis quàm morum licentiâ conseruetur natura? Conseruatur certè. Si id constet, vltèrius quæro, An pater & filius, vir & femina, dominus & seruus, omnisque societas domus ac ciuitatis à naturæ vtero emerferit? Emerfit sanè. Si id etiam in confesso sit, miror quâ fronte affirmet aliqui

sine

sine virtute esse naturam, sine virtute constare ciuitatem? Quod enim est in natura monstrum, id est in ciuitate vitium: at monstrum est error & defectio naturæ; proinde vitium est horror & confusio ciuitatis. Si ergo natura sit mater & nutrix ciuitatis, & si virtus (vt ait philosophus) sit conseruatrice naturæ, sequitur quod sine virtute nec cohæreat natura, nec vlllo modo floreat respub. quæ est (vt definit Arist.) ciuitatis ordo, consensus & harmonia. His positis, dic quæso quæ politia, quæ administratio ciuitatis esse potest sine virtute? Si dicas tyrannidem, quæ est quædam constitutio reipub. adhuc manere: Respondeo, vt monstrum nec est nec appellatur natura propter defectionem ordinis: ita tyrannis nec est nec appellatur ciuitas propter defectionem virtutis. Præterea vt relictâ naturâ primam causam regum & rerum publicarum intueamur: quis nescit hominem in mente per verum, in voluntate per bonum deo, (qui est summum verum bonumque) coniungi debere? Si ergo deus est qui reges, sceptrâ & ciuitates dedit, quis est tam impius ac sceleratus, qui audeat dicere hominem aut ciuitatem deo qui est summum bonum, & verum sine bono & veritate posse adhærere? Infinitum nunc esset ruinas & veluti proiecta cadauera multarum ciuitatum, gentium, nationum ac imperiorum (quæ recis virtutis ac pietatis fibris consenuerunt) ostendere. Sub quo nunc Africa? Sub quo nunc Asia? Sub quo eximie Europæ partes languent? Si sub Turca dicas, causam quæro; aliam certè dare non potes, quàm quod à fide & virtute prius descuerint quàm suam

Tunc tuares agitur paries cum proximus ardet.

A 2

Adhuc

Prima ratio à
natura.

Vitium ciui-
tatis monstrum.

Pol. 3. Cap. 4.

Pol. 3. Cap. 5.

Secunda ratio
à prima causa.

Homo iun-
gendus deo
in mente per
verum, in vo-
luntate per
bonum.

Causa cur
magna pars
mundi sub-
jiciatur
Turcæ.

Tertia ratio
à consuetu-
dine.
Virtus legum-
latorum vete-
rum scopus.

Perniciosa
axiomata Ma-
chiauelli.
De princip.
* Cap. 18.
* Cap. 20.
* Cap. 18.

Custodes ma-
li ciuitatis,
fraus, timor,
& furor.
Richardus
tertius tyrannus.
Quarta ratio
à fine.

Adhuc illum in vernaculum sermonem translatus populus non didicit, adhuc eius virus non sensit. Malè profecto egit qui Anglicè Ovidium de arte amandi transtulit; peius, qui Albertum de faminarum secretis; at pessimè de nostra republica merebitur, si quis venenum istius viperæ in ora imperitæ multitudinis insperserit. Sed restant alia rationes quibus hæc causa probatur, quarum altera à consuetudine & experientia maiorum; altera à fine ad quem destinatur ciuitas, ducetur. Prisci olim patres nostri, qui de repub. multa & præclara monumenta nobis reliquerunt, in hoc omnes amice quasi conspirant, quod legumlatores ac magistratus sollicitè contēderent ut suos ciues bonos, iustos, ac pios redderent. At quorsum obsecro id ipsum nobis toties & tanto opere inculcarent, si ullam pacem sine fide, si ullam politiam sine virtute constare posse somniascent? Hinc Solon apud Athenienses, Lycurgus apud Lacedæmonios, Numa Pompilius apud Romanos legum sanctarum tabulas inuenerunt, quibus eorum ciuitates per multa secula iuste ac tranquillè regerantur. Nam ab orbe condito experientia (scientiæ mater) hoc ipsum docuit, quod sola virtus in omni imperio triumpharet. Non audiatur ergo in verè politica ciuitate ista noua & periculosa paradoxa: ^a Ante omnia optandum est principi ut pius videatur non tamen ut sit. ^b Oportet principem semper aduersarium in se alere, ut eo oppressio potentior videatur. ^c Princeps ingenium versatile, arte vsuque factum in sequitiam & perfidiam habere debet; re ipsa talem se præstet quoties expedierit. Talia theorematum maiores nostri nunquam didicerunt, imò (si vnquā peruersitas naturæ humanæ in ea proruperit) dirissimis supplicijs eorum authores & fautores adiudicauerunt. Nouerunt enim sapientes illas non diu posse conseruari ciuitates quarum vulpes lepus & leo, id est, fraus timor & furor custodes sunt. Nos Anglos moueat Richardus tertius, qui vulpis caput, & caudam leonis habuit, sanguine suorum petijt sceptrum, sanguine suo amisit regnum. Postrema ratio sequitur nepe à fine ciuitatis quæ est ipsa beatitudo omnibus bonis accumulata; at si hanc inuenire putes

sine

sine virtute, id solum agis ut nimia ratione insanias. Quod verò omnis ciuitas omnisque politia sit boni alicuius causa instituta, nemo est, ne ipse Machiauellus, qui negauerit: is enim non ad malum sed ad bonum, non ad perniciem sed ad salutem, non ad ignominiam sed ad dignitatem & honorem omnem suum de republica sermonem se retulisse ^a scribit: si ^b ad bonum, cur medijs honestis non vitur? Sed astutè ille sub specie pietatis iugulum virtutis fodit. Cæterum si verè ratio- cinari velis, sic tua deberet formari ratio. Finis cuiusque rei bonus bona requirit media: sed finis ciuitatis est bonus: ergo bona requirit media. Hæc bona sunt consilium non temeritas, clementia non furor, fides non dissimulatio, studium pacis non seditio, pietas ciuium non dissolutio morum. His medijs scilicet felix homo, fortunata domus, beata ciuitas verè efficitur. Vis ergo esse politicus? Suadeo tandem ut sis virtutis studiosus. Nam omnis politia sine studio virtutis est quasi plumbea regula sine manu artificis.

Virtute acqui-
ritur beatitu-
do quæ est fi-
nis ciuitatis.

^a Præfat. in lib.
1. & 2. com-
ment. in Liui.

Media quibus
gubernatur
ciuitas quæ
sunt.

Materia

Ex qua constat, quæ est multitudo hominum cohabitantium sub eodem imperio, & iure virtutis. Circa quæ versatur, quæ est ciuium ad virtutem, secundum rectas leges institutio.

Forma, quæ est prudens administratio magistratum in qua iustitia cernitur.

Politia probatur
non esse efficax
sine virtute, à

Efficiente
causa, quæ
est vel

Remota, ut Deus ad quem omnia referuntur per virtutem. Proxima, ut natura à qua omnes societates fluunt & suscipiuntur, non tamen sine nexu virtutis.

Virtus politice
necessaria ex
causis 4.

Fine, qui est

Externus, ut pax, honor, & affluentia rerum quæ debentur virtuti. Internus, ut ipsa beatitudo, & quies ciuium. Sed hæc solam virtutem loquuntur, prohibentque contrarium: ergo sine virtute nulla est vera, nulla est efficax politia.

A 3

Opp.

Opp. Omnia quae sunt licita, fieri possunt in ciuitate: sed multa quae fraude fiunt sunt licita: ergo multa quae fraude fiunt, fieri possunt in ciuitate. Minor probatur, quia stratagemata insidiaque in bello sunt licita, quae tamen animo decipiendi fiunt; his datis, sequitur quod omnis politia non sit coniuncta cum virtute.

Cic. pro C.
cin.

Resp. In bello silent leges, in bello cum hoste, in pace cum ciue agitur. Licet cuius vitam defendere contra hostem capitalem; hoc ergo argumentum non mouet, quia vera politia in pace, non in bello; in ordine & recta administratione ciuitatis, non in contentione viget. Non tamen licet in bello perfidiam in hostem exercere, immo necesse est cum Regulo fidem persolvere.

Cic. i. offic.
Ab effectis.

Opp. Politia aliquando permittit occidere innocentem: ergo omnis politia non est coniuncta cum virtute. Antecedens probatur quia hoc posito quod populus Syllano alicui in ciuitate propter singularem iustitiam aut sapientiam ita faueat, ut deposito suo Nerone conetur eundem recusantem ad sceptrum promouere: Regi iam existenti licet hunc Syllanum, è medio tollere, ut obiecto inuolutionis sublato, omnis in repub. populi extinguatur seditio. Nam minus est malum, ciuem tamen si bonum tollere quam totam rempub. vulnerare.

Rom. 3. 8.

Resp. Quamuis hoc ipsum in ciuitate fiat aliquando: questio tamen est an iure fiat. Nihil hic definitio, quia prohibemur malum facere ut inde eueniat bonum. Ceterum hoc dilemmate duorum malorum posito, ut vel pereat vnus vel tota respub. periclitetur: tolli vnum potius natura & prudentia suadent, quam ut totum in discrimen ruat. Quemadmodum enim multa in natura violento motu concutiuntur, quae dicuntur fieri contra singularem naturam, non tamen contra vniuersalem, quae hoc modo conseruatur: ita in ciuitate, si contingat aut cadendum regi, aut cedendum ciui: potius ciuis tollendus est qui priuati, quam princeps qui totius ciuitatis personam gerit.

Are iudicata.

Opp. Legibus mandatum est in omni fere politia, ut proditorum filij, tametsi innocentes, aut vita, aut suis saltem patrimonijs priuentur: sed animaduertere in innocentes virtus quidem vetat: ergo omnis politia cum virtute non coheret. Maior patet. Minor probatur ex 5. Ethicor. ubi seueritatis ferrum in malos saepe, at nunquam in bonos & innocentes iubemur acnere & contorquere.

Resp.

Resp. In persona regis spectantur duo. Imago diuina iustitia & quasi vegetatio totius reipublicae. Plectuntur proditorum filij ex imitatione diuina iustitia, quia cum principis maiestas laeditur, non tam in hominem quam in deum peccatur, at deo semel offenso vnus scelere, in totam humani generis sobolem translatus est crimen, nec non pro eo debetur supplicium. Præterea quoniam princeps est anima ciuitatis, ad maiorem terrorem saepe proditorum puniuntur filij; quippe aliqui magis posterorum praefixo naufragio commouentur, quam suo ipsorum malo interitu, ut constat de illis reis apud nos, qui ut posteritati hereditatem relinquant, se potius lapidibus obrui, quam laqueo strangulari sinunt.

Opp. Aristoteles docet malum virum bonum ciuem esse posse, ergo politia non semper à virtute pendet. Argumentum sequitur, quia si politicus sit malus, politia non potest esse bona.

A testimonio
Pol. 3. Cap. 3.

Resp. Malus vir potest esse bonus ciuis in virtute officij, non in virtute viri. Nam viri virtus est, quae virum bonum reddit, ut iustitia, temperantia: virtus officij est in iutore bonos calceos conficere; in architecto recte adificare: quae fieri possunt tametsi viri boni non sint qui ea faciunt.

officij.
Virtus
viri.

Opp. Politia aliquando requirit usuram ut in Anglia, lupanaria ut in Italia: sed haec sunt mala: ergo omnis politia virtuti non subijcitur.

Ab effectis.

Resp. Politia ista aliquando permittit, non requirit: tolerat, non approbata censet: imò potius abolenda & extirpanda indicat, si fieri id potuisset sine magno malo ciuitatis. At tam fera & tam intolerabilis est malitia hominis, ut omne malum à ciuitate radicibus euellere nemo unquam mortalium possit. Hoc satis est in iusta politia, ut peccantibus vel infamia notam insigat, vel si non resipiscant grauiorem penam infligat, quod facit in istis duobus malis quae proponuntur. Nam foeneratores facti sunt lege omnibus odiosi, & lenones cum suis meretriculis sunt verbi & excommunicationis fulmine percussi.

CAP. I.

An ciuitas sit obiectum politicae scientiae?

An ciuitas praestantissimi boni causa sit instituta?

44

An

An despoticus, æconomicus, politicus & basilicus specie & natura differant?

An societates naturales, ex quibus coalescit ciuitas, recte distinguantur?



Politica,
Nomen,
Obiectum,
Fructus.

Definitio
politice sci-
entia.

Questiones
de
Authore
Modo
Obiecto
Genere
Fine.

Aristoteles
perfecit scien-
tiam politi-
cam.

Methodus.

PLATO Aristotelis præceptor in decem illis præclaris libris quos de re-
pub. scripsit, hoc vnum maximè vr-
gere videtur, quòd nulla scientia sit
vel nomine augustior, vel obiecto
amplior, vel fructu diuinior, quàm
quæ de ciuitate instituitur. Nomē e-
nim à ciuitate amplissimā hominum
societate duxit, vnde & civilis dici-
tur: Obiectum seu materiam habet ipsam ciuitatem: Fru-
ctus est optima institutio vitæ, totiusq; generis humani per-
petua conseruatio. Hinc definitur doctrina politica nihil
aliud esse quàm iustè ac sapienter administrandæ ciuitatis
scientia. Multa hic solent quæri à priscis interpretibus de au-
thore, de genere, de obiecto, de modo, de fine huius scientiæ;
De authore, an Socrates, Plato vel Aristoteles eam perfec-
rit; de genere, an sit scientia practica vel speculatiua; de ob-
iecto, an sit ciuitas, lex, vel publica institutio vitæ; de modo
docendi, an sit à causis ad effecta per ordinem naturæ, vel ab
effectis ad causas per ordinem disciplinæ; de fine, an sit in
benè gubernando summa prudentia, an potius in iustè vi-
uendo perennis beatitudo ciuium. Hæc inquam omnia
quamuis lubens prætermitterem, pauca tamen de illis di-
cam, vt dilucidiora quæ sequuntur fiant. Ad primum dico
quòd Aristoteles omnium primus hanc artem perfecit.
Rationem reddit Albertus, quia quæ à Socrate, Platone, a-
lijq; philosophis didicit, ea omnia in meliorem hic formam
ordinemq; digessit. Huc illud addo, quòd multa ipse inue-
nerit, quæ (vt ait Victorius) plurimum dignitatis & admi-
rationis habent. De methodo philosophi quid dicam? Est enim
visitata & facilis; primum enim causas & partes ciuitatis dis-
cutit

cutit, hinc totum definit, postremò vires ac proprietates de
illo toto demonstrare contendit. Causæ ciuitatis sunt deus,
homo & natura, partes sunt variæ societates hominum qui
in eodem tecto, familiâ aut pago cohabitare nequeunt; To-
tum est ipsa multitudo hominum sub vno imperio secun-
dum leges in ciuili ordine pace viuentium. Vi-
res ac propri-
etates sunt salutare leges condere, ciues in officio contine-
re, res omnes necessarias acquirere, fortunatè sceleriterq; vi-
uere. Obiectum vt placet Alberto est ciuis, vt placet Docto-
ri sancto est ipsa ciuitas. Ciuitatem esse defendo, quia latissi-
mè omnium in hac scientiâ diffunditur, quia proprietates de
illo vt de suo subiecto demonstrantur, & denique quia omnia
in hac scientiâ tractata ad eam solam reducuntur; quæ sanè
de ciue dici non possunt. Nam leges sancire, reges creare,
ciues beatos reddere, aliaq; sexcenta non vnum hominem
sed totam multitudinem omnium, non priuatum iudicium
sed consensum postulant & requirunt. Genus huius scien-
tiæ est praxis non theoria, actio non speculatio. Non enim
in hac scientiâ quærimus solum quid scire, sed quid agere
& quomodo in luce hominum iustè & studiosè viuere oportet.
Si ergo inter theoricam & practicam scientiam hoc in-
ter sit, quòd illa ad solam cognitionem veritatis, hæc ad
opus destinetur; necesse est politicam sub practica philoso-
phia comprehendi, cum ciuitas sit quoddam opus humanæ
rationis. Cæterum cum ratio operetur aut per modum effe-
ctionis, quando in materiam exteriorem transit, vt ædifi-
care; aut per modum actionis, quando in operante manet, vt
eligere: priori modo mechanicæ artes dicuntur practice, po-
steriori verò hæc etiam practica nominatur. Finis huius sci-
entia non est prudētia ciuium, sed accumulatio & affluentia
bonorum omnium; omnium dico, nam quamuis in vnum ci-
uem omnia non cadant, in totam tamen ciuitatē vbertim flu-
unt. Aggredior nunc tandem Arist. qui in fronte primi cap. id
ipsū docet, quod nos de fine conamur dicere. Sic enim loqui-
tur. Quandoquidem videmus omnem ciuitatem societatem
esse, omnemque societatem boni alicuius gratiâ coire; ne-
cesse

Ciuitatis
Causæ
Partes
Totum
Vi-
res.
Pol. 2. c. 1. &
1. 3. c. 3.
Quæstio
prima.
Obiectum sci-
entia politica.
Ciuitas cur sit
obiectum 3.

Genus poli-
tices.

Actio & effe-
ctio quomodo
differunt.

Finis politica
scientia.

Pol. 3. Cap. 8.

Eth. 1. Cap. 2.

Quæst. 2.

Cap. distrib.
in 4.

Ciuitas quid.

Cap. resolutio.

Despotica ab
œconomica
quomodo dif-
ferat.Plat. in Poli-
tico.Expositio 3.
Quæstionis.

“cesse est eam quæ est omnium maximè princeps ac domina, quæque ceteras continet, id sibi bonum propositum habere, quod sit omnium summum ac præstantissimum. Ex his concludo tam ciuitatem quæ est materia, quàm hanc scientiam quæ est omnium reliquarum domina, ad summum & nobilissimum bonum referri. Nam vt ciuitas obiectiuè: ita ciuitatis scientia effectiuè (vt aiunt) summum bonum suum finem habet. Sed vt eodem ordine procedam, quo ipse philosophus in textu vtitur; animaduertendum est præcipuè quatuor in hoc Cap. tractari, nempe definitionem ciuitatis, eiusdem distinctionem, enumerationem partium, & deniq; earum inter se comparisonem. In definitione ostendit duo, essentiam & finem: essentiam cum societatem omnibus bonis abundantem esse demonstrat, finem cum eam ad omnium bonorum summum ac diuinissimum refert. Rationes in textu sic formari possunt. Omnis societas est alicuius boni causa: sed ciuitas est societas: ergò ciuitas est alicuius boni causa. Altera hoc modo, Tantò præstantius est bonum cuiusque societatis, quantò nobilior est ipsa societas: sed ciuitas est omnium societatum longè nobilissima: ergò ciuitas omnium bonorum præstantissimum sui finem habet. Hinc sequitur distinctio in quâ queritur, An administratio regia, à politicâ, An despotica ab œconomica solum ratione vel specie differat? Insinuat in textu Socratem & Platonem existimasse hæc inter se tantum multitudine ac paucitate, non genere & naturâ discriminari; Exempli causa. Si quis paucis eisdemque seruis præsit despoticus seu herus; si pluribus eisdemque tam liberis quàm seruis œconomicus seu paterfamilias; si adhuc aliquatò pluribus, politicus vel magistratus; si denique omnibus, basilicus, rex, seu princeps haberi debet. Hinc secundum illos nihil interest inter magnam domum & paruam ciuitatem. Sed hæc vt ait philosophus vera non sunt, quod probat in 3. parte huius Cap. nempe in enumeratione & descriptione partium ex quibus coalescit ciuitas. Si enim partes ciuitatis non solum numero, sed etiam naturâ & officio distinguantur, necessariò sequitur has administrationes serui, familia, ciuitatis, regni

regni plusquam multitudine & paucitate dissidere. Nam aliud est seruum regere, aliud domum, aliud paruam ciuitatem, aliud imperium. Despoticus ergò, œconomicus, politicus & basilicus, id est, si interpretari velis, dominus, paterfamilias, magistratus & princeps, plus quàm nomine numeroque differunt, Nam etsi omnes & singuli sint homines in vnâ specie dialecticâ ac naturâ humanâ communicantes; essentia tamen & specie politicâ differunt, quia hæc nomina officia hominum, quæ sunt naturâ distincta; non simplicem naturam hominis, quæ est vna eademque in omnibus, declarant. Est enim aliud homo, aliud pater; aliud homo, aliud princeps; quippe hominis nomen substantiam, patris & principis nomen, relationem & officium (quæ naturâ differunt à substantiâ) significat. Nec illud vrget quòd vnus idemque homo sit nunc dominus, nunc paterfamilias, nunc moderator vrbis, nunc totius imperator ciuitatis, quandoquidem multa disparata accidentia, quæ naturâ ac proprietate diffociantur, in eodem subiecto simul residere queunt; vt constat de calore & siccitate in igne, de frigore & humiditate in aquâ. Cum ergò hoc loco docemus despoticum ab œconomico, politicum à basilico naturâ differre, non naturam hominis sed ordinis, non proprietatem viri sed loci, non proportionem multitudinis sed rationem dignitatis & administrationis intelligimus. Distinctione iam factâ, duo sequuntur, enumeratio & comparatio partium. In enumeratione explicantur tria. Ordinis ratio, multiplicitas societatis descriptio, Barbarorum, qui suis faminis pro mancipijs vtuntur, reprehensio. Ratio ordinis hunc syllogismum habet. Quemadmodum ad cognitionem totius in alijs rebus necesse est partiri compositum in simplicia principia, vt orationem in literas, mixtum in elementa: ita ad cognitionem ciuitatis, quæ est quiddam totum, necesse est eam diuidere in minimas sui partes: sed necessaria est talis partitio in alijs totis: ergò etiam in ciuitate. Hinc patet ordo, quo vtitur philosophus in hoc opere, nempe vt diuiso toto in sua principia ab ipsis elementis ac partibus ciuitates incipiat; quæ partes sunt naturales societates hominum, ex quibus constat

Diale-
ctica.
Spe-
cies
Politi-
ca.

Enumeratio
partium.

Partes natu-
rales ciui-
tatis.
Societas con-
iugal.

Fœmina est
solatium vitæ.

Societas do-
mini & serui.

Vid. c. 4.

Pater sepul-
tus in filio
viuit.

Arist. 2. de
anima. c. 4.

Gal. de vfu
part. l. 14. Cic.

1. de offic. 5. de
fin. 1. de leg.

Pagus.

Reges ab ini-
tio fuisse veri-
simile est.

constat componiturq; ciuitas. Harum prima est viri & fœmi-
næ, secunda domini & serui, tertia patris & filij, quarta pa-
gorum & vicinitatum, quæ longè latèq; disperlæ ciuitatem
colunt. De prima in textu sic loquitur Aristoteles. Necessè est
primum eos coniungi & copulari quorum alter sine altero
esse non potest, vt marem & fœminam procreationis causâ.
Appetit autem vir fœminam non vt seruum sed vt socium,
non vt mancipium libidinis sed vt solatium vitæ. Iure ergò
reprehendit Barbaros & agrestes qui suis fœminis vt seruis
vtuntur. Quippè non est fœmina vt delphicus gladius, qui
pluribus vsibus destinatur. De secunda societate, hæc legas
in textu verba. Copulantur etiam naturâ id quod imperat &
id quod imperio paret propter salutem. Sunt ergò naturâ
dominus & seruus: Dominus qui mentis acie excellit, seruus
qui corporis vi aut mole præstat. Ex hisce duabus societati-
bus oritur tertia, nimirum domus & familia, in quâ maximè
patris & filij relatio cernitur; non quòd ex hac ea solùm con-
stet, sed quia in ea veluti imago viri & vxoris perpetuò con-
seruatur. Est enim filius imago patris in quâ pater sepultus
viuit. Cum ergo natura in re qualibet tam æternitati quàm
suæ similitudini studeat, consentaneum fuit eam à naturâ ho-
mini ingenerari facultatem vt vxorem eligat, filios procreet,
familiam augeat, alat & conseruet. Est ergò familia societas
composita eademq; non ad tempus sed in omnes vitæ dies à
natura parta & cõstituta, in qua cõiuncti, participes & con-
sortes eiusdem foci & cibi ab Epimenide dicuntur. Quarta
societas ex prædictis omnibus compacta, pagus definitur.
Hæc ea est quæ ex multis familijs olim nata in immensum
creuit coloniasq; & gentes peperit, in quibus filij & filiorum
filij (ad mutuuum subsidium) cohabitarent. Postremò vt pagus
ex multis familijs: ita ciuitas (quæ est vltima societas de qua
nunc agitur) ex multis pagis & colonijs fluxit. Concludit er-
gò Arist. in calce huius capitis quæ est de comparatione par-
tium, probabile quidem esse ab initio fuisse à naturâ reges.
Nam si seruus domino, si vxor viro, si filius patri, si domus
rectori, si pagus imperio naturæ obtemperauit, verisimile
quoque

quoque est ciuitatem non sine rege vnquam extitisse. Hoc
probat à signo, quia primarum ætatum homines finxerunt
deos ipsos sub Iouis imperio viuere, quod certè non dixis-
sent, si ciuitates & gentes reges non habuissent suos. Hæc
tandem summa est primi capitis studiose lector, quod præfa-
tionis loco ab Aristotele & nobis adhibetur. Textum ipsum
non intriui, eiusdem tamè sensum pro viribus reseraui: Illum
non addidi, ne maius volumen fieret, hunc tamen plenius re-
texui, ne lumen deficeret: quod hîc feci diuina ope fretus in
ceteris Libris me facturum spero: faxit Deus vt non deficiam,
det Christus vt satisfaciam.

BREUES DISTINCTIONES QVÆSTIONVM.

Distinctio 1. quæstionis, An ciuitas sit obiectum politica scientia.

In ciuitate spe- ctantur	{	Constitutio, quæ est à naturâ per appetitum soci- etatis.	{	Latissimè eiusdem nomen in hac scientia diffunditur.
		Gubernatio, quæ est à lege per habitum virtutis.		De illa propriæ passionis ciuis demonstrantur.
		Perfectio, quæ est ab ordine per affluentiam fœ- licitatis.		Ad illam omnia ciuium ac magistratuum officia spectant & reducuntur.
		His tribus mo- dis accepta est obiectum po- liticæ scien- tiæ: rationes sunt, quia		

Oppositio contra primam quæstionem.

*Materia operis & opus differunt, vt patet de ferro & gladio: sed A disparatis
ciuitas est opus ciuile scientiæ: ergò non est eiusdem materia. Mi-
nor probatur, quia unio ciuium secundum ordinem est opus politica
scientiæ: sed ciuitas est nihil aliud quàm unio ciuium secundum ordi-
nem: ergò ciuitas est opus politica scientia.*

*Resp. Et si placet Verfori, quòd ciuitas materialiter sumpta quoad
constitutionem, & non formaliter accepta quoad unionem sit obiectum
politice scientiæ: Albertū tamè sequor qui respondet diuerso respectu
& opus & materiā esse. Opus vt perficitur, materia vt tractatur. Fit
enim hac unio secundū ordinem à politico, & sic est opus; & circa eam
iam factam consultando versatur, & sic materia seu obiectum dicitur.*
Opp.

Ab adiuncto.

Opp. Civitas de omnibus in politica scientia non dicitur: ergo non est eiusdem materia. Antecedens patet, quia de ciue, de lege, de magistratu, qua tractantur in hac scientia, non dicitur. Argumentum probatur, quia omne subiectum attributionis de omnibus in eâ scientia cuius est subiectum dicitur: sed omnis materia circa quam versatur scientia, est subiectum attributionis: ergo omnis materia de omnibus in scientia comprehensibilis diceretur. Maior est Arist. in libris analyticis, & inductione exemplorum probatur, quia numerus de omnibus in Arithmetica, magnitudo de omnibus in Geometria, harmonia de omnibus in Musica, ens rationis de omnibus in Dialectica dicitur: ergo etiam civitas de omnibus in politica diceretur, si sit subiectum eiusdem scientia.

Resp. Non est necesse subiectum attributionis de omnibus in aliquâ scientia comprehensibilis, absolute & in abstracto predicari. Numerus enim de unitate in Arithmetica, magnitudo de puncto in Geometria, ens rationis de substantia in Dialectica non dicitur. Satis ergo est si omnia in aliquâ scientia tractata, ad subiectum vi sua aut comparate reducantur: sic unitas ad numerum, sic punctum ad magnitudinem, sic omnia in hac scientia ad civitatem referuntur.

Ab adiunctis.

Opp. Omne subiectum scientia habet proprietates aliquot in eadem scientia de se demonstrabiles: sed civitas tales proprietates in hac non habet: ergo non est subiectum. Minor confirmatur, quia ad tribunal sedere, de legibus consultare, magistratus eligere & similia, que proprietates dicuntur, ad ciues potius quam ad civitatem pertinent.

Resp. Cuius effectivè, at civitas (ut aiunt) formaliter & perfectivè hac omnia facit; Est enim in ciue suffragium, at in civitate est imperium, non enim unus sed unio civium hac prestat.

Ab adiuncto.

Opp. Omne obiectum scientia debet esse necessarium ac aeternum: Sed civitas non est: ergo non est obiectum huius scientia. Maior est Aristotelis 6. libro Ethicorum, capite 3. Minor probatur, quia civitas ex partibus interitui & fortuna subiectis constat. Ratio est, quia sæpe familia, pagi, gētes & imperia aut vetustate antiquata, aut furore Martis deleta, concidunt. Præterea qua nunc est monarchia, nunc in aristocratiam aut democratiam commutetur. Quod mutabilem & caducam naturam civitatis arguit.

Civitas
quomodo
æterna.

Resp. Duo in politica scientia considerantur, demonstratio theorematum, & actio civium: quoad demonstrationem theorematum, civitas

vitas est quiddam necessarium, æternum & incommutabile. Nam quamvis Assyriorum, Persarum, Macedonum & Romanorum imperia cadant; universalis tamen & formalis civitas sub demonstratione huius scientia manet. Quare licet quoad flexibilem voluntatem & actionem hominum frequenter mutetur civitas, non tamen quoad formam & demonstrationem, qua specie non numero, præcepto non exemplo continetur.

Distinctio 2. questionis.

An civitas præstantissimi boni causa sit instituta?

Bonum, ad quod
refertur civitas,
præstantissimum
esse dicitur, prop-
ter

Communitatem, non enim uni ut ethicum, sed omnibus ut publicum convenit, & communicari debet.

Dignitatem, quippe est finis nobilissimæ societatis humanæ, in qua reliquæ omnes uniuntur. Eth. I. cap. 1.

Affluentiam rerum externarum; omnium enim tam naturæ quam fortunæ bonorum copiâ abundat & excellit civitas.

Constantiam & perpetuitatem; in iustitiâ enim, prudentiâ & æquitate (quæ sunt optimæ conservatrices civitatis) consistit hoc bonum.

Opp. Summo nihil potest esse præstantius: sed hominis bonum est summum: ergo hominis bono nihil potest esse præstantius. Quo dato, excellentius non est bonum civitatis quam hominis. Nam hominis bonum est felicitas, ut I. & 10. Ethicorum probatur.

Resp. Summum bonum consideratur duobus modis; vel quoad essentiam, & sic idem est bonum unius hominis ac totius civitatis: vel quoad existentiam, & sic civitatis bonum est excellentius. Ratio est, quia bonum ethicum uni homini, bonum politicum toti civitati accommodatur.

Opp. Prima veritas est nobilissimum obiectum & bonum, ut in 10. Ethicorum probat philosophus: sed finis civitatis non est prima veritas: ergo civitatis bonum non est nobilissimum. Maior probatur, quia prima veritas est deus. Minor patet, quia aggregata felicitas, non æterna veritas est finis civitatis. A disparatis.

Resp. Illic de vitâ theoricâ, hic de politicâ agitur; illic etiam de remoto fine, hic de proximo disputatur; illic denique relatio intellectus ad

11. Lib. Meta.

ad summum verum, hic relatio voluntatis ad summum bonum discutitur ac demonstratur.

Opp. Multa sunt deformitates in ciuitate, multa infortunia: ergo aggregata felicitas non est illud prestantissimum bonum cuius gratia instituitur. Antecedens patet, quia nulla ciuitas scopulis & procellis fortuna caret. Præterea cum nulla ciuitas sit tam beata quin portu & manu aliarum nationum uti aliquando cogatur: non video qua ratione aureum illud flumen omnium bonorum in ciuitatis portas fluere & permanere.

Resp. Deformitates ciuitatis ut fures, homicida, & cetera pro partibus ciuitatis non habentur. Quod obijcis de infortunijs nihil est; Nam et si aliquando irruant illa quidem, consulari tamen providentiâ felicitatem ciuibus non tollunt, imò eos longè prudentiores reddunt: Postremò quod urges de mutuis subsidijs aliarum gentium parum mouet, nam hæ res externa sunt, & si aut casu aut per se eueniant satis est.

Distinctio 3. questionis.

An despoticus, æconomicus, politicus & basilicus specie & naturâ differant.

In his nominibus perpendi solent duo.

Natura seu species dialectica, & sic naturâ non distinguuntur. Nam omnes in essentiâ humanâ conspirant.

Officia politica, & sic naturâ differre dicuntur, tunc

Propter diuersos respectus quos significant.

Propter distinctos fines quos referre dicuntur, tunc

Opp. Respectus non mutat essentiam: sed omnia hæc nomina sunt quidam respectus: ergo non mutant essentiam. Maior probatur, quia respectus est tantum modus & comparatio rei non essentia rei. Minor constat, quia sunt nomina ordinis & officij quæ sunt respectus.

Respectus quomodo mutat essentiam.

Resp. Respectus non mutat essentiam in absolutis, at in respectiuis & comparatis mutat. Nam comparata essentiam in respectu habent, exempli causâ. Si Socratem cum suo patre compares, naturam filij: si uerò cum suo filio compares naturam patris habet, qui duo respectus in relatione essentiâ differunt, quamuis in uno Socrate diuerso respectu simul consistant.

Opp.

Opp. Hi omnes in ciuitate unum & eundem finem habent, nempe bonum commune reipub. ergo infirma est ea probatio quòd ideo naturâ differunt, quoniam distinctos fines habent. Antecedens probatur, quia omnes & singuli ciues ad bonum publicum referuntur, quod est finis ciuitatis.

Resp. Considerantur isti vel communiter, ut ciues, & sic unum remotum finem habent nempe bonum commune totius ciuitatis: vel propriè in suis ipsorum officijs, ut hic sit pater, ille dominus, & sic diuersos fines sortiuntur.

Distinctio 4. questionis, An societates rectè distinguantur?

Omnis societas est, vel	Simplex, quæ à naturâ instituitur, vel propter	Cōseruationem speciei, & hæc est prima inter virum & uxorem.
		Successionem rerum, & hæc est secunda inter patrem & filium.
	Mixta, quæ destinatur ad vitæ actus, eodemq; aut	Ordinem personarum, & hæc est tertia inter dominum & seruum.
		Priuos & quotidianos, exempli causâ, ut simul ad eundem focum sedere, eadem mensa communicare, vnde familia.
		Coniunctionem sanguinis, vnde coloniæ & pagi in quibus olim consanguinij solum ad ipsorum subsidium cohabitauerunt.
	Cōmunes, eisdemque aut propter	Communicationem dignitatis, vnde ciuitas omnium societatum nobilissima, in quâ omnes & singulæ hæ societates mirificè conspirant & vniuntur.

Opp. Paterna societatis in textu mentio non fit: ergo defecisse videtur philosophus in enumeratione partium.

Resp. Ratio non sequitur: Nam sub primâ societate, quæ est viri & uxoris, hanc ipsam comprehendit. Si enim vlla societas instituitur ad procreationem filij & conseruationem speciei, necesse est ut hæc sub illâ intelligatur. Ceterum rectè utriusque adhibetur distinctio, quia uxor unum finem in procreatione, filius alterum in successionem habet.

Opp. Tres primi ordinis societates sunt una familia, multæ familiae

milia sunt unus pagus, multi pagi sunt una ciuitas: ergo videntur hæ societales multitudinem & paucitatem tantum differre, quod Plato sensit: hoc autem si verum sit, fallitur Aristoteles. qui eas inter se species distinguere putauit.

Resp. Materialiter pro hominibus sumpta hæ societales solam multitudinem & paucitatem differunt: at formaliter in suis proprijs finibus considerata, ut supra ostendimus, specie & natura distinguuntur.

Dubium Cap. An feminis ut seruis uti liceat?

Vxore quomodo utendum.

Durus es Demea si uxorem contempseris, barbarus si percusseris; Deus enim sociam, natura aequalem fecit; Si infirma sit, imitare Socratem; si fidelis & casta, ut parem non ut seruam amplectere, quippe nata est parere non parere; paret tamen ut libera suo viro, iugo ut barbara non submittitur. Equam familie curam gerit, cur ancillam? Pars tui est in sinu, cur seruam? Facunda spes gregis est, cur mancipium appellas? Labor premium, amor fidem, uteri tumor honorem postulant.

Fæmina & seruus differunt in Constitutione naturæ, nam fæmina est lege & naturæ libera cum virum sumpserit. Institutione vitæ, nam fæmina ad seruilia & abiecta opera vitæ non cogitur ut seruus. Ratione propositi ac finis, nam fæminæ bonum est filios parere, & ea quæ sunt acquisita à viro in domo conseruare.

Lib. œcono.

Opp. Seruus est à naturæ qui minus ingenio valet, ut est in textu, sed fæmina minus ingenio valet: ergo fæmina est serua à naturæ. Minor probatur ex hoc ipso libro, ubi docet Philosophus, quod fæmina sit infirma & minus valens ad consilium.

Resp. Fæmina ingenio minus valere dicitur, non quod essentialiter ut aiunt minus valeat, sed quod ex infirmitate naturæ in illa plerumque ita affectus animi tumultuantur, ut rarè consilium & constantiam videas. Ceterum animaduertendum est quod omnis infirmitas naturæ, & defectio ingenij seruos non faciat. Nam quamuis aliquot fæminas non aliter ac viros mancipia naturæ agnoscit Philosophus, fæminas tamen coniunctas viris nullo modo ut seruas tradendas voluit. Tum enim aliam institutionem vitæ aliumque finem diuersum à foris vendicant & sortiuntur.

Secundo phy-

Opp. Fæmina probari potest monstrum ex Aristotele: ergo non est durum appellare seruam. Antecedens probatur, quia omnis imperfectio

fectio naturæ est monstrum: omnis fæmina est imperfectio naturæ: ergo omnis fæmina est monstrum.

Resp. Ridicula est ista probatio, & longè à Philosophi sententiâ Fæmina non aliena. Sed ut distinguam, duplex est imperfectio naturæ, alia in partibus, alia in humoribus. In partibus imperfectio contingit trifariam, vel ex defectu materiae ut in monoculo, vel ex excessu ut in tripode, vel ex mala concinnitate & dispositione partium, ut in gibboso: & his tribus modis accepta omnis imperfectio errorque naturæ monstrum dicitur. Si verò sit in humoribus solum, qualis est in feminis, non monstrum, sed pulchrum naturæ opus & effectum arguit. Si enim externas partes & linimenta naturæ species, fæminæ sunt plerumque pulchriores viris; si verò humores, longè molliores & infirmiores habentur.

Opp. Virtutes feminis negat inesse Aristoteles in octauo Ca. huius libri: ergo fæmina videtur esse serua. Is enim seruus est qui virtute caret.

Resp. Non negat virtutes simpliciter inesse feminis, sed eodem respectu, quo in sunt viris, inesse negat. Verbi causa: Iustitia datur viro ut aliquando ad tribunal sedeat, datur fæmina ut domum & familiam rectè disponat. Fortitudo datur viro ut hostem feriat, datur etiam fæmina ut virum quantumuis impatientem ferat, suosque affectus & passiones, ut imperio rationis vincat. Virtutes aliter insunt fæminis ac viris.

CAP. II.

An ciuitas sit à naturæ?

An homo sit animal politicum aut ciuile à naturæ?

An solitaria vita sit toleranda in ciuitate?

An ciuitas sit domo prior?



O M O qui est in seipso quodammodo ciuitas, vel potius (ut loquitur Aristoteles) minor mundus, hoc infinitum à natura habet, ut ardentissime præ cæteris animantibus societatem quærat. Hinc appetitus menti subijcitur, ut sitiat; Ratio datur, ut conseruet communionem. Quod si ita est, errant meo iudicio qui ciuitatem negant id opus esse naturæ, ad quod homo veluti natus sitientius

B 2

quo-

Rationes à
materia, effi-
ciente, fine,
forma, effe-
ctu.

quotidie incitatur. Sed ut citra omnem litem ac controuersiam res dilucescat, Aristoteles ciuitatem omnium societatum perfectionem in utero naturæ conceptam, ab illa partem, in eiusque veluti gremio & amplexu enutritam probat. Ratio prima est à materiâ, quia eiusdem partes sunt à naturâ; Secunda ab efficiente causâ, quia appetitus societatis naturæ vim ac impulsu sequitur; tertia est à fine, quia ipsa natura (ut ait Philosophus) est bonum seu finis ciuitatis. Huc addi possunt alia à formâ quæ est unio ciuium, & denique ab effectu qui est ordo & administratio ciuitatis. Prima ratio hanc formam habet. Partes ciuitatis nempe societates illæ simplices & mixtæ, de quibus disputatum iam est, sunt à natura: ergo & ipsa ciuitas. Secunda formatur hoc modo; Appetitus ciuitatis est naturalis: ergo & ipsa ciuitas. Tertia sic; Finis cuiusque rei est à naturâ, ut patet de formâ hominis & equi: sed ciuitas est finis reliquarum societatum: ergo est à natura. Dux aliarum rationes in textu non sunt, vim tamen & pondus habent. Nam si societatum reliquarum tam expetitio quam constitutio sit à naturâ, non video rationem quod minus earundem unio naturalis habeatur. Quemadmodum in alijs rebus non solum est propensio ac dispositio materiæ ad formam, sed formæ etiam cum materiâ quædam copulatio: ita in ciuitate, quæ est opus naturæ, non solum procreantur partes, sed etiam partium illarum unio quæ est forma ciuitatis. Postrema ratio ab effectu perspicua est, nam frustra natura partes, frustra partium connexionem, frustra ipsam ciuitatem intenderet, si sine ordine & prouidentia suâ eam ut chaos rude ac impositum relinqueret. In cælis, in stellis, in elementis, in plantis, quid multis? In rebus omnibus vi suâ partis, materiâ, formam, ordinem & pulchritudinem posuit. quid? In hoc solo opere, quod est omnium perfectissimum, quasi languida defecit? Certè non defecit. Quippe si in homine sit non solum impetus naturæ, ut societatem appetat; sed etiam ratio & intellectus, ut se in officio & ordine contineat; non minus hoc opus intellectus, nempe ordo, quam effectus ille voluntatis nempe consociatio, respectu hominis à naturâ dicitur. Ieiunè
igitur

Natura non
deficit.

igitur ac aride nimis distinguunt illi, qui ciuitatem inchoatam solum & nullo modo perfectam esse à naturâ contendunt. Nam quamuis aliquid splendoris additur ciuitati à fortunâ, plurimum à prudentia & virtute; est tamen in unione & ordine (quæ duo ab intellectu & ratione manant) quædam naturalis ciuitatis perfectio & consummatio. Est ergo ciuitas à naturâ quoad materiam in qua partium multitudo; est quoad formam in qua partium unio; est quoad finem in qua perfectio quædam naturæ cernitur. Quippe ut postea docet Philosophus, natura est finis ciuitatis. Altera quæstio de homine, An sit ciuile animal à naturâ, hanc modò disputatam ut vmbra corpus sequitur. Quippè si ciuitas sit à natura homo vi etiam naturæ animal ciuile erit, idque eò magis quia est materia & pars ciuitatis. Argumenta in textu tria sunt. Primum à toto ad partem, alterum à contrarijs, tertium ab effectis. A toto hoc modo. Ciuitas est à naturâ ut iam probatum est, ergo homo ad ciuitatem natus animal ciuile erit. A contrarijs, quoniam qui fugit ciuitatem, aut belluam immanitate aut hominem religione superat, quorum primo olim hoc versu maledixit poeta.

Cui neq, curia, nec lex est, neq, vestalaresq,

Homer.

Sed hic obiter mouetur quæstio, An solitaria vita sit ullo modo tolerabilis? Respondet philosophus fieri posse ut aliquis sit expers societatis 3. modis, vel ex nimia asperitate fortune, ut pauperes & mendici; vel ex intolerabili prauitate morum, ut fures & insidiosi; vel ex ardenti studio ac pietate animi, ut qui contemptis rebus mortalibus, se totos accommodant rebus diuinis. Hoc genus hominum rarum est, nam sanctum & religiosum est. Vbi sunt nunc dierum Thales, qui abiectis & immeris pecunijs philosophiæ student? Vbi Democriti qui euulsis suis ipsorum oculis contemplationi soli incumbunt? Vbi sunt Socrates, qui relictis suis Xantippis, cycutam pro vno deo libentes hauriunt? Tales homines noster Arist. in hoc textu meliores hominibus appellare audeat. Addit etiam rationem, quia tales suis pollent opibus, suisque bonis contenti viuunt. Concludit ergo, nec feram id est agrestem, nec

Quæstio Ter-
tia.
Solitaria vitæ
causa triplex

Diog. Laert.

Solitarius non
est pars ciui-
tatis.

Pol. 3. cap. 9.

Solitarius,
Infortunatus,
Maledictus,
Beatus.Homo civile
animal.
Ratio.Hominis cum
ape compara-
tio.

Virg. Geor. 4.

Quarta quæ-
stio.
Ciuitas natu-
râ prior do-
mo.

nec Deum, id est, ut multi interpretantur, hominem insigniter religiosum esse partes naturalis ciuitatis: illum enim malicia, hunc excellentia excludit. Horum primum genus à quodam non ineptè dicitur infortunatum, quod miseria: Secundum maledictum, quod infamia: Tertium perbeatum, quod vitæ sanctimonia sequitur. Homines primi ordinis sunt tolerandi in repub. quippè non sponte sed necessitate coacti ciuitatē relinquunt. In secundo autem genere, quia sunt quasi vultures inter aues, & quasi lupi inter oues, id est homines cædē & sanguine solum capti & saginati, ad enses, ad cruces, ad præcipitia sunt condemnandi. Postremò in tertio genere qui sunt, quoniam Deum pro se & pro ciuitate placant, non solum tolerandi, sed etiam sapientibus ut rara exemplaria virtutis imitandi videntur. Hæc hætenus de vitâ solitariâ à Philosopho sunt interiecta: nunc tandem tertium illud argumentum à proprietate humanâ sequitur, quo probat Arist. id quod proposuit, nimirum hominem esse animal civile à naturâ. In hoc argumento proponuntur duo: ratio & comparatio; Ratio quæ est, quod loqui & ratiocinari sint propria hominis, quodque in homine insint non ad affectum tantum significandum ut vox in belluis, sed ad iustum & iniquum, verum & falsum, bonū & malum discutiendū; at ex his coalescit ciuitas, sine his consenescit citò: homo ergo proprijs naturæ viribus natus est ad ciuitatem, animalque civile rectè à naturâ dicitur. Comparatio in hoc argumento est inter apem & hominem, scilicet quod homo sit magis animal sociabile quàm apis. O vtinam tamen apem in regno, apem in prouidentia & melle sequeretur homo. Apes regnum suum habent, totum examen regi obtemperat, rex sine aculeo, sine labore viuunt; tubam quasi clangit, armantur greges; euolat, in turma & ordine sequuntur omnes. Cæterum in his solum instinctus naturæ inest, in homine verò præter instinctum naturæ est vsus & splendor rationis. Postrema quæstio quæ in hoc Cap. tractatur, est, An ciuitas sit domo à naturâ prior? Priorem esse affirmat Philosophus. Si rationes quæras, hæ sunt; Omne totum est prius suâ parte: sed ciuitas est totum: ergo

ergo ciuitas est prior domo quæ pars ciuitatis dicitur. Maior propositio docetur à similitudine, quia ut manus separata à toto corpore, non magis est manus quàm lapis (cum omnes partes per sua officia quæ habent in toto definiantur) ita domus pars ciuitatis dici non potest, si ciuitas naturâ non præexistat. De assumptione syllogismi, nempe quod ciuitas sit totum, nemo Philosophorum dubitat. Altera ratio est ab intentione naturæ, quod finis primum à naturâ intendatur: sed ciuitas est familiæ finis: ergo ciuitas est familiâ intentione naturæ prior. His sic positis & disputatis, concludit Arist. omnem hominem, nisi sit aut fera aut Deus, studio ciuitatis mirificè teneri. Attamen (inquit) ut homo omnibus suis numeris absolutus, animal est omnium animalium optimum: ita qui à lege & ciuitate semotus sine causâ pietatis aut necessitatis viuunt, omnium animalium deterrimum haberi debet. Talis enim armatus est ad omne facinus: at quanta perniciēs armatam maliciam sequitur?

Distinctio primæ Quæstionis.
An ciuitas sit à naturâ?

Ciuitas cō-
sideratur
duobus mo-
dis, aut

Materialiter pro partibus, & sic Versor & quidam alij defendunt solum esse à naturâ, sed ista interpretatio est nimis arida.
Formaliter, quoad naturalem vnionem ordinemque partium, & sic etiam Thomas alijque sanioris iudicij interpretes affirmant ciuitatem esse à naturâ. Sed de hac re satis perspicuè superiùs à nobis est disputatum.

Opp. Quicquid aliter assuescere potest non est à natura: sed Ab adiuncto ciuitas aliter ac est assuescere potest: ergo non est à natura. Maior est in primo capite Libri secundi Ethicorum. Minor Eth. 2. cap. 1. probatur, quia status ciuitatis quotidie (ut experientia docet) Pol. 3. cap. 11. mutantur.

Resp. Aliter ac est non assuescit ciuitas; quod urges de mutato statu, ut nunc sit monarchia, nunc aristocratia, Respondeo mutato statu deleri ciuitatem illam quæ fuit. Nam status ciuitatis

Pol. 3. cap. 2.

tatis est forma ciuitatis, & sublatâ formâ res ipsa tollitur. Si ergo mutetur ciuitas, ciuitas quidem deletur, non tamen specie quæ est æterna sed numero, quæ, ut Plato ait, suum tempus & ætatem habet.

A testimonio.

Opp. Albertus, Borreus, Donatus, Victorius, Versor, & alij permulti aiunt ciuitatem solum inchoatîve & materialiter à natura esse: ergo male defendis formam quoque ciuitatis naturalem esse.

Resp. Nihil antiquius apud me est quàm authoritati cedere, nihil religiosius obseruo quàm veterum iudicio subscribere. In hoc tamen (illorum saluâ reuerentiâ) dicam quod sentio, sterilem esse interpretationem illam, si hoc modo exponunt. Ciuitas est à natura, id est sola materia ciuitatis; quasi verò in opere naturali, quale est ciuitas, non tam formam quàm materiam natura pariat. Quemadmodum ergo naturâ non sunt solum dominus & seruus, pater & filius, vir & uxor, sed etiam eorum naturalis connexio & habitudo: ita non solum est ciuitas quoad partes, sed etiam quadam earum partium naturalis conglutinatio & ordo, à quo verè nomen ciuitatis ducitur. At hæc conglutinatio, hic ordo, sunt naturales formæ ciuitatis.

A disparatis.

Opp. Quæ sunt à solâ virtute non sunt à naturâ: sed unio ciuium & ordo sunt à sola virtute nimirum prudentiâ: ergo unio & ordo ciuitatis non sunt à naturâ: quo dato, ciuitas à naturâ esse rectè non defenditur. Maior est in 2. Ethicorum. Minor est in politicorum 4.

Eth. 2. cap. 1.

Resp. Verba Arist. in calce huius cap. quod homo natus sit prudentiâ & virtute præditus me mouent ut existimem, non solum nudas facultates intellectus & voluntatis, sed etiam illarum actus primos quales sunt ratio & oratio, homini inesse à natura: quæ si ita insint, quorsum quæso, nisi ut naturaliter loquendo & ratiocinando cum alijs rectius viuatur, à quo hic ordo ciuitatis, de quo est nunc disputatum, nascitur? Attende verò quod aliud sit ratio, aliud recta ratio; nam hæc à virtute, illa à naturâ oritur. Illa naturalis prudentia appellata, naturalem hanc unionem & ordinem ciuitatis edit. Est ergo in ciuitate duplex ordo, ut est in homine duplex ratio: est ordo connexionis à naturâ, est ordo perfectionis à iustitiâ: illum prudentia naturalis, hunc prudentia ciuilis perficit.

Quales actus
virtutem se-
quantur do-
cet, quales nō.
In ciuitate or-
do duplex, cō-
nexionis, per-
fectionis.
A specie.

Opp. Iudiciū est ordo ciuitatis: sed iudiciū non est à naturâ: ergo nec ordo. Maior est Arist. in fine huius cap. Minor probatur, quia iudiciū

diciū est approbatio iuris perfectioq; iustitiæ, quæ non à naturâ inest. Resp. Est quedam iustitia naturalis, ut quod tibi fieri non vis alteri nō facias. Est similiter etiam quoddam iudiciū confusum & inchoatum à natura. Respondeo igitur duplicem esse gradum ordinis: alium à ratione & iudicio confuso, quem nos à natura inesse ciuitati defendimus: alium à perfecta prudentia iudicioq; accurato natum, qui hoc loco ordo ciuitatis dicitur. Sed hunc gradum ordinis non à natura sed à virtute perfici in ciuitate non aliter quàm animam in homine à scientia dicimus.

Distinctio 2. quæstionis.

An homo sit animal politicum aut ciuile à natura?

Homo animal ciuile dicitur, vel	Inchoatè secundū potentiam actiuam animi, & sic à naturâ politici nascimur, id est simpliciter apti sumus ad ciuitatē.	Materiā ciuitatis, & sic homo est animal ciuile à naturâ. Nam quilibet aut pater aut filius, dominus aut seruus à naturâ dicitur.	Vim appetitus, quo societatem quærit.			
				Perfectè, vel secundum	Formam, & sic etiā est propter	Vim intellectus, quo eam regit.
						Vsum rationis & sermonis, quo eundem ordinem præscribit.
			Commune bonum, ad quod homo naturaliter contendit.			

Opp. Aliqui fugiunt ciuitatē naturâ ut melancholici, aliqui prauitate ut scelerati: ergo omnis homo non est ciuile animal à natura.

Ab instantia.

Resp. Respondetur huic argumento bifariam, vel quod particularis instantia ab actu ducta vniuersalem propositionem in multis quæ insunt à naturâ non destruat; ut non est satis dicere, Heraclitus non ridet, ergo omnis homo non est natus ad risum; mutus non loquitur, ergo omnis homo non est natus ad sermonem; Melancholicus actu fugit consortium, ergo omnis homo non est natus ad ciuitatem. Vel (si placet) respondetur melius, quod melancholici non à naturâ sed præter naturam fugiunt ciuitatem: Nam dum est iusta proportio eiusdem humoris in homine, expetit ciuitatem: at cum est excessus vel adustio morbus est, idemq; præter, aut contra naturam. Non ergo à naturâ, sed præter aut contra naturam melancholici lucem & theatrum fugiunt. De sceleratis dico, quod non à naturâ sed suo vitio minus apti sunt ad ciuitatem.

B 5

Opp.

Ab oppositis.

Opp. *Voluntarium & naturale sunt opposita: sed esse animal civile est voluntarium: ergo non est naturale. Maior probatur, quia voluntas ex libertate; natura ex necessitate agit. Minor docetur, quia solitariam agentes vitam eligunt potius solitudinem quam civitatem.*

Resp. *Voluntas & natura semper & in omnibus non pugnant, multa enim optamus, quae sunt à natura, ut vitam & sanitatem. Respondeo igitur, quod sit quodammodo voluntarium, & tamen naturale esse animal civile. Nam et si Thales eligat solitudinem potius quam civitatem, hac tamē aptitudo ut sit animal civile manet: Non risit Heraclitus, & tamē potuit. Elias, Iohannes Baptista, Macedonius, Antonius, Hilarion, aliq, sexcenti in eremis, in montibus, in latibulis vixerunt, & tamē in luce & coronā civiū vivere potuerūt.*

Marulus & Cassianus

Distinctio 3. quæstionis.

An solitariam degentes vitam sint cives, aut tolerandi in republica?

Necessitate fortunæ coacti, ut pauperes, & tales sunt tolerandi, si non ex vitio hominis sed ex casu, qualis est naufragium in tempestate, contingat.

Solitariē degentes varijs de causis.

Homines degunt vitam solitariam, vel

Prauitate animi, idq; bifariā, aut

Pietate commoti, quales sunt verē theorici & contemplantes Philosophi, qui exuti ac liberati rerum mortalium curis, intentius multo rebus diuinis student.

Ab adiuncto.

Opp. *Mendici in repub. non sunt tolerandi: ergo solitarij inopiā & necessitate fortuna coacti non sunt tolerandi. Antecedens probatur, quia erratici cum sint, plus nocent quam prosunt civitati, cuius publicum & commune bonum exhauriunt, leges violant, ordines pervertunt.*

Resp. *Aliud est esse mendicum, aliud pauperem. Fateor equidem apud Iudaos, Lacedamonios & Romanos olim rarissimum fuisse hoc genus hominum, & utinam apud nos pauciores essent: id quidem operandum esset, ut quadam hospitia publico are pecunijsq, civitatis vbiq, extruerentur, in quibus pauperum necessitati melius consulatur. De mendicis respondeo, si sint dissoluti, aut ad opera, aut ad supplicia eos cogendos esse. Sed vide hac de re. Lib. 4. cap. 11.*

Opp.

Opp. *Qui vinculum & unionem civium disrumpūt, qui publicū & commune bonum civitatis non augent, nec pro civibus sunt habendi, nec sunt tolerandi in republica: sed contemplationis causā viuentes monastice, & unionem civium disrumpunt, & publicum bonum civitatis non augent: ergo nec pro civibus sunt habendi, nec sunt tolerandi in republica. Maior patet, quia unio est forma, & publicum bonum est finis civitatis. Minor constat, quia monastice viuentes ab unionem civitatis se separant, & publico bono se non accommodant.*

Resp. *Unio civium non solum est externa in bono utili & incundo, sed etiā interna in bono honesto civitatis; quamvis Heremita & solitariē viuentes se separant ab unionem externa bonoq, utili & incundo, sunt tamē coniuncti in unionem interna & bono honesto, cui non minus imò multo magis student, quam qui in theatro civitatis lucent. Cum ergo non minus pietate, consilio, sapientiā reip. prosunt, quā qui arma gerunt, aut qui publica negotia tractant, & sunt pro civibus habendi & etiam tolerandi in civitate; maxime in ea, in qua, ut in 7. libro do-*

Ab effectis.

Unio, externa, interna.
Bonum utile, honestum.

Lib 7. cap. 3.

Opp. *Inuitā Mineruā, & contra naturam monastice ac solitariē viuentes agunt: ergo non sunt tolerandi. Antecedens probatur, quia naturale est ut quisq, mortalium sit appetentior societatis non solitudinis. Argumentum tenet, quia nihil contra naturam est in civitate tolerandum.*

Resp. *Duplex est natura in homine, animalis & intellectualis: illa in solitariē viuentibus supprimitur, hac verò longè excellentior & diuinior redditur; at hac est propriē natura hominis. Nam ut res qualibet est sua forma: ita homo est in essentiā nihil aliud quam mens sua ut testis est Aristoteles in decimo libro Ethicorum cap. ultimo, ubi docet illum humanam vitam solum vivere, qui secundum intellectum & sapientiam, non secundum appetitum & concupiscentiam vivit.*

Hominis natura, animalis, intellectualis.

Distinctio quartæ quæstionis.

An civitas sit domo prior?

Duo in hac quæstione considerantur,

Ordo generationis, & sic partes civitatis sunt priores civitate.
Ordo perfectionis & intentionis naturæ, & sic civitas est prior suis partibus, nempe domo & pagis.

Opp.

Ab efficiente. Opp. *Domus prius intenditur à natura quam ciuitas: ergò intentione natura ciuitas domo prior esse malè defenditur. Antecedens probatur, quia id primum facere intendit natura quod primum fieri necessario debet, sed domus necessario fieri debet, antequam ciuitas fiat: ergò primum domum, non ciuitatem intendit natura.*

Resp. *Ratio hac est fallax, à secundum quid ad simpliciter; fateor enim quòd natura intendat domum primum fieri, in ordine tamen ad ciuitatem; quippè intèdit primum ciuitatem tanquàm perfectionem domus. Ceterum quoniam ciuitas fieri non potest sine domo, domum primum quidem facit ut partem, non autem intendit ut finem operis.*

Ab Absurdo. Opp. *Ridiculum est docere domum primum fieri, & tamen negare domum primum esse: ergò si natura intendat domum primum fieri, intendit etiam domum primum esse, & ex consequenti domus prior erit ciuitate. Antecedens probatur quia res nō fit, nisi etiam esse dicatur.*

Fieri, & Esse. Resp. *Aliud est fieri, aliud est esse. Nam quamuis esse ad fieri sequatur, tamen fieri modū generationis, esse modū perfectionis significat, & hoc est quod nos contendimus, ciuitatē esse primum in suo esse & modo perfectionis, domum esse primum in suo fieri & modo generationis.*

CAP. III.

An domus solum ex trinā societate herili, nuptiali & paternā constet?

An possessio rerum à nobis partarum aut à maioribus relictarum sit pars familiæ?

An seruus rectè definiatur, & an sit à natura?

An liceat feminis imperare?

Methodo sua
facilior fit
Aristoteles
alioqui ob-
scurus.



Domus per-
fectæ partes.

QUAMVIS Arist. sit planè Delphicus & obscurus, ordo tamen, quo in scribendo utitur, illum longè faciliorem reddit. Vt enim lux tenebras noctis, sic ordo nebulas obscuritatis spargit. Proposuit in initio se primum de simplicissimis partibus ciuitatis acturum, eundem nunc ordinē prosequi contendit, quippè tres partes domus hic ordine describit, ut quid sit domus perspecto, quid demum sit ciuitas perspiciatur acutiùs. Domus (inquit) perfe-

perfecta ex seruis & liberis constat; rectè ait domus perfecta: Nam domus pauperis ex domino & boue aliquando tantum consistit. Per seruos & liberos herilem, nuptialem & paternam societatem hominumq; connexionem intelligit, ex quā domus compacta hic rectè definitur. Sed (ais) domus non est pars simplicissima ciuitatis, rectè mones. Non ergò de domo absolute, sed de partibus eiusdem comparatè hoc loco agitur. Ac primum (ut ipse ait) de domino & seruo, quorum coniugationem natura primò peperisse videtur: in homine enim intellectus domini, appetitus mancipij & serui rationem subiit. Sed ut ordine procedā, mihi videtur philosophus in hac parte cap. mouere quatuor. Primum, An ex societate herili, paternā, nuptiali consistat familia? Alterum, An res possessa sit pars familiæ? Tertium, An seruus sit à naturā? Postreimum, An fæminæ imperare liceat? Quæ hic interferit Arist. de opinione illorum qui herilem administrationem eandem cum regiā & politica somniarunt, omninò non attingam: quippe satis de hac re primāque iam motā questione in primo tractatu à me disputatū esse existimo. Qui plura requirit, primam distinctionem & argumenta huius capitis legat. Nunc ad secundam questionē venio, quæ est: An res possessa sit pars familiæ? Videtur non esse. Quippè ex alijs partibus quàm ex seruis & liberis non constat domus; quasi verò res partæ aut relictæ seruorum rationem non habeant? Non certè. Dic causam: quia serui & liberi homines sunt, at res possessæ sunt inanimatæ, ut ager, supellex, & pecuniæ. Quid, an hæc solum? Imò. Erras profectò toto cælo. Nam seruus quem tu hominem appellas, res etiam possessa dicitur. Qui tandem id probas? Vt Arist. in textu probat. At qua ratione ille? Hæc nimirum: quia est in potestate & possessione domini. Est autem quædam distinctio rerum possessorum. Dic illam. Rerum possessorum (inquit philosophus) alia sunt inanimatæ, alia animatæ. Inanimatæ sunt ut clauus, pediculus & radius textoris; Animatæ sunt ut bos, canis & seruus præcipientis. Est ergò res possessa pars quidem familiæ, est etiam seruus res quidem possessa. Quòd ita sit necessariò ratio docet, quia sine

Partes familiæ, nuptialis, paternæ, herilis.

Res possessa est pars familiæ.

Seruus instrumentum est & res possessa.

Res possessæ, vel inanimatæ sunt, vel animatæ.

Seruus instru-
mentum ani-
matum.
Plato in Me-
none.

Instrumentum
actiuum, fa-
ctiuum.

Arist. Eth. lib.
I. cap. I.

his instrumentis, domus nec esse, nec bene esse potest. Quem-
admodum enim gubernatori naui, inanimatum instrumen-
tum clauus est, animatum verò is qui ad clauum sedet: ita
patri familias supellex instrumentum inanimatum, at ser-
uus instrumentum animatum à naturâ datur. Et vt naui
non est tuta, si illa non sint: ita domus non est salua, si hæc in
familiâ gubernandâ desint. Hoc addam, quia vt res ina-
nima est ad manum artificis: ita seruus est ad nutum do-
mini ac possessoris. Concludit ergo rectè Aristoteles, ser-
uum & rem possessam & instrumentum esse: rem possessam,
quia sub imperio domini tenetur; Instrumentum, quia illo
dominus non aliter ac instrumento utitur. Est tamen instru-
mentum animatum vt dixi, quia alia instrumenta inanima
nec se mouere, vt Dedali simulachra; nec se tueri, vt tripodes
Vulcani possunt, quos ait poeta,

Diumum vel sponte sua certamen misse.

Cum ergo nec radij textoris vi suâ texunt, nec plectra cy-
tharam vi propriâ pulsant, nec denique vlla alia instrumen-
ta inanima per se actionem pariunt; necesse erat vt aliud
instrumentum natura pareret, quod animo præditum o-
pera sui domini expeditius rectiusque absolueret. At hic
seruus est, qui specie & naturâ ab alijs instrumentis distin-
gitur. Hoc probat Philosophus duabus rationibus à tri-
plici distinctione instrumenti sumptis. Prima hæc est. In-
strumenta actiua vt aiunt & factiua differunt, sed seruus est
instrumentum actiuum: ergo ab alijs quæ sunt factiua dif-
fert. Actiua sunt, quorum operâ nihil acquiritur præter v-
sum, vt vestis & seruus: Factiua sunt, quibus aliquid præter
vsum acquiritur, vt pecten & gladius. Altera ratio sic se
habet. Actio & effectio specie & naturâ dissident, ergo
& instrumenta quibus illa indigent. Nam sicut actiones
per obiecta, potentia per actiones: ita instrumenta per
suos effectus differunt. Postrema ratio est, quod vita sit a-
ctio (est enim actio prima animæ vigentis) sed seruus est
instrumentum vitæ, ergo seruus est instrumentum actionis.

Quo

Quo dato, sequitur, quod re & naturâ separatur ab illis, quæ
instrumenta passionis habentur. Ex his omnibus serui de-
finitio elicitur. Vt sit instrumentum animatum, actiuum, Seruus quid.
separatum, alterius homo existens, vtensque ratione ali-
enâ non suâ, cui naturale & vtile est seruire. Si optes
hanc definitionem planius exponi, dicitur instrumentum
animatum, sic ab inanimato; actiuum, sic ab effectiuo; se-
paratum, sic à coniuncto; homo alterius existens, sic à libe-
ro; vtens ratione alienâ non suâ, sic à liberto; cui naturale
& vtile est seruire, sic à captiuo differt. Ferunt seruum ab
Aristotele hic definitum, ab Apelle olim sic graphicè de-
lineatum fuisse, vt aures asininas, nares porcinas, manus
omni instrumentorum genere refertas, humeros patulos,
macilentum ventrem, pedes ceruinos, labia duabus se-
ris clausa & obiectata haberet. Per aures asininas tardi-
tas in audiendo consilio; per nares porcinas velocitas in
olfaciendo herili commodo; per manus instrumentis ple-
nas voluntas ad omnia subeunda opera; per humeros patulos
robur ad omnia sustinenda onera; per macilentum ventrem
vitæ frugalitas; per pedes ceruinos corporis agilitas; per la-
bia seris duabus clausa animi fidelitas intelligitur. Seruum
hic descriptum, seruum depictum habes. Altera nunc quæ-
stio sequitur, An hic seruus sit à naturâ. Affirmat esse, idque
probat à prouidentia naturæ, à multiplici distinctione rerum,
à comparatione animi & corporis, ab exemplo maris & fæ-
minæ, à robore & vastitate multitudinis. A prouidentia na-
turæ, quæ in necessarijs non deficit; à multiplici distinctione
rerum, quia in omnibus quoddam imperium & seruitutem
arguit; à comparatione animi & corporis, quia illum vt do-
minum imperare, hoc vt seruum parere docuit; ab exem-
plo maris & fæminæ, quia in omni genere animantium
hæc illi inseruire disceret; à robore & vastitate multitudi-
nis, quam solam ad seruitutem natura destinauit. Mira est
prouidentia naturæ in seruis procreandis meo quidem iudi-
cio. Nam aliter quæ domus? Quæ ciuitas? Quod imperi-
um? Quis ordo? Quæ rerum cura & administratio esse potest?

Quorsum

Seruum quo-
modo de-
pinxerit A-
pelles.

Serui propria

Quæstio ter-
tia.
Seruus est à
natura.
Prima ratio.
Secunda.

Tertia.
Quarta.
Quinta.

Serui necessi-
tas.

Quorsum alios solertes & ingeniosos, alios hebetes & plumbeos produceret? Quorsum in elementis, in plantis, in belluis, ordinem dignitatis & seruitutis præscriberet, hominibus verò quos dominos illorum finxit imperium denegaret? Pulchrum est profectò intruere theatrum rerum omnium, & in eo hoc vnum animaduvertere, quomodo inferiora omnia superioribus ut mancipia dominis subiiciantur; sic terra aquæ, aqua aëri, aër igni, omnia elementa, & ex eis mixta imperio cœli subiecta influentiam, motum, lumen: non aliter quàm serui à suis dominis rationem, vestem & victum habent. Seruum igitur à naturâ negas? Tu ipse ergò delicatule, sentinam in naui haurias, rastris & aratris terram sæcundiorum reddas: hæc quidem præstanda sunt si viuas, & tibi certe si seruos esse à natura neges. Levis & inconsiderate homo, nonnè in teipso corpus animo, appetitum menti, affectum voluntati subesse à natura vides? Tu ipse ciuitas es, cur ergò in ciuitate id à naturâ non inesse asseris, quod in teipso inesse confiteris? Vide marem, vide sæminam, nonnè illum quasi potentiam, nonnè hanc ut impotentiam fecit natura? Sed opportunè postrema nunc quæstio discutienda venit. Audi philosophum. Mas cum sæminâ comparatus melior est, hæc autem deterior, & ille quidem imperare, hæc autem imperio parere debet. At caue ne virus ex his verbis haurias. Nam multæ sunt sæminæ meliores viris, quas magis regnare quàm parere decet. Non dicit Philosophus omnem virum, sed virum sæminâ meliorem esse. Non dicit omnem sæminam, sed sæminam subesse viro. Ut ergò sermone uti aut dominari in hominem quidem cadit à naturâ, omnibus tamen sub homine comprehensis non conuenit: (multi sunt muti, multi sunt serui) ita meliorem esse sæminâ in virum à naturâ cadit, omnibus tamen, sub hoc nomine comprehensis, nequaquam conuenit. Multi enim sunt stulti, sunt multi ad seruitutem nati. Errant ergò & hallucinantur omnino, qui ex hoc loco Arist. sæminis consiliū & imperium negāt, qui omnes iugo seruitutis premunt, qui omnes ab omni virtutis arce & mercede pellunt. Inter illas enim sunt Sabæ, quæ insigni sapientiâ;

Galen. 13. therapeutic. Plur. de placit. philosopho. 4. Cic. de nat. Deor. 1.2.

Quæstio quarta.

Sæminis non negatur proprius imperium.

Sæminæ celebres. 3. Reg. cap. 10. Math. 10.

sapientiâ; ^b Corneliæ, quæ multiplici rerum cognitione; ^c Artemisiæ, quæ rara fortitudine; ^d Susannæ, quæ mira castitate ipsos viros superant. Huc adde, si placet, quod ^e Tomeris Cirum, ^f Hester Hamonem, & Iudith incrimis Holofernem vicerit. Quid? Sunt inter sæminas quædam à natura liberæ, sunt ingeniosæ, sunt scientiæ, consilio, pietate, omni quæ virtutum genere decoratæ: & tamen pro seruis & mancipijs habentur? Nunquam hoc sensit Philosophus. At sensit quidem. Dic ubi. In postremo cap. huius libri, in cuius principio hæc verba habet. Mas ad principatum obtinendum aptior est quàm sæmina à natura. Non pudet te hunc locum mancum & mutilatum protrudere? Cur ea quæ sequuntur verba dissimulas? Sic enim loquitur philosophus. Mas ad principatum obtinendum aptior est quàm sæmina à natura, nisi forte ita comparatus est ut à natura desciverit: hoc ipsum (Nisi) iniquum te esse iudicem huius causæ prodit. Præterea nec rem de qua agitur, nec vim pronuntiati diligenter attendis. Non rem, quia de mari & sæminâ. Non de omni mari, de omni sæmina disputatur. Non vim pronuntiati, quia de sæmina subiecta viro in nuptiali communione hic locus intelligitur. Sed quid respondes loco sequenti in eodem capite, quod sæmina habeat illa quidem consultantis facultatem, sed irritam & imbecillam? Simile illic de virtute sæminæ habetur iudicium, nempe quod sit quidem in illa virtus sed languida & imperfecta. Hæc de sæmina nupta non libera, de coniuncta viro non soluta & immuni intelliguntur omnia. Concludam ergò; natura sæminam sæpè solertem, industria literatam, educatio piam, experientia sapientem facit; quid obstat igitur, quo minus administret rem publicam? Iterum natura eam sæpè liberam parit, cur seruiret? Eam regni heredem parit, cur non regeret? Hæc piæ leges, hæc gentium mores, hæc instituta patrum, hæc sacrarum literarum exempla probant. Insanis ergò furentius vir bone, qui odio in vnam sæminam incitatus monstrosam regnum sæminarum doces. Hoc vnum disce, si sis Philosophus, quod in sæminis imperfectio humoris

Quintilianus. Gellius lib. 10. Daniel 13. Justin. lib. 1. Hest. cap. 6. Iud. cap. 13.

Et regnet pre-
cor.
moris non sit in illis defectio virtutis. Molliores sunt viris
fortasse corpore, at viris virtute non sunt secundæ. Si illis
sceptrum natura dederit, cur regnum negas? Si splendo-
re virtutis te multum superent, cur debitum & officium
non persoluis? Hæres est Angliæ iam vna femina, nega si
audeas; per multos annos regnavit beata, faminarum impe-
rio ergo subscribas.

Distinctio primæ quæstionis.

An domus ex herili, nuptiali & paterna societate constet?

Domus par- tes, instru- menta, finis.	In domo considerati debent	Partes	Materiales, vt pater, filius, dominus, ser- uus, vir & vxor. Hæ enim personæ materiam domus repræsentant.	
			Formales, quæ sunt materialium illarum partium in suis officijs vniones & respectus naturales, vt in viro & vxore ad conserua- tionem speciei: in domino & seruo ad admi- nistrationem rei familiaris.	
			Instrumenta quæ dicuntur, aut	
		Finis	Animata, s eadem; aut } Inanimata, vt omnia supellectilia ad vsus necessarios destinata.	A naturâ, vt serui. A lege, vt conductitij.
			Proximus, vt administratio & conserua- tio familie.	Remotus, vt administratio & conserua- tio ciuitatis.

Ab instantia.

Opp. In omni domo trina societatum copula seu connexio non est:
ergo domus hoc modo non recte definitur. Antecedens patet, quia
in domo aliquando desunt liberi aut serui, vt experientia docet.

Resp. Domus distinguitur in perfectam, quæ hic ab Aristotele
definitur; & in imperfectam, in qua aliquando vna istarum connexi-
onum desideratur.

A distributi-
one, ab effe-
ctis,

Opp. Acquisitio, possessio & administratio rerum (in textu) par-
tes familie dicuntur: ergo sunt plures his tribus, quæ hic à Philoso-
pho assignantur.

Resp. Ratio acquirendi, possidendi & administrandi res ne-
cessarias pars domus in textu dicitur, quia sub illa forma ipsius
domus (quæ est naturalis societatum istarum unio) compre-
henditur. Distingunt ergo quod alia sint partes materiales,
vt

vt Pater, Filius, Dominus, Seruus, Vir & Uxor: alia formales,
vt scientia insit acquirendi pecunias, & ratio prudenter admini-
strandi res necessarias, sine quibus (vt ait in textu Philosophus) fa-
milia nec esse, nec bene esse potest.

Opp. Partes domus sunt à naturâ: sed instrumenta & supelle-
ctilia non sunt à naturâ: ergo non sunt partes domus. Maior constat
in hoc cap. quia tota domus est à natura. Minor probatur, quia in-
strumenta & supellectilia sunt plerumque bona fortuna, quæ arte
potius quàm naturâ constant. Exempli causâ, restrum & aratrum
agricola, sceptrum & coronam principi, aliâq; mille, ipsa scientia
non natura finxit.

Resp. Respondent quidam omnia instrumenta & supellectilia
in domo esse à naturâ quoad materiam, non quoad formam; verbi
causâ, Natura dedit lanam non vestem, lignum non lectum, corium
non calceum, ferrum non gladium, & in similibus. Sed hoc respon-
sum parum placet, quia hæc omnia in materiâ solâ considerata non
sunt magis partes familie quàm alicuius cuiuscunq; rei, quæ ex
illis constet. Respondeo igitur omnes essentielles partes domus esse à
naturâ, quales sunt societates illæ & illarum connexiones: sed hæ
sunt partes fortuitæ & accidentales (vt aiunt) quæ existentiam po-
tius quàm essentiam spectant.

Opp. Illa sunt ex essentiâ sine quibus aliquid nec esse nec bene
esse potest: sed sine instrumentis & supellectilibus domus nec esse
nec bene esse potest: ergo sunt ex essentiâ, & ex consequenti non
sunt partes fortuita solum & aduentitia. Minor est in textu
Aristotelis.

Resp. Multa sunt accidentia necessaria, tam ea quæ materi-
am sequuntur, vt dimensiones respectu corporis, quàm ea quæ
formam, vt splendor & radius respectu solis: sic instru-
menta & supellectilia sunt valde necessaria respectu domus, cu-
ius eatenus partes dicuntur, quatenus usum in illa habent. Ad
locum respondeo, quod esse & bene esse illic pro esse (vt aiunt) exi-
stentiâ, vsuque eiusdem perfecto sumuntur. Nam vt beatus aliquis
vulgò non dicitur, qui instrumentis fortuna eget, quamuis essentia
felicitatis in sola virtute maneat: ita domus populariter esse non
habetur, quæ istis instrumentis fortuna caret, quamuis essentia
domus

domus in trinā societate propriē emineat & subsistat.

Distinctio secundæ Quæstionis.

An possessio rerum à nobis partarum aut relictarum sit pars familiae?

Possessio accipitur bifariam, aut

- Materialiter pro rebus ipsis possessis, & sic sunt partes fortuitæ & accidentales, ut supra docuimus.
- Formaliter pro usu & administratione, & sic est formalis pars domus, aut saltem sub illa parte comprehenditur.

A disparatis. Opp. Nulla substantia sunt partes accidentales: sed res possesse sunt substantia, ut patet de lana, oleo, grano &c. ergo non sunt partes accidentales. Nam substantia accidens nec est, nec esse dicitur.

Resp. Ut homo, quamuis sit substantia, in predicamento relationis accidens dicitur respectu domini aut serui: ita res possesse ut vestis, calcens, ager, licet sint substantia, accidentia dici possunt respectu familiae, cuius essentia in relatione non in substantia ponitur.

A forma. Opp. Unio & ordo administrandi res necessarias est forma domus: sed possessio non est unio aut ordo administrandi res necessarias: ergo non est forma domus, & per consequens pars male formalis dicitur.

Pars familiae primaria, minus primaria. Resp. Pars familiae dicitur vel primario, quæ est ipsa rei forma, ut ratio respectu hominis, ordo respectu domus: vel minus primario, quæ est affectio consequens ipsam formam, & sic possessio forma aut pars formalis dicitur. Hinc in 2. cap. primi lib. economicorum ait Philosophus. Domus quidem partes sunt homo & possessio: homo materia, possessio formæ rationem habet.

Ab adiuncto. Opp. Possessio rerum partarum aut à parentibus nobis relictarum mutari potest manente domo: ergo non videtur esse pars domus. Antecedens probatur, quia talis possessio vendi aut mutari potest. Argumentum sequitur, quia totum non manet sublata parte.

Resp. Domus non manet si tota possessio ruat. Possunt quidem res ipse subiecta possessioni in commutationem iuste mutari: at si omnino possessa tollantur, domus eodem motu labefacta cadit.

Distinctio

Distinctio tertiæ quæstionis, An servus sit à natura.

Ante lapsum, & sic servitutis pœnam non sensit.

Homo consideratur, vel	Post lapsum, & sic à naturā inter mortales servus esse debet, quod probatur	<p>Providentiā naturæ, quæ in necessarijs non deficit, quod quidem fieret, si suum lapsum & miseriam, servorum ope non resciceret.</p> <p>Ordine & dispositione aliarum rerum, quarum aliæ alijs antecellunt.</p> <p>Cōparatione totius animi, qui regit corpus, mentis quæ appetitum ut servum habet.</p> <p>Exemplo viri, cui fœminam in matrimonio natura subiecit.</p> <p>Intentione naturæ, quæ alios solertes, alios hebetes & minus ingeniosos parit.</p> <p>Effectu, quia alios vastos & deformes, alios pulchros & elegantes constituit.</p>	Servus à natura sex de causis.
------------------------	---	---	--------------------------------

Opp. Omnis impotentia siue defectus est præter naturam: sed servitus est quadam impotentia seu defectus: ergo servitus est præter naturam. Maior est Arist. in secundo Ethicorum. Minor probatur, quia minus valere animo & virtute est quadam defectio: sed servus minus valet animo & virtute: ergo servus est quadam defectio.

Resp. Quamuis servus sit quidam defectus respectu domini, non tamen sic est respectu naturæ, quæ servum necessario efficit & intendit. Fateor hoc ipsum (minus valere animo) esse defectum sanè: at verum hoc est si cum domino conferatur, non si in suā ipsius naturā consideretur servus: nam servo minus valere ingenio utile est, quia ei servire perfectio est. Absolutè ergo philosophus non loquitur, cum dicat impotentiam & defectum esse præter naturam: intelligitur propositio solum in illis, quorum perfectionem intentam à natura quadam (præter optatum) naturā imperfectio sequitur, ut si intendat hominem, & producat monstrum. Præterea sunt quadam impotentia, quæ etiam naturales dicuntur, ut potè fœmina, senectus, infantia; quas si esse præter naturam dixeris, erras, quia ab ipsa natura procreantur.

Opp. Natura omnibus & singulis hominibus eandem essentiam, easdem potentias animi, eandem libertatem voluntatis dedit: iniusta ergo esse videtur, si alios ad servitutis iugum coegerit, alios ad dignitatis & honoris solum pertraxerit. Antecedens negari non potest. Argumentum probatur, qui iniustum est libertatem in animi

essentiâ concedere (quam omnibus secundum philosophum dedit natura) & eandem iam datam vinculis dura servitutis premere & coercere.

Resp. Natura omnibus & singulis eandem essentiam, easdem potentias animæ, eandem libertatem voluntatis dedit; sed ita dedit, ut eodem modo in omnibus & singulis non afficerentur, neq; hoc ipsum est iniustum in imperio naturæ, quia prospiciens hoc fore inutile & perniciosum sibi, si omnes regerent, sua dona pro summâ prudentiâ varijs modis distribuit. Quare sicut in omnibus mixtis componendis natura proportionem observat, non illam ad pondus (ut aiunt) sed ad iustitiam, ut unum elementum in quolibet mixto prædominetur, subserviat alterum: ita in constituendâ civitate, quæ est veluti mixtum opus naturæ, eam observat æquitatem, ut alius imperare, alius parere possit. Et sicut in illis est iustitia, ut nihil præter naturam fieri dicatur: ita in his est ordo, ut nihil iniuste à naturâ efficiente intendi videatur.

Naturæ iustitia.

Ab absurdo.

Opp. Si servus is sit à naturâ habendus, qui minus & animo & virtute valet, duo magna incommoda in civitate sæpe sequentur: sed hoc fieri non debet: ergo sic non est definiendus servus. Maior probatur, quia honorandi reges qui sæpe minus ingenio & virtute valent, & venerandi senes qui delirant, pro servis à natura haberentur: quibus incommodis nihil absurdius, nihil immanius excogitari potest.

Resp. Concedo equidem reges & senes aliquando minus sagaces ingenio, minus insignes virtute esse: nec hos nec illos tamen naturæ servos esse concedo. Nam in rege non unum hominem sed totam civitatem intelligo. Quare et si in homine, qui rex est, sit quedam rationis aut virtutis defectio: in rege tamen qui est persona civitatis, nec ratio nec virtus deficit. In senē dico considerandum esse vitæ antea cursum ac rationem; Si olim ingenio & virtute præluxerit, vitium ætatis mancipium non facit; si verò olim flagitiose vixerit, natura eum non modo servum, sed omnium servorum exemplum & portentum fecit.

Ab adiuncto.

Opp. Omnis pena est præter naturam, sed servitus est pena: ergo est præter naturam: quo dato, servus non est à naturâ. Maior est perspicua, quia pena est damnum naturæ. Minor probatur, quia

ex

ex lapsu naturæ humana hoc malum contigit.

Resp. Credo equidem ante lapsum nec animo nec virtute nostros defecisse parentes. Scio undique fuisse perfectos & tanquam intelligentias lucis; nescio tamen an dicam in ipso primo statu aliquam servitutem fuisse, cum deus homini in omnia creata potestatem & imperium dedit, imò in ipsam faminam quam ex costâ finxit. Sed hæc in sacrâ philosophiâ doctioribus relinquens, hoc solum nunc dico, philosophos sic olim tractasse naturam, ut eam post lapsum inuenerint, in qua servitutem non penam sed subsidium, non perniciem sed salutem, non denique malum sed bonum ad necessarios vitæ humanæ usus existimârunt.

Opp. Nullum violentum est naturale, sed servitus est violentum: Ab aduersis, ergo non est naturale. Maior est perspicua secundo physicorum, quia violentum & naturale sunt opposita. Minor probatur, quia in servitute est quedam coactio. Nam licet dominis servos à naturâ ad abiectissima opera, cum velint, cogere; & non aliter quàm boves in foro vendere.

Resp. Rectè Seneca, Servus ad usum non ad crucem datur: crudelis est qui vulnerat, immanis & atrox est qui occidit servum. Debet dominus uti servo ut instrumento ad necessitatem vitæ. Sapienter Aristoteles, Cum servis ita versetur dominus, ut neque superbos esse sinat, neque abiectos esse patiat. Tria (inquit) sunt seruo necessaria, Opus, Cibus, Castigatio; opus verò & castigatio sine cibo violenta res est. Respondeo ergo, servitutem non esse violentam, si ut natura iubet tractetur servus. Servus ad usum, non ad crucem datur. Servos nec superbos, nec abiectos esse sinas.

Opp. Ius naturale est quod omnibus convenit, sed servitus est secundum ius naturale: ergo servitus omnibus conveniret. Maior petitur à definitione iuris naturalis. Minor constat in ipso textu. A definitione.

Resp. Quicquid convenit secundum ius naturale absolutè & formaliter, id omnibus convenit: at servitus solum comparatè & respectivè convenit. Sed huic argumento in explicatione textus satisfeci.

Distinctio quartæ quæstionis.

An liceat feminis imperare?

C4

Rationes

Fæmina potest imperare.

Rationes quibus probatur quod fæmina imperare possit, sunt

1 Quia ipsa natura aliquando fæminas hæredes regnorum facit; quibus depositis non solum seditio sed etiam confusio in repub. orietur.

2 Quia fæmina non minus quam vir secundum naturam, animi consilio, prudentia, virtute, valere potest; at qui ita pollent & excellunt à naturâ, domini in textu esse dicuntur.

3 Quia leges, instituta, exempla maiorum nostrorum hoc licitum esse confirmant.

4 Quia corporis mollities, aut imperfectio humoris in fæminâ illam non magis quam senem aut infirmum à mercede virtutis, id est honore, debet secludere.

5 Quia testimonio sacræ philosophiæ imperium fæminarum approbatur.

Ab adiuncto.

Opp. Omne imperfectius perfectiori iuxta naturæ ordinem & præscriptum subesse debet, sed omnis fæmina est imperfectior viro, ergo omnis fæmina subesse debet. Maior constat. Minor probatur, quia omnis fæmina est naturalis quadam impotentia & imperfectio naturæ, vir autem naturalis potentia & perfectio naturæ dicitur.

Imperant quidam animi præstant.

Resp. Duplex est respectus in fæmina, videlicet animi & corporis: fatemur omnem fæminam esse naturalem quadam impotentiam & imperfectiorem naturæ, si aut mollitudinem corporis aut infirmam temperaturam humoris spectes: sed hoc loco imperium naturale non solum corporis viribus, sed mentis etiam dotibus & ornamentis definitur, in quibus fæmina aliquando (ut antè docuimus) ipsos viros superat.

A pari.

Opp. Mores animi sequuntur temperaturam corporis: ergo si fæmina sit imperfectior corpore, verisimile est quod sit etiam imperfectior animo. Antecedens probatur, quia dum mens est in corpore, tam diu corporis organis & instrumentis utitur ad suos actus producendos.

Mores sequuntur temperaturam.

Resp. Mores animi plerumque non semper temperaturam corporis sequuntur, imò corpore infirmo ac morituro sæpe animus vigetior redditur; causa est, quia tum disruptis quasi servitutis vinculis ad suam immortalitatem ac libertatem volat. Concedendum quidem est in plerisque fæminis non aliter ac in viris animos infirmiores esse: hoc tamen in omnibus contingere pernegamus. Sunt enim plurima, quæ denictis ac sedatis perturbationum procellis

cellis mentes placatas ac tranquillas gerunt.

Opp. Valde indecorum est in naturâ ut fæmina leges condant, ut A disparatis. viris præscribant, ut bella gerant, ut bonos, animosos & sapientes doceant; ergo valde indecorum est ut fæmina ius imperij in viros teneant. Antecedens probatur ex Philosopho, ubi docet quod adferat Pol. lib. 1. cap. 8. decus omni fæmina silentium; si dicat omni, excludit nullam. Præterea in omni benè institutâ repub. fæmina à senatu ut nimis garrula, leues, & inconstantes abiguntur, illis in concilijs loqui aut garrere non permittitur, iure civili aut canonico illis imperium non conceditur.

Resp. Multa quidem sunt in hoc argumento quæ urgent, quæ vero cogunt aut vincunt nulla. Indecorum non est in naturâ ut fæmina virtute excellens cum consensu suorum subditorum leges condant, ut consulari dignitate ac vigilantia utens viris præscribat, ut forti animo prædita bella iusta suscipiat, ut bonos, animosos, sapientes ad suum consilium admittat, ut constans, gravis, & prudens, cum Lacedæmoniorum fæminis in ipsum senatum veniat. De concilijs, de iure civili & canonico quod adfers, dico imperium per illa fæminis negari, non quod non possint imperare à naturâ, sed quod opere plerumque id minus præstent, quod ab ipsâ naturâ suscipiunt.

Opp. Aristotelis verba in hoc Cap. sunt, quod Mas imperare, quod fæmina parere debeat. Iterum, Mas melior est à natura fæminâ. Iterum in Cap. 8. Liber servo, Mas fæmina imperare debet. Adhuc Mas ad principatû obtinendum aptior est quam fæmina, nisi vir à naturâ desciverit; huc adde quod fæminam silentium deceat, quod virtutem non habeat nisi admodum infirmam & imbecillam. Sexcenta sunt alia loca quæ eundem sensum ac sententiam habent; ergo non est probabile quod Arist. fæminis imperium concedere, licitum putet nedum laudabile.

Resp. Omnia hæc loca de fæminis coniunctis viris (ut antè responsum est) intelligi debent, quæ maritis quidem parent, sed imperant familia, vel pares dum uxores, vel sola dum vidua aut virgines.

Dubium capitis.

An { Animus corpori imperio herili } præsit?
 { Mens appetitui imperio civili }
 C5

Disces

Animus corporis herus.

Disces melius quid sit ciuitas, si in teipso quodammodo ciuitatem discas. Animus in corpus, mens in alias potentias animi imperium tenet; iubet animus, ad nutum & iussu mouetur corpus; præscribit ratio, alia animi partes obsequuntur. Sed attende quod corpus ut seruus suo domino, quod appetitus ut ciuis suo regi subit. Nam corpus sic est in potestate animi ut non repugnet. Appetitus vero sic est in potestate mentis ut eius imperio sæpè resistat. Herile ergo est imperium animi in totum corpus, ciuile autem mentis respectu appetitus.

Plat. pol. 4.8. & 9.

Ciuitas accipitur vel

Verè, ut est antea descripta. Analogicè, & sic in homine est quædam imago & similitudo ciuitatis, quia

Animus corpori. Mens voluntati. Omnes præstantiores potentia inferioribus dominantur.

A definitione. Opp. *Omnis seruus est instrumentum domini: sed corpus non est instrumentum animi: ergo non est seruus, & per consequens animus imperium herile in corpus non habet. Maior est in hoc Cap. Minor est Arist. tertio de Animo, ubi docet quod animus sit inorganicus, id est sine instrumentis.*

Resp. *Intelligitur illic Philosophus de instrumentis coniunctis non separatis, quale est seruus. Animus enim non habet propria instrumenta coniuncta sibi in essentia, sed dum est actus corporis utitur organo eiusdem pro imperio ad suos actus producendos: sic oculis ad videndum, lingua ad loquendum, auribus ad audiendum utitur.*

Ab adiuncto. Opp. *Appetitus in primo Ethicorum expers rationis dicitur; ergo in illum potius herile quam ciuile mentis debet esse imperium. Ratio probatur, quia ciuile imperium est, ut ait Philosophus in textu, solum in liberos.*

Resp. Appetitus consideratur, aut

Absolute in essentia, & sic expers rationis est & seruus contumax: hoc modo mentis in illum est herile imperium.

Comparatè, & sic aliquando factus est quasi obediens filius: hoc vero modo imperium animi in illum ciuile habetur.

An præter seruum à naturâ sit seruus lege?

An capti bello sint verè serui?

An nobilitas sit à naturâ?

An ulla sit amicitia domini cum seruo?



PRÆTER seruitutem à naturâ datam, aliam lex ciuitatis dedit, de qua hoc loco acturus est Philosophus. Hæc quatuor (quæ in capitis fronte intueris) dubia multas hic nugas & umbras ingenij pariunt, quæ à Buridano & alijs, de distinctione seruorum, mouentur: quas tamè motas lubens prætereo, illis enim tanquam tricis animus lectoris impeditus se faciliè intra limites authoris non continebit. Est ergo seruorum alius à natura, de quo diximus: est alius à lege, de quo dicturi sumus. Seruus à natura is est, qui ingenio, consilio, & virtute deficit. Seruus lege, qui bello victus in alterius potestatem venit. Exempli causa. Lis orta est inter reges, bellum indicitur, pugnatur, pars vna vincitur; lex iubet ut is qui fortunæ cessit, alteri qui vicit, obsequatur. At legem hanc iniustam esse dico. quid ita? Quia imperium non potentia sed virtute, non fortunâ sed constantia animi, non incerto belli exitu sed multiplici optimarum rerum ornatu definitur. Hæc quidem vna opinio est in textu, sed audi quomodo respondeat altera, nempe quod hæc victoria (non sine virtute acquisita) carere non debeat triumpho, in quo captos seruos & captiuos teneat. At sic meliores sæpè minus in bello fortunati barbaris, sapientes ignaris, boni malis subseruirent. Concedo. Quid hoc absurdius? Imò si sic non fieret, quid hoc in re publica periculosius? Ostende causas. Tres assignantur in textu. Quæ sunt? Prima est à ratione legislatorum, secunda ab utilitate vincentium, tertia à conditione eorum qui superantur: à ratione legislatorum qui politicè ac prouidenter hoc modo remunerandos esse victores in signum virtutis suæ ac fortitudinis

Plato ex Pindaro 4. & 5. de legibus.

Legalis seruitutis rationes tres. Prima.

nis putauerunt, in signum virtutis dico, quippè cum animos & intima cogitata hominum videre non poterant, ut solam virtutem remunerarent, sapienter in illos propensi sunt, in quibus insignia virtutum conspiciuntur. Cum ergo victores tales sunt in quibus vestigia & quasi expressæ imagines veræ fortitudinis ac magnanimitatis apparent: Lege non penitus iniuste sancitum fuit ut capti in bello vincentibus subserui-
 rent. Secunda ratio ab utilitate vincentium ducitur, quia hæc spe allekti, animosius ciues pro patriâ pugnant, nec non alios suo accendunt exemplo, ut strenuè ac fortiter dimicantes ciuitatem defendant. Nihil enim militi animum alacriorem ad dimicandum addit quàm remunerari, nihil animum magis enervat, quàm post periculum vitæ penitus contemni, nedum multis acceptis vulneribus aut fame perire, aut resti suffocari. Utinam sanè armatis melius consuleretur, non enim in altis mænibus ciuitatum, sed in expertis manibus armorum militum consistit imperij salus & tutela. Tum acrius fortiusq; pugnatur, cum spe premij miles ad pugnandum rapitur. Postrema ratio est à conditione illorum, qui superantur in bello; quippe illis etiam utile est iam inclinata fortuna à mortis faucibus liberari, eisq; seruire, qui illos potius seruare quàm occidere & mactare elegerunt. His iam datis, alia legis ratio adhiberi possit, quòd bellicosi homines ad furta, ad homicidia, ad omnia denique flagitia facile accurrant, si nullum præmiû ex spolijs hostium & captiuorum expectarent. Quoniam nunc constat ratione non solum naturâ sed lege etiam seruum definiti, videamus paucis, qualis sit ille tandè qui legis edicto seruus appellatur: si is sit qui in bello capitur, questio est, an verè ac iuste hic nominatur seruus. Soluit hunc nodum in textu Philosophus distinguendo. Est inquit iustum simpliciter, & iustum ex parte. Iustum simpliciter est, ut mancipium à natura simpliciter & absolute seruus appelletur. Est verò iustum secundum quid & ex parte, ut in bello captus serui nomine insigniatur. Rationes in textu tres sunt, à causa belli, à præstantia captiui, à consequentia mali: à causa belli, quæ si sit iniusta, iniquum est in natura ut victus perditorum iugum

Secunda.

Spes premij
militem ani-
mosum reddit.Milites max-
ima ciuitatis.
Tertia.Questio Se-
cunda.
Iustum sim-
pliciter, & ex
parte.

iugum durumq; imperium sustineret. A præstantia captiui, qui si sit à naturâ nobilis & virtute excellens, iniuriosum esse videtur ut ignobilibus subseruiat. A consequentiâ mali, quia miserum est, ut boni à malis, iusti ab iniquis, domini à seruis, præstantes viri & eorum filij à barbaris & sicarijs vendantur; sic tamen agere cum illis licet, qui furore martis perculsi, in tyrannorum potestatem veniunt, simul enim cum captis vita, salus, libertas & honor capiuntur. Est ergo lex, quæ captos in bello seruos definit, iusta illa quidem, sed non simpliciter: est iusta ob causas quas in prima questione diximus; non est iusta simpliciter, ob causas quas in hac secunda hypothesi tradidimus: simili & pari ratione seruus est simpliciter, & seruus est ex parte: ille à naturâ, hic à lege datur. Hoc probat Philosophus à contrario, quia is nobilis à naturâ dicitur, (non qui ut barbarus domi, sed) qui ubiq; terrarum eandem lucem nobilitatis habet. Sed hic opportunè de tertia questione agitur, quæ est, an vera nobilitas sit à naturâ. Magna olim fuit
 & nunc est inter mortales de nobilitate contentio, sapius enim agitur de honore & titulis imperij, quàm de virtute & ornamentis animi. Quot hodiè in altum per gradus fortunæ scandunt? Quot hodiè à folio in viscum & lutum cadunt? Quàm pauci tamen sunt qui quid sit verus honor rectè intelligunt? Vis ut definiam? Est verus honor reuerentia quædam
 solum bonis debita & data in signum virtutis. Est etiam, ut quid. hic probatur, quædam nobilitas à naturâ. Nam sicut in radice est quædam potètia ac dispositio nature, cuius vi ac influentiâ
 in ramos succus, vita & fructus deriuantur: ita in ipsâ naturâ
 est quædam facultas & propensio, cuius motu à patre in filios
 nobilitatis quasi sapor diffunditur. Neq; est nuda in homine
 (ut ait Verfor) ad nobilitatem à naturâ intentio aut inclinatio, sed ab ea cum inclinatione quædam sitis & ordo fluunt,
 multi auidius, idq; à natura, eiusdem amplexum & quasi
 co-ubi quærant; hinc illud, digna est species quæ imparet: & hoc in textu.

Questio Ter-
tia.Honor verus
quid.Honor natu-
ralis quomo-
do dicitur.

*Dirina utraq; stirpe prognatum, quis hunc
seruum vocare non iniquum censeat?*

Helena Theo-
deca.

Est

46
Nobilitas duplex.

Liber primus.

CAP. 4.

Arist. Rhetor.
lib. 2.
Paris.
Quæstio
quarta.

Est ergo duplex perfectio nobilitatis, alia à natura in dispositione mentis, alia à virtute in directione voluntatis. Natura multis animos diuiniore, multis spiritus hebetiores dedit, in illis quædam nobilitas, in his quædam defectio inest. Si ita hæc sint, qui fit, quod sæpè ex bonis mali, ex sapientibus stulti, ex liberis serui, ex nobilibus ignobiles & dissoluti procreentur? Nempe vel propter inualetudinem gignentium, vel propter abundantem aut deficientem materiã, vel propter educationem minus bonã, vel propter exercitationes improbas quibus flos pueritię corrumpitur. Quare quæadmodum dicimus non omnes homines seruos, sed seruos à natura fieri: ita non omnes nobiles, sed nobiles à natura procreari hic demonstramus. Fatendum est Hippocratem summum ac sapientem virum stultissimos generasse filios, fatendum est Hecubam concepisse flammam, peperisse incendium, aluisse Troianorum exitium: non tamen sequitur, quin natura in multis ad celsum nitatur honoris fastigium. Postrema nunc quæstio sequitur: An vlla sit inter dominum & seruum amicitia? Verbo absoluã. Ponit hoc loco Philosophus discrimen inter seruum à natura, & seruum à lege; illũ communicare cum domino in amicitia, hunc omninò dissociari putat. Hoc probat à relatione & conditione vtriusq;: à relatione, quia idem vtriq; prodest. Nam vt pars se habet ad totum: ita seruus ad dominum: sed prodest parti vt regatur à toto, ergo prodest seruo vt regatur à domino. A conditione, quia inter dominum & seruum à natura, est quidam animorum consensus, sed hæc duo in seruis lege non sunt: non primum quia idem vtriq; nõ prodest, non alterum quia inter illos consensus animorum non cernitur. Seruus ergo lege & seruus naturã differunt. Ceterum attende, quod hæc amicitia inter dominum & seruum sit impar & inequalis, ita tamen vt in relatione vtriusq; bonus dominus bonusq; seruus dicatur, iuxta illud Hesiodi. *Optimus ille quidem, qui per sese omnia nouit*: hic de domino. *Ille bonus rursus monitus qui recta sequatur*. sic de seruo loquitur. Animaduertendũ hic est, quod in calce huius Cap. Arist. retexat dubium quod de diuersis administrationis generibus

in

CAP. 4.

Liber primus.

47

in primo cap. mouebat, nepe an gubernatio despotica ab æconomica, politica, & regiã naturã differat. Ostendit vt nos illic antea ostendimus, has species administrandi causã, subiecto, materia & fine inter se differre. Sed acta nõ agam: hoc solum nunc dico, me ea quę sic sparsa sũt, & quasi in varijs tabulis depicta ab Arist. in sua loca ita collecturũ, vt vbi mouentur quęstiones illic etiã solutiones habeantur. Hoc eo cõsilio me nũc fecisse & dehinc facturũ polliceor, ne distractº nimiũ lectoris animus desiderio languescat cognoscendę veritatis.

Distinctio primę quæstionis. *An sit seruus lege?*

Seruorum alius	Legalis, idemq; aut	Militiã captus, qui seruus esse probatur	Naturalis, vt antea probatum est.
			A ratione legislatoris, qui tales constituendo seruos communi & publico bono ciuitatis consulit.
			Ab vtilitate vincentium, qui sic remunerati fortius & animosius pugnant.
			A conditione eorum qui vincuntur, quos ratio iubet illis seruire à quibus iam victi conseruantur.
			A cõsecutione multorum malorum, si hoc nõ fieret. Nã bellicosi hac spe sublatã omnes crudeliter trucidarẽt, seq; ad rapinas & alia immania scelera penitus conuerterẽt.
			Pecuniã conductus, qui ad tempus, lege, non aliter quàm seruus præstare debet officium serui.

Opp. *Lex (cum sit ratio iustitiæ) contradicere non debet naturæ & æquitati: sed lex, quæ victos in bello facit seruos, naturæ & æquitati repugnat: ergo seruos lege ponere præter seruos à naturã non oportet. Maior constat. Minor probatur, quia est contra naturam & æquitatem vt civilis barbaro, sapiens stulto, iustus scelerato seruiat, at tales sæpè in bello superantur.*

Resp. *Humana providentia finita est, omnesq; casus & euentus rerũ futurarũ in legibus de futuris sanciendo non videt. Hinc lex de seruitute captorum in bello à notis & signis externis pendet. Legislator enim prospiciens victoriam esse signũ internæ virtutis (nempe fortitudinis) iubet victores captiuorum seruitute remunerari: non est ergo contra naturam & æquitatem, vt capti in bello captiui fiant, quippe lex in hoc solum intendit bonum: quod aliter contingat aliquando, id inconstantia & leuitati fortune, non legis iniquitati ascribi debet.*

Opp.

Gubernatio
Despotica,
æconomica,
Politica,
Regia.

A forma.

Opp. Lex (qua est iustitia norma) simpliciter iusta esse debet: sed hac lex de servis lege non est simpliciter iusta: ergo per se lex non est. Quo concesso, hoc quoque sequetur, quod servus lege servus non sit. Maior est Arist. in 5. Ethicorum, ubi lex vox iustitia recte definitur. Minor est in textu, ubi docet Philosophus hanc legem esse ex parte solum, non absolute iustam.

Resp. Non dicit in textu hanc legem esse ex parte iustam, sed esse secundum quid iustum, ut meliores in bello capti pareant se deterioribus. Lex iusta est, quamvis euentum legis aliquando videatur durum. Lex alia iubet, ut latro idoneis testibus victus & condemnatus hac luce priuatur, Aristides aliquis accusatur, graues sed falsi & larnati testes subornantur, capitis sententia fertur, in crucem tollitur, iustus Aristides quidem: propter hunc malum euentum legem iniustam, indicem iniquum appellabis? Si hoc feceris iniuriam facis.

A distributi-
one.

Opp. Plura sunt genera servorum quam hac duo: ergo mala est hac diuisio servorum. Antecedens probatur, quia opifices mercede conducti, milites sub imperio ducis, ciues sub authoritate regis servi sunt, hi enim omnes & singuli alijs tanquam dominis obsequi & obtemperare coguntur.

Resp. Hi sub servis a lege analogice continentur, quippe lex iubet mercenarios se conducentibus, milites imperantibus, ciues suis rebus subijci & obedire: est tamen discrimen inter hos & illos, quia in hos civile, in illos herile exercetur imperium.

Ab effectis.

Opp. Qui vim & oppressionem inferri iubet est iniustus, sed istius legis inuentor vim & oppressionem inferri iubet: ergo est iniustus. Minor probatur quia hoc posito quod causa belli sit iniusta, iniusta etiam erit victoria, iniusta autem victoria existente tyrannus & oppressor est, qui deuictos & superatos perditorum tyrannidi subesse iubet.

Resp. Sepulveda & alij respondent hanc, de captiuis legem de bello iuste suscepto dari, putant enim si iniusta sit causa belli, iniustum esse omnino, ut capti captiui teneantur. Sed aliter hunc nodum soluit Borrens: quod licet bellum sit iniustum, non tamen est iniustum simpliciter ut capti victoribus obsequantur. Rationem addit, quia legislatoris intentio est, ut virtus vincentis sic honoretur.

Distin-

Distinctio secundae quaestionis.

An capti in bello sint vere serui?

In seruitute legali sole- mus dno re- spicere,	Causam belli, quae est aut Naturam captiui, quae est aut	{	Iusta, & sic est servus secundum quid, ut aiunt.
			Iniqua, & sic est servus simpliciter, quia iuste malus in mala causa cadit.
		{	Bona, & sic est servus ex parte secundum legem.
			Depravata, & sic est servus absolute secundum naturam.

Opp. Iniqua causa belli simpliciter servum non facit: ergo male distinguitur. Antecedens probatur, quia iniquitas causa in rege motore belli solum consistit, non autem in subditis, qui in periculum pugnante rege inuiti fortasse pertrahuntur, videtur ergo impium & iniquum ut pro unius iniusti temeritate tot homines simpliciter servi habeantur.

Ab efficiente.

Resp. Parum attente consideratur distinctio si sic concludas; non enim hic docemus omnes & singulos cadentes in mala causa esse simpliciter servos, sed illos solum qui authores fautoresque iniusti belli existunt: quippe mali sunt & scelerati. Sunt etiam & reliqui a lege servi, at non simpliciter & eodem modo; ratio est, quia etsi regem pro officio defenderunt, iniusta tamen causa omnino non fauebant.

Opp. Legalis iustitia est optima species iustitia, ut docet Philosophus in 5. Ethicorum: ergo simpliciter & non ex parte iustum in re-
pub. pro lege poneret. Quo dato, legalis servus aut esset omnino servus, aut penitus servi nomine non afficeretur.

A distribu-
tione ab effe-
ctis.

Resp. Legalis iustitia optima dicitur, quia maxime bono communi civitatis consulit. Caterum cum specialis lex de singulis rebus dari non potest, deficiente lege moderatur equitas. Non est ergo aut in lege aut iustitia defectio, sed in humana providentia, qua minus rerum futurarum euenta hominumque acta & cogitata perspicit.

D

Distin-

Distinctio tertie questionis. *An nobilitas sit à naturâ?*

Nobilitas distinguitur.	Nobilitas est vel	Naturalis, eademque bifariam, aut	Successione sanguinis, sic ex nobilibus nobiles gignuntur.
		Ciuis, & hæc est in	<p>Virtute magis quam vitio conseruatur natura.</p> <p>Bona dispositione corporis, quæ est à naturâ, mens actu nobilior redditur humana.</p> <p>Applausu multitudinis, quæ est leuis, inconstans & peritura.</p> <p>Habitu virtutis, quæ à fortunâ & naturâ absolute non pendet.</p>

A proprietate naturæ. Opp. *Natura propensior est ad vitium quam ad virtutem: ergo vera nobilitas, quæ est virtutis comes, à natura non fluit. Antecedens probatur, quia natura humana est corrupta & deprauata, ex quo sequitur quod magis ad malum quam ad bonum tendat.*

Virtus est medicina mentis. Resp. *Natura quidem hominis infirma est & vulnerata, non tamen penitus corrupta. Quare ut infirmus medicum, vulneratus medicinam: ita natura virtutem, qua conseruatur, quarit. Hoc datum est lapidi ut suum bonum idque à natura petat, hoc datum est homini ut luce natura illustratus suam perniciem fugiat. Cum ergo in vitio ruam, in virtute salutem videat, ad hanc à qua conseruatur potius, quam ad illud à quo corrumpitur vi propria tenderet: lapsus autem non tendit. Nam sine gratia diuina non aliter quam infans sine manu nutricis cadit.*

A partibus. Opp. *Nobilitas neque à materia, neque à forma humana fluit, ergo non est à natura. Antecedens probatur: non à materia, quia nemo nobilis à trunco corporis dicitur; non à forma, quæ solum esse, non nobile esse suæ materie tribuit.*

Nobilitas quomodo à natura. Resp. *Nec à materia nec à forma per se, sed ab intentione naturæ & dispositione utriusque fluit nobilitas. In multis enim sic disponit materiam ipsa natura, ut tam corpore quam animo promiores sint ad virtutem, à qua vera nobilitas est suscepta. Non ergo in natura est solum inchoatio nobilitatis, sed etiam quedam dispositio motus & ordo, quo (adutrice industriâ) cito acquiritur.*

A causa. Opp. *Honor & nobilitas à Deo sunt: ergo garriunt Philosophi qui à natura & industria hæc esse contendunt.*

Resp.

Resp. *Deus fons est & prima causa omnis virtutis omnisque honoris, impium tamen non est neque absurdum media & quasi instrumenta alia docere: erras, si somnies nos Deo quicquam detrachere, cum audias nos multum naturæ aliisque causis ascribere. Hoc enim est magis laudare Deum, quoniam illum in operibus reddit gloriosum.*

Distinctio 4. quæst. *An ulla sit amicitia inter dominum & seruum?*

Amicitia sumitur, aut

Strictè, pro consensione parium in virtute, & sic non est. Amicitia communiter, pro mutuâ concordia & consensu in bono vtili quod utrique prodest; & sic inter dominum & seruum est quedam amicitia. Amicitia communiter dicta est inter dominum & seruum.

Opp. *Seruus potest cum domino in virtute consentire; ergo potest veram amicitiam cum domino contrahere. Antecedens patet, quia virtus seruis non negatur.*

Resp. *Est virtus in seruo sed imbecilla, est conspiratio in virtute sed non libera. Nam si ait dominus, non negat seruus; si iubeat dominus, non resistit seruus. Est enim seruus eius, non is qui dominus; id est seruus non alter ego dicitur.*

Opp. *Vis omnem diuellit amicitiam: sed inter dominum & seruum est vis: ergo inter dominum & seruum non est amicitia. Maior est 8. Ethicorum.*

Minor probatur, quia in bello captus seruus est, qui vi martis ad seruitutem cogitur. Præterea voluntas serui naturalis, coacta non libera, eius ratio impulsæ non soluta esse videtur. Ratio est, quia alterius est homo non sui, aliena ratione utitur non propria.

Resp. *In primo exemplo ad idem non disputatur. Nam hic de seruo naturali, non de seruo legali agitur. Quod urges de seruo naturali, dico nec voluntatem in eo nec rationem esse coactam. Vult enim seruus idque à natura suo domino inservire, vult sibi prodesse, quod certe non fieret si alterius imperio se non subiceret.*

Dubium capitis. *An ex bonis boni naturâ generentur?*

Vetus est illud, qualis pater talis filius, quippe ex bonâ causâ bonus effectus nascitur. Ut ergo monstrum est si ouis lupum, si canis leonem: sic monstrum est si bonus Neronem gignat. Sapienter Zeno, bonus est filius? Pars patris est: malus est? vomitus naturæ dicitur. Degeneras Pari, quid hoc sceleratius? Auitos mores tenes Auguste, quid hoc excelsius? Vis bone adolescens perscrutari causam? Degener est qui generi suo labem aspergit, filius est qui bonos parentes imitatur.

D 2

Bonum

Boni bonis progenerantur. Filius bonus pars patris, malus naturæ vomitus.

Bonum
Entis,
Moris.

Bonum
est du-
plex,

Entis, & sic omne simile gignit sibi simile, idque vi naturæ,
ut est in lib. primo de ortu & interitu.

Moris & sic
etiā natura
ex bonis bo-
nos contē-
dit gignere

Infundendo potentias virtutis.
Inclinando animam ad studium honestatis
quo conseruatur.
Aptando in multis corpus ad imperiū mētis.
Demonstrando Deum esse summum bonum
ad quod hominem naturali vi rationis & intel-
lectus trahit.

A propieta-
te naturæ.

Opp. *Quicquid mutari potest naturaliter non conuenit: sed bo-
nos filios ex bonis parentibus nasci mutari potest, ut experientia do-
cet: ergo naturaliter non conuenit. Maior est secundo Eth. cap. 1.*

Resp. *Quicquid conuenit naturaliter absolute & simpliciter mu-
tari non potest. Hoc autem ex parte dispositionis & ordinis natura
conuenit, non autem ex parte finis & perfectionis.*

A pari.

Opp. *Simpliciter conuenit homini ut hominem, bellua ut bellu-
am gignat: ergo simpliciter conuenit bono ut bonum generet. Argu-
mentum est Arist. in textu.*

Simile illu-
strat, non pro-
bat.

Resp. *Argumentum à simili rectè docet & illustrat, non tamen
in omnibus simpliciter & absolute tenet. Ut ergo homo hominem,
ita bonus bonum in intentione, ordine & dispositione natura gignit,
non quod natura bonum moris in lucē edat, sed quod ad illud in quo
maximè conseruatur, omni veluti studio & conatu tendat. Qui er-
gò natus à bonis, malus existit, is si propositum natura spectet de-
gener, spurius, & nè grauius quid dicam, monstrum natura dici-
tur. Hinc discant bonorum filij se bonos non malos esse debere, nam
multi natura lumen obscurant, motū impediunt, ordinē peruertunt,
ab intento fine illam sponte & sceleratè pellunt. At qui hac faciunt,
quid aliud agunt & conantur, quàm ut cum monstris à pulchri-
tudine, ordine, amplexuq; natura longissime discedant ac separentur?*

Malus filius
bonorum pa-
rentum mon-
strum naturæ
dicitur.

CAP. V.

*An Ratio acquirendi pecuniam sit re eadem cum arte admini-
strandi familiam?*

*An Ratio acquirendi pecuniam sit pars domus vel ministra?
& si sit, utrum instrumentum vel materiam prabeat?*

An Ratio querendi victum sit à natura?

An Ad hominis vsum omnia fiant?

ORDO



R D O in omni scientiā rebus lucem,
authori fidem & laudem addit. Abs
re ergò non est, ordinem, quem hīc
obseruat Philosophus, verbo attin-
gere. De prima parte domus (quæ est
societas domini & serui) egit, seruum
naturā seruūq; lege definiuit; illum
partem domus, instrumentum domi-
mini, rem possessam esse conclusit;
nunc ergò sequitur ut ipsam possessionem artemq; vtendi
rebus possessis tradat. Sed huius tractationis sunt tria Capita,
in quorum primo de facultate acquirendi victum, in secun-
do de arte comparandi pecuniam, in tertio de modo inue-
niendi vsum differit. Hoc ordine (quo nihil est dilucidius) iam
paucis descripto, id quod est huius loci ac instituti aggredia-
mur. Tritum est illud, Sine Cerere & Baccho friget Venus.
Non est vita si non sit cibus, non est familia si nō sint ad victū
cultumq; necessaria. Ut ergò satis in naturā non est, dedisse
partes domus, nisi etiam res paret quibus conseruetur: ita sa-
tis non est in hac scientiā has partes delineasse, nisi etiam ar-
tem acquirendi necessaria eisdemque acquisitis benè vtendi
traderet. Primum igitur hīc quærit Philosophus, an ratio ac-
quirendi pecuniam (per quam intelligit necessaria) sit re ea-
dem cum arte administrandi familiam; cui hæc duo necit,
An sit pars domus vel ministra? Et si sit ministra, An instru-
mentum vel materiam prabeat? Non soluit hæc omnia in hoc
Cap. Arist. Cæterum promissi haud immemor quod prius de-
derim, singulas quæstiones in proprijs suis locis facilitatis
causā pro viribus absoluam. Ad primam ergò respondet phi-
losophus, rationem acquirendi pecuniam eandem non esse
cum arte administrand familiam. Nam etsi per rationem ac-
quirendi pecuniam scientia comparandi omnia necessaria, &
per artem administrandi familiam tota œconomia intelligen-
tur: est tamē, si impensius rem ipsam consideres, inter has du-
as artes (neimpè cogendæ pecuniæ & gubernandæ familiæ)
plana, efficax & aperta distinctio. Argumenta quibus hoc ip-
sum

Acquirendæ
pecuniæ ra-
tio non est
eadem cum
administrati-
one familiæ.

D 3

sum probo duo sunt, alterū à disparatis, alterū à diuersis vtriufq; finibus. A disparatis hoc modo. Ille facultates re differunt, quarū altera acquirit, altera vitur: sed prima facultas est acquirēdi, vtendi altera: ergo re & naturā hāc duę facultates differunt. Maior constat. Assumptio in textu est, vbi dicit philosophus, quod solius gubernationis domesticæ sit vti his rebus quæ in domo sunt. A diuersis finibus hoc etiam modo. Fines harū facultatū sunt diuersi: ergo ipsæ facultates inter se differunt. Antecedens probatur, quia finis pecuniariæ facultatis, est parare instrumenta; finis domesticæ, benè vtendo illis instrumentis totā familiam tueri & conseruare. Quantum ergo modus rei ab vsu, quantum instrumentū à fine: tantum ratio acquirēdi pecuniā ab arte administrandi familiam differt. Proximè iam queritur, vtrum hęc ratio cogendę pecunię sit pars domus vel ministra? Certè non multum refert an partem vel administratricem affirmes. Nā vt pecunia materia quidē belli est, & etiā instrumentum, vt manus pars corporis est, & etiā organum: ita ratio acquirēdi pecuniā pars domus & instrumentū appellari potest. Pars, si formā; instrumentū, si vsum spectes. Sunt tamē hīc quidā interpretes, qui potius ministrā quā partē definiendū esse seriō existimant. Nā aiunt, quēadmodum quædam artes alijs dignioribus (vt ars chyrurgica medicine, ars pectinaria textrine) subiiciuntur: ita hęc ratio res necessarias cōparandi sub illā gubernandi nō aliter quā famula & ministra ponitur. Et vt illa nunc materiam, sicut quæ æs molitur statuario, nunc instrumentū, sicut quæ radios cōficit textori subministrant: ita hęc ratio acquirēdi pecuniā aliquando materiā vt lanā, granū, oleū; aliquando instrumentū vt vestē, aurū & argentū suggerit. Agnosco equidē esse aliquot eosdēq; non parui æstimandos interpretes, qui docēt, nō materiā vt lanā, sed solū instrumentū vt vestem, hanc facultatē administrare. Verū cū facultas acquirēdi necessaria dicatur, cumq; inter necessaria ad domū, nō solū instrumenta, sed res alias quæ locū materiæ habent annumeramus, rationē certè nō video, quā id cōfirmare possunt, quod loquūtur. Inexpertus & minus frugi est ille paterfamilias, qui nō pastionē ex quā pecora; id est, qui non materiā ex qua instrumenta

Quæstio 2.

habeat, conetur acquirere. Vt enim Faber nō solū gladiū sed ferrū, gēmarius non solū anulū sed aurū; ita paterfamilias non solū bouē sed agrū, id est, nō solū instrumentū sed materiā querit. Cōcludo igitur ea quæ in frōte huius capitis mouētur dubia, nēpē rationē acquirēdi pecuniā differre ab arte administrandi familiā, eandēq; vno respectu partē, alio ministrā existentē, nunc materiā vt ferrū, nūc instrumentū vt gladiū suppeditare. Finitis his tandē opportunè sequūtur alia, nimirum, *Quæst. 3. & 4.* An ratio acquirēdi necessaria ad victū sit à naturā? & an omnia quæ fiunt, ad hominis vitā vsumq; destinētur? Generatim modò de vitā, speciatim de victu iam disputatur. Nā vt ratio quarendi necessaria ad vitā patrifamilias est meditanda: ita solertia comparandi necessaria ad victū, in quo salus & vita domus cōtinētur, præ ceteris omnibus est perdiscēda. Quippē vt sine alimento omnino non viuatur: ita sine hac victus ratione domus non conseruatur. Animaduertendū est, quod etsi hęc cura victus parandi in rebus multis cōsistit, maximè tamen in agriculturā (quæ nutritrix ciuitatis dicitur) eandem hoc loco Arist. ponit. Hinc multiplex tam victus quā vitæ distinctio & comparatio in textu traditur. Victus & vitæ dico, quia varia ipsius vitæ genera ex multiplici victus ratione emanare constat. Sed vt sūmatim ea omnia dicā, quæ in textu sparsim & confusè latent, sedulò ac diligenter attende, quod Victus duo generā sunt præcipua victus genera: alterū in ipsis visceribus & nera. quasi medullis naturæ positū, alterū à naturā quoq; fluēs, sed arte & industriā cōsumatū: illud immediatè, hoc remotè ab vtero naturæ deriuari dicitur. Illud est exempli causā, vt pabulum q̄ pecori; hoc est vt alimētum q̄ homini cōparatur. De illo agens philosophus in hac parte capitis sic distinguit, vt aliud sit primariū, aliud minus primariū: primarium in agriculturā & pastoralē facultatē; minus primarium, in prædatorium, piscatorium, venaticum & mixtū ex his genus diuiditur. Agricultura est laboriosa quasi nutritrix ciuitatis. Pastoralis facultas est custos pecoris. Sed quid ago? hęc nō definit hoc loco Philosophus: id potius in cōparatione docet, quod quēadmodum belluarum quædam gregatim, quædam sparsim & vagē

Agricultura
nutrix ciui-
tatis.

vagè viuunt, & vt aliæ animantibus, aliæ fructibus, aliæ omni genere pabuli vescuntur: ita hominum alij hac, alij illâ ratione victus delectantur. Hinc multi ex agriculturâ, multi ex pastoralis facultate, nonnulli ex venatione, plurimi ex piscatu, omnes & singuli ex his aut illis de quibus diximus imperu naturæ suum victum queritant. Huc adde quod hæc omnia sint naturalia: ergo ratio victus à naturâ oritur. Si firmitus probari hoc ipsum cupias, sic accipe. Omnis ars quâ acquiritur sine medio id quod natura fundit propter animal, est maximè naturalis homini: sed ars acquirendi victum est huiusmodi; ergo est naturalis. Patet ratio, quia nihil frustra facit natura neque deficit in necessarijs: at multum deficeret quidem si animalia produceret solum vt mater, & non etiam vt nutrix aleret & conseruaret: sed nutrix tenera est natura, eademque fouet quæ produxit. Hoc videre licet in omni genere animantium quæ vel semine vel putredine oriuntur. Miraculi instar est in ouiparis, quomodo vna pars oui ad vitam, alia ad victum & alimentum pertinet. O quanta cura quantumque studium naturæ est; quæ tantum victum vnâ cum fetu parit, vt satis esse possit ad alendum id quod natum est, donec ipsum sibi suppeditare alimentum possit. His iam perspectis, quis negat victus comparandi artē esse naturalem? De altero remoto genere minusque primario acquirendi victus, quod in commutatione versatur, hoc loco non agit Philosophus. Ad postremum ergo dubium huius Cap. mea iam festinat oratio, hoc est, An ad hominis vsum omnia à deo & naturâ fiant? Postquam sapienter Arist. terram plantis, plantas belluis, belluas hominibus cibaria subministrare animaduertit, in eam tandem venit sententiam vt apertè & præclare dicat elementa, plantas, belluas, & denique omnia, quæ vnquam natura finxerit, hominis principis animantium causâ fieri, & ad eius solius vsum ab ipsâ naturâ destinari. Rectè ille,

Cuncta timent hominem, quia præsidet ipse creatis.

Hoc ipsum probari potest à gradu rerum, ab ordine diuinæ prouidentiae, à proprietate hominis, à virtute mentis. Gradus rerum quatuor sunt, 1. est simpliciter naturalium, 2. est anima-

Natura & mater & nutrix est.

Oui pars ad vitam, pars ad victum pertinet.

Hominis ad vsum fieri à deo omnia.

animatorum, 3. sensibilibus, postremus eorum quæ ratione vtuntur. In his gradibus sic comparatum est, vt omnia quæ sunt imperfectiora perfectiorum causâ fiant, vtque sic constituta homini in ultimo gradu existenti obedienter subseruiant & obsequantur. Prouidentia diuina hoc etiâ probat, quia illa sic omnia in ordinē digessit, vt superiora in inferiora principatū teneant. Proprietas humana, ratio & prudentia est, quæ imperium in belluas, in plantas, in elementa suo iure vendicat. Virtus mentis denique sapientia & quædam imago dei est, cui propter influentiam diuinæ naturæ omnia, quæ naturâ fiunt, subiiciuntur. Hoc imperiū hominis olim pulchrè depinxit poëta, Virgilius.

Sic vos non vobis vellera fertis oues:

Sic vos non vobis mellificatis apes:

Sic vos non vobis fertis aratra boves:

Sic vos non vobis nidificatis aues.

Sic omnia à deo creata primum deo tum homini ex iure naturæ sui vsum & fructum ferunt. Tibi ergo ô homo cælum & terra, planta & bellua, tibi omnia & singula naturæ opera subiiciuntur? Quorsum hæc? Quorsum hæc quæris ingratisimum animal? Vt tu Deo subesse discas, qui te in hoc gradu collocauit. At dices cælum mihi non obtemperat. Non de Iosua hinc loquar, ad cuius vocē sol ipse stetit, non de Eliâ qui ignē de cælo euocauit, sed de sapiente, qui (vt est in proverbio) ipsis syderibus dominatur; si syderibus, multo magis alijs rebus in his imis sedibus naturæ positis, quæ à cælo suum esse & bene esse habēt. Ex his cōcludo cum Arist. omnia hominis causâ fieri, & ad eiusdē vsum ab ipsâ naturâ destinari.

Distinctio.

- | | | |
|---|---|---|
| Ratio acquirendi pecuniam differt ab arte administrandi familiam in | { | 1 Obiecto, quia obiectum illius est pecunia. i. res omnis necessaria: obiectum verò huius est tota familia. |
| | | 2 Formâ, quia illa est administra domus, hæc verò perfectio, in quâ ordo & pulchritudo eminet. |
| | | 3 Proprietate, quia illius est acquirere necessaria, huius autem acquisitis benè & prudenter vtī. |
| | | 4 Fine, quia illius finis est parare instrumenta, huius autem ipsdē paratis probè vtendo totam familiam tueri & conseruare. |

Cuncta nobis subsunt, vt nos deo subiiciamur.

^a Lib. Iosua. cap. 10.
^b 4. Reg. cap. 1.
Sapiens dominabitur astris.

D 5

Opp.

A parte ad
totum.

Opp. Pars non differt à toto: sed ratio acquirēdi pecuniā est pars domestica administrationis: ergo ab eā non differt. Minor probatur, quia ut manus est in corpore, ita ratio acquirendi pecuniā est in oeconomia: sed manus est pars corporis, ergo ratio acquirendi pecuniā est pars domestica administrationis.

Resp. Pars ut manus hominis bifariā cōsideratur, aut in propriā suā essentiā, & sic differt à toto; vel in completā essentiā totius, & sic non differt. Est enim totū sic acceptū nihil aliud quā suae partes. Agnosco igitur artē acquirendi pecuniā esse quidē partē oeconomiae, sed respondeo quod in suā propriā essentiā officioq; hic consideretur.

A subalternis.

Opp. Artes, quarū altera alteri subalternatim (ut aiunt) subijcitur, inter se naturā non differunt: sed ratio acquirendi pecuniā rationi administrandi familiā subijcitur: ergo re & naturā ab ea nō differt. Maior est Arist. in analyticis, & ratione sic probatur in exemplis de chyrurgicā arte & medicinā, de magiā naturali & Philosophiā &c. Minor probatur, quia ratio acquirendi pecuniā supeditat instrumenta quibus ratio administrandi utitur.

Resp. Considerantur artes subalterna nō aliter quā partes, vel per se, & sic differunt: vel in esse totius, & sic unā artē completā faciunt, ut chyrurgica & medicina, oeconomica & moralis philosophia. Est quidem chyrurgia pars medicinae, est oeconomia pars moralis philosophia. Caterum ut illa distincta subiecta, proprietates, & fines habent, si separatim considerentur: ita & haec duae rationes in illis (quorum mentionem fecimus) distinguuntur.

A necessario.

Opp. Ea naturā non differunt quorū alterū sine altero esse nō potest: sed ratio administrandi familiā non est sine arte cōparandi pecuniā, ergo haec duae rationes naturā non differunt. Maior cōstat à definitione necessarij. Minor probatur, quia non potest esse rerum administratio, nisi sit prius earum rerum acquisitio.

Resp. In his est necessitas consequētia nō necessitas causae. Quēadmodū enim non est electio, si nō sit precedens deliberatio, & tamen deliberatio non est re eadem cum electione: ita non est administratio rerum, si non precedat acquisitio; & tamen acquisitio ab administratione re & naturā differt.

A causa.

Opp. Causa nō differt ab effectu: sed ratio acquirēdi pecuniā est causa utēdi illā: ergo ratio acquirēdi pecuniā à ratione administrandi

non

non differt. Minor probatur, quia administratio ab acquisitione fluit. Resp. Causa interna nō differt ab effectu, sed causa externa differt, ut sol à luce, ignis à calore, non tamen hoc loco rationem acquirendi pecuniā oeconomiae causam esse censemus, nisi dicas causam sine quā non, quae in hoc ut in omnibus à suis effectis naturā separatur.

Distinctio secundae quaestionis.

Ratio acquirēdi pecuniā est, vel Pars quoad formam in qua est ordo, non quoad vsum in quo est perfectio domus. Administra praebens aliquando Materiam, ut lanam, aurum. Instrumentum, ut vestem & anulū.

Opp. Pars & instrumentū distinguuntur, sed ratio acquirēdi pecuniā est pars domus: ergo nō est eiusdē famula aut instrumentū. Maior probatur, quia pars cōiuncta est cum toto, instrumentū autē separatur.

A disparatis.

Resp. Ut servus est pars domus & etiā instrumentū diuerso respectu: ita ratio acquirēdi servum & alia necessaria & pars & instrumentum dici potest; pars, quia domus ut quiddam totum absoluitur. Instrumentum, quo domus in rebus necessarijs comparandis utitur.

Opp. Ratio acquirendi pecuniā nō est pars materialis nec formalis: ergo non est pars omnino. Antecedēs probatur. Nō est materialis, quia tres societates materiā domus absoluunt: nō est formalis, quia domū à ciuitate (in qua est scientia acquirendi) non distinguit. Resp. Forma duplex est rerum, communis & remota, quae nō distinguit; proxima, quae rem definitā ab alijs omnibus differre facit; haec est forma communis & remota, non propria & proxima.

Ab enumeratione.

Opp. Natura materiam ut lanam, oleum vinumq; parat: ergo ars acquirendi res necessarias materiam non suggerit.

A non necessario.

Resp. Natura materiā supeditat cōmuniter & remotē, sed ars cōparandi necessaria distinctē & proximē subministrat, eandēq; ad hunc vel illū ordinē & vsum in administratione domus accommodat.

Opp. Ratio acquirendi necessaria in domo est ipsum instrumentum: ergo instrumentum non prabet. Antecedens est in textu. Argumentum probatur, quia idem seipsum non potest generare.

A diffetanco.

Resp. Non est mirū ut malleus malleo fiat, aut ut malleus cultrū, gladium aut alia instrumenta fingat. Fateor idem seipsum non posse gignere, simile tamen sibi posse producere cum Arist. affirmo. Quare et si ratio acquirendi necessaria sit instrumentum domus, alia tamen instrumenta ad necessitatem vitae potest supeditare.

Distinctio

Distinctio tertiæ quæstionis.

An ratio acquirendi victum sit naturalis?

- Ratio acquirendi victum naturalis esse probatur
- 1 Multiplici materiâ victus, quam ipsa natura sine opere humano fundit.
 - 2 Mirificâ vi & facultate naturæ, quæ omni animalium alimentum, ut lac & id genus aliud, ad nutriendum fructum concessit.
 - 3 Ineffabili curâ & desiderio fouendi & conseruandi ea, quæ non sine labore & periculo oriuntur.
 - 4 Diuinâ prouidentiâ naturæ, quæ neq; vitâ sine victu dedit, neq; in necessarijs ad utrumq; vnquam deficit.

Ab oppositis. Opp. Ars & natura opponuntur: sed victus à multis in republicâ arte acquiritur: ergo ratio acquirendi victum non est naturalis. Maior constat in secundo physicorum Cap. primo, ubi ostendit philosophus discrimen inter artem & naturam. Minor probatur, quia laboriosis & mechanicis artibus multorum manus atteruntur, ut victus & sibi & familia comparetur.

Resp. Duplex est ratio victus, alia immediatè ac simpliciter à naturâ, utpote quæ ex agriculturâ, pastione, aucupio, venatione (de quibus est modo disputatum) dependet: alia remota & minùs propria, utpote quæ ex mercaturâ, arte, rerumq; commutatione fluit, de illa præcipue hæc loquitur, de hac in sequentibus disputatur, illa absolute naturalis, hæc partim naturalis, partim artificiosa dicitur. Hoc responsum Burlei est & sanè probabile, pace tamen tam docti interpretis dico quòd licet in commutatione materia aut instrumentum, quo victus acquiritur, non sit naturale. Ratio tamen acquirendi, quæ omnibus à natura data est ad acquirendum victum, mihi videtur naturalis. Nam etsi sutor calceos conficit ut victum parat: naturalis tamen ratio suturem impulit, ut calceos in hunc finem faceret & concinnaret.

A disparatis. Opp. Nullum violentum est naturale: sed quedam rationes victus acquirendi, quas enumerat Arist. sunt violenta: ergo non sunt naturales. Maior constat. Assumptio probatur, quia latrocinio alios spoliare, aucupio auiculas interimere, venatu feras laniare, est res quidem ferox & truculenta.

Resp. Per latrocinium in textu Arist. Artem predatoriam intelligit. Ad reliqua exempla respondeo non esse violentum hoc imperium

perium humanum in aues, pisces & feras, præsertim cum hæc omnia eius causâ fiant & ad hunc ipsum usum destinentur.

Opp. Apertè Arist. in principio sexti cap. dicit pecuniarium genus querendi victus, meritissimè artificiale nominari. Prætereà A testimonio. paulo post initium eiusdem capituli ponens discrimen inter utramq; rationem querendi victum, hæc verba habet: Constat autem earum altera naturâ, altera non naturâ sed usu quodam potius arteq; tractari. Etatur atque exercetur: ergo ineptè doces hanc etiam rationem esse à naturâ.

Resp. Respondeo hanc rationem in commutatione rerum positam considerari duobus modis, inchoatiuè, & sic est naturalis; perfectiuè, & sic artificiosa dicitur. Cum ergo doceat Philosophus meritissimè artem appellari, adeoq; arte non naturâ constare, quoad formam non quoad materiam, quoad usum artis non quoad motum natura loquitur. Nam quemlibet mouet natura ad querendum alimentum, etsi hunc motum ars ipsa absoluat.

Opp. Nihil otiosum & superfluum naturale dicitur: sed mixtum genus vitæ est otiosum & superfluum: ergo non est naturale. Minor probatur, quia miscent & coniungunt multiplica genera viuendi, verbi causâ, agriculturam cum aucupio, venatu, aut pastione, ut omnibus copijs cumulati & referti incundè & otiose viuant: si neget in hunc finem fieri, dico hanc rationem connexionis in texture periri.

Resp. Dicit philosophus in textu misceri plura genera à multis, ut omnibus copijs cumulati incundè non ut otiose viuant. Respondeo igitur naturam ex thesauris suis elargiri mortalibus non solum ad necessitatem omnia, sed ad delectationem & voluptatem plurima. Manus enim natura non est parca, non est auara. Quòd verò multis desunt multa, hoc non est vitium natura, sed aut socordia in illis quibus desunt, aut auaritia in multis qui omnia siue velle iure motuq; natura non aliter quàm vultures in suos ungues loculosq; rapiunt.

Natura & necessitati & voluptati consulit. Quòd desunt multa, hominum auarorum est vitium.

Distinctio quartæ quæstionis.

An ad hominis usum omnia à deo & naturâ fiant?

Apertè

Apertè
proba-
tur quòd
omnia
hominis
causâ fi-
ant, à

Gradibus rerum, quarum imperfectiores naturaliter per-
fectiorum causâ sunt: sic terra plantis, plantæ belluis, hæc
omnia hominibus alimentum præbent.

Ordine diuinæ providentiæ, quæ sic naturaliter omnia dis-
posuit, ut subseruirent homini.

Multiplici proprietate hominis, nempe ratione, solertiâ &
sermone, quæ omnem potentiam & facultatem belluarum
longè excellunt.

Virtute mentis, quæ ad summum bonum ac infinitum ve-
rum præ cæteris omnibus naturæ effectis contendit.

Ab instinctu
naturæ.

Opp. Homo plâtas securi percutit, belluarum verò sanguinē ef-
fundit: ergò non videtur à naturâ comparatum, ut planta & bellua
naturaliter homini inservirent. Argumentum probatur, quia natu-
ra abhorret ab hoste, eiusq; imperio sponte non cedit, qui vulnerat,
nedum ei qui occidit.

Pythagoræi
crudele puta-
runt esse ma-
ctare belluam.

Resp. Etsi Pythagoræi impulsî hoc argumento arbitrabantur esse
admodum crudele & inhumanum bestiolâ occidere carnesq; deuorare,
tamen parum vel ad ordinem naturæ, vel ad diuinam providentiam
attendunt isti, quorum decreto hoc factum est naturale, quod isti a-
trox & inhumanum esse videtur: cū enim omnia natura instinctu ce-
dant in usum præstantiorum; cumq; homo sit princeps & moderator
omniū quæ sunt, non est crudele in homine si ea ad illum usum accō-
modet, ad quem natura ea destinavit. Alij respondent ad hoc argu-
mentum, quod licet sit contra naturam particularem, ut hac planta,
illa bellua intereat: non est tamen contra naturam universalem, quæ
hoc modo conservatur.

A consequen-
tibus.

Opp. Calum aliquando famem, sæpè pestem in perniciem huma-
ni generis suo malo aspectu & influentiâ generat; elementa procellis,
bellua venenis alijsq; sexcentis modis hominem inuadunt & offen-
dunt; ergò hominis imperio omnia nata non sunt obtemperare.

Iustinus.

Resp. Agnosco calum aliquando veluti in æs, terram quasi in fer-
rum commutari. Agnosco Xerxis exercitum ad demolendum Ap-
pollinis templum nauigantem crebris fulminibus concidisse. Scio Mi-
loni plantâ, Alexandro lathale non pepercisse venenū. Sed quid hinc?

Creatura bo-
nis feruit, ma-
lis aduersatur.

Ut paucorum error non tollit veritatem: ita paucorum furor non tol-
lit hominis imperium. Mihi cælum non fauet, agnosco lapsum; in-
uadit me fera, agnosco deum: is mihi prudenti cælum ut seruum; is
mihi peccanti cælum ut hostem fecit.

Syderum

Opp. Syderum aspectum cursumq; calum mutare aut impedire non
potest homo: ergò omnia eius imperio subijci non videntur. Ratio se-
quitur, quia propriè seruitus est ad voluntatem domini.

Resp. Dominatio consistit in duobus: Vel in imperando vel in v-
tendo; quamuis homo sic calum sibi subiectum non habet, ut impe-
rando regat; sic tamen habet, ut utendo eiusdem lumine, motu, ac in-
fluentiâ, multò felicius in hoc centro viuat.

Dominium,
Imperij,
vlus.

Dubium capitis.

An bellum in feras & barbaros sit legitimum & naturale?

Cyclope immanior es (homuncule) qui cade & sanguine delecta-
ris. Pulchrè hoc dictum putas:

Sæpè etiam cursu timidus agitabis onagros,

Et canibus leporem canibus venabere damas.

Vide plura de
hoc dubio lib.
6, cap. 1.

Pulchrè fortasse hoc dictum est, at factum malè. Nam
quæ est sæuitia meticulosas bestiolas telo transfigere? quæ est
victoria in asinum & leporem triumphare? ludis philosophe,
lectoremq; à serijs ad talos auocas. Ludo, sed ad meipsum re-
deo. Quid ergò? putas naturam feris & barbaris bellum indi-
cere? puto: at contra naturam est occidere; non est, si iure &
imperio fiat. putas in barbaros hoc ius & imperium cadere?
quid ni? at barbari sunt homines: sunt quidem sed immanes,
in quos non aliter quàm in truculentas feras bellum nos ge-
rere natura docuit.

Bellum in
barbaros
probat le-
gitimum &
naturale,

Ex imitatione & exemplo naturæ, quæ homines per-
sequi feras venando docuit: sed barbari sunt quasi fe-
ræ, qui subijci & obtemperare imperio nisi coacti no-
lunt.

Ex naturali imperio hominis quod habet in seruos à
naturâ: sed barbari & infideles sunt serui à naturâ.

Ex ordine & bono pacis quod intendit natura in ciui-
tate, ad quod bonum barbari nullis modis nisi armis per-
trahuntur.

Opp. Iniusta causa bellum iniustum facit, sed belli in barbaros
suscepti causa est iniusta: ergò & ipsam bellum est iniustum. Maior
constat. Minor probatur, quia vim inferre in ipsa natura est iniustum.
Vox enim natura est, Quod tibi fieri non vis alteri ne feceris.

Ab Annexis.

Resp. Bellum barbaris indicere, nec est vim inferre nec est iniuriâ
facere

facere. Nam ut index nec vim inferre, nec iniuriam facere dicatur, cum in supplicium reos sceleris condemnat: ita qui in homines immanitate barbaros bellum gerunt, non vim sed imperium, non iniuriam sed praescriptum naturae exequi & exercere dicuntur.

A specie ad genus.

Opp. Infideles habentur pro barbaris: sed in infideles bellum non licet suscipere: ergo nec in barbaros. Maior constat de Scythis & Indis. Minor probatur, quia ad fidem nulli ne barbari quidem sunt cogendi. Est enim fides solum à deo non vi impressa sed voluntate accepta.

Oforius in Emanuele.

Resp. Et si libenter non audio nimiam Hispanorum & Portugalensium in Indos seueritatem, quam in memorabili sua perigrinatione exercuerunt: barbaros tamen ad ordinem & imperium (quod ratio naturae insit) pellere & coercere oportet. Quare licet infideles ut sunt à fide alieni, non sint cogendi ad fidem, ad amplexum tamen studiumque civilis vitae vi & armis sunt pertrahendi.

CAP. VI.

An commutatio rerum sit naturalis & licita in repub?

An indigentia sit causa commutationis?

An multitudo pecuniarum sint vera diuitia ciuitatis?

An pecunia sit necessaria ad commutationem?



QVONIAM duplex est opes quaerendi ratio: altera prorsus naturalis ut agricultura, venatio &c. altera in commutatione posita, ut mercatura & cauponatio. De illa cum iam satis sit disputatum, reliquum nunc est ut de hac suo loco & ordine dispute- mus. Primum ergo quaeritur, An commutatio rerum sit naturalis eadem-

Communitio à naturâ inchoatur.

que licita in repub? Etsi in textu bis terue Arist. hanc speciem cogendae pecuniae ab illa quaerendi victus, (at artis & industriae nomine) distinguat; illam enim ad naturam, hanc ad artem solertiamque humanam reuocat. Si tamen limatiùs causas utriusque animo perlustres, hanc etiam pecuniariam artem

artem ab ipsa naturâ aliquo modo manasse videas. Distinguo igitur, illam victus rationem simpliciter & omnino esse naturalem; hanc verò pecuniariam facultatem ab ipsa naturâ inchoari, perfici autem ab arte, unde formam usumque suum proprium habet; hinc potius ab arte quam naturâ, à formâ & usu quam à materia motuque naturae nomen sortita est. Attamen siue indigentiam humanam, quae est ipsa commutationis causa; siue materiâ, quae res omnis ad usum humanum parata; siue potentiam naturae, quâ homo ad hoc medium viuendi cogitur, accuratiùs tecum consideres; inuenies certè id verum esse quod nunc defendimus, nempe hanc quoque rationem, quae in commutatione ponitur, ex parte esse naturalem. At dices: natura nec sordidam mercaturam, nec insulsam pecuniam dedit. Loqueris quidem ut philosophus, sed parum amice nobiscum agis, cum locum praecedentem dissimulas, ubi ostendit ille quidem esse consentaneum naturae, ut talis habeatur rerum commutatio. At si sordidula dicatur mercatura, insulsa pecunia, ut dicitur, qui licita in repub. hanc artem ac rationem esse defendis? dicuntur haec respectu quodam non absolute. Nam ut artes mechanicae, si cum liberalibus comparentur, sordidae: ita mercatura, quae tota est in congerendis pecunijs, si cum victus ratione conferas, illiberalior appellatur. Ut ergo illa, nempe ratio victus quaerendi, est necessaria in repub. ita haec quidem licita est & permittenda. Hoc indigentia naturae docuit, hoc necessitas rerum commutandarum posuit, hoc longa experientia confirmavit. Indigentia naturae, quia aliter suis defectibus non medetur; necessitas rerum commutandarum, quia aliter confusio negotiorum in ciuitate nascitur; experientia, quia sine hoc medio beata respub. in bonis fortunae non omnino redditur. Sed cum duplex sit commutandi ratio: vel cum res commutantur inter se ut frumentum pro lana, vinum pro oleo; vel cum pro nummo (qui est mensura commutationis) res commutantur; illam prorsus naturalem & legitimam esse defendo, hanc quoque (si ad sordidum quaestum non progrediatur) necessariam ac licitam esse puto. Verum cum duplex sit cuiusque rei commutabilis usus, communis & proprius: videamus paucis, in quo legitima commutandi causa versetur. Duplex (inquit philosophus)

Indigentia naturae, necessitas rerum, experientia commutationem necessariam esse probant. Commutatio duplex.

Rei possessæ
duplex usus.

Effectus com-
mutationis.

Fœnus mer-
catura turpis.

Fœneratores
quales.

Inuentio pe-
cuniæ neces-
saria quatuor
de causis.

Philosophus) cuiusq; rei possessæ usus est: alius proprius, alius communis; proprius est, ut calceo pedes defendere ne lapillis vulnerentur; communis est ipsa calcei commutatio, quæ quidem inuenta est necessitatis causâ, ut rebus ijs traditis quibus abundamus, aliæ illorum loco vtrò citròque tribuantur. Exempli causâ. Angliam beavit Deus frumento, Galliam vino: Gallus indigens tritico in Angliam transportat vinum, hinc nascitur vera illa, de quâ nunc agitur, commutatio. Vis ergò causam scire commutandi? Indigentia est rerum ad usus necessarios vitæ. Tu pane, ego veste careo: à me tibi panis, à te mihi vestis datur; hoc modo indigentia rerum succurritur, hoc modo defectus naturæ tollitur, hoc modo pax ciuitatis conseruatur. Philosophus in textu hoc genus commutandi maximè naturale appellat, quia in his rebus versatur quæ naturæ opem & suppetias ferunt. Aliud verò quod ultra limites naturæ progreditur, quod turpissimum quæstum ac lucrum quasi finem intuetur, quod in pecunijs augmentum & non usum persequitur, penitus à naturâ alienum esse sapienter existimat. Commutatio inuenta est ad quærenda necessaria non superflua; mercaturam ergò illam hoc loco turpem ac sordidam appellat, quam odiosi fœneratores profitentur, qui non ad victum sed ad quæstum, non ad usum sed ad excessum, non ad necessitatem vitæ sed ad augmentum pecuniæ (cuius nullus est modus) suas res omnes locant & nundinatur. Isti sunt voraces quasi corui in repub. & quasi lupi insatiabiles, quorum sitis non extinguitur, quorum hydrops nullis curatur herbis aut medicinis. Est tamen aliud genus mercaturæ utile & fructuosum in ciuitate, cuius solius causâ nummus (qui est mensura rerum commutandarum) inuentus & formatus fuit. Hoc genus quamuis pecuniâ quidem utitur, ad pecuniam tamen ut finem non refertur; utitur pecuniâ ut medio ac instrumento, non utitur ut eius mancipetur imperio. Miser enim est qui nummos admiratur. Quod verò nummus sit commutationis causâ inuentus, adeoq; ad eam necessarius, probatur à philosopho quatuor modis: à distantia locorum, à differentiâ temporum,

porum, à quantitate rerum, ab indigentia & necessitate hominum. A distantia locorum in quibus res sunt commutandæ. Exempli causâ. In Arabia sunt aromata quæ desunt Anglis, commodè illuc ex Anglia res aliæ cõmutabiles transportari non possunt, vrputa lana aut ferrum; necesse ergò est rem aliquam inueniri parua quantitatibus quæ eisdem rebus æquiualeat potest. A differentiâ temporum, exempli causâ. Habeo hoc anno multum vini, in proximum seruare non possum nec acescat, granum aut oleum mihi non dabis: necesse ergò est ut pecuniâ quærâ. A quantitate rerum quæ commutantur, verbi causâ. Equum habeo, at cibus & vestis desunt. Si equum pro alimento mutem, adhuc vestimentum deest: necesse ergò est ut nummos quærâ quibus & cibum & vestem habeâ. Ab indigentia hominum, exempli causâ. Pauper opus facit, ut necessaria ad victum habeat, tu verò, pro quo hoc opus facit, nummum non cibum in promptu habes: necesse ergò est, ut nummum hic pauper capiat, quo sibi & suis alimentum paret. Ex his satis constat pecuniâ cõmutationis causâ esse inuentâ, & eandem in ciuitate esse valdè necessariâ, quo etiâ perspicuum hoc vnū redditur, nihil esse periculosius ciuitati, nihil ciuibus perniciosius quàm sepius mutari legitimâ pecuniâ, quam rerum commutandarum mensurâ, eandemq; permanentem iustitia fecit. Multas numismatis condiciones lego. Prima est, ut sit quantitate paruum. In numismate 2. ut sit alicuius principis simulachro notatum. 3. ut sit certo quæ requirantur, pōdere & valore distinctum. 4. ut non sit facile exesum & corruptioni obnoxium. 5. ut sit rarum & pretiosum. 6. ut sit ad usus pauperum in partes minimas diuisum. Postrema, quæ est omnium maxima, ut sit ad cõmutationem necessariâ non ad sordidam usuram destinatum. Hinc illud est, quod in postremo loco tractatur, nēpe quod multitudo pecuniarum non sint veræ diuitiæ ciuitatis: Respondeat M. Tullius. Animus hominis diues non arca appellari solet. Quæ ergo est iam mundi in commemoranda pecunia tantâ vana ostentatio? Quam stulta pro opibus hominum cōtentio? Vis diues esse? Pecunias fuge. diuitias cupis? Virtutes cole. Audi Arist. de hac re loquentem. Nugatorium quiddam videtur esse nummus. Rationem addit, quia decreto illorum, qui

Midas.

„eo vtuntur, mutatus nihil est, neque ad vllam rem neces-
sariam parandā utilis. Sequuntur etiam hæc verba. Quod sæpè
„is, qui nummis circumfluit, rebus ad victum vitamq; neces-
sarijs egeat. Si exēplum desideres, proponit Midam, qui au-
reo voto à Ioue concessio stultus inediā tandem contabuit.
Videtur philosophus sic disputare. Quæcunq; sunt incerta,
veræ ciuitatis diuitiæ non sunt, sed pecuniæ sunt instabiles &
incertæ: ergo veræ ciuitatis diuitiæ non sunt. Iterum, illa non
sunt veræ diuitiæ ciuitatis humanæ, quarum possessores ali-
quando defectu necessariorum ad victum pereant: sed pecu-
niosi sæpe defectu necessariorum ad vitam pereunt: ergo pec-
uniæ non sunt veræ diuitiæ ciuitatis. Adhuc, pecuniæ iam
in vsu, edicto principis, res prorsus inutiles fiant, ergo veræ
diuitiæ ciuitatis non sunt. Postremo, qui bona ciuitatis di-
cantur pecuniæ, cum illis tam mali quàm boni vtuntur? Non
est ergo audienda vox illa,

O cives cives, quarenda pecunia primum est,

Vitæ post nummos. Nam quamuis verissimum sit illud
dictum, *In mundo summus rex est hoc tempore nummus:*
In nummis tamen non sunt veræ diuitiæ ciuitatis. Multus
quidem est Aristoteles in minuenda illa opinione homi-
num de congerendis pecunijs, id ipsum docet quod olim
poëta cecinit,

Crescit amor nummi quantum ipsa pecunia crescit.

Infinita inquit est sitis, infinita cupiditas pecuniarum,
nulla satietas, nullus modus. Ratio est:

Quo plus sunt pota, plus sitiuntur aqua.

Hoc vrget vehementius Arist. & oratorio quasi more
vrget, eo consilio (vti opinor) quo animos fœneratorum
vulneret, vt si mores suos tandem non deponant, lenius sal-
tem viscera & præcordia ciuitatis rodant. Nam vt nihil ma-
gis iuuat rempub. quàm honesta rerum commutatio & mer-
catura: ita pestis lethalior non est in ciuitate quàm mordax
pecuniarum exactio & intolerabilis vsura. Sed quoniam de
hac re in proximo cap. est differendum, nunc plura de eadem
dicere supersedebo.

Distinctio

Distinctio primæ quæstionis.

An commutatio sit licita & naturalis?

Commu- tatio du- plex est,	Rerum cum rebus, vt vini pro oleo, & hæc est simpliciter naturalis & legitima.		
	Rerum pro pe- cuniā, & hæc confide- ratur, aut	Inchoatiue, & sic est naturalis. Perfectiue, & sic artifi- cialis dici- tur, hæc le- gitima est propter	Necessitatem naturæ, cu- ius defectibus ita ciuitas me- detur. Facilitatem commutatio- nis, quia sic res facile mensu- rantur.

Pecuniarum cum pecunijs, & hæc nec naturalis est, nec
tolerabilis (vt docet Philosophus) in ciuitate.

Opp. Defectus seu indigentia rerum non est naturalis: sed prima
commutatio est ex defectu & indigentia rerum: ergo non est na-
turalis. Maior probatur, quia natura in re qualibet appetit finem
& perfectum. Minor probatur ex textu, ubi docet philosophus, quod
indigentia rerum sit causa commutationis. Ab adiuncto.

Resp. Quamuis indigentia rerum non sit propriè naturalis,
commutatio tamen, quæ hic indigentia emendatur, rectè naturalis
appellari potest. Præterea licet indigentia propriè naturalis non sit
respectu huius & illius naturæ, tamen respectu totius vniuersi rectè
naturalis dicitur, vt morbus qui ex intemperie: senectus quæ ex
tæbe & defectione humorum gignitur.

Opp. Meum & tuum non natura sed auaritia inuexit: at cō-
mutatio à meo & tuo pendet: ergo commutatio à naturâ non est. A contrarijs
causis.
Maior est Platonis, qui docuit naturam omnia communia dedisse,
omnesque homines fecisse æquales. Assumptio probatur, quia
ab inæquali possessione rerum commutatio secundum indigentiam
oritur.

Resp. Meum & tuum considerantur bifariam, vel quoad possef-
sionem, vel quoad vsum: possessio propria est, at vsus communis est se-
cundum naturam. Ut enim splendor solis proprius est si inherenti-
am, communis autem si influentiam spectes: ita res qualibet commu-
tabilis propria est quoad ius possessionis, communis verò quoad vsum
ciuitatis. Rem commutabilem dico, ne uxores intelligas quas qui-
dem proprias tam possessione quàm vsu suis ipsarum viris
ipsa

Ab actu.

ipsa natura & lex diuina dederunt.

Opp. Pecuniam natura non finxit: ergo commutatio rerum pro pecunijs non est naturalis. Antecedens est in textu, ubi docetur quod pecunia sit res artis non natura. Ratio tenet, quia nomen & formam hac species commutationis ab ipsa natura hausit.

Resp. Hac species commutationis duobus modis consideratur: vel inchoate, & sic est naturalis, quia res commutanda in hac specie sunt naturales: vel perfecte, & sic artificialis potius quam naturalis dicitur.

A maiore.

Opp. In domo, que est maxime naturalis, non est omnino commutatio: ergo probabile est, quod naturalis nulla sit commutatio. Antecedens est Arist. in textu. Argumentum est à maiore ad minus.

Resp. Non minus à natura est magna ciuitas quam parua domus. Nam et si domus sanguine coniunctiores, ciuitas tamen plures numero societates habet: quod in domo non sit commutatio, hominum paucitas; quod in ciuitate fiat, hominum multitudo rerumque indigentia efficit.

Distinctio secundæ quæstionis.

An necessitas rerum sit causa commutationis?

Causa commutationis est, aut	{	Materialis, nempe res ipsa commutabilis, quæ aliter acquiri & possideri non potest.	
		Formalis, lex iusta & modus commutandi.	
		{	Primaria, quæ primum hominem ad cõ-
			mutandum mouet, & hæc est indigentia
			rerum.
{	{	Minus primaria & instrumētalis, & hæc	
		est ipsa pecunia.	
		Finalis, quieta possessio vltimæ rerum.	

A disparatis.

Opp. Indigentia in 5. cap. 5. Ethicorum naturalis mensura rei commutanda dicitur: ergo male hoc loco primaria causa commutationis definitur. Argumentum tenet, quia mensura seu instrumentum est causa minus primaria.

Resp. Indigentia duo respicit, rem & personam: respectu rei mensura, respectu personæ causa primaria dicitur. Rem enim ponderat ut mensura; hominem ad commutandum mouet ut causa.

Ab Instantia.

Opp. Multi res suas commutant pro pecunijs, qui nullis rebus ad vitam victumque necessarijs indigent: ergo indigentia non est semper causa commutationis. Antecedens constat, quia auari aliquot mercatores omni rerum necessariarum copia affluentes per mare, per terram feruntur, ut rebus commutatis thesauros augeant. Ratio probatur, quia

quia ubi nihil deest indigentia commutationis causa dici non debet.

Resp. Indigentia personam tamen ementis quam vendentis spectat. Quamuis ergo indigentia diutem mercatorem ad commutandum non cogit, emptorem tamen fortasse cogit. Præterea indigentia causa generalis respectu totius ciuitatis, non singularis respectu vnius hominis causa commutandi dicitur.

Opp. Inopia seu indigentia rerum arguit naturam defecisse in necessarijs: sed hoc est contra philosophum: ergo non videtur esse causa commutationis. Maior probatur, quia indigentia rerum arguit non satis ad vitam dedisse naturam. Assumptio est Arist. Conclusio sequitur, quod si satis in necessarijs natura suggerit, indigentia causa commutationis non existit.

Resp. Natura consideratur bifaria, aut generatim, & sic non deficit; aut speciatim, & sic aliquando deficit. Satis tamen natura dedit omnibus, at huic plura, illi pauciora: hoc autem eò fecit, ut vltro citroque, datis & commutatis rebus summa concordia oriatur. Recte ille, -- Natura beatis

Omnibus esse dedit, si quis cognouerit vti. Per hoc ipsum vti intelligi potest commutatio rerumque, prudens administratio.

Distinctio 3. quæstionis.

An pecunia sit necessaria ad commutationem?

Pecunia sumitur duobus modis, aut	{	Generaliter pro omni medio acquisitionis, & sic quælibet res commutabilis pecunia dicitur.	{	
		Specialiter pro mensurâ notâ & distincta rerum commutandarum, & huius inuentio probatur necessaria à		Distantia locorum, ad quæ res facile non transportantur.
				Differentia temporum, in quibus res commutabiles alterantur.
				Quâritate rerû, ut prius dictû.
				Indigentia ciuiû, ut suprâ patet.

Opp. Quicquid ita requiritur ad commutationem, sine quo non potest esse ciuile commutatio, illud est à natura: sed pecunia non est à natura: necessarij, ergo pecunia non est necessaria ad commutationem. Maior patet, quia natura non deficit in necessarijs. Minor est in textu, quod pecunia sit legis non nature inuentum.

Ref. Verbum hoc necessarij accipitur duobus modis, aut simpliciter, Necessarium & sic pecunia non est necessaria, quippe ante inuentionem pecunia fuit simpliciter, commutatio: aut comparate, ad bene esse ciuitatis, & sic pecunia necessaria comparate.

ria dicitur, quia bene constare non potest ciuitas, si ista rerum mensura desit. Præterea natura in necessarijs deficere non est putanda, si rationem inueniat quâ restaretur.

Ab exemplo. Opp. Beatiores respublicæ sunt quæ carent pecunijs quàm quæ utuntur: ergo pecunia non est necessaria. Antecedens probatur, quia illa maximè viuunt secundum naturam. Hoc quoque probatur exemplis Spartanorum & Atheniensium, quorum illis Lycurgus, his Solon vsum pecuniarum sustulit.

Resp. Ex impossibili sequitur quodlibet: fieri non potest ut homo uiuat sine anima, fieri non potest ut ciuitas constet sine pecunia. Quod dicas beatiores esse respublicas, quæ carent pecunijs quàm quæ utuntur, primum quæro, ubi sunt illæ ciuitates? Si Athenas & Spartam nomines, hanc unam fuisse causam, cur nunc iacent, affirmare audeo. Quod dicas illas respublicas magis viuere secundum naturam, nego: Ratio est, quia pecunia in subsidium nature deficientis venit.

A consequentibus.

Opp. Sublatâ pecuniâ duo monstra e ciuitate unâ tolluntur, nempe sordida auaritia & usura: ergo pecunia videtur non tam utilis & necessaria ad ciuitatē. Antecedens probatur, quia pecunia est seges vel materia istorum, quâ sublatâ ipsa conciderent necessario: hoc docuit exemplum Lycurgi, qui cum videret in sua repub. multitudinem inhiare pecunijs, argentum in plumbum, aurum in ferrum commutauit, tantaq; molis ac ponderis denarios fecit, ut vix tres obulos humeris sustinere potuisses. Sic sensim vir sapiens sitim pecuniarum extinxit, populumq; suum ad naturalem rerum commutationem tandem reuocauit.

Resp. Primum nego auaritiam & usurâ in nummis solum consistere. Nam etsi finis perniciosi faeneratoris sit augmentum pecunie, etsi instar monstri parturientem pecuniam quærat; pestis tamen ista latius in viscera reipublicæ serpit, & quasi cancer eiusdē ossa & nervos etiam exedit. Exempli causâ, das mihi hoc anno centum onces, pactum est ut proximo ducentas habeas, usura est, quamuis pecunia desit: ubi ergo dicit philosophus faeneratorem pecuniam ut finem inueniri, non as solum aut argentum intelligit, sed omne medium commutationis quo non ut medio sed ut fine utitur. Exemplum quod tantopere urges non laudo, nam vitium hominis est non pecunie, si cines ardentius quàm par est pecunias expetant.

Distinctio

Usura reipub. viscera ut cancer ossa exedit.

Distinctio quartæ.

Utrum pecunia sint vera diuitia ciuitatis?

Pecunie non sunt vera diuitia ciuitatis, Quia sunt instabiles & incertæ, omniq; fortunæ tempestati obnoxie. Quia pro arbitrio principum mutari possunt. Quia illis possessis ciuitas fame alijsq; modis languere potest. Quia mali in perniciem ciuitatis illis sapius quàm boni fruuntur.

Opp. Vera sunt diuitia ciuitatis quæ bene esse ciuitatis absoluunt, sed pecunia bene esse ciuitatis absoluunt, ergo sunt vera diuitia ciuitatis. Maior & Minor constât ex verbis Philosophi, ubi docet defectibus natura in ciuitate commutationē rerum cū pecunijs mederi.

A notatione.

Resp. Bene esse ciuitatis est vel internum in bonis animi, ut in prudentia, iustitia, equitate: vel externum in bonis corporis & fortuna, ut in viribus & affluentia rerum: illa bona per se, hæc verò per accidens esse ciuitatis absoluunt.

Opp. Politia non tam respicit internum bonum quàm externum, ergo pecunia possunt esse vera diuitia ciuitatis. Antecedens probatur ex ipso Arist. hoc libro ubi docet, quod bonitas ciuis non in virtute consistit. Potest enim esse (ut inquit) bonus ciuis quamuis sit malus vir.

A distributis.

Resp. Male hic concludis, nam etsi potest esse bonus ciuis in virtute officij, ut bene pugnare si sit miles, bene indicare si sit magistratus; non tamen sequitur, quin politicus bonum animi ut scopum ciuitatis sibi proponat & admiretur. Casu contingit aliquando ut malus vir externum officium rectè subeat, hinc concludis totam politicam virtutes morum negligere & aspernari. Lege Philosophum quid sit discriminis inter iustum & iuste agere, ibiq; inuenies, quod malus aliquando bonum & iustum agat, at bene & iuste nunquam.

Malus bonum aliquando facit, at bene nunquam agit.

Opp. Pecunie possunt esse vera diuitia in illa specie ciuitatis in qua virtus exulat, sed Tyrannis est quadam species ciuitatis à qua virtus exulat: ergo in illa pecunia possunt esse vera diuitia. Maior & Minor sunt Arist.

Ab instantia.

Resp. Tyrannis non est species ciuitatis, nisi analogicè, ut postea declarabitur. In illa enim non est ordo sed confusio, non pax sed seditio, non honor sed perpetua ignominia & turpitudine ciuium.

E 5

Dubium

Pecuniæ quæ-
rendæ modus
sit.
Totus mun-
dus sitit pecu-
nias.

Dubium capitis. *Utrum licet in infinitum expetantur diuitiæ?*
Immensam habes gulam, helluo voracissime, qui ipsum Oceanum diuitiarum tam ardentem expetis: non domus, non vna ciuitas, non regnum sufficit? certe totus mundus non sufficiet. Stulte, mors à tergo hæret; si mihi non credas, vide sepulchrum. O vtinam velis cogitare infernum. Quid quæris? Nummos. quid somnias? Nummos. dic quæso quid colis? Nummos. Quam vocem audio? Mundi. Vult mundus nummos? Totus profecto nummos. At hoc non licet. dic causam. Est modus rerum. At non pecuniæ. Erras si vsum spectes, non erras si vsuram.

In facultate pecuniaria spectantur duo,
Acquisitio necessariorum ad vsum rei familiaris; & sic licet sed non infinite expetuntur diuitiæ, quod probat Philosophus in textu,
Similitudine artis, quæ finem habet.
Necessitate rationis, quæ vsum quærit.
Amplificatio pecuniarum ad cupiditatem scelerantis, & sic infinite expetuntur. hoc probat Philosophus ab
Exemplo medicinæ, quæ infinite optat sanare.
Exemplo vsuræ, quæ satiari non potest.

A proporti-
one.

Opp. *Licet in administratione rei familiaris infinite pecunias expetere: ergo errasse videtur philosophus, qui aliter defendit. Antecedens probatur. Consulere posteritati licet in infinitum: ergo etiam licebit infinite pecunias cogere. Antecedens à proprietate naturæ ducitur, quæ in posteris viuendi æternitati studet.*

Resp. *In posteritate duo spectantur, successio liberorum, & sic contendimus infinite viuere: Possessorum, & sic conamur id solum posteris, quod satis est, relinquere. Exempli causâ, Velligal centum librarum habes, id tradis filio ut nepoti tradat, votum hoc tamen infinitum est, si vitam posterorum; at circumscriptum, si rerum vsum spectes.*

Resp. *In vsurâ infinite expeti pecunia non possunt: ergo falsum est quod defendit Philosophus. Antecedens probatur, quia proportio debet esse inter potentiam & obiectum potentie: sed neq. potentia, quæ appetuntur pecunia, est infinita, neq. ipsa pecunia: ergo infinite expeti non possunt. Maior est Arist. Minor probatur, quia appetitus*

titus est rei finitæ nempe hominis potentia, & pecunia est rei certa & terminata mensura.

Resp. *Et si homo sit ens finitum, ut docent philosophi, est tamen in homine pars vna diuina, cuius potentia infinita habentur. Mens enim humana nullis septis, nullis cæcellis clauditur: ut ergo probe instruetus appetitus vsum & modum in pecunijs quærit: ita deprauatus ad immensum tam voluptatum quam pecuniarum desiderium rapitur.*

CAP. VII.

An medicina sit pars œconomiae?

An vsura sit licita aut toleranda in ciuitate?



AGITATA est in principio quinti Cap. hæc dubitatio, vtrum ratio acquirendi necessaria sit pars domus vel ministra: & si sit, An materiam vel instrumentum præbeat? Huius expositionem illic non tradit Philosophus, sed hic absoluit; cæterum ne mora expectationis lectoris animum distraheret, vbi mota ibi refe-

rata est à nobis quæstio. Summa eorum quæ de hac re hic disputata sunt, huc venit, quod natura cibum, industria vsum pariat. Nam vt scientia ciuilibis homines non generat, sed iisdem à naturâ acceptis vititur: ita necessaria ad victum ex terra marique non procreat, sed iisdem procreatis pro arbitrio & prudentia gaudet: & vt artis textoriæ non est lanam producere, sed eâ uti; ita rationis domesticæ non est necessaria ad vitam victumq. gignere, sed ea tam ad vsum accommodare, quam ne vnquam deficient prouidere. Sed hic inquit Philosophus dubitare possit aliquis, quamobrem ars pecuniæ quærendæ rei domesticæ particula sit, Medicina autem non sit; præsertim cum benè valere oporteat eos qui domi sunt non minus quam viuere. Rectè olim Galenus, Vita non est viuere sed valere. Nihil menti diuinius contigit quam virtus, nihil corpori quam salus. Est ergo tantâ patrisfamilias in domo, quam principis in ciuitate maximam habere curam vt sibi subiecti & rectè viuere & benè valere

Medicina an
pars œcono-
miæ.

Quæstio pri-
ma.

Medicina
naturalis,
artificialis.

Conseruatio
sanitatis in
exercitio cor-
poris, in salu-
britate victus,
in amœnitate
aëris consi-
stir.

Quæstio 2.
Vsuræ an sit li-
cita.

Mater & nu-
trices vsuræ.

valere possint, hoc autem opidò tum fecerint, si medicinā in hac re sedulò ac diligenter consulant. Sed medicina duplex est: alia à naturā fusa, alia v̄su arteq; comparata; illa ad præfectū domus & ciuitatis est necessaria, hæc solum ad Galeni & Hyppocratis candidatos pertinet: illam scire patrēfamilias & præfectū decet; hac quoq; vti, si vrgeat necessitas, oportebit: illam habes, si operis, victus & aëris rationē habeas; operis, quo moderatè exerceantur; victus, quo salubriter reficiantur; aëris, quo à contagio liberentur ciues. Quippè in exercitio corporis, in salubritate victus, in amœnitate aëris, maximè conseruatio sanitatis ponitur. Hæc medicina quodammodo pars domus ac ciuitatis est, nam tota à naturā pēdet, quippè labor, victus & aër res naturales sunt, horū v̄sū ipsa natura docuit. Mirari igitur satis non possū, cum videam multas ciuitates easdemq; bellè sitas scēdissimis sentinis, pestemq; exhalantibus sterquilinijs periclitari. Nimia est ista incuria ciuium, nimia negligentia magistratuum: medicinam natura dedit, cur eā non vtimur? Eiusdem v̄sum edocuit, cur aspernamur? Præscribit illa vt verrantur ædificia, vt expurgentur sentinæ, vt remoueantur sterquilinia, vt pro infectis peste procul à ciuitate habeantur hospitia. At vbi hæc fiunt quæro, vbi certè non fiunt scio. Sed his omissis ad grauiora venio. Proximè de vsuræ agitur, quæriturq; an sit in repub. licita & toleranda. Cum duplex sit quærendarū pecuniarum ratio, altera ex rebus à naturā procreatis, puta fructibus & animalibus, altera (à quā abhorret natura) ex ipsa pecuniā: illā hoc loco laudat, hanc multum reprehendit Arist. Verum quoniam quatuor sunt species istius rationis, quā pecuniariā vel potius quæstuariam appellant; nempe mercatura, fæneratio, mercenaria illa operandi facultas, & mixta; sciendum est de feneratione (quam vsuram vocant) hoc loco potissimū disputari. O pessima bestia omni aspide nocentior, vtinam sanè aut nunquam fuisses, aut saltem in florentes ac benè administratas respub. nunquam irrepsisses. Natura te quasi sterqus euomit, auaritia te monstrum suscepit, immanis cupiditas te pestem multarum ciuitatum auxit & enutriuit. Sed quid

quid ago? Philosophandum nunc est, vsuram exercere in ciuitate non licet: ergò falleris. Antecedens sic probo: Natura id negat, iustitia prohibet: ergò non licet: natura negat, quia monstrum est vt pecunia pecuniam gignat; iustitia prohibet, quia iniquum est, vt aliquis v̄sum pecuniæ vendat. Verum vt hæc planius intelligantur omnia, vnā vel alterā factā distinctione in syllogismos deducam singula. Distinctio prima hæc est, quod in rebus possessis considerentur duo, substantia & v̄sus: v̄sus verò vt suprà ostendimus duplex est, proprius, vt in domo habitatio; communis, vt commutatio. Huc adde quod res possessæ sunt quoq; duplices, aliæ quarum dominium cum v̄su in aliū transferatur, vt panis, vinum, oleum; aliæ quarum dominium cum v̄su non transferatur, vt domus & ager: in illis si quid vltra sortem pro v̄su sumas vsura est, in his reseruato dominio & possessione rei aliquid pro v̄su postulare licet. Ratio est, quia v̄sus à re & res ab v̄su in multis vt domus ab habitatione & ager à locatione sua distinguitur. His positis sic argumentor. Quicquid est contra legem naturæ non est licitum: sed vsura est contra legem naturæ: ergò vsura non est licita. Maior constat. Assumptio probatur. Quicquid naturalem v̄sum rei peruertit est contra ius naturæ: sed vsura peruertit naturalem v̄sum pecuniæ: ergò est contra ius naturæ. Minor patet, quia naturalis v̄sus pecuniæ est vt sit mensura rerum, at vsura eandem rem commutabilem facit. Præterea quicquid factum aut partum quærit ex ijs quæ vim pariundi non habent, vt ex ferro aut lapide, illud ipsum est planè contra ius naturæ: sed vsura pecuniam quasi factum ex pecunia veluti ex matre quærit (cum tamen pecunia vim generandi non habet) ergò vsura est planè contra ius naturæ. 3. Non ens vendi, aut eandem rem bis vendi est contra ius naturæ: sed in vsurā aut nō ens venditur, aut res vna bis venditur: ergò est contra ius naturæ. Maior constat, quia secundum ius naturæ non licet alium fraudare aut opprimere. Minor patet, quia aut v̄sus, qui non est, venditur; aut pecunia, quæ cum v̄su suo translata est, bis venditur; quo nihil est vel in ipsa natura odiosius, vel in benè administratā repub. de-

In rebus pos-
sessis conside-
rantur sub-
stantia & v̄sus,
idemque
communis &
proprius.

Vsura peruer-
tit naturalem
v̄sum rei.

resta-

testabilis. 4. Rem cuius usus est ipsa consumptio ab usu separare est contra ius legitimum seu positium: sed usura id facit: ergo usura est contra ius legitimum seu positium. Minor probatur, quia pecuniā, oleum, vinum & similia, quorum usus est ipsorum consumptio, usura ab ipsorum usu separat, indeque turpissimum quæstum: exigit & venatur. Postremo infinitum appetitum pecuniarum tam ius naturæ quam lex civitatis vetat: sed in usura est infinitus appetitus pecuniarum, ergo usuram tam ius naturæ quam lex civitatis vetat. Minor est Arist. in 6. Cap. huius libri, ratione tamen probatur, quia tamen si verbi causa decem solum libras pro centum capis, pro illis tamen decem & pro alijs in infinitum semper aliquid ultra sortem cupis: hinc etsi finita sit pecunia quam requiris, infinita tamen est culpa quam committis, ea enim metienda est non cum re in quā versatur, sed cum voluntate tuā à quā suscipitur, quippe voluntas tua concipit, actio prodit peccatum. Nihil hic de iure diuino loquor, * quod tamen expressè vetat usuram. Summa horum omnium est, quod in usura sit insatiabilis pecuniarum sitis, quod sit detestabilis peruersio naturalis usus, quod sit monstruosa generatio prolis, quod sit lesio civis, quod sit violatio tam humanæ quam diuinæ legis: sequitur ergo quod usura non sit in bene institutā republicā licita, non sit laudabilis. Sed hic quæritur, an tolerari possit? Deus multis parcit, in multis conuiuere solet. Quod malum est, iustitia vetat, politica tamen experientia malum aliquando tolerat, tolerare malum non est, approbare malum. Ferox, immanis, truculenta est natura humana, consilio semper non regitur, iudicio non coercetur. Hinc tolerantia malorum quædam irrepsit in ciuitatem, hinc lupanaria, hinc usura, non quod iusta respub. hæc mala approbet, sed quod (ne grauiora mala sequantur) permittenda censeat; sed ita permittenda, ut peccantes impune suum scelus non ferant. Nam persistentes in his malis inter viuos maledicti, inter mortuos insepulti, idque legum censurā, iacent. Permittit ergo lex, & tamen prohibet; tolerat & tamen percurrit; sic clausis quasi oculis videt hæc mala, ne nimis per-

* Deut 23. 19.

Usura an sit toleranda.

Cur mala quædam in ciuitatibus tollerantur.

perspicax videret monstra. Quæ certè non sine sepulchro & naufragio sui cerneret, si in multis iisdemque magnis malis aliquando non conuiueret. Quippe tanta est infirmitas humana, tam facilis discensus auerni, ut sepe lapsu prohibito in immanitatem sceleris præcipitanti cadat. Sequitur nunc apud Aristotelem alia pars capitis, in quā de praxi & usu quæstuariæ facultatis disputat, docetque in primā facultate oportere ut paterfamilias scientiam animalium, agrorum, pastionum, cæterarumque rerum omnium ad usum vitæ spectantium habeat: in secunda rationem acquirendi pecuniam in quatuor species distribuit, nempe in mercatoriam (ut aiunt) in fœneratoriam, in mercenariam, & in mixtam, quam vulgò metallicam appellant. Mercatoriarum tres partes tradit, nauigationem, quæ fit nauibus; deuectionem, quæ fit iumentis; negotiationem, quæ iisdem in locis ubi merx nata est facitatur. Post hæc actiones harum facultatum comparat, ut aliæ artificiosissimæ, aliæ sordidissimæ, aliæ maximè serviles ignobilesque dicantur. De his ut plura perdiscamus, nos refert ad quosdam authores, qui de his rebus scriptitarunt, nominatim ad Charetem Parium & Apollodorum Lemnium, qui, ut olim Cato & Columella, de re rusticā ediderunt opera. Ex his suadet ut hauriamus præcepta quibus imbuti cum Thalete philosopho diuites fiamus. Thales hic cum ei mendicitatem quidam obijceret, stulte (inquit) facile est Philosopho ditescere cum velit. Prospiciens ergo vir astrologus futuro anno magnam oliuarum sterilitatem fore, totum oleum iam vili pretio in ciuitate emit, quo reservato ad tempus, proximus annus venit, oliua ut solet fructum non fundit, audito Thaletem habere, turba ad illum ruit. Thales hoc modo diues euasit, specimenque sapientiæ suæ populo ostendit. Quid tandem nunc Thales, facile est Philosopho ditescere cum velit? Fœcunda erat oliua, quæ te diuitem; beata Philosophia, quæ te sapientem fecit; sed audi Philosophæ.

Tres partes Mercaturæ.

Thales sapientiarum studio comparauit diuitias.

Tempora mutantur & nos mutamur in illis.

Oliua

Eruditio parui
penditur.

Oliua nunc dierum non fluit, vsura philosophis vix pallium
concessit.

Distinctio primæ quæstionis.

Medicina est vel	{	Naturalis, quæ est insita quæ- dam ratio tuendæ sanitatis, & hæc est quodammodo pars æco- nomiæ consistens in	{	Exercitio corporis. Salubritate victus. Amœnitatē aëris, quæ tria oportet patrē familias & præfectum ciuitatis suis præscribere & procurare.
		Artificiosa, quæ est salubrium, insalubrium, medio- rumque scientia, quâ domus & ciuitatis præfectos vrgen- te necessitate vti oportet.		

A diuisione.

Opp. Medicina nec est formalis nec est materialis pars domus
vel ciuitatis: ergo pars nulla est. Argumentum tenet à sufficienti di-
uisione partium.

Resp. Omnis pars interna est aut materia aut forma, sed medici-
na inter partes externas & assumptas ponitur, nempe inter necessa-
ria instrumenta, quibus domus & ciuitas ad suorum conseruandam
sanitatem vtuntur.

A proprio.

Opp. Est officium medicinae artificiosæ rationem motus & quie-
tis, salubritatem victus, amœnitatem aëris præscribere: ergo minus
videtur ad medicinam naturalem pertinere. Ratio sequitur, quia na-
tura & scientia opponuntur.

Resp. Natura & scientia de natura non opponuntur. Est enim na-
tura materia & obiectum talis scientiæ. Præterea non hic docemus
requiri exactam & exquisitam horum scientiam in præfectis domus
aut ciuitatis, sed prout diuturnus vsus & experientia docuit.

Distinctio secundæ quæstionis.

An vsura sit licita?

Descriptio v-
suræ.

Vsura est illicita quædam exactio pecuniæ pacto ex-
presso vel occulto facta, quâ accipiens ex rebus (quarum v-
sus est ipsarum consumptio) aliquid ultra sortem reddere te-
netur. Breuius sic: Vsura est quæstus illegitimus ex rebus quæ
à suis vsibus non separantur.

Causæ

Causæ
cur vlu-
ra non
habetur
licita
sunt,

Quia vsus naturalem pecuniæ peruertit.
Quia monstruolum sortum pecuniæ ex pecunia quærit.
Quia aut non ens vendit, aut idem bis vendit.
Quia vsus à re, quæ est omnino inseparabilis à suo vsu,
diuellit.
Quia infinitè pecuniam expetit.
Quia expressum Dei mandatum violat; sed hæc omnia
aperitè superius declarantur.

Opp. Quicquid ius civile concedit, licitum est: sed vsurarius ci-
uile concedit: ergo vsura est licita. Maior patet, quia fundamentum
eiusdem iuris est iustitia. Minor constat in multis legibus impera-
torum.

Ab authorita-
te.

Resp. Ius civile permittit vsuram (vt antè docuimus) sed non ap-
probendam censet. Hoc constat, quia in ipso iure civili dicitur quod
res quæ vsu consumuntur neque ratione naturali, neque civili, vsu frui-
tum recipiant.

Opp. Licebat Iudæis vsuram accipere ab alienis & extraneis, Ab exemplo.
vt patet in lege Moysi: ergo vsura est licita.

Resp. Permissum Iudæis fuit, non vt licitum sed ad maius malum
euitandum. Magna fuit infirmitas huius populi, hinc illorum legisla-
tor permisit diuortium, tolerauit vsuram: sed si attendas, restrinxit
hoc malum, permisit enim vt à gentibus & alienis à domo Dei, non
à fratribus vsuram exigent. Iam autem velo ipsius templi scisso,
viâq; gentibus ad salutem patefactâ fratres nos omnes sumus. Si ergo
expresse mandatum sit vt à fratribus non accipias, simpliciter & om-
nino prohiberi videtur. Nam id sapius ingemino, Nos omnes iam
fratres sumus.

Vsura aliquo
modo Iudæis
permessa, no-
bis omni mo-
do negatur.

Matt. 27. 51.

Opp. Argentum & aurum Caesaris imagine notata, ab argento A comparatis.
& auro fufis in vasa distinctâ specie non differunt, sed licet aliquid
pro his ultra sortem exigere, ergo etiam pro illis nempe pecunijs. Ma-
ior patet, quia aurum & argentum tam in pecuniâ quàm in cratere
eandem speciem habent. Minorem vsus & experientia docent.

Resp. Quemadmodum multa res naturales eandem habentes
materiam formâ & specie differunt, vt penè mixta omnia: sic in re-
bus artificiosis contingit, quæ licet eandem materiam habent, naturâ
tamen distinguuntur. Respondeo igitur aurum in nummis, aurumq;
in vasis differre specie. Nam aurum in nummis ab auro in vasis di-
uersam

F

uerfam

uersam formam & finem habet, illius enim usus transferri non potest sine dominio, huius vero potest.

Ab usu.

Opp. Prodesse ciuibus semper res licita fuit: sed usura prodest ciuibus: ergo est licita. Minor probatur, quia indigentia multorum sic tollitur, magnaq; copia diuitiarum ultra id q. usura exigit comparatur.

Resp. De futuris non est certa scientia, are tuo oppressus potest fortasse multum lucrari, potest etiam si fortuna non faueat pati naufragium. Tu ex pacto iniusto requiris certum, is fluctuante fortuna ancipitem venatur questum. Audi ergo, licet prodesse ciuibus sed iustis modis, at monstrosus nascitur fatuus ex pecunijs.

A conditione nature.

Opp. Nemo volens iniustum patitur, sed multi libenter & sponte patiuntur usuram, ergo usura non est iniusta, & ex consequenti non est illicita. Maior est Arist. in 5. Eth. Minor constat experientia.

Resp. Contractus voluntarius dicitur duobus modis, vel simpliciter, & sic usura non est ex parte recipientis absolute voluntaria: vel comparate, & sic est, sed hoc non probat usuram esse iustam: Ratio est, quia recipientis voluntas non libera sed necessitatis aculeo coacta hoc ipsum patitur.

Ab incommodo.

Opp. Si omne datum ultra sortem in rebus, quarum usus est consumptio, sit usura; tum pro certo spatio reditum pecunijs emere non liceret: sed hoc est absurdum: ergo aliquo modo usura est licita. Maior probatur, quia in annuo reditu pro certo spatio aliquid ultra sortem ex pecunijs redundat & acquiritur. Minor patet, quia omne instrumentum locari potest pro certo pretio: sed pecunia est instrumentum mutationis: ergo potest exponi & locari pro certo pretio: sit illud exempli causa annuus reditus aut stipendium.

Gandauus in suis quodlib.

Resp. Docti & sapientes quidam existimant annuos reditus pro certo spatio coemi non debere, exemplum urget, si ciuis alicui centum libras anglicanas daret ut pro octo annorum spatio quotannis viginti libras recipiat, quia ultra sortem ex pecunijs sic locatis octo annorum spatio sexaginta libras in lucro habet, usura est, nam pecunia hoc modo ex pecunijs gignitur. Est ergo duplex instrumentum, aliud cuius usus consistit in consumptione, & tale locari non debet; aliud cuius usus non consistit, & hoc locari potest, ut supra ostenditur.

Ab instantia.

Opp. Usura est aliquando in rebus quarum usus non est consumptio: ergo male definitur. Antecedens probatur exemplo. Petis mutuum centum

centum libras a mercatore, is negat se habere pecunias, merces tamen tradit ut reuendas, tu coactus necessitate merces pro quibus libras centum solves, alteri pro octoginta vendis. Venit mercator, suas merces ab altero subordinato carnifice libris octoginta redimit, sic viginti libras non ex pecunijs (ut vides) sed ex mercibus, quod videtur legitimum, prorsus lucratur.

Resp. Pessimus est hic dolus & nimis frequens, mala mens malus animus (ut ait poeta). Argumento tamen huic facile quidem respondetis, si acquiri hoc lucrum ex mercibus fraude, ex pecunijs reuera dixeris. Nam intentio erat ex octoginta libris elicere & aucupari centum, ut euentus docet. Simile est illud de quodam sutore, ad quem accessit pauper rogans ut viginti solidos mutuo pro anno daret. Dabo inquit, sed ea lege; ut pro renouato scripto, quod ipse peritus scribendi fecero, singulis mensibus concedas solidum. pactum est, scripsit scilicet hic sutor, pauper oppressus scriptis ad magistratum venit, usura accusat, respondet niger hic nebulo se non nummum ex nummo, sed nummum pro scripto postulasse. Ait Index, videte quam egregie Diabolus fraudem istum sutorem docuit.

Opp. Usura est per se malum, usura est quadam species furti & rapina, usura tendit in damnum ciuitatis & dispendium ipsorum ciuium: ergo usura non est permittenda in probe administrata ciuitate. Hac argumenta paucis collecta in secundam partem questionis insinuantur.

Resp. Satisfecimus huic argumento in suppositione, hac enim a iuris prudentibus traditur regula, quod tum conueniendum sit in malis, cum iisdem subito prohibitis funestiora consequantur. Ut ergo in fidibus tendendis musici instrumenti: ita in malis tollendis ciuitatis sensim, ac pedetentim agere oportet: illa strident & rumpuntur si intendas subito, hac tumultuantur si tollas repentinum.

Dubium Capitis.

Utrum liceat cum Thalete res vili emere ut easdem statim vendamus carius?

Quid sibi velint istae sarcinae (mercator) quibus onustus in forum venis? Discede hinc auide, non tibi licet res tanti vendere: pigmenta emisti vili, iam ornamenta vocas: noui fraudem, noui aucupium tuum. Quanti est haec merx tua?

Mercator
mendax.


Ab Indiâ venit. Responde ad rem. pretiosa res est. at quanti quæro? certè amicè tecum agam, nihil lucrabor. Nugas agis, dic mihi quanti vendes? Ab India venit, res pretiosa est, habebis viliori pretio tamen quàm ipse dedi. Mentiris omnia. Nā heri emisti vili, & hodiè magni nundinari cupis. Sed hoc non decet, si verum sit quod Philosophia docet. Quid Philosophia? Certè vt statim coemptum non vendas, vt rem commutabilem meliorem reddas, vt occultum rei vitium emptori demonstres. Mercator sum, non Philosophus. At hæc profectò ageres si velis haberi iustus.

Opp. Si vilis emere non licet vt carius vendamus, nullus esset quaestus: at quaestus sublato omnis tolleretur mercatura: ergo vilis emere licet vt carius vendamus.

Resp. Licet vilis emere vt carius vendas, attamen vt statim hoc agas antequam res empta melior tuâ operâ fiat, lege quidem prohibetur. Nam vide incommodum, venit auarus in forum, totumq; granum vilis emit. Ad hunc undiq; concursus est: carius nunc iste vendit, iniuste hoc factum esse quis non videt? At quæris quomodo res melior à mercatore fiat. Respondeo in multis hoc fieri officio, in multis operâ. Nam quamuis res in Indiâ nata à mercatore non mutatur, traiectione tamen ad Angliam in meliorem usum conuertitur.

CAP. VIII.

An vxor, filius & seruus eodẽ modo regi & gubernari debeant?
An sit eadem parentis & imperantis virtus?



Ex tribus œconomix partibus satis de herili rei quæ acquirendæ facultate disputatum iam est, restat ergò vt de reliquis duabus societatibus domus, nempe de nuptiali & paternâ, nunc disputemus. Series huius tractatus facillè ex ordine propositarum quaestionũ intelligetur, eandẽ enim semper in mouendis quaestionibus viam tenemus quam in discutiendis rebus sibi Philosophus

Philosophus elegit ac definiuit. Quæritur ergò primum, An Quæstio 1.
vxor, filius & seruus eodem modo regi & gubernari debeant? Naturæ & rationis lumine olim illustrati Philosophi in vno homine expressam Ideam viuamq; quasi imaginem imperij intuentes eundem non immeritò minorem mundum appellârunt. Nam vt totum hoc vniuersum ab vno infinito imperatore, deo scilicet qui est separatus, simplex, purusq; spiritus regitur: ita omnia hominis causâ (vt ait Philosophus) constituta, hominis imperio iustissimè subijciuntur. Si ergò in vno homine effigies vniuersalis imperij naturæ quasi penicillo delineatur, quanto magis ciuitatis administratio in domo (quæ parua esse videtur ciuitas) nobis appareat? Hinc in fronte huius Capitis traditur ab Arist. luculenta inter ciuitatem & familiam quædam comparatio. Quid multis? Paternam gubernationem regali, nuptialem verò ciuili imperio Ciuitas & familia comparantur inter se.
comparauit Philosophus: Paternam regali, quia vt rex in ciuitate pro arbitrio suis subditis: ita pater in familia pro voluntate suis liberis: Nuptialem ciuili, quia vt magistratus in repub. secundum leges multitudini: ita vir in domo secundum conditiones vxori præesse dicitur. Plena est autoritas regis in subditum, patris in filium; restricta est autoritas magistratus in ciuem, viriq; in vxorem. Rex imperat secundum leges quas ipse tulerit, sic pater; senator regit secundum leges quas consensus fecerit, sic vir vxorem. Pater filio virq; vxori non vt dominus seruis, sed vt Rex & magistratus liberis prædominantur. Natura enim subiecit fæminam non vt seruum sed vt sociam, non ad mancipium sed ad libertatem vitæ. Ceterum animaduertendum hic est, quòd ciuile imperium à nuptiali in hoc vno differat, quòd in illo sit vicissitudo imperandi, in hoc verò non sit; non enim fæmina suo viro ne quidem Xantippe Socrati imperare deberet, si verò hoc contendat, impetus hic est infirmitatis non naturæ. Nam mas (vt hic ait Arist.) ad principatum obtinendum aptior est quàm fæmina, & natu grandior quàm adolescens. Sed quis non videt de fæminâ coniunctâ viro non solutâ hoc loco à Philosopho disputari. Si sit Hecuba, inseruiat Priamo; si sit
F 3 Dido

Mulier soluta
viro imperare
potest.
Amasis Æ-
gyptius.

Generis hu-
milis hono-
re virtuti non
negat.

Secunda
quæstio.

Virtus an in
seruo alia
præter instru-
mentalem.

Dido ciuitati imperet, id est si nupta sit regina, subijciatur regi; sin regnum natura dederit, soluta imperare potest. Neque est quod magis infirmitatem mulieris contempnas, quam olim Ægyptij Amasis sui imperatoris ignobilem locum & paupertatem. Hic Amasis rex Ægypti fuit, cui cum populus parentes suos viles artifices indignabundè obiecit, ei que parere pro officio recusauit, vas quoddam aureum (in quod principes Ægyptiorum vomere & meire solebant) in celebre idolum fundi & commutari iussit, in templo erexit, instituit festum, coëgit populum, nouum Deum admirantur omnes, venerantur singuli. Amasis rex sapiens in altum ascendit, sic affatur. Charissimi ciues cur me contemnitis, & tamen Deum ex matulâ conflatum adoratis? O ciues non locum sed virum, non me seruum sed regem respicite. Hoc intellecto populus prostratus cecidit, contemptum regem adorauit, audi ergo ut humilitas loci huic insigni viro imperium non negauit: ita infirmitas naturæ omni fæminæ aditum ad dignitatem non interclusit. Sed de hac re antea satis, nunc ad secundam quæstionem venio, in quâ quæritur, An eadē sit virtus tam parentis quam imperantis. Primum in hac quæstione de societate domini & serui agens philosophus fisciatur. An præter virtutē quæ ad instrumenta & ministeria pertinet in seruo sit alia, verbi gratiâ, temperantia, fortitudo aut iustitia? Disputat Arist. in vtramque partem. Nam si sit alia, qui inquit à domino seruus naturâ differt? at si non sit, quomodo particeps rationis diceretur? Agnoscit ergo tam seruo quam domino, tam parenti quam imperanti virtutes inesse, sed ita inesse, ut hæ ab illis naturâ & specie distinguantur. Hoc probat à contrarijs, à similibus, à testimonijs. A contrarijs, quia parere & imperare specie & naturâ differunt. A similibus, quia à virtutibus mentis & moris deriuantur. A testimonijs Gorgiæ rhetoris & Sophoclis poetæ. Ratio prima sic se habet. Parere imperio & imperare specie differunt: ergo virtutes parentis & imperantis naturâ differunt. Secunda sic. Quemadmodum in animâ virtutes mentis à virtutibus moris differunt: ita in ciuitate virtutes parētis, qui

qui appetitum, & imperantis, qui intellectum sequitur, inter se naturâ differunt, sed constat illas distingui specie, ergo etiam necesse est has specie distingui. Postrema est ab auctoritate, in qua partim refellit Socratem, qui easdem virtutes moris in viro & fæminâ esse putauit; partim laudat Gorgiam atq; Homerum, qui proprias virtutes viro propriasq; fæminæ ascripserunt. Hinc illud. *Adfert decus omni fæminæ silentium.*

Sed quæ est ista iam noua opinio de virtute? quod tandē Philosophū contradicendi studiū & malicia rapuit? Socrates in fæminis eandē temperantiâ, eandē iustitiâ, eandē æquitatē animi ac in viris posuit; quia Socrates posuit, negauit Arist. erras, non ideo negat, cum veritate negat. Quid? Non est in fæmina vera temperantia? Non est vera iustitia? Est. Cur ergo negat? Affirmo iterum quod nō neget. Quid ergo dicit? Hoc nimirū, quod omnes (intelligit virū, vxorē, dominū, seruū, patrē, filiū) participes esse debeant virtutū. Verūm nō eodē modo, sed quantū quisq; postulat ad munus suū obeundū. Rectè.

quomodo hæc verba intelligis? Attende. In homine duo considerare oportet, essentiam animi & rationē officij: si eā spectes, easdē virtutes domini & serui, viri & vxoris, patris & filij, esse existimo. Si verò hanc, id est rationē officij, nō itē. Aliud est esse hominē, aliud seruū; aliud est esse hominē, aliud regē: hinc quædā virtutes viri, quædā virtutes officij dicuntur. Ex-
epli causâ. Prudenter vir, mulier quoq; prudenter viuit. Vtriq; inest eadem prudentia, si habitū virtutis, non tamen eadē, si officiū vtriusq; spectes. Nā prudentia viro inest, ut vxori & fæminæ studiosè consulat; mulieri inest, ut viro suo in legitimis officiosè obediat. Sicut ergo obedire in hac ab imperare in illo: ita prudentia in hac à prudentiâ in illo differt; verum tamen hoc est non quoad essentiam animi, sed quoad rationem & existentiam officij. Summa hæc est, virtutes parentis & imperantis in quatuor differunt in subiecto, obiecto, actu, & fine: in subiecto, nam alius imperat, alius paret: in obiecto, quia obiectum imperantis est imperium, obiectum parentis est ipsius officium; in actu, quia aliter imperantes, aliter parentes agunt; in fine, quia illius est præscribere

Duo in homi-
ne politico
considerari
debent;
Essentia ani-
mi & ratio
officij.

Propugnatio
fæminæ.

& imperare, huius verò subscribere & obedire. Hinc vbi dicit Philosophus in seruo non esse omnino consultandi facultatem, in fæminis esse quidem sed imbecillam, in pueris etiam esse sed imperfectam, intelligit respectu officij in quo est inæqualitas, non respectu viri in quo par ratio virtutis inesse potest. Iniquè igitur quidam in fæminas contorquent hæc loca, ac si essent non solum ab omni virtute & imperio alienæ, sed etiam quædam monstra & portenta naturæ. Malè profectò ille, Mulier est imperfectio nature: ergò monstrum. Mulier est naturâ imbecillior viro: ergò ei non daretur regnū. Decet fæminâ silentium: ergò non imperium. Non est in fæminis vt in viris virtus: ergò illis reipublicæ non concederetur clavis. Non est in fæminis efficax cōsiliū: ergò monstruosum est illarum imperium. Hæc & sexcenta alia stultiora argumenta ex his alijsque locis Philosophi sine sensu, sine iudicio eruuntur. Riderent isti si contraria hoc modo colligerem. Mulier est maioris pietatis quàm vir. Mulier est plerumque ingeniosior viro. Mulier verecundiâ, clementiâ & consilio ipsos viros superat. Quid ni ergò imperio superaret? Sed hæc omitto agnoscens quidem permulta non sine causâ in hunc sexum dici: est enim plerumque loquacior, est petulantior, est inconstantior viro. Sapienter ille si de fæminâ malâ legas. Mulier est hominum confusio, insatiabilis bestia, sollicitudo continua, indefinens pugna, quotidianum damnum, castitatis impedimentum, domus tempestatis, præhum asperrimum, pondus grauissimum, aspis intolerabilis, humanum mancipium. Sed quid ago? Virtutes non vitia fæminarum quæro. Requiritur (vt hîc docet philosophus) in bona vxore, castitas vt honestè, sobrietas vt moderatè, silentium vt quietè, constantia vt iustè, fides vt sola cum suo viro viuat. Sequuntur in fine istius cap. duo, nempe comparatio serui cum artifice, & repetitio eorum quæ in hoc libro continentur. Comparatio est quòd seruus sit à naturâ, artifex autem à scientiâ; quòd seruus sit vnâ nobiscum in eadem domo, artifex solum conducendus pretio; quòd seruus bonum moris ad obtemperandum, artifex bonum artis ad benè

Mulier mala
definitur.

Virtutes bonæ
vxoris quinque;

Confertur ser-
uus cum arti-
fice.

benè operandū habere debeat. Quid multis: hîc suadet philosophus, vt rex & subditus, dominus & seruus, vir & vxor, pater & filius, omnesque & singuli (qui in luce ciuitatis viuunt) virtutibus morum studeant & incumbant. Præclarè Seneca:

Nunquam stygias fertur ad umbras incluta virtus.

Beata ergò domus, beata ciuitas, in quibus maximè honoratur virtus. Repetitionem, quam hoc loco habet Arist. in tabula quadam post argumenta inuenies. Quare hîc iam cesso, primumque hunc librum claudio. Vides lector descriptionem domus, vides imaginem ciuitatis. In alijs libris contendam vt ipsam ciuitatem videas.

Distinctio primæ quæstionis.

An vxor, filius, seruus, eodem modo regi & gubernari debeant?

Imago ciui- tatis in tri- bus cerni- tur, respec- tu	{	Imperij regalis quod pater habet in filios, quibus pro arbitrio præest.
		Imperij ciuile quod vir habet in vxorem, quam vt liberam & ciuem, non vt seruam & mancipium; quam legibus restrictus non pro libidine immunis regit.
		Imperij herilis quod dominus habet in seruos, quibus vt instrumentis pro sua libertate vtitur.

Opp. *Quicumque patris imperium in filios cum regali, & viri in uxorem cum ciuili imperio comparat, ipsam domum quasi paruam ciuitatem facit: sedita hoc loco administrationem domus cum administratione ciuitatis Arist. comparat: ergò domum quasi paruam ciuitatem facit. Quo concesso videtur sibi contradicere in primo cap. huius libri, vbi reprehendit Platonem & alios, qui sic domum cum ciuitate compararunt.*

Resp. *Turpe est doctori cum culpa redarguit ipsum: sed in hoc non offendit Arist. Nam illic quidem reprehendit eos qui domū nihil aliud dixerunt esse quàm paruam ciuitatem, id ipsum etiam hoc loco docet. Nam quamuis sit quedam analogia domus cum ciuitate in similitudine administrationis, est tamen magnum discrimen si essentiam & rationem constitutionis spectes. Hæc ergò omnia analogicè non vniocè in comparatione vtriusque dicuntur.*

Opp. *Licet regi malos ciues vitâ tollere, sed patri non licet malos filios vitâ tollere: ergò patris imperium non est regium.*

Resp. *Modò docuimus hanc comparationem non esse absolutam sed*

Virtuti omnes
debent incum-
bere.

A toto vni-
uersali.

A dissimili.

sed analogicam & respectiuam, satis est ergo si in quadam similitudine ac proportionem conueniant, & sic quidem conueniunt. Nam ut rex pro arbitrio suos cines: ita pater pro authoritate (quam natura dedit) suos filios regit.

A relatis.

Opp. Civile imperium est in quo vicissitudo existit imperandi: sed in nuptiali non est vicissitudo imperandi: ergo nuptiale perperam cum civili comparatur. Maior constat. Minor probatur, quia posita vicissitudine imperandi, uxores imperarent, quod est ut docet philosophus contra legem naturae.

Resp. Eodem modo huic quo alteri argumentorespondetur, nempe quod in omnibus hac duo non conueniant, sed analogice & ex parte.

Distinctio secundae quaestionis.

An sit eadem virtus parentis & imperantis?

In parentibus & imperantibus considerantur duo,	{	Essentia animi, & sic eadem virtus specie tam in parente quam in imperante esse potest, ut fortitudo, temperantia.	{	Ut supra probatur.	
		Existencia officij, & sic virtutes utriusque differunt			Subiecto, Obiecto, Actu, Fine,

A distributione

Opp. Virtutes parentis & imperantis aut sunt moris aut mentis, sed illa solum appetitum, haec solum intellectum in omni homine subiectum habent: ergo virtutes parentis & imperantis subiecto non differunt. Maior & minor constant 2. Ethicorum.

Resp. Appetitus & intellectus considerantur bifariam: aut absolute respectu animi, & sic in omni homine sunt subiecta virtutum: Aut comparate respectu officij, & sic aliter in seruo aliter in domino afficiuntur. Exempli causa. Intellectus serui patiens respectu virtutis, intellectus domini agens respectu authoritatis dicitur. Sic de appetitu & voluntate dicendum est. Nam quamuis formaliter (ut aiunt) & essentialiter intellectus, appetitus, voluntas, aliaque potentiae animi in parentibus & imperantibus (quatenus sunt homines) non differant, differunt tamen si diuersa officia spectes.

Ab eodem.

Opp. Temperantia in viro eadem est cum temperantia in femina: ergo eadem est virtus parentis & imperantis. Antecedens probatur, quia idem obiectum nempe voluntatem, idem subiectum nempe appetitum, eundem actum nempe moderari affectum, eundem

dem finem nempe castam vitam habet.

Resp. Temperantia & omnis virtus considerari potest duobus modis: absolute, & sic in viro & femina est eadem temperantia; respectiue, & sic non est, nam respectus officij mutant naturam. Exempli causa, temperantia absolute sumpta hominem bonum efficit & feminam bonam: temperantia vero respectiua maritum bonum in imperio, uxorem bonam in officio reddit. Absoluta ergo virtus est hominis, comparata autem est respectus. Sed ut homo qui est substantia, & princeps qui est respectus differunt: ita virtus absoluta a virtute respectiua differt. Respondeo ergo quod temperantia eadem sit in viro & femina si absolute sumuntur: at si pro viro & uxore accipiantur, quae sunt respectus, sic eadem non est sed diuersa.

Eadem virtus absolute sumpta in viro & femina non vero comparate & respectiue sumpta.

Opp. Non est omnino virtus in seruo: ergo male hic contenditur quod sit diuersa. Antecedens probatur, quia si sit virtus in seruo, tum seruus potest esse dominus, nam virtute antea dominum a seruo Arist. distinxit.

A contradi- centibus.

Resp. Virtute mentis non moris dominum a seruo Arist. distinxit; requirit tamen hoc loco ut seruus virtutibus morum perorneretur. Nam si seruus sit iniustus, si sit intemperans, quae erit administratio domus?

Dubium capitis.

An maximum decus femina sit silentium?

Tace garrula, nimis mihi molesta es loquacitate tua. Tace tu, nam ego te imperante non silebo. Pica es, pergin' adhuc loqui? Pica non sum, sed loquar tamen. At silentium te magis decet. Te ipsum doce. Sed tu hoc disceres. Imò tu. Proterua es. Falsum id est. Impia es. Id quoque fictum. Meretrix es. Mentiris furcifer. Adhuc non files? Dic cur silerem? Audi philosophum. Stultiloquum diceret. Attende quaeso. Fiat id tandem si me exores. Natura te docuit frontis modestiam, philosophia te docuit oris silentium. Naturam audio, philosophiam non audio. Sed audi. Certè non audiam. Dic quaeso causam? Quia silentium imperat. An hoc molestum. Iniustum diceret. O stulta mulier recusas geminam. Aerem verberas, non retinebo linguam. Retinere licet si moderaris.

Moderari

Silentium decet omnes feminas, sed per paucis adest.

Moderari placet si tu discederes. Victus discedam, verbosa vale. Discedam victrix, vir bone vale.

Silentium maximum decus faminae esse docetur, quia

Arguit impotentiam naturae (quae plerumque ad loquendum profusior est) rationis imperio refrænari.

Arguit animi modestiam, nam petulantia linguae animi inconstantiam, taciturnitas opportuna prudentiam notat.

Parit firmiorem viri amicitiam, sui que in administranda domo maximam quietem. Nam ut lac extinguit tartareum pulverem: ita silentium faminae viri iracundiam.

Ab inducti-
one.

Opp. Sunt quaedam faminae prudentes & disertae: at silere illis non convenit: ergo omnes faminas ut doces silentium non decet. Maior constat, quia tum in sacris tum in prophanis historiis legimus quasdam faminas prudentiam & contentione eloquentiae excelluisse. Tales enim fuerunt Saba, Iudith, Hester, & apud Romanos Hortensia, Cornelia, & Sybilla, quae pro oraculis sapientiae habebantur. Minor probatur, quia silere in illis est veluti gemmas pretiosas corporis mole opprimere, & sine usu reipublicae magnas virtutes in cimeriis tenebris quasi suffocare.

Resp. Natura cunctis feminis loqui, industria per paucis eloqui, paucissimis autem philosophari dedit. Si tamen sint Saba, audiant Salomonem: si sint Hortensia, causas in senatu dicere permittantur. Hac autem non probant quoniam respectu sexus in quo imperfectio quaedam est feminarum virtus dicatur silentium, non ut omnino silentiant, sed ut ultra lanam & telam (si rudiores sint) non progrediatur.

A metaphora. Opp. Verba feminis arma sunt, & lingua veluti scutum quo suam impotentiam nec non saepe innocentiam tegunt: iniquum ergo est illis silentium imperare.

Resp. Imperare silentium feminis hoc loco non est verba sed verbositatem, non linguam sed petulantem rixandi & garriendi licentiam illis negare, rectumque usum sermonis & linguae praescribere: loquentes enim tum silent, & silentes loquuntur faminae, cum franis modestia usa, se gerant decore.

Laus Deo.

LIBER SECVNDVS.

CAP. I.

*An unitas in communitate omnium magis dissoluat quam
conseruet ciuitatem?*

An magistratus debeat esse perpetuus?



M A G O ciuitatis & politicae administrationis in domo est; Quoniam ergo copiose de ea eiusdemque partibus disputauit philosophus, nunc incipit de ipsa ciuitate ac eius ordine (qui respublicae nominatur) differere. Sed (ne somnia & phantasmata quorundam nomine insignium philosophorum lucem veritatis obscurant) primum fallaces & falsas eorum opiniones de ciuitate tollit, antequam suam ipsius sententiam ponit. Factum hoc quidem sapienter. Nam ut salutaris herba inter spinas non crescit: ita veritas errorum vinculis suppressa non lucet. Quare ut spinas radicibus euellere, si terrae fertilitatem: ita errata funditus extirpare debes, si veritatis speciem ac pulchritudinem intueri velis. Classicum ergo hic canit philosophus, in primis Socrati, classicum Platoni, Phaleae, Hippodamo, alijque nonnullis qui nouas ciuitatis administrandae formas inuenerunt, nouas leges intulerunt. Diuiditur hic liber (ut ait Donatus) in duas partes, in prima redarguit scriptas, in secunda existentes respublicas quae sua tempestate recte gubernari videbantur. Primae partis sunt 6. capita, in quorum quatuor Socratem & Platonem de communitate vxorum & possessionum, in quinto Phaleam Chalcedonium, in sexto Hippodamum Milesum refellit. In principio primi cap. aperit institutum, aditumque facit ad vulnerandum Platonem qui tum & propter nouitatem opinionis, & propter diuinitatem nominis

Methodus &
scopus lib. I.

Primi capituli
institutum.

Plato 5. de legibus.

Communio-
nis platonice
incommoda.

Plato Polit. 5.
Quæstio 1.
Ciuitatis vni-
tas quatuor
argumentis
refutata.
Vnitas ad do-
mum redigit:
ergo destruit.

Destruit mul-
titudinem
specie diffe-
rentium, ergo
ciuitatem.

nominis per ora hominum volitauit; institutum est, errata tollere, vanissimaque de repub. dogmata refutare. Ingressus quem facit, à diuisione est, nempe, quod in bene instituta ciuitate aut omnia, aut nulla, aut saltem aliqua debent esse communia. Erras inquit si dicas nulla, nam ciuitas societas est multorum, qui eodem loco habitationis, eadem libertate legis vtuntur. Sed magis tu erras Plato, qui vt omnino vnâ facias ciuitatem, omnia in ciuitate communia, fortunas, vxores, liberos, esse debere putas. Noua & inaudita est hæc tua opinio (erudite Plato) nullius principis diplomate obsignanda, nullius philosophi chirographo subscribenda. Abhorret iustitia cū fortunas, abhorret natura cum vxores, cū liberos, communes esse debere doces. Ciuitates enim domicilia virtutis, nō lupanaria meretricū esse definiuimus. Dulcis est hæc doctrina tua sed periculosa, pulchra sed miseris plena, optata fortasse multis, sed sui cultoribus perniciosa. Fenestrā enim aperit ad omnē licentiam morum, ad omnē confusionē rerū, ad seditionem ciuium, ad ruinā & naufragium omnium. Sed antequam hoc tuum de vxorum cōmunitate dogma examinemus, dic causam quæso cur omnia cōmunia esse in ciuitate velis? Si quēadmodū doces, vt ciuitas inde sit maximē in cōmunitate vna, longē in eo tuā pace falleris, nam vnitas potius dissoluit quā conseruat ciuitatem, idq; 4. argumentis probabo, primū à disparatis, hoc modo. Quicquid dissoluit & corrumpit ciuitatem, optimum ei non est: sed vnitas dissoluit & corrumpit ciuitatē: ergo optimū ei non est. Assumptio probatur, quoniā id quod ad vnā domum vel vnum hominem deducit, corrumpit ciuitatem: sed maxima vnitas id facit: ergo maxima vnitas corrumpit ciuitatē. Maior constat, quia dissolutio compositi in partes est corruptio eiusdē. Minor patet, quia ciuitas est multitudo, quæ si magis magisq; ad vnitatē redigatur, necesse est vt tandem ad vnā domum adeoq; ad vnū hominē deueniat, in quo dissoluitur non conseruatur ciuitas. 2. argumentū est à forma ciuitatis, quæ in multitudine hominum specie, ordine, fortunā & instituto vitæ differentium ponitur. Ratio sic se habet. Quicquid tollit aut peruertit distincta officia hominum in ciuitate ipsam ciuitatem dissol-

uit: sed maxima vnitas tollit & peruertit distincta officia hominum in ciuitate: ergo eandem dissoluit. Maior pater, quia ciuitas ex dissimilibus partibus, vt planta, vt homo, vt harmonia, vt res penē omnis naturalis constat. Minor probatur, quia in maxima vnitare non est distinctio sed confusio rerum. 3. argumentum ab absurdo ducitur ad hunc modum. Quicquid vicissitudinem parendi & imperandi tollit, id etiam ciuitatem tollit: sed maxima vnitas vicissitudinē parendi & imperandi tollit: ergo maxima vnitas ciuitatē tollit. Propositio aperta est, quia nulla existit ciuitas si nulla sit spes dignitatis; nulla res pub. si nulla vicissitudo imperij ac magistratus. Assumptio probatur, quia vnitas mutuam & reciprocam magistratum gerendi ciuibus rationem & æqualitatem negat. 4. argumentum à fine ciuitatis sumitur, quæ est copia & affluentia bonorum omnium quibus fortunata & beata rediditur. Hanc vnitas Platonis sterilem, hanc nullam facit; quæ enim fecunditas in vnitare, quæ affluentia in sterilitate inest? Fortunatior est domus teste philosopho quā vnus homo, 2. beatior est pagus quā vna domus, longē felicissima ciuitas, quæ hominum, quæ domus, quæ multorum pagorum copiam & affluentiam habet. Non est ergo expetendū vt ciuitas sit maximē vna; nam vnitas inopiam, societas affluentiam bonorum parit. Sūma omnium quæ diximus hæc est, maxima illa vnitas quā sōniauit Plato multitudinem dissoluit, ordinē & officia reipub. cōfundit, spem & vicissitudinē parendi & imperandi tollit, fontes bonorum omnium in ciuitate claudit: ergo beatitudo ciuitatis in eo non est vt maximē vna efficiatur & existat. Miraris fortasse (studiose lector), cur in hoc ca. illa nō describatur quæstio quā prisci interpretes hīc solent mouere, nempe an vxores & liberi debeant esse cōmunes. Respōdeo me passim vestigia Arist. sequuturū, qui in primo quidē cap. eadem mouet, sed in 2. persequitur & absoluit. Primū enim thesim proponit, an ciuitas debeat esse maximē vna? hypothesin deinceps discutit. An sit maximē tū vna cū nulla vxorū & liberorū habetur distinctio? Multi hīc (vt pauca adiciā) existimāt Arist. ex verbis Platonis corruptū & malū extorsisse sensū. Nā aiunt Platonē nō de equalitate possessionis, sed de communi-

Tollit vices
parendi & im-
perandi, ergo
ciuitatem.

Lege Romæ
sancita. Cic 3.
de leg.
Destruit suffi-
cientiā, ergo
ciuitatem.
Pol. lib. 1. cap.

2.
Arist. in
æcon.

Platonice
vnitatis dam-
na.

Pro Platone
commenta.

Solutio.

Vnitas Platonica qualis?

Cōmunionis Platonice effecta mala.

tate vsus, non de confusione rerum, sed de vnione ciuium animorumq; consensu disputasse. Vana est certè hæc ab istis Platonis introducta defensio, res enim aperta est, negari non potest: æqualitatem rerum possessorum expressè voluit, iure reprehenditur; communitatem vxorum ac liberorum statuit, iustè refutatur. Quod isti adferunt de vnitate ordinis & consensus, ex suis ipsorum cerebris effingunt, ex Platonis scriptis non eliciunt. Hoc vnum tamen fateor, Platonem non postulasse vt ciuitas sit vna omnino numero, quemadmodum accepit Arist. in primo huius cap. argumento, sed potiùs vt sit vna in proportionem & æqualitate rerum, vna in ratione & dignitate ciuium, vna denique in conspiratione vsuque virtutum. Verùm enimuerò vt vna sic fieret, duo pessima inuenit media, nempe communitatem rerum contra iusticiam, communitatem vxorum contra naturam; putauit enim tum maximè vnā fore ciuitatem, si omnia omnibus essent communia. Sed in hoc candor philosophi defecit, quòd aculeos istorum monstrorum, id est, euenta istarum communitatum penitus non prospexerit: euenta sunt (vt postea copiosè ostenditur) negligentia rerum, licentia morum, oscitantia ciuium, ruina ciuitatum, horribilis deniq; vxorum, liberorum, omniumq; in republica confusio ac perturbatio. Hinc enim lites, hinc iurgia, hinc clandestina consilia, hinc bella, tumultus, cædes, aliaque sexcenta mala, quibus veluti magnis terræ motibus fundamenta ciuitatum concutiuntur. Sed de his postea; nunc ab vnitate ciuium ad vnitatem magistratus hinc accedit philosophus, & quamuis quodam accepta modo vnitas dissoluit ciuitatem, est tamen vnitas quæ conseruat, ea scilicet quæ in oculata prudentia iusti & peruigilis magistratus cernitur. Verùm quoniam hoc loco non tam de vnitate quàm de perpetuitate & successione magistratuum differit Arist. opportunè certè mouebitur hæc quæstio, an perpetuus debeat esse magistratus? Per vices inquit philosophus est imperandum, parendum etiam per vicissitudinem. Siccine? at quid hoc est per vices obsecro imperare? num annuos vt gerant magistratus sicut olim Romæ consules, ædiles, prætores &

& tribuni plebis? Num ita veri magistratus debent vt statis temporibus hi munus ineant, alij deponant; hi inaugurentur, alij se abdicent? Scio equidem Græcis Aesymnetas, Romanis dictatores opere confecto, exacto tempore fasces sui imperij abiecisse: hæc tamè nõ cōuincunt, quin in placato reipublice statu magistratus perpetui esse possint. Itanè? vbi tū spes agriculturalum? vbi præmium virtutis? vbi honoris participatio? quorsum munera dignitatis in ciuitate sunt, si vni perpetuò, & non vicissim singulis distribuuntur? imperandum ergò est & imperandum singulis, sed non nisi ad tēpus, non nisi per vices imperandum. Siccine agis? An quod canit poeta,

Omnia fert ætas animum quoque -----

ei concinit hoc loco philosophus, Sua est vt corpori sic mēti senectus? an magistratus qui sunt animi ciuitatis, ortū & interitū, infantiā & senectutem habent? estnè in mente etas? in sapientia cōsulari tempus? est quidē. Vis ergo per vices susceptos geri magistratus? volo, at muscas iam diu satiatas depelli; locū vt cedant recentibus quæ aduolant famelicæ, haud scio an equus magis scabie laborans optet, quàm Sicilia à Verre expilata ferat. Sed ista tua vicissitudo & alternatio nouos culices acrius mordētes ad cadauera oppressorū ciuiū aduolare quadā authoritate iubet: cōsultius ergo est & tutius reip. vt Cæsar perpetuā dictaturā gerat, quā vt Sylla, Clodius aut alij rapaces vultures alternatim succedant, qui diffidētes temporis, tēporis quasi falce ciues iam laborantes vulnerāt. Quāobrem ne saturis famelici in aurea messe ciuitatis, nè expertis rudes & imperiti, ne iustis & sapiētibus viris carnifices & sutores in senatu & magistratu surrogentur, plurimū à multis magistratū eternitas cōmendatur. Verū vt hæc omnia apertiora fiant, distinguamus (si placet) magistratū in Regiū, Senatoriū, & comunē. Regius esse debet perpetuus nè fiat seditio: Senatorius quoque continuus, sed pro voluntate regis: Communis verò sēpè mutari debet, vt reliquis ciuibz via ad honorē pateat. De maiestate regia & consulari dignitate postea disputabitur, nunc solū de cōmuni agitur. Communem autem appello, vt in pace vr̄bis præfectorum, in tumultuosa

G

martis

Martis tempestate dictaturā. Hunc magistratum tempore & loco definire & circumscribere spes ciuium, ordo ciuitatis, consuetudo maiorum, iustitia ipsa suadent. Spes ciuium, qui stimulis honoris ad virtutis studium alacrius incitatur: Ordo ciuitatis, qui hoc postulat & prescribit, ut ciues consilij & magistratus pro merito virtutis participes fiant: Consuetudo maiorum, qui a rastro ad senatum, a cespite ad solium dignitatis plurimos euehere ac promouere solebant: Iustitia, quæ ideo lances reip. tenet, ut dignitates ciuitatis nō vni perpetuas, sed singulis promeritas distribuat ac partiatur: quod certē fieri non potest, si omnes magistratus perpetui creentur.

Distinctio questionis.

Vnio Platonica magis dissoluit quā cōseruat ciuitatem, propter

Destructionem multitudinis, multitudinem enim ciuitatis ad vnam domum vnumq; hominem tandem deducit. Confusionem ordinis, omnem enim rationem dignitatis omnemq; officiorum varietatem & distinctionem tollit. Perturbationem administrationis, quippē omnem parendi & imperandi spem & vicissitudinem delet. Corruptionem perfectionis, quippē finem ciuitatis, quæ est affluentia bonorum omnium, penitus subvertit.

A forma.

Opp. Forma rei rem ipsam non tollit: sed unio ciuiū est forma ciuitatis: ergo unio ciuium non tollit ciuitatē. Propositio est perspicua, quia forma rei est eiusdē perfectio. Assumptio est Arist. in primolib. ubi definitur ciuitas numerosa hominum unita legibus multitudo.

Resp.

Rerum, earumque vel	{	Aritmetica, ut omnia omnibus sint equalia, & hæc in nullo statu reipub. est toleranda.
		Geometrica, ut bona ciuitatis pro merito viriū distribuantur, & sic unio rerum est approbata.
Personarum, eademq; vel in	{	Communitate possessionis sine ulla mei tuiq; distinctione, & hæc non est forma sed lues ciuitatis.
		Aequitate refectionis, & hæc unio ciuium forma ciuitatis dicitur.

Plat. pol. lib. I. Vnio est duplex, vel
2. & 6. de legib. plex, vel
Arist. eth. lib. 5.
cap. 3. 4. 5.

Ab effectu.
Plato 3. de legibus.
Plato 6. de legibus.

Opp. Perfecta & fidelis amicitia maximè in ciuitate est optanda: sed unio ciuium, ut Plato intellexit, perfectam & fidelem amicitiam parit: ergo unio Platonica in ciuitate est maximè optanda.

Minor

Minor probatur, quia unio Platonica est ut ciuitas sit maximè una, utq; omnes ciues sint vnus homo non aliter quā amicus est alter ego. Plato. in sympos. Pos.

Resp. Rara fides inter duos, rarissima inter multos. Fateor equidē eō spectasse Platonem, ut quā maximè ciuitatem vnā in consensu virtutis efficeret, sed parū attenti hoc vnum animaduertit, vnitatem virtutis cum communitate rerum simul non posse cohabitare. Communitas enim non charitatem sed discordiam, non animorum consensum sed eorum capitale nutrit.

Arist. pol. 2.
cap. 2. & 3.

Opp. Beata est ciuitas maximè in fine: sed finis ciuitatis est vnus; ergo beata est ciuitas maximè cum sit vna; quo concesso, sequitur veram esse opinionem Platonis, quod beatissima dicatur ciuitas, quā maximè vna in suo fine efficitur.

A fine.

Resp. Non vritas sed dignitas finis beatam ciuitatem efficit: non ergo dicitur beata ciuitas quia vna sed quia perfecta est in suo fine; nam vna est si constitutionem, beata si perfectionem spectes.

Opp. Natura omnia quasi vnum in ciuitate fecit: ergo ratio ne neget. Antecedens probatur, quia natura nec meum nec tuum genuit, res quidem dedit, sed res in meas & tuas non distinxit, ex quo sequitur beatam esse ciuitatem quæ in communitate rerum maximè vna redditur, quæq; istam distinctionem non audit, hoc meum est, hoc tuum est.

Ab efficiente.

Vide ca. 2.

Resp. Natura omnia quasi vnum in ciuitate fecit quoad vsum rationis, quā etiam homini tandem concessit. Quod ergo rationis (quæ à naturā est) lumine & imperio fiat, id contra naturam fieri non putamus. Res ergo natura dedit, res etiam meas & tuas dedit: nam quāuis communis natura res non diuisit, hominis tamen natura, quæ est ratio, sic distinxit, idq; recta ratio ex illa nata lege approbavit.

Opp. Bonum vnius hominis & ciuitatis est idem: sed bonum vnius hominis est ut sit maximè vnus: ergo bonum ciuitatis est ut sit maximè vna. Maior est Arist. I. lib. Ethicorum. Minor est in lib. de historia animalium. Ratio additur, quia bonum cuiusq; rei naturalis est unitas forma, quæ rem ipsam perficit.

A fine.
Cap. 2.

Resp. Bonum vnius hominis & ciuitatis idem est in essentia boni, non autem in existentia eiusdem. Vbi verò dicitur

tur quod hominis bonum sit ut maximè unus existat in habitu natura. Respondeo non inde sequi ut ciuitas sit maximè una in ratione existentia sua, nam perfectio hominis ab unitate, perfectio ciuitatis à distinctione & varietate pendet.

Ab adiuncto.
Lib. 5. Cap. 4.
Plat. polit. 6.

Opp. Plato in unitate quarebit equalitatem (ut patet in textu) sed equalitas ciuitates tuetur & conseruat, ut in Ethicis docuit: ergò unitas potius conseruat quam dissoluit ciuitates.

Equalitas
Arithmetica,
Geometrica.

Resp. Equalitas accipitur bisariam, vel arithmetice, ut omnes cines sint fortunà & dignitate pares, & sic dominus à seruo non differt: vel geometricè, ut sit mutua & reciproca rerum ac dignitatum distributio, prout iustitia singulis prescribit, & hac equalitas conseruat (ut docet philosophus) ciuitates. (Ceterum non hanc sed illam equalitatem diuinus Plato docuit.

Distinctio 2. quæstionis, An magistratus esse debeat perpetuus?

Magistratus distinguitur in

Regium, qui simpliciter perpetuus esse debet.
Senatorium, qui comparatè perpetuus esse solet.
Communem, qui mutari quidè debet, bonus etiam si sit qui illum teneat; Rationes antè apertæ sunt: illas igitur libentiùs prætermitto.

Opp. Omnis mutatio in repub. est periculosa: ergò magistratus mutari non debet. Antecedens est Arist. huius secundi sexto.

Resp. Mutatio est duplex, rerum & personarum: illa periculosa est, quia in nouatione arguit: hac verò salutaris quia seditione tollit.

Opp. Iniustum est virtuti præmium negare: ergò iniquum est homini virtute prædito magistratum, qui est virtutis quasi præmium, detrabere.

Resp. Prudentia quæ mens est ciuitatis, in hac alterna magistratuum successione, boni non priuati respicit sed publici. Fieri enim non potest sine ciuium iniuria, unus ut sepe sedeat ad gubernacula, cui pares subinde sentinæ exhauriant. Sed ut illi de vigilibus in bello, sic mihi

Virg. Æneid 9. de magistratibus in pace profari liceat, Succedat, seruentq; vires.

Dubium capitis.

An unitas ordinis conseruet ciuitatem?

Omnia vnum.

Mysterium illud philosophiæ admiro, quòd omnia sine vnum. Preclarè philosophus, ens (inquit) vnū & bonū cōuertuntur. Per ens rerum multitudo, per vnū ordo, per bonū perfectio,

perfectio, à quibusdam rectè intelligitur. In vnum multitudinem, in vnum ordo, in vnum rerum perfectio tendit; in vnum dico, quia omnia sunt vnum; omnia sunt vnum dico, quia omnes rerum omnium essentia in prima causâ ut infinitæ lineæ in vno puncto vniuntur: hoc vnum bonum est ensque perpetuum & incommutabile, à quo omnia & esse & bene esse habent. Hæc tria, multitudo, ordo, perfectio, ciuitatem absoluunt, nam in multitudine materia, in ordine forma, in perfectione finis ciuitatis cernitur. Est ergò ciuitas plurimorum hominum beata unitas. Sed attende, hæc unitas est ordinis non confusionis, est virtutis non communitatis, hæc unitas principium & finis est multitudinis, causa & perfectio ciuitatis. Qui igitur in ciuitate hanc unitatem violat, ense feriendus est, ne vel alios exemplo lædat, vel totam ciuitatem in discrimen trahat. Ciues enim vnum locum, vnum forum, vnam vocem, vnamq; mentem habentes, vna multitudo multorumq; unitas dici possunt; hoc autem tum fiet, cum in media ciuitate templum pacis & unitatis extruatur, ut omnes in vnum conspirantes ex multis quasi vnus fiat. Studendum est ergò unitati, studendum ordini, non ut omnes omnia, sed ut singuli dextrâ iustitiæ sibi data & concessa teneant. At pro dolor, vbi est in istâ decrepitâ ætate & canitie mundi hoc templum pacis? vbi hoc studium unitatis? arma, arma delirans mundus clamat, templum pacis diruitur, templum Martis colitur; sancta hæc vox olim fuit, Iniquissima pax iustissimo bello est anteferenda. Nunc illa placet, alenda est factio ut cautiùs ab hoste viuas. O monstrum hominum Machiavelle, qui ex ouis à Nerone, Caligulâ, Commodò & Seuerò partis tot sis enixus scorpiones, tot Basiliscos, qui ita mordet, ita pungunt, ita inficiunt, vulnerantq; animos multorum hodie ut ab omni unitate, ordine, pace, religione distracti sine fide, sine Christo, sine Deo viuant: vides in tartaro sepultus, vides nunc miser, quæ euenta execranda tua pseudopolitia habeat, quas tragedias moueat, quos luctus ubiq; fecerit. Vtinâ sanè aut natus non fuisses, aut ista tua politica in multarum ciuitatum ruinâ non edidisses. Cauete reges, cauete ciues, ciuitas non

Unitas multiplex.

Ciuitas vt vna sit.

Apestrophe ad iustam querelam. Cic. ad Att. li. 7. epist. 14. Macch. princ. cap. 20.

non sit vnitas, politia non est si nō sit veritas, zelotypia principum inter subditos vnitatem, subditorum timor in principes omnem fidem & veritatem dirimit. Vetus est illud, Qui vadit planē vadit sanē. Cōcordia & perfidia, vnitas & dissensio, ordo & seditio, fides & dissimulatio vnā cohabitare nequeunt. Concordia enim, vnitas, ordo, fides ciuitatem ponunt. Perfidia, dissensio, seditio, dissimulatio tollunt.

Distinctio dubij.

- Vnitas ordinis est, vel ex
- | | | | | |
|---------------|---|-------------------------------|---|---------------------------------------|
| A testimonio. | Præscripto naturæ, vt id solum agas alteri quod tibi fieri velis. | Præcepto iustitiæ, vt obediās | Magistratibus, Legibus, Institutis maiorum, | In quibus tutela ciuitatis consistit. |
| | | | | |
| | | | | |
- Opp. Probatum est antea quod vnitas magis dissoluat quā cōseruet ciuitatem: ergo malè hic defenditur quod cōseruet.
- Resp. Illic vnitas Platonica in communitate rerum, hic vnitas vere politica in ordine personarū circa obiecta ciuitatis intelligitur: illa conuellit & labefactat, hæc defendit & cōseruat ciuitatem.
- Abeffecto. Opp. Vnitas ordinis in ciuitate est, vt omnes ciues quasi vnus fiant; sed hoc fieri non potest: ergo vnitas ordinis non est optāda. Maior constat, quia vnitas ordinis nihil aliud est quā connexio ciuium in studio pacis. Minor probatur, quia ex multis vnū fieri est effectus vera amicitia, quæ non inter multos, sed inter paucos tantū consistit.
- Amicitia
Habitus charitatis,
Affectus voluntatis.
- Resp. Vera amicitia semitur bifariam, vel pro habitu charitatis inter paucos, vel pro affectu voluntatis inter multos: hæc in ciuitate plurimos quasi vnū consensu facit, illa morum studiorūque similitudinem inter paucos gignit; hæc nempe in affectu voluntatis consistens debito ordine ciues coniungit, eosdemq; legibus institutisq; seniorum obtemperare docet, in hac vnitas illa est, sine quā non posse cōseruari ciuitatem demonstramus.
- A disparatis. Opp. Vivere ex voto maximèq; ex sententia animi non est semper vivere in vnitatem ordinis: sed in optima ciuitate homines deberent vivere ex voto maximèq; ex sententia animi: ergo non semper in vnitatem ordinis. Quo dato, sequitur quod vnitas ordinis non semper cōseruet ciuitatē. Maior probatur, quia ex voto animi vniuersi

non

non est legibus astringi, non est dominis mancipari, non est institutis maiorum subijci, sed liberè pro arbitrio vivere. Minor est Arist. in fronte huius capituli.

Resp. Vivere ex voto bonis est secundum legem ordinemque vivere. Nam lex & magistratus libertatem non tollunt, solum licentiam negant. Cum ergo ciuitas ex bonis constaret, nihil impedit quominus ex voto ciues in illa viuant. Ratio est, quia legibus ac institutis maiorum spontè, scienter ac constantèr obtemperant, eademque studiose agunt, vt ciuitatem in ordinis vnitatem, & vnitatem ordinis in ciuitate habeant.

CAP. II.

An uxores & liberi debeant esse communes?
An nuptialis coniunctio viri & famina, adeoq; distincta cura habenda sobolis sit ex iure naturali?



AMPHIL I istorum temporum aureum illud proculdubio putarent seculum, in quo prout fax veneris accendit, sibi Baccho plenis & distentis cum quauis Glycerio volutare liceret. Dulcis profectò malorum esca est ista rerum vxorumque communio dulce malum? communitas, sub qua hamus venenatus latet; corrupta hæc ætas est, vitæq; humana hac leprâ infecta nimis. Nā quæ virgo intacta? Quæ vxor intentata? Quæ Vesta intemerata viuit? Quis votum vnitatis? Quis castitatis thorum? quis gradum sanguinis aut affinitatis respicit? Licet quod libet; trahit sua quemque voluptas. Alij vxores non ducunt, sed libidine lapsi in quam libet sine modo feruntur: alij ducunt, sed tædio vnitatis veluti læsi, communitati Platonis student. Attamen si fides, quæ nos imbuti vnā vni dedisse & coniunxisse deum credimus, non persuadeat; audiamus rationē quā impulsī fateamur, nec non faciamus illud quod prima ac vera philosophia docuit.

Postquā philosophus vnitatem Platonis non prodesse sed Summa capi plurimū tis. 2.

plurimum obesse ciuitati ostendit; nunc communitatem eiusdem, ut perniciosam radicem multorum malorum, euellere & extirpare cōtendit. Ceterum in principio huius capitis paralogismum Platonis ab æquiūoco ductum de maxima vnitāte ciuitatis refellit, antequā ad cōmunitatē vxorum refutandā venit. Dicebat enim Plato redactā ciuitate ad vnitatē in cōmunitate omniū omnes cōtentiones, lites, seditionisq; flāmulas euanescere. Rationē addit, quia tum (ut ait) omnes dicere quidē possunt, hoc est meū, nemo respōderet, hoc nō est tuū. Fallacē hanc ratiocinationē esse narrat Arist. in hac voce (Omnes.) quæ aut diuisim seu sigillatim, aut collectim seu vniuersi. n. sumi potest: si diuisim ut omnes id est singuli dicerēt, hoc est meū, tum quidē fācilitēr succederet Platonis sententia: sed hoc fieri nequaquā potest, ut vnusquisq; dicat de re cōmuni, hoc est meū, cum potius diceret hoc est nostrū. Quippē quod publicum est, multitudinē ac cōmunitatē, non distinctionē ac proprietatem respicit. Hoc quidē demonstrat exemplo trium vnitātū hinc, triū illinc positarum, de quibus collectim sūptis licet dicere hæ sunt pares, de quibus diuisim sumptis sic dicere nō licet. Concludit ergo bonū esse ciuitati si omnes id est singuli dicerent, hoc est meum: sed ut iam docuit hoc nullo modo nullatē ratione fieri quidē potest. Nam communitas, quā Plato voluit, has voces (meū & tuū) in portas ciuitatis admitti nō patietur. Refutatio in eādē litigioso hoc argumento, vires & arma in arcem Platonis cōuertit philosophus, ipsūq; crebris veluti rationis icibus vel potius fulminibus concutit & demolitur. Sed ne inanior videatur hæc de cōmunitate vxorum disceptatio: videamus quid demum id sit, quod Plato de hac re suaserit. Libro 5. de repub. custodibus ciuitatis hoc est militibus & magistratibus cōmunes vxores esse statuit, virgines ad xx. annum in numerū spōsarū, viros circa xxx ad liberū fēminę amplexum admitti iussit. Grauidas publico loco seruari, publico sumptu alī, earū filios pro liberis reipu. haberi, suis matribus ereptos publicē educari voluit, se inuicē pro fratribus, maiores natu pro patrētib; agnoscere sine vllō discrimine ac distinctione præcepit.

Plat. 5. Polit.
& in initio
Timæi.

Vid. cap. 3. ad
finem.

Et in Timæo.
Platonis in-
stituta de
communi-
tate.

pit. Deus bone, quæ ista est politia? Quæ constitutio ciuitatis? Quæ cōfusio omniū? Quò tendit cerebrosa curiositas humana? Quò vadit curiosa mortalium sapientia luce diuinā destituta? In hoc errauit Socrates quamuis Apollinis oraculo iudicatus sapiens, in hoc somniauit Plato quamuis nomine diuinus fuerit. Sed videamus malleos quibus hanc heresim contundit philosophus. Prima ratio quā vitur sic habet. Lex illa perniciose haberi debet quæ curam vxorum & liberorum tollit: sed lex Platonis id facit: ergo lex Platonis est perniciose. Negas maiorem? Si ex animo neges, omni profectō belluā immanior & truculentior mihi esse videris. Nam lex naturæ omni animanti hoc primum indidit & mandauit, ut curam singularem ex se natorum gereret, quam certē non sine periculo vitæ sepē (docente experiētiā) habet: ut in Pelicano constat, qui suo ipsius rostro effosso pectore pullos suo ipsius effuso sanguine nutrire dicitur: at si existant communes vxores communesq; liberi, vbi erit tenera & singularis hæc cura? Vbi mollis ardensq; parentum in filios affectio? Vbi lachrymæ? Vbi oscula? Vbi amplexus? Vbi præcordia? Quis non videt communia negligi, solumq; curari propria? Communitas negligentiam, proprietates diligentiam & amorem gignit. Vera ergo est assumptio huius rationis, nempe quod lex Platonis omnem curā liberorum tollat. Hoc etiam probat exemplo multorum seruorum, qui negligentius sepē negotia tractant, & ex incertitudine eorum qui procreantur. ut in textu dilucidē apparet. Altera ratio sic se habet. Lex illa est detestanda, quæ gradus sanguinis & propinquitatis tollit: sed id ipsum lex Platonis facit: ergo lex Platonis est detestanda. Propositio firma est, nam à natura ipsa fundamenta petit, natura enim ad maiorem efficiendam charitatem distincta consanguinitatis vincula, lineas, gradusq; dedit. Quippē, consanguinitas est naturalis quædam ab eadem stirpe multorum connexio. Stirps est naturalis radix affinitatis. Linea est naturalis collatio personarum sanguinis vinculo coniunctarum. Gradus est naturalis distantia, quā tandem quora sit propinquorum generatio certissi-

Tollit curam
liberorum, ergo
mala.

Pelicanus suo
sanguine pul-
los alit.

Communia
negliguntur,
ergo cura tolli-
tur.

Tollit gradus
propinquitatis,
ergo mala.

Quid consanguinitas,
stirps
linea, gradus.

Communio
tollit amicitiam,
ergo mala.
Plato in sympos. & 3. de legibus.

Amor diffunditur,
ergo minuitur.

A simili.
Amoris duo vincula, Proprium, Amabile.
Plato polit. 3. ad finem. & 4. Educandi ratio Platonica refellitur.

Sapienter Seneca. Propensa erit multitudo ad seditionem, si voluptatis laxentur habentia. Ratio est, si plebi plus liceat quam par est, plus vult quam licet. Interest ergo prudentis ac iusti magistratus coercere libidinem populi; ne occasione mali rebus nouis studeat, auctoritatem contemnat, aliquid sinistri in rempub. concipiat & moliat. Septima ratio probat quod longè aliter contingat ciuitati expositione istius legis quam Plato optabat, is enim sancitâ hac lege communitalis concordiam inuicemque animorum consensum quærebat, ut perspicuum est ubi Aristophanem introducit docentem maximè in ciuitate optandam esse amicitiam, quæ ex multis veluti vnum facit. Sed si accuratius tecum consideres, planè contrarium euenit, causa est quoniam in turpi ista sententiâ communitalis vera amicitia suffocatur, quò enim in plures dispergitur amor, eò magis diminuitur amicitie ardor: at secundum legem Platonis, nemo potest certè dicere, hic meus est pater, hic meus filius, ille meus amicus. Vetus est illud, Qui vbique est, nusquam est. Similiter hoc verum, Qui omnes habet amicos, nullos habet. Pulchrè igitur Arist. hanc amicitiam Socratis & Platonis aquosam nominat: aquosam, aut quia fluit nimis, aut quia frigida cum sit, citò exstinguitur. Nam ut parum mellis in multum aquæ infusum, mellis gustum non habet: ita vnus amor in infinitos dispersus, amicitie nomen non meretur. Vnita vis fortis semper, dispersa languet. Postrema ratio huius cap. est de mutua genitorum in repub. tutelâ ac educatione. Statuit enim Plato ut custodum filij agricolis, & agricolarum liberi custodibus ciuitatis traderentur. Hoc iussit ille quidè, sed viam quâ hoc ipsum fieret, omninò non inuenit. Per custodes ciuitatis, magistratum & militem; per agricolam, plebem & turbam populi intellexit; magistratus sceptro & consilio, militis ferro & auxilio, opificis manu & negotio conseruari ciuitatem voluit: & in hoc rectè ac prudenter fortassè quidè fecit, sed quomodò imperium cum æqualitate rerum, senatus cum vxorum ac liberorum communitate cohereat, nec describit Plato, nec intelligit Arist. Sed

Sed his omissis id maximè in calce huius cap. vrget philosophus, quòd ignotos filios ignotis parentibus tradi & comiti debere senserit; sic(inquit) rustici educabunt procures, sic nobiles ad rastrum, sic Coridones ad regnum venient; sed quæ ista confusio? Quæ perturbatio omnium? Miror equidem quid te (ô Plato) ad istam ponendam sententiam impulerit? Tibi verò Socrates ignoscendū esse puto, quia tonitru ac tēpestare Xantippæ tuæ sēpè vulneratus, optaras fortasse omnem communem, aut nullam potius habere, quam apud te rixolam retinere tuam. Date veniam sapientes viri si cum Philosopho ex scriptis vestris hanc mendam eximam; agnosco vos esse in Philosophia patriarchas, sed in hoc valde periculose somniasse puto. In duabus primis rationibus huius capitis probatum fuit legem Platonis esse incommodā, quoniam omnem curam liberorum tollit, omnemque gradum & nexum affinitatis soluit. Hinc secunda de qua nunc agimus, emergit quæstio. An nuptialis coniunctio viri & vxoris, adeoque priuata cura filiorum sit de iure naturali? Coniunctio maris & fæminæ est ut distinguunt philosophi duplex, vel communis, vel propria; illa animantis in genere, hæc hominis in specie dicitur; illa in primo libro à natura esse probatur, quippè appetitum acquirendi socium vitæ ac generandi sibi simile cuius animanti ingenerauit natura. Hæc quoque nuptialis inter virum & vxorem consociatio (quæ vulgò connubium vocatur, eandem matrem, eandem nutricem habet; nam si in ratione ac mente hominis natura consistat, absurdum est ut homo non aliter quam bellua pro omni motu libidinis ad communitatem rapiatur. Duce ergo naturâ homo vnitati vxoris, non communitati studet. Duce naturâ distinctam vitæ & amoris sociam non confusam & incertam quærit. Duce naturâ firmiorem cum vna quam cum multis fidem & amicitiam tenet; hunc nodum natura strinxit, distringit nihil nisi scelus. O quàm longè absunt hodiè permulti ab hoc studio vnitatis, qui cum ethnicis plurimas vxores simul amplecti volunt, qui post diuortium (leuissimis sēpè de causis factum) nouas nuptias cogitant,

Ad secundam
quæstionem
transitio.

Coniunctio
maris & fæ-
minæ, Com-
munis Ani-
malium, Pro-
pria homi-
num.
Cap. I.

Vtraque à na-
tura.

Matrimoni-
um à natura.

Pia querela.

tant, qui nihil considerantes affinitatis gradus, impura & incestuosa connubia faciunt, qui nullâ sorte contenti omne fœdus ac fidem violant, qui omnem virginem, omnem matronam, omnem (quod dictu horrendum est) sexum spumâ libidinis suę defœdare conantur. Nonnè hæc tendunt ad Platonis rempub.? Nonnè ad perniciem & confusionem omnium? Author naturæ vnâ vni finxit ac dedit, at infirmitas naturæ diuortium peperit. Sed hæc obiter, vt vehiculum (in quo heu nimis multi ad Platonis & Socratis solatium feruntur) aut tardius moueatur, aut reuocetur tandem. Altera pars huius quæstionis est, vt probemus distinctam curâ habendam esse liberorum idq; à natura. Sed hîc distinctione philosophorum video, quod genitorû alij sibi sufficiunt, alij auxilio & curâ parentum egent: horum iterum alij curam matris solum desiderant, vt quadrupedes: alij curam tam paternam quam maternam postulant, vt columbæ & homines; homines dico, quia natura in homine rationis compos est, & non solum productionem prolis, sed etiam conseruationem & perfectionem intendit, quæ duo fieri non possunt commodè, si duo desint id est pater qui prouidentia, mater quæ indulgentiâ suos filios iuuat. Rectè Aristoteles in Ethicis docuit nos tria à parentibus habere, essentiam, nutrimentum, disciplinam, quæ tria vt in nobis perficiantur, longum tempus, magnam curam, nec non singularem prudentiam flagitant. Est ergò distincta habenda cura nobis genitorum, si ducem sequamur naturam. Contra naturam ergò docuerunt Socrates & Plato, qui communitatem vxorum ac liberorum ponentes, omnem definitam curam parentum sustulerunt.

Cura liberorum.

Distinctio primæ quæstionis.

An communitas Platonica sit toleranda?

Com-

Communitas vxorum ac liberorû nō est toleranda, quia est contra	Naturâ, quia	1 Gradus consanguinitatis confundit.
		2 Ordinem naturæ peruertit, nexûq; naturalem viri cum fœmina dissoluit.
	Iusticiâ, quia	3 Fœcunditatem impedit.
		4 Certitudinem filiorum curamq; parentum tollit.
		1 Bonum ciuitatis, id est, concordiam & amicitiam dirimit.
		2 Reuerentiam magistratus detrahit.
		4 Rabidam concupiscentiam ac voluptatem nutrit.
		4 Vulnera, sedes & seditiones mouet.
		5 Contemptum omnis ordinis, æquitatis & dignitatis infert.
		6 Fœlicitatem totius ciuitatis, id est, actionem virtutis delet.

Argumenta in primam quæstionem.

Opp. *Ad quodcunque nos flectit & inclinat natura, id licitum & tolerandum est: sed ad communitatem vxorum & liberorum nos flectit & inclinat natura: ergo communitas vxorum & liberorum est licita & toleranda.* Maior patet, quia natura ab agente diuino, qui falli non potest, regitur ac mouetur. Minor constat, quia in omnibus brutis animantibus hanc communitatem teneri videmus.

Resp. *Natura animantis duplex est, confusa in genere, & distincta in specie: natura hominis distincta est rationis imperio subijcenda, quæ ratio propter infinita mala, quæ inde fluunt, nefandam istam communitatem censuit. Quare et si natura à diuino agente regitur, et si in belluis (quæ ratione carent) promiscuè agitur, in homine tamen eadem causâ distinctius mouente id ipsum non permittitur.*

Opp. *Quicquid magis conseruat & auget humanam speciem est licitum in ciuitate: sed communitas vxorum magis quam vnitas conseruat augetq; humanam speciem: ergo communitas vxorum est licita in ciuitate.* Maior nota est, quia humana species in numerosa generatione ac fecunditate liberorum conseruatur. Minor constat, quia posita communitate quilibet potest

Natura confusa, distincta.

Ab effectu.

ex pluribus segetem reipub. progignere, quod quidem uni alligatus non potest efficere.

Arist. in problem.

Resp. Fallax, vel potius falsum est fundamentum istius rationis, nam ex ista licentia communitatis potius sterilitas quam fecunditas oritur faminarum. Rarò meretrices cuilibet prostituta uterum tumentem gerunt; ratio est, quia natura contrarietate leditur, nimiaque, venere languescit & vulneratur.

Ab adiuncto.
Hoc ipso Cap.
& Plat. 3. de
legibus.

Opp. Amicitia teste Philosopho est quiddam optimum in ciuitate: sed ex communitate uxorum sequetur maxima amicitia: ergo communitas uxorum est permittenda. Minor probatur, quia tum omnes feminas quasi suam uxorem, omnemque filium quasi suum quispiam diligeret.

Resp. In Epicureismo non est amicitia, dispersus amor sibi non constat. Omnes feminas diligere est planè nullam amare, vera amicitia fixa est & definita, nullisq. seditionis scopulis allisa; at ista fluit & refluit, omniq. tempestati subiecta est. Sed de hoc argumento satis in expositione textus dicitur.

Ab aduersis.

Opp. Appetitus concupiscibilis à natura infinitus est: ergo est contra naturam eiusdem uni obstringi & mancipari. Quo dato sequitur quòd potius communitas quam proprietas uxorum secundam naturam sit appetenda.

Appetitus,
Ratio.

Resp. Natura humana non solum sensu & appetitu, sed ratione & intellectu constat: et si ergo appetitus in quo habitat concupiscentia in multa voluptatis feratur obiecta, habens tamen rationis (qua naturam humanam complet) ad ordinem ac modum reuocatur.

A definitione,

Opp. Ciuitas communis omnium societas definitur: ergo communitas potius quam proprietas eiusdem naturae conuenire videtur. Præterea hominis affectio libera est, electio libera: iniustum ergo videtur ut unius uxoris radio quilibet defatigetur, unius vinculo coerceretur.

Communia
possessione,
consensu.

Resp. Ciuitas communis omnium societas definitur, non quòd omnia in ea deberent esse communia, sed quòd communis consensus rerum gerendarum secundum leges in ea insit. Nam ut singula corporis humani partes suas proprias vires habent, quae tamen omnes in uno homine putà Socrate consentiunt: ita singuli ciues de suo iure propria quadam in possessione tenent, qui tamen omnes in com-

muni

muni bono ciuitatis inter se conspirant.

Opp. In Lybia superiore, ut est in textu, communes sunt feminae: Ab exemplo. in Aegypto, ut narrat Sabel. sunt Adamitae, qui religionem in communitate uxorum ponunt: apud Indos, ut historici nunc scribunt, nuptiae non celebrantur: exempla ergo arguunt non naturam sed legem hanc proprietatem innexisse.

Resp. Belluae & barbari nihil contra quaestionem probant, eorum exempla non urgent. Ad rationem ergo respondeo sexcenta barbarorum exempla non arguere communitatem uxorum inuectam esse à natura, sed potius illos penitus contra naturam viuere, qui rationem, ordinem, iustitiam deferentes immanitati & feritati student.

Distinctio secundae quaestionis.

Nuptialis coniunctio viri & femi- nae, curaque filiorum sin- gularis pro- bari potest esse à natu- ra, aut	Exemplo aliorum animantium, quae impetum & instinctum solius naturae sequuntur, ut turtures, columbae, cygni, pellicani.	Præscripto insite ratio- nis, quae huc nexu parit propter	Conseruationem hominis in specie. Distinctionem prolis. Oseruationem ordinis. Augmentationem rei familiaris. Perfectionem amoris & charitatis. Propagationem sanguinis certaque po- steritatis.	Causae coniu- gij sex.

Opp. Natura per se libera est, ergo astringi & mancipari uni non est natura consentaneum. Antecedens probatur, quia natura est in re qualibet agens liberum & immune. His datis, sequitur quòd nuptialis coniunctio viri cum femina non sit naturalis.

Ab adiuncto.

Resp. Natura per se in re qualibet libera & immunis dicitur, non quòd nulli omnino necessitati alligetur (agit enim necessario) sed quòd in suis causis & effectis minime impediatur. Cum ergo doceat Philosophus nuptiale fas esse à natura, naturam humanam intelligit, quae ordinem in societate, rationem in ipso ordine & amore respicit.

Opp. Coniunctio nuptialis satietatem, satietas tadium, tadium discordiam & odium inter virum & uxorem gignit: ergo non videtur esse naturalis. Antecedens probatur, quia ut sensus

H

varietate

varietate obiectorum: ita animus multitudine delectabilium capitur: unum ergo obiectum idemque immutabile molestum est & radiosum. Argumentum tenet, quia natura nunquam in sui perniciem tendit.

Natura hominis Sensibilis, Ratiocinatrix.

Resp. In homine non solum naturam sensitricem sed ratiocinatricem considerandam esse docemus: illam enim belluis communem, hanc ex suo ipsius iure tenet. Insuper sensus varietate obiectorum sic delectari dicimus, ut unusquisque suum proprium obiectum habeat: ita ferri quidem possunt homines vi sensus in multa voluptatis obiecta, modo unusquisque suam ipsius uxorem teneat.

A pari.

Opp. Aristoteles in septimo Politicorum multis gradibus publicam curam & educationem puerorum privata anteponit: ergo singularis & distincta cura non videtur esse naturalis. Ratio antecedentis est, quia in publica educatione ratio non affectio, intellectus non appetitus, virtus multorum in ciuitate non voluntas paucorum in familia regit & prescribit.

Resp. Faciendum est publicam educationem esse quidem laudatissimam, non tamen hinc sequitur quin privata parentum in filios cura & affectio sit maxime naturalis: praesertim cum ipsa natura distenta ubera ad pascendum, singularem amoris instinctum ad amplectendum, priuatam multarum rerum possessionem ad locupletandum dederit.

A fine.

Opp. Natura ad optimum tendit: sed publica educatio est omnium optima, ut antea probatur: ergo ad publicam potius quam ad priuatam educationem tendit natura.

Resp. Ad optima tendit natura sed per gradus, idque, eò tandem quò possit non ultra, priuatam ergo curam filiorum parentibus inuenit, publicam magistratibus ciuitatis reliquit; illa naturalis, haec verò legalis & civilis dicitur.

Ab effectis.

Opp. Multa olim extructa academia, multa collegia, gymnasia, hospitia, publicae non privatae educationis nobis tam monumenta quam exempla relinquuntur: sed in his maiores nostri vestigia naturae sequebantur: ergo publica etiam educatio est naturalis. Minor probatur, quia in his extruendis infinita posteritatis successioni (quod est natura proprium) studuerunt.

Resp. Studium maiorum nostrorum beatissima memoria laudibus

dibus satis celebrari non potest. O utinam plures in hac decrepita aetate mundi, illorum exempla sequerentur. Sed rationi respondendo ut supra. Nam quamuis aliqua ex parte publica educatio concedatur esse naturalis, non inde tamen sequitur quin privata magis naturalis ob causas à nobis superius recitatas habeatur.

Educatio priuata, publica.

Dubium.

An multiplicatio vxorum politicè sit approbanda?

QVID? Nos rides Socrates? Cur alijs vxorum communis proponis, cum vna Xantippe tibi suffecerit? Dic sodès, non in votis tibi esset cycutam ter bibere, quam primam defunctam aliam Xantippam ducere? Vetus est illud, Ictus piscator sapit, si non insaniat. Qui semel vinbram dentatam tetigit, verebitur ut opinor aliam sibi adiungere, ne vinbra in cacodæmonem transformetur: utramque vinbram bigamia habet. Quid? Vnam sepultam aliam vxorem ducere minus legitimum esse putas? Non sanè: licere hoc ipsum volo, laudare tamen non instituo. Verbis id negas Philosophe quod factis probas. Nam viduatam vxorem habes: at vnam. Quis tandem bigamus? Qui simul aut duas tenet, aut aliam primam extinctam ducit. Primum id genus hominum perniciosum quidem est, at cur alterum non laudas causas iam quero; referre te possum in hac re ad diuum Hieronymum, sed quoniam nimis seuerus pater in bigamiam exiit, illius auctoritatem & argumenta taceo. At tua quæ sunt? Inter multa hæc tria, quorum primum à vinculo nuptialis tedæ, alterum à periculo noui fæderis, postremum ab exemplo libertatis vel potius licentiæ ducitur. Vinculum nuptiale non solum corporis ad delectationem, quæ est momentanea, sed etiam mentis ad dilectionem, quæ perpetua, esse debet. Quare tametsi coniux in puluerem reuertatur, vinculum mutuae dilectionis indissolubile manet: si ergo in hoc nexu

Cum Socrate sermocinatio de bigamia

Quis bigamus?

Argumenta in secundas nuptias.

Periculum no-
ui faderis.

Exemplum
effusæ volup-
tatis.

Laus viduita-
tis.

tuam turturem dilexeris, dissoluto corpore mentis fœdus re-
tineres. De periculo noui faderis ac societatis quid dicam?
Nam quis nouercas iniustas ac maliciosas esse non agnos-
cet? Quis non fatebitur? Propago enim (vt ait Seneca)
primæ vxoris tum tandem corrumpitur, cum secundæ nup-
tiæ celebrantur. Postremò exemplum effusæ voluptatis ista
nuptiarum ingeminatio habet; nam quo termino humana
tenetur voluptas, si tot nouas ducendi fœminas concedatur
libertas? Præterea quæ pugna est rationis cum appetitu? Quæ
victoria cupiditatis si sitem & ardorem voluptatis nouis fa-
cibus nuptiarum accendas? Postremò cur à politicis virgines
& viduæ præferuntur nuptis? Cur tantis præmijs à legumila-
toribus cumulantur, si tot quot velis vxores ducere habere-
tur laudabile? Sunt ergò bigamia & Polygamia res quidem
licitæ, minùs laudatæ tamen: nam affectum patrem; matrem
infirmitatem habent.

Distinctio dubij.

Bigamia du-
arum simul,
Secundæ
post prio-
rem.

Bigamia su-
mitur, aut
pro coniun-
ctione

Viri ad duas vxores simul, & sic est intolerabilis.
Viri cum vidua, quæ licet sit vna numero, naturâ ta-
men ingeminati contractus duarum vxorum loco habe-
tur, & hæc est legitima.

Viri ad du-
as vxores
successiue,
& hæc est
minùs lau-
dabilis
propter

Vinculū vnitræ dilectionis, quæ in men-
te perpetuò resideret.

Periculum contentionis, quia nouerca
infesta & iniusta est prioris vxoris liberis.

Exemplum effusæ voluptatis, quia con-
cupiscentia potius in vnâ quàm in pluribus
reprimatur.

Præmium quo hic status viduarum nup-
tiali à quibusdam anteponitur.

Ab authori-
tate.

Opp. *Quicquid licitum est in bene instituta ciuitate, laudabile
quoque est: sed licitum est plures vxores vicissim ducere: ergò est
etiam laudabile. Maior probatur, quia quod licitum est fundamen-
tum ipsam iustitiam habet, quæ est omnium virtutum laudatissima.*

Resp.

Resp. *Omnia licita semper non conueniunt. Respondeo ergò quòd
licita aut equitatem per se, aut infirmitatē humanam vt sui causam
spectent; primo modo accepta verè laudabilia sunt, quia vi sua pro
fundamento iustitiam habent: secundo verò modo accepta, sunt mi-
nus laudabilia, quia potius permitti quàm præscribi, tolerari quàm
laudari videntur, & sic usura, sic polygamia.*

Opp. *Quicquid iuste ac legitime magis auget & conseruat ci-
uitatem est magis laudabile quàm quòd minùs auget & conseruat:
sed bigamia seu successiua multiplicatio vxorum iuste & legitime
magis auget & conseruat ciuitatem quàm vnius cum vnâ copula-
tio: ergò bigamia seu successiua multiplicatio vxorum est magis lau-
dabilis. Minor probatur, quia legitima successio vxorum maio-
rem ciuium multitudinem reipub. pollicetur & præstat.*

Resp. *Id in hoc argumento pro concesso ponitur: quòd non est sem-
per & absolute verum, nempe multiplicationem vxorum fecundio-
rem ciuitatem reddere: imò multiplicatio vxorum potius sterilita-
tem, quàm fecunditatem, vt antea probatum est contra Platonem,
parit; non ergò magis auget & conseruat rempub. bigamia quàm v-
nius viri cum vna vxore perpetua copulatio, & per consequens non
est magis laudabilis, vt procedens ratio à falso fundamento orta, vi-
detur probasse.*

CAP. III.

An rerum ac possessionum communitas sit legitima?



VLTI hodiè vxorum, sed pauci re-
rum cōmunitati student; illos luxu-
ria, hos siticulosa avaritia fascinaſſe
videtur. Quot istis temporibus (proh
dolor) sunt passim, & vbique vultu-
res, quorum vnguibus nulla præda
(quantumuis sit illa ampla & opi-
ma) sufficit? O stulti dum aureos mō-
tes ac mūdōs somniatis, mortis spi-
culis confossi relinquētis omnia. Voluerunt Socrates & Pla-
to omnia omnibus esse communia, hoc vobis displicet; vo-

Licita ex
Æquitate,
Infirmitate.

Ab effecto.

Plato. polit. 3.
& 7 de leg. 5. &
in Timæo.

Fidiorum pos-
sessio pro-
pria, fructus
communis.

Possessionum
natura, usus.

Plato 9. de le-
gib.

Argumenta
Aristotelis in
bonorum
communita-
te.

Lis maior ex
communione.

Inæqualitas
in opere rixas
parit.

luit Pythagoras onera laboresque ciuitatis humeris pauco-
rum exantlari, vos verò diuites fructibus illorum laboribus
partis saginari, hæc vobis (vt opinor) aridet sententia. Sed
audite, vult hic Aristoteles fundos vestros & agros seorsim
possideri, fructus autem in vsum publicum efferri; dura
est hæc opinio fortasse dicitis, nam insatiabilis est vestra ve-
nandi & aucupandi cupiditas. Cæterum hoc loco non quid
ambitio, sed quid ratio & Philosophia suadeat quærimus.
In rebus possessis, de quibus hoc loco agimus, duo consi-
derari debent, natura & usus: natura, & sic diuinæ subijci-
untur potestati, cui ad nutum obsequuntur omnia: usus,
& sic homo rerum externarum naturale dominium ac pos-
sessionem habet. Hinc aliud est res considerare, vt agros,
vineas, pecudes; aliud vsum ac fructum rerum, vt puta
granum, vinum, oleum, & similia; vnde si sit commu-
nitas talium, aut res ipsæ (vt ait) erunt communes & fru-
ctus diuidentur; aut possessiones erunt propriæ, fructus
autem in communi ciuitatis vfu: vel denique vtrumque
commune tam res quam fructus, vt Socrates & Plato volu-
erunt. Dicebant enim illi, si nihil esset in ciuitate pro-
prium, nullam omnino inter ciues orituram discordiam;
sed vt de communitate vxorum turpiter errarunt, ita de
communitate rerum ac possessionum vehementius hallu-
cinantur. Nam communitas ista rerum potius barbaras
contentiones & tragedias, quam vllam vitæ quietem in
ciuitate alit. Hoc probat Philosophus duobus in textu
signis, nempe peregrinantium & famulantium simul; nam
si inter peregrinantes & famulantes (qui pauca admodum
communia habent) acerrima nonnunquam de rebus par-
uis oriatur contentio, vt sæpissimè contingit; quanto ca-
pitalior inter ciues de rebus maximis dimicantes nascetur
offensio? Quanto atrocior discordia & criminatio? Nam
pone exempli causâ res omnes esse communes, hic magis
ille minus fortasse laborauit, alius plura alius pauciora per-
cipit, alter gemmas format alter sentinam ciuitatis purgat,
euehitur orator ad tribunal, ad stercus & vectigal arator

co-

cogitur, quantas offensiones ac inimicitias inæqualitas
ista laborum, fructuum, artium & conditionum nutriet,
infans & inexpertus rerum est qui non videat. Sapien-
ter ergò hanc communitatis legem Socrates non inuexit,
cum in lege sancienda singulares mores actionesque ho-
minum (quæ lege communicatis regi non possunt) parum
diligenter considerauit. Hac communitate rerum ac fru-
ctuum refutatâ, proximè ostendit Aristoteles, fornam il-
lam res possidendi esse præstantissimam, quæ ex proprie-
tate possessionis & communitate usus componitur: hoc
in textu probat multis rationibus, quæ ordine sequun-
tur. Prima est à necessario, quippè necessarium est vt
homo proprio iure aliqua possideat; ratio est, quia ma-
gis sollicitè vnusquisque sua ipsius quam quæ aliorum sunt
curat & conseruat: iuxta illud Isocratis, Propria crescunt,
communia neglecta iacent. Videre hoc licet in familia,
in qua pauciores serui melius quam turba opera & nego-
tia suorum dominorum faciunt. Confusa enim multitudo
ac turba distrahitur, in paucitate vnita consensus inest. Al-
tera ratio à iucundo petitur, nam vt verbis Philosophi in
textu vtar, Nemo dicendo consequi possit, quantum re-
ferat ad voluptatem existimare aliquid esse propriè suum:
non enim frustra ipse ergà se amicitiam vnusquisque gerit, sed
hoc à natura habet vt seipsum diligat: esse sui amantem
non reprehenditur, at plusquam decet indulgere habetur
vitiosum. Tertia ratio ab honesto ducitur, quia ex proprie-
tate possessionis liberalitas & beneficentia ergà inopes, so-
cios & amicos per manus nostras fluunt, sublatâ verò tollun-
tur. Nam si omnia sint communia, quæ liberalitas? Quæ
magnificentia? Quæ charitas & amicitia exerceri possint?
Iustè ergò Socratem & Platonem hic carpit Philosophus,
quòd positâ vxorum communitate, temperantia; rerum
verò communitate constitutâ, omnis munificentia pereat.
Quarta ratio est à decoro & ordine, quoniam rectius &
ordinatius res propriæ tractantur quam communes, priua-
ta enim sollicitudo non tam possessionem quam ordinem &
decorum

Fundi pro-
pria, fructus
communes
approbantur.
Propria cu-
rantur, negli-
guntur com-
munia.

Vid. cap. 2.

Omnes se a-
mant, ergo iu-
cunda propria.
Vid. Platon. 5.
de legib. &
Arist. Eth. 9.
cap. 8.

Ex proprijs li-
beralitas &
amicitia.

Communione
tollitur tem-
perantia, libera-
litas.

Factum in
Spartana rep.
ergo potest in
ceteris.

Sic Cimon
Atheniensis
suos agros fe-
cit usu publi-
cos. Plut.
Bona diuisa:
ergo mala
querela.
Propter con-
tentiones res
ad diuisionem
plerumque
peruenit. L.
in re Commu-
ni. De seruit.
vrb. præd.

Litigia non ex
proprietate
sed ex impro-
bitate.

Secunda pars
cap.
Contra leges
Platonis de
cōmuniōe.
Quod nimis
est vnum, in-
terit.
Nec vnifonus
est symphonia,
nec vna ciui-
tas.

decorum in rebus procurandis & disponendis seruat. Quinta ab exemplo Lacedæmonum hausta, hunc statum rerum ex proprietate possessionis & communitate vsus, præclare docet: nam illi tenentes propria, seruis tamen, equis, canibus, & viatico ex præscripto Lycurgi in communi utebantur. Postrema ratio à bono totius ciuitatis ducitur, quod maximè in pace & concordia cernitur; at destinatis vnicuique suis, quæ causa motus? quæ causa litis erit? Quare vt fratres luctantur si hæreditatem (quam communem inter se habent) diuisam non relinquas: ita ciues facile distrahentur certè, si possessiones rerum secundum legem æquiritatis non distinguas. Et vt illi diuisione facta in pace fraterna sine inuidia: ita hi possessione cognita quasi in portu quietis sine vlla discordia viuunt. Concludam ergo verbis Aristotelis, quod multò magis inter se dissideant qui res communiter tenent, quam qui seorsum facultates in ciuitate habent: nam communitas litem, proprietas, si iusta sit, summam quietem alit. Sed dices, litigiosa est proprietas possessionum, vt ipsa experientia docet. Respondeo hoc non ex proprietate possessionis, sed ex malitiâ & improbitate hominis euenire. Nam etsi grata & speciosa lex illa communitatis quibusdam videri possit, seruatâ tamen proportionem plura inter communiter viuentes quam priuatim & seorsum possidentes inuidiæ & contentions semina nutriuntur. Alia pars Cap. nunc sequitur, in qua Philosophus sex argumentis ostendit debiles & infirmas fuisse causas, quibus Plato persuasus est ad hanc sententiam communitatis. Prima est, quod Plato ab Hypothesi falsa originem fraudis & erroris traxerit, nempe in eo quod hoc modo maximè vnâ fieri ciuitatem existimauerit: sed hoc aliter contingit, vt antea probatum est. Nam sic longius progressa ciuitas, ne ciuitas quidem erit: quippe vt concentus in vnus vocis sonum redactus non diutius symphonia, vt numerosus sermo ad vnum pedem contractus diutius oratio non dicitur: ita ciuitas ad maximam vnitatem reuocata, diutius ciuitas appellari non debet. Ciuitas ergo, quod parum impense

impense animaduertebat Plato, non communitate sed disciplina, non publica possessione rerum sed morum honestate, non Lacedæmoniorum conuiujs & delicijs, sed bonarum artium studijs, maximè vnâ fiet. Secundum argumentum, quo arguit claudicasse Socratem in hac lege communitatis statuenda, demonstrat nihil absurdius esse, quam repub. in magistratus, opifices, & agricolas à Platone diuisâ, nullam omninò administrationis formam præscribi, nullum communicationis modum explicari. Nam cum omnia sint inter custodes, agricolas & artifices communia, quomodo (inquit) illi ab istis differât, certè non video nisi callidè magistratus id machinentur tandem, quod olim Cretes, qui cætera omnia vt communia suis seruis permittebant, duntaxat exercitatione, vsu, armorumque possessione interdixerunt. Tertio reprehendit, quod Plato agricolis possessionem fructuum diuisionemque permiserit. Quid aliud (inquit) hoc est quam faciem populi magistratibus præferre, seditionisque scintillas accendere ac dissipare? Sic olim Elotæ, montani & agrestes illi Satyri Lacedæmonijs, sic Penestæ rudes & sordidi Corydones Thessalis infestissimi extiterunt. Quarto ineptam similitudinem Platonis deridet Philosophus, quâ à pari in cæteris animantibus probare contendit eadem studia sequi, eademque munera obire fæminas atque viros oportere. Quæ hæc est comparatio inquit inter belluas & fæminas, cum illæ nullam vim rationis habeant, hæ verò studio & administratione rei domesticæ delectentur? Quinto proprietatem magistratuum quam voluit Plato, non esse causam quietis narrat; nam si apud contemptissimos abiectissimosque intercludi aditum ad dignitatem seditionis causa existat, quanto magis apud animosos & bellicosos viros, qui accessum quotidie ad rempub. suis factis quærunt & demerentur? Neque fabulosa comparatio illa iuuat Platonem, qua docet in ipso ortu Deum quibusdam aurum, quo magistratus; quibusdam æs & argentum, quibus agricolas & artifices designat, infudisse. Nam etsi Deus ordines & condiciones hominum distinxit, in libera tamen ciuitate præmium virtutis

Mores & leges
vnâ faciunt
non commu-
nio.

Agricolæ pos-
sident, sed
vectigal pen-
sitant: ergo
elati fiunt.
Plut. in vita
Demetrii.
Plat. 5. de le-
gib.
Arist. pol. 2.
cap. 7.
Mulieres æco-
nomicæ, be-
stia non item,
ergo iniqua
comparatio.
Plat. polit. 5.
Arist. æcon.
cap. 2. Xenoph.
æcon. cap. 12.
Plat. pol. 3.
ad finem.

quasi in stadio palmam omnibus proposuit, cuius spe sublata, quis curret? quis laborabit? Nam ut honos artes: ita spes dignitatis ciues studiosos alit. Postremo licentiam datam agricolis in distribuendis fructibus reipub. & habedis non aliter ac suis custodum vxoribus, omnem à fundamentis (ut aiunt) labefactare beatitudinē ciuitatis docet. Nam quæ est beatitudo reipub. in qua magistratus ab agricolis quodammodo mendicare coguntur, in qua sordidi & illiberales Vulcani. i. opifices liberè licitèq; cum principum vxoribus volutare possunt?

Distinctio.

An rerum ac possessionum communitas sit legitima?

In rebus datis hominibus ad vitam victum. que duo considerari debent:	Possessio, & sic non debent esse communes, ut à Philosopho probatū est locis in textu,	à Necessario, quia communia plerumq; negliguntur. à Lucundo, quia proprietate rerum homines delectantur. ab Honesto, quia vsu propriarum rerum beneficia exercentur. à Decoro, quia res propriæ melius quam communes disponuntur. ab Exemplo, quia Lacedæmonij eadem lege proprietatis vsu, felices habebantur. A bono ciuitatis, quia pax, virtus, & quies, hoc modo conseruantur.
	Vsu, & sic communes esse debent, modò obseruentur	Ordo ex præscripto rationis. Proportio ex præscripto æquitatis, id est ut quisq; id solum teneat quod meretur, nisi ut quisque sibi pro arbitrio, sed ut cuique legalis iusticia pro merito concedat.

Ab efficiente.

Seneca in moralibus. Isidorus in lib. etimol.

Opp. Hac nomina possessionis & proprietatis, hac duo pronomina meum & tuum natura non dedit: sed ut omnibus mater, nemini noverca extiterit, ita omnibus sua dona aequaliter distribuit: ergo potius communitas rerum ut omnes, quam proprietates ut pauci euadant beati, est admittenda. Antecedens probatur auctoritate Seneca & Isidori, qui aiunt, quod communis omnium possessio sit, omniumq; una libertas.

Resp. De nominibus non contendimus cum de rebus constet, dedit natura stellis, plantis, lapidibus, proprias vires, & quare hominibus pernegaret? Probatum est antea dominos & seruos procreasse, nec

nec non alijs aurum, alijs æs & argentum secundum Platonem naturam infudisse: quod certè meo iudicio non fecisset, si nullam in rebus externis distinctionem pro meritis hominū insinuasset. Isidorus & Seneca intelliguntur in illis solum rebus in quas homo habere dominium non potest, quales sunt cælum, aer, ignis, & aqua, qua iure naturali ab omnibus quodammodo possidentur.

Opp. Lites sapè ex proprietate possessionum oriuntur in ciuitate: ergo communitas est praferenda. Antecedens experientia probatur, quia nihil magis inuidiam constat, quam rerum auctarum propria possessio. Ab effecto. Plato 9. de legibus.

Resp. Soluitur hoc argumentum antea, nempe non ex proprietate possessionis, sed ex prauitate hominis has lites concitari.

Opp. Propria possessio omnium solius dei est: ergo homini eandem concedere est contra ius naturæ. Antecedens probatur duobus modis, & quia deus est author omnium, & quia ius diuinum huic consentiens communitatem potius quam proprietatem laudat. Argumentum tenet; quia à diuino agente ipsa natura regitur. A disparatis.

Resp. Deus ut author, homo ut dispensator rerum possessionem habet: ille fecit non sibi sed homini, proprietatem dedit possessionis, communitatem vero vsus, ut homo non sibi ad auaritiam, sed alijs ad beneficentiam viueret.

Opp. Quo cōmunius bonum est, eo melius, ut patet 1. Ethicorū: ergo in bonis ciuitatis communitas esset anteponenda proprietati. Ab adiuncto.

Resp. Verum est si vsus; non autem si possessionem spectes. In vsu enim & existentia, quo communius eo melius habetur, bonum; in essentijs tamen idem & incommutabile manet.

Opp. Omnes naturali iure ad humanitatem & amicitiam nati sumus, cuius lex prima est ut omnia amicorum sint communia: ergo cōmunitas potius quam proprietates rerū in ciuitate est cōmendanda. A fine.

Resp. Non solum qui debemus esse, sed etiam qui sumus, politicum considerare decet, fieri certè non potest ut omnes & singuli amicitiam colant. Nam diuersis moribus, varijs affectibus hic & illic mancipamur. Preterea illa amicorum communitas non de iure possessionis, sed de reciprocatione vsus intelligitur.

Opp. Res possessa ac possessiones dantur ad vitam victusq; necessaria, ut habetur 1. Polit. sed iure naturali necessaria ad vitam vitamq; Etumq; A fine. Cap. 5.

Etumq̃, non magis hic quàm ille, unus quàm alter vendicare potest: ergo iure naturali res propria esse non debent.

Resp. *Natura & dominum & dominium rerum ad vsum domini nobis concessit, non enim dominum sine imperio, non imperium sine instrumentis imperandi (quæ sunt natura & fortuna bona) finxit. Quare ad vitæ victusq̃, necessitatem plura & ampliora dominis quàm seruis dedit, ut in illis magnificentiam, in his obedientiam retineret: vendicare ergo potest unus quàm alter plura, idq̃, ut vides iure naturali.*

A pari.

Opp. *Expedi bona animi esse communia, quæ sunt nobilissima: ergo etiam expedi bona natura & fortuna esse communia, quæ sunt illorum tantum instrumenta. Antecedens probatur, quia expedie ea esse communia, quorum communitas omnibus prodest, obest verò nemini: sed ita est in bonis animi: ergo expedi illa esse communia.*

Resp. *Non est par ratio omnium bonorum, quia similis non est cōditio omnium hominum: nam alij ad sceptrum, alij ad rastrum nati sunt. Quare et si optandum est ut bona animi in omnium civium præcordia a suis fontibus veluti per riuos fluant, non tamen sequitur quin instrumenta virtutis .i. bona natura & fortuna aliter atque aliter disponantur.*

Ab adiuncto.

Opp. *Tempore necessitatis, putà cum hostis inuadit patriam, expedi bona externa esse communia, ut ab interitu conseruetur ciuitas: ergo necessitas (ut antea docetur) proprietatem non docuit. Antecedens probatur, quia indignus est vocari ciuis qui languente patriâ suos thesauros claudit.*

Resp. *Sophisticum & fallax est hoc argumentum, à secundum quid (ut aiunt) ad simpliciter. Nam non sequitur, quia tempore imminētis periculi expediat bona esse communia; ergo simpliciter & omnino. Neque hoc loco ciuitatem bello concussam sed pace beatam intelligimus.*

Dubium capitis.

An armorum possessio seruis interdicenda sit, ne communitati studeant?

Seneca in Hyppol.

CVI plus licet quàm par est, plus vult quàm licet, ut est in prouerbio. Da gladium seruo, leuissimè offensus iugulum domini vulnerabit. In armis enim non timor sed furor inest:

inest: Elorē Lacedæmonas, Penestē Theſſalos, niger ille Vulcanus stramineusq̃; carnifex armorum datâ licentiâ Anglos funestis olim bellis concusserunt. Sapienter ergo Cretes (ut est in textu) multa suis seruis permittentes, armorum possessionem pernegarunt: Sic Galli Rusticis. Sed quos seruos nominas? non ciues, non liberè natos, non lege alstrictos regi: mancipia intelligo, scelerisq̃; instrumenta, qui sine metu, sine fide, sine Deo viuunt: istos si armes teipsum perdis. Melius est Scythas ac barbaros saltationibus & delicijs effæminari quàm hastis & gladijs in dominos rebelles ac contumaces factos acuere. Asperius misero nihil est cum surgit in altum. Armata malitiâ nihil periculosius ducitur. At quæ fides in seruis inest, qui se opprimi, qui se contemni putant? Si nudi sint, timebunt verbera, at armis muniti tentabunt imperia.

Arist. pol. 2. cap. 7. Sub Rich. 2.

Iuuenal. Arist. pol. 1. cap. 2. Cic. de nat. deorum. lib. 3. Plaut. in captiuis. Serui si nudi sint timent, si armati tentant imperia.

Distinctio.

Armorum vsus seruis est interdicens,

Ne fiant insolentes & superbi.
Ne fiant negligentes & otiosi.
Ne fiant inuidi, ac in suos dominos maliciosi.
Ne cum alijs conspirantes in rempub. rebelles & perniciosi fiant.

Cur arma seruis abiudicanda.

Opp. *Iniustum est negare illud quod natura dedit: sed natura seruis arma dedit: ergo est iniustum seruis negare arma. Minor probatur, quia dentes, manus & ungues seruis natura dedit, quæ arma à Plutarcho hominis appellantur.*

A simili.

Resp. *Metaphoricè arma, verè naturalia organa & instrumenta vocantur. Arma belluis dedit quidem natura, ut leoni dentes, serpenti aculeum, at hominibus arma industria finxit, eoq̃, finxit, ut pro imperiorationis (quæ seruis vsum armorum negat) armis uterentur.*

Opp. *Ignorantia armorum sæpè dominis magnum periculum creat: ergo vsus armorum est seruis permittendus.*

Ab effectis.

Resp. *Non omnino vsum ut discant Martem, sed possessionē armorum, ne inuadant patriam, mancipijs nego. Præterea hoc argumentum simpliciter & absolutè non probat arma esse permittenda seruis, cum maiora pericula ex serui armorum possessione quàm ex deprivatione ciuitati contingant.*

Opp.

A minori.
Plato. 7. de leg.
& in Critia.

Opp. Plato & Socrates (ut est in textu) voluerunt ut feminae non minus quam viri uterentur armis: sed magis decorum est ut serui uterentur quam feminae: ergo arma etiam seruis sunt permit-
tenda. Præterea quid aliud sunt gregarii milites quam serui, qui ad fossas & ad mania ciuitatem defendunt?

Resp. Ut absurdam communitatem defenderet Plato, feminas marti rebusque publicis non minus quam viros praposuit, at non testi-
monium quod refellitur, sed argumentum & rationem quare. Si obijcias Amazonas, respondeo exemplum unum legem non face-
re. Præterea ratio non tenet feminis liberis ac solutis licere: ergo seruis & mancipijs vite. Instantia gregariorum militum non vr-
get, quia illi aut nati sunt ciues, qui pro aris & focis dimicant; aut tempore necessitatis coacti serui, qui metu percussi non offen-
dunt.

CAP. IIII.

An definitus numerus ciuium præscribi debeat?
An æquatio bonorum sit toleranda?

Platonis 2.
Politia, 5. de
legibus des-
cripta proba-
tur insuffici-
ens.



LATO præter opus de repub. li-
bros de legibus conscripsit, in quo-
rum 5. nouam ciuitatis formam (in
quam nunc inuehitur Aristoteles)
tradit. In libris de repub. vxorum ac
bonorum communionem, in libris
de legibus rerum ac bonorū æqua-
tionem esse voluit; illam primam
suam rempub. hanc secundā nomi-
nat. In illam satis, in hanc nunc paucis loquitur Philosophus.
Sed ne molesta minusque grata sit hæc nostra in refutatione
disputatio, pro numero in textu conclusionum, distinctæ à
nobis eximentur quæstiones, quæ legentibus studiosè haud
mediocre vtilitatē nec non delectationē pollicentur. Pri-
mum ergo quæritur, An definitus numerus ciuium præscribi
debeat. 2. An æquatio bonorum sit toleranda. Fateor equi-
dem secundā hanc quæstionem de æquatione bonorū vbe-
rius

rius multo in 5. cap. contra Phaleam, quam in hoc 4. contra
Platonem demonstrari: hoc tamen loco eandem lubens dis-
cutio, partim quia ipse Plato inouet quem Phaleas sequitur,
partim ne illic aucto quæstionum numero, verbis molestior
videatur oratio. Lectorem ergo precor ut istos aduersarios
Arist. nempe Platonem & Phaleam vnā quasi catenā vin-
ctos, vnā etiam operā victos & superatos videat, duoque hæc
capita (in quibus vterque eiusdem damnantur errati) con-
iungat, iunctaque diligenter legat. Sed ad rem venio. Repre-
hendit Arist. in hoc cap. numerum ciuium, patrimoniorum
æquationem, magistratus perpetuitatem, diuisionem ædifi-
ciorum, nouam reip. quam Plato cōstituit, formam. In prima
sua repub. mille homines esse qui arma tenerent, in 2. de qua
nunc agitur, quinquies mille & quadraginta requirit Plato.
Hanc turbam & multitudinē cum suis liberis, vxoribus, ser-
uis, ex publico ciuitatis ærario alendam censuit. Hinc quæ-
stio prima nascitur, An certus numerus ciuium præscribi ac
definiri debeat? Præscribi nō debere putat Philosophus, idque
probat tribus argumentis, ab absurdo, ab incommodo, à diffi-
cili. Ab absurdo, quia immensa ciuitas illa esse deberet, quæ
tantam in otio viuentium præter ipsos ciues multitudinem
comprehēderet. Vix enim Babylon confusa gens illa potius
quam ciuitas tanto militum ciuiumque numero sufficeret, cui
si addas vxorum, liberorum, seruorumque turbam, Oceanum
diuitiarum in vna parte ciuitatis alenda siccum (ut aiunt) ari-
dumque reddes. Ab incommodo, quia onus nimis graue &
molestum ciuitati imponeretur, tantum gregei cibo, veste,
armis sustentare, præsertim cum tam exilis bonorū proportio
ad frugalitatē tantum, non ad liberalitatē ciuibus à Platone
destinatur. A difficili, quia arduū est legibus tantam hominū
multitudinē coercere: nam non solum à legūlatoribus locus
habitationis, moresque multitudinis, sed etiam vicinitas hostis,
quam Plato neglexit, in constituenda ciuitate considerari
debent: huc addi possunt, incertitudo generationis, senectus
ciuium, furor martis, instabilitas fortunæ, aliaque sexcenta
euentu mutationesque rerum, quæ numerum ciuium præscribi

Ciuium nu-
merus, Bono-
rum æquatio,
Magistratus
perpetuitas,
Ædium diui-
sio, Formæ rei-
pub. Repre-
henduntur.
Plato. 5. de
legib.

Argumenta in
primum.
Vix alar Baby-
lon otiosorum
5040. minor
ergo ciuitas
non potest.
Vid. Arist. pol.
3. cap. 2. Diod.
Sic. lib. 3. cap. 4.
Plin. lib. 6. cap.
26.

Lex vicinos
debet respice-
re.
Alia certi nu-
meri impedi-
menta.

ac

ac definiri vetant. Incertitudo generationis, quia alij fecundiores, alij steriliores inter ciues manent, illorum liberis negare ciuitatem, ne augeatur numerus; horum accusare infirmitatem, vanum & absurdum esse videtur. Senectus ciuium, furor Martis, instabilitas fortunæ quotidie varios casus in ciuitate gignunt. Quid? Si cadant morte aut armis centum, si augeantur decem, estne necesse vt ruat ciuitas, quia definitum numerum suum non habet? Naturâ ergo non numero, lege non multitudine, ciuium virtute non hominum turbâ definiri debet rectè instituta ciuitas. Proximè in textu de bonorum æquatione agitur. Ait enim Plato tantum cuius ciui cōcedi debere, quantum homini temperanti sufficit. At non ad temperantiam solum quâ tenuiter, sed etiam ad liberalitatem quâ honorificè viuitur aliquid concedi debere existimauit Philosophus: quippè frugalitas vnum, liberalitas amicum iuuat. Sed quid Platoni in mentem venit, vt patrimoniorum æqualitatem introduceret, nihilq; de multitudine liberorum omninò definiret? Quorsum æquationem bonorum docuit, cum rationem æqualitatis faciendæ non describat? Hanc vanam opinionem refellit Philosophus tribus potissimum rationibus: Prima à proprietate, Secunda ab effectu, Tertia à testimonio ducitur. A proportionē possessionis & multitudinis, quæ duo nunquam adæquari possunt. Nam quis naturæ modum, fecunditati fæminarum definitum numerum, instabili & inconstanti fortunæ scopum potest præscribere? Fieri certè non potest, vt certa omnium, qui nascuntur & cadunt in ciuitate, habeatur ratio, vt omnium bonorum, quæ cum Euripo fluunt ac refluunt, habeatur eadem semper proportio, vt similis cunctis nascentibus rerum ac patrimoniorum fiat diuisio, nisi fortasse hoc Plato voluerit, vt quisque certum numerum filiorum gigneret, quod quàm ridiculum sit, nemo est qui non videat. Ab effectu, quia aucto numero filiorum, fames, paupertas, seditio vrgent: nam datâ proportionē omnium, qui fieri potest vt hic viginti filios exiguo patrimonio alat, cum pari hæreditate alius vix decem nutriet? Multò melius nos Angli maioribus

Plato 7. de legib.

ribus natuius hæreditarium, minoribus verò aliud pro facultatibus nostris beneficium, putà artem aut pecuniam, concedimus. A testimonio Phidonis legumlatoris antiquissimi, qui à Platone & Socrate in adæquatione bonorum plurimū (vt in textu patet) dissensit. Interpretes alias rationes & argumenta in hanc sententiam ferunt, nempe quod æqualis hic bonorum sensus, & naturâ iustitiæ distribuentis, quæ cuique pro merito virtutis tribuit; & naturâ ciuitatis, quæ ex dispari gradu dignitatis constat, impediatur. Quare vt communitas vxorum ac rerum magnam confusionem: ita æqualitas possessionum incredibile in miseriam ciuitati incutit ac minuitur. Attendendum hic est, Platonem in 5. de legibus, non sic æquasse patrimonia, vt nullus ciuis plus altero possideat, sed pro classium multitudine, ordine, ac dignitate pares sortes omnibus tribui & assignari iussit, quam partitionem bonorum æquationē hic vocat Arist. eandemq; vt vides refutauit. Tertium quod hic agitur, est discrimen inter magistratum & illos qui imperio subiiciuntur. Dixit Plato 5. de leg. magistratū differre quidē à ciuibus sicut stamen differt à trama: vt scilicet ciues sint instar staminis, illi autē qui imperiū tenent instar trame (quæ ex meliori fit lanâ) habeantur. Hæc vt opinor dixit Plato, vt inter magistratum & subditū haberetur distinctio, at modū rationemq; istius distinctionis omnino non edocuit. Quartum de quo in hoc cap. differitur est amplificatio diuitiarum ad quintuplum vsq; & non ultra, idque eò vt quisque binas distinctas teneret ædes. Sed quorsū inquit Philosophus duas ædes habere iussit, cū quisq; vix vnâ possit rectè administrare familiā? Postremum quod tractatur est forma reipub. quam Socrates & Plato excudere voluerunt, mediam illam quidem (vt ait Arist.) inter monarchiam & democratiam, vt sexto de legibus dilucidè habetur. Hanc constitutionem & statum refellit, duabus rationibus, vna ab exemplo, altera à gradu comparisonis. Ab exemplo nimirum Lacedæmoniorum, qui reipub. præstantissimā ex omnibus politiæ formis temperatam & permixtā habuerūt: verbi causâ, ex monarchia in regibus (quos binos perpetuos habuerunt)

Æquatio Platonica qualis.

3. De Magistratibus.

4. De ædificijs. Plat. reipub. in nullo est certo reip. genere: ergo aliud cupit, aliud agit.

5. De forma reip. Vid. pol. 2 cap. 7. Plat. 3. & 4. de legib. Plur. in Lycurg. Xenoph. de rep. Spartana. Vid. pol. 3. cap. 10.

Vide pol. q. ca.
9.

Oligarchiam
Plato legi-
bus itatuit
nec sentit.

habuerunt) ex oligarchia in senatoribus, ex democratia in Ephoris quos singulis annis quinos ex populo eligebant: sed Platonica respub. ex omnibus his formis non coalescit: ergo non est optima. A gradu comparisonis hoc modo. Si Platonis politia haberet aliquid ex monarchia, esset fortasse optima: at nihil habet ex monarchia: ergo non est optima. Assumptio probatur, quia inclinare videtur in oligarchiam & paucorum potentiam: quod quidem apparet tum ex magistratuum creatione, tum etiam ex electione senatus, quæ duo ad sortem & lancem optimatum à Platone reuocantur. Sed quoniam de distinctione administrationis ciuilis postea plurimis dicendum est, huic longiori refutationi Platonice reipub. colophonem addam, & ad alia quæ iam sequuntur festinabo.

Distinctio primæ quæstionis.

An definitus numerus ciuium præscribi debeat?

Numerus ciuium con- siderari potest du- obus modis,	{	Simpliciter, & sic ciues numerari possunt, nec non sæpè, urgente necessitate, debent.
	{	Comparatè, ut illis æqualis proportio bonorum in communitate rerum destinetur, & sic nec definiti possunt, nec præscribi debet, ut apertè antea probatur.

A pari.

Opp. Rerum proportio & ciuium multitudo æquialere debent: sed certa est proportio rerum, non infinita: ergo certa ac definita debet esse multitudo ciuium. Maior probatur, quia aliter aut defectione rerum languescet, aut infinita multitudo hominum oppressa succumbet ciuitas.

Resp. Nec certa, nec infinita debet esse multitudo ciuium, indefinita tamen. Nam definita multitudo nec augmentum, nec decrementum patitur, quod est absurdum, cum ancipites ac varia sint mutationes casusq; rerum: non infinita, ne dum multitudo ciuium excedat multitudinem rerum, fame, peste, bello, deuastetur ciuitas.

Ab exemplo.

Opp. Absurdum videtur illud paradoxum, nempe quòd diuturna pax ciuitatem consumat: sed praxi optimarum rerum pub. confirmatam

matam veritatem habet. Nam Romani quolibet biennio, Lacedæmonij quolibet quinquennio cū exteris (ne in infinitū ciuium multitudo cresceret) gerebant bellum. Quo dato, videtur consultissimum fore ut in qualibet recte instituta repub. definita multitudinis habeatur ratio.

Resp. Nescio an plus laudem vel reprehendam illam in bello gerendo sancitam consuetudinem Romanorum aliarumq; gentium, ut Marte consumpto populo, metus oppressionis, famis aut pestis tolleretur. Caterum hoc non probat certam præscribendam esse multitudinem: pax quidem longa exedit ciuitatem, si ingratus deo aut ignauus sit ciuis patriæ; aliter (cū non minor turba naturali iure extinguatur, quàm de nouo generetur quotidie) causam non video quin in perpetua quiete floreant respub. interim multitudine non suffocetur. Exempli causa. Anglia per viginti iam nouem annos pace tranquilla quam deus nobis conseruet freta, adhuc succretione ciuium non contabuit, et vicina nationes Martis fulminibus concussa elumbes sunt.

Opp. Distribui debet ciuitas in certas classes ordinisq; ciuium, ut in magistratus, qui in imperio; milites, qui in subsidio; agricolas & opifices, qui in opere versantur: sed hi ordines sunt certi: ergo eisdem destinata multitudo incerta esse non debet.

Resp. Multitudo ciuium considerari potest bifariam, aut in genere, & sic certa debet esse quoad officia & ordines in ciuitate: vel in specie, aut singulari potius distinctione ciuium, & sic maneret semper indefinita.

Opp. In Academijs collegia sunt expresse rerum pub. imagines & simulachra, nam præsides instar principum, seniores instar senatorum, alumnos musarum instar ciuium, seruos instar artificum, optima statuta instar legum habent: sed in illis est certa & definita multitudo: ergo ut parua cum magnis comparentur, in ciuitate etiam certa debet esse multitudo.

Resp. In præclaris & sacratis Deo adibus, quas simul cum Academijs Christus noster in perpetuum defendat, similitudo non in multitudine sed in administratione cernitur. Nam in collegijs copia vnius aut paucorum, in ciuitate autem omnes omnium opes uniuntur; illis pauci, his penè infiniti sustentantur.

Distinctio secundæ quæstionis.

An æquatio bonorum sit toleranda?

Æquatio bonorum considerari potest duobus modis, aut secundum	{	Quantitatem possessionis, & sic est absurda, quia hoc modo	{	Nulla esset distinctio civium.
				Magna rerum oriretur confusio.
				Perpetua civium haberetur contentio.
		Proportionem æquitatis, & sic est approbanda, quia æquitas cuique pro merito bona & dignitates reipub. concedit.		

Ab aduerso.

Opp. Inæqualis distributio rerum ac dignitatum magnas (ut experientia docet) in omni reipub. tragédias mouet: ergo æquatio bonorum, quæ cuique parem concedit sortem, est approbanda.

Resp. Dispar proportio rerum ac dignitatum non semper inæqualem distributionem arguit, nisi iniqua iniustaq; sit distributio; quippe omnes vi natura non sumus pares, nam alij domini, alij serui à natura sumus: tum ergo in possessione est æqualitas, cum in partitione rerum pro merito obseruetur æquitas. Respondeo ergo inæqualem distributionem rerum ac dignitatum magnas sæpè mouere procellas, at inæqualem illam distributionem esse nego, quæ ab æquitate pendet; imò Platoniam æquationem bonorum iniustam esse affirmo, cum non virtutis sed pondus ac momentum facultatis respicit.

A fine.

Opp. Platonica æquatio bonorum meritum virtutis respicit, ergo iniuste Philosophus illam reprehendit. Antecedens probatur, quia Libro quinto de legibus in diuersos gradus classesque ciuitatem partitus est, neque summis, medijs, infimis ita bona reipublicæ distribuit, ut infimi cum summis in pari rerum proportionem contenderent, sed ut singulis secundum ordinem & gradum æquali censu fructus rerum potitis, omnis seditionis tolleretur occasio.

Resp. Ut in tota multitudine civium, ita etiam in senatorum ordine alter alteri prælucere potest, indignum ergo est, si æquitatem spectes, ut omnes qui ciuium reipublicæ tenent pari rerum ac dignitatum censu donentur, neque hæc distincta summorum virorum patiuntur officia, quorum ut alia alijs sunt ampliora: ita ampliora rerum subsidia & splendoriora virtutis ornamenta postulant. Verum ut ingenuè fatear, quod de Platone cenſeo,

cenſeo, puto equidem diuini philosophi verba in corruptum aliquantulum flecti & detorqueri sensum: & ut hæc melius intelligantur, in medium nunc opportunè adferam, quæ à Platone didici. Summa hæc est. Plato sic suam reipub. institui voluit, ut quàm maximè una existens in unitate consensus perpetuò conquiesceret: hoc autem ut commodius fieret, ciuitatem custodibus ad præsidium & imperium, artificibus ad commutationis negotium, agricolis ad opus præstandum sapienter tradidit. Custodes cum pastoribus comparauit; nam ut pastores gregem ab infectis animalibus: ita custodes reipub. ab immanitate hostium liberarent. Ex his quosdam magistratum gerere, quosdam excubias perpetuò agere in defensionem ciuitatis voluit: eodem pacto ex ciuibz quosdam (quibus Deus quasies aut ferrum infudit) agricolas, quosdam (quibus aurum impresit) magistratus, aut custodes quasi virgula diuinà assignatos nominauit. Mendicos, miseros, ac infortunatos nullos in reipub. passus est: hinc lege suasit, ut rerum in singulis classibus ciuitatis haberetur proportio, & veluti bonorum ad æquationem, non ut quisque haberet æqualia, sed ut nemo ciuium confoderetur miseriâ. Si recta hæc sint, cur accusas? Si falsa, cur postea ut vera defendis Aristoteles? Suspectum te habeo in multis Philosophis, cum te in paucis idque contra Platonem nimis dentatum videam. Sed nihil hîc adfers (de communitate vxorum ais) habes certè aliquid in quo triumphes Aristoteles, laruatus non sum, Platonem in hac re non excuso, etsi sunt qui dicant illum hîc communes vxores voluisse, non ut se inuicem turpiter commiscerent, sed ut omnes ardentè veròque pietatis affectu diligeret, quippe credibile non est tantum & tam castum Philosophum hoc tandem suasisse, ut omnes in sua reipub. se fœdissimis voluptatibus obstringerent & manciparent, præsertim cum in Phædro disertis verbis turpem amorem ex animo detestetur.

Dubium capitis.

An femina bellum vnà cum viris gerere debeant?

Dicis paulò post initium huius cap. Arist. Platonem præceptorè tuum absurdè docuisse, quòd fæminæ vnà cum viris bellum gererent, omniaque munera ciuitatis non minus quàm viri exercerent; si dixerit, cur indignum refutatio-

Mendici in Platonica reipub. non permittuntur.

7. De legib.
Fæminis ni-
hil cum mar-
te.

ne putas? Si non dixerit, cur tam acerbe reprehendis? Sed esto, utcumque res est, opportunè mouetur dubium. Non est eerte quod in te vera latum (ut aiunt) vinguem à te discedam: hoc quod vis sentit quidem Socrates, suavitq; Plato, sed quibus id medijs probent ab illis quæro. Natura fæminis martis vexillum, Minerva autem mentis triumphum negat; mars enim lacertos corporis, bellum impavidos actus fortitudinis in suis tragædijs peragendis postulat: at fæminæ carne molles, toto corpore graciles & infirmæ, animo instabiles, actione minus cæcæ, pugna feroces & temerariæ, ingenio pauidæ, ancipites consilio, rei militaris penitus indoctæ & inexpertæ habentur. Quid ergo fæminæ cum Marte? Quid cum belli tormentis agerent? Noua res esset videre fæminas proficentes in aciem, ensibus, hastis, scorpionibus armatas figare hostem, per terram, per mare cum viris cōferre pedem. Hoc potius ad illas spectat, ut domi telam ex penso trahant, dum viri in bello sua tela tractent.

Distinctio.

Cur fæminis
negentur ar-
ma.

Fæminæ v-
nā cum vi-
ris bellum
non gere-
rent, prop-
ter

Imperfectionem naturæ, sunt enim infirmæ & imbecilles corpore.
Defectum experientie, sunt enim rei militaris penitus imperitæ.
Priuationem constantiæ, sunt enim plerumq; instabiles & temerariæ.
Terrorem militiæ, sunt enim ingenio penè omnes pauidæ & meticulosæ.
Institutionem iustitiæ, quæ præscripsit ut solū domestica tractarent negotia.

A minori.

Opp. Fæminis antea concessum est imperium, ut rectè resp. administrarent: sed minus est bellū gerere quā resp. rectè administrare: ergo fæminis unā cum viris res bellicas tractare licet. Minor probatur, quia bellū gerere est solū pars una rectè administranda reipub.

Resp. Fæminis non omnibus absolute sed paucis comparatè conceditur imperium, at Martis furor cohortes exercitusque requirit, qui sæpè inter viros, inter fæminas nūquam cogi ac inueniri possunt.

A materia.

Opp. Natura minorem fæminis quā viris non dedit bilem. ergo videtur quod non minus ad bellum admitterentur. Ratio tenet, quia vi irascibili (quæ à bile nascitur) ad propulsandam & vindicandam

dam iniuriam non minus iuste ac viri inflammantur. Præterea, inter belluas animantes famellas multo fortiores masculis esse experientia docet. De Amazonum aliarumq; faminarum rebus præclare gestis nihil hic dico, quæ omnia probant hunc sexum à laude militari penitus non secludi.

Iustin. lib. 2.

Resp. Bili ardor agritudinem animi non fortitudinem, infirmitatem non vim & robur arguit: imò qui vehementius bili exarserint bello minus apti esse existimantur: nam bilem temeritas plerumq; sequitur, at bellum non solū vim corporis, sed etiam mentis consiliū postulat. Comparatio illa inter belluas animantes & faminas nulla est, nam bellua nec ratione, nec ordine, nec lege vlla ciuitatis (ad quā nata sunt famina) diriguntur: satis illis perspectū est si uiuant, seseq; natura armis à periculis defendant: at faminarum interest (ut ait in textu Philosophus) liberos parere, partos nutrire, nutritos bonis moribus imbueri, rebusq; domesticis consulere ac providere. De exemplo Amazonum, aliarumq; faminarū rebus præclare gestis, ut ais, dico quod neq; sexus, neq; decorum, neq; ordo ciuitatis, neq; lex iustitia ista ab illis exigant: & ut vno verbo concludam omnia, sicut una hirundo ver non efficit, ita vnum vel alterum exemplum nec in natura, nec in ciuitate legem constituit.

CAP. V.

An in rectè administrata ciuitate cuiq; liceat prout vult ac potest diuitias accumulare?

An liceat auitas hereditates vendere?

An res militaris pacis tempore exerceri debeat?



Tomachabundè nimium Socrati & Platoni in frōte istius cap. valedicere Arist. videtur, ait enim ab indoctis resp. descriptas magis ad rectæ administrationis formā accedere, quā quæ ab illis inuentæ ac institutæ fuerint; quippè nullus (inquit) neq; nouum illud de communitate vxorū ac liberorū, neq; alterū de sodalitijs &

cōiuijs mulierū cōmentū reperit. Hoc facto ingressu in aliū ruit aduersariū, Phalcæ nomine, quem ita crebris pugnorum

Refutatur
Phalcæ &
Chalced. ref.
pub. de bono-
rum adæqua-
tione.

Soloni & Lo-
cris sancta æ-
qualitas, nec
firma tamen
resp.
Ciuibus nec
nimis multa
vt profutè,
nec nimis
pauca debent
esse vt sordide
viuant.
Æquitas
Possessionis
legelata
Institutionis
omissa.

Achilles
Iliad 9
Iniuriarum
causæ & ea-
rundem re-
media.

istibus diuerberat ac contundit, vt deiectâ quasi hastâ totus inermis se in pedes præcipitet. Nâ quid Phaleas Chalcedo-
nius ille potest, cum Socrates & Plato Athenienses illi nihil potuerunt? Leo lupos non mures, aquila magnas prædas non muscas capit. Sed ne verbis molestior fiam, decretû est breuiusculâ analysin istius cap. retexere, antequâ ad discutiendâs quæstiones propositas limatiis, veniâ. Postquam Socrati & Platoni ita, vt modò edocui, valedixerit, Phaleam in theatrû veluti armatum hostem protrudit, eumq; primû inuadit, quod ciuiû bona ac patrimonia equalia esse voluerit, cû ta-
men de generatione ac multitudine ciuium dicere præter-
miserit. Nam vt præclarum est de equatione bonorum lege cauere ne cuiq; liceat quantum velit ditescere: ita absurdum est nullam multitudinis, nullam dignitatis rationem habere, vt cuique pro merito virtutis ex præscripto iustitiæ tribua-
tur. Aliter inquit Solon, aliter Locrenses fecerû, qui appro-
bantes hanc legem equalitatis, ad eandem conseruandam, ne quis auita patrimonia venderet lege præcauerunt. Non est ergo penitus antiquanda lex illa equalitatis, modò certâ ac definita habeatur ratio multitudinis. Præterea haud sapi-
enter bonorum equalitatem inuexit Phaleas, cum nihil ci-
uibus præscripserit, vt neque abundarent in delicijs, neq; de-
ficerent in necessarijs. Huc & illud accedit quod parû om-
nino proficiat rei familiaris præfinire facultates, si cupidi-
tates rationis freno coercere non coneris: at hoc Phaleas in-
descriptione suæ reipublice penitus neglexit. Porro de ho-
noribus distribuendis legem non sanxit, at vt fortunarû equa-
tio sepe confusionem: ita honorum æqualitas seditione gignit. Cum enim alij alijs virtute prælucent, maiori hij quâ illi laude ac dignitate ornarentur. Aliter absurdum illud audiet
Respub. *Fortis & ignauus parili afficiuntur honore.*

His addit philosophus causas quas adfert Phaleas contin-
gentium iniuriarû in ciuitate, earumq; remedia. Causæ tres
sunt, infinita rerum possessio, cui bonorum equationem; odi-
osa voluptatum appetitio, cui temperantiam; magna dolorû
oppressio, cui philosophiâ tanquâ medicinas opposuit. In hac
diuisione

diuisione errasse Phaleam ait Arist. quia aliæ maiores sunt
iniuriarum causæ in ciuitate, alia contumeliarum semina ac
fundamenta. Adhuc id in repub. Phaleas maximè reprehendit,
quod nullam belli aut hostis mentionem fecerit, quippè
satis inquit non est legibus ciues domi gubernare, nisi etiam
inuenibus hostes propulsare contendas. Postremò equa-
tionem patrimoniorum nec ad quietem ciuitatis, nec ad dig-
nitatem quicquam prodesse probat, quippè cum alij alijs
digniores naturâ ac virtute sint, illos in pari sorte ac condi-
tione cum sæce populi viuere, vt ab omni ratione iustitiæ est
alienum: ita capitale necesse est conflēt ingeneretque odi-
um; quo flagrans ciuitas citò veluti magno incendio deua-
stetur. Ridiculum quoque id est quod Phaleas æqualita-
tem hæreditatis tantum non supellectilis induxerit, quodq;
opifices seruos non ciues, instrumenta non partes aut mem-
bra suæ nimis parux ciuitatis fecerit. Quid multis moror?
Omnium in hoc Cap. summa in his quatuor consistit: in re-
rum æquatione, quam vt absurdam; in disciplina, quam vt
inconsideratam; in re militari, quam vt neglectam; in quan-
titate vrbs, quam vt nimis paruum & exiguum reprehendit
Philosophus. Ex his quasdam non inutiles quæstiones
decerpsi, quarum prima est an in rectè administrata ciuita-
te cuique liceat prout vult ac potest diuitias accumulare.
Plato vt ait Aristoteles cum leges scriberet, ad quintuplum
augere fortunas cuiuslibet in ciuitate permisit. Solon vt in
textu est voluit tantum agri comparare, quantum quisque
velit. Vterque patrimonia vendere resque auitas nundinari
sacris legibus prohibuerunt: præclare quidem Plato, sapien-
ter Solon. Nâ vt in immensum corradere diuitias est cupidi-
tatis: ita nobis relicta patrimonia consumere & obligurire
magnæ profusionis habetur. Sed vt primû de prima hy-
pothesi disputem, multis argumentis probo istam ardentem
sitim cumulandi diuitias nemini debere permitti, ne semel
apertâ malæ cupiditati fenestra sexcenta alia in ciuitatem
irruant ac grassentur pericula. Crasos multos aut Iros in re-
ctè instituta repub. non constituo; nam vt diuitiæ insolentes,
ita

Phaleas diui-
sio diminuta.
Belli & hosti-
um ratio ha-
benda.
Superiores
dedignantur
honores pa-
res, ergo æ-
qualitas non
nisi inter æ-
quales sediti-
onem tollit.
Diuitiæ in
Seruis
Pecoribus
Numinis
Supellectile:
ergo in solis
agris non po-
nenda æqua-
litas.
Summa ca-
pitis.
Prima quæ-
stio.
Cap. 4. Plat. 5.
de leg.
Sic Romæ lex
Agraria Liu.
decad. 1. lib.
2. & 6.

Diuitiarum
accumulatio
improbata.

Lex bona
ut boni nolint
habere plus-
quam par est,
mali non
possint.
Diuitiæ sunt
sola media,
ergo finire de-
bent esse.

Apposita simi-
ludo.

ita mendicitas desperantes efficit; refrenanda ergo est cupi-
ditas hominum circa pecunias (ut hic docet Philosophus)
que aliter existens immoderata & effrænis ad diuitiarum flu-
men ut ad fontem tenderet, id est ipsas diuitias ut finem & sco-
pum, non ut medium ac instrumentum desideraret; sit igitur
hæc prima ratio. Nullum medium fieri debet infinitum: sed
rerum copia est tantum medium: ergo rerum copia infinite
augeri non debet. Hoc posito, sequitur quod nemini per-
mitteretur pro cupiditate diuitias augere ac accumulare.
Altera ratio ab euentis sit ista. Nihil quod est in præiudi-
cium & perniciem ciuitatis permitti debet: sed libera diui-
tiarum amplificatio est in præiudicium ac perniciem ci-
uitatis: ergo permitti non debet. De maiore constat. As-
sumptio verò probatur, quia ex hac licentia honorum am-
bitio, ex ambitione ciuium seditio, ex seditione lues ciui-
tatis nascitur. Præterea in infinitum auctæ possessiones do-
mi inuidiam, foris hostem, in fronte superciliosam ru-
gam, in mente labem odiosam gignunt; non ergo licet cu-
ius prout vult ditescere, suasque gazas aliorum spolijs
immodicè refarcire. Postremo modus & ordo conseruant
ciuitatem: sed nullo termino diuitiarum ciuibz præfinito,
nullus erit modus, nullus ordo: non ergo liceret cuius su-
am sitim & famem aureis diuitiarum imbribus epulisque
extinguere. Quis enim ordo in ciuitate erit, si vnius aut
alterius libido domos, villas, agros multorum conciui-
um deuoret & consumat? An soli diuites & epulones
in ciuitate viuerent? At dicis nonne bonis (qui ordine ser-
uato in publicum bonum tendunt) à centro in circumfe-
rentiam, à minimo in maximum augere diuitias licet? Cer-
tè licet si à centro per rectas lineas virtutis ad circumferen-
tiam veræ fælicitatis tendant. Cæterum ne febris ista in au-
gendis diuitijs hectica facta torius corporis regiones par-
tesque inuadat, tam bonis quam malis præscribendum
puto. Sed ut naturalis hominis complexio in æqualita-
te primarum qualitatum ad pondus (ut aiunt) non consistit,
sed in ea proportionem quam requirit sanitas: ita constitutio
ciuitatis

ciuitatis in æqualitate hominum aut diuitiarum non poni-
tur, sed in ea proportionem quam æquitas & iustitia postulant.
Nam sicut calor qui bilioso conuenit, melancholico nocet:
ita diuitiæ aut honores qui vni debentur alteri sine dispendio
ciuitatis accommodari non debent. Hanc quæstionem de
Hydrope diuitiarum, alia de tabe & consumptione sequi-
tur, quæ est, An liceat auitas hæreditates vendere? Non
licet certè. O vtinam non liceret, tot enim tum ciues mi-
nus frugi homines crapulâ suffocati auita patrimonialia non
enumerent, quid multis? Populus & villæ in passionem, ma-
iorum nostrorum pagi in paucorum manus ac possessiones
non venirent. Hoc malo, hoc inquam malo antiquæ fami-
liæ in umbram eccho & reflexum quasi vocis commutantur.
Sed ratione hoc suadeo. Primum quoddid non liceat, quo
facto naturæ ingrati sumus, sed auitis patrimonijs venditis
ingrati naturæ sumus: ergo auita patrimonialia vendere ac nū-
dinari non licet. Si maiorem neget non te naturæ filium, sed
spuriū ostendis; nam si filius fores patrimonium, quod na-
tura dedit, sanè non diuenderes. Præterea beneficium à pa-
rentibus acceptum contemnere ingratum arguit, sed qui a-
uitum patrimonium vendit, beneficium à parentibus accep-
tum spernit, ergo qui patrimonium vendit se prorsus ingra-
tum esse ostendit: Hæreditatē relictam beneficium esse negas
homo omnium ingratissime? Symbolum tanti amoris con-
temnis perniciose? Nonne antiquitatis, & futuræ digni-
tatis fundamentum, posteritati tollis? Pro tantillo vo-
luptatis sensu tantum censum amittis, ipsumque quasi ma-
iorum tuorum chirographum venereo digito expungis? In-
dignus es vitâ, indignus beneficio qui bene merentibus gra-
tias non rependis. Hoc etiam addo ignauum & stultum esse,
qui sibi non consulit: sed qui ius hæreditarium vendit sibi
non consulit: ergo qui patrimonium vendit ignauus & stul-
tus habeatur. At dices stultus non sum, nam maius emo-
lumentum inde acquirō. Erras. Nam damnum est, si
naturam deseras; monstrum est, qui solum natale pro
turpi lucro vendit. Nam ut rex auro accepto prodit pa-
triam

Secunda
quæstio.
Arist. 2. polit.
cap. 7.

In hæredita-
tum venditi-
ones argumen-
ta.

Lege cautum
Poloni. 1375.
Hungar. 1221.
Anglica. 1298.
Hispani. 1560.
Gallica. 1566.
Sic lege Lo-
crensi.

Quæstio. 3.

Necessitas in
pace de bello
cogitandi.

triam si vendat, ita ciuis spernit patrem, qui patrimonium suum nundinatur. His quid adiungam præter illud quod damnum & iniuriam ciuitati faciat, qui ius hæreditarium vendit? Ergò permittendum esse non existimo. Quòd damnum toti ciuitati hinc fiat sic probo, quia minor inde dilectio ciuitatis nascitur, malumque exemplum alijs proponitur. Quanta enim est defectio ciuitatis, quanta ordinis peruersio, cum antiquitatis monumenta delentur, cum maiorum nomina posterorum ingratitudine oblitterantur, cum passim Tusculana, Pompeiana, aliaque vetustissimarum familiarum vexilla & quasi insignia ruunt ac deijciuntur? Concludo igitur nec regem imperium sine scelère, nec ciuem autum patrimonium sine impietate posse diuendere; hoc vnũ tamẽ cõcedo, magnã vrgente necessitate ex consensu domini, cum extremã fortunã conflictantibus debere concedi vt hæreditatem in subsidium vitæ ad hastam figant. Nam melius est perdi patrimonium quàm perire hominem, maximẽ verò si suã ipsius sceleratã vitã in miseriam nõ inciderit. Legant hanc legem Solonis nostrorum temporum sortilegi, legant aulici & aleatores; manus à tabulis, manus à tesseris, imò mentes à vitijs detrahant. Sequitur nunc tandẽ postrema quæ est in hoc capite dubitatio, nimirum, An pacis tempore res militaris exerceri debeat? Quanquam pax quidem magnum Dei beneficium est quo ciuitas beata floret, quo destituta languet: tamen vt Athenienses suam Palladem armatam pinxerunt: ita nos pacem non vt nudam Dianam sed vt bellicosam deam munire & tueri oportet. Improuidi est solùm in diem viuere, eaque tantùm videre quæ ante pedem iacent. Cum valeas cauendum est ne in morbum, cum in pace viuas, præuidendum est ne in hostem incidas, quippè tum maximẽ insidiatur hostis cum supinus in otio dormis, & securus in pace viuus. Iure igitur ab Aristotele Phaleas hinc reprehenditur, quòd in descripta sua ciuitate nullam martis imaginem delineauerit. Sed vt rem solam quæ agitur rationibus confirmem, primum argumentum à temporis opportunitate ad hunc modũ duco. Nulla ciuitas est

est tam fortunata, cuius paci ab aliquibus nõ inuidetur: ergò pacis tempore de hoste & Marte cogitare oportet, vt in pace securiores simus. Si antecedens neges, insta & ostende vnam ciuitatem, vnam nationem aut imperium, quod semper in pace, quod vnquam sine hoste floruit: quod si non possis, necesse est fatearis opportunius res bellicas tractari non posse quàm cum in pace sumus. Altera ratio est à simili. Nam quemadmodum tutissimẽ præcauemus morbum cum sanitas & vires sint: ita consultissimẽ præuenimus hostem, cum tranquillitas & opes in ciuitate florent. Tertium ab incommodo bellicæ exercitationis neglectæ argumentum peto, idque hoc modo. Periculosum est illud in ciuitate negligere, cuius vsu ciues & ad iuuandam patriam experti, & ad propulsandum hostem parati fiunt: sed vsu militaris exercitationis in pace hæc discunt ciues: ergò periculosum est rei militaris vsu in pace deponere. Omnia in hoc syllogismo aperta sunt, quis enim experientiam in re qualibet, maximẽ verò in re militari, ex vsu oriri ac proficisci negat? Hoc etiam addo, quòd iacula non præuisa magis feriant, & mala non præcognita vehementius vrgeant. Quantò atrocius, quantò truculentius videbitur id bellum, quod ciues veluti in crepundijs pacis oscitantes de repentino opprimit? O patria dulcissima, o beatissima insula, ab hoste per mare, per terram iam diu fuisti tuta, & sane hoc vno multùm laudanda es, quòd in tanta ac tam diuturna tranquillitate tua aliquot Scipiones contra Hannibales. i. duces contra hostes rei militaris vsu expertos effeceris. Ligneæ mœnia habes, altas turres & muros ciuitatũ; at non in mænibus vrbiũ tuarum sed in animis tuorum ciuium, non in turribus sed in lacertis fortitudo & salus ciuitatis constat. Christus te diutissimẽ conseruet, Christumque precor vt dum strepitus bellorum in vicinis nationibus quasi prologus tragediæ personet, nullum actum furentis Herculis in tua scenã & theatro videas. Exempla & stratagemata ad hanc rem probandam non recenseo, illud tamen Syri tacitus præterire non possum: qui cum Lydam gentem maximẽ bellicosam animaduerneret, primũ

1. Ab opportuno.
Militaris disciplina & in pace exercenda argumenta.
2. A simili.

3. Ab Incommodo.

4. A simili.

Ad Angliam apostrophe.

Affectus auctoris in suam patriam.

5. Ab exemplo.
Vide Iustinũ Lib. 3.

armis

armis, tum rei militaris exercitijs interdixit, hinc epulas & tibicines proposuit, postremò totam effeminatam & otiosam factam exili voce perterritum quam ante ferro & flammâ vix superauit. Quis ergò non videt tempore pacis summam & singularem curam habendam esse rei militaris, quâ ciues instructi, cum opus sit, non ab epulis in antrum, sed ab arce in campum, à muro in hostem ruant?

Distinctio primæ quæstionis.

An cuius liceat ditescere?

Immoderata-
rum diuitia-
rum detri-
menta.

Cuius non licet in im-
mensum prout velit ac-
possit ditescere, quia vl-
tra modum auctæ diuitiæ
plerumque gignunt

Possessoris superbiam, unde ambitio.
Externi hostis inuidiam, unde oppressio.
Conciuis iniuriâ, unde intestina contetio.
Ciuitatis damnum, unde rerum magna de-
uastatio.
Infinitiæ cupiditatis exemplum, unde con-
fusio nascitur.

Ab effectis.

Opp. Illud prohibere in ciuitate, quod ciuitatem tutam & fortunatam reddit, est malum: sed auctæ diuitiæ ciuium, ciuitatem tutam & fortunatam reddunt: ergò easdem augendi facultatem negare est malum. Maior vera est. Minor probatur, quia in bonis fortuna amplificatis splendor ciuitatis consistit.

Resp. Moderata diuitiarum amplificatio ciuibus non negatur, sed amplificandi insatiabilis sitis non permittitur: Nam ut in illa externus ciuitatis honor: ita in hac seditionis timor inest. Non est ergò malum rebus augendis modum, non est inconsultum hominum cupiditatibus frenum iniungere.

A pari.

Opp. Bona externa (ut honor & diuitiæ) sunt distribuenda pro meritis hominum in reipublicam: sed sunt sæpe multi, qui infinite de suis ciuitatibus merentur, ut Horatius Cocles, qui Romam liberavit, ergò illis infinitas augere fortunas permitteretur. Maior est Arist. quinto Ethicorum.

Resp. Merita virtutis non solum opibus, sed laudibus, quæ magis virtutem spectant, remunerantur: Opes ergò eorum sunt augenda, ut honorificentius uiuant, laudes verò in immensum amplificanda, ut clariùs posteritati luceant.

Opp.

Opp. Ex optimorum ciuium thesauris opes in usum ciuitatis perpetuò trahuntur; ergò optandum est, ut optimis liceret infinitas diuitias accumulare. Ratio sequitur, quia boni viri non ad priuatum sed ad publicum & commune bonum in accumulandis fortunis tendunt.

Resp. Optandum quidem hoc esset, si cum granis palea, hoc est cum bonis malorum turba non cresceret: at cum in ciuitate plures mali quàm studiosi ciues uiuant, lex omnibus est præscribenda, ne bonorum exemplum in ciuitatis perniciem à malis pertrahatur.

Opp. Diuitiæ in infinitum auctæ potentiam ciuibus, potentia verò terrorem hostibus parit: ergò liceret cuius diuitias accumulare. Antecedens probatur, quia diuites potentes apud suos, & formidolosi apud hostes, optimi suarum ciuitatum custodes estimantur.

Ab effectis.

Resp. Fatendum est potentiam sæpe ex diuitijs nasci, sed sub indice est; an ista potentia maiorem ciuibus domi, quàm hostibus externis terrorem iniiciat. Ne ergò hoc malum latius in ciuitate serpat, lege prohibendum est ne multi Crassi in ciuitate uiuant.

Opp. Non solum res ardua est, sed planè qua fieri non potest, ut lege proportio diuitiarum cuius destinetur: ergò quisq; sibi est re-
linquendus.

Ab impossibili.

Resp. Res quidem impossibilis est proportionem arithmetica in usum pertrahere, at res perfacilis cuius est proportionem geometricam in ciuitate præscribere & obseruare.

Distinctio secundæ quæstionis.

An liceat auita patrimonia vendere?

Auita patri-
monia ven-
dere non li-
cet, quia

Natura dedit, ut grati simus.
Maiorum industria auxit, ut fortunati simus.
Iustitiæ regula hoc prohibet, ne ciuitati molesti simus.
Prouidentia id ipsum requirit, ne ipsi mendici & pot-
teris iniusti simus.

Opp. Quicquid est iure naturæ ac ciuitatis nostrum, à nobis iuste diuendi potest: Sed patrimonia sunt iure naturæ ac ciuitatis nostra: ergò iuste à nobis diuendi possunt.

Ab adiuncto.

Resp.

Patrimonij
vltus, possessio.

Resp. In patrimonij ut in alijs rebus duo spectantur, possessio & vltus: at vltus patrimoniorum non est ut venderentur, sed ut in illis non aliter quam in chyrographis sanguinis veluti sigillis ob signatis auorum ac parentum nostrorum imagines seruantur, nec non seruata posteritati in perpetuum religiose traderentur. Negamus ergo hoc ipsum aut iure naturæ aut iure recte administrata ciuitatis cui libet licere.

A testimonio.

Opp. In multis recte administratis ciuitatibus iura hereditaria licet vendere: ergo licet. Antecedens experientia docet.

Resp. Credo equidem in multis recte administratis ciuitatibus permitti & tolerari hoc malum, non autem præscribi & approbari: sic usura sapè permittitur sed non approbatur.

A legitimo.

Opp. Legibus istiusmodi pacta & contractus pro venditis patrimonij confirmantur: ergo venditio ipsa videtur esse legitima.

Resp. Ineffrenata libertas & profusio multorum has leges intulit non intentio ciuitatis: nam prospiciens iustitia inhibito hoc malo monstrum ingrassari, id est, vetitæ venditione patrimoniorum seditonem fore, lege permisit, non præscripsit; tolerauit ut malum, non definiuit ut iustum.

Distinctio tertie quæstionis.

An tempore pacis res militaris exerceri debeat?

Quod pacis tempore res militaris exerceri debeat probatur multifariam, nimirum

Temporis opportunitate.
Similitudine.
Ab incommodo.
Ab exemplo ut legenti apertè in suppositione patet.

Ab aduersis.

Opp. Res militaris perturbat pacem ciuitatis: ergo pacis tempore rem militarem exercere non licet. Antecedens probatur, quia nihil magis paci opponitur quam bellum, nihil quieti ciuitatis quam militum turba & contentio.

Bellū gerere,
Rem bellicam
exercere di-
uersa,

Resp. Aliud est rem bellicam exercere, aliud est bellum gerere: tempore pacis exercetur res bellica, non ut pax turbetur sed ut ciuitas ab hoste conseruetur: hac ergo militum turba non debet esse molesta, cum non inuadit sed defendit ciuitatem.

Opp.

Ab abusu.

Opp. Vltus arteq; pugnandi audaces & contentiosi efficiuntur homines, verendum ergo est ne seditiosi fiant: quod si contingat, res pub. maius periculum quam commodum ex hoc exercitio caperet.

Resp. Quamuis leuiuscula mali: umbra nos terrere non debet, nil boni acquiritur sine suspitione mali: at qui bonum negligit ut malum fugiat, male is agit ut honestè viuat. Respondeo ergo, licet vltus arteque pugnandi audaces & contentiosi plerumque efficiantur homines, non tamen in pace intermittendum esse hoc vtile opus, quia ex omissione maius periculum creatur ciuitati si hostis inuadat, quam possit ex contentione paucorum militum, quos leges & duces moderantur.

Dubium.

An opifices sint ciues?

DIC mihi, Mars inuictissimè, cur claudicantem Vulcanum à ciuitate pellis? An quia faber fuit? An Venerem tibi sociam quæris impudice, & virum Veneris ciuem fuisse negas? Iniuste. Rectius tu Alexander qui Apellem pictorem inter nobiles, & Policletum sculptorè inter ciues locari iubet. Nescio sanè quid de te dicā, docte Phaleas, qui opifices seruos non ciues, fæces populi non partes hinc affirmas. Diophantus Athenis id olim sanxit sed stultè: Epidamnus ciuitas illa hanc legem tulit; sed infortunatè: nam ille explosus ut exul, hæc tyrannide oppressa ut vrbs infelix perijt. Vis ut probem hanc tuam iniustam esse sententiam? Sic ergo breuiter disputo. Opifices nati sunt liberi, ergo ciues esse debent. Iterum. Opificibus sublati maxima pars ciuitatis cadit: ergo à libertate ciuitatis illos arcere non oportet. Adhuc, opifices onera reipub. maxime ferunt, ergo iniustum est si participes ciuitatis non fiant. Postremò, opifices non minus ad bonum ciuitatis tendunt quam milites: sed milites sunt ciues: ergo etiam opifices. Concludo igitur contra te Phaleas, omnes opifices non seruos sed ciues esse: eos verò tecum excludo, qui in sentinis & excrementis ciuitatis volutant, quiq; ex fordidulis & immundis fecibus tractandis ieiuna sua viscera

K

ra

Exod. 35.

ra ac intestina pascunt: hi enim ingenio minus valentes aut serui à naturâ, aut seruis proximi haberi indigni luce & theatro ciuitatis sunt, officijsq; gerendis penitus inepti: qui verò in sua arte excellunt, rude libertatis carere non debent: nam Philosophus Zeuxim, Apellem, Polycletum artifices sapientes vocat. Imò Deus Beselelem & Aoliam nobilissimos artifices ad tabernaculum fæderis, ad archam testimonij, ad propitiatorium, cunctaque vasa fingenda templi elegit.

Distinctio dubij.

Opifices ciues esse, probant	{	1	Authoritas maiorum, quæ sic instituit.
		2	Æquitas rerum, quæ sic postulat.
		3	Libertas naturæ, quæ sic requirit.
		4	Paucitas ciuium, si ciues non fiant.
		5	Calamitas ciuitatis, si lex prohibeat.

A definitione.
Arist. pol. 3.
cap. 1.

Opp. Omnes ciues participes consilij & dignitatis in ciuitate sunt: sed indecorum est opifices, qui in sordidis artibus versantur, participes consilij & dignitatis fieri: ergò absurdum est ut opifices inter ciues annumerentur.

Resp. Et si mechanica artes cum liberalibus comparatae sordida dicantur, non tamen sic sunt simpliciter & omnino, neq; idcirco artífices sunt à consilio & dignitate pellendi, quia res viliores tractant; nam Cincinnatus, Curius, Fabritius ararunt, Cato opus in agris egit.

A testimonio.

Opp. Arist. in cap. 3. lib. 3. negat opifices esse ciues: ergò non sunt.
Resp. Non negat simpliciter & absolute, sed hoc solum docet, quòd sordidi artifices ac mercenarij in omni reipub. constitutione, maxime in aristocratia non sint habendi ciues.

Ab adiunctis.

Opp. Consultatio acumen, dignitas experientiam postulat: sed opifices artibus suis intenti, neq; acumen ingenij neq; experientiam rerum habent: ergò opifices minus apti sunt ad ciuitatem.

Resp. Non requiritur ut omnis ciuis qui particeps est imperandi & consultandi (ut ait Arist.) sit ille quidem per se philosophus, satis est si consilium audiat, & ad publicum bonum in suis actionibus pro facultate contendat.

CAP.

CAP. VI.

An sacra deo offerentibus partem reipub. possidere liceat?

An iniuria, damnum, cades, tantum sub iudicium cadant?

An in benè administrata ciuitate summum debeat esse tribunal ad quod appellatio fiat?

An filij in bello occumbentium pro patria publicis sumptibus alerentur?

An meliore lege inuentâ, prior sit abolenda?



OVVS hic actus est nouaque scena, in qua primùm Hippodamus Milesius ille de ciuitate loquitur. Hic Hippodamus ut hoc loco docet Aristoteles, Euryphontis filius fuit, vir quidem rerum exquisitarum studio vsque adeò deditus, ut nonnullis curiosius & delicatius viuere putaretur. Attendite quid dicat, nam

aureis cicadis in capite, vesteque sumptuosa ornatus, iam in theatrum venit, octoque leges, quas ipse tulit, alta voce moreq; imperatorio profert. En ipse adest, silentio facto, ipsum loquentem audietis. Primùm ciuitatem ex decem milibus conflata in agricolas, artifices, militesq; diuidi mandamus. Secundò agrum ciuitatis in tres partes, nempe sacram, publicam, priuatam, diuidimus; easdemque sacerdotibus, propugnatoribus, agricolis, distribui & partiri volumus. Tertiò solum hæc tria iniuriam, damnum, & cædem, sub iudicium cadere existimamus. Quartò vnum supremum tribunal ad quod fiat appellatio in nostra ciuitate constituimus. Quintò, iudicibus priuatam consultationem negamus, ne fiat corruptio, illosque seorsim per tabulas ferre sententiam iubemus, ne vlla corruptionis habeatur suspicio. Sextò inuentores magnæ utilitatis in ciuitate honore ac præmio afficiendos esse iudicamus. Septimò liberos illorum qui pro reipub. in bello cadunt publicis sumptibus alendos esse cen-

De Hippodamo Milesio, eiusque legibus, & earum refutatio.

Leges Hippodami. 8.

K 2

semus

Refutatio.

Qui honorū
non sunt par-
ticipes, serui
sunt & seditio-
si: artifices sine
armis, sine a-
gris, agricolæ
inermes ho-
nores non
assequuntur:
ergo.

Vid Cic. pro
Roscio Co-
modo.

semus. Postremò magistratibus per populum electis curam rerum publicarum, perigrinarum, & earum quæ ad pupillos pertinent committimus & commendamus. His ordine auditis, foribus quasi ruptis furentius in campum prosilit Arist. aduersarium non aliter quàm leo prædam quærit: at postquam metu tanti hostis eum fugisse didicit, in legum tabulas, quas fortè Hippodamus in fuga perdidit, non secus quàm Ajax furiosus in oues Vlyssis innocentes rapitur. Ac primum in diuisione tradita hoc maximè reprehendit, quòd Hippodamus agricolis arma, artificibus & agros & arma dempsit. Si ita legem feras Hippodame (inquit) agricolas artificesque & armatorum seruos fecisse, & participes ciuitatis eos negasse, & spe omnium honorum ac magistratuum spoliasse, & denique eos ad odium ciuitatis impulisse videris: quæ omnia quàm iniusta, quàm periculosa sunt in ciuitate, tu ipse (si tantum sit tibi otium à tonsore & vestiario) poteris cogitare. In secunda diuisione agri scilicet in tres partes, id vehementius carpit quòd Hippodamus sacerdotes & milites (quibus partes agrorum dedit) ab ipsis agricolis in colenda terra omninò non distinguat: quippè (vt ait) non docet quis sacerdotum ac militum agros coleret; quòd si ipsi hoc facere cogantur, tum inter hos & illos paruum discrimen ponitur: Sin verò alij id curæ capebant, necesse est vt quarta pars ciuitatis ab his distincta tandem assignetur. De contumeliâ, damno & cæde eorumque tribunalibus nihil in textu videtur dicere Philosophus, neque de summo illo consensu seu prætorio, ad quod à cæteris fieret appellatio. Sed ab his dilapsus legem illam Hippodami de sentiendi iudicium per tabulas ferendis penitus tollendam censuit; nam perperam (inquit) sancitum est, vt causâ simpliciter intentatâ diuideretur sententia iudicium; hoc enim est iudicem arbitrum, & iudicium solùm arbitrium facere; nam in compromisso seu arbitrio hoc licet, at in iudicijs & tribunalibus non liceret, quippè hoc modò valde anceps & confusa, imò potiùs turbulenta & seditiosa erit causarum in ciuitate iudicatio, vt exemplo

emplo aperto debitoris & petitoris probat in textu. Legem de inuentoribus nouarum rerum in ciuitate ac de illorum præmio, plausibilem & speciosam appellat Philosophus, at si oppidò examinetur, plenam inquit periculis, plenam contumelijs esse inueniemus; præterquam quòd sine magna lite & negotio hoc fieri non possit, vt quisque rerum vtilium inuentor magnis honoribus remuneretur: ita periculosum est ne in remunerando aliqua demum innouatio vel saltè rerum mutatio fiat. Legem de liberis eorum qui in bello ceciderunt publicè alendis, nec non illam de magistratibus per populum eligendis, aut approbare aut leuius refutare videtur. Verùm quoniam in sexta lege de inuentoribus rerum nouarum suspecta fuit innouatio aut mutatio rerum, opportunè eam quæstionem vrget, An meliore lege inuentà vetus sit antiquanda? In vtramque partem primum disputat, docetque à similitudine artium & barbaricarum legum id ipsum licere: at in calce huius Cap. concludit contrarium, scilicet non licere. Ratio est, quia mutatis sæpè legibus ciues non assuescunt obedire præceptis ac institutis principum: frequens enim abrogatio legum obtemperandi enervat consuetudinem, neque est tantum commodi in mutatione legis, quantum damni in studio nouitatis: nam vt illa bonum ciuitatis intendit: ita hoc ouum scorpionis id est semen seditionis & inobedientiæ gignit. Quare antiquis legibus nouas surrogare, est vim, robur, ac maiestatem legibus adimere. Sed hætenus de summa eorum quæ in hoc Capite tractantur: nunc restat vt de quæstionibus propositis ordine disputemus. Prima est, An sacra facientibus pars aliqua reipub. debeatur? Religiosus & sanctus es Hippodame, qui vnâ portionem terræ sacram, deiq; ministris consecratam esse volueris: in hoc Atheismum fugis, quòd Dei curam geras. Sed, proh dolor, in quam ætatem mundi? In quos mores incidimus? Vbi Numa Pompilius, qui tot Romæ augurum Collegia? Vbi Constantinus, qui tot sacra gymnasia struxit? Vbi Theodosius, qui tot vetustigia? Vbi Iustinianus, qui tot priuilegia dedit? Sed hist. Ecclesi.

K 3

velum

Mutare remp.
periculosum.

Quæstio 5.

Abrogatio
legū enervat
rempub.

Quæstio 1.

Eusebius in

Religio diuitias peperit.

Pro agro sacro argumenta.

1. Ab exemplo.

2. A præmio.

Sacerdotes nullo rerum caducarum visco caperentur.

3. A comparatione.

4. Ab efficiēte.

velum coloribus obduco meis, ne se multi nigro carbone in his tabulis notatos videant: illos, illos inuuo qui spolijs ecclesiarum & sacrilegijs ditati, sacerdotibus victum, ecclesiarum censum, pauperibus, viduis & orbatis cibum, ignorantibus veritatis lucem, desperantibus salutis anchoram sustulerunt. Sed quid miror? Religio diuitias peperit, & filia deuorauit matrem. Verum quoniam hoc loco rationes & rerum causas querimus, rem de qua agimus argumentis quibusdam probare conabimur. Primum ab antiqua consuetudine & exemplo maiorum ducitur, qui semper id curæ habuerunt religionis, ut sacra facientibus omnia necessaria suppeditarint, imò certas easdemque non minimas reipublicæ partes concesserint: sic olim Egyptij, ut Trimi-gist. sic Lacedæmonij, ut Diogenes Laertius; sic Romani, ut Titus Liuius; sic omnes ac singule penè gentes, ut vniuersi historici scribunt, fecisse dicuntur. Secundum argumentum à proprio & præmio virtutis petitur, nimirum quod maximè studiosis virtutis amplissima bona fortunæ debeantur: sed sacra facientes maximè sunt studiosi virtutis, aut saltem esse debent: ergò sacra facientibus amplissima fortunæ bona debentur. Propositio est Aristotelis in Ethicorum primo, ubi probat opes, honores, cæteraque fortunæ bona bonis animi subijci & famulari, eademque solum in signum virtutis ac pietatis attribui debere. Assumptio nota est. Nam sacerdotes à turba populi ideò selecti & segregati sunt, ut nullo rerum caducarum visco capti, nulla turpitudinis pice coinquinati, liberiùs sanctiusque Deo pro se & alijs subseruirent. Tertium argumentum quo utar est à comparatione minoris ad maius, quippè si milites, artifices, agricolæ, qui gladio, malleo, ligone suum opus agunt, partem ciuitatis vendicent, quantò magis sacerdotes, qui tantum res sacras tractant, externis rebus ad contemplationis quietem datis circumfluerent? Præterea quoniam Deus est dator bonorum omnium, quæ homini in vsum vitæ conceduntur, esset quidem homo (ut ait Pythagoras) omnium animantium ingratus, si nihil Deo reddere

reddere conaretur; at Deus his rebus per suos ministros ad augendam pietatem, ad inopiam subleuandam, aliaque sexcenta bona promouenda vtitur; consentaneum ergo est ut si Deo grati esse velimus, Dei ministris partem ciuitatis non negeimus. Aliud hinc argumentum à diuino testimonio hauriri potest, ubi præcipit ac præscribit Deus ut filij Israel Leuitis de possessionibus suis multa concederent. Postremò à fine ciuitatis sic ratiocinari licet, quod verè beata respublica esse non possit, si tales in ea viri honorificè non tractentur, qui ciues à caducis ad æterna, ab humanis ad diuina, ab vndis lapsuræ voluptatis ad portum sempiternæ salutis pertrahant. Sed video orationem hanc meam in immensum fluere, ad alteram ergò iam quæstionem venio, quæ est, An solum iniuria, damnum & cædes sub iudicium cadant? Rem verbo peragam. Omnia flagitiosa ad iudicem delata, sunt aut voluntaria, aut non voluntaria; illa sunt vel simpliciter & omnino talia, ut furtum facere, adulterari; vel mixta, ut metu maioris mali conscientiam perstringere: hæc nempe non voluntaria iterum in violenta & inuita à Philosopho quinto Ethicorum partita sunt; quorum alia aperta, alia clandestina dicuntur, sed ista omnia sub his tribus continentur: ergò omnia quæ in iudicium cadunt, ad hæc tria capita reuocantur. Animaduertendum ergò est quod hoc loco capita scelerum in genere, non ipsa scelera in specie demonstramus. Nam si voluntaria sint, iniuriam; si non voluntaria, damnum aut cædem denotant. Præterea omnia scelera ciuitatis respiciunt aut contumeliam ciuium, quæ ad iniuriam; aut dispendium rerum, quæ ad damnum; aut nocumentum personarum, quæ ad cædem referuntur: Sapienter ergò Hippodamus tria in ciuitate tribu-nalia statuit in quibus distinctè omnes lites & controuersiarum ciuium definiantur. Sed ad tertiam festino quæstionem, quæ est, An summum debeat esse in ciuitate tribunal ad quod à cæteris fiat appellatio? Inter multa quæ præclare ab Hippodamo hoc loco docentur, illud mihi quidem inprimis videtur vtile, quod in rectè administrata ciuitate

5. à testimonio.

Num. 35.

6. à fine.

Quæstio secunda.

Crimina voluntaria, aut non voluntaria, mixta.

Scelera ad Contumeliā, Dispendium, Nocumentum.

Requiruntur
in iudicijs,
Iudicis graui-
tas, Legis au-
thoritas, Litis
experientia,
Mentis con-
stantia.

Pro appellati-
one rationes.
1. A proporti-
one.

2. Ab incōmo-
do.

3. A testimo-
nio.

vnū summū crexerit tribunal, ad quod vt ad sacram anchoram & asylum à corruptis, indoctis, maleuē affectis iudicibus confugiamus. In hoc tribunali grauissimos, iustissimos, prudentissimosque senes collocauit, qui ad sedem sine pompa, ad causam sine fraude, ad sententiam sine motu & ardore animi accederent. Nam quatuor (vt docent Philosophi) illustre iudicium reddunt, grauitas iudicis, auctoritas legis, experientia litis, constantia mentis; grauitas iudicis, quia aliter suspicio leuitatis nocet; auctoritas legis, quia aliter suspicio corruptionis nocet; experientia litis, ne ignorantia lædat; constantia mentis, vt non affectio sed sola iustitia in iudicio vincat. Cæterum quid ago? De summo tribunali hoc loco agitur. Credo equidem neminem repugnaturum sententiæ Hippodami: at si repugnes, sic tecum à loco proportionis disputo. Sicut in regno est vna persona simpliciter superior reliquis, ita consentaneum est, vt sit vnum tribunal quod tantę auctoritati adæquetur: sed est in regno vna persona simpliciter superior reliquis, itaq; consentaneum est vt sit vnum tribunal quod summam maiestatem habeat. Quid negas in hac demonstratione? Si maiorem, vide quid agas. Nam aureum sceptrum regibus, id est, summam potestatem negas: quippè dic mihi quomodo rex inter iudices summus dicatur, si amplissimum non habeat forum, in quo corruptas sententias aliorum iudicum aut reuocet, aut moderetur? Præterea ab incommodis, quæ sequuntur in ciuitate, deficiente hac curiâ, sic etiam arguo. Omnia damna omnesque iniuriæ à quocunque illatę resarciri debent in recte administrata ciuitate, sed hoc fieri non potest sine summo tribunali: ergo necesse est vt summum tribunal in quauis recte administrata ciuitate detur. Assumptionem probo, quia subditi damna & iniurias à principibus viris, imò sæpè ab ipsis regibus patiuntur; quæ quidem tolli non possunt, si summa curia non detur, in qua ciuitatis vocem reges sua sponte audiant, nec non legibus (quas ipsi tulerint) reuerenter obediant. Argumentum à lege diuina haustum hoc loco non vrgeo; quam-

quamuis expressis verbis id probat quod nunc defenditur, sic enim dominus ad Moysen loquitur. Prouideas de plebe viros prudentes & timentes dominum, in quibus est veritas, & qui oderunt auaritiam, & constitue ex eis tribunal & centuriones, quinquagenarios & decanos, qui iudicent populum omni tempore: quicquid autem maius fuerit, referent ad te, & minora iudicabunt. Huc etiam illud spectat, quod Paulus à Festo iudice ad Cæsarem appellauerit. Porro quid respondes ad illud argumentum, quod hoc modo à comparatis ducitur? In homine (qui parua est quasi ciuitas & minor mundus) aliud est forum mentis quod inferius, aliud conscientię quod superius dicitur: in illo ratio at cum affectu, in hoc sola iustitia moderatrix sedet; ab illo si affectus lædat fit appellatio, ab hoc verò nunquam. His positis & concessis sequitur quod in magna ciuitate par tribunalium & iudiciorum ratio haberi debeat. Exempla optimarum rerum publicarum hoc ipsum vsu & lege comprobantium non adfero; illud postremo in loco quasi in suppetijs habeo, nihil in florenti repub. desiderari debere, quod ciuitatem honorificam reddat: sed augustissimum principum tribunal ciuitatem honorificam reddit; ergò augustissimum principum tribunal desiderari non debet. Maior constat. Minor probatur, quia nihil augustius, nihil honorificentius in ciuitate habetur, quam vt Cæsar maiestate summus, lex quasi loquens & ius animatum fiat. Quarta iam quæstio suo ordine & loco sequitur, quæ est, An iniusto bello morientium filij sint publicis alendi sumptibus? Hanc legem Hippodami, Athenienses olim, Macedones, Lacedæmonij, aliæque antiquissimæ gentes religiosè coluerunt, quorum vestigia in hac re vtinam sequeremur: tunc sanè tot erronei, tot mutilati, tot miseri & mendici à Marte in crucem non tollerentur: sed quod deplorandum est, consenuit hic vsus, tenerrimaque hæc cura militum extincta iacet. Verum cum hoc loco non quid fiat, sed quid fieri debeat perscrutemur, paucis hinc argumentis rem necessariam esse in beata ciuitate suademus, vt illorum filij, qui in prælio pro ciuitate cadunt, ciuitatis

Exod. cap.

18.

“

“

“

“

“

Astor. 25.

4. A compara-

tis.

In homine

forum Mentis.

Conscientiæ.

5. Ab adiun-

cto.

4. Quæstio.

Lex Pisistrati.

Plut. in Solon.

Pro militum
liberis publicè
alendis argu-
menta.

1. Ab obiecto.
2. Ab effectis.

3. A fine.
Prosopopœia
militantium.

4. Ab effectis.

5. Quæstio.

Lex Diuina,
Humana, Na-
turalis.

Humanæ le-
gis conditio-
nes.

tis sumptibus alantur. Mors bellica (vt docet Arist.) est obiectum fortitudinis: quid ita? Non vt morientes in bello palmam amittant, sed vt perenne nomen in posteris retineant: at qui hoc fieri potest, si fortium liberi miseriam sentiant? Si Hectoris & Achillis filij mendici fiant? Præterea cum patria morte suorum ciuium pro se bellantium viuatur, ingrata profectò esset si occisorum filios inopiâ perire sinat. Quare si ciuitas grata esse aut videri velit, necesse est vt propugnatorum tuorum liberos miseriam premi non patiatur. Adhuc duplici animo & duplicatis (vt aiunt) viribus aggrediuntur hostem, qui hoc dilemmate in militiam veniunt. Esto, si viuamus, patria nos colet, si moriamur familiam alet, pugnemus ergò fortiter, alacriter irruamus in hostem: nam honor vitam, posterorum amor nostram mortem sequitur. Postremò hic vsus ciues fideles reddit, pacem conseruat, hostem pellit. Quis ergò hanc legem Hippodami non approbandam censet? Accedo nunc tandem ad vltimam thesin istius cap. quæ est, An lege meliori inuentâ prior sit abroganda? In aliud tempus magis proprium (vt in calce huius tractationis docet Philosophus) reseruari debet hæc quæstio; veruntamen quoniam vltro citroque hic adducuntur argumenta, abs re non erit sigillum tabulæ imprimere & sententiæ Aristotelis interpretationem adhibere. Lex secundum Philosophos triplex est; diuina, humana, naturalis. Diuina est æterna & incommutabilis ratio, quâ Deus omnium author omnia & singula ad bona secundum prouidentiam suam ac voluntatem dirigit, disponit, moderatur. Naturalis verò est quædam huius diuinæ legis participatio, quæ ordine ad bonum nature tendit, quæque aliter ac est assuescere non potest. Humana denique est rationis ordinatio ad bonum commune ab eo qui curam ciuitatis habet edita & promulgata: huius conditiones sunt vt sit iusta, possibilis, secundum naturam & consuetudinem patriæ, loco ac tempori conueniens, necessaria, utilis, aperta, non priuato commodo, sed totius ciuitatis vsu bonoque præscripta. De hac non

de

de illis hoc loco ab Aristotele disputatur, nam illæ fixæ, firmæ & immutabiles manent, quippè Dei voluntas est causa prima; ancilla Dei nempe natura, vires secundæ dedit, at Deus non mutatur, neque natura fallitur: homo verò qui tertiam finxit, errat sæpè, cui mens cæca; ratio infirma, voluntas anceps & semper incerta fuit. Lex ergò humana quodammodo mutari & non mutari potest: mutari si magna mutandi urgeat necessitas, non mutari si ex mutatione seditionis tempestas sequatur. Quòd mutari possit sic primùm à causa probo. Principium legis humanæ est mutabile: ergò lex ipsa mutari potest. Antecedens constat, quia voluntas hominis est causa legis: at voluntas hominis anceps & infirma est. 2. à simili hoc ipsum probatur; quia vt fit in artibus: ita in legibus fieri potest: sed in artibus mutatio sæpè est necessaria utpote in medicina & gymnasticâ: ergò in legibus fieri potest mutatio. 3. ab absurdo sic ratiocinari possum. Si mutare leges non liceret, tum semper antiquæ leges moresque viuerent: sed hoc est valdè absurdum: ergo mutare leges aliquando licet. Minor probatur in textu exemplo stultissimarum legum de gestandis gladijs & emendis vxoribus, quæ à maioribus antiquis tradebantur. Stultum enim esset (vt hic docetur) primorum hominum nunc leges admittere, cum illi quasi terræ filij nullum rerum vsum, nullam experientiam habentes easdem insulse condiderint. His addo rationem vnâ à necessario, quòd mutatio morum sit causa mutandi legum: sed sæpe mores ciuitatis mutantur: ergo etiam & leges mutari possunt. At dicet hic aliquis, quòd Arist. in calce istius cap. contrarium doceat, nec non aliquibus ex istis argumentis respondeat. Huic dico quòd Philosophus non omninò & absolutè leges immutabiles esse contèdat, sed hoc vult vt rarissimè & non nisi maximis iustissimisq; de causis legum mutatio fiat. Ratio est, quia leges humanæ, causam à principe, & robur à consuetudine habent: at frequens mutatio legum & principem contemni & instituta ciuitatis violari facit: sequitur ergò quòd legum alteratio rarissima esse debeat.

Quare

Deus non
mutatur, natu-
ra non fal-
litur.

Pro mutatio-
ne legum
arguenta.

1. Ab efficiēte.
2. A simili.
Vide Isocra. in
Euagora.
3. Ab absurdo.

Plat. in Me-
none.
Vid. Thuci-
di. in proæ-
mio historiæ.
Plat. 3. de legi-
bus.

4. A necessa-
rio.

Contra mu-
tationem le-
gum.

Quare etsi præscribat ratio, ut melioribus inuentis antiquiores à tabulis ciuitatis dispungantur, si tamen consensus populi in hac re non sit, cicatricem potius ferendam esse docemus, quàm nouum & lethale vulnus faciendum. Nam quauis posteriora cogitata hominum meliora sint prioribus, non tamen sunt illa statim ac temerè admittenda. Nam ut consuetudo veterum facillè non amittitur: ita usus nouarum rerum haud facillè approbatur, imò plena periculis, plena procellis est omnis rerum in ciuitate commutatio. Si ergò meliore lege inuentà veterem discipias abradere, cautè, sensim, ac prudenter te geras. Nam ut in corpore victus mutatio morbū, si sit subitanea: ita in ciuitate legis mutatio malum, si sit inconsiderata, gignit.

Distinctio primæ quæstionis.

An sacra facientibus aliqua pars reipub. debeat?

Partem reipub. de- beri sacra facienti- bus probant	}	1	Antiquitas, quæ illis multa concessit.
		2	Dignitas in illis virtutis, quæ eisdem fortunam subiectam fecit.
		3	Excellentia officij, quæ idipsum requirit.
		4	Prouidentia Dei, qui suos ministros non neglexit.
		5	Authoritas verbi, quod hoc ipsum iubet.
		6	Fælicitas ciuitatis, quæ summam sanctorum curam habere debet.

A coniugatis. Opp. Sacerdotes non sunt partes ciuitatis: ergo partem ciuitatis possidere non debent. Antecedens probatur, quia illorum vita in sola contemplatione consistit, at ciuitas ex illis solum constat qui in actione versantur, hinc ciues politici non theorici dicuntur. Argumentum tenet, quia possessiones ciuitatis solum ciuibus debentur.

Resp. Quamuis apud Iudeo. lege diuinā quadam ciuitates ac possessiones destinatae fuerint in usum perpetuum Levitarum, quas illorum filij iure hereditario vendicarent: Mutata tamen nunc forma ciuitatis non hereditates & patrimonia, sed satis amplas facultates & beneficia illis deberi existimamus, & sic deberi, ut iure ciuitatis tanquam sua sine ulla lite & molestia teneant. Nam quod semel est consecratum Deo, in humanum usum conuerti non debet. Respondeo igitur, quamuis non sint in omni foro politico ciues, sunt tamen

Iure canonico.

tamen secundum philosophiam meliores ciuibus, nec non partem ciuitatis merentur, quoniam in arce pietatis excubias pro ciuitate agunt.

Opp. Vera rerum diuinarum contemplatio, rerumq; humanarum possessio inter se opponuntur: ergò sacerdotes rerum diuinarum contemplationi astricti rerum humanarum possessioni mancipari non debent. Antecedens probatur, quia contemplatio perpetuam quietem querit, at res sollicita est rerum possessio, multumq; animū humanum distrahit ac perturbat.

Resp. Possessio & contemplatio simpliciter non opponuntur, cura tamen possessionis quieti contemplationis opponitur. Alio ergò modo theorici, alio modo politici possessiones tenent: illi ne sint supra modum solliciti circa res quæ mūdi sunt, hi verò ut rerum acervis collectis, suis posteris benefici & gratiosi fiant; illi ut sine cura sibi debitis, hi ut sudore & industriā comparatis gaudeant.

Distinctio secundæ quæstionis.

An iniuria, damnum, cædes, tantum sub iudicium cadant?

Omnia flagitia sunt vel contra	}	Primam tabulam, quæ in Deum fiunt, de quibus hinc non agitur.	
		Secundam tabulam, quæ respi- ciunt vel	Famam ciuis, vnde nominis detractio seu contumelia.
			Rem ciuis, vnde damnum & possessio- num iactura. Vitam, vnde cædes & homicidium nascitur.

Opp. Plurima sunt vitia morum quæ sub his non continentur: ergo inepta est hæc flagitiorum distributio. Antecedens probatur ab inductione timoris & audacia quæ fortitudini, prodigalitati & auaritia quæ liberalitati, aliorumq; extremorum quæ alijs medijs opponuntur, quippe istorum nullum contumelia, damnum, aut homicidium dici potest.

Resp. In vitijs morum considerantur duo, habitus & actus: habitus deprauationem voluntatis respicit, actus sententiā iudicis requirit; quoad habitum sub hac tria tribunalia vitia morum non cadunt, at quoad actum cadunt. Exempli causa. Actus auaritia cum iniuria, actus prodigalitati cum dispendio coniungitur.

Opp. Crassa ignorantia peccatum esse definitur. Sed crassa ignorantia

A distributio-
ne ab effectis.

In morum vi-
tijs spectan-
tur duo, Habi-
tus, Actus.

Ab instantia,

rantia, nec iniuria, nec damnum, nec cades dicitur: ergo est aliquod civile peccatum quod sub his non continetur.

Resp. Crassa ignorantia consideratur bifariam, aut absolute in se, & sic proprie sub his non comprehenditur; aut comparate, respectu sceleris quod per ignorantiam committitur, & sic continetur.

Distinctio tertie questionis.

An summum debeat esse tribunal ad quod fiat appellatio?

Quod summum debeat esse in ciuitate tribunal, ad quod fiat appellatio, probant	1	Maiestas regis, quæ sedem iudici sibi æquiualem postulat.
	2	Iusta administratio ciuitatis, quæ aliter summas lites non absoluit.
	3	Testimonium diuinæ legis, quæ id ipsum requirit.
	4	Similitudo in alijs rebus, quæ in quouis cætu ac ordine vnum summum habent.
	5	Exempla nationum, quæ hanc consuetudinem obseruant.
	6	Beatitudo ciuium, qui hoc modo in pace viuunt.

Ab effectu.

Opp. Quicquid est causa contemptus non debet admitti in ciuitate: sed summum tribunal est causa contemptus: ergo admitti non debet in ciuitate. Maior constat. Minor probatur, quia hoc cognito, quod liceat appellare, inferiores indices contemptui erunt.

Resp. Appellatio in quavis causâ licita non est, sed cum iniqua censura innocentem premat: non est ergo causa contemptus sed timoris, non contentionis sed quietis: nam hoc asylum his solum patet, qui grauamine iudicum vulnerantur.

Opp. Contingit sæpè ut reges iniurias damnaq; inferant subditis, at constituto summo tribunali à regibus ad illud fieri non potest appellatio: ergo frustra in salutem ciuium istiusmodi constituitur. Maior patet. Minor confirmatur, quia reges sunt soluti legibus, neq; alium in regno iudicem aut moderatorem habent, sunt enim ipsi summi.

Resp. Si subditi furentius à rege iniurijs aut damnis vulnerentur, possunt ad hanc curiam appellare. Nam quamuis teneatur hoc forum auctoritate regis, imperium tamen introducitur pro utilitate

tate communitatis: Reges enim iurati sunt in salutem, non in perniciem suorum ciuium.

Distinctio quartæ questionis.

An filij mortuorum in bello publicis sumptibus ciuitatis sint alendi?

Filij occumbentium in bello pro patria sunt publico ærario alendi, ne	{	Pereat mortis bellicæ memoria.
		Sequatur inde multorum miseria.
		Languescat militaris scientia.
		Augeatur hostis audacia.

Opp. Est cuiusvis officium pugnare & mori pro patria: ergo ex merito nemo tantum beneficium vendicare debet. Antecedens patet, quia patria est communis parens omnium. Minor probatur, quia pugnare aut mori pro patria non meritum sed debitum haberi debet.

Resp. Bifariam huic argumento respondetur, vel quod patria non meritum pugnantis sed magnificentiam & honorem ciuitatis respiciat, vel quod pereuntes in bello hoc ipsum mercantur. Nam si ciuitatis vitam, quæ est maximum beneficium naturæ, restituere non potest, æquitas postulat ut superstiti familia grata esse videatur. Præterea cum meritum non à facto quod finitur tempore, sed à voluntate dependet, cumq; voluntas vnius ciuis infinita sit in conseruandâ patriâ, curam posteritatis non tam ex fauore quàm ex merito exigi & requiri posse existimamus.

Opp. Nihil fieri debet in ciuitate quod periculum & damnum ciuitati adfert: sed liberos occumbentium in bello alere, periculum & damnum ciuitati adfert: ergo fieri non debet. Minor probatur, quia spe tanti beneficij istorum filij otiosi erunt, nec non in ijs alendis (si illorum turba sit infinitior) opes ciuitatis exhaurientur.

Opp. Ciuitas nec ingrata est, nec improvida, sic ergo istis confert beneficium, ut omne fugiat & declinet periculum: non enim hoc premium proponit ut sine omni studio ac cura viuatur, sed ut secundum ordinem ac leges viuentes parentum vestigia imitemur.

Distinctio

Distinctio quintæ quæstionis.

An meliore lege inuentâ prior sit abroganda?

Ad mutatio-
nem legum
requisita.

Legum
alix

Diuinæ, quæ Deum
Naturales, quæ naturam

Suam causam habent, quæ
que mutari non possunt.

Humanæ, quæ muta-
ri quidē possunt ob cau-
sas superius allatas, sed
in mutatione debent
considerari quatuor,

1 Diuturna consultatio,
2 Morum consuetudo,
3 Veterum legum observatio,
4 Populi inclinatio, nec non si
mutes eiusdē plena consensio.

Ab authorita-
te.

Opp. *Aristoteles defendit leges non esse mutandas, ergo malè hîc
defenditur contrarium.*

Resp. *Non defendit omninò leges non esse mutandas: sed rem ad-
modum periculosam esse ostendit veteres leges antiquari, earumq;
loco novas substituere: si ergo mala quæ eueniunt ex antiqua lege,
non sunt longè maxima, non statim tollenda est, ne innoatio tumult-
um concitet.*

Ab effectis.

Opp. *Maiores olim multas leges admodum absurdas & barba-
ras condiderunt, quas mutare necessario cogimur: ergo non est peri-
culosum veteres leges abrogare. Antecedens est Arist. in textu.*

Vide Isocrat.
in Euag. &
Paneg.

Resp. *Concedimus absurdas leges & barbaricas esse quidem,
extirpandas, sed paulatim idq; cum consensu populi. Nam aliter
plus noceret mala plebis consuetudo, quàm bona legis recens com-
mutatio.*

Dubium capitis.

*An melius sit viuâ voce quàm scriptâ tabulâ indicem in foro
sententiam ferre?*

Pro viuâ voce.

Nimis suspiciosus vel potius superstitiosus es Hippoda-
me, qui Soloni & Lycurgo vocem & linguam negas.
Aristides in foro non corrumpitur, Scauola in iudicio affe-
ctibus non vincitur; melius est ergo viuâ voce ad terrorem
iudicis, quàm scriptâ tabulâ ob timorem corruptionis, sen-
tentiam in senatu aut tribunali ferri. Scrutinium hoc tuum
suspicionem, calculis sententiam ferre seditionem alit; ve-
ritas

ritas nuda est, apertè iustitia loquitur; lex voce non caret,
cur ergo legis interpretem silere in tribunali iubes? Sed pun-
ctis ago. Viua vox iudicis maiorem timorem incutit quàm
tabula cōscripta: ergo in foro melius est viuâ voce sententi-
am ferre. Præterea veritas angulos non quærit, cur ergo æ-
quitas (veritatis comes) incertos calculos postulet? Porro
iudex est publica persona ciuitatis, tribunal in quo sedet est
oraculum iustitiæ, lex norma est & moderatrix curiæ: sed hæc
omnia iudicis sanctam & solemnem requirunt vocem: non
ergo sub pallio & silentio in senatu aut foro ageretur. Postre-
mò tabula occulta incertum potius arbitrium quàm certum
ac definitum iudicium facit, sequitur ergo celebrem vocem
iudicis in definiendis litibus ciuitatis necessariò requiri. Omit-
to hîc vsum omnium rectè administratarum ciuitatum, quæ
hâc laudabilem semper tenuerunt consuetudinem, vt palam
non occultè iudices sententias loquerentur.

Meliùs viuâ voce
quàm scriptâ tabulâ
sententia in iudicio
fertur propter

Maiorem timorē iudicis,
Maiorē reuerentiâ legis,
Honorem ciuitatis,
Celebritatē tribunalis,

Quæ omnia nō in
tenebris sed in luce
hominum iudicia
tractari postulant.

Opp. *Scriptis sententiam ferre ob duas causas videtur esse me-
lius, & quia maiorem inicit metum iudicibus, ne inique iudicantes
ignominia apud posteros laborent, & quia scripta tabula maiorem
deliberationem quàm vox viuâ habet: sequitur ergo quod melius
sit per scriptam tabulam quàm per vocem in iudicijs senten-
tiam tradere.*

Resp. *Cause hæc duæ pondus ac momentum rationum quæ modò
adductæ sunt haud labefactant. Nam ad reuerentiâ legis plus me-
tus populi quàm iudicis requiritur. Præterea nescio an maioris odium
vox iniqua quàm tabula iniusta concitet. Postremò negamus ma-
iorem deliberationem ad scriptam tabulam quàm ad viuam vocem
requiri: cum deliberatio sit multorum de rebus incertis consultati-
um, quàm Hippodamus iudicibus pernegauit.*

Opp. *Res maiores ciuitatis scrutinio & tabulis aguntur: vt ele-
ctiones magistratum in multis locis: ergo absurdum non est iudici-
um eodem modo ferri.*

Resp. *Iudicij & electionis non est par ratio. Nam in iudicio vo-*

L

cem

1. Ab effectio:

2. A Pari.

3. A persona
iudicis.

4. A contrario.
Ab exemplo.

Ab adiuncto.

A pari.

cem unus iudicis, in electione vocem ciuitatis audire oportet. Cum ergo multitudo confuse loquitur, distincte unus; melius est ut electio scriptis ad evitandam confusionem fiat; iudicium verò quod ab uno aut saltem paucis dependet, multo melius aperte quam occulte, voce quam scripto traditur.

CAP. VII.


An serui indulgentius vel asperius, in ciuitate tractari debeant?

An tutius diuites quam pauperes in magistratum elegantur?

An ad reddendam officij rationem impelli debeat magistratus?

An aliquis cogi possit ad magistratum?

In Spartana rep. reprehenduntur multa.



VICTORIA in paucos animatus Philosophorum Hector in turbam confidentius irruit. Non diutius in Socratem & Platonem, non amplius in Phileam & Hippodamum, sed his deuictis in magnas ciuitates intonat. Lacedæmonem, Cretam, Carthaginem, aliasque gentes nonnullas à pace ad bellum, à menibus ad arma urget. Et quoniam Lacedæmonij omnium & sapientiâ & fortitudine amplissimi habebantur, cum illis in prima acie configere & concertare gestit. Illos ergo alta voce in Martem euocat, illorum ciuitatem multis maculis dedecorat & aspergit, illorum leges ineptas, ordines peruersos, magistratus iniustos, mores dissolutos, iniquas consuetudines, totam denique administrandi formam inconsideratam esse concludit; hæc omnia tam perspicua ac dilucida sunt in textu, ut radios soli videamur addere, si longiore verborum gyro uteremur: ad certa ergo capita omnia in hoc certamine comprehensa deducemus, propositasque quæstiones (ut ordine occurrunt) fusi paulò pertractabimus. Summatim in hoc tractatu decem reprehendit Aristoteles, seruitium Lacedæmoniorum, licentiam vitæ, diuisionem rerum, magistratum, senatoriam dignitatem

10. in repub. Lacedæmoniorum redarguuntur.

nitatem, regnum, conuiuia, præfecturam nauium, syntaxim legum, ærarij inopiam. Postquam igitur in fronte istius refutationis duo proposuerit, alterum ut in examinanda administratione aliarum ciuitatum sedulo quæramus, quid sit optimè legibus constitutum, alterum quid moribus obseruatum: ad illud accedit quod nunc tractamus; An serui indulgentius an asperius in ciuitate tractari debeant; conclusio hæc prima sic se habet. Inutile est seruos in repub. constitucere, & legem quâ ad obediendum intigentur negligere: sed sic suos seruos habuerunt Lacedæmonij: ergo iure in hoc reprehendi debent. Maior probatur, quia deficiente lege quâ coerceantur, procliuēs serui ad seditionem fiunt, nec non facile aduersis casibus ciuitatis insidiantes imminēt. Minor constat ab exemplis Elotarum, qui in ipsos Lacedæmonios, & Penestiarum, qui in Thessalos sæpissime conspirarunt, Næsi finitimi sint infesti (ut Lacedæmonijs Argiui, Messenij, Arcades; ut Thessalis Achiui, Perræbi, Magnesij fuerunt) facile alliciuntur serui in suos dominos perniciem machinari, suasque dextras in patriam hostibus porrigere. Nam ut liberale ingenium libertatem: ita seruale licentiam quærit. Epiphonema ergo illud verissimum est quo utitur Philosophus, nempe quod magni negotij sit legem quâ seruos in officio contineas inuenire; nam si cum eis clementius agas, petulanter & dissolutè viuunt; si verò asperius, in dominos crudeles insidias moluntur: cæterum grauiore iugo potius premi, quàm rude (ut aiunt) donari (meâ quidem opinione) debent. Hoc autem probo à natura seruitutis, à simili, ab exemplo, ab usu politicorum principum, ab inutili vel potius periculo si hoc non fiat. A natura seruitutis, quæ requirit ut serui dominorum potestati ac imperio subijciantur, quod quidem commodè fieri non potest, si ferrum seueritatis aliquandò non sentiant, imò si Draconis legem sanguine conscriptam perpetuò non reformident. Verum certè est illud, Familiaritas contemptum, seueritas reuerentiam parit. A simili, quia ut feræ edomari non possunt, si verbera non timeant: ita serui contumaces efficiuntur, si iugum non ferant. Ab exemplo nem-

Quæstio prima.

Heloræ Lacedæmonijs, Penestæ Thessalis, Pericæi Cretensibus serui erant. Illi duo sæpe defecerunt, isti seruauerunt fidem.

Serui tractari debent seuerius.

1. A natura seruitutis.

2. A simili.

3. Ab exemplo.

Iustin.lib.2.

4. ab usu.

5. a periculo.

Iuuenal.

Secunda re-
prehensio.
Plut.in Agid.
& Cleomene.
Plat.polit.5.Pelius Mene-
lao apud Eu-
rip.in Andro-
macha.
Iustin.lib.3.Venus mar-
tem inermem
reddit.
Homer. Ouid.
& Lucret.
Vt de Celtis
Arist. hoc loco
& Athenæus
lib.13.

pè Scytharum, qui diutius absentes reuerſi tandem rebelles suos seruos inuenerunt, quos demùm non verbis sed verberibus, non gladijs sed virgis superasse dicuntur. Ab usu politicorum principum, qui legibus olim statuerunt vt serui metu potius quàm lenitate ad officium cogerentur: sic olim Romani Cæsares barbaricas gentes, sic olim Britanni principes vicinas nationes, sic olim sapientes procures dociles ad seditionem seruos diutissimè in officio tenuerunt. A periculo, quia sine frænis peruersa natura serui in audaciâ, audacia in seditionem, seditio in interitû ciuitatis tendet. Sapienter ille:

Asperius misero nihil est cum surgit in altum.

Da vela furiosis fluctibus, mirum est si non subsidat nauis; ciuitas tuta non est in qua mancipia regnant: seruos ergo, vt seruos tractare oportet, non vt laxatis habenis insolescant, sed vt retractis officiosè & moderatè viuant. Secunda conclusio istius capitis est in qua legislator Lacedæmoniorum carpitur, quod nullâ lege fæminas ad decorum vitæ ac castitatem in ea ciuitate astrinxerit. Fæminæ enim Lacedæmoniorum ad omne intemperantiæ ac libidinis genus solutæ ac effusæ fuerunt. Nam, vt refert Trogus Pompeius, cum decem continuos annos in obsidione Messenæ (ob suas virgines in Messeniorum conuiuio stupratas) à suis laribus & focis abfuerunt Lacedæmonij, illorum fæminæ tam turpiter, tam libidinosè vixerunt, vt mirum non sit si Lycurgus, quasi desperans de illarum candore & honestate, nullam omninò legem de illis tulerit; sed inconsideratè hoc factum fuisse probat Philosophus, idq; hac ratione. In qua ciuitate multitudo fæminarum malè se habet, ea pro dimidia parte est malè instituta: at Lacedæmone multitudo fæminarum malè se habet: Lacedæmon ergo pro dimidia parte est malè instituta. Propositionem experientia probat, quia apertâ hac fenestrâ Veneris Martes inermes & nudi fiunt, furentius enim armati ad concubitum cum Venere, quàm ad conflictum & certamen cum hoste rapiuntur. Præterea hinc auidius quærentur diuitiæ, non vt melius viuatur, sed vt quisque Venere potiatur suâ

suâ. Sed quid hîc Lacedæmonem accuso? O vtinam aliæ vrbes ac ciuitates hoc dulci veneno non caperentur. Diana in siluis viuit, Minerva secessum quærit; at Laides in altis turribus Corinthi locatæ splendent. Demosthenes Athanas deserit vt istam Laidem, Antonius Romanum vt Cleopatram cerneret; ille tanti emere penitentiam noluit, hic misero amore desperauit. Quid dicam? Mollities huius sexus est refrænanda, nam aliter canities ciuitatis sequitur; at dices: tam mollis columba ceruicem iugo non submitteret: gratioſus eris qui fæminam bile carere doces, sed fabula hæc est. Ad tertiam nunc conclusionem venio, quæ est de inæquali ac dispari diuisione rerum; Nam inter Lacedæmonios alij rem familiarem amplissimam, alij angustissimam lege possederunt; unde contigit vt ciuitas in paucorum redacta potestatem miserius viueret: nam etsi legislator patrimonia prohibuit vendere, errauit tamen in eo, quod donare & testamento relinquere cuiq; in ciuitate legibus permiserit. Hinc inquit est agrorum & possessionum translatio, hinc pauperum oppressio, hinc fæminarum licentia & dissolutio morum; sed apertus est Arist. Ad quartum ergo quod redarguitur festinat oratio. Hoc loco de Ephoria. i. de imperio Ephororum disputat Philosophus, idemq; reprehendit quod de plebe isti magistratus crearentur, ratio sic se habet. Id fieri non debet in ciuitate quod periculosum est reipublicæ: sed est periculosum Ephoros aut magistratus de plebe eligere: ergo fieri non debet. Assumptio bifariam in textu probatur, & quia pauperes quæstui habebunt ciuitatem, & quia verendum est ne ruentes ad gubernacula reipub. ex aristocratia, democratiam faciant. Sed attende hîc, studiose lector, nam in hac conclusione secunda continetur quæstio: An tutius diuites quàm pauperes in magistratum sint eligendi. Quid? An paupertas tibi causâ videtur Arist. cur Fabritio, cur Aristidi negetur magistratus? An solum deorum filios in regiam solis admittendos putas? an cæcam fortunam potius quàm virtutem autoritate præluere velis? an verum honorem in diuitijs solum nunc ponis? Sed quid ago? video quid doceas

Ad nostra
tempora apo-
strophe.Tertia repre-
hensio.
Ex magnis
mulierum do-
tibus & hære-
ditatibus bo-
norû inæqua-
litas, ex illa
paupertas &
virosum pe-
nuria, ex his
ruina reip. er-
go malè insti-
tuta.
Epitades non
Lycurgus.
Plut.in Agide.
Quarta repre-
hensio.Secunda
quæstio.

Ditiores ad
gubernacula
admonendos,
argumenta.

Quinta repre-
henſio.

Quæſtio ter-
tia.
Pro exigendis
rationibus ra-
tiones. 4.
1. Ab oppo-
ſitis.

2. A maiore.

3. A ſimili.

doceas: non vis ut opinor pauperes omnino à magistratu ex-
cludi, (nā alibi contrariū doces) sed hoc velis (ni fallor) potius
diuites quā pauperes in magistratū assumendos. Si hoc dicas
rationes quæro; hoc dico, idq; 4. argumentis probo. Primum
quia probabile est diuites pecunijs, aut affectibus minis cir-
cumagi poſſe, quā pauperes. 2. quia diuites plerūq; maiore
rerum experientiam habent. 3. quia ſplendidijs ac honorifi-
centijs in ciuitate ſe gerūt. Poſtremo quia opibus affluentes
multo liberalius ac magnificentius viuunt; hæc dico non
quod exiſtimem omnem aditū ad magistratū honeſtæ pau-
pertati intercludi debere, ſed quod ex præſcripto prudentiæ
in recte inſtituta politia longè conſultius ſit globum ciuitatis
diuitibus honeſtis quā pauperibus tametiſi bonis cōmittere:
non enim in contēplatione ſolū virtutis, ſed etiā in actione
quæ diuitias poſtulat, adminiſtratio ciuitatis conſtat. Quintū
quod reprehendit Ariſt. eſt ſenatus Lacedæmoniorū, in quo
quinque vitia & errata notat. Primum eſt quod ſenatores a-
pud illos perpetui ſunt. Secundum quod nulla ab eis muneris
ratio repoſcitur. Tertium quod legiſlatori etiam ſuſpecti ha-
bentur. Quartum quod eorum electio delectu penè puerili
exercetur. Quintū quod cuiusliceret petere ac ambire ma-
giſtratum. Ex his quædam natę moteq; ſunt quæſtiones, quæ
nunc breuiter à nobis ſuo loco & ordine diſcutientur. Prima
eſt, an à magiſtratibus ratio muneris exigi & poſtulari debe-
at. Exigi debere affirmo, idq; ab oppoſitis, à maiore, à ſimili,
à proportionē & ſine probo. Ab oppoſitis quia hoc dato, q
nunquā ad rationē officiij reddendā impellātur magiſtratus,
metus erit, ne fontes ciuitatis, exhaustis ætarij opibus, exareſ-
cāt, & ne ipſi magiſtratus muneribus acceptis ab officio, pru-
dētiā, rectoq; iudicio deſlectāt. A maiore, quia ſi reges ac cō-
ſulares viri leges, quas ipſe tulerint ferre cogātur, cū dānū aut
iniuriā ſuis ciuib; intulerint; quāto magis inferiores magi-
ſtratus ad rationē officiij reddendā in bene gubernata ciuitate
cogerētur? à ſimili, quia ut minores potētię ac facultates ani-
mi iudicio rationis debēt ſubſcribere, eidēq; rationē ſuorū a-
ctū reddere, ſi nō ſint rebelles ac contumaces: ita inferiores
magiſtratus,

magiſtratus, qui ſunt veluti potētię vnus animi, rationē ſuo-
rū munerū ſūmis in poteſtate viris reddere tenentur, ſi nō ſint ^{4. A proportio-}
corrupti & ſeditioſi ciues. A proportionē quoniā hoc poſito q^{one.}
ciues magiſtratus & honores, ſint quædā veluti ſtellæ præ-
lucētes alijs, cōſentaneū eſt (ſi non luceant) ut radijs decilis in
curiam vocentur Iouis. Accuſentur incuriæ, & ſi immane e-
tiam ſit ſcelus condemnentur. Ratio eſt, quia priuilegiū me-
retur amittere qui cōceſſā ſibi abutitur poteſtate. Ceterū qui
ſieri hæc poſſunt, ſi ad rationē officiij reddendā non impellā-
tur magiſtratus? Poſtremo à ſine, quia ſic obſeruabitur ordo ^{5. A ſine;}
in ambiendo magiſtratu, nec non penitus tolletur ambi-
onis fomes & cōtentio. Nam cum hoc ſemel ciues intelligūt
ſe rationē dignitatis reddituros, non tam amore amplitudi-
nis inflāmātur ad petendū magiſtratū, quā timore reddē-
dę rationis, ne malè ſe gerant in officio, deterrentur. Poſtre-
mum, quod in ſenatu Lacedæmoniorū reprehenditur, erratū
eſt, quod illi magiſtratus ſuos quaſi venales omnibus propo-
ſuerint, cum potius (ut hīc docet) bonos viros ſine omni am-
bitione ad magiſtratū gerendū cōpulſiſſent: hinc vltima, quā
in hoc cap. tractamus, enaſcitur dubitatio, nempe, An aliquis ^{Quæſtio}
cogi poſſit ad magiſtratū? Sapiēter tu quidē Ariſt. bonis viris ^{quarta.}
cōſulis, ſapiētijs ciuitati; nā quā beata erit illa tandē admini-
ſtratio reip. in quā ad ſubſellia dignitatis trahantur boni viri?
Nunc tēporū (deus bone) quot Clodij ad tribunal, quot Cati-
linę ad conſulatū, quot Sardānapali ad imperiū vbiq; gentiū
rapiuntur? boni viri ad magiſtratum ais? ad piſtrinū dices.
Nam *Qui color albus erat, nunc eſt contrarius albo.* Ouid. Metam.
Boni viri ſunt ſimplices, imò pleriq; ſtulti, rudes & ignari re-
rū: in arce ciuitatis politici eſſe debent, quibus (ut ait Machi-
auellus) optādū eſt ut potius boni videātur quā ut ſint: ſed in
eo quod fieri oporteret, conſiliū recte philoſophatiū nō malè
viuētiū ſequar. Bonos ergo viros ad capeſſendū magiſtratum
cogi debere puto: hoc poſtulāt dignitas virtutis, vtilitas ciui-
tatis quæ beata tum eſt, cum viri boni regnent: ſalus ciuium,
qui bonorum exemplo meliores facti, iuſtorum imperio faci-
lè obſequūtur; cōſtitutio legū, quæ bonis ſēper virtutis inſig-
nia

Sexta reprehensio.
Arist. pol. 3.
cap. 11.

Erant nauarchi reges.
Vide Plat. de legib. 1. Arist. pol. 7. cap. 2. 3. 14. Polyb. hist. lib. 6.
Archidamus apud Thucid.

nia concedi iubent: si dicas hæc rectè probare bonos quidem ad magistratum eligendos, non tamè impellendos esse: respondeo suadere non solum ut eligantur, sed etiam, si nimis difficiles ac verecundi sint, vi legis acrius extimulentur. Nam, ut naturâ iubente pars vna discrimen subire cogitur potius quàm totum pereat: ita iustitia requirit ut boni, qui sunt partes ciuitatis, periculosum magistratum gerant, potius quàm respublica vllum naufragium sentiat. Reliqua quæ in reprehensionem cadunt, sunt regnum, conuiuia, præfectura nauium, syntaxis legum, ærarij inopia. Regnum, quia reges Lacedæmoniorum ex Heraclidarum genere iure hæreditario imperabant. Aristoteli autem consultius videtur regem ex rebus gestis animique dotibus æstimari. Conuiuia reprehendit, quia symbolum in illis dare non minus pauperes quàm diuites cogeantur. Præfecturam nauium arguit, quia nauarchus, i. præfectus classis non aliter quàm tyrannus perpetuus exitit. Syntaxis legum in suspicionem trahit, quia Lacedæmon omnes suas leges ad bellicam laudem ac virtutem retulit, quasi aliarum virtutes præter fortitudinem non floruisent. Inopiam denique ærarij vituperat, quia publicam deficiente pecuniâ, necesse est ut ipsa respublica (tametsi agris sit opulenta) hostis inuasionibus conquassetur.

Distinctio primæ quæstionis.

An serui indulgentius vel asperius tractari debeant?

Cur serui coercendi.

- | | | |
|---|---|---|
| Serui legibus seuerioribus sunt coercendi propter | { | 1 Illorum contumacem naturam, quæ aliter docilis est ad seditionem. |
| | | 2 Illorum petulantiam, quæ semper procliuus est ad contemptum. |
| | | 3 Illorum infimam conditionem & ordinem, quæ perpetuam requirunt disciplinam. |
| | | 4 Bonum publicum ciuitatis, quia aliter opus nullum perageretur, nullum omnino perficeretur negotium. |

Ab aduersis.

Opp. Imperium illud infirmius est quod vi sit quàm quod amicitia iungitur: ergo imperium in seruos clementius ac lenius esse debet. Antecedens probatur, quia benignitate & clementia nobis denunciantur homines.

Resp.

Resp. Disciplina in seruum non arguit seuitia aut crudelitatis dominium, seueritas cum lenitate, disciplina cum clementia in herili imperio una coniungi & copulari possunt. Hoc tamen volumus, melius seueritatis ferro seruos quàm nimiam indulgentiam gubernari.

Opp. Homo ab humanitate dicitur: ergo magis ad humanitatem quàm seueritatem tenderet.

Resp. Ab humanitate non discedit si rationis imperium ac præscriptum sequatur, at ratio postulat ut serui asperius ad officium stimulentur, quia aliter illorum contumax natura non vincitur.

Distinctio secundæ quæstionis.

An tutius diuites quàm pauperes in magistratum eligantur?

- | | | |
|--|---|---|
| Diuites potius quàm pauperes eligendi in magistratum, quia | { | 1 Abundantes rerum copia rariùs pecuniâ & affectione mouentur. |
| | | 2 Viuentes in luce hominum maiorem rerum experientiam habent. |
| | | 3 Possidentes multa liberalitate & magnificentia pluribus prodesse possunt. |
| | | 4 In tribunali sedentes splendidius ac honorificentius se gerunt. |

Opp. Omnis malorum occasio in repub. est fugienda: sed opulentia est multorum malorum occasio: ergo est fugienda. His datis sequitur quod potius pauperes, qui minus nocere possunt, quàm diuites in magistratum eligantur. Minor constat, quia diuitia superbos, seditiosos, tyrannos plerumque faciunt, vsumque virtutis magis quàm bona paupertas negant.

Resp. Opulentia non est occasio mali, sed concupiscentia hominis, neque in gerendo magistratu tot malorum agmina opulentiam, quot paupertatem sequuntur: Nam diuites fortasse prodigi, at pauperes auari & tyranni fiunt. Præterea cum vita magistratus liberalis, splendida, & magnifica esse debeat, nihil absurdius est quàm inopem & indigentem rerum, qui neque vsum liberalitatis nec magnificentia tenet in magistratum eligere, cum enim alijs aurum daret, sibi vix allium seruat.

Opp. Diuitia nullo modo sunt anteponenda virtuti, sed hominem pauperem ac studiosum negligere, solumque diuitem admittere, est diuitias virtuti antepondere: ergo nullo modo hoc fieri debet.

L 5

Resp.

Resp. *Honesta paupertas non contemnitur, imò sæpè est ad gubernacula ciuitatis admittenda. Sed hoc loco queritur, an ceteris paribus potius diues quàm pauper sit eligendus? Diuitem concludit Aristoteles, quia is melius premia virtutis distribuere quàm egenus potest.*

ab adiunctis.

Opp. *Optandum est ut meliores in bene instituta repub. magistratum teneant; sed si bona animi spectes, pauperes plerumq; diuitibus sunt meliores: ergò optandum est ut potius pauperes quàm diuites ad magistratum peruehantur. Minor constat, quia pauperes rariùs quàm diuites otio ac voluptatum escà capiuntur.*

Bonum Hominis, Ciuitatis.
Virtus animi, officij.

Resp. *Attendendum est quòd in electione non tam bonù hominis quàm bonum ciuitatis considerari debeat, illi ergò qui sunt simpliciter minus boni, melioribus sæpè sunt præferendi: nã in electione non tam virtus animi, quàm virtus officij spectari solet. Diues ergò qui magis in utilitatem reipub tendit, meliorem locum habere debet. Nam ut Deus aliquando gratias gratis datas minus bonis concedit in usum ecclesie: ita viris omni numero non perfectis clauus imperij traditur in usum ciuitatis.*

Distinctio tertie quæstionis.

An ad reddendam officij rationem impelli debeat magistratus?

Magistratus impelli debet ad rationem officij,

1. Quia hoc modo auaritiæ tollitur occasio.
2. Quia hinc iustior & tolerabilior est futura ciuitatis administratio.
3. Quia sic impeditur ac mitigatur hominum ambitio.
4. Quia hoc fieri iubent maiorum nostrorum leges ac consuetudo.

A disparatis.

Opp. *Seruile est impelli, sed magistratus non est seruus: ergò impelli non debet. Maior probatur, quia impelli seruitutem arguit, & contemptum authoritatis parit.*

Resp. *Aliud est lege ut magistratum, aliud est vi ut seruum ad officium cogi. Magistratus est publica persona ciuitatis, qui ciuitati publicorum bonorum rationem reddere vocatus debet; nam bona publica non sunt magistratus, sed ciuitatis.*

Opp.

Opp. *Magistratus est moderator legis, ergo legi non subijcitur. A definitione Quo concesso magistratus lege non cogeretur.*

Opp. *Est moderator legis, sed ita ut nò sine lege viuat, rectè ergò instituitur (ne languescat ciuitas) ut rationem officij reddat magistratus.*

Distinctio quartæ quæstionis.

An aliquis cogi possit ad magistratum?

Cogi posse idoneum ad magistratū suadent

Dignitas virtutis, cui debetur honor.
Utilitas ciuitatis, quæ sic beata redditur.
Salus ciuium, qui bonis faciliè obtemperant.
Constitutio legum, quæ sic requirunt.

Opp. *Voluntas humana cogi non potest, ergo nemo nisi volens ad magistratum cogitur.*

Resp. *Quamuis voluntas cogi non potest simpliciter & absolute, comparatè tamen potest, ut docet Philosophus quinto Ethicorum, & sic hoc loco impulsio intelligitur.*

Opp. *Boni viri semper parati sunt reipublica prodesse: ergò non opus est ut ad magistratū, in quo prodesse possūt ciuitati, impellatur.*

Resp. *Boni viri discipiunt semper prodesse reipub. sed mallent esse nimis timidi quàm parum prudentes in magistratu suscipiendo. Est enim res lubrica fortune scala, & magistratus comitè inuidiam habet; quare etsi boni viri parati sunt semper prodesse reipublica, timide tamen & verecunde dignitates capiunt.*

Dubium.

An conuiuia publica celebrari debeant in ciuitate?

ADES DVMEpulo, paucis te velim: quo te præcipitas? Cõuiuia adsunt, Bacchus & Ceres te nunc inuitant. Irrides philosophè, dic vbi cibus? Consiste paululū si ventrè ames. De ventre loqueris: dapes non video. At siste vestigium. Ieiunus sū, ad coquos volo. Multi sunt hodiè Epulones, multi q̃ bacchanalia viuūt, multi q̃ Sanioni iura hereditaria credūt. Cæterum

Lacedæmonijs Phiditia, Cretensibus Andria, Carthaginens. Sodalitia. Pro conuiujs rationes. 4. Phiditia quod parcè expendant. Philitia quod amici conucniant. Editia quod ad edendum veniant.

Cæterum vt epicureisum ventris accuso: ita conuiuiorum vsum penitus non reprehendo. Imò Lacedæmonios, Cretenses, Carthaginenses laudo, qui publica conuiuia habuerunt: sic voluit antiquitas, sic iussit authoritas ciuitatis, non negat vtilitas ciuium, commoditas, quæ inde sequitur, id ipsum postulat. De antiquitate quid nunc commemorem, cum omnes iam olim gentes (vt historici scribunt) magnifica festa celebrarint? De authoritate ciuitatis nihil dicam, quæ multum splendoris & dignitatis perdit, si in eligendis magistratibus & triumphis conuiuia exquisita non habeat. Tedium est de vtilitate quæ hinc euenit molestè scribere, cum omnibus constet in conuiujs publicis lites tolli, odia deponi, amicos fieri, magnificentiam & famam ciuitatis graphicè depingi & delineari. Alias commoditates taceo, quæ sunt recreatio ciuium, sustentatio pauperum, confirmatio legum, consultatio rerum quæ fieri debent in ciuitate.

Distinctio.

Conuiuia publica fieri debent in omni ciuitate propter

Recreationem ciuium.
Sustentationem pauperum.
Confirmationem legum.
Consultationem rerum.
Reconciliationem eorum qui inter se diu litigarunt.

Ab effectis.

Opp. *Inter pocula Bacchus sapius quam Minerva loquitur, conuiuia ventrem non mentem pascunt; sequitur ergo quod rectè & sapienter non sint in repub. instituta.*

Resp. *Inter pocula (prudentiâ moderatrice) sapius Minerva quam Bacchus loquitur. Conuiuia authoritate publicâ, ordine rectè instituta, magis mentem quam mensam ornant; Non enim ad crapulam & ebrietatem, sed ad concordiam & virtutem istiusmodi conuiuia celebrari solent.*

Opp. *Bona ciuitatis otiosè istiusmodi conuiujs exhauriuntur: ergo institui non debent. Antecedens probatur, quia non solum ad satietatem, sed etiam ad delicias & voluptatem celebrantur.*

Resp. *Eo accumulatur bona ciuitatis, vt cines isdem perfruantur, neq. otiosè illa consumi, sed iustè expendi hoc modo volumus.*

Nam

Nam etsi in conuiuio sit delicatior mensa, hoc tamen non voluptatè hominis sed dignitatem ciuitatis respicit, ciuitas enim cum sit magnifica non tam necessarium quam splendidum & decorum querit.

CAP. VIII.

An nullâ lege datâ contingat offendere?

An liceat sponte susceptum deferere magistratum?



PROXIME in aciem veniunt Cretenses cum Minoe legumlatore antiquissimo, qui littoribus suæ insulæ (quam incolunt) & centum vrbibus (quas habent) armati, Cadmeum certamen, in quo ipsi cadunt, aduersus Arist. moliuntur. Pugna brevis est sed vehemens, victoria atrox sed sine sanguine; est enim mira vis veritatis, quæ tot mendaces Cretenses vnus laucæ superauit; & mirum certè non est: nam vt lux tenebras, ita veritas legiones fugat: sed rem tantum agam. In limine huius certaminis Creta describitur, quæ insula fuit centum vrbibus habitata: in hac olim Minos rex omnium iustissimus imperauit, legesq. salutare in ea condidit. Hæc insulâ veluti à natura ad imperium Græciæ facta, hinc Asiâ, illinc Peloponneso cingitur. In hac Lycurgus relictâ Charilai regis tutelâ diutissimè commoratus, leges & mores loci secum in Spartâ duxit; hinc olim contigit, vt in textu apertè docet Philosophus, quod Lacedæmoniorum respub. plerisque in rebus Cretensem æmulata fuerit. Verum vt Cretensis respub. non pauca habuit meliora Lacedæmonijs, ita plurima minus splendida minusque expolita habuit. Ratio est, quia sicut posteriora cogitata hominum maximâ ex parte prioribus sunt anteferenda: ita res antiquæ minus sunt suis partibus absolutæ & articulatæ quàm quæ de nouo inueniuntur. Descriptionem istam comparatio sequitur, eademque duplex, & in his quæ affines & similes

De Cretensi-
um repub. eius
comparatio
cum Sparta-
na.

Vide Plin. lib.
4. cap. 12. Thu-
cid. lib. 1. Virg.
Geor. 2. Plat.
in Minoc.
Plur in Lycur.
Strab. Geogr.
lib. 10.

Docetur à pri-
ore posterior
dies.

miles has duas respub. effecerunt, & in illis quibus una ab altera discriminatur. Similes sunt primum in cultoribus agrorum, nam ut Lacedæmonij Elotas, sic Cretenses Perioecos in opere rustico occupatos habuerunt. Secundò in conuiuijs, quæ antiquitus Lacedæmonij à Cretensibus mutuati Andria, ut nunc Phiditia appellarunt. Tertiò in ordine politiæ, nã ut apud Lacedæmonios Ephori: ita apud Cretenses Cosmi principes viri ac magistratus fuerunt. Hij ab illis non munere & officio sed solum numero differebant: nam Lacedæmonem Ephori solum quinque, Cretam verò Cosmi decem gubernabant. Postremò in vtraque ciuitate omnes & singuli participes concionis fuerunt; sed penes illam nullius rei gerendæ potestas est, præterquam earum rerum, quæ à Senatoribus & Cosmis decretae sunt. Hactenus de similitudine ac proportionem vtriusque: nunc verò in quibus alia alteri præstat breuiter dicamus. Primum ergò consultius & sapientius Cretenses publica conuiuia instituerunt, quippe non oppressione ciuium ut Lacedæmonij, sed publico & communi sumptu (fructibus pecorum, vectigalium, & tributorum) ad aucto eadem fieri & celebrari iubet: ac ne multitudo numerosæ generationis ciuitati officeret, tempora concubitus suis fæminis definiunt, quamuis (quod horrendum dictum est) masculis cum masculis coire, ac volutare plusquam barbaricè permitterent. Alterum in quo differunt est electio magistratum, nam apud Lacedæmonios ex qualibet conditione hominum, sed apud Cretenses ex certis tantum familijs eligebantur, qui ad puppim ac gubernacula ciuitatis sederent. Postremò ut summam omnia & singula comprehendam, quatuor in Cretensi republica reprehendit Philosophus. Primum quòd Cosmi nullo iudicio ad rationem reddendam officij teneantur: alterum quòd per totam vitam gerere magistratum permittantur. Tertium quòd ex arbitrio non ex præscripto legis rempublicam administrant. Postremum quòd liceret Cosmis cum velint magistratu se abdicare. De ratione reddendæ officij & perpetuitate magistratus paulò antè dixi, ex duobus ergo postremis duas non inutiles decerpo quaestiones, quas enodatiùs

Reprehensa
in Cretensi
rep. 4.

datiùs iam verbo sum discussurus. Prima est, An nullam legem datam contingat offendere? Secunda, An liceat sponte susceptum deferere magistratum? Vanissima maximeque in eo periculosa Cretensis reipub. constitutio fuit, quòd legibus sublatis se hominum affectibus & arbitratibus manciparint. Sapienter quidem hic Aristoteles, Non ex præscripto legis imperare, sed suo arbitratu magistratum gerere periculosum est. Nam ut voluntas hominis est incerta, ita vox magistratus optimè administrandi regula non habetur. Imò hoc addo, quòd nullam legem datam, non sit offensa, nam lex definit peccatum, & definitum seueritate tollit. Hoc autem confirmo à potentia legis & ab obedientia hominis. A potentia legis, quæ est, ut sit vinculum, quo ciues ad hoc, vel illud præstandum aut fugiendum obstringuntur; sed nullam legem datam in ciuitate tale non est vinculum, ergò nullam legem datam, civile non est peccatum. Ab obedientia hominis, quia nullus offendit nisi agat prohibitum, sed nullam legem sancitam nemo agit prohibitum: ergò nulla lege sancitam nemo offendit. Est enim toties offensio quoties violatur obligatio: hæc dico, non quòd existimem peccatum à lege sic dependere, ut si lex non sit, non sit flagitium, cum vitium à mente non à lege fluat; sed hoc volo politicè à ciuibus non peccari, si lex negetur, quæ quid sit hoc ipsum peccare, demonstraret. Scio equidem verèque agnosco esse in homine legem naturam, nempe insitam rationem, à qua quicumque diuerterit, reus sceleris haberi debet, exempli causa. Ratio iubet ut teipsum ames, furor urget ut teipsum figas, si relictam ratione furor cedas immane scelus perpetrasti; quare tametsi nullam legem datam non sit offensa in ciuitatem, quæ caret lege; in Deum tamen, qui menti loquitur, & in naturam quæ rationem moderatur, frequenter impij ac scelerati sumus. Rectius ergò multò illæ respublicæ administrantur, quæ à legum imperio, quam quæ à regum ac imperatorum arbitrio pendunt. Altera quaestio, An ante tempus liceat sponte susceptum deferere magistratum? Ab eius loci in textu occasione nascitur, ubi reprehendit Arist. rempublicam Cretensium quòd illorum Cosmis liceret se magistratu abdicare, at non

Prima quaestio.

Legum necessitas ut sit offensa.

Vitium à mente non à lege.

Ratio, lex naturæ.

Secunda quaestio.

Contra magistratus abdicationem.

non licet, idq; sic probo. Interregnum & vacuitas magistratus permitti non debet in ciuitate: sed susceptum deferere magistratum est interregnum permittere: ergo susceptum deferere magistratum non liceret. Maior probatur, quia ut homo est sine animâ, ita ciuitas sine magistratu. Minor constat, quia abdicato magistratu ciuitas sine sceptro, respub. sine voce manet. Porro nulla perturbatio ordinis in repub. probè institutâ admitti debet: sed ex ista abdicatione magistratus sequitur perturbatio ordinis: ergo ista abdicatione esse non debet. Præterea illud fugiendum est in ciuitate quod sceleris suspicionem arguit: sed abdicare se magistratu suspicionem sceleris arguit: ergo abdicare se magistratu non licebit. Postremò nihil fieri debet in ciuitate quod ad tumultum ac seditionem tendit: sed istiusmodi mutatio magistratus ad tumultum & seditionem tendit: ergo istiusmodi mutatio magistratus concedi non debet. Assumptio constat, quia relictâ ciuitate sine capite, ciues non aliter, quàm oues lupis voracibus relinquuntur. Concludo igitur infortunatam esse rem pub. in qua magistratus sine lege, miseram verò ac infelicem in qua lex sine magistratu regnat. Quippè ut sublatâ lege, magistratus est Lesbia quasi regula: ita sublato magistratu lex muta & incerta dicitur.

Distinctio primæ quæstionis.

An nullâ lege datâ contingat offendere?

Deum. His duobus modis peccatum committitur, tamen si lex nulla scripta adhibeatur.
Naturam.

Peccata in Deum, Naturam, Ciuitatem.

Peccare dicimur in

Ciuitatē, & sic nullâ lege datâ non contingit offendere, } Quia sine lege ad hoc vel illud non obstringimur.
} Quia sine lege nihil prohibetur.
} Quia sine lege quid sit peccare non cognoscitur.

Ab efficiente.

Opp. *Natura instinctu prohibemur à scelere: ergo nullâ lege in ciuitate datâ contingit offendere. Antecedens probatur, quia natura instinctu prohibemur ne id agamus alijs, quod nobismet fieri non optamus.*

Resp. *Natura instinctu indefinitè, legis monitu distinctè ac nominatim*

minatim à scelere prohibemur. *Natura crimina non definit, lex verò & describit & in suas species accurate distinguit. Quamobrem ei si nullâ lege datâ in ipsam naturam, discedentes à ratione peccamus, lege tamen non datâ ciuitatis tribunal non violamus.*

Opp. *Ante leges conditas fuerunt ciuitates in quibus furtum, homicidium, aliæque flagitia committebantur: ergo nullâ lege datâ contingit offendere.*

Resp. *Non negamus ante leges conditas fuisse ciuitates, labesq; humane vite, hoc tamen argumentum non probat in ciuitatem sed in ipsam naturam facinora committi, & perpetrari: nam ciuitas legibus definit, ciuitas legibus configit peccata.*

Opp. *Prodere ciuitatem est in ciuitatem peccare, sed nullâ lege datâ potest aliquis prodere ciuitatem: ergo nullâ lege datâ potest aliquis peccare in ciuitatem.*

Resp. *Ciuitas consideratur vel inchoatè quoad naturam, vel absolute quoad legem. Prodere ciuitatem est quidem in ciuitatem peccare, sed ita, ut nullâ lege datâ qua definirer, potius contra naturam, quæ hoc vetat, quàm aduersus ciuitatem, quæ legem non sanxit, committi hoc facinus arbitremur.*

Distinctio secundæ quæst.

An liceat sponte susceptum deferere magistratum?

Quod non liceat susceptum magistratum pro arbitratu relinquere suadent

Metus interregni, quo nihil est in republica periculosius.
Perturbatio ordinis, quâ nihil est in quieto ciuitatis statu funestius.
Suspicio sceleris, quæ magistratum in odium trahit.
Timor seditionis, qui animos ciuium incertos ac tumultuantes reddit.

Opp. *Tyrannus tenens reipub. clauum opprimit ciuitatem, relinquens verò saluam & beatam reddit: ergo relinquere magistratum aliquando licet. Argumentum tenet quia quod est simpliciter bonum id facere licet: sed tyrannum deferere susceptum magistratum est simpliciter bonum: ergo deferere susceptum magistratum licet.*

M

Resp.

Resp. Si sic arguas, licet tyranno deferere magistratum: ergo licet deferere magistratum. Ratio tua infirma & elumbis est, nam est à secundum quid (ut aiunt) ad simpliciter; neq. dicimus tyranno hoc ipsum licere: verum si hoc faciat tyrannus, ciuitas ut minus malum maioris boni spe & expectatione id ipsum tolerat.

Ab exemplo. Plu. in Lycur. Iustin. lib. 3. Magistratus abijciendi causæ, Ætas decrepita, Publica infamia, Consilij defectio.

Opp. Lycurgus rex ille sapiens, iurato populo ad observationem suarum legum donec ab Apollinis oraculo reuerteretur, voluntariū exilium passus, reliquit imperium: quo exemplo sapientis viri videtur licitum vltro susceptum magistratum deferere. Præterea ætas decrepita, publica infamia, ingenij, consilijq. defectio, causa sunt relinquendi magistratum: ergo videtur consultum aliquando honoris onus deponere, nec non magistratu nosmet ipsos abdicare.

Resp. Vnius viri exemplum vim legis non habet. Argumentum ergo illud ab exemplo Lycurgi vniuersaliter non concludit. Alia adductæ rationes momentum ac pondus habent, modo cum consensu populi talis magistratus abdicatio fiat.

Dubium.

An liceat populo impedire magistratum quo minus in iudicio sententiam ferat?

QUID mullitas furiose Tribune? an Cæsarem in iudicio sedentem impedire velis, quo minus sententiam ferat? An rogationi intercedis? Quod vlcus? Quæ pestis hæc est in ciuitate? Clodiusné an Cæsar regnat? Miror certè sapiens Minos cur hanc legem tuleris; existimasné tutum si Cosmi in tribunali aduersus tyrannos aut potentes sedeant, ut vel magistratu ad tempus depriuentur iniuste, vel à sententiâ ferendâ impediuntur suâ? Hoc facere profectò non liceret. Nam quemadmodum non sanatur morbus, si salutare ægro propinare medicinam eruditus medicus prohibeatur: ita facinora ciuitatis non expiantur, si à magistrata aut sententiâ abigantur iudices. Ferunt annales nostri Henrici quarti regis filium furentius in senatum irruisse, seruūq. quem perditè dilexit omni conatu à tribunali abripere contendisse; hoc vidit populus & pertimuit; at iudex vir iusto

Magistratus non interpellandi.

De Henrico quinto quarti filio historia.

iusto & forti animo heredem regni sic excepit, Accelera huc furiose iuuenis, gladio, quo eadē iam minitaris, senile petus hoc meum (si placet) percutere, percutere (inquam) si velis, nam potius moriar quàm hoc exemplum patiar. Locus, quo nunc abuteris, tribunal tui patris est, iudex quē inuadis personam tui patris gerit, lex quam violas te reum sceleris, non filium principis accusat. Ego igitur tui patris nomine totiusq. regni autoritate te propter hoc facinus in carcerem abire iubeo. Hoc tonitru perculsus iuuenis gladium deiecit, se ipsum sententiæ iudicis spontē submisit, in vincula se (admirante populo) vltro præcipitavit. Hac tragicā comediā auditā, rex senex ac sapiens effusus in lachrimas, O me beatum (inquit) qui tam iustum & sincerum iudicem, qui tam pium & obedientem filium ante sepulchrum video. Hanc narro historiam, ut quàm periculosum sit obstrepere sententiæ iudicis, quasi ob oculos intelligatur. Sed si hæc minùs vrgeant, sic argutiùs probo. Persona principis contemni non debet in ciuitate: sed iudex in tribunali personā gerit principis: ergo iudex in tribunali contemni non debet. Præterea officiū iudicis sanctum & venerandum est: ergo violari non oportet. Postremò causa seditionis vitari debet: sed impedire magistratum quo minus sententiam ferat est causa seditionis: ergo vitari debet. Minor probatur quia hæc semel datā licentiā, populus nullum authoritatis iugum, nullum disciplinæ ictum patietur.

Distinctio.

Impediri magistratus nō debet quo minus sententiā ferat,	{	Quia sententia iudicis est medicina scelerum.	Iudicia ne inturbes, rationes quinque.
		Quia mores ac leges optimarum ciuitatum hoc non permittunt.	
		Quia in persona iudicis est maiestas principis.	
		Quia in officio iudicis est imago religionis.	
		Quia in contemptu magistratus est metus seditionis.	

Opp. Quod iniquum est licet impediri debet: sed aliquando iniqua est sententia iudicis, putà Neronis: ergo impediri debet.

Resp. Negatur hoc argumentum, quia fallax & insidiosum est.

M 2

Non

*Nō enim sequitur quod sit index impediendus, quia iniustus impedi-
ri debet. Præterea, quamvis index sit iniquus & facinorosus, tanta
tamen est maiestas tribunalis, tanta religio huius nominis, ut in so-
lio iustitia nullo modo perturbari debeat. Cæterum si quis gravamen
iudicis corrupti senserit, iusta appellatio ad summum tribunal patet.*

*Opp. Romani fecerunt olim tribunos plebis, quibus sententiam
iudicis impedire licuit: ergo antiquitas videtur hoc ipsum compro-
bare, nempe ut liceat populo impedire magistratum, quo minus sen-
tentiam ferat.*

*Resp. Non legimus illis licuisse impedire magistratum, verum
postquam furor tribunitius hoc vendicavit, gloria Romani imperij
cecidit. Tum enim evanuit Romanorum splendor, quando irrep-
sit tribunorum furor.*

CAP. IX.

*An dissentientibus principibus viris civitatis, litis populo di-
dicande plena potestas detur?*

An liceat uni plures unâ sustinere magistratus?

Carthagi-
nensis reip.
cum prioribus
comparatio
eiusque errata.
De Carthagi-
nensi rep. Po-
lybius histor.



LIM Phaleam Calcedonium legū-
latorem inuasit Philosophus, nunc
verò ipsam Carthaginem demoliri
contendit; nam quamvis hæc civitas
altissimas arces & mœnia habuerit,
leges tamen, quibus tutius quàm
mœnibus conseruaretur, minis salu-
tares & inconsideratas habuisse o-
stendit. Verum quoniam textus luce

splendidior interprete non eget, brevitati studens verbo-
sitate molestior non ero. Omnium ergò summa hæc est.
Carthago æmula olim si formam Laconicæ, postea si famam
spectes Romanæ reipublice præclare se diu multumq; ha-
buit. Huius rei argumento esse potest, quia neque seditio
illam oppressit, neque tyrannis illam deastavit. Compa-
ratio Carthaginensium & Lacedæmoniorum in duobus
ponitur, nempe in comestationibus & magistratibus.
Nam comestationes seu publica conuiuia fuerunt in utraq;

civitate

civitate, sed modo diuerso. Nam apud Carthaginenses
non totus populus ut apud Lacedæmonios, sed fœdalita-
tum quædam veluti collegia, hæc publica conuiuia cele-
brarunt. Similiter Carthago centumviratum, ut Lacedæ-
mon Ephoriam habuit. Item in regibus & senatoribus
hæ duæ civitates finitimæ extiterunt: cæterum Carthagini
melius consultum fuit, quod non ex vno genere (ut olim a-
pud Lacedæmonios ex Heraclidarum familia) sed ex tota ci-
uitate pro cuiusque meritis ac dignitate reges deligerentur:
quippe non generi sed virtuti, non sanguini, sed animi dig-
nitati præmia civitatis donari si non solent debent quidem.
Hac factâ comparatione, in qua Carthaginem Lacedæmo-
ni prætulisse videtur, pauca in Carthaginensi civitate ut viti-
osa perstringit: ac in primis illud, quod descriptio huius rei-
publicæ, partim ad statum popularem, partim ad paucorum
factionem tendat. Ad statum popularem, quia dissentientibus
centumviris, principibus civitatis, lis ad populum refereba-
tur. Ad paucorum factionem, quia quinqueviri, (penes quos
summa reipublicæ administratio fuit) à se ipsi deligebantur,
nec non centumviralem magistratum eligebant. Huc e-
tiam & illud addit, quod pluribus simul magistratibus quin-
queviri defungi possunt, quo nihil magis ad paucorum po-
tentiam & oligarchiam tendit. Ex istis ut vides (studiose
lector) duæ mouentur quæstiones: prima, An dissentienti-
bus principibus viris civitatis, lites populo dijudicandi plena
potestas detur? altera, An liceat uni plures eodem tempore
subire magistratus? Optandum quidem est in omni civitate
civium animos ita in studio conseruandæ pacis vigilare, ut
neque hostem externum eminere, neque civile odium pul-
ulare sinant. Nam ut nihil est civitati prætiosius quàm v-
nio, ita perniciosius nihil est quàm diuisio: quippe civile odi-
um ad inimicorum perniciem præceptus est, & ad utilitatem
sue defensionis planè incautum. Cæterum quoniam hoc ma-
lum ex lacuna invidiæ in omnem penè civitatem fluit (nam
quæ civitas discordiâ caret?) Medicina inveniendæ est, ne
tanquam lupo aut pesti præcordia petat. Rectè Ovidius,

M 3

Prin-

Errata Car-
thaginensis
reip.

Legislator
aristocratiam
proposuit, de-
mocratiam,
aut oligarchi-
am produxit:
ergo aberravit.

Aut i. ad po-
pulum, aut à
regibus ad po-
pulum delata
sunt omnia,
ergo demo-
cratia fuit.
Prima quæ-
stio.

Civile Odium
est tanquam
pestis aut lu-
pus qui primū
præcordia in-
uadit.

1. De remedio
amoris.

*Principijs obsta, serò medicina paratur,
Cum mala per longas inualuere moras.*

Sermocina-
tio.

Vox populi,
vox Dei.

Pro appellati-
one ad po-
pulum.

At quæ medicina adhiberi potest, si Milo & Clodius, si Cæsar & Pompeius certent, hoc est, si magistratus virique principes ciuitatis capitali odio flagrent ac distrahantur? Særa quidem propemodum est omnis medicina, cum ciuitatis præcordia seditionis facibus accenduntur. Verùm si vlla hæc est, ut è vestigio ad oraculum consilij volent, ut ad templum pacis in medio ciuitatis extructum veniant, hoc est ut totam ciuitatem de hac re consulant, quæ in vnum quasi collecta, hoc monstrum seditionis penitus extinguat. Quid ergo vis? Ut populus nobilium lites componat? Ut rudis multitudo res magnas ciuitatis tractet? Volo; inepta est tua opinio valdeq; quieti reipub. perniciofa. Temerè & inconsideratè iudicas; nam de populo distinguo, aliquando pro rudi multitudine ac plebe, aliquando pro voce ciuitatis sumi. Nolo Hydram multorum capitum furiosè in vnum cogi, ut procerum causas & controuersias audiat: sed hoc volo, ut ex qualibet ciuitate selecti viri ad consilium veniant, resq; in contentione positas; suffragiorum multitudine, sapienter & expedite definiant. Populus enim hoc modo acceptus in nulla reipub. descriptione est contemnendus, quippè vox populi hoc modo accepta (ut est in prouerbio) vox Dei dicitur, nam non solum de fama hominis, sed etiam de norma veritatis hoc vetus dictum enunciatur. Quod si ita sit in ista procella, quem portum tutiorem? Quod melius asylum, quàm collectum vnà populum inuenire licet? Certè nullum. Porro ad popularem statum hic casus aut euentus haud omnino tendit, quia non in omnibus sed in rarò contingentibus malis, quæ aliter curari non possunt, ad populum concurritur. Si vrgeas ut paucis concludam singula, sic argumētor. Principum odia aliter pacatè componi aut extinguere non possunt: ergò populo licet dissentientibus magistratibus lites dijudicare. Antecedens probatur, quia publica odia nobilium (si ciuitas taceat) non nisi sanguine terminantur. Præterea populus ordine in vnum collectus vim eligendi habet.

habet: ergo etiā (quod multò minus est) lites tollendi & iudicandi auctoritatem haberet. Porro ciuitas tumultuantibus summis viris non nisi per populum loquitur: ergò populo in tanta tempestate plena iudicandi datur potestas. Adhuc quod olim probè administratæ ciuitates in tali euentu fecerunt, facere quidem licet: sed probè administratæ ciuitates, ut Carthago, Roma, Athenæ, id olim fecerunt, sicut in historijs patet: ergo ab exemplis licet. Postremò quod quietam ciuitatem reddit fieri debet, sed talis potestas populi quietam rempublicam reddit: ergo talis potestas concedi debet: Minor probatur, quia sic magistratus metu nigræ (ut aiunt) conuocationis perculsi rectius se gerent, aut si pertinacius fomites & scintillas seditionis alant, salutare est reipublicæ, ut intelligāt penes populum esse, istis vulneribus mordacem medicinam adhibere. Præterea hoc modo populo alioquin nimis abiecto aliquid dignitatis conceditur, ut saltè periclitante republica odijs nobiliū conuulsâ, ei libertas non licentia, moderandi ad tempus arbitrium non imperium datur. Nam in hoc casu solum, in hac veluti extasi & deliquio ciuitatis hunc clauum populo concedi volumus. Sequitur iam altera dubitatio, An vni liceat simul plures subire magistratus? Cui honos datur eidem & onus imponitur, mutabo versum.

Secunda quæ-
stio.

Res est solliciti plena timoris honor.

Quid ais Cæsar? Peierabo propter regnum. In regno es, quid ais Cæsar? Heu mihi misero, nam in senatu pereō. Dic ergo Cæsar quid regnum putas? Est arx excelsa fortunæ, sed lues hominis. Utinam sanè impensius hoc vnum cōsiderarent ambitiosi, qui hodiè in aucupâdis magistratibus mille scopulos & casus patiuntur; sed cæca est ambitio istorum temporum, multi sunt Cæsares, Catones pauci; multi sunt qui præcipitantiùs ad magistratus feruntur, sed qui in magistratu se viros quales decet ostendant, reperiuntur quidem

Contra plures
eiusdem ma-
gistratus.
1. A definiti-
one.

2. A differen-
tia.

3. A difficili.

4. A simili.

5. Ab euentis.

quidem longè paucissimi. Miror igitur vel potius admiror illos qui simul plures magistratus arripiunt, cum (si melius de hac re consultant) vno defungi ut decet, laboris plus quam honoris habeat. Argumenta quæ hoc verum esse demonstrant sunt multa, inter quæ primum à definitione magistratus ducitur. Nam si magistratus sit publicum officium ciuitatis, quo quis ex priuata conditione ad commune procurandum bonum publica persona fiat, nemo sapiens existimet se posse simul Aeneam & Hectorem, Catonem & Scipionem in theatro ciuitatis agere. Nam inter togam & hastam, inter pacem & bellum, quæ vnquam communicatio fuit? Quoniam ergo omne publicum officium in repub. integrum & iustum requirit virum, iniquè comparatum est, si vnus (qui vix vno rectè & iustè fungitur) pluribus officijs oneretur. Alterum argumentum à differentiâ peti ac deriuari potest, nempe quod distinctos magistratus distincta munera & officia habeant, ut ædilitas & prætura; sequitur ergo quod etiam distinctas personas istis officijs præfici par sit, nam aliter periculosa magistratuum in ciuitate confusio erit. Tertiam addo rationem à difficili, quod omnis functio publica est magnis & multis difficultatibus implicata, fieri ergo non potest sine pernicie reipub. ut vnus idemque pluribus magistratibus vtatur. Nam si fiat, necesse est ut alterum omninò deferat, si alteri (vti decet) pro viribus seriò ac diligenter attendat. Præterea à simili hoc ipsum probo, quia ut natura non vni omnia sed singulis distincta officia dedit, exempli causâ, soli ut luceat, igni ut ardeat: ita ratio & ordo in ciuitate postulant, ut vnus vnum officium non plura ambiat aut vendicet. Porro huic instituto argumentum ab euentis ductum inseruit, videlicet quod ambitum possessionemque plurium magistratuum sequantur in ciuitate hæc mala, nempe murmur & grunitus populi, negligentia officij, iudicij corruptio, dignitatis odium & cōtemptio. Postremò qui aduersam huic opinionem tuentur, ostendant mihi velim quam consuetudinem, quod exemplum, quod denique vestigium

vestigium florentis reipub. sequantur. Scio equidem in quibusdam ciuitatibus hoc fieri: at quo iure, qua lege, quo exemplo maiorum fiat, certè nescio. Romani, Macedones, Lacedæmonij hanc legem tulerunt, ut nemo duobus simul in ciuitate fungatur officijs: Est enim plus oneris in vno, quam vnus rectè subire ac sustinere potest. Valeant ergo, qui (ut ita loquar) pluralitate & tot quot magistratuum pondere capiuntur: escam deuorant sed virulentum hamum subesse non intelligunt. Hæc scripsi non quod non existimem esse quædam miracula ingenij, rationis & experientiæ, quibus fauor principum ac ciuitatum plures reipub. clauas ac magistratus iure potest committere. Sed quoniam tales inter homines phænices sunt, ut illis qui pluribus defunguntur officijs inuidere non debeo, ita plures vni dignitates concedi posse definire non audeo. Nam ut in altero par est ut Sceuolæ & oracula ciuitatis multis & magnis reipub. luminibus illustrètur: ita in hoc semper tutum non est ut Aquilis & potentioribus viris clauis & cartæ multarum nauium committantur: aquile enim pennis ultra nubes vecti sæpe in solem volare nitentur.

Distinctio primæ quæstionis.

An dissentientibus magistratibus, lites indicandi populo plena potestas detur?

In seditione magistratuum lites iudicandi populo potestas danda, quia	<div style="display: inline-block; vertical-align: middle; font-size: 2em; line-height: 1;">{</div> <div style="display: inline-block; vertical-align: middle;"> <p>Aliter iudicari ac decerni non possunt. Maiora populo in ciuitate committuntur, ut electio principum, constitutio legum. Tum in populo est vox plena ciuitatis. In tali euentu optimæ ciuitates hoc ipsum fecerunt. Sic melius in officio se gerunt magistratus; sed superioris dilucidè hæc declarantur.</p> </div>
---	--

Opp. Si populo liceat nobilium motus litesque componere, verendum est ne ex monarchiâ aut aristocratiâ tandem democratia fiat: sed talis mutatio in ciuitate est periculosa: ergo populo hoc facere non licet. Maior probatur, quia hæc datâ licentiâ populus libertatis suæ imperium potius arripere, quam seruitutis iugum diutius sustinere quæret.

Resp. Non hoc volumus ut populus in discordantes principes vi-

M 5

res

Ab absurdo.

ros irruat, sed ut ordine & lege illos (si fieri potest) reconciliet: quod sodium flammam habeat, lege & auctoritate ciuitatis coerceri debent.

A disparatis. Opp. Populus legem non potest condere, ergo ei non licet in optimates praescribere. Antecedens probatur, quia penes regem est leges constituere. Argumentum tenet, quia sublatâ potestate condendi legem, nullam legitimam auctoritatem habet componendi lites.

Resp. Quamuis absolutè non conceditur populo legem condere, comparatè tamen conceditur. Præterea in omni bene instituta reipub. hac lex cum consensu virorum optimatum datur, ut si contingat procerum seditio, eiusdem per populum fiat sedatio. Postremo licet populo legem coactò senatu condere, quia licet principes eligere. Nam quid aliud est imperium quàm summa auctoritas uni data per populum?

Distinctio secundæ quæstionis.

Quod vnus plures simul non subiret magistratus probant	{	Imbecillitas hominis, qui vix vnum potest sustinere.
		Dignitas magistratus, qui prudentem & expertum requirit virum.
		Ordo ciuitatis, qui vnum vni solùm tribuit, ut reliqui ciues etiam participes fiant.
		Conseruatio pacis, quia aliter populus tumultuabitur.

Ab instantia. Opp. Rex omnes magistratus reipub. iure ciuitatis tenet: ergo uni licet plures subire ac sustinere magistratus. Argumentum tenet, quia si rex vnus omnes habeat, alter qui prudens & expertus est, plures sibi vendicare potest.

Resp. Rex (ut aiunt) explicitè vnum, implicitè verò omnes ciuitatis magistratus tenet. Hoc autem modo tenere, est nihil aliud quàm animam ciuitatis esse: nam ut mens vna singulis corporis partibus praescribit, quæ tamen ipsa proprium officium habet: ita rex alijs reipub. magistratibus præest, cum tamen ipse distinctam à reliquis maiestatem teneat.

A merito. Opp. Ciuitas bonas dignitates fortuna distribuere debet, prout merentur ciues: sed multi sæpè merentur plures magistratus: ergo absurdum non est si plures uni concedantur. Maior est Arist. in Ethicis, ubi docet quod bona fortuna ancillantur virtuti. Minor probatur.

batur, quia sunt multi, ut Horatius Cocles Romanus ille, qui patriam liberando merentur plurima.

Resp. Meritum tum satis remuneratur, cum iustitia & ciuitatis observatur ordo. Quod Horatius Cocles, Scipio, Cursius, alijq. multi liberarunt patriam, officium fuit: quantitas tamen meriti vnius dignitatis augmento, non plurimum magistratum dispendio compensatur.

Dubium.

An liceat magistratum emere?

Intrusio hæc est, nō electio (Verres rapacissime) quæ propter quæstum honorem in ciuitate quæris, rempub. venalem ac sordidam ciuitatem facis. Vox illa explosa est (seditiose Antoni)

O ciues ciues, quærenda pecunia primum,

Virtus post nummos.

Horat. epist.
lib. 1. epist. 1.

Explosa dixi? Imò recepta. Imò pro dolor probata nimium: nega si possis, nam hoc est verum,

Si nihil attuleris stabis Homere foras.

De Roma olim hoc dictum fuit, omnia venalia Romæ. Roma vrbs ampla est & spatiosa, sed non sola capax istius sententia. Quid vis pecuniose mercator? ambisne magistratum? dic quantum dabis? centum: heu nimis leue: ducentos dabo: ne id quidem placet: gradarium spadonem fortasse addam. Longamus dextras: heus tu, iurabis deuotè, te nihil dedisse: politicum hoc est modò subsit lucrum. Politicum ais (pessime) modò subsit lucrum? O Christe, quam vocem audio? sed digito cōpesco labellum. Politicum ais (scelerate) modò subsit lucrū? O Christe, si latius hoc malum serpat, quem lapsum & luē ciuitatis video? sed conuiuere oportet: nam dies mali sunt, corrupti ciues. Non licet, non (inquam) licet vendere magistratum; dignitas enim non pecuniâ sed virtute emitur: at magistratus est dignitas, ergo non pecuniæ, sed virtuti debetur. Nō fero hanc vocem, modò subsit lucrū: nam iustè rem acquirere est verè lucrum: sed pecuniâ emere magistratum nō est iustè acquirere: ergo pecuniâ emere magistratū nō est verè lucrū.

Pergis

Contra magistratum
nundinationes.

ros irruat, sed ut ordine & lege illos (si fieri potest) reconciliet: quod si odium flammam habeat, lege & auctoritate civitatis coerceri debent.

A disparatis. Opp. Populus legem non potest condere, ergo ei non licet in optimates praescribere. Antecedens probatur, quia penes regem est leges constituere. Argumentum tenet, quia sublata potestate condendi legem, nullam legitimam auctoritatem habet componendi lites.

Resp. Quamvis absolute non conceditur populo legem condere, comparate tamen conceditur. Praterquam in omni bene instituta republica hac lex cum consensu virorum optimatum datur, ut si contingat procerum seditio, eiusdem per populum fiat sedatio. Postremo licet populo legem coacto senatu condere, quia licet principes eligere. Nam quid aliud est imperium, quam summa auctoritas uni data per populum?

Distinctio secundae quaestionis.

Quod unus plures simul non subiret magistratus probant	{	Imbecillitas hominis, qui vix unum potest sustinere.
		Dignitas magistratus, qui prudentem & expertum requirit virum.
		Ordo civitatis, qui unum uni solum tribuit, ut reliqui ciues etiam participes fiant.
		Conseruatio pacis, quia aliter populus tumultuabitur.

Ab instantia. Opp. Rex omnes magistratus reipublicae iure civitatis tenet: ergo uni licet plures subire ac sustinere magistratus. Argumentum tenet, quia si rex unus omnes habeat, alter qui prudens & expertus est, plures sibi vendicare potest.

Rex unus
explicitè,
omnes im-
plicitè magi-
stratus.

Resp. Rex (ut aiunt) explicitè unum, implicitè verò omnes civitatis magistratus tenet. Hoc autem modo tenere, est nihil aliud quam animam civitatis esse: nam ut mens una singulis corporis partibus praescribit, qua tamen ipsa proprium officium habet: ita rex alijs reipublicae magistratibus praest, cum tamen ipse distinctam à reliquis maiestatem teneat.

A merito.

Opp. Civitas bona dignitates fortune distribuere debet, prout merentur ciues: sed multi saepe merentur plures magistratus: ergo absurdum non est si plures uni concedantur. Maior est Arist. in Ethicis, ubi docet quod bona fortuna ancillantur virtuti. Minor probatur.

batur, quia sunt multi, ut Horatius Cocles Romanus ille, qui patriam liberando merentur plurima.

Resp. Meritum tum satis remuneratur, cum iustitia & civitatis observatur ordo. Quod Horatius Cocles, Scipio, Cursius, alijs multi liberarunt patriam, officium fuit: quantitas tamen meriti vnius dignitatis augmento, non plurium magistratuum dispendio compensatur.

Dubium.

An liceat magistratum emere?

Intrusio haec est, non electio (Verres rapacissime) quam propter questum honorem in civitate quaeris, rempublicam ac sordidam civitatem facis. Vox illa explosa est (seditiose Antoni)

O ciues ciues, quarenda pecunia primum,

Virtus post nummos.

Horat. epist.
lib. I. epist. I.

Explosa dixi? Imò recepta. Imò prohi dolor probata nimium; nega si possis, nam hoc est verum,

Si nihil attuleris stabis Homere foras.

De Roma olim hoc dictum fuit, omnia venalia Romae. Roma vrbs ampla est & spatiosa, sed non sola capax istius sententiae. Quid vis pecuniose mercator? ambisne magistratum? dic quantum dabis? centum: heu nimis leve: ducentos dabo: ne id quidem placet: gradarium spadonem fortasse addam. Longamus dextras; heus tu, iurabis deuotè, te nihil dedisse; politicum hoc est modò subsit lucrum. Politicum ais (pessime) modò subsit lucrum? O Christe, quam vocem audio? sed digito cōpesco labellum. Politicum ais (scelerate) modò subsit lucrū? O Christe, si latius hoc malum serpat, quem lapsum & luē civitatis video? sed conuiuere oportet; nam dies mali sunt, corrupti ciues. Non licet, non (inquam) licet vendere magistratum; dignitas enim non pecuniā sed virtute emitur: at magistratus est dignitas, ergo non pecuniae, sed virtuti debetur. Nō fero hanc vocem, modò subsit lucrū: nam iustè rem acquirere est verè lucrum: sed pecuniā emere magistratum nō est iustè acquirere: ergo pecuniā emere magistratū nō est verè lucrū.

Pergis

Contra ma-
gistratum
nundinatio-
nes.

Mantuan.

Pergis adhuc impie, modò subfit lucrum? Quod tuum non est, non debes vendere: sed magistratus est bonum ciuitaris non tuum: ergo magistratum non debes vendere. Impudens es si adhuc pergas, nam ciuitatem ad hastam figere est immane scelus: sed emere vendereq; magistratus est ciuitatem ad hastam figere: ergò emere aut vendere magistratus est immane scelus. Rationem quæris? Audi:

Vendere iure potest, emerat ille prius.

Hinc fit vt pecunia non prudentia, quæstus non virtus, affectio hominis non moderatio æquitatis in ciuitate regnent.

Distinctio.

- | | | |
|--|---|---|
| Non licet
magistra-
tum emere,
quia | 1 | Magistratus est bonum publicum ciuitatis, quod solùm virtuti debetur. |
| | 2 | Ambitio in omni rectè administrata ciuitate prohibetur. |
| | 3 | Hoc modo honesta paupertas ab omni dignitate ciuitatis excluditur. |
| | 4 | Sordidum est in ciuitate, si talis quæstus permittatur. |
| | 5 | Periculosum est, si tribunali iustitiæ pecuniâ corumpatur. |

Ab adiuncto.

Opp. *Quicquid ciuitatem potentem & opulentam reddit, tolerari vel potius approbari debet: sed emere magistratus ciuitatem potentem & opulentam reddit: ergo vendere magistratus tolerari vel potius approbari debet. Minor probatur, quia hoc statuto vt in thesaurum ciuitatis euentium pretia importentur, necessario potens aduersus hostes & opulenta erit.*

Resp. *Maiores suspecta est, nam quicquid potentem & opulentam ciuitatem reddit tolerari non debet, nisi iure fiat. Minorem autem nego, & ad confirmationem dico, quòd hoc statutum iniustum sit, quia sordidam & venalem ciuitatem reddit, imò iustitia & æquitatis imperium omnino tollit, nam valeat iustitia ubi regnat pecunia.*

A testimonio.

Opp. *Laudabile & gloriosum fuit apud Carthaginienses (vt est in textu) & emere magistratus & plures eodem tempore sustinere: sed Carthaginensis res pub. laudatur ab Aristotele, ergo videtur laudabile magistratus emere.*

Resp.

Resp. *Infirmum est argumentum ab uno exemplo Carthagenensium, qui tamen si in alijs laudantur quidem, in hoc tamen reprehensione dignissimi fuerunt, vt Philosophus in textu docuit.*

Opp. *Quicquid vim iuris hereditarij habet emi quidem potest, sed multa dignitates ac magistratus sic dantur multis, vt vim iuris hereditarij habeant: ergo multa dignitates ac magistratus emi quidem possunt.*

Resp. *Experientia docet principes quibusdam egregie merentibus de repub. magistratus quosdam sic dedisse, vt non solùm ipsi superstites, sed etiam posteri perfruantur: non tamen hinc sequitur, aut iure hereditario hos magistratus teneri, aut omnino diuendi posse: nam eos non dederunt principes vt venderentur, sed vt illorum virtutes, quibus dederunt, in posteris magis elucerent.*

CAP. X.

An innocens falso accusatus iustè aliquando condemnari possit?



DE LEGISLATORE
VEMADMODVM victores in bello de victis multos vnà cum suis spo-
lijs per vrbes in triumpho ducunt: Atheniensi, & alijs.

ita in fine huius certaminis Aristoteles triumphantium more multos ex suis aduersarijs deuinctos & quasi captiuos in signum victoriæ suæ nobis ostendit. Socratem, Platonē, Phaleam, Hippodamum vnà catenâ: Lycurgum, Solonem, aliosq; permultos aliâ constrictos, non aliter quàm seruos lege, huc atque illuc impelli ac circumduci videas. Nam vt præter rem ipsam nihil dicam, Philosophus in hoc capite, solùm suos aduersarios modò superatos nominat, illorum leges ac instituta breuiter recenset, pauca assumit sibi, reliqua vt spolia suæ artis nobis proponit, sic enim ait. Eorum qui de repub. scripserunt quidam in otio & quiete semper vixerunt, vt Plato, Phaleas, Hippodamus: quidam

De rep.
Athen. Plut.
in Solon.

Plut. in Peri-
cle & Cimo-
ne.

De varijs le-
gumlatoribus
Cael. Rhodi-
gin. antiq. lect.
lib. 10. cap. 10.
De Zaleuco
Cic. ad Att. 6.
ep. 1.

Val. Max. lib.
6. cap. 5.

„ quidam in ciuitatis administratione sunt versati, at horum
„ alij legum authores fuerunt duntaxat, alij etiam reipublicæ
„ administrandæ rationem tradiderunt, vt Lycurgus & Solon.
Hic Solonem vt industrium & sapientem legislatorē extollit
Arist. quia Oligarchiam seu paucorum dominatum sustulit,
quia populum seruitute liberauit, quia veterem Democratiā
seu auitam potentiam restituit, & quia denique totam temp.
Atheniensem rectē ac prudenter instituit. Senatum enim il-
lum Ariopageticum ad paucorum principatum, magistratuū
electionē ad optimatum imperium, iudicia ad populi autho-
ritatem retulit, sic ergo omnia in ciuitate permiscuit, sic tem-
perauit, vt summi, medij, infini, aliquā parte ciuitatis freti
omnium vixerint beatissimi. At accusarunt Solonem quidam
quod datā populo tantā iudiciorum libertate illustrem il-
lum Ariopagi senatum in nihilum tandem redegerit. Sed
respondet Philosophus hoc non in animo habuisse Solo-
nem, sed id effecisse Ephialtem & Periclem, qui mercena-
ria iudicia in fauorem populi reddiderunt: imò potius hoc
euenit ex victoriā illā celebri contra Xerxem imperatore
Themistocle, cuius author populus Atheniensis fuit, quo in-
solentior factus spiritus solito maiores sumpsit, adeoque in
Ariopagitas viros consulares intumuit, vt sorte suā non con-
tentus in tyrannidem conuersus triumpharet. His positis tur-
bam legumlatorum introducit, ac illorum proprias leges
& instituta narrat. Latores legū nominati hij sunt, Zaleu-
cus, Charondas, Onamacritus, Philolaus, Draco, Pittacus,
& Androdamas, quorum historiæ clarissimè in textu patent.
Zaleucus, vt aliquid de singulis dicam, hanc legem Locren-
sibus tulit, vt in adulterio deprehensi ambobus oculis pri-
uarentur: paulò post Zaleuci filius, reus istius sceleris inuen-
tus, ad patris tribunal sistitur, pro illo deprecatur populus;
at rex iustus, vt legi & populo satisfaceret, filio vnum & sibi
alterum effodit oculū. Rara certè ac mira est vis iustitiæ, quæ
reges sibi in filijs non finit parcere, quam enim peccandi li-
centiam speret populus si in regum filios ciuilis distringatur
gladius? Charondas, qui vrbibus Chalcidicis circa Italiā & Si-
ciliam

ciliam leges dedit, hoc vnum memoratu dignum mandauit,
vt mendaces ac falsi testes exilio & morte plecterentur. Ona-
macritus, qui arte diuinandi excelluit, in Creta hanc legē tu-
lit, vt religio in Deū violata gladio puniretur. Philolaus Co-
rinthius Thebanorum legislator constituit, vt bonorum (quæ
cuique sorte obtrigissent) & hæreditatum numerus sub pæna
exilij seruaretur. Draconis leges præter sanguinem, quo e-
rant conscriptæ, nihil omnino sapuerunt, nam omnibus cri-
minibus etiam leuissimis capitis pænam constituit. Pittacus
Mytilenæus legem sanxit, vt ebrij, si quem læderent, ma-
iorem pænam quàm sobrij luerent. Androdamas mul-
tas leges de cædibus & orbis puellis tradidit. Platonis le-
ges hic lubens taceo, quia antea easdem recensuit & refu-
tauit Philosophus. Cæterum ex his enumeratis legibus
hanc vnā quæstionem decerpam, An falso testimonio op-
pressus & accusatus iustè condemnetur? Charondas (de
quo modò diximus) multa de falso testimonio comme-
moratione digna scripsit, inter quæ hoc vnum est, quod fal-
sis testibus oppressus aliquando iustè condemnetur. Sci-
endum est testimonium olim introductum fuisse in fauo-
rem agnoscendæ veritatis, vt quantum in nobis est ad pri-
mam veritatem, quæ falli non potest, tenderemus. Hinc
liquidò constat, quàm immane & inhumanum facinus sit
falsum testimonium perhibere, cum sit quàm maximè à pri-
mâ veritate discedere ac declinare. Est enim in falso testi-
monio triplex deformitas, periurij, violatæ iustitiæ, oc-
cultæque malitiæ: periurij, quia nemo in iudicio vt testis
nisi iuratus admittitur; violatæ iustitiæ, quia seueris legibus
hoc prohibetur; malitiæ, quia innocens hoc modo in pe-
riculum ac vitæ discrimen contra intentionem ciuitatis
trahitur. Cæterum quamuis falsum testimonium sit mon-
strum contra conscientiam & veritatem, quo nihil crude-
lius esse aut fingi potest: qui tamen falsis testibus oppres-
sus condemnatur, iniustam sententiam ferre semper non
dicitur. Nam cum via discutiendi sceleris, cumq; huma-
na veritatis indagandæ ratio sit admodum infirma ac imbe-
cilla,

De Charon-
da Plat. poli.
10. de vtroq;
Cic. de leg. 2.
& Diod. Sic.
biblio. lib. 12.
Proxmia le-
gum à Zaleu-
co & Charon-
da latarum
habet Stobæ.
ser. 42.
Demades.
Plut. in Solo-
ne.
De Pittaco
Diog. Laert.
de hac lege
Rhet. 2.
Eth. 3.
Quæstio.

cilla, fieri non potest, quin iudex (sit ille sapiens) aliquando perditorum iuramentis cogatur credere: nam tam diu perniciosi pro bonis habentur, donec probantur esse aperte mali. Cum ergo coram iudice sanguisugæ vitæq; insidiatores iurandum solemnius contra Aristidem iustum de crimine læsæ maiestatis sumant, si iudex secundum allegata & probata (ut aiunt) procedat, iniuste Aristides non cōdemnatur: quippe melius est ut Aristides vnus quam ordo iuris ac ciuitatis periat. At dices, bonus est: ergo iuste condemnari non debet. Illud quoque addo, nemo sine culpā, nemo sine causa è vita tolli debet. Respondeo hoc fieri sine culpa Aristidis, at non sine causa ciuitatis, quæ est ordinatio seu constitutio iuris. Verum si iudex hoc ipsum intellexerit, nempe Aristidem esse innocentem, quamuis ut iudex in seueritate legis punire potest; in moderatione tamen æquitatis, quæ iustitiæ aciem retundit, hoc ipsum omnino agere prohibetur; imò exquisitissima potius tormenta iudex subire non recuset, quam innocentis sanguinem contra suam ipsius conscientiam effundat.

Distinctio quæst.

Iniusta mente
iustā cur fiant.

Innocens falsò accusatus iuste aliquando condemnari potest, quia

Iudicium secundum allegata & probata procedit.
Ordinatio communis iustitiæ post deponendum testimonium hoc ipsum postulat.
Tribunal locus terroris non lenitatis, iustitiæ non clementiæ dicitur.

Ab aduerso.

Opp. Virtus laudem non panam meretur, ergo iustus ac innocens iure condemnari non potest.

Resp. Fatendum est premium potius quam panam iusto deberi, veruntamen si iustus secundum ordinem ciuitatis ut reus accusetur, idem ex præscripto legis (quæ ad publicum bonum conseruandum refertur) iuste condemnari potest.

Ab effecto.

Opp. Crudele est sine culpa in aliquem animaduertere: sed à iusto non committitur culpa: ergo crudele est in iustum animaduertere.

Iudex iustus
innocentem

Resp. Sine culpa est at non sine causa; nam cum testimonium refutari non potest, testimonio instructus iudex iustitiæ gladium ex officio

officio distringit, accusatumq; tanquam reum percutit ac condemnat. Hoc autem tum solum fit, cum insidia falsorum testimonium deprehendi non possunt: aliter re cognita, iudex æquitatem ad clementiam potius quam seueritatem ad offensionem & vult si bonus est, & solet si constans, & debet quia iudex, exercere. Nam si re cognita iustum condemnaret contra suam ipsius conscientiam ageret, quo mordacius, vel atrocius, nihil fingi aut cogitari potest: sunt tamen qui existimant, quod iudex, ut iudex, non ut priuata persona, iuste innocentem sic accusatum condemnet.

Dubium

An ebrius flagitium committens grauiore panā sit affligendus, quam si sobrius commississet?

Longiùs facesse hinc quæso (M. Antoni) nam hesternæ cœna, quam hodie cum fructis Bacchum redolentibus euomueris, me adhuc ieiunum nimis offendit. Nonne vides temulente tuum ipsius gremium totumq; tribunal incoctæ tuæ cœnæ facibus defædatum? Salue Tiberi imperator bibacissime, vosq; Flacce & Piso florentissimarum palmarum bibuli, saluete plurimum, an biduum hoc totum potando consumpsistis? Quis fit quod oculos vestros tam somniculosos, linguas tam tremulas, pedes tam vacillantes videam? Appello Philippe Macedonum rex inclytissime. Appellas furcifer? Appello tamen. Ad quem tandem? à Philippo iam temulento ad Philippum sobrium. Sed quid ago? Demonstrando melius quam perorando hæc causa peragetur. Rectè Seneca. Ebrietas nihil aliud est quam voluntaria insania. Ebriosus ergo, qui scelus committit, tam est indignus veniā, ac qui duplici panā affligi ac vulnerari debeat; duplici dico, quia vnam subiret propter ignorantiam, quæ est crassa & supina; alteram verò propter culpam commissam, quæ est intoleranda. Præterea, qui plura mala agit, magis est castigandus: sed ebrius plura mala agit quam sobrius: ergo grauius est castigandus. Minor probatur, quia naturam, seipsum & ciuitatem offendit; naturam, quæ ebrietate imbecilla redditur; seipsum, quia acies ingenij hoc modo tollitur; ciuitatem, quia ciuis furioso vini halitu ac flammā læditur. Postremò

sine culpa, nō tamen sine causa ali-quando cōdemnet.

Protopopæia Machetæ & Philippi.

In ebrios cur pœna grauior sit irrogandā. Arist. Eth. 3. cap. 5.

Ebrius in Naturam, Ciuitatem, Seipsum peccat.

N

ebrietatem

Ebrietatem
sequuntur
libido animi,
intemperan-
tia populi.
Vinum lo-
quax.

ebrietatem maiora incommoda reipub. sequuntur, ut libido animi, intemperantia populi, quæ pestes tanquam ulcera latius serpunt, totamq; civitatem, si non sanentur, veluti leprâ & scabie incurabili tandem inficiunt. Quare Pittacus rectè (ut est in textu) severas in ebriosos leges constituit: parcè ergo sumatur vinum: nam vinum loquax est & tacere nescit, imò vinū & venus homines cyclopa monstraq; naturæ reddunt. Vinum pharmacum corporis, sed venenum mentis; illius usum ad sobrietatem probo, at excessum ad ebrietatem acriter reprehendo.

Distinctio.

Ebriosus commit- tens scelus gravi- us est puniendus propter	{	Ignorantiam, quæ est voluntaria.
		Iniuriam, quæ facta est naturæ.
		Damnum, quod infertur reipub.
		Mala, quæ sequuntur intoleranda.

Ab efficiente. Opp. Peccatum eo gravius est quo magis voluntarium: sed peccatum sobrii est magis voluntarium quam peccatum ebrii: ergo peccatum sobrii est gravius, & ex consequenti sobrius magis propter scelus commissum est puniendus quam vino captus. Maior est Philosophi tertio Ethicorum. Minor experientia patet, quia musto ac mero pleni intentionem sceleris non habent.

Resp. Non minus voluntarium est peccatum ebrii quam sobrii, quia ignorantia vinum ledere est voluntaria, quæ ignorantia est causa perniciose ebrietatis. Præterea index non semper condemnat ex intentione hominis, sed ex lesione maiore aut minore civitatis; hinc iurisprudentes vulgò dicunt: homo aliquando puniri potest sine culpa, si intentionem mentis, at non sine causa si lesionem civitatis spectes.

A pari. Opp. Ebrii & insani solum tempore differunt, nam utriq; usu rationis carent: sed insani propter scelera commissa non puniuntur gravius, ergo nec ebrii.

Resp. Plus differunt quam tempore ebrii & insani, nam ebrietatis causa est voluntaria, at insania causa vitium est nature. Quare si utriq; iisdem legibus non coerceantur, benè consultum est, nam magis civitatē monstruosa ebrietas, quam furiosa insania lacerat.

Laus Deo.

LIBER

LIBER TERTIVS.

CAP. I.

An civis & civitas rectè definiantur?
An mutato statu reipub. idem civis maneat?



SPOLIIS multorum philosophorum nunc tandem rediens Arist. ad pacis castra & præcepta venit; nam ut in altero libro sollicitus erat Socratis, Platonis, Hippodami, Phaleg, aliorumque, utputa Atheniensium, Lacedæmoniorum, Carthagenensium civitates minùs cautè propugnatas deicere: ita in hoc & in reliquis

iam sequuturis Spartam aliquam nobilem ædificare conatur, quam neq; hostilis manus cõterat, neq; dentata temporis lima & vetustas vnquam conficiat. Hæc civitas non pulchris domibus ut Alexandria, non altis mænibus ut Carthago, non varijs montibus ut Roma ornata est: insignem tamè in eo laudem habet, quòd optimis legibus munita, diuinam Philosophiam in solio regnantem, incorruptam iustitiam in foro iudicantem, æternam pacem in templo triumphantem videat. Huc enim omnis civitas hominumq; societas debet contendere, ut in consilijs prouida, in præmijs & pænis incorrupta, in usu pacis beata esse videatur: quæ certè omnia fieri non possunt, si Aristotelis Politicis contemptis, Politica Machiaveli civitatem regant. Sed rem aggredior. Tertius hic liber Politicorum in tres partes diuiditur, in quarum prima, quid civis & civitas, in secunda quoduplex, in tertia quæ optima est civitatis constitutio generatim ostenditur. Primum hoc caput iterum has duas partes continet, nempe definitionem & tributa-

Tertius liber
in tres partes
distribuitur.
Primi cap.
partes 2.

N 2

tionem.

Propositio.

tionem. Definitio duplex est, ciuis ac ciuitatis. Dubitatio multiplex, in qua res variæ proponuntur. In primo vestibulo istius capitis demonstrat Philosophus necessarium esse homini politico, quis ciuis, quid ciuitas sit definire: ratio est, quia aliter quid à ciuitate, quid à potentia optimatum, quid à tyranno factum sit, facile iudicari non potest. Præterea cum ciuitas sit materia in quâ totum negotium & veluti sphaera reipublicæ vertitur, necesse est vt accuratè politicus, quid sit ciuitas, perscrutetur: & quoniam totum haud rectè intelligitur sine parte, primum quid ciuis sit (qui est pars ciuitatis) declaratur. Nam in omni statu ac conditione ciuilibus administrationis idem ciuis non est: verbi causa, qui est in populari statu ciuis, in paucorum potentia ciuis non erit: qui ergo imperitus est definiendi ciuem, fateatur se non solum politicæ scientiæ ignarum esse, verum etiam minùs idoneum ad vllam in ciuitate administrationem, vllumque ordinem suscipiendum. Sed ne diutius lectorem suspensum teneam, primum in textu quis non sit ciuis quàm quis sit, quid non sit ciuitas quâ quid sit ostenditur. Distinguit ergo philosophus quòd alius sit ciuis analogicè & secundum similitudinē, alius simpliciter & secundum essentiā: sub primo nomine peregrinos, seruos, senes decrepitos, & infantes comprehendit: nam hij lege, & luce ciuitatis non aliter quàm ciues vtuntur. Veruntamen quoniam peregrini & serui rerum ciuiliū per se non sunt participes, quoniam decrepiti ab officijs & negotijs reipub. vacant, quoniam pueri ob defectum ætatis nondum in ciuium numerū sunt ascripti, non absolutè & simpliciter, sed secundum quid (vt aiunt) & ex parte inter ciues sunt nominandi. Ciuis autē simpliciter nullā re aliā definitur magis quàm participatione ciuilibus potestatis, quæ in consultādo, iudicādo, & subeundo magistratu cernitur. Nā siuè sit natus, siuè sit factus ciuis hanc potestatem aut insitam naturā, aut assumptā industriā & authoritate habet. Est ergo ciuis pars ciuitatis vel à naturā parta, vel publicā authoritate approbata, consilij, iudicij, & magistratus actu aut potestate compos. Est pars, nam vt ex membris corpus: ita

Ciuis Analogicè, Simpliciter.

Definitio Ciuis, & eiusdem interpretatio.

ex

ex ciuibus politica multitudo & ordo constat. Est pars à natura parta, vel publicā authoritate approbata, quia natura libertatem generandi, authoritas dignitatem approbandi habet. Est consilij particeps, si consultationem; iudicij, si suffragium; magistratus, si populi electionem & officium spectes. Actu, aut potestate horum omnium compos dicitur; actu, quia alij in naui reipublicæ negotiantur, vt Scipiones, Hannibales; alij in littore adhuc quasi ludunt, vt Papius Romanus ille puer, qui propter spem & expectationem indolis talarem togam adhuc paruus meruit. Hæc definitio ciuis ciuibus in Monarchiā, in Aristocratiā, in Democratiā, in omni statu rectè administratæ ciuitatis conuenit. In Monarchiā, quia libertas subditorum regiam maiestatem infirmiore reddat. In Aristocratiā, quia via dignitatis populo patefacta, nobilibus animos multitudinis maximè deuincit. In Democratiā, quia popularis hic status est, & sui perniciem (negatā populo authoritate) non querit. In mixto denique statu, & ex hisce omnibus conflato, quia nec reges sine libertate, nec procures sine benignitate, nec tribuni plebis sine consensu populi stare aut florere possunt. Nam vt inter animam & corpus: ita inter regem & plebem, inter principem & populum summa debet esse conspiratio, sine quā vela ciuitatis & fundamenta veluti periculoso fulmine discinduntur: nam quod regnum tutum, cuius custos populi metus est? Quæ ciuitas salua, in qua multitudo vi & armis oppressa viuit? Imò in qua libertate consultandi, iudicandi, magistratus gerendi priuata & spoliata viuit? Est ergo ciuis pars rectè administratæ ciuitatis natus, aut factus, consilij, iudicij, & magistratus particeps. Valeat hic tyrannis, omnisq; constitutio peruersa & iniusta ciuitatis: nam vt locum in quo tyrannus præest, nō ciuitatem: ita virum quem metus premit, non ciuem definitio. At ais, omnis ciuis ad cōsiliū, ad iudiciū, ad magistratum non admittitur, neque hoc ipsum decorum aut necessarium est vt admittatur, quippe multitudo plerumque impetita est, temeraria & inconstans: at ignorantia ad cōsiliū,

Macrob. Saturn. lib. I. cap. 6.

Verè ciuis.

Vulgus impetritum, temerarium, inconstans.

N 3

temeritas

Consilium.
Iudicium.
Magistratus.
Vid. Arist. pol.
4. cap. 14. 15. &
16.
Pol. 4. cap. 14.

Pol. 2. cap. 7.
lib. 5. cap. 11.
Plut. in Lycur.
Xenoph. de
rep Spar.
Generalis de-
finitio diuer-
sis conuenit.
Ephori ex
plebe. lib. 2.
cap. 7.

Definitio Ci-
uitatis, & eius-
dem explica-
tio.

temeritas ad iudicium, inconstantia ad magistratum admit-
tendum non debet. Respondeo, in hoc vel maximè prudentiam
eorum, qui ad clauum reipublice sedent, requiri, ut serio ac
diligenter animaduertant, quibus ad rempub. accessum pa-
tesciant. Cæterum id quoque caueant, ut neminem ex ciui-
bus penitus secludant, sed ut cuique opportunè quod suum est
pro conditione ac merito tribuatur. Per consilium hoc loco
consultationem, per iudicium electionem, per magistratum
indefinitum officium aut præmium ciuitatis Aristoteles in-
telligit; ad quæ tria quilibet verè ciuis vocari, & admitti de-
bet; nam in his tribus, forma ciuis, & ciuitatis cernitur. Se-
quitur in textu alia contra hanc definitionem obiectio, quod
in diuersis rerumpub. constitutionibus idem ciuis esse non
possit, & proinde vniuoca ciuis definitio singulis in omni
statu ciuitatis conuenire non potest: si enim constitutiones
diuersæ specie differant, ciues quoque in illis existentes eo-
dem modo distinguuntur. Præterea sunt aliquæ ciuitates in
quibus non habent ciues potestatem iudicandi & consul-
tandi in concione, ut apud Lacedæmonios, qui Ephoros
certos & definitos magistratus habuerunt. Sed facilè dele-
tur hæc obiectio: nam ista definitio ciuis generatim non spe-
ciatim traditur, at generalis definitio rebus naturâ diuersis
(ut animalis definitio homini & belluæ) vniuocè competere
& conuenire potest. De Ephoris Lacedæmoniorum cer-
tisq; ac definitis magistratibus respondeo, in eo populû à con-
silio, & iudicio non penitus arceri, quod penes populum
sit hos magistratus eligere, & approbare. Ex his iam constat,
quomodo rectè definiatur ciuitas, nam si ciuis sit pars rectè
administratæ ciuitatis nata aut facta; consilij, iudicij, magi-
stratus, actu aut potentiâ particeps, ciuitas erit necessariò
multitudo illorum qui hanc potestatem consulendi, & iu-
dicandi habent. Est ergò ciuitas vnita & collecta societas
hominum, vi naturæ aut iustitiæ, actu, aut potentiâ simul
existentium; nec non consilij, iudicij, magistratus, partici-
pum; qui iisdem legibus inter se deuincti, omni rerum tam
humanarum quàm diuinarum copiâ, & (ut aiunt) sufficien-
tiâ

tiâ perfruuntur; vnitam societatem dico, nam omnis disper-
sa societas & more belluarum vaga non est ciuitas. Vis na-
turæ additur ad natos, vis iustitiæ ad factos distinguendos
ciues. Hoc verbum actu, inseritur ut perfectos, potentia ve-
rò, ut imperfectos intelligas; per participationem consilij,
iudicij, magistratus, formam & perfectionem ciuis; per co-
piam & sufficientiam rerum tam humanarum quàm diui-
narum, formam & perfectionem ciuitatis intelligo: nam
virtutum, atque legum sancta & religiosa observatio, ci-
uitatis forma, & perfectio dicitur. Sequuntur iam dubia que-
dam, primum eorum qui neminem ciuem esse voluerunt,
nisi aut ab utroque parente ciuem natum, aut à longiore a-
uorum proauorumque stemmate progressum; sed hunc no-
dum cum Gorgia Leontino Arist. in textu facilè soluit; nam
si quisque à maiorum linea & sanguine pro libertate & do-
natione ciuitatis penderet, primi fundatores ciuitatum ciues
non haberentur: non ergò natura, non locus seu habitatio, nò
iuris seu fori communicatio ciuem semper ex necessitate fa-
cit, sic omnes nati in ciuitate tametsi serui, sic omnes incolæ
tametsi peregrini, sic omnes mercatores tametsi alieni, ciues
essent: restat ergò quod sola consilij, iudicij, dignitatis parti-
cipatio, ciuem verè definiat. Altera dubitatio est vtrum mu-
tato statu reipub. idem omnino ciuis maneat. Obseruandum
hic est mutari ciuitatis formam bifariam, aut benè, aut malè.
Benè, si grauissimis de causis regnum in senatum, ut apud
Romanos, aut ex aduerso commutetur respub. Malè, si infa-
niente populo regnum in tyrannidem aut popularem sta-
tum declinet. Si benè ac iustè fiat alteratio, ordo quidem mu-
tatur, sed idem ciuis manet, quod quidem probatur primû
ab inductione, quia Socrates existēs ciuis in monarchia, mu-
tato statu idem in aristocratia, idem in democratia, idem in
mixto statu reipub. manet: sed plures non sunt species rectè
administratæ ciuitatis: ergo mutatione factâ idem in om-
ni manet. Maior perspicua est, quia etsi mutatur ordo, ea-
dem tamen participatio consilij, iudicij, ac magistratus
manet. Nam in his omnibus constitutionibus aditus ad hæc

Forma Ciui-
tatis.

An utroq;
parente ciuis
solummodo
sit ciuis.

Secunda
questio.
Ciuitatis for-
ma mutatur
Benè, Malè.

tria nemini intercluditur. A definitione ciuis, quæ est vt sit pars ciuitatis nata, aut facta, consilij, iudicij, dignitatis, actû, aut potentiâ particeps; sed manente libertate in omni iusta reipublicæ forma hæc omnia sunt: Sequitur ergo eundem ciuem mutato statu permanere. At dices idem non est regibus ac Ephoris obedire, idem non est vnus imperio, vt in monarchia; & paucorum potentiæ, vt in aristocratiâ subiectum fieri. Fateor, at hæc ordinis non ciuis, modi non rei mutationem arguunt. A similitudine tertia ratio ducenda est, idque hoc modo. Quemadmodum surculo pomi aut alterius plantæ piro insitâ, natura pomi in pirum mutatur, radix tamen eadem manet: ita nouo ordine administrationis instituto, forma reipublicæ alteratur, at ciuis (qui est radix ac seges ciuitatis) idem incommutabiliter existit: si ergo eadem libertas, si eadem authoritas, si eadem consilij, iudicij, ac dignitatis communitas post mutationem ciuitatis manet, rationem non video, quin idem ciuis maneat. Sed hæc hæctenus ex opinione propria non repugnante in-textu Aristotele. Cæterum si à bono in malum, à iusto in deprauatum statum mutetur respub. vt à monarchia in tyrannidem, ab aristocratiâ in oligarchiam, à democratiâ in tymocratiam, à mixto statu in anarchiam, tum quidem eundem non existere ciuem existimamus. Nam vt hic docet Philosophus, eadem est ratio iusti & iniusti, quæ est veri & falsi: sed verum ens est, falsum non est: ergo iustum ens est, iniustum non erit; quasi diceret, in omni recte administratæ ciuitatis formâ, vt in monarchiâ, aristocratiâ, & cæteris, verè & iuste est ciuis: at in tyrannide, oligarchiâ, & reliquis, falso ac iniuste ciuis nominatur: si igitur monarchia in qua verè & iuste est ciuis, in tyrannidem commutetur: ciuis qui in illa fuit, in hac nō erit, quia id quod iniustum est, verè ac omninō non esse dicitur. Præterea cum in peruersis ac perturbatis illis constitutionibus reipub. nihil factum à ciuitate, nihil decretum à senatu, nihil lege, ac ordine constitutum ac definitum, iuste habeatur, necesse est vt iniuste sit habendus ciuis, qui ciuitatem non habet in qua

Verè, & iuste
Ciuis.
Idem valet
falsum & iniustum, falsū
non est, ergo
iniuste ciuis
non est ciuis.

viuat, at iniuste factus ciuis, non est ciuis, quia iniustum non est. Id enim solum in ciuitate fit, quod iure fit. Attamen si tyrannis in regnum, oligarchia in ciuitatem redeat, non est eadem ratio: nam tum falsum in verum, iniustum in id quod est iustum, id quod non est in id quod est, non ciuis in ciuem commutatur. At si quid factum pactumque sit in tyrannide aut oligarchia, id ipsum quodammodo ratum ac firmum in regno ac aristocratiâ voluit hic Arist. vt si mutuò vim magnam pecuniarum acceperit tyrannus mutatâ tyrannide in ciuitatem ad eandem soluendam teneri rempub. existimarit. Ratio est, quia etsi ciuitas verè non fuit, æquitas tamen semper florere debet: quod fieri non videtur, si pacta in tyrannide alijsque deprauatis constitutionibus reipub. mutato statu religiose non persoluantur.

In ciuitate solum fit, quod iure fit.

Distinctio primæ questionis.

An ciuis & ciuitas recte definiantur?

Ciuis & ciuitas considerantur bifariam, aut quoad	Constitutione naturæ, & sic in primo libro definiuntur.	Analogicè, & hoc modo, pueri, senes, serui, perigrini, ciues: tyrannis, paucorum potentia, popularisque factio ciuitates dicuntur.
	Administrationem prouidentie, & sic hoc loco accepta, considerantur, aut	Verè, & sic solum consilij, iudicij, magistratus participes, ciues: & iustæ constitutiones reipublicarum ciuitates habentur.

Opp. Definitio ciuis tradita omni ciui non conuenit: ergo non recte assignatur. Antecedens patet, quia neque in regali statu summi magistratus, neque in paucorum potentiâ consularis dignitatis particeps est: nam in illo rex successionem sanguinis, in hac gubernatores electione multitudinis designantur.

Resp. Primum negamus omnes reges successionem creari, nā multis in locis electione fiunt, neque hoc sequitur. Rex successionem sanguinis constituitur: ergo ciuis particeps summi magistratus non dicitur. Ratio

Particeps
magistratus
in fruendo,
utendo.

Ciuis natus.

Ciuitas con-
sideratur Ab-
solutè, Incho-
atè.

Serui & pere-
grini donati
ciuitate,
Ciues.

Pol. 2. cap. 7.

est, quia participatio non solum in fruendo cernitur, quod regi; ve-
rum etiam in utendo, quod ciui debetur. Præterea cum ciuis de re-
bus grauissimis ciuitatis in senatu consultandi, iudicandi, suffragandi
libertatem habet, & ita habet ut sine consensu populi lex publica
non fiat, in rege populus veluti conclusus, regia maiestatis quodam-
modo compos habeatur. Ad alteram partem argumenti respon-
deo, perpetuitatem Ephorum, qui electione fiunt, non obstare, quo-
minus ciues participes magistratus dicantur, partim quia alia sunt
officia in ciuitate, partim quia eorum calculis approbantur.

Opp. Ciuitas est politica societas lege & arte non uinatura facta:
ergo ciuis natus non est: natura enim hominem, instituta ciuem facit.

Resp. Ab uerbis natura ciuitas suas vires sumpsit, quamobrem
et si ciuitas absolutè considerata lege ac arte constat, inchoatè tam en
considerata ab utero nature fluit, & sic nati sunt multi ciues, qui à
parentibus ciuibz ortus initium petunt.

Opp. Peregrini, serui, pueri, senesq; decrepiti in textu à nomine
ac definitione ciuis excluduntur: sed hi singuli aut actu aut potentia
possunt esse consilij, iudicij, dignitatisq; ciuilibz compotes: ergo possunt
esse ciues.

Resp. Non queritur solum hoc loco qui esse possint, sed etiam
qui existant ciues: neq; in textu negatur pueris & senibus nomen
ciuis, sed docet Arist. hos non esse simpliciter & absolutè ciues. De
peregrinis & seruis dico, si illi consensu publico admittantur, si hi
donentur libertate, possunt rectè nominari ciues: at tutum non est ci-
uilem togam multis peregrinis concedere, tutum non est mancipijs
gladium authoritatis porrigere.

Opp. Senes ex albo & catalogo ciuium dispungere, est senes con-
temnere: ergo libro ciuium delcri non debent, ut docet in textu Phi-
losophus. Antecedens probatur, quia à catalogo ciuium illorum no-
mina dispungere, est à consilijs, iudicijs, ac magistratibus illos arcere.
At quid hoc aliud est quam venerandam caniciem ac senectutem
contemnere?

Resp. Respondetur huic argumento, senes à ciuitate non penitus
excludi, sed à publicis muneribus ciuitatis liberari. Ratio est, quod
plerumq; in illis & vires corporis & vires mentis deficient. Nam
ut corpus, ita mens (ut ait Arist.) senium habet: hoc autem dicit non
quod

quod anima intellectualis (qua immortalis est) senescat; sed quod
effatis ac deficientibus corporis instrumentis, splendor quoq; ac u-
sus rationis attenuetur, unde proverbium est; Senex bis puer.

Senex bis
puer.

Opp. Exules, hominesq; ignominia notati in textu videntur ne-
gari ciues: sed hoc est absurdum: ergo negari non debent. Minor pa-
tet, quia in tertio cap. huius libri Arist. defendit contrarium, nempe
bonum ciuem esse posse, tametsi vir malus idem existat.

Resp. In votis habuit Arist. ut omnes ac singuli in ciuitate boni
viri existerent, verum cum in turba ac silua hominum hoc fieri ne-
queat, distinguit fieri quidem posse ut sit ciuis bonus secundum vir-
tutem officij, quamuis sit vir malus secundum virtutem animi. Vult
tamen hoc loco exules hominesq; ignominia notatos in questionem
vocari, ut illorum exemplo alij à sceleris magnitudine deterreantur.
D. Thomas verbo hoc argumentum soluit: cum (inquit) Philosophus
homines vitiosos ciues esse negat, intelligit vitiosos tam animo quam
officio, quales exules ac corrupti indices habentur.

Argumenta contra definitionem ciuitatis.

Opp. Ciuitas est collectio multorum, qui non sunt participes con-
siliorum, iudiciorum, ac magistratum: ergo male definitur. Ante-
cedens probatur, quia artifices & serui sunt necessarij in ciuitate, &
tamen non sunt participes istorum, ut patet in textu.

Resp. Sicut ossa & ungues in homine sunt necessaria, & tamen
in forma & primaria actione hominis non communicant: ita manci-
pia & artifices in ciuitate sunt necessaria, tametsi ad consilia, iudi-
cia & magistratus ciuitatis non accersantur. Omnes hic artifices
non excludo, sed sordidos & illiberales, qui natura sorte in ster-
quilinijs ciuitatis sudant; sed huic argumento in expositione respon-
detur.

Ossa & vn-
gues, manci-
pia & artifi-
ces.

Opp. Nulla ciuitas est tam accumulate felix ac fortunata, ut
omni rerum tam humanarum quam diuinarum copia abun-
det: ergo male definitur. Antecedens constat, quia necessaria est
cum exteris nationibus gentibusq; rerum multarum commutatio.

Resp. Quemadmodum oculus perfectus in se dicitur, et si videre non
potest sine lumine: ita ciuitas in se vndeq; beata appellatur, et si florere
non

Anglia omnium rerum necessarium copia abundans.

non potest sine subsidio. Alij respondent huic rationi, quod per copiam rerum omnium hoc loco solum necessaria ad victum cultumq; intelligantur, in quibus dulcissima Anglia pra omnibus in orbe terrarum gentibus habetur beatissima.

Distinctio secundae questionis.

An mutato statu reipub. idem ciuis maneat?

Mutatur status reipublicae in

Bonum, ut si aristocratia transeat in monarchiam, & sic idem ciuis, hoc est eadem natura ciuis manet, ut sit consilij, iudicij, ac dignitatis compos.

Malum, aut e conuerso, & sic idem non manet, ut si monarchia in tyrannidem conuertatur idem ciuis eademq; conditio consultandi, iudicandi ac imperandi non manet.

Opp. Ciuitas & ciuis sunt relata: sed mutato statu reipub. non est eadem ciuitas: ergo non est idem ciuis. Maior constat ex definitione relatorum. Minor probatur, quia mutato statu eadem unio (qua est forma ciuitatis) non manet.

Resp. Eadem manet unio sed non idem ordo unionis: est enim in monarchia & aristocratia eadem unio ciuium, sed non eadem ratio & ordo administrandi: nam in illa uni, in hac pluribus subyci & obtemperare oportet.

Opp. Si verum sit mutato statu eundem ciuem manere, tum monarchia, aristocratia, & democratia, eadem ciuitas dicerentur: at hoc absurdum est: ergo mutato statu idem ciuis non manet. Maior probatur, quia ex mutatione ciuitatis, mutatio ciuis pendet. Minor probatur, quia haec tria diuersas ciuitates efficiunt.

Resp. Romanum imperium factum consulare, consulare iterum in popolare versum, statum ciuitatis non ciuitatem commutauit: modus ut dixerim administrationis, non essentia ciuitatis tollitur, manet ergo eadem ciuitas, idemq; ciuis manet.

Opp. In secundo cap. huius libri aperte probatur, quod mutato statu mutetur ciuitas: ergo male hoc loco defenditur contrarium. Antecedens patet in textu ex his verbis. Vbi (inquit Philosophus) ciuitatis administranda ratio specie sit dispar ac dissimilis, differetq; ciuib;

ciuib; necesse esse videatur ciuitatem non esse eandem.

Resp. Ciuitas & ciuis considerantur bifariam: aut generatim, pro formali unione hominum in ordine viuentium, & sic non mutantur: aut speciatim pro alio alioq; modo administrationis, & sic mutato statu mutantur, non tamen quoad essentiam sed quoad existentiam & ordinem utriusq; diuersus enim ordo existit, sed eadem unio (qua est forma ciuitatis) aliter modo, non natura affecta manet.

Ciuitas & ciuis bifariam considerantur.

Dubium.

Verum pacta tyranni mutato statu seruari debeant à ciuitate?

Huius itis indicium habet Demost. in Leptinem.

DELIRAS si furenti tyranno quicquam concedas: an acta furoris & libidinis, quae in tyranno regnat, ciuitatis nomine defendis? Mirum est Aristoteles, quod contradicendi studio tantoperè delecteris, ut in calce istius cap. audeas docere, actiones tyrannorum quodammodo fieri à ciuitate, easdemq; chyrographo ciuitatis confirmari debere. Quid si prodat ciuitatem tyrannus? quid si conspiret in consules? an ista facinora sint approbanda? An ut acta ciuitatis sunt æreis tabulis insculpenda? Nugas agis si sententiam meam tam peruersè interpreteris: quippè non dico tyrannidem esse statum reipub. sed labem, non esse ciuitatis clauem, sed lumen: hoc tamen volo, acta publica in deprauato statu ciuitatis (mutatâ in melius constitutione) persolui; non tamen omnia, sed ea solum, quae non seruata, infamiae maculam posteris aspergant. Ut si tyrannus publico consensu cum alio principe fœdus pacis ineat, si pecuniam mutuò accipiat, si sine pernicio ciuitatis, alia negotia quaecunque tractet, mutato statu hæc (inquam) omnia iustitiâ suadente præstari ac persolui debent. Sed ut rationes huius rei punctim accumulem. Si hoc non fieret, ius æquitatis violatur, ciuitatis honor diminuitur, iniuria alijs offertur, conflatur inuidia, belli ac seditionis fax accenditur, & deniq; (quod maximum est) tragædia impiorum plerumq; sequitur. Multa hîc proponi possunt exempla, sed instar omnium sint Athenienses, qui da-

Sex rationes.

tas à Lacedæmonijs pecunias, à triginta tyrannis acceptas mutuo, illis post hos expulsos persoluerunt.

Distinctio.

Acta in deprauata constituti-
one ciuitatis aut
sunt

Priuata, ad quæ seruanda noua constitutio non ob-
ligatur.

Publica, quæ
sunt aut in

Perniciem ciuitatis, quæ seruari
non debent.
Damnum famæ, quæ sunt seruanda
ob rationes quæ superius assignantur.

Opp. Arist. docet in hoc Cap. tyrannidem, oligarchiam, timo-
cratiam non esse ciuitates, hominesq; istarum constitutionum parti-
cipes non esse ciues: non ergo rectè concludit ea quæ in istis sunt quo-
dammodo fieri à ciuitate. Nam ubi non est ciuitas, ubi non sunt ci-
ues, ibi nihil à ciuitate fieri dicitur.

Resp. Non dicit Philosophus hæc fieri omnino ac simpliciter à ci-
uitate, sed quodammodo. Ratio est (ut Borreus exponit) quia in
istis actis seruandis, iustitiæ tribunal non multum violatur. Nam
etsi tyrannis sit lues ciuitatis, omnia tamen in ea acta statim tyrannem
no sublato rescindere est periculosum. Exempli causâ, Antonius
Cæsaris occisi acta rescidit: sed continuo ciuitas sui motum & sydus
incertum sensit.

Cicero Phil. 2.

Eth. lib. 5.

Opp. Damnum opponitur iustitiæ ut est in quinto Ethicorū: ergo
admitti non debet in ciuitate: sed damnum est obstringi tyrannorum
consultis & edictis ut iuris obseruandis: male ergo defenditur, ut
obseruentur.

Malum tole-
ratur non
prescribitur.

Resp. Tolerare sæpè malum cogimur, ut usuram, sed nō prescri-
bere: hoc autem agere oportet, ne maius alicuando irruat periculum.
Exempli causâ, si pecunia à tyranno mutuo accepta ad salutem ciui-
tatis mutato iam statu non solueretur, maior nominis quàm facul-
tatis, maior famæ quàm pecuniæ iactura sequitur.

Non est ut ulterius expectes studiose lector, fixum in margine vsum ac
denominationem argumentorum, quæ à locis topicis eruuntur:
nam ut eo hætenus hoc feci, quo certius intelligas neruis diale-
cticis omnem carere artem, adeoq; sine eiusdem veluti lacertis stre-
nuè pugnare nullam; ita (re digito quasi demonstratâ satis) plura
locorum nomina adijcere, esset tibi tuæq; memoriæ nimis diffidere.

CAP. II.

An ciuitas à loco numeroq; hominum eadem vel diuersa
dicatur?



OSTQVAM quid ciuitas, quid ciuis
sit ostendit Philosophus; nunc quan-
do eadem, quando diuersa est, pau-
cissimis demonstrat. Quærit ergo,
an loci habitatio, hominumq; con-
sociatio eandem vel diuersam ciui-
tatem faciat? Hæc quæstio in primo
Cap. quodammodo illustratur: nunc
ergo veluti in pugillum colligemus

singula. Alia est vulgi ac multitudinis, alia est docti & sapi-
entis de hac causa opinio: si enim eadem mænia, si ijdem ho-
mines maneat, vulgus eandem manere ciuitatem putat:
at longè secus Philosophus hîc statuit, quippè vnitas ciuita-
tis non à loco sed à formâ, non à numero hominum sed ab
ordine ciuium pendet. Consideranda sunt igitur hæc tria,
locus, homines, & ordo ciuitatis: si locus mutetur erit vrbs
alia non alia ciuitas. Nam etsi ciuitas vulgò sumatur nunc
pro loco, nunc pro numero hominum, nunc pro vnione &
ordine simul cohabitantiū, locus tamen & numerus propriè
ciuitatem non definiunt; quippè mutato loco, mutatis ho-
minibus, eadem ciuitas id est eadem societas manere potest:
quæ societas, si in alium locum transeat, eadem certè dice-
tur ciuitas, iuxta illud poetæ,

-----habitante Camillo

Illic Roma fuit.-----

Et iterum illud Lucani de Pompeio, Lycurgo, Marcel-
lo, alijsq; qui regnante Cæsare Romam reliquerunt,
Expulsi armatam patrijs è sedibus urbem.

Si Galli ad Indos pellantur manente eadē administrandi
formâ, illic Gallia est: ciuitas igitur à loco eadem vel diuersa
nō appellatur. Hoc probat Arist. in textu exēplis, quia si me-
nibus

Vnitas ciuita-
tis non à lo-
co sed à for-
ma.
Mutantur
Locus, Homi-
nes, Forma
reip.
Cæsar. de bel.
Gall. lib. 1. Cic.
in som. Scipi-
on. Plur. de
triplici polit.

Roma Veijs
quia Camil-
lus.
Lucan. lib. 2.

Herod. lib. r.
Diod. Sic. lib.
3. cap. 4. Solin.
cap. 70.

nibus æstimetur ciuitas, tū Babylō 60. millia passuū amplexa vna, tunc Pelopōnesus ampla illa regio muris cincta vna etiā ciuitas diceretur: at illa multas formas administrationis, hæc multos ordines cōprehendit: illa tam magna fuit, vt tertium iam diem captā ciuitate pars quædam eiūdem non sensisset; hæc tam vasta, vt multas in se ciuitates continuisse feratur. De hominibus quid dicam? Qui etsi centies mutantur, ciuitas tamen eadem permanere potest. Nam vt fluuium & item fontem eundem dicere solemus, licet aqua sic profluxerit vt alterā sublabente succedat altera: ita tamen homines oriantur & cadant, eandē tamen ciuitatem subesse dicimus. Relinquitur ergo neq; mutationē loci, neq; mutationē multitudinis ciuitatem distinguere aut definire. Vnde igitur ciuitas diuersa dicitur? Certē à mutatione formæ, quæ vnio multitudinis ac ordo administrationis appellatur: hæc vnio, hic ordo si mutantur, mutatur quoq; ciuitas: nam in his formalis (vt aiunt) essentia ciuitatis ponitur: at mutatā formā res quælibet mutatur: ergo mutato ordine administrationis mutatur ciuitas. Ad confirmationem huius opinionis duo in textu adhibentur similia; primum est, quod sicut chorus tragicus & comicus specie differant, etsi contingat sæpē eosdem homines vtrumq; agere: ita monarchia & aristocratia diuersas specie ciuitates constituunt, licet ijdem homines vt materia in vtraque ciuitate maneant. Similiter vt concentus nunc Dorici, nunc Phrigij existentes naturā quidem differunt, etsi ab ijisdem hominibus vterq; canitur: ita diuersi status reipub. diuersas ciuitates faciunt, tamen ab ijisdem hominibus in vtroque viuunt. Summa omnium est, non locum, non numerum, sed vnionem ac ordinem ciuitatem eandem aut diuersam constituere: non locum, quia non in ædificio sed in consilio; non numerum, quia non in multitudine hominum sed in ordine & administratione rerum consistit ciuitas.

Status quæ-
stionis.

Ratio prima.

Secunda.

Tertia.

In consilio
& ordine con-
sistit ciuitas.

Ciui-

Ciuitas eadem vel diuersa dicitur bifariam, aut

Secundū vulgi opinionem, & sic loco numeroq; hominum varijs modis affectis eadem vel diuersa dicitur.

Secundū rei veritatem, & sic eadem vel diuersa existente vnione, eadē vel diuersa appellatur; ratio est,

Quia denominatio & distinctio cuiusq; rei est à formā. Quia vt in choro & cantu res habent: ita est in ciuitate. Quia diuersi status ac constitutiones diuersas formas & fines habent.

Denominatio & distinctio est à forma.

Opp. Paulō ante positum, est quod mutato ordine non mutetur ciuitas aut ciuis: ergo si contrariū hoc loco ponatur, defenditur contradictio.

Resp. Ciuitas & ciuis illic generatim vt diximus definiuntur, prout omnibus constitutionibus reipub. conueniunt, & sic mutato statu vt docuimus, non mutantur: at si speciatim considerentur, prout sunt diuersæ administrationes ac ordines, sic quidem differunt, neq; est in hoc sensu vlla contradictio.

Opp. Si pulsus à loco Romanis Gothi Romam incolant, mutatur ciuitas: ergo à loco numeroq; hominum etiam dependet ciuitas.

Resp. Pulsus à suis sedibus Romanis, manet ciuitas eadem si idem ordo administrandi seruetur: sin verò secus fiat, diuersa non eadem manere dicitur.

Opp. Modus rei non est forma rei, sed ordo administrationis est modus quo gubernatur ciuitas: ergo non est forma ciuitatis. Quo dato, sequitur mutationem ordinis ciuitatis alterationē non efficere.

Resp. Ordo sumitur bifariam, aut pro externo modo actūq; iusti ac prudentis in ciuitate gubernanda, & sic non est forma neq; mutat ciuitatem: aut pro interna specie vnionēq; formali ciuium, & sic mutatio ordinis mutationem ciuitatis infert. Exempli causa. Si bellum indicatur Gallis, Gallia statim à contemplatione pacis ad exercitationem Martis se conuertit; modus hic ciuitatis mutatur: at monarchiā in eodem statu permanente eadem omnino ciuitas existit. Ceterū si monarchia in aristocratia aut aliam speciem resp. transeat, tū quidem ordo qui est intrinseca forma ciuitatis extinguitur, adeoq; ipsa ciuitas eodē motu labefacta in aliud genus cōmutatur.

Opp. Si ciuitas à loco non dependeret, tum Babylon & Athenas iam olim denastata, adhuc ciuitates dicerentur: sed hoc est absurdum.

Vt Græcis
Turcæ Constantinopolim.

Ordo bifariam sumitur.

Nunc tantum
sinus & statio
malefida carinis.

Deuastatio
respectu Ma-
terix, Formæ.

Appian. Alex-
and. in Lyb.
cap. 9.

Vrbes & por-
tus maxima
reipub. sub-
sidia.
Vid. Pol. 4.
cap. 12.

surdum dicere: ergo à loco etiam dependet ciuitas.

Resp. Deuastatio contingit duobus modis, aut respectu materiae quæ in loco, aut respectu formæ quæ in ordine consistit. Si Babylon & Athenæ sunt cadauera, possunt tamen esse ciuitates modo idẽ ordo ac ratio administrandi subsistit. Veruntamen quoniã in deuastatione loci confusio populi ordinisquẽ dissolutio contingit, illarum ciuitatum nulla iam simulacra manent: nec enim locus sed populus facit Carthaginem, ut sensit Censorinus.

Dubium. Vtrum expediat politico distincte scire ciuium, vrbiũ, portuumquẽ numerum in sua reipub.?

Clues, prouincię, vrbes ac portus nerui ac ossa sunt ciuitatis: non es politicus si hæc ignores, non es dignus magistratu, nisi hæc verè & distincte scias; pastor suarum ouium numerum ad vnguem tenet; an gubernator ciuitatis suorum ciuium turbam negliget? Imperator de locorum opportunitate, militumquẽ suorum viribus dies noctesquẽ studet; an prudens magistratus, vrbes & portus (qui sunt maxima reipub. subsidia) scire contemnet? Hoc negat autoritas, negat antiquitas, negat ratio, negat experientia. Autoritas hoc loco Arist. cuius verba sunt, De magnitudine ciuitatis quanta debeat esse, & vtrum gentem vnã an plures esse expediat, hominẽ politicum ignorare non oportet. Antiquitas, quia apud Aegyptios ut scribit Herodotus in templo pacis omnia omnium ciuium, prouinciarum, vrbiũ, portuumquẽ nomina tabulis cõscripta & appensa fuerunt, quę cõsuetudo ab illis ad Romanos fluxit. Ratio, quia sine cognitione horum nequẽ ordo seruari nequẽ tractari negotium ciuitatis, nequẽ sine periculo propulsari hostis potest: nam ignotis ciuibz quis ordo, ignotis vrbibz quæ negotiatio, ignotis portubz quæ propugnatio ab hoste manet? Experientia deniq; quę ciues, vrbes, & portus, armis, muris, turribusquẽ nos regere, munire & corroborare docuit.

Distinctio.

Expedi politico
scire numerum ci-
uiũ, vrbiũ, por-
tuumquẽ ciuitatis, ut

- 1 Leges aptius ferat, quæ moribus diuersorum locorum competunt.
- 2 Ordinem rectius instituat.
- 3 Negotia ciuitatis accuratius tractet.
- 4 Loca infirma fortius defendat, hostem pellat, quę omnia fieri nõ possunt, si hæc à politico negligantur.

Opp.

Opp. Scientia locorum hominumquẽ, audaciam perditorum sapienter armat ad perniciem ciuitatis: ergo permitti non debet cuiuslibet politico vrbes, prouincias, ciues, ac portus percontari.

Resp. Hæc ratio fallax est, & non magis sequitur quàm si diceret, ignem accendi non debere, quia flammis aliquando contingit incendium: periculumquẽ, quod creant mali ex hac scientia, ob stare non debet quò minus boni tabulis & radijs describantur ciuitatem. Si enim nauta studendo chartis nauticis nauem à scopulis, quantò magis politici hæc sciendo ciuitatem à periculis possunt descendere?

Opp. Numerus ciuium est infinitior: ergo sciri non potest.

Resp. Non hoc loco intelligitur, ut turba omnium ac singulorum ciuium numeretur, sed ut certa illorum habeatur distinctio: quippè hoc commodi inde euenit, ut sciat magistratus qui ad arma, qui ad pacata negotia ciuitatis naturam aut arte comparentur.

Opp. Succensuit Deus Dauidi regi quòd populum suum enumerauerit: ergo numerum ciuium perscrutari curiosius non licet. Sam. lib. 2. cap. 24.

Resp. Succensuit non quòd populum enumerauit, sed quòd diffusus diuina potentia (quæ pro Israele pugnauerat) animum ad infirmitatem humanam conuerterit.

CAP. III.

An eadem sit virtus boni viri ac boni ciuis?

An Magistratus vir bonus esse debeat?

An disciplinam obtemperandi perdiscere principibus expediat?



NO interrogatus quo præsidio Præsidium maximè indigeret ciuitas, virtutis virtutis. inquit: sensit vir sapiens non manibus, non ciuium lacertis, non militum armis, ac legionibus, ab hostium impetu defendi ciuitatem. Cadit enim honor Martis, ubi splendor ac sydus virtutis cadit. Hoc intelligens Philosophus, postquam

quid ciuitas sit explicuit, ciuitatis vigilantissimam quasi custodem virtutem esse demonstrat: materia ergo ciuitatis est turba hominum, forma vnio & ordo ciuium, finis beata

O 2

beata

Sydus virtutis solum in ciuitate lucret.

Ciuitatis Materia, Forma, Finis, Conseruans.

beata affluentia rerum, at sola virtus est conseruatix istorum omnium, cuius arce lux, vita, & salus ciuitatis sedent. Valeant igitur qui deuia quærunt, qui hoc medium non tenent, qui quodlibet sibi licere putant, modò suis votis potiantur; valeant qui principes leoninis vnguibus, ciues vulpinis pellibus tegi, & armari velint; vt illinc furor, hinc fraus & astus regnent: nunquam profectò fælicitè actum erit cum illa repub. in qua hoc virus manat, ciuiumque animos & præcordia inficit. Nam vt rarò cicutam haurientes curantur: ita nullo alexipharmaco hac peste infecti ad pristinam sanitatem reuocantur. Si velis ergo præesse, disce virtutem; si velis subesse, disce virtutem; nam superba Carthago ruet si animosus Scipio in eam pugnet; Rectè poeta,

Horat. Epist. 1.
lib. 1.

Virtus est, vitium fugere, & sapientia prima Stultitia caruisse.

Quæstio prima.

Eadem non omnium sed alicuius. i. magistratus.
Pol 2. cap. 9.

Quippè vt absente sole non apparent vimbæ: ita lucen- te virtute vitiorum larvæ dissipantur; O quàm optandum est vt sola virtus regnet! Sed ad Aristo. nunc venio, qui hoc loco hanc litem mouet, An eadem sit virtus boni viri, & boni ciuis? Eandem esse generatim negat, eandem esse speciatim ait: vult enim ciuis virtutem in genere spectare officium, vult magistratus virtutem sincerè spectare pietatis asyllum: nam fieri non potest vt omnes ciues sint boni viri; at si à virtute magistratus declinet, populus citò malo exemplo perit. Huius rei olim Claudianus rationem dedit.

Lib. de 4. conf.
Honorij.

Regis ad exemplum totus componitur orbis.

Mobile mutatur semper cum principe vulgus.

Comparatio
Nauis cum
ciuitate.

Hic verò ne inter virtutem boni viri, boniq; ciuis distin- ctio ignoretur, quid sit ciuis virtus, à comparatione nauis cum ciuitate ostendit. Est enim ciuitas quasi nauis, sunt instar nautarum ciues, fælix nauigatio veluti prudens ad- ministratio ciuitatis, præfectus nauis quasi princeps, at alij qui diuersa officia actionesque subeunt, sunt tanquam hominum multitudo, qui ad diuersa munera reipubli- cæ destinantur; finis communis nauigantium est salus na- uis, scopus simul cohabitantium est salus ciuitatis: sic
ergò

ergo primus syllogismus à similitudine ductus formatur. Quemadmodum est in gubernatione nauis, ita est in ad- ministracione ciuitatis: sed in gubernatione nauis sunt di- stincta officia, & facultates nautarum: ergo in administrati- one ciuitatis sunt diuersa munera & virtutes ciuium. As- sumptio probatur, quia aliud officium remex, aliud guber- nator puppis, aliud proræ præfectus gerit; quod cum ita sit, facile est virtutem boni ciuis definire, quæ nihil aliud est quàm habitus probè gerendi officium in republica, prout varia ciuitatis forma & constitutio postulat. Hoc posito liquidò iam constat, quòd virtus boni viri à virtute boni ci- uis differat, cum illa ad officium præstandum, hæc ad ani- mum exornandum destinatur; illa enim officij, hæc viri di- citur. Exempli causâ, Concionator hoc proprium munus in ciuitate tenet, vt animos ignorantium scientiâ veritatis imbuat; hoc in suggestu multi quidem sapienter agunt, qui tamen minùs candidè & studiosè viuunt: alia igitur est virtus officij, quam præstant; alia viri, quam vix saluant. Se- quuntur in textu plures rationes, quarum prima à distinctio- ne, secunda à definitione, tertia ab impossibili ducitur. A distinctiōe, quia virtus boni ciuis externum, virtus bo- ni viri internum obiectum habet: nam illa veluti ad opus, hæc ad ornatum mentis refertur; illa ex parte bonum, hæc simpliciter & absolute honestum reddit; illa est in bono ci- ue, si calcearius ex corio bonum calceum, si vestliarius ex panno vestem concinnam fingat, hæc verò non inest nisi depositis malis moribus vir studiosus virtutis fiat. A de- finitione, quia virtus boni viri per prudentiam animi, vir- tus autem boni ciuis per notitiam officij definitur. Ab impossibili, quia si vna virtus esset boni ciuis ac boni viri, omnes ciues essent similes: at impossibile est omnes ci- ues esse similes: ergo non est vna virtus boni viri ac boni ciuis. Quòd verò fieri non possit vt omnes & singuli ciues sint virtutis studio & amplexu similes, hinc constat, quòd nulla sit multitudo hominum sine labe, nulla societas & communio sine lapsu & suspitione vitij. Adami familia
O 3 Cainum,

Cic. de Se-
nect.

Virtus boni
ciuis.

Gen. cap. 4.

Gen. cap. 16.
Gen. cap. 25.
Sam. 2. cap. 3.
Matth. cap. 26.

Pol. 2. cap. 1.
Pol. 1. cap. 3.

Quæst. se-
cunda.

Magistratus,
oculus.

Iustin. lib. 1.

Cainum, sancta Abrahami domus Ismaelem, Isaac suum Esau, David propheta suum Absolonem, Christus ipse suum Iudam habuit. Quid tandem? An Roma nullos Neronnes? An nullos Timones Athenæ alunt? Fieri certè non potest ut omnes ciues euadant probi; verum ergo est quod hic Arist. concludit, nempe quod dissimilium dissimiles sunt virtutes: at ciuitas ex dissimilibus constat, sicut animal ex anima & corpore, anima ex ratione & appetitu, domus ex viro & vxore: ciuium ergo non possunt esse similes virtutes: ex quibus perspicuum est, vnā & eandem simpliciter non esse virtutem boni viri ac boni ciuis. Sed iam ad secundam quæstionem venio, in qua probatur quod licet boni ciuis bonique viri eadem non sit virtus in genere, eadem tamen esse debeat in specie: hoc est, quamuis tota multitudo ciuium Ideam & diuinam virtutis formam non admiratur, magistratus tamen qui ad gubernacula ciuitatis sedet, in amplexibus vniūq; virtutis perpetuò conquiesceret. Nam ut obicuratius oculis non vident partes: ita deprauatis magistratibus castè & iustè non viuunt ciues. Contagio pestilentior non est quàm quæ præcordia petit, labes immanior non est quàm quæ culmina & fastigia ciuitatis vrit; sapienter idè Aristoteles hic docet magistratū absolutè bonum ac studiosum virum esse debere, id est talem, qui non solum officium dignitate, sed etiam qui pectus & animum virtute excolat: O quàm difficilis est virtutis via illis qui in altis & excelsis ciuitatis palatijs viuunt, imò illis qui in exquisitis delicijs ac voluptatibus animos consopitos vel potius sepultos habent? In vtramque aurem dormis Sardanapale? Excita te ipsum, nam Arbactus venit, nescis stulte, nescis quā manu sceptrum teneas: nam si scires, nunquā bysso ac purpurā depictus cum meretriculis dies noctesq; volutares. Rectè olim Aristides, Parum prodest esse Iouis filium, & esse Minervæ spurium. Iterum, Non valet genus si non præualeat virtus. Vana est pompa principum, inanis est applausus populi: honor, diuitiæ, forma, voluptas, in puluerem citò commutantur. Viuit sola, viuit (inquam) sola post funera

funera virtus. In dextra virtus, in sinistra virtus, virtus in sceptro, in gladio virtus, in omni parte & actione principis, candida virtus lucere debet. Quod cum ita sit, non est difficile, paucis probare magistratum virum absolutè bonum esse debere. Hoc in textu requirit Aristoteles, cuius verba hæc sunt. Dicimus vtrique bonum magistratum esse virum bonum. Et iterum, Eadem est virtus boni principis & boni viri. Testimonio Euripidis apertè hoc ipsum probat, qui bonum principem non sibi, sed ciuitati exoptantem bonum introducit.

Ne mi ista gloriosa sed qua ciuitas desiderat.

Sed hisce rationibus vires & argumenta addam, quorum primum ab autoritate, Secundum à temporum historia, Tertium ab intentione legumlatorum, Quartum à contrario, postremum à fine, & fructu ducetur; punctis agam. Omnes Philosophi qui vnquā de repub. ante Machiauellum (quem Scribam, non Philosophum appello) hoc vnum firmissimè tenuerunt, quod principes viri boni esse deberent: ergo hoc ipsum in bene instituta repub. requiritur. Qui de antecedente dubitat, legat Platonis præclara monumenta de repub. aliorumq; opera, & certè semper ac passim inueniet, virtutem in principibus maximè requiri. De historijs quid dicam? Siue sacras, siue prophanas legeris, inuenies omnes hoc vno elogio plenas. Beatæ ciuitates in quibus principes ac magistratus sapiunt; Deus bone, quibus laudibus bonos ad cælum, quibus vocibus malos ad orcum rapiunt? In sacris Mosen, Iosua, Dauidem, Iosiam, aliosq; sexcentos taceo; in prophanis Nuntiam Pompilium Romanum, Codrum Atheniensem, Lycurgum, & Aristidem, aliosque infinitos transeo. Ad intentionem legumlatorum accedo, quæ certè fuit ut bonos ac iustos ciues efficerent: ergo multò magis ut principes ac magistratus boni viri fierent, aliter tot leges de præmijs bonorum principum nunquam tulissent. Sed si contrarium ante oculos ponamus, quot sepulchra, quot cadauera proiecta ciuitatum cernimus? Velociter

Non extrat
fabula vnde
ista.

Macch. lib. de
princ. cap. 12.

Eccle. cap. 10.

declinant imò ruunt ciuitates in quibus Neronēs regnant. Væ terræ cuius rex puer est, puerum non tam ætate quàm moribus intelligo, cuius malū plus nocet exemplum quàm aspidis venenum; nam vestigia malorum regum sequentes ciues, facillimè ad omne facinus incitantur. Si fons limpide non fluat, riuuli turbantur; si rex suis virtutibus non præluceat, subditi inficiuntur, laborantq; periculose. Postremum argumentū à fine petitur, qui est perpetua salus rerumpub. Magistratu enim existente bono prosperè succedunt omnia. Ratio est, quia pius magistratus ad summum bonum tendit, idemque in circulo suarum actionum vt centrum & scopum intuetur: ab hoc centro lineæ rectæ ad circumferentiam ciuitatis ducuntur, cardines reipub. circa hoc centrum pulcherrimā manu & quasi virtutis motu agitantur, omnes deniq; partes in hac sphaera cōprehensæ benignissimā influentiā huius centri reficiuntur; quippè rarissimè illa ciuitas labitur in qua virtus religiosè à magistratu colitur. Tertia huius cap. dubitatio est, An disciplinam obtemperandi perdiscere principibus sit necessarium? Aurea sanè est illa in textu Philosophi sententia: Sapienter imperare nemo quidem potest, qui alijs parère prius non didicit. Nescio certè, an vox illa Iasonis sitientis regnum, sit omni modo laudabilis, quando animosè dixit, Non didici parère, nescioq; priuatus esse. Quī fieri potest vt alijs obediendi formam præscribas quam sequi tuipse penitus ignoras? Alijs si non obtemperent grauem infligis pœnam, obtemperandi tamen non didicisti artem. Sed hic distinguit Arist. Quòd alia sit disciplina obtemperandi seruilis, quæ est serui ad dominum; alia est ciuilis ac libera, quæ est filij ad patrem; illā regem imbui non oportet, est enim sordida; hac verò ornari decet, quia est decora. Rationes quibus hoc ipsum probatur, sunt, à simili, ab absurdo, à necessario, & à decoro. A simili, quia vt equitatu non præest benè qui magistro equitum non paruerit, & vt dux exercitus militibus non rectè imperat, qui imperatori non obtemperauit: ita præfici ciuitati is quidem non debet qui alij obsequi reluctatur. Ab absurdo, quia ni-

Quæstio ter-

ria.
Plato. 6. de legib. Plur. in Agefilao. Simile de Agrippina Tacit. annal. lib. 4.

Disciplina obtemperandi Seruilis, Ciuilis.

hil absurdius est quàm vt sus mineruam (sicut aiunt) doceret, quàm vt imperitus obediendi alijs officium obtemperandi præscribat. A necessario, quia nemo sapienter imperat qui parendo imperare non didicit. A decoro, quia nihil est in principe excelsius, nihil diuinius quàm vt mentem humilem & submissam gerat, quàm vt sapientum consilia audiat, quā deniq; vt legibus patriæ seipsū subijciat. Eruditè olim Cato: Feras legem quam ipse tuleris. Non minùs ingeniosè Solon: Oportet legem regere regem. Postremò, natura & pietas hoc ipsum vrgent, nam natura principes suis parentibus, pietas deo principes subiecit: principes ergo non solùm imperandi sed etiam parendi scientiā instrui & ornari debent; sed ita ornari, vt aliam virtutem imperantis, aliam parentis esse intelligant, vt in primo libro Politicorum patet. Alia in fine huius cap. obiter mouetur quæstio, nempe, An opifices ac mercenarij sint habendi ciues? Cæterum quoniam in quinto cap. secundi libri eandem discussimus, hoc loco breuitatis causā longiorem eiusdem tractationem omitemus.

Cap. 8.

Distinctio primæ quæstionis.

An eadem sit virtus boni viri ac boni ciuis?

Virtus est vel	Viri, moralis seu Ethica nominata, quæ bonum habentem reddit, & hæc semper & necessario in ciuem non cadit.	Subiecto. Obiecto. Medio. Fine vt antea luculenter patet.
Virtus est vel	Officij, ciuilis seu politica dicta, quæ ad munus solùm ciuis fertur, & hæc à virtute boni viri distinguitur	

Opp. Libro 1. Ethicorum c. 12. docet Philosophus idem bonum esse totius ciuitatis, quod est vnius hominis. Præterea illic ostendit legumlatores illud contendere, vt cines bonos viros ac honestos reddant: ergo videtur eadē virtus esse boni viri ac boni ciuis: nam si positum sit idem bonū totius ciuitatis quod est vnius hominis, quodq; bonum vnius hominis sit verè honestum, sequitur bonum ciuitatis esse verè honestū. Porro si leges eo sanctantur vt cines non solū in officio, sed etiam in mente, voluntate, & vita boni & honesti fiant, videtur probabile quòd easdem virtutes tam cines quàm boni viri colerent.

Ciuitatis In-
tentio, Actio.

Resp. *Hac omnia recte urgent intentionem non actionem ciuitatis: nam quamuis intendat ciuitas, quamuis legumlatores contendant omnes in ciuitate viros bonos efficere, quoniam tamen hoc fieri non potest ut omnes sancti, ut omnes boni fiant, distinguit Philosophus aliam esse officij, aliam boni viri esse virtutem, ut si hanc non attingant multi, illam saltem (qua boni ciues existant) non aspernentur: est ergo idem bonum totius ciuitatis ac unius hominis in essentia boni, non tamen semper in existentia quam respectus mutat.*

Bonum in
Essentia, Ex-
istentia.

Opp. Prudentia tam in bono ciue quam in bono viro esse debet: ergo est eadem virtus boni viri ac boni ciuis. Antecedens probatur, quia prudentia circumstantias in actione omnis virtutis prescribit, adeoque est connexio omnium virtutum in prudentia, ut 6. Ethicorum probatur. Præterea, hoc etiam ostenditur exemplo, ubi Aristoteles Polycletum artificem prudentem appellat.

Ethic. lib. 6.
cap. 7.

Prudentia
consideratur
Politice, Ethice.

Resp. Prudentia consideratur bisariam, aut politicè, quæ est quadam scientia ciuis ad opera ciuilia; aut Ethicè, quæ est simpliciter virtus boni viri, quæ affectus suos moderatur; illa in ciue, hæc in bono viro requiritur.

Opp. Omnis actio cuiusque ciuis tendere debet ad beatitudinem ciuitatis, quæ est verè bonum: sed hoc fieri non potest si moralis virtus (quæ est via ad felicitatem) non insit: ergo eadem est virtus boni viri ac boni ciuis.

Resp. Tendimus ad felicitatem duobus modis, aut absolute, & sic per ornamenta virtutis vir bonus; aut comparate, & sic per externa opera bonus ciuis ad felicitatem seu bonum ciuitatis tendit.

Opp. Virtus in malis esse non potest: sed ut est in textu multi ciues sunt mali: ergo in illis virtus non inest.

Virtus Mora-
lis, Intellectu-
alis.

Resp. Virtus moralis in malis esse non potest, at virtus intellectualis & ciuilis in malis nonnunquam inest. Potest enim Hercules ducis officium optimè exercere, si patriam; tamen si flagitiose viuat, si Omphalem spectes.

Opp. Virtutes boni ciuis ac boni viri neque subiecto, neque obiecto, neque medio, neque fine differunt: ergo non recte distinguuntur. Antecedens probatur, quia subiectum utriusque est animus, obiectum affectus, medium actus virtutis, finis ipsa beatitudo.

Virtutis sub-
iectum, obic-
tum, medi-
um, finis.

Resp. Ciuis non est substantia sed respectus, quare eiusdem virtutis

non

non absoluta sed respectiua dicitur, eademque animum non absolute sed respectiue acceptum suam sedem & subiectum habet. Porro ut nomen ciuis est nomen respectus, suumque subiectum respectuum habet: ita obiectum non absolutum sed respectuum habet, nempe munus & officium, ad quod ciuis vel natura vel arte destinatur. Medium vero non est actus internus, qualis est boni viri secundum essentiam boni; sed externus, qualis est officij secundum existentiam boni. Postremo finis utriusque est beatitudo, hoc est boni viri in actione, & boni ciuis in intentione: quippe intendit bonus ciuis beatam ciuitatem efficere, at vir bonus hoc agit, ut seipsum bonum efficiat.

Virtus Abs-
oluta, Respec-
tiua.

Actus Inter-
nus, externus.

Beatitudo in
Actione, In-
tentione.

Distinctio secundæ quæstionis.

An magistratus vir bonus esse debeat?

Summi, & hij aut sunt	Perpetui constitutione, sorteque naturæ ut reges Anglicani. Successiui electione, sorteque fortunæ, ut consules Romani.
Magistratu- um alij sunt	Medij, qui subalter- natim in repub. mu- nera reipub. subeunt, sed hij & illi boni viri esse debent propter
	Similitudinem Dei, cuius perso- na in magistratu geritur. Magnitudinem honoris, quæ soli virtuti non homini debetur. Imitationem exempli, ad quod posteritas conuertitur. Euitationem scandali, quo ciui- tas offenditur. Conseruationem boni, quo deus erga ciuitatem maximè placatur.

Opp. Magistratus ab Arist. ciues partesque dicuntur ciuitatis: sed possunt esse ciues interim ut non sint boni viri: ergo non requiritur ut magistratus sint boni viri.

Resp. Magistratus natura ciues, officio autem ciuibus maiores fiunt. posteriore hoc respectu alijs virtute prælucere debent. Cum enim docet Philosophus aliam virtutem boni viri, aliam boni ciuis, non vult quod omnes ciues virtute priuarentur, sed ut studio virtutis plurimi inflammati, ad honores ac magistratus, qui sunt premia ciuitatis propter virtutem, raperentur; propter virtutem dico, quia virtus sola laudabilis, virtus sola muneribus reipub. illustris fieret.

Opp.

Magistratus
officio ciuibus
maiores.

Boni cadunt
ex infirmitate
naturæ.

Opp. Cato fuit bonus magistratus, at seipsum occidit; Hannibal bonus imperator, at venenum hausit; & sic de infinitis alijs: ergo potest esse bonus magistratus politicè, et si moraliter bonus non habeatur.

Resp. Boni viri aliquando cadunt, at lapsus hic non dignitati officij, sed infirmitati impatientis naturæ ascribi solet; exempla hæc igitur non docent, magistratum virum bonum non esse debere. Nam quamvis inter magistratus (heu) nimis multi facinorose vivant, quales tamen vitæ & exemplo esse deberent, & leges præscribunt, & monumenta maiorum contestantur.

Opp. Medijs seu subalternati (ut aiunt) magistratus sunt prope modum in omni republica infiniti: ergo fieri non potest ut sint boni viri. Nam multitudinem potius caca affectio quam recta ratio vincit.

Resp. Sunt multi quidem in omni repub. sed non infiniti: absit quin in omni ciuitate boni & integri viri reperiantur, qui magistratum gerant: causa vero cur hoc non fiat est illa, quam tu in contrariam partem modo attulisti, nempe quod affectio multitudinem potius quam ratio vincat, multitudinem intelligo ciuium non magistratum.

Distinctio tertiæ questionis.

An disciplinam obtemperandi principibus discere sit necessarium?

Disciplina obtempe- randi est duplex,	{	Seruilis, quæ est serui ad suum dominum, & hanc discere principem non oportet.	{	Hanc, ob causas modò allatas prin- cipem discere o- portet.
		Ciuilis, quæ est		

Definitio
Principis.

Opp. Principis officium est præesse non subesse, imperare non parere: ergo disciplina obtemperandi ei non est necessaria. Antecedens patet à definitione principis, qui est persona totius reipub. subiecta nemini, in bonum publicum ciuitatis constituta.

Princeps deo,
patri, legi sub-
ditus.

Resp. Princeps est quidem persona totius ciuitatis, subiecta nemini suorum ciuium: rationi tamen subijcitur, quæ certe ratio postulat ut religione Deo, charitate patri, æquitate legi subijciatur.

Opp.

Opp. Quintus Fabius Maximus ad Q. filium consulare imperium gerentem, legatus est missus, cui forte in via occurrit consul filius, quem pater legatus prateriens non salutauit: continuo filius lictori imperat ut legatus de equo descendat. Imperanti filio pater obtemperans sic ait, Mi fili, hoc feci non quod imperium tuum contempserim, sed uti experirer quanti aestimares consulatum: conuenit enim ut pater legatus, filio consuli obsequatur. Hoc exemplo demonstrari videtur quod in magistratu solam scientiam regnandi non obtemperandi requirat ciuilis procerum institutio, ut Taurus Philosophus ille Atheniensis hanc rem in eadem Præfatione discussit.

Resp. Hoc exemplum probat venerandos esse magistratus, cum parentes suis ipsorum filijs magistratum gerentibus cogantur obedire: non tamen probat quin idem magistratus reciprocam non solum affectionem sed etiam reuerentiam parentibus rependant, quod etiam hoc loco contendimus demonstrare.

Opp. In principe est imago Dei & totius ciuitatis, ut antea probatum est: sed Deus & ciuitas nec ciui, nec legi astringuntur: ergo nec princeps astringi aut subesse debet.

Resp. Principes ac magistratus dij appellantur, non in participatione diuinæ essentia, sed in similitudine diuinæ iustitiæ. Considerantur ergo principes duobus modis, vel absolute, ut similitudinem Dei & personam ciuitatis gerunt, & sic non subijciuntur; vel comparative, ut ordinem rationis in ciuitate obseruent, & sic parentibus vi natura, sic legibus vi iustitiæ & æquitatis obtemperare debent.

Opp. Est voluntarium in principe Deo, parentibus, & legibus obedire: ergo non est necessarium, ut antea docetur. Antecedens patet, quia obtemperare est actio voluntatis, quæ nunquam cogitur.

Resp. Est voluntarium respectu hominis, est necessarium respectu ordinis; in persona principis est tota ciuitas, quæ est libera: at reipub. quæ est ordo ciuitatis hoc postulat & requirit, ut nemo alijs præscribat obsequium, qui nunquam dedit audire consilium.

Opp. Si disciplina obediendi sit necessaria principi, tum illius contemptio meretur penam: sed principi nulla infligeretur pena: ergo disciplina obediendi principi non est necessaria. Maior patet, quia contemptio virtutis flagellum iudicis requirit. Minor constat, quia princeps caput totius ciuitatis, nullius fori iudicium subit.

Resp.

Fenestella
de potestati-
bus Romano-
rum, præfati-
one ad lib.

Principes ac
magistratus
dij appellan-
tur.

Obedientia
principis
Voluntaria,
Necessaria.

Resp. *Anceps est doctorum de hac re opinio, An principes panam subire legis debeant, an in illis contagio sceleris, contemptio virtutis, exilium religionis graui censurâ ciuitatis plectenda sint. Sed de hac controuersia tum dicemus, cum de malorum principum panâ dicendum erit: nunc verò respondemus panam constitutam ciuibus esse sententiam iudicis, panam regibus esse ignominiam nominis: illis enim peccantibus debetur pena, quia superiores habent, his verò turpitudinis debetur nota, quoniam iudices non patiuntur. Ceterum si principes Deum, religionem, patriam, odio, heresi, proditione figant; sunt qui existimant, vel ipsis regibus censuram deberi ciuitatis, non tamen ut vertigo unius aut multitudinis suadet, sed ut consensu totius ciuitatis deliberatè iubet.*

Principes capitaliter delinquentes cum deliberatione puniendi.

Dubium.

An opifices sordidi ac mercenarij decem totos annos à foro & mercaturâ desisterent, suisq; acquisitis opibus honestè viuerent, antequam ad magistratum sint admittendi?

NIMIS cauti, nimis potius superciliosi estis Thebani, qui vestros bubulcos, cocos, & factores, hoc est, qui vestros opifices illiberales tam duro seruitutis iugo oneratis. Lex vestra iubet ut mercenarij decem perpetuos annos à foro desistant, suisq; acquisitis honestè viuant antequam ad magistratum adsciscantur. An magistratus tanto censu, tantoq; sudore apud vos acquiritur? Rarissimè vos, Fabricios à ligone ad dictaturam, Dauidem ab ouili ad imperium, homines infimæ conditionis ad lucem reipublicæ euocatis: non artem sordidam sed mentem, non facultatem sed virtutē, non adiumenta fortunæ sed ornamenta animi in electione spectare oportet: absurdum ergo est tantum spacium tantamque molem ab artifice postulare antequam in theatrum ciuitatis admittatur. Maiores hoc non fecerunt: ergo fieri non oportet. Ratio suadet esse ciues; ergo tanto pretio dignitatem non emerent. Natura inter illos plurimos ingeniosos, plurimos virtutis studiosos fecit: ergo dominos illos esse,

Pol. lib. 6. cap. 7. Val. Max. lib. 4. cap. 4. Fabricius. Dauid.

esse, idque sine morâ voluit. In electione magistratus virtus non tempus, vita non fortuna spectari debet: ergo si digni sint luce, tam diu in tenebris ne languescant. Postremò metus seditionis hoc ipsum vetat: ergo periculosum est si fiant: quid enim populum vehementius vrit, quàm si diu speratâ dignitate & honore careat.

Distinctio.

Lex Thebanorum de eligendis mercenarijs post decem annos non est approbanda, propter

Exemplum maiorum qui aliter fecerunt, ut Romani, qui ab aratro ad sceptrum multos auocarūt.
Periculum seditionis quod sequitur, si tam diu populus dignitate careat.
Honorem ciuitatis, quæ dignos vel ex infima plebe ad lucem reipub. promouere tenetur.

Opp. *Indignares est & indecora ut bubulci aliq; similes ad magistratum eligantur: ergo lex Thebanorum qua à sordidis artibus opifices vacare iussit, antequam rempublicam salutarent, est approbanda. Antecedens probatur, quia non tam necessarium fieri quàm decorum obseruari ciuitas requirit.*

Resp. *Si Plantus molat necessitate coactus, indignares est & indecora: at non in Plauto qui impulsus molit, sed in ciuitate, qua hoc ipsum finit. Absurdum est virum doctum molentem spernere, vanum est sutorem prudentem à dignitate pellere: corium res vilis est, at prudens persona; mola res dura est, at doctus poeta: non ergo materiam, qua est abiecta, sed personam, qua est honesta, in omni electione decebit respicere.*

Non materia, sed persona in electione spectatur.

Opp. *Opifices ac mercenarij semper in aucupando questu versantur: verendum ergo est ne magistratus facti rempublicam pradam spoliūq; faciant: quod certè ne contingat, longo tempore deliberari oportet, antequam istiusmodi magistratus fiant.*

Resp. *Sordes artis, & paupertas hominis causa sunt sapè, quo minus temerè sint admittendi multi: at si prudentia artificis sordem artis, si honestas hominis paupertatem vincat, non est verendum, ne tales rempub. in naufragium trahant.*

Sordes & paupertas. Prudentia & Honestas.

Opp. *Ciues sunt solum magistratus participes, ut in primo capite huius libri docetur: sed opifices & mercenarij non sunt ciues, ut hic ostenditur: ergo opifices ac mercenarij omninò magistratus fieri vel ne cupiant, vel si cupiant ne capiant.*

Resp.

Opifices ciues
non nisi quo-
dam modo &
in quadam
repub.


Resp. *Non ait Philosophus opifices omnino non esse ciues, sed in aliqua specie reipub. nempe aristocratia, illos esse ciues inficiatur: quippe in illa optimates & primarij, non opifices & mercenarij regnant.*

CAP. IIII.

An respub. recte definiatur?

An ultimus finis ciuitatis sit honeste & beate viuere?

Secunda pars
lib. 2.



Diuisio huius
cap.

Reipublicæ
definitio.

B hoc quarto capite secunda partitio huius Libri incipit, in qua Philosophus de varijs rerum publicarum formis differit. Diuidit autem hanc partem in quatuor capita: in quorum primo rempub. definit, eiusque formas generatim considerat: in secundo subdiuisionem reipub. in alia genera tradit; in tertio qui debeat esse dominus in ciuitate, princepsne vnus an multitudo, inquit; in quarto, An dotibus animi potius quam opibus fortunæ sint creandi magistratus, diligenter ac seriò perscrutatur. Hoc primum caput quatuor habet partes, in prima respub. definitur, in secunda finis ciuitatis traditur, in tertia multiplex viuendi modus distinguitur, in postrema respub. in rectam & non rectam diuiditur: has singulas partes suo ordine breuiter & distinctè percurramus. Definitur ergo respub. hoc modo, vt sit ordo ciuitatis cum aliorum magistratuum, tum eius maximè, cui tradita est summa potestas & arbitrium rerum. Est ordo, quia prudenter disponit; est ordo ciuitatis, quia non vnus opinionem sed ciuilem consensum sapienter postulat; est ordo aliorum magistratuum, quia inferiores classes gradusque honoris dignioribus iustè distribuit; est denique ordo summæ potestatis, quia quis dominus sit in omni ciuitatis statu honorificè præscribit. Exempli causa: in monarchia vt vnus princeps, in aristocratia vt optimates, in democratia vt populus principatum teneat hic ordo administrandæ ciuitatis

tatis præcipit. Vt ergo corpus sine anima, celum sine lumine: ita est ciuitas sine hoc ordine, quo omnia eiusdem membra vigent ac diriguntur. Si hoc demonstrari velis, intueri mecum scalas gradusque rerum, & certè neque in primo res inanimæ, neque in secundo animatas, neque in tertio sensus participes, neque in quarto rationis compotes sine forma & ordine subsistere aut coherere videbis. Cæli suum cursum, elementa suum motum, plantæ suam vitam, belluæ instinctum, homines imperium habent; quæ omnia sic ordine ad summum bonum tendunt, vt mundum hoc est quasi magnam ciuitatem compaginemque rerum sub vno imperatore florentè videas: si igitur verum hoc sit requiri in omni gradu rerum ordinem quo conseruentur; quis ibi inficias requiri vel maximè in ciuitate, quæ sine ordine ac formâ administrandi non aliter quam ruinosâ domus concideret? Porro si in familia, quæ est parua quasi ciuitas, sit confusio sine ordine: quantò maior futura est perniciēs in ciuitate, si ordine ac formâ administrandi careat? Præterea vt legio hominum in campo Martio sine ordine: ita turba ciuium est sine formâ ciuitatis. Possremò si non sit hic ordo, neque artibus quibus sustentatur, neque virtutibus quibus ornatur ciuitas, stuperent ciues: ordo enim vrget vt non sibi sed ciuitati viuant. In secunda parte huius capitis de finibus ciuitatis disputatur, vbi quæritur, An ultimus finis ciuitatis sit honestè & beate viuere? Rectè Arist. Finis est causa ad quam omnia referuntur. Et iterum, Finis est veluti norma & mensura rerum omnium. Quemadmodum ergo non est satis inuestigare ex quibus partibus constet domus, nisi etiam sciamus in quem vsum fiat; ita frustra quæritur quid sit ciuitas, si in quem finem constituitur non perscrutemur. Videtur hic mihi Philosophus multos fines ciuitatis insinuare, præcipuè autem sex, quorum primus est hoc ipsum viuere, quippè cohabitatio vniūque multitudinis plurimū inseruit ad vitæ necessitatem, cui aliter facile succurrere non poterimus: est enim in vnita multitudine magnum subsidium, est verò in solitariâ vitâ grande periculum. Finis secundus est non solum viuere, sed etiâ iucundè & delectabiliter

Ordo Reipub.
perquam vtilis & necessarius.

Finis Ciuitatis.

1. Viuere.

2. Iucundè viuere.

3. Tutò viuere.

4. Commodè viuere.

5. Pacificè viuere.

6. Beatè viuere.

Vid. Cic. de finib. lib. 5.

lectabiliter viuere. Sapienter Seneca. Nullius rei sine socio iucunda esse potest possessio. Quid enim prodest possidere imperium & neminem habere cui committas consilium? Tertius finis est tutò ab impetu insidijsque aduersariorum viuere. Nam vt solitariam agentes vitam faciliè in discrimen vocantur: ita in luce & coronâ hominum degentes ab omni metu ac suspicione mali liberantur. Quartus finis est vtiliter ac fructuosè viuere. Hinc in ciuitate contractus & cõmutaciones rerum exercentur, vt ijsdem medijs obseruatis iustitia, quæ est dea ciuitatis, religiosè quasi adoretur: tum enim societas hominum dissoluitur, cum in commutationibus rerû iustitia violatur. Quintus finis est in vnitatis consensus ac affinitatis viuere: hinc cognationes, domus, familiæ, alijq; nexus ac vincula ciuitatis oriuntur, ex quibus firmissima amicitia & concordia nascitur. Postremus finis est de quo potissimum hoc loco agit Arist. nempe honestè & beatè viuere. Hic finis reliquos omnes in se comprehendit, hic finis est sine quo ciuitas non existit, quod paucis sic probo; quia natura ciuitatis magis virtute, quàm scelere conseruatur; iterum, quia ciuitas propter honestum instituitur; adhuc, quia ciuitas à bonis viris (vt antè docuimus) regenda; his illud addo, quia in ciuitate iustitia fundamentum ponitur. Præterea lex ad promouendam virtutem & ad extirpandum vitium in ciuitate destinatur. Postremò sublato hoc fine confusio in ciuitate sequitur. Cum ergo sex sint fines ciuitatis, victus necessitas, vitæ iucunditas, propugnatio ab hoste, commutatio rerum, sanguinis coniunctio, virtutis actio, postremus hic nempe perpetua virtutis actio est omnium maximus, in quo (vt aiunt) copia & sufficientia huius vitæ inest. Nam quamuis pleriq; homines viuendi solâ cupiditate capti multas æruminas grauesq; calamitates toleranter ferant, quasi quædâ in eo prosperitas & dulcedo naturalis insit; in hoc tamen vt benè ac beatè viuant, splendor, honor, & amplitudo ciuitatis lucent. O quâ optandum esset vt omnes ciuitates hoc numè virtutis colerēt, vtq; hunc finē, hoc bonū in omni actione impēsē ac seriò affectarent! Sed hæc hæcenus, nunc ad tertiam partem capituli

capitis accedo, in qua ex multiplici modo viuendi diuisio ciuitatis in rectam & non rectam elicitur. Demonstratum est in libris ethicorum & in politicorum primo, triplex esse imperium, herile quod est domini in seruos, nuptiale quod est viri in vxorem & liberos, paternum quod est genitoris in filios: in omnibus studetur vtilitati, sed in primo dominus sibi commodum quærit per se, seruo autem per accidens (vt aiunt) & ex euentu. In 2. & 3. studetur etiam vtili, sed aliter quàm in primo: nam in his commune bonum non proprium, vxoris ac liberorum non priuatum quæritur: redundat tamen vtile in patrem si filijs, redundat in virum si vxori ac liberis prodesse studeat: cæterum ita redudat vt sibi casu & fortuitò, illis vi sua & per se proficiat. Nā vt medicus egro nō sibi intendit sanitatē, si tamē contigerit laborare medicū sibi per accidēs medetur: ita vir & pater bonū intendūt suis nō sibi, euenit tamē vt alijs bonū destinantes, ipsimet dulcedine fructus capiātur. Sic est de gubernatore naui, qui alios ex proposito, se verò ex euentu à scopulis defendit: sic est de pastore, qui gregi nō sibi consulit. Sed quorsū isthæc? certè vt intelligas ex ista cõparatione qualis vir princeps in ciuitate esse debeat; nō vt dominus qui proprio & priuato bono studeat, sed vt vir & pater qui subditis nō aliter q̃ filijs prouideat. Hinc (vt ait in textu) Rex pater patrie dicendus, hinc in textu sapienti medico, gubernatori naui, & pastori gregis assimilatur. Vtinā certè reges de hac medicæ artis, naui, & gregis similitudine dies noctesq; cogitarēt, meminerint velim esse in omni rep. vulnera sanāda, vt verè medici: liberos educādos, vt verè patres: naues à scopulis tutādas, vt verè gubernatores: oues à canibus liberādas, vt verè pastores habeātur. Succedit nunc demum postrema pars huius cap. in qua Philosophus ex præmissa diuisione triplicis imperij naturalis, generalē ciuilem imperij partitionē elicit. Nā vt in re familiari plures gubernandi species præscripsimus, vnā herilem in qua per se vtilitas domini quæritur, alterā paternā, tertiam cõiugalem, in quibus pater & coniux primariò non sibi sed suis consulunt: ita in administratione ciuitatis plures sunt imperandi formæ, vna in qua

Eth. lib. 8.
cap. 10.
Pol. lib. 1.
cap. 8.
Imperium priuatum Herile, Nuptiale, Paternum.

Rex Pater
Patriæ.
Medicus.
Naucerus.
Pastor.

4. Pars cap.

commodum gubernantis quæritur, & ista cum herili: altera in qua subditorum commodis studetur, & hæc cum paterno & coniugali imperio comparatur. Reijcit hic Arist. illam primam imperandi speciem, quia sapit tyrannidem & formas deprauatas, reliquas verò admittit, quia in illis bonum commune priuato antepositur. Ratio est, quoniam principes ac magistratus, viri sapientes ac indulgentes quasi patres existerent, qui in arce ciuitatis positi, non tam sui quam eorum qui sibi subiecti sunt, singularem curam perpetuò gerant. Hinc illud Biantis, Magistratus ostendit virum. His positis diuisionem primam ciuilem administrationis adfert Philosophus, nempe, in rectam & non rectam: recta, monarchiam, aristocratiam, democratiam; non recta, tyrannidem, oligarchiam & populare imperium furoremque denotat. Respu. hoc loco est quasi summum genus, rectum & non rectum sunt primæ species, dialecticè subalternæ vocatæ: rectum in monarchiam, aristocratiam, populique imperium, vt subalternum genus in infimas species diuiditur: sed de his pluribus in proximo capite disputabitur.

Distinctio primæ quæst. *An respublica rectè definiatur?*

Nomen rei- pub. sumitur bifariam, aut	{	Materialiter, idque;	{	Publico vsu rerum.
		duobus modis,		Multitudine ciuium, & sic non de-
		aut pro		finitur.
		Forma-		Vnione multitudinis, & sic à ciuitate nō differt.
		liter,		Ordine & descriptione imperij, & sic hoc loco
		aut pro		definitur.

Opp. *Recta administratio magistratus est ordo ciuitatis: sed respu. non est recta administratio magistratus: ergo respu. non est ordo ciuitatis. Maior probatur, quia recta administratio magistratus est norma quā bene & feliciter in ciuitate viuatur: at ordo nihil aliud est quā norma quā bene & beatè viuatur. Minor patet, quia respub. non est actio vnius hominis, sed ordo totius ciuitatis.*

Respu. *Recta administratio magistratus accipitur aut pro actione vnius prudentis, & sic non est ordo ciuitatis; aut pro perpetuo decreto ciuitatis, & sic est ordo quo beatè viuatur: actio enim vnius non permanet, at decretum ciuitatis vim legis habet: respu. ergo non ex praescripto vnius hominis sed ex decreto totius ciuitatis pendere dicitur.*

Opp.

Administratio
Recta, Non
recta.

Vid. Plut. de
triplici genere
politice.
Decretum ci-
uitatis lex est.

Opp. *Ordo est forma ciuitatis: sed respu. non est forma ciuitatis: ergo respu. non est ordo. Maior est Arist. in primo libro Polit. Minor probatur, quia propria forma ciuitatis est vnio & connexio ciuium.*

Respu. *Forma ciuitatis est proxima aut communis, proxima est ordo seu administratio, quæ respub. dici potest; communis autem est vnio & connexio ciuium, quæ in loco & commutatione rerum consistit.*

Forma ciuita-
tis proxima
communis.

Opp. *Respu. sepe concutitur manente ciuitate: ergo non est forma ciuitatis. Antecedens probatur, quia tumultuante seditione ordo tollitur, at ciuitas quæ in vnione ciuium consistit non extinguatur. Argumentum constat, quia si respub. sit forma ciuitatis, ciuitas sine illa manere non potest.*

Respu. *Concussa respub. languescit ciuitas, nam ciuitas ab ordine non multitudine dependet. Præterea tumultuante seditione ordo non tollitur, nam in bello potius quā in pace magistratus prudentia cernitur.*

In bello poti-
us quā in
pace magi-
stratus cerni-
tur.

Opp. *Arist. in textu temp. ordinationem ac descriptionem vocat: sed ordinatio aut descriptio actionem potius quā formam ciuitatis significat: ergo per nomen ordinis minus rectè definitur.*

Opp. *Ordo non solum in contemplatione boni, sed etiam in actione cernitur. Non ergo de nomine sed de re hoc loco contendimus. Præterea cum inter ciuitatem & rempublicam sit quadam relatio, hoc nomen ordinis efficacius quid sit respub. declarat, quā si descriptio diceretur.*

Ordo & in
contemplati-
one & in acti-
one consistit.

Distinctio secundæ quæstionis.

An bene & beatè viuere sit ultimus finis ciuitatis?

Finis ciuita- tis est du- plex,	{	Natu- ralis,	{	Necessarius, vt victus.	
				Fortuitus, vt vsus & commutatio rerum.	
	{	Ciu- lis aut	{	Externus,	Delectabile, & sic vitæ iucunditas.
				qui respicit aut	Vtile, sic vitæ commoditas.
				Naturale, sic familiarum cōffinitas.	
				Hostile, sic armorum ac murorum firmitas ciuitatis finis habetur.	
				Internus, qui bonum per se ciuitatis respicit, & sic sola actio virtutis finis ab Arist. constituitur.	

Opp. *Docetur antea quod aliquando sit ciuis bonus, tamen si vir malus existat: ergo nō videtur quod bonū solidum sit finis ciuitatis. Ratio sequitur. Nā viri mali bonū apparens non solidū aucupantur.*

P 3

Respu.

Vita non est
vivere sed be-
ne vivere.

Resp. Vivere non est bonum sed bene vivere, quamobrem Philoso-
phus non vivere sed bene vivere finem civitatis constituit. Quod verò
dicas antea doceri civem bonum esse tametsi vir malus existat; hoc
non probat per se bonum non esse totius civitatis finem. Nam à parte
ad totum hoc modo fallaciter disputatur; sunt aliquot cives mali viri
ergo totius civitatis finis non est beatitudo.

Opp. Tyrannis & oligarchia antea in fine primi cap. probantur
esse civitates: sed illarum finis non est bene & beatè vivere: ergo civi-
tatis in genere finis nō est bene beatèq; vivere. Antecedens patet, quia
illuc docet Philosophus pacta in tyrannide & oligarchia fieri quidem à
civitate.

Resp. Non docet simpliciter, sed quodammodo hac fieri à civitate:
ut ergo non sunt propriè civitates sed earum labores: ita illarum finis
non est verè bonum sed fucata species & umbra boni.

Civitas iusta
iniusta.

Lib. 1. pol. cap.
2. & lib. 2.
cap. 1.

Nulla civitas
est quin sedi-
tionem sense-
rit.

Opp. Arist. in textu ponit cumulū & sufficientiam omnium bonorum
esse civitatis finem: sed in hac vita talis sufficientia acquiri non potest:
ergo minis rectè civitatis finis assignatur. Maior constat, quia om-
nes fines omniaq; bona in hoc uno ponit. Minor patet, quia nulla
civitas unquam tam beata extitit, quæ Circes & Erynnis vires, hoc
est quæ fraudis, invidia ac seditionis flammulas non senserit.

Resp. Civitas non inchoatè sed perfectè hic intelligitur, at in perfe-
cta civitate hac beatitudo inest. Nam quamvis multa sint membra
contagione infecta, multa ferro iustitia à corpore recisa, in tota tamen
multitudine civitatis perfecta species & pulchritudo virtutis emi-
net. Quare et si latro ad furcam, proditor ad equuleum, adulter ad
lapidem condemnatur: tota tamen civitas sana & beata permanet, im-
mò istis resectis multò beatior, multòq; tutior haberi debet.

Lib. 7. pol. lib.
11. Meta. lib.
de mundo.

Deus ultimus
finis civitatis
Theoricus
non practicus.

Opp. Ultimus finis civitatis est ipse deus, qui est (ut docet Philoso-
phus) summum bonum omnium: ergo sufficientia rerum non est ulti-
mus finis civitatis.

Resp. Deus est ultimus finis civitatis theoreticus non practicus: nā
quāvis omnes lineæ vitæ humanae ad deū tēderent, in hoc oceano tamē
politicus usus virtutis (modò non sit à deo impia defectio) cōprobat.

Dubia capitis.

An princeps sapienti medico, propitius patri, vigili gubernatori, bo-
no ac studioso pastori rectè ab Aristotele comparetur?

An

An bona sit divisio reipub. in rectam & non rectam?

M Iraris fortè quā ratione ductus primam hanc quæstio-
nem moueam: certum est (bone Plato) Astræam reli-
quisse terras. Rara sunt studia virtutum in aulis principum. I-
tanè Cæsar? Tam præceps ad regnum ruis? De iure non co-
gitas modò imperium habeas? Audi, Rex est qui posuit metus
Et diris mala pectoris: Quem non ambitio impotens,

Ouid. Met. 1.

Senec. in
Thyeste.

Et nunquam stabilis fauor Vulgi præcipitis moner. Sic regem.
Atens regnum bona possidet. Sic regnum Seneca definit.

Bone deus, quæ nunc ambitio? Quæ sitis regni ardet? O quā
ponderosa res est persona principis? O quā periculosa res est
imperium Cæsar? audi vir sapiens. Rex agnus non lupus, pro-
pitius pater non rabidus vultur dicitur: hinc medico ut sanet,
patri ut consulat, gubernatori ut in portum ducat, pastori ut
ciues diligat, sapientissimè à philosopho comparatur. Si ergo
perdas non sanes, si vulnères non consulas, si nauem reip. in
scopulū allidas, in portū non pertrahas, si mactes non diligas:

Arist. eth. lib.
8. cap. 10.

Aug. de ciuis
Dei. lib. 19.

cap. 15.
Plato de
regno.

caue tandem, nam diutius non princeps sed tyrannus dice-
ris. Hæc scribo ut intelligant sacrati principes hoc vnum ab
illis expectari, ut in isto iam deplorato sæculo studia virtutum
renata illorum contaminatā vitā in despectum non veniant:
utinam quoque hoc tandem meminerint se esse vicarios dei,
qui regni & imperij rationem ab illis tandem aliquando se-
uerè exiget. Flos huius vitæ caducus est & fructus brevis, splē-
dor regni tenebras in sepulchro habet: iactavit Balthasar, sed
citò expalluit cum manū in pariete scribētē viderit: iactavit
Herod, sed citò contabuit cum manum angeli percutientem

Rom. 13.

Daniel cap. 5.

Act. cap. 12.

senserit: gravis est pæna principū si malè regant, grandis re-
muneratio si probè viuāt. Altera dubitatio, An bene in rectā
& non rectam distribuatur respub. longiorem orationis non
requirit seriem; paucis igitur sic concludo rectè distribui, nā
omnis resp. est aut vera aut fucata: si vera sit, definitur recta,
in qua communi bono à magistratu studetur: si autem sit fu-
cata, definitur non recta, in qua lucrum vnius non bonū civi-
tatis quæritur. Multi rectum & non rectum differentias, mul-
ti species diuersas reipublicæ appellant, lis magna non est

Rectum &
non rectum
species rei-
pub.

nec magni momenti quaestio. Nam ut continuum & discretum sine nomine sui generis, differentia; cum nomine, species quantitatis dicuntur: ita rectum & non rectum sine adiecto hoc nomine reipub. differentia; adiuncto vero hoc nomine, species ciuitatis appellantur.

Distinctio primae dubitationis.

Princeps recte ab Arist. compara- tur	Medico,	§	Ut diligenter quærat morbos & mala ciui-
	Patri,	§	Ut sapienter eadem inuenta curet. (tatis.
	Gubernato-	§	Ut ciues tanquam filios diligit. (pediter.
	ri nauis, ut	§	Ut subditis tanquam liberis necessaria lup-
Arist.	Bono pasto-	§	Scopulos & periculum prospiciat.
	ri gregis,	§	In portum beatitudinis tandem perducatur.
Arist.	Bono pasto-	§	Ut à lupo ciues defendat. (deuoret.
	ri gregis,	§	Ut ipse neq; vellera tollat neq; suas oues

Opp. Magnanimus à nimia curâ rerum immunis esse debet: sed omnis princeps debet esse magnanimus: ergo omnis princeps à nimia curâ rerum immunis esse debet. Maior est Arist. quarto Ethicorum, ubi probat quod magnanimus non debeat esse nimium sollicitus circa res caducas & perituras. Minor constat, quia magnanimitas & magnificentia sunt virtutes principis. His datis sequitur quod princeps ineptie comparatur istis, quia istarum sollicitudo non deset principem.

Resp. Honos principis onus est, splendor dignitatis labor virtutis, & officium est imperare non regnum, ut scripsit Seneca. Respondemus ergo decere principem, ut excubias pro salute reipub. frequentes faciat: non est res abiecta si medicum, si patrem, si gubernatorem, si pastorem recte imitetur: nolumus tamen res viles & abiectas tractet, sed ut magnificus cum opus sit suam opem & subsidium præstet.

Opp. Vir perfecte bonus in sola contemplatione virtutis, ut docet Arist. in Ethicis, versatur: sed princeps debet esse perfecte vir bonus: ergo in sola contemplatione virtutis versaretur; quo concesso sequitur quod non sit sollicitus in rebus humanis ut medicus, pater & ceteri cum quibus hic comparatur.

Resp. Requiritur ut princeps sit absolute vir bonus, non tamen negatur quin sit etiam politicus & expertus rerum, non enim solam vitam solitariam agentes studiosos virtutis, sed eos etiam qui in luce reipub. iuste casteq; viuunt nominamus.

Distinctio

Eth. lib. 4.
cap. 3.

Senec. epi. 91.
Honos princi-
pis onus est.

Eth. 10. cap. 8.

Distinctio secundae quaestionis. An recte diuidatur respub.

Secundum naturam vsuq; rationis, & sic recta est, quæ iubet ut non nobis sed alijs ad conseruandam societatem vitæ consulamus.
Respublica est vel Contra naturam vsuq; rationis, & sic non recta dicitur, quæ relicto societatis appetitu rabide sibi non alijs consulit.

Opp. Non ens non potest esse species entis: sed non rectum est non ens: ergo non est species reipub. quæ est ens. Minor probatur à loco Topico, quia rectum est ens: ergo non rectum erit non ens.

Resp. Non rectum sumitur aut contradictorie, & sic est non ens; Non rectum aut priuatiue, & sic ens dicitur. Hoc loco ut exponunt interpretes sumitur Contradictorie, Priuatiue.

Opp. Plures sunt species reipub. ergo male in has duas diuiditur. Antecedens probatur, quia præter rectam & non rectam est mixta, quæ utriusq; particeps ubiq; floret; nam quæ respub. simpliciter recta? Quæ absolute non recta dicitur?

Resp. Est aliqua respub. simpliciter non recta ut tyrannis, est aliqua simpliciter recta ut monarchia, mixtam ex recta & non recta ex bonis & mixta ex malis, sed non ex bonis & malis simul. haud quidem reperio. Est tamen mixta ex bonis, est quoq; ex malis mixta. Si verò urgeas quod nulla sit respub. sine labe, respondeo, id verum esse: labe tamen non est pars magis reipub. quam spina rosa quæ cum illa crescit.

CAP. V

An tantum sint tres species rectæ reipublicæ, totidemq; non rectæ?

An recte definiantur singula?



AGNI nominis interpretes hoc loco Aristotelem non aliter quam leporem ante canes in mille anfractibus se vertentem deserunt. Aiunt enim se penitus nescire quid demum statuatur, quidue definiatur de multiplici statu reipub. quippe nunc harum nunc illarum partium existens, sic vltro citroq; se flectit, tam timide & incerte disputat, ut citius fluctuantem nauem in tempestate ad anchoram, quam vacillantem Aristotelem in hac varietate

P 5

etate

etate ad certam sententiam pertrahas. Nunc regnum laudat, nunc optimatum imperium præfert, nunc præ cæteris politiam populiq; auctoritatem commendat: iterum nunc ad pauperes, nunc ad opulentos, nunc ad milites, nunc ad confusam multitudinem turbamq; ciuium clauum imperij pertinere putat; imò vt affirmant illi, nihil in his certum, nihil fixum, nihil definitum tenet. Cæterum hic cum illis non penitus deficiam, existimo enim Aristoteli more philosophantium in vtramq; partem disputare, inq; eam lancem quã ratio præmit aurum iniicere; hoc est, non ancipitem, non perplexam arbitror suam reliquisse sententiam, sed eam præualere potius voluisse, quæ maximum pondus rationis habet: hinc licet nunc vnus, nunc optimatum, nunc populi imperiũ laudet, licet modò regis, modò procerum, modò totius multitudinis administrationem optimã esse suadeat: monarchiam tamen præstantissimum reipub. statũ ex eius verbis audemus dicere: ratio est, quia argumenta quæ pro illo iam statu adfert maximũ momentũ & vires habent. Huc ergo tendunt & accedunt omnia quæ nũc scribo, vt lectori persuadeã sic Arist. in sequẽtib; capitibus huius libri studere, sic eius præcepta legere, vt acutè potius illum disceptare quàm vllò modo in rebus tantis fluctuare existimet. Sed ne longius à re proposita discedam, tria in hoc cap. aguntur, diuisio, definitio, distinctio: diuisio rectæ & nõ rectæ reipub. in suas species, definitio singulorum statuum in ciuitate, distinctio oligarchiæ & democratiæ, qui duo status in calce huius capituli conferuntur. Diuisio aperta est, nam omnis status reipublicæ aut bonum publicum aut bonum priuatum querit: si bonũ publicum cum recta, si bonum priuatum cum non recta administratio dicitur: si verò sit recta, aut vnus vtilitati communi consulit, vnde monarchia; aut pauci, vnde aristocratia; aut multi, vnde democratia ducitur; quippè hæ species dominatus ad bonum ciuitatis tendunt. Veruntamen si administratio non recta sit, vocetur defectio aut labes ciuitatis: hæc autem contingit, vel cum vnus sibi non alijs consulit, vnde tyrannis; vel cum pauci potentes auctoritatem rapiũt, vnde

Aristoteles
acutè disputat
non fluctuat.

Bonum Publicum,
Priuatum.

Monarchia.
Aristocratia.
Democratia.

Tyrannis.

vnde oligarchia; vel cum tota multitudo in dominatum ru- it, vnde timocratia nascitur. Tyrannis regno, paucorum potentia procerum imperio, populi furor iustæ multitudinis auctoritati opponitur: nam in illis magistratus sunt boni, in his mali; in illis commune bonũ, in his proprium quæritur; in illis libertas ciuium, in his oppressio viget; in illis prudẽtia & iustitia, in his temeritas & iniustitia regnant; in illis deniq; ciuium finis est beatitudo, in his miseria & confusio, Proximũ quod agitur in hoc cap. est cuiusque horũ definitio, & vt in pauca rem conferam. Est monarchia imperium in quo vnus vir, bonus, fortis, ac prudens, aut electione, aut successionem, constitutus princeps, maximã in ciuitate auctoritatẽ tenet, cui resistere nefas & flagitiosũ est. Est imperiũ quia iure dominatur, in quo vnus non plures, bonus nõ malus, fortis animo non ignauus, prudens nõ stultus, aut electione vt Imperator Romanus, rex Poloniæ; aut successionem vt aliarũ gentiũ principes, constitutus, nõ vi factus & intrusus, qui maximã in ciuitate auctoritatẽ in leges & ciues habet, cui resistere nefas & flagitiũ est, quia regũ maiestati resistere est sanctã dei imaginẽ contẽnere, & sacrã personã ciuitatis violare. Aristocratia est quoq; imperiũ in quo pauci optimates, boni, fortes, atque prudentes viri ad communẽ vtilitatẽ referentes omnia, dominantur. Sic Ephori apud Lacedæmonios, sic electi decemviri cessante senatu apud Romanos. In hoc statu paucitatẽ requiro, nam multitudo plerumque mala est: rerum copiam, nam inopia sæpè infesta virtuti est: innocentiam vitæ, nam magistratuum vita ciuib; aut salus aut toxicum venenũ est. Democratia (quæ vulgò & cõmuni nomine politia dicitur) est imperiũ in quo populus per bonos, fortes & prudentes tribunos regnat. In hoc statu Philosophus requirit fortitudinẽ in qua multi communicent, nã raro in maxima multitudine alię virtutes lucent. Qui affirmant hunc statum esse totius populi imperium sine ordine & sine distinctione rerum, errant illi quidem meo iudicio, nam si bona & recta sit hæ constitutio ciuitatis, in illa nulla confusio inesse debet, quæ proculdubio esset si nullos eligeret populus, qui

Oligarchia.
Timocratia.

Statuum contentio.

Monarchiæ definitio.

Regibus resistere non licet.
Aristocratia definitio.

Democratia definitio.

Tyrannidis
definitio.Oligarchiæ
definitio.Timocratiæ
definitio.Discrimen
Oligarchiæ &
Timocratiæ.

qui suo ipsorum nomine popularem auctoritatem iuste & prudenter exercerent. De tyrannide, oligarchiâ & timocratiâ non opus est multa dicere, nam ex his definitionibus rectarum administrationum politis facile istorum descriptiones eminent. Rem verbo sic expedit. Est tyrannis imperium oppositum monarchiæ, in quo vnus vir malus, furiosus ac temerarius suæ non communi vtilitati consulit, vt in Turcia, Moscouia. Est oligarchia imperium oppositum aristocratiæ, in quo pauci potentes & insolentes viri propter suum non propter commune bonum dominantur, vt Romæ in Triumviratu. Est denique timocratia vel potius anarchia imperium oppositum politiæ, in quo seua & insana multitudo ex rapto non ex iuste acquisito regnat, vt sæpius Athenis. Tertium quod in hoc Cap. proponitur est inter oligarchiâ & timocratiâ distinctio, quæ dubitationem in se quandam continet, videlicet, vtrum gubernatio multorum diuitum dicatur status popularis? & iterum, An paucorum inopum potentia paucorum imperium nominetur? Respondet Philosophus distinguendo de formis ac differentiis vtriusq; status. Paucitas inquit & multitudo non sunt causæ cur istæ inter se administrationes differant, quippè non sunt internæ & (vt aiunt) essentielles differentiæ vtriusq; nempe oligarchiæ & timocratiæ: contingit enim ciuitati paucos habere diuites multosque inopes & indigentes ciues: paucitas ergo & multitudo distinctionem non faciunt: restat igitur vt inopia & affluentia rerum sint causæ distinctionis in istis imperiis. Nam vt paucorum potentia est si opulenti, siue multi siue pauci dominantur: ita status popularis est in quo egentes, siue pauci, siue multi rempub. administrant. Euenit tamen plerumq; in oligarchia paucos gubernare, quia pauci sunt diuites; in timocratia verò multos, quia plurimi sunt tenuioris facultatis ciues: non igitur paucitate & multitudine sed opulentiâ & indigentiâ rerum hæc duæ species differunt; ita tamen differunt, vt libertatis vtræq; in ciuitate sit particeps, vnde (vt ait Arist. in calce capitis) magna inter pauperes & diuites de imperio nascitur litigatio: nam diuites se superiores

ores pauperibus auctoritate, indigentes se pares diuitibus in libertate esse existimant: hinc tumor inuidiæ, hinc sitis imperij oritur: ceterum an iusta vel iniusta sit hæc istorum contentio, in proximo capite declaratur. Vt verò summam huius rei verbo insinuem, neq; auctoritati diuitum, neq; libertati pauperum, sed soli virtuti bonorum hominum deberi imperium iudicamus.

Distinctio primæ quæst.

An tantum sint tres species rectæ reipub. totidemq; non rectæ?

Quod neq; plures, neq; pauciores sint reipublice species quam sex hoc modo probari potest, quia omnis reipublica est, aut	Recta, quæ dirigatur ad bonum commune, aut per	{	Vnū, & sic est monarchia.
			Paucos, eisdemq; bonos, & sic est aristocratia. [tia
	Non recta, quæ detorquetur ad bonum priuatum, aut per	{	Multos, & sic est democratia.
			Vnum, vnde tyrannis. Paucos, vnde oligarchia. Multos, vnde anarchia nascitur.

Opp. Tyrannis, oligarchia & anarchia non sunt omnino species reipub. ergo non sunt sex. Antecedens probatur, quia reipub. definitur ordo ciuitatis in magistratibus ac legibus instituendis: at in istis non est talis ordo: ergo non sunt species reipublicæ.

Resp. Species reipub. accipitur duobus modis, aut vniuocè, & sic sunt tantum tres species veræ: aut analogicè, & sic tyrannis & reliqua sunt quoq; species, quia imaginem ciuitatis habent. Reipub. species accipitur vniuocè, analogicè.

Opp. Imperium multorum diuitum, qui regnant propter diuitias, est species reipublicæ: sed non est una harum: ergo sunt plures species reipub. Minor probatur, quia si sit vlla, erit oligarchia: at nō est oligarchia, quod sic confirmo, quia oligarchia est paucorum diuitum non multorum imperium.

Resp. Imperium multorum diuitum si contingat, ad oligarchiam analogicè reducitur. Præterea respondemus cum Arist. ex textu paucitatem non esse differentiam formalem oligarchiæ, sed opulentiam & affluentiam illorum qui principatum tenent. Paucorum tamen hæc potentia dicitur, quæ raro contingit in vlla reipub. plures vt diuites quam pauperes inueniantur.

Opp. Dominatus paucorum pauperum est quadam administratio reipub.

reipub. sed non continetur sub istis: ergo sunt plures constituenda species. Minor probatur, quia si sit sub ullis, erit sub democratia: at non est sub democratia, quia hac definitur multorum non paucorum gubernatio.

Resp. Mutata personâ idem ad hoc ac ad alterum argumentum responderi potest, nempe quod democratia non definiatur multorum gubernatio, quia multitudo sit de essentia eiusdem, sed quoniam contingit plures esse inopes quàm diuites in ciuitate, quorum inopum potentia multorum per accidens non per se & vi suâ imperium dicitur.

Plat. 6. de leg.
Arist. pol. 2.
cap. 4.

Opp. Sunt mixta res publica: ergo sunt plures species reipublice. Antecedens probatur & testimonio Platonis & virationis: testimonio Platonis, qui in libris de republica hoc ipsum asserit; virationis, quia non est absurdum in bene instituta ciuitate regem admittere viros consulares & tribunos plebis, quorum rex monarchiam, viri consulares aristocratiam, tribuni plebis democratiam, imperiumque populare repræsentant, sic Angli hodie, sic Galli faciunt.

Resp. Duobus modis respondeo huic argumento, vel quod hic Arist. de simplicibus solum, postea de mixtis reipublice formis agat, vel quod illa mixta respub. ad has simplices reducantur. Exempli causâ, quamuis in Anglia mixta sit administratio reipub. per principem, per nobiles, per tribunos plebis, adeo ut nulla lex sanciri, nulla consuetudo abrogari & rescindi possit sine consensu omnium, monarchia tamen dicitur, quia maximè unus princeps dominatum tenet. Ut ergo motus in natura nomen habet à termino ad quem tendit: ita status in ciuitate vim suam habet à fine ad quem destinatur: sic status Gallorum monarchia, status Venetorum aristocratia, & tamen in illo viri consulares, & etiam in hoc, ipsi duces regunt.

Opp. Sex non sunt species administrandi domum seu familiam: ergo sex non sunt forme administrandi ciuitatem. Antecedens probatur, quia solum imperium paternum in filios, herile in seruos, nuptiale in uxorem, ad familiam spectat. Argumentum tenet, quia in quarto Cap. huius libri docuit Aristoteles species administranda ciuitatis ab ipsâ naturâ gubernanda domus proficisci.

Resp. Comparatio illic fit inter domum & ciuitatem quoad veras administrandi formas, non quoad labeles & defectiones, quas hoc loco analogicè respublicas appellat. Respondeo igitur in omnibus si-

Anglorum,
Gallorum,
& Venetorum
respublice.

eri analogiam & similitudinem utriusque. Nam in domo ut regis, optimatum, studiosa multitudinis: ita si communi utilitati non consulas, tyranni, perditorum potentum, furiosi populi imagines & expressa vestigia cernas.

Argumenta in secundam quæstionem.

An singuli status rectè definiantur?

Opp. Rex sibi potest consulere: ergo non rectè definitur monarchia illud esse imperium in quo unus non sibi sed communi utilitati consulit.

Resp. Rex sibi potest consulere, non tamen primario & per se, sed minus primario & per accidens (ut aiunt) sicut antea ostenditur similitudine medici alios curantis per se, seipsū verò casu & fortuito.

Opp. Est contra naturam ut quis alijs magis quàm sibi consulat: ergo malè hoc ipsum in definitione monarchie requiritur. Antecedens probatur, quia natura in re qualibet maxime conseruationem sui querit ac meditat.

Resp. Aliud est esse hominem, aliud est esse regē: natura hominis est ut sibi consulat, natura est & officium regis, ut ciuitatem curet: salus enim ciuitatis est perfectio & conseruatio principis.

Salus ciuitatis perfectio principis.

Opp. Probatur antea reges obedientia disciplinâ imbuendos esse: ergo si à Deo, à patre, à patriâ defecerint, quibus obsequi deberent, licebit subditis illorum conatibus omni modo resistere, quo dato sequitur malè definiri monarchiam, in qua nefas & flagitium dicitur principi resistere.

Resp. Definitur hoc loco monarchia, ut non communiter existit, sed ut esse debet: & sic nefas & flagitium est regis authoritati resistere. Caterum si à Deo, à patre, à patriâ, principes defecerint, pena (ut diximus) non vertigine vniū cerebri, sed consensu senatus consulti constituenda est, & ita constituenda, ut potius lenitate consilij quàm seneritate supplicij ad sanam mentem reuocentur.

Pena principum.

Opp. Si multi diuites, boni, fortes, ac prudentes viri regnant, est aristocratia: ergo malè definitur esse imperium paucorum. Antecedens probatur, quia ad aliam classē referri non potest.

Resp. Aristocratia definitur imperium paucorum optimatum, non quod multi ab hoc statu arceantur, sed quod in omni republica pauciores sunt nobiles quàm alterius conditionis homines.

Opp.

Opp. Tribuni plebis sunt solum partes populi: sed in democratia populus, non partes regerent: ergo male definitur democratia esse imperium in quo populus per suos tribunos regnat.

Resp. Cum fieri non possit ut tota multitudo reipublice in unum quasi gyrum cogatur, ratio suavit, ut in populari administratione fautores populi eligerentur, penes quos summa rerum consq, consisteret, donec alios praeficere ac substituere populo placeret: sic populus recte imperat, non confuse. Nam ut totus homo videre dicitur, et si oculi solum vident: ita populus regnare putatur, et si solum tribuni illorum nomine instituti regnant.

Opp. Tyrannis, oligarchia, timocratia, sunt rerumpublicarum defectiones & labe: ergo hoc loco rerumpublicarum nomine non definirentur.

Resp. Desinit medicus salutare medicinam, & quod, venenum desinit medicus. Mala cognita (ut est in proverbio) facile evitantur. Tyrannis & alia duo defectiones hoc loco definiuntur, se vita ut in florentes civitates hac monstra irrepere non patiamur.

Opp. Cautos & prudentes ciues efficere est ad publicam bonum civitatis tendere: sed tyrannis cautos & prudentes ciues efficit; ergo tyrannis ad bonum publicum civitatis tendit. Maior constat, quia nihil est melius in civitate quam ut ciues caute & prudenter vivant. Minor probatur, quia tyrannide oppressus populus leges patrias non audet rescindere.

Resp. Oppressio tyrannidis non ciues sed feras, non agnos sed leones efficit: quippe non ad bonum sed malum, non ad salutem sed ad perniciem civitatis tyranni tendunt. Humana mollities tam graue onus & iugum sustinere non potest, potius ciues occidunt Phalaridem quam ut ipsi Phalaridis tauro inclusi ardeant.

Opp. Oligarchia definitur imperium paucorum diuitum sibi non civitati quarentium commodum: sed si multi diuites mali imperium rapiunt, oligarchia dicitur: ergo male paucorum & non multorum definitur imperium.

Resp. Soluitur hoc argumentum antea cum doceat Arist. non in multitudine & paucitate, sed in copia & egestate illorum qui regunt discrimen oligarchiae & timocratie patere.

Dubi-

Populus in
Tribuno ple-
bis regnat.

Dubium. An libertas populi sit causa litigandi pro imperio?

QVID? Vis populū diro servitutis iugo semper coerceri? Putasne libertatem causam esse litigandi pro imperio? Imò oppressio populi furorem, libertas amorem parit. Da veniam Arist. nam populus ut filius non ut servus tractari debet: causae ergo quas adfers sitiendi regnum nullae sunt. Fateor equidem diuites aurcis saepe retibus magna venari imperia, at pauperes libertatis solum alis enixos in solum maiestatis volare non didici: dic ergo sodēs quis sensus, quae vis verborum est? Nam dicis diuitiarum copiam in paucis, libertatem in multis causam esse appetendi imperij; dicerēs potius ni fallor, copiam in multis, libertatem in paucis hanc sitim accendere. De lana caprina disputas: quid ita? Quoniam illic discrimen inter oligarchiam & timocratiam docens, opulentiam in illa, in hac libertatem causam contentionis esse demonstraui. At cur in libertate causam litigandi ponis? Quia pauperes diuitibus libertate pares, se dignitate ab illis vinci facile non ferunt. Est ergo libertas seditionis causa? Est certè si frænum desit. Quid vis per frænum? Metum legis; at pessimus est custos civitatis metus. Nō est si sit civilis. Quid est civilis metus? Est veri amoris comes. An metus amat? Imò & amor timet. Quis hoc demonstras? Facile, nam filius timet & amat patrem. vis ergo ciuem timere & amare regem? volo. Rectè iam tandem explicas libertatē populi esse causam dissidij, si libertas populi timore careat, imò magis si & timore & amore careat.

Distinctio.

Libertas populi est causa litigandi propter	Nimiam familiaritatem quae gignit auctoritatis contemptum. Nimiam insolentiam naturae quae sitit imperium. Cōtumaciā quae omne tollit obsequium.	Nam ut filius nimiam indulgentiam familiarum contumax, insolensque factus sepulchrum patris expetit: ita ciuis libertate tumidus & superbus euadens omne imperium facile contemnit.

Opp. In omni recta administratione civitatis ciues libertate donati sunt: ergo libertas est causa potius conservandi quam labefactandi imperium.

Q

Resp

Libertas Absoluta, Restricta.

Resp. *Libertas civium est vel absoluta vel restricta, illa in civitate parit periculum, hac verò est necessaria ad imperium; illa est ut in timocratia ubi nulla lege furor populi restringitur, hac est ut in monarchia ubi metu civilis iustitia refrenatur.*

Opp. *Causa contentions est vitium hominis non libertas civitatis: ergo inconsiderate causa seditionis hic libertas dicitur. Antecedens probatur, quia libertas res potius bona quam mala est, at homo depravatus illa abutens flammam seditionis in angulos civitatis spargit.*

Sub libertate seditio.

Resp. *Depravatio animi humani est quidem causa omnis vitij, at tamen occasio mali aliquando foris offertur. Exempli causa, ut pulchra mulier est causa adulterij: ita libertas nonnunquam causa est dissidij, sed ut in animo Paridis venenū latet, quod in libidine spumat: ita in animo civis contagiū inest, quod sub specie libertatis in seditionem ruit.*

CAP VI.

*An actio virtutis sit sola mensura distribuendi honoris?
An federatae civitates inter se eandem rempub. efficiant?*



ENSIM ac paulatim in altum nunc vehitur navis, nam à nominibus rerū pub. ad ipsa arcana venit; distinctæ sunt satis ipsæ species civitatis, requiritur ergo iam tandem ut partes, vires fines cuiusq; status percontemur: data igitur occasione contentions inter oligarchiam & popularem statum, quid iustum, quid iniquum sit in qua-

vis civitate luculentius hoc loco ostendit Philosophus. Sed nè fusiùs quàm par est disputatio hæc nostra fluat, ad duos hos fontes reuocamus omnia, nimirum, An actio virtutis sit sola mensura distribuendi honoris? Et An federatæ civitates inter se eandem rempublicam efficiant? Erratis potentes viri, erratis populares: vos optimates, quia iustum diuitiarum copiâ; vos populares, quia iustum hominum libertate definire contenditis; vos diuites vultis imperare, quia opibus abundatis; vos pauperes quoq; vultis imperare, quia libertatis estis par-

Prima quæstio.

ticipes. Sed attendite dum errorem hunc vestrum tribus aut quatuor argumentis refellam. Primum est à circumstantijs iusti, secundum ab ipsa naturâ iudicij, tertium ab inductione contrarij, quartum à definitione boni. A circumstantijs iusti, quia iustū ut in Ethicis docuimus, quatuor limites terminosque habet, duos respectu rerum, duos respectu personarum: ut si æquales personæ sint, res quoq; æquales; & aliter si personæ sint impares, res etiam impares & inæquales erunt; at vos in vendicandis honoribus civitatis hos terminos nō observastis: ergo in vestra definitione iusti error periculosus inest. Quod verum hoc sit liquidò constat, quoniam inter vos aliqui solū affluentiam rerum, aliqui verò solam libertatē in iusto definiendo consideratis. A natura iudicij, nam qui in re sua iudicat, malè iudicat: at vos de re vestra ipsi iudicatis: ergo malè iudicatis. Ab inductione contrarij, quia honos non diuitijs, non commercijs, non rebus necessarijs vitæ, non alijs quibuscunq; negotijs civitatis debetur: ineptè igitur à vobis definitur iustum quod vel à rerum copia, vel ab hominum libertate pender. Postremò à definitione boni, quia vera mensura distribuendi honoris est studiosa actio & meditatio virtutis: sed hic finis, hæc forma à vobis negligitur: ergo error turpis & immanis à vobis admittitur. Hinc perspicuum est neq; Cælos propter diuitias, neque Cæsares propter victorias, neq; alios quoscunq; propter externas causas vendicare posse honores civitatis: restat igitur hoc vnum, quod sola actio virtutis sit iusta mēsurā distribuendi honoris: quippe non genus sed virtus, non sanguinis splendor sed pietatis amor verè nobiles & generosos facit. Hoc quidem probari potest in altera quæstione, quæ huic affinis est: nam si federatæ civitates eandem omnino rempublicam non faciant, nisi virtutis studio penitus conspirent, nullam vel æquitatis lancem meliorem, vel dignitatis mensuram iustiore actione virtutis esse putemus. At quod federatæ civitates aliā nullā de causā vnam rempublicam faciant, sic ex Aristotele demonstrabo. Primum ab enumeratione, deinceps à simili, hinc à definitione, postremò verò à fine.

Arist. eth. lib. 5. cap. 3. Iustum limitibus quatuor terminatur.

Secunda quæstio.

Quæ illa sunt
quæ fœderatas
ciuitates faci-
unt.

Ab enumeratione scilicet eorum quæ fœderatas ciuitates faciunt; hæc autem sunt possessiones rerû, societates vitæ, depulsiones iniuriæ, commutationes, aliæque similia: sed istiusmodi vnam rempub. non faciunt: fœderatæ ergo ciuitates vnam rempub. non efficiunt. Assumptio ex textu in singulis probatur. Exempli causâ. Possessiones (quarum causâ fœdus multæ ciuitates ineunt) vnam & eandem rempub. non faciunt; ratio est, quia respub. stabilis & perpetua manere debet: at res fluxæ sunt diuitiæ quæ aliquando non citius ortum quam calû, non prius fluxum quam refluxum habent. Præterea cõmunicationes ac societates vitæ causæ non sunt, cur eadẽ respub. dicatur: nam quamuis multæ ciuitates fœdus percutiunt, vt vnâ delectabiliter viuant, tamen quoniam hoc belluis & seruis contingit, vt inter se consociantur, nemo est tam imprudens qui dixerit eandem ex cõmunicatione vitæ rempub. ordinari. Absurdum enim est seruis ac brutis animantibus ciuitatem concedere. Porro quanquã nonnullæ ciuitates ad depellendas faciliè iniurias fœdera mutuaque subsidia agunt, vna tamen ex his respub. non nascitur; nam quis diceret Angliã & Scotiam vnam esse rempub. tametsi fœdere pacis sibi inuicem vinciantur? Adhuc fœderatæ sunt ciuitates sæpissimè commerciorum causâ, vt Tuscorum ciuitas & Carthago: At cõmercia aliæque pacta rerû contrahendarû eandem rempub. non efficiunt: ergo fœderatæ ciuitates vnam rempublicam nõ reddunt. Minor huius syllogismi probatur à Philosopho, quia ciuitates illæ in quibus hæc fœdera exercentur de pecunijs & negotijs, de tabulis & pactis sũt valde sollicitæ: at magistratus & virtutis (quæ maximè remp. definiunt) nullâ omnino curâ, nullâ constitutionem habent. Postremò neque vicinitas ciuitatum, qualis fuit Megarensium & Corinthiorum, quorum mænia coniuncta erant, neque cõnubiorum vincula, neque peregrinorum hospitia, neque maiorû leges & instituta, neque religionis similitudo & sacrificia eandẽ remp. possunt efficere: at hæc omnia fœderatas ciuitates ex consensu faciunt: sequitur ergo fœderationem ciuitatis non esse sufficientem causam cur vna respública appelletur. Imò hoc addo, quod

quod interdum sint sanctiora fœdera, quibus ciuitates principibus, ducibus, & comitibus se obstringunt; nihil aliud tamen præstare tenentur quàm olim Asiani Romanis, vt scilicet Romani imperij vires non frangerent, eiusedemque maiestatem non obscurarent. Ex his iam tandẽ perspicuum euadit primum argumentum, quod ab enumeratione eorû, quæ fœderatas ciuitates efficiunt, petitur. Secundum est à simili, nã vt satis non est coherere aliquid cum toto, vt rem vnâ numero & naturâ faciat, nisi sit ex essentia; hinc crines & ungues in homine, folia & flores in arbore à natura vtriusque excluduntur: ita ad efficiendam vnam rempu. non satis est res externas adferre, quales sunt de quibus diximus, nisi probemus ipsa ciuitatis esse principia, quæ in ordine & virtute maximè subsistunt. Tertia ratio est à definitione reipub. quæ est ordo ciuitatis circa omnes magistratus, maximè verò circa summum: at in fœderatis ciuitatibus istarum rerum cura consultatioque non habetur: ergo fœderatæ ciuitates eandem rempublicam non efficiunt. Postremum argumentum est à fine ciuitatis, qui est benè & beatè viuere: at fœderatæ ciuitates non studeant quàm iustus quàm iniustus sit ciuis, quàm probus quàm improbus magistratus; sed hoc tantum eis curæ est, vt iniuria ne fiat, vt omnia in pactis feliciter succedant. Concludã ergo cum verbis Aristotelis nempe perspicuum esse ciuitatem institui, neque vt sit loci communitas, neque vt sit depulsio hostis, neque vt sit commutatio rerum, neque vt sit similitudo morum: hæc quidem externa sunt & fœdus faciunt; at ciuitas eademum societas est quæ benè viuendi gratiã instituitur. Inanis ergo est strepitus multorum, qui de genere, de libertate, de gloria, de thesauro, de forma iactitant: ratio est quia neque respub. per ista definitur, neque ciuitas istis infirmis fundamentis nititur. Quocircà qui vnâ rempublicam, qui firmam ciuitatem habere velint, ciues bonos & studiosos efficere contendunt, aliter plus ignominia quàm honoris, plus damni quàm lucis ac dignitatis adferunt. Est enim actio virtutis trutina honoris, vt prima; nam virtus non fœdus eandem rempublicam facit, vt secunda quæstio iam demonstrauit.

Vt inter Hel-
uetios & ciui-
tates Balth.

Actio virtutis
trutina hono-
ris.

Distinctio primæ quæstionis.

An sola actio virtutis sit norma distribuendi honoris?

Honor est du- plex;	{	Naturalis, qui sanguinis successioni debetur.
		Ciuis, qui virtutis actioni soli attribuitur, & hæc est vera mensura distribuendæ dignitatis in ciuitate propter quatuor conditiones, quæ in mensura
		requiruntur, {
		quarum {
		Prima est, vt sit iusta & æqualis.
		Secunda, vt sit communis omnibus.
		Tertia, vt sit comparatu facilis.
		Quarta, vt sit perpetua & immutabilis: at actio virtutis iusta est, omnibus patet, omnibus se offert, tempore non mutatur.

Opp. Maxima dignitates debentur regibus: sed illarum men-
sura est successio sanguinis non actio virtutis: ergo actio virtutis non
est semper norma distribuendi honoris.

Successio fan-
guinis & actio
virtutis con-
currunt.

Resp. Successio sanguinis actioq; virtutis in vno cōiungi possunt:
verum si cōingat hac separari, potius virtuti quàm sanguini debe-
tur honor. Respondeo igitur naturam esse mensuram quidem quā se-
pè ciuitates vtuntur in distribuendis honoribus reipub. ceterum hæc
mensura non est per se sed per accidens, quippè obliqua est & non re-
cta rutina dignitatis.

Opp. Tutius vtitur hac normâ successione quàm virtutis ciui-
tas in distribuendis honoribus: ergo verisimile est meliorem esse men-
suram. Antecedens patet in omni propemodum ciuitate, vbi regum
nobiliumq; filij paternos honores non aliter quàm ius hereditarium
capiunt.

Resp. Necessitas iubet multa tolerari in ciuitate quæ approbāda
non censet æquitas. Tutum quidem est vt regum nobiliumq; filij re-
gibus in solio sedeq; dignitatis succedant, at lōgè melius est vt auitas
virtutes sequeretur. Huic autem malo sollicitè mederi conatur om-
nis ciuitas, cum de casta educatione procerum sanctissimas leges tu-
lerit, vt in septimo politicorum patet.

Opp. Actio virtutis non obseruat omnes conditiones optima
mensura: ergo non est optima mensura distribuendi honoris. Antece-
dens probatur primum quia actio virtutis non est communis om-
nibus, nam plures male quàm iustè viuūt: secundo quia non est com-
paratu facilis, nam vt ait Philosophus secundo Ethicorum est res

omnium

Polit. lib. 7.
cap. 17.

Ethic. lib. 2.
cap. 6.

omnium difficillima studiosum fieri: tertio quia non est incommuta-
bilis & perpetua, nam actio virtutis tempore finitur, & vt docet
Aristoteles est medium rationis quod mutatur, non medium rei
quod immutabile manet.

Resp. Actio virtutis communis mensura dicitur, non quod om-
nes sint studiosi, sed quod secundum hanc regulam & mensuram
omnibus quod suum est tribuatur. Similiter comparatu facilis di-
citur, non quod facile sit comparare virtutem, sed quod non sit diffi-
cile premia bonorum & malorum supplicia eiusdem lancibus pon-
derare. Præterea multi asserunt rem difficillimam esse studiosum fi-
eri si affectum, non tamen si voluntatem & rationem spectes. Po-
stremo actio virtutis incommutabilis & perpetua dicitur, non quod
non terminetur tempore, sed quod in subiecto stabili & aeterno sede-
at, hoc est in animo qui semel virtute pollens & confirmatus in per-
petuum à posteris commendatur.

Opp. Qui aut pecunijs aut viribus ciuitatem ab hoste liberant,
tamen si non sunt boni & excellentes viri, iure amplissima in ciuitate
vendent: ergo non solum actio virtutis est mensura tribuendi hono-
ris, nā pecunia est bonū fortuna, vis autē corporis est bonum nature.

Resp. Non pecuniam sed magnificentiam, non robur corporis
sed fortitudinem honorat ciuitas. Quare si minus boni viri aliquan-
do aut opibus aut viribus ciuitati prosint, vel propter ipsas virtutes,
vel propter insignia virtutum remunerantur: hinc lex ciuitatis est
vt capti in bello victoribus subseruiant, non quod semper victores
sint meliores viri, sed quod in illis virtutis signa magis quàm in vi-
ctis apparuerint.

Distinctio secundæ quæstionis.

An federate ciuitates vnā rempub. efficiant?

Federate ciuita- tes vnā rempub. non possunt con- stitui, quia	{	Fædus est nihil aliud quàm quædam conditio Federis De- ex pacto principum, at respub. est ordo magistra- tus ex consensu ciuium.
		Fædus externa ciuitatis negotia, respub. interna ciuitatis principia respicit.
		Fædus ex occasione mali euenit, respub. verò ex occasione boni.
		Fædus propter bonum vtile percutitur, respub. propter bonum honestum constituitur.

Q 4

Opp.

Virtus
1. Communis
2. Comparatu
facilis.
3. Perpetua.

Fæderis De-
finitio.
Vid. Arist. pol.
2. cap. 1.

Opp. *Respub. nihil aliud est quam formalis administratio & ordo ciuitatis: sed in federatis ciuitatibus eadem potest esse formalis administratio: ergo eadem potest esse respub. Minor probatur, quia Athenae & Lacedaemon easdem leges eundemq; ordinem administrandi possunt admittere. Sic hodie Heluetiorum ciuitates tredecim, sic Angli & Hyberni viuunt.*

Fœdus ex impulsu principum, consensu libero.

Resp. *Si eadem sit penitus administratio, idemq; omnino ordo, eadem proculdubio respub. constituitur, ut in Britannia, Wallia & Hyberniâ, quae unâ rempub. efficiunt, manifestè patet: at sic non sunt federatae ciuitates, sed unita membra unius capitis & veluti conglutinatae partes eiusdem corporis. Caterùm considerandū hic est, an ex impulsu pactog; principum, an ex consensu libero hic ordo fiat: si primo modo, fœdus; si secundo modo, unus ciuitatis administratio dicitur.*

Opp. *In federatis ciuitatibus liberè nati sunt verè ciues: ergo federatae ciuitates unam rempub. videntur constituere. Ratio sequitur, nam ciues non tam à ciuitate quam à repub. & ordine administrandi suâ formâ petunt. Antecedens probatur exëplo Archiae poetae, què Cicero probat esse ciuē Romanū, et si Roma natus nō erat. Hoc argumento vsus est beatus Apostolus Paulus qui ciuē Romanum se audebat dicere, cū Tharsis non Roma ortus originē initiūq; traxit.*

Cic. pro Archia poeta. Act. cap. 22.

Resp. *Hac ratio non sequitur, nam ex pacto data fuit ista immunitas, ut omnes Hetruria aut Tharsis nati libertate ciuis Romani donarentur: non tamen hinc rectè concluditur Hetruriam & Romam eandem esse repub. Tharsim & Romam eandē esse ciuitatem.*

Hetruriae aut Tharsis nati, Ciues Romani.

Dubium. *An aliquis possit esse iudex in sua ipsius causa?*

Vid. Pol. 3. cap. 12.

SAPIENTER quidem Philosophus in hoc cap. ferè inquit plurimi de rebus suis & domesticis mali sunt iudices, si ferè plurimos dixerit, haud omnes & singulos esse intellexit. Fateor equidem omnes de seipsis & suis non malè iudicare. fateris? Cur ergo prohibes nè quis sit iudex in sua ipsius causa? Verbo ostendam: quia plerumque est cæca hominum affectio, & nemo est qui seipsum non magis quam alios diligit. Domus iudicis est oraculum ciuitatis, in quo iudicium publicum non priuatum floret. Rectè Scæuola, iudex est vox æquitatis, qui aliena tractat, si ipse lucem virtutis fugiat,

Domus iudicis oraculum ciuitatis.

giat, prætextu iudicis sententiam non dicet. Quàm enim absurdum est, quàm indecorum est, ut reus iudex in sua causa fiat? An hoc æquitatem, an hoc ciuitatem sapit? Commune est bonum ciuitatis, commune forum in quo ratio non voluntas, iustitia non affectio sententiam diceret. Socrates (ut ferunt) accusatus iniuste, noluit suam causam dicere: quid ergo? Licet Catilinæ in tripode ciuitatis sedere, & suam ipsius causam iudicare? An hæc sententia tribunal decet? Ego Catilina amplissimâ familiâ natus, iudex de læsæ maiestatis crimine (cuius accusor) factus, omnes & singulos qui me mendacijs onerant, ad furcas, ad lapides, ad præcipitia damno. Abi in malam crucem pessime moderator rerum, longè à ciuitate abi: nam iudicem priuatum facere, est magistratum in umbram vel potius in nihilum commutare. Sed ut punctim concludam omnia; ciuitas hoc negat, hoc negat æquitas, maiestas fori & tribunalis negat, negat publica persona iudicis, ratio & consuetudo maiorum negant, negat decorum, negat exemplum; quid ergo obstat quò minus auctoritas neget, imò potius iubeat ut nemo sit iudex in propria causa? Nam quamuis sunt aliquot boni qui bene, sunt tamen plures, qui malè de seipsis iudicabunt: homines enim sunt homines, & vix vnus est hominum inter mille qui sibi non pepercerit.

7. Rationes cur nemo iudex esset in sua ipsius causa.

Distinctio.

Nemo iudex esse debet in sua causa, ne	{	1	Affectus non magistratus loquatur.
		2	Vetus consuetudo iudicandi violetur.
		3	Maiestas fori & tribunalis minuatur.
		4	Exemplum mali in scandalum populi pertrahatur.
		5	Contemptio magistratus, iuris & æquitatis ex hoc tandem consequatur.

Opp. *Principes nec legibus, nec alijs iudicibus subijciuntur: ergo possunt esse iudices in suis ipsorum causis. Antecedens probatur, quia principes sunt summi magistratus rectoresq; ciuitatis.*

Resp. *Quamuis nec legibus nec alijs iudicibus subijciuntur re- ges, tota tamen ciuitas iudex esse potest. Est enim in quauis repub- lica summum aliquod tribunal in quo non vnus pro affectu, sed tota*

Tota Respub. Iudex principis.

ciuitas pro consensu indicat, huic ipsi principes obsequi & obtemperare debent.

Pol. 3. cap 9.

Opp. Boni viri sunt leges sibi: ergo possunt de seipsis indicare. Antecedens est Arist. huius libri nono. Ratio tenet, quia boni praesse non subesse, imperare non iudicari debent. Virtus enim nullius imperio iudicio subest.

Subiectio
Voluntaria
Coacta.

Resp. Duplex est subiectio ciuium: alia voluntaria quae est bonorum, alia coacta quae malorum dicitur. Boni quidem sunt leges sibi, attamen legibus propter ordinem, principibus propter exemplum libentissime obediunt. Respondeo igitur, virtus et si nullius imperio iudicio subest propter sui excellentiam, utriusque tamen in bonis subiicitur propter civilem ordinem in quo respub. maximè consistit.

Opp. Quicumque certissime ea nouit de quibus indicat, accuratius indicare potest: sed unusquisque certissime sua nouit: ergo unusquisque accuratius de suis indicare potest: quod si concedas, sequetur quemlibet iudicem esse posse in sua causa quam intus & accurate nouit.

Forum Iustitiae,
Conscientiae.

Resp. Forum est duplex in ciuitate, publica iustitia & priuata conscientia; in foro iustitia obseruatur ordo, ut nemo sit index & moderator sui; in foro autem conscientia, optandum est ut unusquisque de se suisque iudicaret. Solicita enim examinatio animi retundit vires viri, peccati.

Opp. Alteri non licet indicare alterum: ergo cuique licet indicare seipsum. Antecedens probatur, quoniam qui alterum indicat, ipse se crimine vacare debet: at nemo (ut ait Cato) sine crimine uiuit.

In Iudiciis
persona infirmitas,
officio maiestas.

Resp. Non hominem sed magistratum, non infirmitatem viri sed maiestatem officij, in tribunali iudicio spectare oportet. Nemo quidem sine crimine uiuit, at officium iudicis sanctum & religiosum est; si error fiat, homo est qui errat: si sauiat affectio, homo est qui peccat: non est tamen tollendus magistratus propter peccatum hominis; nam et si in homine infirmitas, in officio tamen maiestas inest. Respondeo igitur quod liceat alteri alterum indicare propter summam maiestatem officij in quo iustitia & veritas sententias dicere, & solent quidem plerumque & sane semper debent.

CAP. VII.

An populus, vel tyrannus, diuites, vel probi viri, optimus unus, vel lex rempublicam administrare debeat?

An expediat magis populum quam paucos studiosos imperare?
An summum imperium concedatur populo?



ENIAM hoc loco peto si Arist. fauentem Graeciae, ad Angliam fouendam pertraham, si vltro citroque disceptantem de multiplici statu ciuitatis ad rempub. nostram accommodem. De aristocratia & populari statu, quae tum in Graecia florebant, multa praeclare disserit; sed ut quidam volunt, An monarchia excellat, adhuc distinctè & aperte non demonstrauit; cum tamen aliqui ex interpretibus hanc quaestionem de monarchia hoc loco moucant, quoniamque hic Philosophus comparationem diuersarum administrationum faciat, nos raro ab illorum vestigijs desilientes, eam thesim inter has intriuimus, ut in comparatione omnium graduum, superlatiuum illi tribuamus. Nam quamuis in decimo cap. huius libri de monarchia eiusque formis agatur, ubi multi hanc causam disserunt: quoniam tamen hic facta est comparatio utrum melius sit ciuitatem regi ab vno quam pluribus, opportuniùs quidem hic quam illic mouetur quaestio; longiores fortasse erimus sed tedium varietas deuorabit. His omissis Aristotelem aggrediamur, qui hoc syllogismo ab enumeratione ducto thema huius capitis auspiciatur. Populus vel tyrannus, locupletes vel probi viri, optimus vnus aut lex iusta regeret ciuitatem: sed neque populus, neque tyrannus, neque locupletes, neque probi viri, nec denique vir vnus optimus ciuitatem regeret: ergo lex iusta quae sola relictæ est ciuitatem regeret. Assumptio huius ratiocinationis, disputandi causam in singulis probatur; & primum quod populus seu

Multitudo à
capeffenda
Repub. arce-
tur, tribus ar-
gumentis.

seu multitudo rempub. non capefferet, tribus his argumen-
tis in textu ostendit. Primum est ab incommodo, secundum
à periculo, tertium à comparatione. Ab incommodo, quia
multitudo ferocior facta, & rebus secundis diuitum infesta,
non aliter ac vultur suos ungues in sacculos opulentorum in-
fereret, eorumque opes & agros deuoraret, idque ius putaret,
quia dominatur. Nihil enim molestius fert multitudo quam
aureos Nilos diuitum, nihil magis optat quam vt illorum
turrez gloriæque pyramides furoris fulmine deuastentur. A
periculo & (vt aiunt dialectici) ab interitu rei, quia illud im-
perium non est approbandum quod ciuitatem perdit: sed
populare imperium ciuitatem perdit: ergo popolare imperi-
um non est approbandum. Ratio constat, quia potentum vi-
rorum viribus semel oppugnatis, vique populi opibus di-
remptis, flamma seditionis statim in ciuitate nascitur, quæ
latius serpens in cineres conuertit omnia. A comparatione,
quia par est gubernatio populi & tyranni: sed huius imperi-
um non est tolerandum: ergo nec illius. Propositio constat,
quia tyrannus & populus in hoc vno conueniunt, quod in
rem suam propriumque commodum auidius volent, rapa-
ciusque acquisita teneant. Arguit in secundo loco contra se-
cundum membrum, probatque opulentos non posse iure
vendicare ciuitatis imperium. Ratio vna est, nempe, non esse
admittendum illud imperium à quo iniuriæ, damna, oppres-
sionesque populi fluunt: sed tale est imperium diuitum: ergo
diuitum imperium non est admittendum. Assumptio patet,
quia diuites populum, vt leones, prædam faciunt. Nihil e-
nim est crudelius lupo cum esurit, nihil furentius diuite cum
aliena sitit: facile diuites inueniunt baculum quo cædant pau-
peres; Irus in valle viuit, quia nihil habet; at Quint. Aurelius
amittit animam, Albanum quia fundum possidet: ratio est,
oculi potentiorum sunt inuidi, & bouem mendicantis sagi-
nari non sinunt. Tertiò disputat Arist. in tertiam partem, do-
cetque quod boni & studiosi viri ciuitatem non regerent:
causa est, quia sic infiniti à participatione honoris arcerentur,
cuius

Opulenti re-
mouentur ab
imperio.

Plut. in Sylla.

Boni non
debent præ-
esse.

cuius iniuriæ insolens & impatiens est natura humana, adeo-
que impatiens vt in seditionem prorumpat, si semel tædio
suarum rerum vulneretur: sit ergo virtus quæ in illis regnat;
at excluso populo à dignitate, virtutis comes inuidia erit.
Quartò declarat Philosophus id quod in quarto loco agitur,
nimirum quod nec vir vnus licet sit insignis virtute vèdica-
ret imperium. Ratio eadem est cum priore, quia sic honori-
bus depulsus populus, tedà veluti imperiosæ bilis accensus
excandesceret: si ergo populus paucorum potentiam ægrè,
multò ægrius vnus imperium feret. Postremò vltro citroque
legis efficaciam & dominatum arguit. Primum quod debeat
lex ciuitatem regere, quia immunis est ab omni æstu pertur-
bationis, nec non rectæ rationis norma. Secundò quod non
debeat ciuitatem regere, quia leges in quouis statu non ali-
ter loquuntur quam qui in arce ciuitatis sedent. Exempli
causâ, apud Persas tyrannidem, apud Christianos clementi-
am sonant. Sequitur iam tandem secunda pars huius tracta-
tionis, in qua Philosophus fixum aliquod & definitum ponit;
aliter enim vt nebula contrarijs ventis: ita mens dubia con-
trarijs argumentis distraheretur. Quæstio in hac parte est, v-
trum expediat multitudinem potius quam paucos studiosos
dominari? Difficilis hæc est controuersia, multasque in se
spinas nodosque habet; vt cunque tamen est, sensum senten-
tiamque Arist. pro viribus persequemur; hoc autem vt lima-
tiùs accuratiusque fiat, iprimùm duo genera multitudinis di-
stinguenda hîc sunt, alterum politum, ciuile, ac propensum
ad prudentiam; alterum impolitum, seruale, ac præceps ad
malum: illud intellectu magis quam appetitu, hoc sensu ma-
gis quam mente agitur. De primo non de vltimo hîc agit
Philosophus, aitque expedire quod multitudo potius quam
pauci boni viri ciuitati præfint. Causas & argumenta sex tra-
dit, quæ omnia similitudinem ac proportionem aliarum re-
rum præferunt. Primum est à vi naturæ, quæ vnita multo
fortior & efficacior redditur: at in multitudine vis magna in-
est magnumque lumen: multitudo igitur potius quam pau-
ci studiosi ciuitatem regerent, meliores tamen sunt non qui-
dem

Imparitas ho-
norum sediti-
onem parit.

Non licet
vni soli impe-
rium vendi-
care.

Secunda quæ-
stio.

Multitudo
Ciuilis, Seru-
lis.

Pro multo-
rum imperio
rationes 6.
Vis vnita for-
tior.

Plus vident
oculi quàm
oculus.

dem viritim singuli sed collectim vniuersi. Hoc ipsum probatur à similitudine cænæ, à proportionē partium in corpore, ab exemplo pictorum, poetarum & musicorum. A similitudine cænæ, nam vt cæna illa copiosior & delicatior est, quæ multorum sumptibus symbolisque, quàm quæ vnius impensis apparatur: ita prudentia illa longè efficacior subtiliorque est, quæ à consultatione multorum nascitur, quàm quæ in paucorum industriâ iudicioq; ponitur. A proportionē partium, quoniam multitudo est quasi vniuersalis homo, qui vt Argus multos oculos, vt Briareus multas manus aliasque numerosè partes sensusque habet; quæ partes collectim populum & viribus fortiorem, & potentiorē opibus, & virtutibus animi sapientiorē efficit: vnde sequitur administrationem ciuitatis magis politæ multitudini quàm paucorum bonorum senatui, & censuræ concedendam esse. Plus enim vident oculi quàm oculus, vt est in prouerbio. Et iterum,

Multorum manibus grande lenatur onus.

Quid multis? Vox populi, vox Dei est, & administratio ciuilis multitudinis imperium paucorum bonorum superat. Ab exemplis pictorum, poetarum, & musicorum, ratio iam sequitur. Nam vt multi musici accuratius de harmonia, quàm pauci, vt de arte poetica vniuersi melius iudicant quàm singuli: ita multitudo sapientius regit ciuitatem quàm pauci, tametsi sint verè politi probique viri. Præterea vt partes quæ à singulis pictoribus delineatæ sunt longè venustiores elegantioresque apparent, si ab Apelle aut Zeuxi coniunctæ in vna tabula depingantur: ita prudentia quæ in singulis viger, multò eminentior, multoque augustior est si in tota multitudine perspiciatur. Hæc posuit Philosophus non quòd quicquam à bonis viris eorumque administratione detraheret, sed vt comparatione factâ, popularem statum, qui maximè tum floruit, laudibus efferret. Summa omnium quæ docuit huc accedit, quòd in populo ratio perspicacior, intentio melior, actio permanentior quàm in paucis studiosis insint. Ratio perspicacior, quia plures oculi plus vident quàm vnus oculus, plures manus plus faciunt quàm vna manus, plures

intellectus

Vide. Cic. lib.
2. de inuenti-
one.

intellectus plus sapiunt quàm mens vna percipit. Intentio melior, quia populus quocunque se vertit bono communi consulit; proprium enim bonum populi bonum commune dicitur. Actio permanentior, quia rariùs affectibus multitudo quàm vnus homo cedit, rariùs corrumpitur populus quàm paucorum senatus. Sed vbi est iste telorum ciuiumque fasciculus, quem octoginta Scyluri filij non potuissent frangere? Rarissima est isthæc apium conspiratio, rarissima est tam fidelis ciuium consensus. Quare istius laudis in textu sequitur quædam moderatio, nec nō restrictio popularis imperij. Moderatio vbi Arist. studiosos viros verè pulchris, populum verò depictis imaginibus comparauit; nam perfectè bonus habet in se omnia pulchra, at populus suos nauos suasque labe habet. Verum enimverò quamuis in quibusdam partibus multitudinis sit deformitas, vt in claudicante Vulcano & Therite; reperitur tamen inter multos vnus qui pulchriorem frontem, alius qui acutiorem oculum, alter qui firmiorem pedem habet: sic in toto populo diuiniore perfectio lucet quàm in paucis, etsi in illis magnus splendor sapientiæ inest. Quid ergo? Summum imperium populo est concedendum? Minimè gentium; hoc nullo modo voluit Arist. Quid ergo voluit? Attende, & vno vel altero syllogismo (quo ille in textu vritur) ostendam. Aut nullarum rerum publicarum imperium tribuendum est populo, aut aliquarum: sed nullarum imperium populo mandare est horribile & formidolosum: ergo rerum aliquarum administratio est concedenda. Assumptio probatur, quia si populus omni dignitate omni que gradu honoris careat, non ciuibz sed hostibus plenum imperium erit. Agè, rerum aliquarum imperium teneant. Audi ergo alterum syllogismum. Si rerum aliquarum imperium populo sit attribuendum, aut summi magistratus, aut consultationes, iudicia, & electiones illi debentur: sed summi magistratus nullo modo sunt concedendi: ergo consultationes, iudicia, & electiones solum populo debentur. Non summi magistratus, quia multitudo plerumque est imperita rerum, difficillimeque in gyrum rationis cogitur,

Pol. 3. cap. 11.

Plut. apoph.
Stob. ser. 82.

Contra popu-
li imperium.

In quo popu-
lus preesse de-
beat.

Pol. 2. cap. 10.
Plut. in Solon.

Obiectiones
contra popu-
lum.


Arist. 1. de ortu
anim.

Consilium, iu-
diciū, electio
claves reipub.

cogitur, fierique non potest ut grex sine pastore, & populus sine gubernatore viuat. Quod verò electiones, consultationes, iudiciaq; ei mandarentur, probat Philosophus auctoritate Solonis aliorumque legumlatorum, qui antiquitus populum magistratibus eligendis & censendis sapienter præfecerunt, id est populum magistratum electorem & censorem constituerunt: singulos autem per se imperare non permiserunt. Sed contra hanc positionem duæ objectiones in textu fiunt hoc modo, Periti solum (ut olim voluit Phocylides) iudicare, eligere, & consultare debent: sed populus non est peritus & expertus rerum: ergo populus iudicare, eligere & consultare non debet. Maior probatur exemplo medicorum & geometrarum, de quorum medicinis & figuris, solum medicandi & mensurandi artibus ornati iudicant. Respondet huic objectioni docendo quod non intelligit singulos sed vniuersos, non dispersos sed congregatos in multitudine, & sic inquit multum sensum habent, & permixti cum melioribus plurimum ciuitati (non aliter quam subtilis cibus cum crasso permixtus sanitati) profunt. Nam quemadmodum alimentum subtile non est vtile sanitati, quia facilis concoctionis existens velocius viciniore partes alit, aliasque remotas ieiunas deserit, quod tamen permixtum cum crassiore firniorem nutritionem facit: ita neque subtilis iudicij homines, neque crassi ingenij multitudo seorsim & per se ciuitatem regerent, sed coniunctim ingenia consiliaq; conferentes singulas quasi partes ciuitatis alere & conseruare debent. Præterea non semper ad iudiciū requiritur scientia rerum, nam melius sæpè incola de domo quam architectus, melius de cibo conuiuia quam ipse coquus iudicat. At dices, quam periculosa res est iudiciū, consilium, electionem (quæ clauus reipub. sunt) populo committere, prudentes perorare, iudicare stultos, quod olim in Græcis reprehendit Anacharsis? Verum hoc est quod dicis, si vnà cum populo non consultaret æquitas, si totus senatus sententiam non diceret. Quid tandem concludis? Hoc nimirum, multitudinem melius quam paucos studiosos ciuitatem regere, eandemque non

non summū imperium sed electionem consiliumq; sibi posse vindicare. At nihil adhuc de legis, nihil de regis imperio dixisti. Benè mones: nam Arist. vtrumq; in calce huius capitis vrget. Dic ergo quid de vtroque senseris? Dicam: sed quoniam paulò fui prolixior distinctionibus & argumentis breuiter discussis loco dubitationis hæc duo adferam.

Distinctio primæ quæstionis.



Opp. Tyrannis, oligarchia, & popularis insania antè à recta gubernatione excluduntur: ergo inconsideratè hoc loco queritur, An tyrannus, diuites aut multitudo ciuitatem regerent?

Resp. Indago veritatis refutationem erroris postulat, querit ergo Arist. tam de falsis quam de veris reipub. formis, vt in illis instam, in his inquam reipublica administrationem esse ostendat.

Opp. Nihil istorum regeret ciuitatem: ergo non rectè hac thesisi instituitur. Antecedens probatur, quia prudentia & iustitia ciuitatem regerent: sed prudentia & iustitia sunt nihil istorum: ergo nihil istorum regeret ciuitatem.

Resp. Prudentia & iustitia sunt media & instrumenta, magi-
stratus

Prudentia &
iustitia media
sunt admini-
strandæ rei-
pub.

stratus verò sunt cause ac principia rectè administrandi ciuitatem.
Hic de primarijs causis, non de medijs ac instrumentis agitur.

Opp. Absoluta non est diuisio cum desit membrum: sed deest mē-
brum in hac diuisione: ergo non est absoluta. Minor probatur, quia
regis (qui inter omnes rectores ciuitatis est maximus) nulla facta
est omnino mentio.

Rex per vnum
intelligitur.

Resp. Fit mentio regis cum queritur An vnus vir optimus im-
peraret: nam proculdubio per vnum optimum regem intelligit Phi-
losophus; quippe in omni magistratu virtutem, in summo autem ma-
gistratu (qualis rex est) insignem virtutem postulat.

Opp. Nihil certi (ut affirmant interpretes) in hac questione A-
rist. definit: ergo minùs accurate de hoc multiplici imperio disputa-
uit. Antecedens probatur, quia vtrò citroque in textu iactantur
argumenta, quæ questionem in ancipiti quasi vacillantem relinquunt.

Resp. Quidam certè hoc affirmant sed non probant, nos ergo di-
cimus certissimè de hac ut de cæteris disputasse. Nam quid certius
est in comparatione rerum quàm quæ sit res optima demonstrare? At
hoc agit Arist. nam postquam neq. populum neq. tyrannum neq. cæ-
tera quæ deinceps recensentur debere aut posse vendicare imperium
disputandi causâ ostendit, ad illud tandem accedit, ut potius politiam
multitudinem quàm paucos studiosos administrationem vendicare
posse existimet; sed ita vendicare, ut penes vnum aut paucos opti-
mos viros sit summum imperium, populo autem consilia, iudicia & e-
lectiones committantur.

Distinctio secundæ quæstionis.

An expediat magis populum quàm paucos studiosos rempub.
administrare?

Multitu-
do est du-
plex.

Agrestis, rudis, & in experta rerum, quæ sensum & ap-
petitum magis quàm nutum rationis sequitur, bestiarum;
similior quàm hominum, & hæc ad imperiū non est nata.

In hac vis multorum est vnita.

vnde ciuitas fortior.

In hac rara est corruptio, vnde
ciuitas sanctior.

In hac contemplatio boni com-
munis est perpetua, vnde ciuitas
beatior redditur, ut antea lex argu-
mentis demonstratur.

Opp.

Opp. Qui quid proximè accedit ad id quod est optimum est me-
lius eo quod magis recedit: sed administratio paucorum studiosorum
boninum proximè accedit ad optimum: ergo melior est dominatio po-
puli qui recedit magis. Assumptio probatur, quia bonorum imperi-
um proximè accedit ad monarchiam, qui status ab Arist. ut optimus
laudatur.

Resp. Duplex est administratio, summa & media: summa quæ
gerit personam totius ciuitatis, media quæ partem reipublicæ tra-
ctat. Monarchia optimus status dicitur respectu summae auctori-
tatis ad quam proximè accedit paucorum studiosorum imperium.
At respectu mediæ administrationis (ad quam populus admittitur)
expedit magis multitudinem quàm paucos studiosos regere.

Opp. In recta republica populus aliquando summum imperium
tenet: ergo à summa administratione hoc loco non benè excluditur.
Antecedens patet in democratia, in qua penes populum summum
imperium manet.

Resp. Multi respondent non esse simplicem democratiam in qua
populus absolutè imperium tenet; existimamus tamen nos imperium
aliquod esse populare, non tamen hinc sequitur quod comparatione
facta populus magis quàm vnus aut pauci studiosi viri summum
imperium obtineret: non ergo absolutè sed comparatè hoc loco populus
à participatione summi honoris excluditur.

Opp. Si non sit simplex democratia inaniter rectam rempublicam
in tres species diuisi Philosophus: ergo est simplex democratia. Quo
concesso sequitur summum imperij multitudinem participem esse. Est
enim in democratia primarius magistratus ipsa multitudo.

Resp. Consecutio maioris non est firma, sapè enim ea quæ actu non
sunt à philosophis definiuntur; ut principia prima rerum natura-
lium simplicissima esse dicuntur, quæ tamen citra mixtionem vs-
quam non apparent: ita hæc forme rerum publicarum simplices esse
demonstrantur, quæ tamen simpliciter & absolutè tales non exi-
stunt, sicut ubique gentium in omni statu videre licet; simplices
tamen eo nomine appellantur, quo propius ad hanc vel ad illam
simplicem formam administrationis veniunt. Exempli causâ, in Gal-
lia simplex monarchia dicitur. Ratio est, quia rex maximam in
res & ciues dominationem habet, at in ea monarchia consularis
authoritas

Vt olim Athe-
nis, hodie in
liberis Alema-
niæ ciuitati-
bus.

Cap. 5.

Simplices
quomodo
formæ reipub.
dicantur.

Sesell. lib. 1.

R 2

authoritas aristocratie, popularis consensus democratia vim quandam speciemq; admixtam habet.

Opp. Imperium illis debetur magis in quibus vis maior virtutis minorq; metus dissensionis inest: sed in paucis studiosis viris vis maior virtutis minorq; metus dissensionis inest quam in tota multitudine: ergo imperium paucis studiosis viris magis quam toti multitudini debetur. Minor patet, nam inter paucos studiosos vera nutriri potest amicitia, at in multitudine plerumq; exardet odiosa discordia.

Resp. Distinctio multitudinis prius allata hunc nodum dissolvit: nam et si in agresti multitudine vis minor virtutis maiorq; metus dissensionis in sit: in polita tamen ac civili multitudine (qua hic intelligitur) ex opposito vis maior virtutis minorq; metus seditionis viget. Nam quamvis singuli à paucis superantur, universi tamen in unam quasi sphaeram rationis coacti studiosos longe superant & antecellunt.

Distinctio tertiæ quæstionis.

An summum imperium sit concedendum populo?

Populus consideratur vel { Per se & seorsim ab alijs in repub. magistratibus, & sic ei non est committendum summum imperium.
Comparatè & coniunctim cum alijs, & sic est committendum; non tamen ut res magnas proponat & concludat, sed ut vel consensu suo approbet vel autoritate neget.

Opp. Aristoteles in textu aditum ad summum imperium populo intercludit: ergo in distinctione ista hac malè conceditur.

Resp. Aditum ad summum imperium populo intercludit non autem simpliciter sed comparatè. Hoc est ergo quod velit Arist. ut in omni bene instituta ciuitate res magnas proponant sapientes, easdem verò propositas aut suis calculis approbet, aut suis suffragijs perneget prudens & experta multitudo; prudens & experta multitudo dico, quia quid furijs populus agitatius dixerit, ciuitatis non est plurimum aestimare; hinc in omni synodo & graui consultatione reipub. ex turba populi viri prudentes & populares eliguntur, sine quorum presentia nulla iuste celebrantur cõcilia, consilia nulla approbantur.

Opp. Expedit ciuitatem regi ab illis quorum operâ ciuitatis finis facilius acquiratur: sed paucorum studiosorum imperio finis ciuitatis

Non simpliciter reijcitur populus sed comparatè.

ciuitatis facilius acquiritur: ergo expedit ciuitatē potius à viris studiosis quam à multitudine gubernari. Minor patet, quia facilius à simpliciter bonis quam malis ciuitatis finis acquiritur.

Resp. Negamus multitudinem esse malam, imò honestam insigniterq; sapientem esse affirmamus, non tamen in ea seorsim singuli sed collectim uniuersi, ut superius diximus. Multitudo non est mala.

Opp. Nemo de rebus quas ignorat rectè & sapienter iudicat: sed populus consultationem, electionem, & iudicium reipublica ignorat: ergo populus rectè & sapienter de istis non iudicat. Eth. lib. i. cap. 3.

Resp. Hoc argumentum soluitur in textu, ubi docet Philosophus populum hac ipsa non penitus ignorare. Verum concessio quòd ignoret propter periculum tamen non excluditur. Prætereà ut incola de domo melius quam architectus: ita populus sapè de his rebus melius quam optimates iudicat. Postremo consentaneum non est rationi ut publica negotia reipublica tractentur sine consensu populi, in quo maxima lux ciuitatis cernitur. Sed de hac lite satis accurate & subtiliter Arist. in textu dixit, ad dubium igitur huius capituli iam accedo.

Dubium capituli.

An monarchia sit optimus status reipublica?

C V R hæsitas Arist. cur non apertè loqueris? Dic quæso Communicatio cum Arist. Verbo, estne monarchia optimus status ciuitatis? Quid? Obmutescis? Pertimescis populū? Philosophus es, & tibi amicus Socrates, amicus Plato, sed magis amica veritas esse debet. velum depinxi, sed tu non vides opus. Age, quoniam sub velo & nō apertè loqueris, dic mihi in aurem quid de hoc statu senseris. Hunc optimum esse dico. Dicis quidem sed non doces. In prima philosophia iterum affirmo turbam multorum magistratuum perdere ciuitatem. Affirmas certè, sed non confirmas benè. Apes & grues ad vnum regem, principia rerum ad vnā causam, omnia in mundo ad vnum deum tendunt, nonne hæc probatio? Est sanè quod dicis aliquid, te ergo monitore quæ sparsim de hac re scripseris in vna tabula depicta legam. Hoc age & videris me monarchiam omnibus reipub.

Eth. lib. i. cap. 6.

Apostrophe.

Pro monar-
chia rat.
Plato in poli-
tico.

In deo Sub-
stantia boni,
in rege imago
dei.
Rom. 13.

Tertullian.
Arist.

Apes.
Patri. de rep.
lib. 1. tit. 1.

reipub. formis longissimè prætulisse. Attende igitur studiose lector dum breuiter & succinctè argumenta collecta in hac causa repetam; multa sunt, quare pūctis agam. Quantò magis principatus civilis assimilatur imperio vniuersi, tantò excellentior est & habetur: sed monarchia (hoc est, vnius principatus) simillima est imperio vniuersi: ergo vnius principatus est longè optimus. Nemo ut opinor est tam impius qui maiorem neget, cum deus vniuersum regat, nemo est tam impudens qui minorem neget, cum regem deū ciuitatis nominatum audiat. Quid quæso aliud est terrarum orbis quàm magna ciuitas quam vnus deus regit? Quid aliud est ciuitas quàm orbis ciuiū quem vnus princeps aut imperator administrat? Si ergo liceat magna cum paruis comparare, sic concludo. Vnus Deus totum vniuersum regit: ergo rex vnus ciuitatem gubernaret, is quia sapiens est & infinitè bonus, hic quia prudens & studiosus boni. Est enim in Deo ipsa substantia boni, est autem in rege vera imago dei: illum colere oportet propter seipsum, hunc verò honorare propter Deum, cuius personam in ciuitate gerit. Sed excedo modum. Alia ratio ab antiquitate sequitur, quæ est quòd ille status sit optimus qui est antiquissimus, quique iisdem modis defenditur quibus comparatur: sed Monarchia est huiusmodi: ergo monarchia est status optimus. Assumptio negata aut impietatem aut magnam stultitiā arguit: impietatem, quia Deus in prima creatione rerum vnum patrem regemque omnium fecit; stultitiā, quia nemo est qui hoc probabile esse non videt populum in terris numerosè auctum vnum elegisse Apollinem aut sapientem virum, qui causas discuteret, iniurias illatas propulsaret. Sic Saturnus in Italia, sic Romulus Romæ, sic Theseus Athenis, sic Amphion & Cadmus oblata imperia Thebis suscepisse dicuntur: nam more belluarum vagantes homines non magis sine rege quàm oues sine pastore viuunt. Tertio in loco ad confirmationem huius causæ se offert natura, quæ vnius imperium augustissimum esse veluti digito suo semper demonstrauit. Infinitum hic esset si de republica apium quæ scripta sunt à poeta & probata experi-

entiā,

entiā dicerem. Admiror profectò in eis naturæ opus. Regem habent, quis negat? Vni obtemperant, quis non factetur? Fauos & domos habent, quis contrà disputat? Mel & ceram in examen tanquam opes in ciuitatem communemque thesaurum ferunt, quis opus naturæ non admiratur? Hæc addo quæ præcepta doctrinæ habent, nempe regem inter apes carere stimulo, pro suo victu non laborare fucos ignauos à præsepibus arcere, bombitu tanquam tubâ ad martem incitare: quid multis? Euolat, sequuntur omnes; pugnat, digladiantur omnes; moritur, lugubri quasi sono lamentantur omnes; sepulturâ factâ (nam in examine mortuum non retinent) nouum concilium ingrediuntur omnes, conuocantur ciues, consultatur ad tempus, rex nouus creatur, cui creato obediunt & obsequuntur omnes. Vide obsecro quale regnum, quale imperium natura fecerit. Quæ de apibus iam scripsi, de gruibus possum dicere, inter quos vnus veluti consensu reliquorum princeps electus ita regit & moderatur gregem, ut maiorem in auiculis quàm in hominibus prudentiam ac providentiam instinctu insitam quàm habitu comparatam videas. Hoc solum à gruibus perdiscant reges ut vigilantius excubias faciant dum subditi securius dormiunt & oriantur. Sic olim Epaminondas fecit, sic omnes sacrati reges fecerunt, qui suffulcientes sphæram ciuitatis non sibi sed reipub. studuerunt. Sed quid à belluis rationes quæro, cum vniuersa natura in omnibus & singulis hoc regis imperium probeat? quid adamantem inter lapides, oliuam inter plantas, leonem inter quadrupedes, aquilâ inter aues, inter elementa ignem, inter planetas solem, inter sphe- ras supremū & gloriosum cælū tanquam reges fecit? Nonne ipsa natura? Sic igitur arguo. Natura in omnibus monarchiā posuit: ergo monarchia optimus reipub. status rectè concluditur. Prætereà non solum naturæ instinctus sed communis vsus maiorum hoc ipsum confirmat, nam obeamus terras & gentes, circumspeciamus loca & tēpora, consideremus Chaldeorū, Persarum, Assyriorum, Romanorū imperia, ponamus ante oculos singularum nationum iam diū feliciter regnan-

Virg. Geor.
lib. 4.

Apes exem-
plar, rectæ po-
liticæ.

Grues

Natura mo-
narchiæ ma-
gistra.

tium sceptrum, & certè in his omnibus monarchia ut optimus status nobis commendatur. Quid moror? Sic Tartari, sic Indi, sic Moscovitæ, sic Persæ, sic Gothi, sic Affricani, & ut verbo concludam omnia, Galli, Hispani, Scoti, Angli regunt & reguntur. Usus ergo communis docuit regnum præ cæteris stabilendum esse. Porro ut mihi videtur proportio naturæ hoc vnum postulat, ut sicuti multitudo ab vno fluat, ita in vnum tandem reducatur: sed commodius hoc fieri non potest quam ut vnus regnet: ergo vnus imperium est præferendum. Habent partes hominis cor vnum, orbis lineæ vnum centrum, partes vniuersi vnum Deum, & certè partes ciuitatis vnum regem: partes hominis in corde vigent, orbis lineæ in centro hærent, partes vniuersi à Deo pendent, & partes ciuitatis in rege viuunt. Adhuc vnitas pacis in vno magis quam in multis eminet: sed in vnitate pacis beatitudo ciuitatis lucet: ergo vnus principatus primum ciuitatis solum iure vendicare debet. Non est quod de propositione dubites, nam rarius vnus secum quam multi dissident: quippè multi multa capita & varia ingenia habent; Areopagitæ distracti iudicio perdidere Athenas, consules diuersi Romam euerterunt: si non sit summus moderator multitudo nocet, est enim in vno multorum vnio, quæ sæpè in multis facta est dissensio. Inter has rationes quas adfero leuissimi ponderis hæc vna non est, nimirum quod in omni domo, in omni familiâ, in omni vrbe requiratur vnus qui præsit cæteris: ergo multo magis in repub. Si rationem neges, à minore ad maius, à minus necessario ad magis necessarium ducitur. Nam minus necessarium est, ut domus, in qua sunt pauci, quam ciuitas, in qua sunt multi, vnus imperio regatur: at necessarium est in domo ut vnus præsit: ergo magis est necessarium in ciuitate: hoc autem fit (ut opinor) quia facilis vnus imperio, quam multorum authoritati paret multitudo. Nam ut facillè adducuntur serui vni domino non pluribus inservire: ita facillè mouentur subditi vnus imperium non plurium sustinere. Insuper si vel durationem regni, vel electionem magistratus spectes, primas monarchiæ

A dispositio-
ne naturæ
probatum Mo-
narchia.

Pol. 3. cap. 11.

monarchiæ facillè concedas. Nam ut mittam antiqua imperia quæ diutissimè floruerunt, nonnè Hispani 860. nonnè Galli 1200. continuos annos vnus sceptrum coluerunt? Quid? addam Anglos & Scotos, qui ab initio vnus imperium fortiter defenderunt. Si electionem consideres (in qua fomes seditionis latet) nonnè multò rarius vnus, quam multi in Soliū ciuitatis admittitur, idque tum maximè cum successionē sanguinis voceque naturæ princeps designetur: si igitur duratio longior, electio facilius sit, quid obstat quo minus excellentior cæteris dicatur monarchia? Sed ad finem festinat oratio, duo tamen argumenta addam. Primum est quod aristocratia & politia stare non possunt, si subsidijs regum non muniantur: quod si probetur, certum est monarchiam multis gradibus esse præferendam. Cæterum quod ita sit, res publicæ antiquissimæ manifestè declarant, nam Lacedæmonij præter suos Ephoros suum præfectum, Athenienses præter suos censores vnum sophum, Carthaginenses præter suos Cosmos vnum iudicem, Romani præter suos consules vnum dictatorem habuerunt: sed in istis ciuitatibus tum olim floruerunt magnatum populi que imperia, id est, aristocratia & democratia, quæ tamen (ut vides) ad vnum coacta rationis impetu reuocantur. Venetorum status hodiè aristocratia dicitur, at quæro an sine duce floreat: si ergo alij status ad asylum monarchiæ ut ad sacram anchoram se vertere cogantur, nonnè meritò hic status cæteris antepositus? Postremò si vel humana vel diuina testimonia in hac re vrgeant, collegia Philosophorum, conciliaque patrum, omnium ætatum ac temporum nostris patribus astipulantur; plena sunt monumenta Platonis, plena aliorum sapientum sententijs quæ monarchiam longè cæteris meliorem esse concludunt. Diuina hæc testimonia taceo, hoc vnum tamen tacere non possum, quod deus rex regum & dominus dominantium, ut vnum virum caput domus: ita vnum regem caput ciuitatis fecerit. Saulem dedit populo, Dauidem approbavit, utrique obtemperare iussit non propter metum solum ut hodiè multi, sed propter conscientiam ut hodiè pauci volunt.

R 5

Distin-

Hispani.
Galli.
Angli.
Scoti.
Quot annos
regnum con-
tinuarint.

Refugia ad
monarchiam.

Patri. de reg.
lib. 1. tit. 13.

Venetorum
status.

Vide Plat. in
politico. Mo-
crat. de pace.

Herodot. in
Thalia. Dion.

Halic. de anti-
quit. Roman.

lib. 2. Patri. de
reg. lib. 1. tit. 3.

& 13. & de rep.
lib. 1. tit. 1.

1. Sam. 9. 17.
1. Sam. 16. 1.

Rom. 13. 5.

Distinctio in hac quaestione non adijcitur, quia rationes in expositione satis distincte adhibentur.

Opp. In precedenti quaestione probatum est imperium multitudini potius quam paucis aut uni committendum esse: ergo male hoc loco defenditur contrarium.

Resp. Illic de medio, hic de summo magistratu imperioq. agitur. Preferenda quidem est multitudo & paucis & uni in medijs officijs civitatis. Ratio est quia oculatijs singulas partes reipub. intuetur. Quemadmodum tamen in corpore humano cor unum est, cuius influentia omnes partes & membra vivunt: ita in civitate rex unus, à cuius prudentia non solum cives sed omnes reliqui magistratus pendent. Sunt enim medijs magistratus nihil aliud quam oculi & manus regis.

Opp. Maior prudentia in aristocratia quam in monarchia cernitur: ergo aristocratia in administratione civitatis regno antepontur. Antecedens patet in textu, quia plus vident oculi quam oculus, quia in optimatibus magis unita est vis virtutis.

Resp. Rex non ut unus homo sed ut summus magistratus intelligi hic debet, hoc est, rex non solum duos oculos duasq. manus habet, sed ut Argus videt, & ut Briareus comprehendit omnia. Rex enim viros à consilio sapientes habet, rex inferiores magistratus infinitos habet, rex deniq. populi manus pedesq. habet; sic quamvis Caesar in angulo palatii sedet, singulas tamen partes civitatis videt. Nam ut lux reliquorum siderum unita est in sole, unde fluxit: ita prudentia omnium magistratum unita est in rege, à quo sunt orti & splendor habuit.

Opp. Rex unus citius corrumpitur & depravatur moribus quam boni & studiosi viri: ergo aristocratia quae est bonorum imperium, monarchia praeferi debet. Antecedens probatur, quia ut est in textu unus citius quam multitudo corrumpitur.

Resp. Solvitur hac ratio eodem modo quo altera, nempe quod citius depravetur ut homo, non autem ut magistratus in quo totius civitatis virtutes & partes vivunt, quae regnum & regem labentem sublevant, cadentem consilio & prudentia erigunt.

Opp. Romanum imperium nunquam beatius extitit quam cum reges eiecti, nunquam miserius quam cum Iulius Caesar perpetuam dictaturam incepit: videtur ergo probabile aristocratiā esse preferendam.

Medij magistratus oculi & manus regis.

Rex ut Homo, Magistrat.

Patri. de rep. lib. 1. tit. 1.

preferendam. Præterea absurdum est eandem in pace & bello rei-publicae administrationē constituere: non ergo sequitur si in bello dictatura requiratur, quod etiam in pace monarchia (quae nihil aliud est quam ad vitam dictatura) vineret. Huc multa adderem si brevitati non studerem, nempe quod periculosum sit optimè merentes de repub. à solio maiestatis excludere, quod iniquum sit unius potestati cardines civitatis committere, quod absurdum sit omnia tribunalia ab unius nutu dependere; hac temporum antiquitas, hac auctoritas maiorū probant: nam exosum nomē regis Romanis fuit, regibus expulsi Senatus Athenae, Carthago, Lacedaemon aliaq. per multa civitates inuexerunt. Postremo regis successio sortem, electio verò magnatum suam legem habet, incertum enim est in sanguine an succedat melior, at in electione deliberatio meliores probat.

Resp. Multa hic conglobantur argumenta quibus antea satisfactum esse putamus. Nam regem non ut unum homuncionem, sed ut totius civitatis personam consideramus. Maior lux est in uno sole quam in sexcentis stellis, maior vis est in uno rege quam in sexcentis bonis; ratio est quia ut stellarum vires ununtur in sole, ita bonorum virtutes ponuntur in rege. Si hoc non audiat non rex sed tyrannus dicitur. At dices, quid hoc est aliud quam statum popularem aut optimatum praefere? Non est, nam quamvis princeps consilia bonorum audire & sequi debeat, in ea tamen maior ordinis maiestas quam in alijs lucet: uno enim capite constituto omnis contentionis tollitur occasio. Ad hac omnia igitur respondet monarchiam hic acceptam non esse perpetuam dictaturam, non esse periculosum unius potestati omnia committere, Romam, Carthaginem, Athenas, Lacedaemonem, Tarquinius, Pisistratidas, hoc est tyrannos nō reges expulsi, non esse in sanguine aleam fortunae: sed civitatis anchoram & tutellam.

Opp. Administratio civitatis ex lege unius imperio praefertur, in fine huius capitis: ergo monarchia non est optimus status reipub.

Ratio est quia lex sine affectu regit.

Resp. Opportune de imperio legis mentio iam facta est, nam pollicitus sum de eo dicere. Affirmo igitur legis imperium hoc loco unius dominatui nō re ipsa praeferi: nam et si dicat Philosophus nihil ita ratum & firmum esse oportere ut leges rectas & salutares, verba tamen quae sequuntur hac sunt. Penes eum autē q. praest sine sit unus, sine plures,

Rex, Sol.

Monarchia non est perpetua dictatura.

Legis regimen Regis imperio non praefertur.

Pol. 2. cap. 6.

is de rebus statuendi arbitrium volo, de quibus leges cumulate & accurate loqui non possunt. Quasi diceret lex deficit in multis: rex ergo gubernare debet, ut quæ non sint decisa lege regis iudicio relinquantur.

CAP. VIII.

An cuiuslibet boni excellentia sit honore aliquo civili remuneranda?



QUis qualisque magistratus esse debeat in repub. nos modò certiores fecit Philosophus, sequitur nunc proximè ut de præmijs ciuitatis distribuendis disputet: nam frustra ab illo officium describitur, si beneficium non adiungatur; est enim in officio onus & labor hominis, est verò in præmio honos & splendor magi-

stratus. Quærit ergo, An cuiuslibet boni excellentia sit dignitate aliqua civili remuneranda. Sed antequam de hac thesi definitè agam, quæ sunt confusiùs in textu ab Arist. discussa breuiter aperiam. Primum igitur instituto suo explicato finem cuiuslibet artis considerandum, maximè verò civilis esse ostendit: hoc autem ut opinor ideo facit, quoniam præmia ciuitatis finem ut mensuram habent. Hic finis (inquit) est commune bonum, quo tanquam normâ iustitia distribuens in dandis honoribus ciuitatis utitur: id enim æquale est si legem iustitiæ spectes, ut quisque pro merito virtutis mercedem habeat. Sed quæritur an hæc distributio honoris ob excellentiam cuiusque boni fieret. Disputandi causa, primum hoc negat Arist. aitque fieri non debere. Argumenta tria sunt. Primum, si ob excellentiam cuiusque boni distributio honoris fieret, sequeretur colorem aut magnitudinem corporis quæ sunt bona nature aliquando remuneranda esse: sed hoc per absurdum est ut aliquis honorificentior euadat, quia aut pulchriore formâ aut vastiore corpore existat: non est ergo excellentia cuiusque boni, civili aliquo honore decoranda.

Præte-

In præmio
splendor ma-
gistratus.

Arist. eth. i.
cap. i.

Contra hono-
res bonis tri-
buendos. rat. 3.
Vid. Cic.
Tusc. quæst.
lib. 5.

Præterea sic est in ciuili scientia ac in alijs artibus: sed in alijs artibus actus & usus solum remunerantur: ergo etiam in ciuili scientia. Minor probatur exemplo tibicinis, in quo non contemplatio artis, sed fistulatio quæ est opus artis mercedem capit. Rectè Palæmon iudex inter Menalcam & Damentam factus.

*Non nostrum inter vos tantas componere lites:
Et vitulo tu dignus & hic, & quisquis amores
Aut metuet dulces, aut experietur amaros.*

Virg. Eclog. 3.

Tertium argumentum ab absurdo petitur hoc modo. Si distributio honoris secundum excellentiam cuiuslibet boni fieret, tum omne bonum cum omni bono comparari possit: sed quàm ridiculum est, ut Milo propter vastitatem corporis cum Socrate propter excellentiam mentis concertaret? His positis quatuor bona enumerat quæ tum necessaria sunt in ciuitate, tum digna honoribus ciuitatis: recensentur in textu, diuitiæ, nobilitas, libertas, & virtus: diuitiæ quia ex pauperibus solum non constat ciuitas; nobilitas quia in ea lux quædam ciuitatis splendet; libertas quia ciues filij non serui fierent; virtus quoniam ciues boni non mali essent. His quatuor, reipublicæ homines prodesse solent: propter hæc ergo præcipuè remunerantur ciues. Sed id bonum tandem quod suo iure poterint vindicare homines, ut ostendat Philosophus, hic introducit singulos veluti ambitiosè certantes pro honore: diuites sic loquitur. Nos terras & maria possidemus: nobis ergo summi debentur honores. Nobiles sic, Nos auos & proauos Cæsares habemus: dignitates ergo maximas iure vindicamus. Liberi inuidentes istis, sic suas partes agunt. Nos maxima pars ciuitatis sumus: præmia igitur in maxima habere debemus. Boni denique rectius pro se concludunt, nempe honorem esse proprium virtutis. Nos ergo (inquiunt) honorem ut ius nostrum postulamus, & sanè (ut ait Aristoteles) iustè concludunt, quia boni & iusti viri lumina & columnæ sunt ciuitatis: iustitia enim in illis est virtus ad aliud, hoc est non sibi sed ciuitati studet. At dices multitudo hæc quatuor in se cumulatè habet; ergo maximis honoribus colenda,

Actus & usus
remuneran-
tur.

Bona ciuita-
tis sunt,
Diuitiæ. Nobi-
litas. Libertas.
Virtus.

Prosopopæia
Diuitum, No-
bilitum, Studi-
osorum, Mul-
torum.

Eth. lib. i. cap.
12.
Iusti viri sunt
lumina & co-
lumina ciuita-
tis.
Eth. lib. 5. ca. 1.

colenda. Respondeo in quouis statu reipub. satis definiri quis regeret, vnus, pauci, an multitudo: at si concurrant hæc omnia in vna ciuitate, (cui tum daretur imperium) nonne est difficilis quæstio? Non certè: nam modò demonstratum est virtuti id ipsum deberi. Sed procedit Philosophus disputando contra hæc omnia, docetque diuitias, genus, libertatem, non esse bona honorabilia per se nisi ad finem ciuitatis hoc est ad summum bonum referantur: huc ergò redeunt omnia quæ hîc à Philosopho discussa ac disputata sunt, nempe cuiuslibet boni excellentiam eatenus ciuili honore esse decorandam, quatenus ad commune bonum ciuitatis aliquid pensi ac momenti adferat; at verò si ab hoc bono declinent, si aditum ad virtutem obserent & occludant, tum quidem diutius nec bona dicuntur, nec præmia ciuitatis (id est honores) promerentur. Sed hætenus ex textu Aristotelis, nunc verò pauca pro arbitrio de hac re dicemus. Quid quæris? An excellentia cuiusq; boni honore aliquo ciuili sit decoranda? Dic mihi, an de hac re dubitas? Quid ni tuâ pace dubitem? Ostende causam. Dicam, quia bona ferè omnia tolli, mala verò extolli in mundo video. Sed audis: non de facto sed de iure hoc loco quæritur. Argumentis ergò hanc causam doce. Ades dum paucis, & docebo. Notum id est omne bonum sub triplici bonorum genere comprehendi, nam aut fortunam, aut ipsam naturam, aut animi virtutem sapit; fortunæ bonum est, vt rerum copia; naturæ, vt forma & pulchritudo; animi, vt iustitia & fortitudo: hoc loco omne bonum intelligo, sed ita vt ad commune bonum ciuitatis tendat, sic omni bono dignitas secundum magis & minus (vt aiunt) debetur. Nam diuites suam laudem, nobiles suam stirpem, vtrique suum præmium honoris habent. Imò hoc addo, bonum cuiusq; artis, sit & illa quidē leuis, habere suam gloriam. Hinc Apelles statuam insignis pictoris, hinc Polycletus sculptoris simulachrū meruit: hoc quidem politicū est in ciuitate, vt ne sutor excellens mercede careat, nā honos alit artes, & præmijs tanquam stimulis ad virtutis studiū incitamus. Probatur hoc ipsum quinq; argumentis. Primum

Bona Fortunæ,
Naturæ,
Animi.
Eth. I. cap. 8.

Cic. Tusc.
quæst. lib. I.
Honos alit
artes.

Secundum ab expositione contrarij, Tertiū ab inductione exempli, Quartum à fine & bono ciuitatis, Quintum à comparatione naturæ ducitur. A definitione iustitiæ, quia iustitia est habitus cuiq; tribuendi suū: at vis & splendor huius virtutis tollitur si in re quauis excellenti ciuitatis præmia denegentur. Ab expositione contrarij: nam quæ ratio est, vt insigniter malis infligatur pæna, & excellenter bonis nulla detur palma? Ab inductione exempli, quia Homeri suam laurum, Scipiones suam coronam, Cæsares suum triumphum, omnes ferè & singuli olim excellentes viri suum debitum honorem habuerunt. A fine & bono ciuitatis, quia hoc modo ciuitas beata & fortunata redditur. Nā Deus bone, quanta contentio inter ciues erit? Quanta emulatio? Quantum & quàm ardens studium virtutis, si omne opus bonum & excellens magistratus voce, manuq; ciuitatis honoretur? Et ex aduerso quàm languide fient musæ? Quàm frigida virtutis studia? Quàm rara hominum excellentiū exempla, cum desit honor cuius vmbrā tam auidē à naturā sequimur? A comparatione naturæ, quæ rebus diuinis loca meliora dedit, vt cælum angelis, capita humana animis: quod si hæc fiant à natura, cur ciuitas hæc ipsa non faceret imitata naturam? Sed hîc duæ cautiones adhibendæ sunt, altera respectu magistratus qui tribuit, altera respectu eius qui honorem petit; illa est vt solum bonum excellens idemq; tendens ad bonum commune honore alat, hæc vt nemo sui iudex se in arcem honoris temerè intrudat. Nam vt quo altius ascendit simia eò magis apparet turpitudine partium: ita quo sublimius assurgunt stulti, eò magis conspicitur cōtaminatio morū. Dignitas enim ostendit virum, & honorem qui vi aut fraude acquiritur timor & ignominia concomitantur.

Excellentia cuiuslibet boni ad commune bonum tendētis est remuneranda propter

Præscriptum iustitiæ, quo hoc mandatur.
Studium virtutis, quod sic augetur.
Honorem ciuitatis, quæ sic beator redditur.
Amorem ciuium, qui sic fideles & excellentes efficiuntur.
Exemplum naturæ, cuius veluti dextrâ res excellentes remunerantur.

Præmia cuiq;
bono tribuenda.
rat. 5.

Cautiones
duæ.
Simia & stultus magistratus comparantur.
Bias.
Magistratus Virum indicat.
Eth. lib. 5.
cap. 1.

Distinctio.

Opp.

Eth. I. cap. 12. **Opp.** *Laus & honor soli debentur virtuti, ut in primo Ethicorum: ergo excellentes in alijs generibus bonorum hac iuste vindicare non possunt.*

Resp. *Laus & honor soli debentur virtuti per se, & alijs etiam propter virtutem: hinc est quod docuerit Philosophus diuitias, libertatem, solertiam ingenij, nobilitatem non vi sua demereri honorem, merentur tamen ut ad bonum commune ciuitatis tendunt.*

Opp. *Ridiculum est ut Panfistulator, ut Gordius bubulcus gregis, alijsq; sordidissima artis homunciones appetant honorem: ergo indignares est ut excellentia cuiusq; artis boniq; remuneretur.*

Resp. *Panfistulator inter deos, & Gordius bubulcus inter reges fuit, & certè non est ridiculum ut Fabius à fabis in senatum veniat. Ars nulla sordida est qua in bonum tendit, & sanè in omni arte bonum remunerari debet: sunt tamen multi honoris gradus, & sortem in suo genere bubulcus habet.*

Opp. *Liberalis forma in Helena bonum excellens fuit, nemo tamen praterquam Paris Helenam honore est dignatus.*

Resp. *Forma in Helena bonum excellens fuit, sed ad bonum commune non tendens honorem non meruit.*

Opp. *Solum diuites, nobiles, liberi & studiosi in textu honoribus digni ab Aristotele habentur: sed Sanniones, cauponarij, sutores & bubulci inter illos annumerandi non sunt: ergo honoribus digni non habentur. Prater ea propter res abiectas artesq; viles quas tractant, Arist. antea cives esse negauit: sequitur ergo quod non sint participes honoris, qui solum ciuibus concedi debet.*

Resp. *Primum respondeo hos sub illis ut minus dignos sub dignioribus comprehendere: Tum dico non hominem sed actionem hominis, non materiam artis sed excellens opus artificis à ciuitate spectari, nec non in suo genere & gradu remunerari. Postremo affirmo quod quamuis non sint actu cives, participes tamen fieri posse dignitatis, si prudenti ac iusto magistratui sic visum fuerit: si enim excellent in sua arte, si tendant ad bonum, utile aut honestum ciuitatis, in arbitrio est magistratus ut fiant cives, adeoque iustis honoribus perornentur.*

Dubium.

Utrum in ferendis legibus utilitas potius bonorum quam totius multitudinis spectari debeat?

multitudinis spectari debeat?

TANTONE amore legum tuarum ardebas (Lycurge) *Plut. in Lycurge* ut potius in perpetuo exilio viueres quam eas in patria tua violatas cerneres? Factum hoc tuum profectò laudo, nam corruptio legis est confusio ciuitatis. Est enim lex norma & anima reipub. quâ regit benè & viuit beatè. In ferendis ergo legibus quis potest dicere quàm cauti, quàm iusti, quàm sapientes esse debeamus? Sed quid ago? Solum hoc loco quaeritur, an in ferendis legibus utilitas bonorum potius quam totius multitudinis spectari debeat. De hac re audiamus Aristotelem. Id rectum est inquit in legibus scribendis quod ad totius ciuitatis utilitatem, & ad rem omnium ciuium communem pertinet. Id rectum est quidem, nam legumlatores non vni, non paucis, sed toti ciuitati consulere ac providere debent. Hoc probo à natura legis, ab usu ciuitatis. A natura legis, quia quid aliud lex est quam lingua totius ciuitatis, quæ eadem voce omnibus non paucis loquitur? Ab usu ciuitatis, quæ tyrannos appellat eos qui in suis decretis aut sibi aut paucis consulunt. Quid enim hoc aliud est quam aliena inuadere, bonaq; publica ad priuatorum usum turpissimè auertere? At dices, legumlatores maximè contendere ut ciues bonos & honestos efficiant, sequi ergo videtur quod in ferendis legibus potius bonorum utilitas quam multitudinis spectari debeat. Agnoscimus quidem hunc conatum, hoc studium in legumlatoribus requiri, ut contendant bonos omnes & singulos efficere; at prudentiæ hoc est cum videant bonos homines esse leges sibi, in sanciendo legibus magis multitudini quam paucis studiosis providere. Sunt enim boni pars minima ciuitatis; at multitudo imaginem & formam totius habet.

Lex lingua ciuitatis.

Cic. 2. de legi. Plut. de doct. principi requisita. to. 2.

Distinctio.

In legibus ferendis potius utilitas populi quam paucorum bonorum commune spectari debet, quia

- Lex est regula vniuersalis non singularis.
- Populus est maxima pars ciuitatis.
- Legumlator ad finem ciuitatis, qui est bonum commune, leges dirigeret.
- Si hoc non fieret, inuidiâ populus exardesceret.

S

Opp.

Opp. Docet in textu Philosophus leges esse optimas quæ ad statum ciuitatis coaptantur: sed est status ciuitatis in quo nec utilitati bonorum, nec utilitati multitudinis studetur: ergo frustra hanc controuersiam intulit. Minor probatur, nam tyrannis est status ciuitatis, qui nec bonis nec multitudini consulit.

Resp. Respondeo de rectis non de obliquis reipub. formis hic disputari. Præterea dubitant nonnulli an in ipsa tyrannide utilitas multitudinis penitus negligatur: hoc Politicum non est, ut aiunt quidam, nam sub specie pulcherrimarum legum in usum populi, ciuitatis bona latrocinantur tyranni.

Opp. In aristocratiâ quæ est bonorum imperium, leges potius in bonorum quàm in populi usum sunt condendæ: ergo in aliquo statu potius bonorum utilitati quàm multitudinis consulendum erit.

Resp. Optimates in democratiâ tyranni essent, si sibi magis quàm populo consulerent: fateor tamen leges in eo statu ad bonorum usum aliquando fieri, sed ita tamen factæ, ut magis ad publicum quàm priuatum utile referantur.

Opp. Bonum ciuitatis est verè bonum honestum: ergo in ferendis legibus potius bonis viris quàm multitudini est consulendum. Ratio tenet, quia bona fortune studiosis maximè debentur, ut in Ethicis docuit Philosophus, nam bona fortune sunt solùm bona respectu virtutis.

Resp. In cōsulendo multitudini magis quàm bonis bonum honestum non contemnimus, imò id. maximi facimus & æstimamus.

Nā ut agris non sanis parantur medicina: ita infirma multitudini non bonis legum sanctorum destinantur tabula. Quippè boni (ut supra diximus) sunt leges sibi, at populus legis vocē magis opus habet, ut aut ignorans melius instruat, aut errans tutius in viam reuocetur.

Vtile Publicum, Priuatum.

Boni sunt leges sibi.
Pol. 3. c. 9. Plat.
4. de legib.

Vtrum ostracismus in bene instituta ciuitate sit approbandus? hoc est, an liceat insigniter excellentes viros ad tempus in exilium mittere & relegare?



VAM absurdè, quàm inconsideratè nunc agis Aristi? Modonè excellentiam cuiusc; boni dignam imperio? Nunc dignam exilio putas? An iustè Plut in Annib. Aristi. Hannibal est relegatus, qui animi fortitudine omnes Carthaginenses? An iustè Aristides est pulsus patriâ, qui animi æquitate omnes Athenienses vicit? Quid? An ideo heroici &

excellentes viri patriâ carerent, quia alios virtutibus antecellunt? absurdum est non audio, impium est non fero. Credo equidè Aristi. te hoc non dicere, existimo enim potius quosdam interpretes in sententia tua exponenda turpiter errare; nam si tu hoc diceres nunquam profectò beatum virū dignū imperio, ut suprâ, nunquam regē inter ciues deum inter homines iudicasses, ut hîc apertè loqueris. Quare ne contagiosum virus in tabe ac perniciē rerū pub. Machiauellitæ ex hoc loco suxisse videantur, audiamus primum syllogismū, quem in fronte huius cap. ipse de hac re contexueris. Quicumq; aut ut rex inter ciues, aut ut Deus inter homines viuit, is in exiliū nō est relegandus: sed vir heroicè excellens alios aut ut rex inter ciues, aut ut deus inter homines viuit: ergo vir heroicè excellens alios in exiliū non est relegandus. Maior aperta est, nā exulare & simul viuere cum ciuib. non coherent. Minor in textu constat, quia (ut inquit Philosophus) vir excellenter bonus non est pars ciuitatis, neq; ut ciuis legibus subijcitur. Non est pars, quia omnes partes bonitate vincit; legibus nō subijcitur, quia insigniter bonis (ut ait Plato) lex nō est imposita, quippè illi sunt leges sibi: si ergo non sit pars sed maior parte, ut rex inter ciues, si legi non subijciatur sed ipse lux legis ut Deus inter homines haberi debeat; concludo non esse pellendum à ciuitate quam regeret, non esse relegandum

Cap. 6. & 8.
Omnia firmamenta Machiauellitis præcipiuntur.

Plut. in Lycur. & Aristide.

Plato. 4. de legib.

Allegorica
Leonis re-
sponso.

Contra ostracismum rat. 4.

Vir egregie
bonus dux,
lex, norma
virtutis.

Argumenta
quatuor pro
ostracismo.

dum à patria in qua luceret; hinc consentaneum putauit Arist. vt legumlatore egregie excellentes viros ab omni seruitute legis exciperent; nam aliter legumlatoribus vt olim Leo alijs animantibus respòdere possunt. Leo (vt allegoricè narrat Antisthenes) leporibus in concione postulantibus æqualitatem omnium, Ego (inquit) vestris legibus obediam si mihi demantur ungues. Optimi viri sunt tanquam leones (id est) reges inter ciues; illorum virtutes sunt tanquam ungues, quarum excellentia hoc postulat vt legum seruitute liberentur. Sed animus Arist. in altera parte huius cap. totus est in ostracismo exilioq; bonorum approbando. Audi vnā distinctionē & accuratè quid sibi velit tandē intelliges. Duplex est vt suprā diximus reipub. administratio, recta, & non recta; in recta ostracismus non permittitur; in non recta approbatur. Quod in recta non permetteretur, sic syllogismis probo. Quicunq; ad conseruandum bonum & finem ciuitatis tendit nō est à ciuitate relegandus: sed heroicè & insigniter bonus ad cōseruandum bonum finemq; ciuitatis tendit: ergo heroicè & insigniter bonus à ciuitate non est relegandus. Similiter quicunq; est lux, lex & norma virtutis à ciuitate non est arcendus: sed vir egregie bonus est lux, lex & norma virtutis: ergo vir egregie bonus à ciuitate non est arcendus. Est lux; quia vitæ exemplo splendet; est lex, quia alios dirigit; norma, quia actiones aliorum moderatur. Porro, quicunq; dignus est imperio exilio vulnerari non debet: sed vir excellens virtute dignus est imperio: ergo vir excellens virtute exilio plesti nō debet. Postremò, quicunq; proximè accedit ad Deū is non est à ciuitate exterminandus: sed vir excellenter bonus proximè accedit ad Deum: ergo vir excellenter bonus à ciuitate nō est exterminandus. Huc addi potest, quod quicunque existit impensè malus sit nece dignus: ergo quicunq; existit insigniter bonus luce ciuitatis illustrandus. Aduersas nunc partes agam, & quæ sunt apud Philosophū pro ostracismo dicta, paucis ostendam. Argumēta quatuor sunt, primum sic se habet. Quicunq; fini ac bono ciuitatis infesti sunt ostracismum iure patiuntur: sed qui opibus,

gra-

gratiā, potentiā maximè excellūt alios, bono ac fini ciuitatis infesti sunt: ergo qui opibus, gratiā aut potentiā maximè excellent alios, ostracismum iure patiuntur. Assumptio probatur, quia his bonis superfluentes æqualitatem ac proportionem (quæ inter ciues est alenda) violant & corrumpunt, vnde maxima contentio inuidiaque populi nascitur. Si hīc tyrannidein, oligarchiam, aut popularem furorem intelligas, politicum & quodammodò iustum in illis esse existimes, si ob hanc causam virtute prælucentes relegentur; nam quid magis tyrannidein in istis impedit quàm vis & splendor heroicæ virtutis? Sed Christe bone, quàm latè hoc malū serpit? Discede Athenis iuste Aristides, si Timon crudelis in ciuitate regnet. Alterum argumentum in textu sequitur, nempe quod Argonautæ Herculem suum ducem olim reliquerint, propterea quod excellentiorem seipsis illum esse putarint: excellentia ergò vt æqualitati ciuium maximè infesta bonoque ciuitatis inimica seueris legibus est coercenda. Tertiò arguit Philosophus ab exemplis Periandri, Tharsibuli, & aliorum tyrannorum. Historia sic est. Mittit Thrasibulus tyrannus legatum ad Periandrum, vt eius cōsiliū de administratione reipub. caperet; legato Periander respondet nihil, sed inter ambulandum eminentiores spicas baculo decussit, eas deniq; segeti adæquauit. Hoc cum legatus Thrasibulo nunciasset, statim intellexit tyrannus eò cōsiliū Periandri tendere, vt excellentiores ciues è medio tolleret. Hoc inquit Philosophus nō solum tyrannis expedit, sed in oligarchijs & democratijs suum locum habet. Sic Athenienses Samios, Chios, Lesbios; sic reges Persarum Medos, Babylonios, aliosq; frequenter extenuarunt, quibus veluti pēnas virtutis & honoris inuiderunt. Quid? An solum Persæ, an solum Turcæ hæc pariunt oua? Non certè: nam iam in christianas respub. hæc fraus irrepfit, scilicet vt qui maiores spiritus virtutis habent, ostracismi testā notati aut ad exilium aut ad crucē continuò designentur. Somniant enim Cæsares se nō esse saluos si Pompeianos secum Romæ permanere sinant, at in exilio virtutis quæ spes salutis? In effusione sanguinis quæ salus ciuitatis

Vide. Pol. 5.
cap. 3. & 8. & 9.
& 11.

Apollon.
Rhod. 1. Argon.
nautic.

Dion. Halic.
lib. 4.
Simile de
Tarquinij
refert Liu. de
1 lib. 1. Ouid,
de Fast.

Apostrophe.
Ostracismus
in christianas
Respub. pedetentim irrep-
sit.

Sueton in Ti-
ber. cap. 55.

uitatis inest? Postrema ratio à similitudine ducitur. Nam quemadmodum pictor pedem suâ tabulâ nō feret, qui legitimam mensuram & proportionem corporis excedit; & ut nauium opifex partem reliquis iusto maiorem esse non patitur; & deniq; ut magister chori illum cantare non sinit qui omnes reliquos sonore vocis magnitudine vincit: ita in re-
pub. non est ferendus ille qui reliquos omnes bonorum suorum excellentiâ superat & excedit. Ostracismus ergo in ciuitate est approbandus, non solum ut radicibus extirpetur malum, sed ne in tumorem inuidiamq; populi excellens incidat & incurrat bonum. His demonstratis tria in calce istius capituli consideranda se offerunt; primum, quod dicat Arist. consultius esse ab initio ita reipub. instituire, ut tali remedio non omnino egeat; alterum, quod in optimis formis reipublicæ hoc non sit absolute iustum; postremum, quod insigniter bonus ut rex perpetuus in ciuitate viueret. Primò, arguitur Arist. hoc genus exilij nō approbasse. Secundo, in rectis reipub. formis id ipsum non posuisse. Tertiò, monarchiam de qua iam proximè disputat meliorem esse cæteris insinuasse. Nam si vnus optimus secundum Arist. ut rex perpetuus in ciuitate viueret, si quoq; ut Deus suæ vitæ exemplo ad virtutis studium ciues alliceret, proculdubio secundum Aristotelem monarchia (in qua simpliciter optimus magistratus requiritur) reliquis omnibus ciuitatis formis præponeretur.

Distinctio.

Ostracismus
quid.

Vide Plut. in
Aristid. Alci-
biad. Themist.
Alex. Genial.
lib. 3. cap. 20.
Bud. in Annot.
Eras. in Chil.
Mach. in Liu. l.
1. cap. 28. & 29.

Ostracismus conside-
ratur, vel respectu

Iuste administrationis, & sic approbari nō debet,
ut probatur aperte quinq; syllogismis in textu.
Non recte administrationis, & sic quodammodo
approbari potest ob rationes quas antea attuli-
[mus.

Ostracismus est genus quoddam exilij ab Atheniensibus olim inuentum & institutum, quo per decem integros annos ultra modum potentes viri à patrijs sedibus pellebantur: facta publica hæc pena fuit, per testas quasdam in quibus exulum nomina insculpta erant. Cause istius penæ fuerunt insignis eminentia ac dignitas viri, metusq; seditionis futura si tantus nominis ac dig-
nitatis

nitatis splendor animos oculosq; ciuium perstringeret.

Opp. In iusta administratione reip. ostracismus est admittendus: ergo male defenditur contrarium. Antecedens probatur, quia contingit saepe in iusta administratione ciuitatis aliquos opibus, gratiâ, potentiâ ita praualescere, ut si non coerceantur ocys, metus seditionis sequatur: at lenius remedium excogitari non potest ad hoc malum quàm ostracismus: ergo ostracismus in iusta administratione ciuitatis est admittendus.

Resp. Si abundantia rerum, si fauore populi, si potentiâ, alio modo iactura dignitas intumescant in ciuitate aliqui, ut metus seditionis inde sequatur, potius pecunia quàm anima, dignitatis quàm ciuitatis iacturam sentiant; & sanè metus aut suspicio satis iusta causa non sunt ut plebentur ciues: sed si illorum copia, fauor, potentia ad interitum ciuitatis tendant, tum quouis iusto modo deprimi & coerceri debent. Alij huic argumento respondent excellentiam bonorum animi hic solum intelligi: at illa à ciuitate bene instituta nullo modo exulare debet.

Excellentia
bonorum ani-
mi non pel-
lenda.

Opp. Arist. in textu aperte defendit hanc questionem non solum ad deprauatas sed etiam ad rectas reipub. pertinere: ergo in rectis formis ciuitatis licet ostracismum exercere. Antecedens probatur ex verbis Philosophi quæ sunt ista. Questio (de hac causa loquitur) à nobis posita vniuersè ad omnes reipub. administranda formas etiam rectas pertinet.

Resp. Arist. eò loci non intelligit heroicè insigniterq; bonos à rectè institutis ciuitatibus arcendos esse, quippe illorum operâ bonum commune & honestum conseruatur; sed hoc intelligit, quod utile sit etiam rectis administrandi formis ut potentes, diuites, gratiosi, si seditionis flammulas factionibus nutrant, ostracismo notati exterminentur.

Opp. Egregiè bonus à bene instituta ciuitate exulare debet: ergo ostracismus in rectis reipub. administrationibus admitteretur. Antecedens probatur, quia in Aristocratiâ si vnus aliquis virtute ceteros vincat est expellendus: at aristocratiâ est recta forma administrande ciuitatis: ergo in recta administrationis forma ostracismus poneretur. Maior patet, quia si vnus aliquis longè excellat ceteros, tum tendit ciuitas ad monarchiam: nam si sit talis

requirit Arist. ut tanquam rex inter alios uiuat: at tendere ad monarchiam est corrumpere aristocratiam, quod facinus in eo statu est morte nedum ostracismo dignum. Hac quoque dici possunt de democratia, qua quoque forma inter rectas res pub. annumeratur.

Resp. Egregie bonus non corrumpit sed conseruat bonum & finem aristocratia, nam et si radijs virtutis magis ceteris fortasse splendet, sponte tamen se semper iuste & decorè gerit. Quippe bonus non timore panæ sed virtutis amore se legibus submittit. Præterea splendor & eminentia virtutis non est causa cur boni intumescant, sed potius ut ipsi imitatione similes & pares fiant: ubi dixit Arist. quod tanquam rex inter alios uiueret, intellexit ut quidam exponunt quoad consilium non quoad imperium, quoad candorem uitæ non quoad honorem regni.

Rex quoad
Consilium,
Imperium.

Argumenta in alteram partem questionis quæ probant in non rectis reipublicæ formis ostracismum iuste exerceri posse.

Opp. Ostracismus & exilium pati pro excellentia virtutis est malum pro bono sustinere: sed malum pro bono sustinere est iniustum: ergo ostracismus & exilium pati pro excellentia virtutis est iniustum.

Resp. Ut clementiam defendere apud Neronem turpis habetur causa: ita virtutem colere in praua ciuitate res digna habetur panâ. Sed ut clementiâ defendere est turpe non respectu materia sed personæ: ita virtutem colere dignum est panâ non respectu boni quod sit, sed loci in quo malum non bonum colitur. Cum ergo istiusmodi administrationis salus in hoc maximè consistat, ut abigatur virtus, quodammodo iniustum apparet si in tali forma ostracismus toleretur.

Opp. Immane est ut virtutis studium perniciem progignat: ergo nec in malis formis reipub. magistratus bonorum exilium permittet.

Iactura Virtu-
tis, Fortunæ.

Resp. Gloria est non ignominia, vita bonorum non perniciēs ut à malorum colluue separentur. Nam et si fortuna paruum iacturam ferant, virtutis tamen occasum illorum posteritas non videbit.

Opp. Defectio maximi boni nomen ciuis non meretur: ergo excellentia eiusdem panam exulis non requirit. Ratio sequitur à loco Topico, nam contrariorum contraria est ratio.

Resp. Defectio maximi boni nomen & locum ciuis in prauis reip. admi-

administrationibus meretur, & excellentia quasi pestis quadam ab illis expellitur; nam quid malo infestius quam studium virtutis? Adhortatus est Seneca Neronem ad clementiam, sed perijt: imò (quod magis est) dulcioribus modis adhortata est mater, sed à tyranno occisa & laniata fuit.

Suet. in Ne-
ron.

Dubium.

An naturalis sit monarchia præstantis virtute viri?

VERBA tua Arist. in fine huius capitis me vehementer mouent, namque sic concludis. Reliquum igitur est (quod videtur ita comparatum esse à natura) ut omnes huic (id est excellenti viro) pareant, idque libenter, & quidem ita ut tales viri (id est virtute præstantes) in ciuitatibus sint perpetui reges. Hæc verba me mouent (ut dixi) quoniam paulò antea multitudinis imperium paucorum studiosorum & vnius potentia multum prætuleras. Sed in hac re diutius non ludam, scio equidem te de medijs officijs illuc, hinc de summis dicere: hoc vnum tamen mihi velim expedias, cur dicas ita comparatum esse à natura ut vni excellenti viro libenter à ciuibus & sponte obtemperetur. Hæc parum cohærent certè, quippe natura necessitatem, voluntas libertatē habet. Vis tu hoc esse naturale & tamen concludis esse voluntarium? quæ hæc est contradictio? Nulla; nam imperij naturam, obsequij voluntatem causam effectricem censeo, est enim in imperio quædam necessitas, nam sic conseruatur natura; est in obsequio humana libertas, nam ciuium sic retinetur concordia. Quod verò sit à natura rationes & argumenta, quæ antea attulimus de monarchia, satis dilucidè comprobarunt. Quare ne sim molestior iam verbis studiosum lectorem ad illam partem expositionis refero, vnam solum ratiunculam hinc addam, quam tum omisi, nempe quod sicut inferiores potentia viresque animi naturaliter intellectui propter excellentiam eiusdem subiiciuntur: ita à natura comparatum est ut omnes ciues vni, si excellat virtute, subsint & obsequantur. Ex his videat diligens ac studiosus lector & quo animo

Officia Sum-
ma, Media.

Ut potentia
animi intelle-
ctui, sic omnes
ciues vni sub-
iiciuntur.
Pol. 1. cap. 3.
Eth. 1. cap. 6.
Pla. in Timeæ.
Gal. 13. the-
rapeutic.

Aristoteles de monarchia fuerit, & quam apertam viam de illa disputandi latius iam patefecerit.

Distinctio antea tradita fuit.

Eth. 2. cap. 1.

Opp. *Nulla virtus est a natura: ergo monarchia unius propter virtutem non est dicenda naturalis. Antecedens est Philosophi 2. Ethicorum. Argumentum sequitur, quia alia ratione hoc loco non dicitur naturalis.*

Resp. *Non propter virtutem qua est habitus, sed propter sui conservationem qua est naturalis actus, unius monarchia hoc loco a natura dicitur. Quare et si virtus ipsa non sit naturalis, civitatis tamen conservatio secundum virtutem est naturalis: hoc inde evenit, quia virtus magis conservat, vitium magis corrumpit naturam rerum.*

Opp. *Hac questio ante discussa est: ergo otiose hic iterum demonstratur.*

Resp. *Illic generatim de omni monarchia, hic speciatim de excellentis viri imperio agitur; illic queritur an monarchia sit optimus status civitatis, hic vero an unius optimi viri imperium sit naturale.*

Opp. *Imperium talis viri (ut ais) est naturale: ergo obsequium quoque erit naturale. Ratio sequitur, quia imperium & obsequium sunt relata qua eodem modo afficiuntur.*

Obsequium civitati naturale, homini liberum.

Resp. *Non negamus utrumque, esse si civitatis, at pernegamus si solius hominis respectum habeas. Naturale est imperium respectu civitatis, quia in eo sui conservatione & salute habet, at in obsequio civium libertas non aliter quam in potentis animi ab intellectu cernitur.*

CAP. X.

Utum species monarchia recte assignentur?

Scopus.



ACTVS occasionem ex his (quæ modò de excellenti virtute viri dixit) Philosophus de monarchia seu unius imperio pluribus nunc agit, partemque ultimam huius libri in eo statu fusiùs explicando consumit. De monarchia primò agit secundum D. Thomam, quia illa constitutio civitatis est omnium optima & veluti mensura reliquarum perfectissima. Hec forma administrationis in quin-

que

que species hoc loco diuiditur, nempe in Laconicam, Barbaricam, Asymmetiam, Heroicam & Pambasileam: quæ omnes & singule tam distinctè & tam perspicue tractantur in textu, ut longius verborum & expositionis filum aut pensum trahere, esset tædio & molestia animos lectorum nimis defatigare. Si genus huius diuisionis scire desideres, existimo analogi esse in significata, nam secundum prius & posterius (ut aiunt) nomen monarchiæ his formis conuenit; hoc liquidò constat in principio alterius capituli, ubi Philosophus has omnes ad duo capita reuocare contendit. Sed ut ordine de singulis agamus. Monarchia Laconica verbo definiri potest dictatura seu imperatoria potestas in bello iusta & necessaria. Laconica dicitur, quia Lacedæmonij illam, seuiente hoste, utebantur. In hoc regni genere non absolutam rerum omnium, sed circumscriptam ac definitam auctoritatem reges habere debent. Hoc probat Philosophus ab exemplo Agamemnonis, qui cum maledictis ab Achille incessetur contumeliam illam ferebat patienter in concione populi, at postquam egressus est ad bellum hanc legem tulit.

*Quem longè à pugna ad naues discedere cernam,
Non volucrum effugiet morsus, rictusque voraces,
Mortis me penes arbitrium est & summa potestas.*

Quid multis? Laconica monarchia est imperium militare cum summa potestate vitæ ac necis: hoc imperium est tam utile, tam necessarium in omni republica, ut sine eo neque hostium fulmina dispelli, neque intestinæ seditionis semina funditis extirpari possint. Obseruandum hic est, quòd Aristoteles in textu doceat, reges in hac forma non solum potestatem vitæ ac necis, sed etiam rerum diuinarum religiosam quasi curam sibi mandatam habuisse; quasi diceret, bellici imperatores non omnia pro suo arbitrio agerent, iram & furorem (manes ipsius belli) semper ardere non permetterent, clamore hostis, effusione sanguinis semper non caperentur, hoc potius cogitarent se Deo vindici omnium subiectos esse, ut illius metu perculsi armis ad salutem, non autem ad perniciem iuste & religiose vterentur

Monarchia
Laconica,
Barbarica,
Asymmetia,
Heroica,
Pambasileia.

Monarchia
Laconica.

Homer. Iliad. 1.

Homer. Iliad. 2.

Rex Sparte præfuit rebus diuinis, bello gerendo.

Ira & furor
Manes belli

Religio in Bel
lo.

Cic. de off. lib.
1. & de senect.
2. Barbarica.
Discrimina
Monarchiæ
Tyrannicæ,
Barbaricæ.

Isocr. in Pan.

3. Aesymnetia.
Dictatura.

4. Heroica.

Vid. Pol. 5.
c. 10. Justin. l. 1.

utrentur. Religionem ais requiri in milite? rerumque diuinarum curam in Marte? Insanis protectio & deliras multum, confusio in bello, religio in pace uiuat. Antiquum obtines. Sed audi, bellum iustum esse debet: ergo religione non careret. Qui enim ad verum bonum ciuitatis tendit, si à perenni fonte bonorum omnium penitus declinet? Sancta olim apud ethnicos iura belli, firma & inuiolata pacis fuerunt fœdera. Sed (Deus bone) ubi religio Reguli, qui potius quam fidem hosti violaret, ad hostis dira tormenta se reciperet? Secunda species monarchiæ Barbarica dicitur, herili imperio admodum similis & cognata. A tyrannide hæc in tribus maximè differt, primum quia inuitis non imponitur, secundò quia in ea secundum leges uiuitur, tertio quia rex non ut tyrannus à suis defenditur. Primum probat Philosophus exemplo Asianorum, qui seruilioribus ingenijs nati, herile imperium facilius quam Europæi ferunt; & certè multi ita sunt à natura ad duram seruitutem constituti, ut quamuis seuerius aliquando tractentur, morem tamen suis dominis sine omni grunnitu murmureque gerant. Sic olim Persæ, sic hodie Moscouitæ sub suo rege uiuunt, non inuiti ei obtemperant, non inuiti mores legesque patriæ obseruant, non inuiti personam sui regis satellitio defendunt: at in tyrannide contrà hæc omnia fiunt: à tyrannide ergò hæc species regni naturà differt. Tertia monarchiæ species Aesymnetia dicta uenit definitur imperium suffragio concessum & confirmatum. Distinguitur à barbarico, quòd illud iure hæreditario traditur, hoc verò suffragio demandatur. Sic olim Mitylenæi insulares illi Pittacum vnum è septem sapientibus contra exules suum regem elegerunt, quem postea ut hîc scribit Arist. Alcæus poeta & Antimenides furiosis carminibus irriserunt. Quarta regalis imperij species est heroica, quæ administratio heroum temporibus per successionem, ut ius hæreditarium floruit. Huius imperij primas causas opinione sua recenset Philosophus, nempe magnificentiam in collocandis multis beneficijs, sapientiam in nouis excogitandis sciencijs, amicitiam in propulsandis hostibus, prudentiam in dis-

persis

persis congregandis hominibus: nam cum principio rerum excellentes & egregij viri optinè de populo sint meriti, aut artes inueniendo, aut ab iniurijs hostium defendendo, aut barbaros & more belluarum vagantes in mænia & vrbes congregando, factum est ut illis illorumque propagini regna in perpetuum concederentur. Hinc Saturnus, Iupiter, Hercules, Apollo, Bacchus, Minerva & Ceres inter deos deasque antiquitus numerati sunt: non ob aliam ut opinor causam quam quòd inuentis suis vestigia perennis memoriæ posteritati reliquerint. Sed quid prophanas historias quæro? Legimus in sacris literis Nimrod alià viâ sibi procurasse imperium; venator enim robustus fuit, populosque vi & armis sceptra subegit. Sequitur in textu descriptio earum rerum quæ ad hunc statum heroici imperij pertinebant: primum requirebatur ut summam authoritatem in rebus bellicis obtinerent, secundò ut sacrificiorum quorundam curam susciperent, tertio ut quædam sacra sacerdotibus permitterent, postremo ut iurati in rempub. sanctè & religiosè officium obseruarent. Sed ut aliquid hinc fructus consequamur, pauca de his quatuor dicam, primum sanè optandum est ut rex heroico spiritu fortitudinis suam patriam defendat, ut inuictò animo hostem inuadat, ut intrepida manu sceleratos accessitiosos in ciuitate feriat; si Hannibal ad portas pulset opus est ut lacertis Scipio, si Catilina in vrbe maneat opus est ut verbis disertis Cicero animosè pugnet. Tum ciues in hostem ferociter volant cum suum regem fortiter pugnantem vident; in pace prudentia, in bello regia fortitudo cernitur. Ut ergo reges in pace quietis palmam habent: ita in bello rerum maximarum curam sustinere debent. De sacrificijs quæ

Gen. cap. 10.

Quatuor ob-
seruanda.
1. Fortitudo in
rebus bellicis.

2. Sacrificia.

cris

3. Sacra Sa-
cerdotibus
permiffa.
2. Chron. cap.
26. 19.
Leuit cap. 10.
Reges gerunt
curā Eccleſie.
Iſaie. cap. 49.
Daniel. c. 5. 5.
2. Mac. 3. 25.

4. Iuramenta.

5. Pambafilea.

cris quæ ad ſacerdotes & non ad reges pertinent? Profecto
neſcio; illud tamen ſcio in Ozia fronte leprâ apparuiſſe, qui
cum rex eſſet, vt ſacerdos tamen incenſum obtulit. Nadab &
Abihu noua thuribula obtulerunt, ſed dehiſcente terrâ (hor-
rendum eſt dictu) viui ad inferos ceciderunt. Meminerint re-
ges, meminerint (inquam) Cæſares ſe non ſolum politicæ ci-
uitatis, ſed etiam cæleſtis regni, id eſt eccleſiæ curam com-
miſſam ſibi habere; & vt illius ab Ariſt. patres; ita huius à do-
mino nutritij & nutrices dicuntur. Si conſeruent, ſi alant, offi-
cium præſtant; ſi verò ſpolient & expilēt, manum quam Bal-
thaſar vidit in pariete, equum quem Heliodorus ſenſit in aere
ante oculos ponant. ſuaſq; manus & oculos à conſecratis deo
penitus remoueāt. Nam vetus illud eſt: Quæ ſemel deo con-
ſecrantur, in humanos vſus cōuertī non debent. Poſtremū q̃
hoc loco obſeruandum ponitur, eſt quod reges olim iurati in
regnum fuerint. Sceptrum regale virgula iuſtitiæ eſt, non ſig-
num inanis gloriæ. Qui ſceptrum capit regnum habet, qui
regnum habet ſphæram grandem in dextra tenet, vt verò
iuſtè teneat, ciuitas à rege ſacrum iuramentum poſtulat, hoc
autem idcirco facit, vt non tam potentia quàm conſcientia
in ciuitate imperet. Attendant ergo Cæſares, ſi in priuato
conſcientia inali ſit mille teſtes, quot furias in animo ſentiet
magiſtratus, ſi iuramentum quo obſtringitur ciuitati omni-
nò negligat & contemnat? Si bona ciuitatis, ſi iura, ſi leges
violet? Priuatorum facinora merentur crucem: ergo Cæſa-
rum flagitia merentur gehennam. De quinta ſpecie monar-
chiæ, quæ Pambafilea dicitur, proximo capite agit Philoſo-
phus: hanc autem per ſe tractat, & quia perſpicua eſt, & quia
aliæ quæſtiones ad eam ſpectant, quæ huius capitis circuitu
facile comprehendī non poſſunt.

Diſtinctio quæſtionis.

Potentia re- gum eſt aut	{	Abſoluta & libera, quæ rex in ciuitate vt pater in do- mo regnat, & hæc vel iuſta Pambafilea, vel propè ad ty- rannidem accedens Barbarica dicitur.		} appellatur.
		Circūſcrip- ta, quæ eſt aut	Militaris, quæ Laconica	
			Popularis, quæ Aſymmetia	
			Ciuilis, quæ heroica	

Opp.

Opp. Laconica & abſoluta adminiſtrationis forma ſunt vera
ſpecies monarchia, vt poſtea docet Philoſophus: ergo non eſt iſta ve-
ra diuiſio.

Reſp. Non defendimus hanc diuiſionem eſſe generis in veras ſpe-
cies, ſed vt antea diximus analogi in ſua ſignificata, quæ modum &
rationem ſpecierum habent.

Opp. Barbarica adminiſtratio tyrannis eſt: ergo monarchia ſpe- Pol. 4. cap. 10.
cies dici non debet. Antecedens probatur, quia Barbari reges ſuos
ciues vt ſeruos tractant. Argumentum tenet, quia monarchia &
tyrannis naturā differunt.

Reſp. Per Barbaricam adminiſtrationē hoc loco non immanitas Quid Barbari
& furor tyranni, ſed authoritas regis ſeueri intelligitur. Multi re- ca admini-
ges hodie ſeuerius cum ſuis agunt, idq; politicè & ſapienter: nam ſi ſtratio.
gentes quas regunt propenſa ſunt ad barbariem licentiamq; morū,
vt apud Indos & Perſas, multum proculdubio populus contumax
& rebellis fiet, ſi nullum ſeueritatis ingum & legem teneat.

Opp. Barbarica adminiſtratio & popularis illa quæ Aſymmetia
dicitur in nullo diſtinguuntur: ergo vt ſpecies monarchia diſtincta
non rectè assignantur. Antecedens probatur, quia reges in vtroq;
genere earundem rerum curam habent, nempe bellicarum & diui-
narum, vt in textu patet.

Reſp. Hæc duogenera pluribus differunt quàm hoc argumen- Diſtinctio
tum docet, nam Barbarica adminiſtratio hereditaria, Aſymmetia. Monarchiæ
verò voluntaria dicitur: illa quoque perpetua, hæc ſolum ad tempus Barbaricæ &
manet; illa res omnes in ciuitate, hæc ſolum res definitas (vt olim di- Aſymmetiæ.
ſtatura apud Romanos) tractat. Dion Halicar.

Opp. Cauſa monarchiæ heroica non rectè enumerantur: ergo
male de illa ſpecie diſputauit Philoſophus. Antecedens probatur,
quia vt Iuſtinus ſcribit, non ſapientia, non ſanor populi, non amici- Iuſtin. lib. 1.
tia, ſed ambitio, vis & furor magnorum hominum genuerunt im-
peria.

Reſp. Ariſtoteles enumerat iuſtas non iniuſtas cauſas imperij,
ſatendum quidem eſt primos olim reges (vt ait Iuſtinus) ſuis proprijs Cauſæ impe-
poſſeſſionibus non fuiſſe contentos: hinc Ninus Aſſyriorum rex am- riorum.
bitioſus primum bellum geſſit primumq; impreſſit nummum, qua Iuſtin. lib. 1.
Zoraſtrem & Indos vulnerauit: quo vniuerſum mundum turpi-
ter

ter corruptit, verendum sanè est ne vi & pecuniâ plura tententur, quam iustioribus medijs comparentur imperia.

Dubium.

An rex necis & vitæ potentiam in suos ciues habeat?

Rom. 13.
Truncus Rex
inter Ranas.

DISTRICTVM gladium rex suâ dextrâ tenet : at quorsum quæso si nullam vitæ, si nullam mortis potentiam in suos ciues habeat? Quid? an rex inter ciues vt truncus inter ranas viuit? An lictores, secures, gladios, cruces, tormenta habet vt multi seditiosi in ciuitate viuant? Certè ita non est, nam rex non inaniter suum gladium gerit, sed ita gerit vt non boni sed mali, non tamen omnes mali sed seditiosi bonoq; communi ciuitatis infesti aciem istius gladij sentiant. Sunt enim ciues mali qui sibi nocent, vt inuidi, qui legis penâ plecterentur: sunt ciues mali qui alios lædunt, vt seditiosi, qui regis hoc gladio tollerentur. Vis hæc vt probem? Sic paucis accipe. Partes putridæ totius corporis abscindi debent: ergo flagitiosi ciues. Argumentum probo, quia vt partes sunt regis spectu corporis: ita ciues sunt respectu ciuitatis. Si ergo medico liceat partes corporis obtruncare, multò magis principi licebit perniciosos ciues occidere. Præterea id licitum est quod recta ratio & iustitia iubent: sed recta ratio & iustitia iubent vt mali è medio tollantur: ergo malos è medio tollere est licitum. Assumptio probatur, quia ratio & iustitia maximè iubent vt communi bono ciuitatis consulatur, quod fieri non potest si insigniter mali in ciuitate viuant. Postremò belluas licet occidere; ergo etiam & seditiosos ciues. Ratio sequitur, quia ferocitas peccati omnem vsum rationis tollit, hominesq; belluis deteriores facit. Si ergo belluas occidere liceat ad vsum hominis, facinorosos licebit condemnare ad salutem ciuitatis. Huc addi potest quòd sacra philosophia hoc ipsum iubeat, nam aliter quorsum in sacris diceretur, maleficos non patieris viuere, & iterum: obedite regi, nam frustra gladium non gerit? Exempla in hac re non desiderantur, nam vbiq; gentium in omni imperio districtus hic gladius

Gladium
principi strin-
gendum rat. 4.

Seditiosi pro-
ditores belluis
piores.

Rom. cap. 13.

us viuit. At dices, quid hæc ad Arist. Multū sanè: nam in textu ait. Rex vitæ & necis potestatem habet. Hæc ergo scripsi vt nō solum hanc potestatem habere, sed iure eandem vindicare posse argumentis probem. Quid? an solum reges hanc potestatem habent? Respondeo vi sua & per se habere. Cur ergo iudices alijq; magistratus hoc ipsum agunt? Respondeo, quia eandem auctoritatem à regibus concessam habent. Dic quæso, non licet priuatis aliquandò suos hostes occidere? Certè non licet. Quid si videas proditorem insidiantem principi, non licet occidere? Licet; quī hæc coherent? rectè: tum enim non vt priuatus homo de hoste meo, sed vt magistratus de hoste ciuitatis supplicium sumo. Expedi hoc vnum. Quid illud est? Si quis seipsum cedat, est hoc iniustum? Est certè. Rationem redde. Ratio in promptu est, quia sine ordine iustitiæ ciuitatis membrum partemq; tollit. Placet mihi valdè hæc tua conclusio, nempè quòd principes necis potestatem in malos habeant, quodq; nec priuatis vt suos hostes, nec desperatis vt seipsos occidant vllò modo licere putes.

Distinctio.

Quòd necis potestas penes regem sit probatur

- A similitudine partium amputandarum à corpore.
- Ab interitu ciuili boni, si mali permittantur viuere.
- A comparatione illorum cum belluis.
- A testimonio diuinæ philosophiæ. quæ malos è medio tolli & extirpari iubet.

Opp. *Quicquid est causa mali est quoq; ipsum malum: sed dare regibus potestatem necis est causa mali: ergo dare regibus potestatem necis est quoq; ipsum malum.* Maior tenet à loco topico. *Qualis causa talis effectus in bonis & malis.* Minor probatur, quia regem crudelem & tyrannum reddit, vt leuissimis de causis insensu suos ciues feriat.

Resp.

Potestas necis considerata duobus modis, vel

- Simpliciter, & sic non est regibus concessa, nam non licet regi quem vult & quando placet occidere.
- Cum conditione, & ad hanc potestatem requiruntur

- Iusta accusatio.
- Aperta conuictio.
- Magna in remp. offensio. (natio.
- Deliberatum iudicii seu condē-

Potestas necis duplex. Ad pœnam requisita.

T Opp.

Opp. Quicquid repugnat diuina iustitia approbari non debet ut bonum: sed talis potestas vitæ ac necis repugnat diuina iustitia: ergo talis potestas approbari non debet ut bonum. Maior patet, quia vera bona humana à prima veritate bonoq; incommutabili fluunt, eoq; tendunt & reuertuntur. Minor probatur, quia primum bonum omnibus rebus esse & bene esse dedit, idq; conseruat (ut docent Philosophi) & non deperdit.

Causa penæ
in homine, nō
in deo.
Diuinæ iusti-
tie consonum,
malos tollere.

Resp. A prima veritate bonoq; summo omnis humana veritatis ac bonitatis perfectio fluit, eoq; (ut ais) reuertetur: id quoq; agnoscimus, primam causam rebus omnibus essentiam eiusdemq; conseruationem indulsisse, non tamen sequitur quin homo ab hac veritate & bonitate declinās iuste ut deo ac ciuitati infestus puniatur. Causa ergo istius mali non est in deo qui dat esse & bene esse, sed est in homine qui esse suum in non esse, bonum in malum commutauit: non est igitur contrariū sed potius consonū diuina iustitia malos e medio tollere.

Opp. Quod per se malum est non licet: sed hominem interficere est per se malum: ergo non licet. Minor probatur quia hominem interficere est optimum natura opus & effectum corrumpere, quod per se malum esse videtur.

Malum occi-
dere homini
malum, ciui-
tati bonum.

Resp. Hominem occidere est per se malum, sed perniciosum hominem tollere est ciuitatis quidem bonum. Iudex non hominem sed vitium extirpare contendit, sed cum in multis hoc fieri non potest sine nece corporis, sapienter præscriptum est ut potius pars una pereat quam ut totum præceptum in discrimen ruat.

Ezech. cap. 18.

Opp. Hæc potestas est contra charitatem: ergo non est licita. Antecedens probatur, quia charitatis affectio ardens est & omnes diligit, cuius vox est, nolo mortem peccatoris sed potius ut conuertatur & viuat. Si Christus peccatores mori noluerit, cur princeps, imago Christi, tot ciues perderet?

Charitatis
affectio.
Matt. 13. 30.

Resp. Ludis, nam et si charitatis affectio se ad omnes diffundat, suaq; vi non aliter quam ignis singulos in se contendat vertere, recte tamen cum hoc affectu seueritas iustitia constet & copuletur; nam charitas illa qua permisit zizania usq; ad messē crescere, iussit messores suos eadem flammis tandem consumere. Quare et si Christus mortem ad tempus differat expectans penitentiam, si tamen non sequatur grauius morte preparabit supplicium.

CAP.

CAP. XI.

Utrum ciuitas melius ab optimo rege quam ab optima lege administraretur?

An rex potius successione quam electione sit creandus?



VINque in hoc cap. proponuntur, Cap. diuisio enumeratio eorū quæ anrè de for- in 5. partes. inis reip. dicuntur, optima ciuitatis administratio, defectio legis, successio principis, eiusdēq; fidelis conseruatio. Enumeratio in frōte huius ca. aperta est, nempè quod constet monarchiæ esse 5. species, quarum prima heroica, altera Barbarica, 3. ty-

rannis quadam in electione multitudinis constituta, 4. Laconica quæ erat perennis quasi dictatura, postrema verè regia quæ quodāmodo paterna & domestica appellari potest. Hæc omnia genera ad duo reducit, nimirū ad hoc vltimū in quo plena potestas imperatoris cernitur, & ad Laconicū, in quo an dux perpetuus sit vtilis ciuitati quæritur. Hæc enumerationē sequitur optima administratio, de qua mouetur hæc quæstio, an melius ab optimo rege quam ab optima lege gubernetur respub. Primum arguit contra administrationē legis, quæ solum vniuersim de rebus loquitur. 2. arguit contra administrationem regis, qui plerumque affectibus vincitur ac superatur; quare ut lex gubernare non debet quia deficit in singulis: ita rex gubernare non debet quia perturbationum faculis inflammatur. 3. quod proponitur est defectio legis, in quo loco quæritur, An vnus vel plurium autoritate legū defectiones melius resarciatur. Melius per plures quam per vnum probat, & quia populus plus videt quam vnus, & quia multitudo incorruptior quam vnus manet. Quartum quod in hoc capite tractatur est successio regis, vbi mouetur hoc dubiū, vtrū electione potius quā successionē sit creandus princeps. Contra successionē in primis disputat,

Pambasileia
similis familie

De admini-
stratione.
Prima quæst.
Eth. 5. cap. 10.
Pol 3. cap. 7.
& 12.

De legis sup-
plemento.

Vid. Pol. 3. c. 7.
De successio-
ne.

Vid. Oforium
de reg. lib. 3. &
Sebast. Fox. de
reg. lib. 3.

T 2

tat,

De praesidio.

Prima quaest.

Magistratus
Mutus, Lo-
quens.Pro rege ra-
tiones. 6.

Pol. 2. cap. 6.

Plato in poli-
tico.
Medici & Re-
gis compa-
ratio.Ex arte sem-
per imperare
solum.

tat, docetque esse valde periculosum ut ciuitas à successio-
ne regum dependeat. Verba Philosophi hæc sunt, Si nascan-
tur filij patri dissimiles ac degeneres perniciosum est eos
regnare. Postremum quod hic agitur est, regis per suos
satellites utilis custodia, quæ ideo instituta est ut contu-
maciter iustum imperium recusantes coerceantur, & he-
roicæ personæ regum habeantur in tuto. Hactenus de
expositione textus, nunc ad quaestiones fusiùs tractandas
venio: prima est, An ciuitas melius ab optimo rege quàm
ab optima lege gubernetur. Video hic quosdam inter-
pretes acerrimè inter se digladiantes de hac causa, quo-
rum alij tutius à bono principe, alij melius à bonis legi-
bus rempublicam administrari putant; sed somnia omitto,
argumenta quaero, & sanè ut vno quasi ictu scopum attin-
gam, nullam comparisonem inter mutum & loquen-
tem magistratum, hoc est inter regem & legem video.
Quid enim lux aliud est quàm mutus magistratus, quid
rex aliud quàm lex loquens & quasi ciuitatis anima? & ut
norma nihil potest sine artifice: ita lex nihil potest sine rege,
quippe prudentia regis moderatur legem. Sed hoc argu-
mentis probo, quorum primum à defectu legis ad hunc mo-
dum ducitur. Lex solum vniuersim loquitur, & sæpe in re-
bus singulis, contingentibus & futuris deficit: ergo lex non
est optima moderatrix ciuitatis: quo dato sequitur longè
melius ab optimo rege quàm ab optima lege rempub. ad-
ministrari. Alterum argumentum est à simili, nam ut medi-
cus non est ita iuratus in singula præcepta artis, quin ali-
quando pro sua prudentia agat: ita moderator ciuitatis
non est ita astrictus legibus, quin sæpe pro suo arbitrio in
ciuitate regat. Quippe ut ars medica, ita lex politica so-
lùm vniuersa præscripta tradit. Quare ut medici multos
perderent si solum sequerentur artem: ita reges rem-
publicam labefactarent si solum sequerentur legem. Con-
cludo igitur, sicut melius est prudentem medicum quàm
artem consulere, si sanitatem: ita melius est sapientem
principem quàm legem consulere, si ciuitatem spestes.

Tertia

Tertia ratio naturam & officium vtriusque docet, nam lex Lex muta
est solum muta regula rationis, & princeps est lux & vita regula.
ciuitatis: ergo multò rectius à bono principe quàm ab op-
tima lege respublica gubernatur. Quartum argumentum
sic se habet. Ciuitas rectè administrari potest sine lege,
at sine magistratu non potest: ergo melius à rege guber-
natur. Quintum argumentum est respectu ciuis, qui ma-
gis regi quàm legi seruit, quis enim scriptum timet? Quis
sceptrum regis non veretur? Lex gladium non habet quo
percutiat, at rex habet quo putrida ciuitatis membra par-
tesque corruptas tollat: est ergo melior ciuitatis in vno
rege quàm in multis legibus moderatio. Postremò lex à
principe vim suam & authoritatem habet, non princeps
à lege: ergo melius ciuitatem princeps quàm lex guber-
nat. At dicis, Aristoteles in textu contra hæc omnia argu-
it. Scio, sed ea quæ disputata sunt pro argumentis contra
quaestionem adhibebo. Nunc autem ad alteram quaesti-
onem (quæ est, An rex potius successione quàm electi-
one adsciscatur?) explicandam venio: & certè ut paucis
hanc rem attingam, principem successione constituen-
dum esse planè res ipsa loquitur. Hoc autem probatur
tribus modis, nempe ex parte regis, ex parte successoris,
ex parte ciuitatis, quæ tria in longè meliore conditione
futura sunt, si filius patri in regno succedat, quàm si ele-
ctione alius creetur princeps. Ex parte regis sic probo, 1. Ex parte
quia si rex norit filium sibi heredem futurum eò diligen-
tius ipse (naturâ impellente) curat omnia, putatque (si fili-
um in solio regis maiestatis relinquat) id ipsum ad se suum-
que nomen pertinere. His stimulis quasi commotus (vide-
licet naturæ, gloriæ, virtutis) sollicitè admodum suum scep-
trum tenet, regnum opibus honoribusque ornat, leges
sanctissimas iustissimasque condit, mores populi ad obe-
dientiam pacemque fingit, nullum non denique lapidem
mouet, ut omnia in ciuitate (tanquam propria) suo filio tra-
dat; quod si aliter fieret, spes successionis tolleretur, negli-
gentius oscitantiùsque tractarentur omnia: nam quis mor-
talium

T 3

2. Ex parte
Successoris.

Educatio nobilium.

3. Ex parte ciuitatis.

talium tam amicè ignotis quàm suis in possessione regni prouideret? Ex parte successoris, quòd melius sit hoc modo rempublicam administrari, ratio sic suadet. Nam filius cum ab ipsis incunabulis regno sit destinatus omni curà ac diligentia enutritur, ardenti studio parentum ad castitatem vitæ, ad veram gloriam, ad prudentiam rerum instituitur: his modis instructus mortuo patre sceptrum religiosè tenet, honore tanto oblato non intumescit, regnum ut ius suum legibus defendit. O quàm optandum esset ut reges suos Regulos sic hodie instituerent! Natura mouet, prouidentia iubet, respublica postulat ut sic instituerent: indulgentia nimia est nostrorum temporum, libertas nimia: quanta, Deus bone, est mollicies in educatione procerum? Quanta licentia morum? Hinc fit quòd accepto regno regum filij veluti nouo & inspirato honore intumescant, hinc fit quòd ij non aliter quàm qui inopinatò ad tantum fastigium euehantur, leges violent, gazas ciuitatis expilent, ciues oppressione vulnerent, rerumque omnium sepe periculosa naufragia faciant. Sed hic non de facto sed de iure disputo, nam si id fieret quod deberet fieri, hæc certè nullo modo euenirent. Postrema ratio est ex parte ciuitatis, in qua nulla maior est pestis quàm seditio, quæ inter nobiles propter magistratus euenit: at hæc in iusta successione nulla est, quippè natura quasi digito successorem demonstrans omnem litem tollit, ambitionis fomites extinguit, tragicos histriones à theatro ciuitatis penitus expellit: at in electione cupiditas & libido dominandi regnant, perpetuas flammæ seditionis mouent, factiones alunt, ciuitatem in partes distrahunt, vrunt conscientias ciuium, peruertunt leges, corrumpunt mores, hostibus se tradunt, ciuitatem produnt, vi, armis, insidijs deuant omnia. Ex omni ergo iam parte liquet melius esse ut patri in regno filius succedat, quàm ut alius eligatur princeps. Huc addi possunt exempla gentium, series & annales temporum, in quibus consuetudo perpetua maiorum successionem magis quàm electionem probat. Nihil

hic

hic dicam de sacris literis in quibus successio approbatur, nam à Dauide ad Christum successio mansit. Huc quidam ad successionem in regno quatuor cautiones postulant, nempe ut fæmina, ut peregrinus, ut deformis corpore, ut spurius non succedant: in duabus ex his cautionibus rectè & sapienter, in alijs ineptè & ignoranter agunt. Nam de successione fæminæ quis dubitat, cum tot exempla maiorum, tot sacræ leges, tot historiæ tam humanæ quàm diuinæ fæminarum successionem ut iustam & legitimam nobis approbarint? Romani tulerunt legem ut fæminæ parentibus in iure hæreditario non succederent, sed beatus Augustinus hanc legem in tertio de ciuitate Dei, ut iniustam & contra naturam reijcit, adfertque exemplum de filiabus Salphat quæ iussu domini ut legitimæ hæredes suis parentibus successerunt. Sed de hac causa satis in primo libro Politicorum diximus. Alteram quoque conditionem in qua requirunt ut corpore imperfectus non succedat, quis est tam imprudens qui admittat? Nam etsi optandum est ut reges in compositione corporis alios (ut Saul ille suos fratres) superent, si tamen non superent causa iusta satis non est ut à possessione sceptri pellantur. Nam ut sub sordida veste aliquando magna sapientia: ita sub illiberali specie corporis magna vis mentis & virtutis lucet. Lacedæmonij olim statuerunt ut claudus in regnum non admitteretur, at tandem hoc verum esse senserunt, quòd melius sit regem quàm regnum claudicare. Absolon omnes suâ formâ vicit, at Absolon mentem vitiosam habuit: non ergo in fronte sed in mente formosæ virtutes sedent. Alias duas cautelâs libenter fero, nempe ut neque peregrinus, neque spurius regibus succedant: nam in altero grande periculum, in altero magnum indecorum inest; quid quæso maiorem pestem in ciuitate gignit quàm peregrini successio? Quid maiorem labem quàm spuriarum administratio? Peregrinus enim ad natale solum animum intendit, spurius sibi magis plerumque quàm regno consulit.

Successionis cautiones 4.

Successio fæminæ probatur.

Numeri cap. 27.

Pol. 7. cap. 14.

1. Sam. 9. 2.

Cic. Tusc. qu.

3. ex Cæcilio.

Plut. in A-

gesilao.

Melius est

regem quàm

regnum clau-

dicare.

2. Sam. 14. 25.

Reijcitur

Successio

Peregrini

Spurij.

T 4

Distinctio

Distinctio primæ quæstionis.

Utrum melius ab optimo rege quam ab optima lege res publica administretur?

Melius ad-
ministra-
tur ciuitas
à rege
propter

Defectionem legis, quæ res omnes contingentes rerumque futurarum euentu non cernit.
Experienciâ regis, qui defectiones legû & errata corrigit.
Prudentiam ciuitatis, quæ magistratum non solum vt regulam sed vt animam requirit.
Inconstantiam ciuium rerumque vicissitudines, quæ nouas leges quotidie & instituta postulant.
Obedientiam facilem, quam ciues principibus potius quam legibus persoluunt.
Authoritatem, quam leges à principibus, non principes à legibus recipiunt.

Pol. 2. cap. 8.
lib. 3. cap. 12.

Opp. *Quicquid affectibus caret melius ciuitatē regit quā illud quod affectibus agitur: sed lex caret affectibus: ergo lex melius ciuitatem regit. Maior constat, quia affectus cum sint motus animæ appetentis sub specie boni, aciem rationis retundunt, iudiciumque rectum impediunt plurimum.*

Lex non lo-
quitur sine
voce magi-
stratus.

Resp. *Illa vacuitas affectus in lege, regis providentiâ compensatur. Prætereà licet affectus lenior in magistratum cadat, virtus efficacior tamen officij manet. Vt ergo gladius non ferit sine manu hominis; ita lex non loquitur sine voce magistratus: quare et si lex sit incorruptior rege si affectum, est tamen in administratione ineptior si principatum spectes.*

Opp. *Regula iustitiæ ciuitatem reget ut est in 5. Ethicorum: sed lex est regula iustitiæ: ergo lex ciuitatem reget.*

Resp. *Regitur ciuitas bisariam, aut primariò, & sic à rege; aut minis primariò, & ut aiunt instrumentaliter, & sic à lege regitur. Est enim rex principium, est lex instrumentum ciuitatis.*

Opp. *Lex iustior est rege: ergo lex gubernat. Antecedens probatur, quia lex est nihil aliud quàm vox aut norma iustitiæ.*

Lex iusta vt v-
rina sana.

Resp. *Lex appellatur iusta vt vrina sana, vox quidem iustitiæ est, sed non aliter quàm Echo per reflexû vocis, quæ à magistratu editur; norma est quoque (vt ais) iustitiæ, sed iusta non aliter quàm iusta mensura dicitur.*

Opp. *Principes legum solû ministri & custodes ab Arist. dicuntur: ergo in administratione ciuitatis principatû legibus videtur dedisse.*

Resp.

Resp. *Ratio non sequitur, quia reges ministri & custodes legum dicuntur, non quod subseruiant, sed quod earum vires ad honorem ciuitatis utilitatemque, ciuium accommodent & exequantur: ministri, quia voces legum exponunt, custodes quia illas elingues elumbesque gladio defendunt.*

Reges mini-
stri & custo-
des legum.

Distinctio secundæ quæstionis:

An rex potius successione quam electione sit inaugurandus?

Natura, quæ certum hæredem regni digito quasi demonstrans omnes seditionis occasiones tollit.
Experientia maiorum, quæ successionem per multas ætates & nationes vt meliorem recepit.
Successio-
nē nobili-
orem esse
suadent

Utilitas

Regis, qui cognito hærede maiorem curam ciuitatis gerit.
Successoris, qui ad expectatû imperiû veniēs min⁹ insolescit, minusque suos ciues premit.
Ciuitatis, quæ naturali instinctu magis insitis quā assumptis regibus obtèperare cupit.
Lex diuina, quæ successionem magis quàm electionem in Leuitis & regibus approbavit.

Pro successio-
ne 6.

Opp. *Reges (vt antea docuit Philosophus) absolutè boni esse debent: sed hac perfectio virtutis certius per electionem quàm per successionem acquiritur: ergo electio magis quàm successio approbanda videtur. Minor probatur, quia vt habet Arist. secundo libro Rhetorices, nobiles multi à parentibus suis degenerant, & in deteriores mores prolabantur; at in tota multitudine instar mon-
stri est, si unum studiosum & prudentem virum non inuenias.*

Hoc. cap.

Rhet. lib. 2.
cap. 30.

Successio bi-
partita est,

Simplex, quæ sine vlla suffragatione populi aut ciuitatis consensu est, & hec in tyrannide exercetur.
Composita, quæ præter ius naturæ sanguinis, consensum ciuitatis, directionem legis, iuramentum, consilium, aliasque ceremonias admittit; & hæc est omni electione eo melior quo certior, eo tutior quo multorum sapientiâ & consilio efficacior redditur.

Successio
Simplex,
Composita.

Opp. *Quicquid sit secundum virtutem melius est eo quod sit secundum naturam: sed electio fit secundum virtutem, successio verò secundum naturam: ergo electio est successione melior. Maior probatur, quia virtus est perfectior naturæ vt est in Ethicis. Minor constat, quia electio fit secundum prudentiam, quæ est omnium virtutû nobilissima: at successio fit secundum naturam quæ est debilis & incerta.*

Eth. 2. cap. 3.

T 5

Resp.

Natura virtute non incertior.

Resp. *Quamuis natura aliquando sit imperfectior virtute; incertior tamen non est. Præterea respondemus non solum naturam sed etiam virtutem, non sortem sed prudentiam in successione composita spectari, quippe ad hanc populi consensus optimorumque senatus requiritur.*

Opp. *Quicquid spem aditumque regni multitudini intercludit est & iniustum & periculosum: sed successio spem aditumque regni multitudini intercludit: ergo successio est iniusta & periculosa. Maior constat, quia multitudo (ut docet Philosophus) quovis una & melior & prudentior habetur.*

Pol. 3. cap. 7.

Resp. *Hic non de illis quæ fieri non possunt, sed de his quæ possunt fieri disputamus: fatemur totam multitudinem collectim sumptam quovis uno & meliorem & prudentiorem esse; at fieri non potest ut tota multitudo simul collecta regnet, necesse ergo fuit inire illam rationem ut unus regeret; hic autem unus rex est, cuius successio non intercludit aditum imperij populo, cum fructum imperij sollicitè & laboriosè communicat; sic labor regis est, at honor civitatis.*

Opp. *Athenienses, Lacedæmonij, Charthaginienses, Romani magna illa mundi lumina diu floruerunt: at isti omnes electione suorum Consulum & regum utebantur: ergo electio videtur esse nobilior.*

Electio ruinam peperit.

Resp. *Inductio ista non est satis firma cum generatim non concludat. Porro existimant historici electionem principum in hisce imperijs ipsorum ruinam peperisse.*

Opp. *Successio ab Arist. in fine huius capituli reijci videtur: ergo male secundum Aristotelem defenditur. Antecedens in textu patet, ubi ait perniciosum esse ut filij patri dissimiles regnum obtineant, hoc etiam addit quod tam cæcus sit amor parentum in suos filios, ut aliquando ineptos successores post se relinquunt.*

Resp. *Obiectio hæc est apud Philosophum disputandi causa suscepta, cuius facilis est solutio, si successionis distinctionem antea adductam spectes, in qua consensus civitatis & sapientum consilium ad regis administrationem requiruntur; ita rex si aliquando à bona aut vero defecerit per suos à consilio viros prudentius revocetur.*

Dubium.

An satellitium regibus sit necessarium?

Sacra

SACRA est persona regis, & sui præsidium necessario postulat: armati sunt multi ut inuadant hostem, at satellitibus succincti septique sunt reges ut propellant iniuriam: regnum certe quasi turris excelsa est in qua opes infinite reclusæ iacent, ad hanc arcem expugnandam certatim ambitiosi & seditiosi veniunt, huius custodem omni arte, fraude, maliciaque tentant; si igitur desit præsidium magna arcis ruina, maxima regum iactura sequitur; at reges oportet esse viros optimos quos nemo læderet, at regnum est esca quasi aurea quam sibi ambitiosus raperet. Ciues sufficiunt ad defendendum regem, verum est si præsentibus semper propulsarent hostem. Armati in bello non in pace viverent; armati in pace viuunt ne bellum æstuarer. Metum civibus satellites incutiunt; verum est malis ne reges percutiant. Natura abhorret ut vi & armis teneatur regnum; imò natura abhorret ut vi & armis tentetur imperium. Animatos ad tyrannidem efficit custodia; imò protegit reges ne fiat iniuria. Reges virtus non clypeus tegeret; recte virges, si comes virtutis & regni invidia non esset. Age satellitium regibus necessarium puto, at quantum hoc esse debet, & in quo ordine poni, adhuc non video. Facilis est istius dubitationis solutio, nam tantum esse debet quantum maiestas regis necessitasque civitatis postulat. Non enim hodiè nostris principibus tales custodes satellitesque comparare decet, quales olim Mitylenei suis Aesymnetis id est dictatoribus, qualesque Syracusani Dionysio suisque tyrannis concesserunt, scilicet ut quousque placet conferuent, & quando velint reges opprimant: sed ad nostrum satellitium requiruntur fides ne perfidi, fortitudo ne ignavi, vigilia ne oscitantes, robur corporis ne fugaces & tergiuersantes fiant. **Distinctio.**

Regnum turris est.

Amor incedit inermis, dormit armatus. Thom. Pontan.

In satellitio Fides, Fortitudo, Robur, Vigilia.

In satellitio spectatur	{	Necessitas, quæ est ut	{	Persona regum defendatur.
		Ordo, ad quem requiruntur		Metus malis iniiciatur.
				Iustitia floreat & conseruetur.
			{	Fides
			{	Fortitudo
			{	Labor
			{	Robur
				{Animi.
				{Corporis.

Opp.

Pol. 5. cap. 11.

Depravatio
mentis occa-
sio mali.Necessarium
Absolutè,
Respectuè.

Opp. *Occasio mali tollenda est in ciuitate: sed in satellitio est occasio mali: ergo est tollendū in ciuitate. Maior est Arist. quinto Ethicorum. Minor probatur, quia si rex affectibus astuaret, periculum est ne sic armatus ad tyrannidem se verteret.*


Resp. *Satellitium non est occasio mali sed deprauatio mentis: ut ergo non est tollendus gladius, quia Alexander furens transfixio Clitum: ita non est tollendum à regno presidium, et si malus princeps furiosum aliquando sequatur affectum.*

Opp. *Necessarium id est sine quo aliquid esse non potest: sed rex & regnum esse possunt sine satellitio: ergo satellitium non est necessarium. Minor constat in textu; ubi docet Philosophus Dionysium à Syracusanis postulasse presidium.*

Resp. *Aliquid est necessarium vel absolutè, ut causa sine qua res esse non potest: vel quodam respectu, ut affectio aliqua sine qua res bene esse non potest: & sic satellitium regibus necessarium ducitur qui tunc non viuunt sine subsidio.*

CAP XII.

Virum, quæ non sunt decisa lege magistratus arbitrio relinquuntur?

Regnum
Sphæra.

AE C vltima linea est quam noster Apellat hoc libro ducit: si circūflectas totā monarchiæ veluti sphæram & circumferentiam videas: in hac sphæra vnum centrum, multæ lineæ, motus æqualis inest. Per vnū centrum vnum regem, per multas lineas rectas leges, per motum æqualem iustam administrandi formam, per ipsam sphæram totam ciuitatem hoc loco intelligo. Centrum vnum sic rex, lineæ rectæ sic leges, motus æqualis sic administratio, sphæra rotunda sic ciuitas perfecta esse debet. Sed quid de hoc centro dicat Philosophus videamus, ordine percurram textum; primum institutum de quo rege loquitur ostendit, quare hic adhibenda est quædam distinctio,

ctio, quod nomen regis duobus modis accipiat, vel absolutè vel ex parte: Absolutè rex ille dicitur, qui imperium & in ciues & in leges tenet. Comparatè, qui restrictam auctoritatem habet, nominatim ut duces Dyrrachij & Opuntis, quæ duæ ciuitates plenam auctoritatem suis regibus (ut hic Aristoteles docet) non concesserunt. Hac distinctione facta regem absolutè non comparatè sumptum intelligendum proponit, de quo primum quærit, An in ciuitate ubi multi pares sunt æquum ac iustum haberi debeat ut vnus simpliciter præ ceteris imperium teneat? Vtrò citròq; de hac re disputat, & primum arguit hoc ipsum iniustum esse: nam sicut fit de veste & cibo, ita fieri debet de honoribus ciuitatis: sed cibus & vestis æqualibus darentur æquales: ergo honores eodem modo pares paribus cōcederentur. Hinc alia dubitatio nascitur, scilicet, An defectiones legum iudicio magistratuum sint relinquendæ. Requirit Philosophus in ciuitate & legem & magistratum, at si lex deficiat, magistratus iudicium & solertiam laudat: magistratus dico non hominis, nam homo inquit si ne lege est veluti immanis & truculenta fera: hinc refellitur illa similitudo artis quæ in priore capite adducta est pro principatu hominis. Nam ut certior est scientia medici quàm opinio, & ut de fide medici dubitantes requirimus ut potius secundum scientiam quàm ex arbitrio curet: ita gubernatores ciuitatis legem non aliter quàm medici artem sequerentur: Gubernatores ait, quia potius plures quàm vnum in defectibus & erratis curandis postulat: ad confirmationem huius rei Homerum introducit, qui in persona Agamemnonis plurimorum consilium approbavit: plurimorum consilium dico, nā aliter defectiones legum in rebus singulis commodè & sapienter resarci non possunt. His iam hinc inde disputatis ad vltimum nunc tandem venit, idq; concludit quod in votis est, nempe vnum eximiā virtute virum iure posse vendicare ciuitatis imperium, quod verò hoc ipsum antea negauerit, respectu non absolutè hoc ipsum fecit. Sed hactenus de textu, nunc ad propositam quæstionem vltius discutiendā venio, quæ est, An illa quæ non sunt decisa lege magistratus iudicio

Regis nomen
Absolutè, ex
parte.Quæstio pri-
ma.Contra mo-
narchiam.Quæstio se-
cunda.Magistratus
non homo.
Patri de reg.
lib. 8. tit. 5.

Iliad. 10.

Magistratus.

Defectio legis.

Pro magistraturat. 4.

Patri. de rep. lib. 1. tit. 5. & lib. 3. tit. 1. Floccus seu Fenestella in prefat. de potest. Rom.

iudicio relinquantur? Magna vis legis est, at maior autoritas magistratus; in lege via est, at in magistratu vita; sine lege ciuitas languescit, at sine magistratu perit: est enim lex regula quâ dirigitur, est magistratus anima qua conseruatur: si ergo lex aliquandò erret, relinquitur magistratui vt erratum corrigat. Sed quid est defectio legis? Quæ cura magistratus? Quæ ratio cur magistratus tantam auctoritatem vendicat? Defectio legis est lapsus humanæ prouidentiae, quæ in rebus singulis, contingentibus & futuris quodammodo cæcutiuit. Vetus est illud, Aliquando bonus dormitat Homerus. Nemo mortalium omnia tempora, mores, casus, euenta potest prospicere, fieri certè non potest vt mens Solonis omnes rerum vicissitudines, omnesq; mutationes morum præuideat: homo deus non est cui omnia præsentia simul. Quod cum ita sit, conuiuendum est si ipse Argus dormiat, si sapientissimus inter mortales erret; sit ergo prouidentiae error defectio legis, quæ si contingat alio nullo modo aptius corrigi & emendari potest quàm solo iudicio boni magistratus. Cura igitur magistratus in hoc consistit vt deficiente lege æquitatem sibi comitem asciscat, difficiles causas lege non decisas iuste & prouidenter discutiat, sententiam de re dubia non incertam & vacillantem ferat, eamq; pro lege in similibus euentis posteritati relinquat. Ratio cur magistratus tantam auctoritatem sibi concedi postulat confirmationem propositæ questionis in se comprehendit, quæ quidem consistit in quatuor argumentis, quorum primum à descriptione, secundum à similitudine, tertium à maiore, postremum à diuisione ducitur. A descriptione magistratus qui est interpret & moderator legis, quod certè fieri non potest si legem aut errantem aut deficientem non explanet, non moderetur; nam interpretis est sensum rei dextrè exponere, moderatoris verò errata defectionesq; corrigere & emendare: si ergo in ciuitate causæ difficiles casusq; incerti & ancipites occurrant, quæ non definiuntur legibus, non ad legem, quia non existit, sed ad magistratum, qui semper in puppi ciuitatis sedet, confugiendum erit, à quo vt ab Apollinis Tripode sententiâ æquitatis expectemus

expectemus. A similitudine hoc ipsum probatur. Nam vt deficiente ratione, quæ est lex naturæ, ad deum: ita rationis normâ deficiente, quæ est lex ciuitatis, ad ipsum magistratû confugimus; quippè vt medici defectus corporis: ita magistratus defectus legis & ciuitatis suppleant & sanant. A maiore hoc modo. Si sit in potestate magistratus leges condere, multo magis penes magistratum erit legis defectum corrigere & moderari: sed est in potestate magistratus leges condere: ergo multo magis penes magistratum erit defectus legum corrigere & moderari. Propositio constat à maiore ad minus. Assumptio probatur, quia leges nihil aliud sunt quàm decreta magistratus ciuitatis calculis approbata. Postrema ratio à diuisione suscepta sic se habet. Quod defectus legis relinquendi sunt vel populo vel magistratui: at populo relinquere non debent: ergo magistratui sunt relinquendi. Maior patet, quia inter populum & magistratum non est medium. Minor probatur, quia populum conuocare aut in senatum cogere ad omnem defectum legis sarcindum res quidem non tam absurda quàm difficilis videtur esse: absurda, quia quid stultius est, quid inconsideratius quàm in sexcentis casibus, quos leges non definiunt, multitudinem consulere? Difficilis, nam quid laboriosius est quàm de singulis erratis legum, quæ quotidie & ubiq; emergunt, populum ad nouum concilium congregare? Sapienter ergo Aristo. hoc loco concludit omnia & singula quæ non sunt decisa lege iudicio magistratus esse referenda. Nam vt cum morbus corporis nos vulnerat, ad solum medicum: ita cum defectus legis nos mouet, ad solum magistratum confugere oportet. Vt enim in medico est scientia & spes salutis: ita in magistratu est experientia & salus ciuitatis. Discant hinc principes quanta sit moles regni, discant se leges tanquam clauis suis manibus tenere, si rectè aperiunt ciuitatis portas pax & iustitia, sin male lis & discordia regnant. Traduntur clauis illorum manibus in signum potentiae, caueant ne timor; traduntur leges in signum iustitiæ, caueant ne furor regat: si clauis desint non vi sed arte sunt referendæ fores, si leges desint non vi sed arte sunt

Magistratus, Medicus. Plat. in Politico.

Apostrophe. Clauis ciuitatis.

Virgil.

sunt componendæ lites; vis diros tyrannos, ars veros magistratus decet. O magni Cæsares grande est onus imperij quod humeris sustineris, gloriola hæc vestra brevis est sed plena periculo, discite ergo prudentiam, discite iustitiam moniti: prudentiam ut illâ prædicti leges condere, iustitiam ut illâ ornati legum defectus tollere possitis; sit vita vestra lux ciuitatis, & honor regni splendor virtutis: gloria nulla est ut viuat Cæsar, at gloria magna est si Cæsar iustè viuat. Concludam verbo:

*Omnia Cæsar erat, sed gloria Cæsaris esse
Desuit, & tumultus vix erat octopedum.*

Distinctio.

Cic. de orat.
lib. I.

Quæ legibus nō sunt
decisa magistratus
iudicio sunt referēda

Quia magistratus officium est leges moderari, omnesq; defectus supplere.

Quia magistratus est oraculum ciuitatis, à quo ciues auxilium consiliumque in rebus dubijs petunt.

Quia magistratus auctoritatem habet condendi; ergo multò magis corrigendi legem.

Quia populus tam commodè & sapienter non potest hoc ipsum agere.

Opp. Antèpositum est ab Aristotele iudicium rerum ad populū pertinere: ergo malè hoc loco defenditur contrarium.

Resp. Contrarium hic non defenditur, nam iudicium sic pertinet ad populum, ut ciues iudices & magistratus fiant, non tamen ut in priuatis causis publicas sententias ferant: si ergo contingat aliquos ex multitudine ad dignitates ciuitatis promoueri, hi quidem actū possunt causas discernere nec non legum defectiones & errata corrigere.

Arist. de mun-
do ad Alex.

Opp. Aristoteles in præcedenti Cap. ait nihil faciendum esse regi sua voluntate, & in hoc Cap. hæc habet verba. Qui hominem iubet imperare addit & feram; quasi diceret, lex ut recta norma, homo ut truculēta & crudelis fera imperat. Ex his concludo defectus legum non esse homini relinquendos.

Resp

Resp. Non solum ait Philosophus in præcedenti Cap. nihil agendum esse regi pro sua voluntate, sed hoc etiam addit pro sua libidine; quasi diceret nō affectio sed ratio in magistratu regeret. Id ipsum ad alterum locum respondeo, quod per feram affectum non magistratum intelligat.

Opp. Defectio legis per magistratum non corrigitur sine ratione: ergo non sine lege. Argumentum probatur, quia ratio est lex natura ut est in quinto Ethicorum: & lex naturæ ratio, ut in primo de legibus.

Resp. Fallax est argumentum, nam mutatur sensus, quippè Philosophus legem ciuilem non naturalem intelligit.

Lex Ciuilis
Naturalis.

Opp. Periculosum est nouas leges constituere: sed quæ non sunt legibus decisa pro arbitrio magistratus definire, est nouas leges constituere: ergo periculosum est quæ non sunt legibus decisa magistratus iudicio definire. Maior est Aristotelis in quarto Politicorum. Minor probatur, quia decretum magistratus habetur pro lege.

Vid. Pol. a. c. 6.

Resp. Primum respondeo periculosum nō esse nouas leges constituere si legum defectu desiderentur nouæ; hoc quoque affirmo defectus legum resarcire non esse nouas leges constituere. Nam ut medicus qui morbum corporis tollit nouam sanitatem non introducit: ita magistratus qui legis defectum tollit nouas leges non constituit. Quod verò dicis decretum magistratus haberi pro lege, respondeo id verum esse si populi consensu approbetur.

Cic. pro Flac.

Opp. Aliquando contingit defectum legis esse in rebus quæ statum totius reipublicæ spectant: sed in tali defectu omnia magistratus iudicio relinquere est valdè periculosum: ergo omnia quæ non sunt decisa lege non sunt magistratus iudicio relinquenda.

Resp. Argumentū hoc est à secundum quid (ut aiunt) ad simpliciter, quippe non sequitur hoc tollendum esse omnino iudicium quia in tali defectu est periculosum. Præterea respondeo in tali quoque defectu magistratus auctoritatem maximè valere: nam etsi populus prabeat consensum, magistratus tamen rem totam definit suâque sententiâ absoluit consilium.

Laus Deo.

V


LIBER

LIBER QVARTVS.

CAP. I.

An politici sit reipublica optima species, differentias, vires, & leges describere, tametsi talis nusquam potest existere?

Refutantur
calumniato-
res Arist.



N iustam reprehensionem incurrit hic interpretes, qui Arist. in hoc & subsequentibus libris nugas egisse asserunt; certè (si quid talis in politicis præceptis habeam, quod sentio quàm sit exiguum) existimo tam nugas eum fugere, quàm qui res maximi ponderis scribere & demonstrare contendit; quippè iam penetralia ciuitatis resecat, arcana & veluti mysteria rerum publicarum referat, genera, formas, vires, conditiones, leges cuiusq; status & administrationis explicat; toto igitur corpore & omnibus (vt aiunt) viribus in hoc studium incubui, vt sicut in prioribus ita in his quoq; dilucidè nobis eloquatur Philosophus. Scio equidem, nec non libenter agnosco, multa in his libris esse densis circumfusa præcepta tenebris, scio etiam illum diu multumq; in re vna versari; in quorum altero obscuritas, in altero tædium inest; cæterum in rebus pulchris sciendi amor obscuritatem, studendi labor ipsum tædium tollet: hoc autem vt fiat certè ipse conabor, vt tam luce interpretationis, quàm multiplicis quæstionis varietate vtrumq; diminuat. Sed ad Philosophum iam exponendum accedo, qui postquam rempub. in rectam & non rectam diuiserat, vtriusq; species abundè satis explicuerat, ad alias nunc formas declarandas venit: & vt apertè agam, diuiditur hic liber in quatuor partes, quarum prima diuisionem rerumpub. in genere, secunda singulas partes eiusdem diuisionis, tertia inter omnes

Multa in Poli-
ticis obscura.

Pol. 3. c. 4. & 5.
Quatuor hu-
ius libri par-
tes.

CAP. I. Liber quartus.

omnes optimam ciuitatis formam, quarta vires in omni re publica necessarias, nempe consultandi, iudicandi, imperandi continet. In primo hoc capite demonstrat Philosophus quænam sint à politico in hac ciuili scientia perpendenda, vnde desumpta est hæc, quam suscepimus, quæstio, An politici sit, reipub. optimæ species, differentias, vires, & leges describere, tametsi talis nusquam potest existere? In tractatione huius quæstionis à thesi ad hypothesin progressus Arist. primum ostendit hoc requiri in omni scientia, vt non solum commune obiectum sed simpliciter optimum discutiat, vnde infert necessarium esse in hac scientia quoq; vt non solum quid sit respub. communiter, sed quæ simpliciter sit excellens, accuratè perquirat. Ratio generalis sic se habet. Omnes artes (quæ versantur circa commune aliquod subiectum) considerare debent quid sit optimum, & quid cuiq; conueniat: sed ciuilis scientia (quæ est omnium artium nobilissima) versatur circa commune aliquod subiectum: ergo ciuilis scientia considerare debet quid sit optimum, & quæ cuiq; accommodentur. In hac ratiocinatione per optimum perfectionem cuiusq; artis, per ea quæ cuiq; conueniunt vires ac proprietates, quæ de subiecto demonstrantur, intelligit Philosophus. Exempli causâ, in hac scientia subiectum est ciuitas, perfectio optima respub. ad quam vt ad scopum omnes contenderent; proprietates sunt, vt consultare, causas discernere, iudicare, magistratus gerere, aliaq; similia quæ ciuitatem ornant & absoluunt. Hoc probat Arist. duobus similibus in textu, quia vt est gymnasticæ artis considerare non solum quæ sit optima exercitatio corporis, sed qualis cuiq; conueniat, & vt medicinæ est docere non solum quæ sit optima constitutio hominis, sed qualis cuiq; accommodetur: ita politicæ est scientiæ non solum optimam rempublicam describere, sed vires, leges, proprietates, aliaq; cuncta, quæ omnibus conueniunt, exactè demonstrare; & quauis respub. talis omnibus suis numeris absoluta nusquam terrarum orbis appareat, sapienter tamen à Philosophis delineari debet; quod sequentibus argumētis partim ex Aristotele,

Quid requira-
tur à politico.

Non subiectū,
commune mo-
dò, sed & opti-
mum in quaq;
scientia discu-
tiendum.

Ratio.

Pol. 1. c. 1. 3.
cap. 8.

Proprietates
ciuitatis.

partim ex alijs desumptis probo. Primum à comparatis est, Nam quemadmodum philosophi in contemplatione nature de æqualitate ponderis & vndiq; perfectâ elementorum cōmixtione non ineptè differunt, & vt medici de mirabili consensu & eucratia humorum, quæ nunquā in corpore humano extitit, acutè disputant: ita politici & sapientes viri de augustissimâ maximeq; perfectâ ciuitatis formâ præcepta tradunt, tamen si huiusmodi nusquam eminet aut emergit. Sed vt illi hæc duo quasi exactissima media eò ante oculos figunt, quò meliùs quanta sit à medio declinatio intelligant: ita hanc formâ reipub. describunt politici, vt qualis sit administratio ciuitatis rectiùs percipiant; & hoc certè non est absurdum, imò potiùs vtile & fructuosum, cum sapientissimi olim viri nec non peritissimi ciuitatis id ipsum fecerint; nam aliter quid sibi voluit Cicero tam excellentem nobis oratorem cum descripsit? Quid sibi voluit Plato tam diuinam reipub. Ideam cum effinxit? Quid sibi voluit Morus doctum illum libellum de Vtopia in lucem cum emisit, si res vltra sortem viresq; humanas positæ ad mediocritatis normâ nos non allicerent? Sagittarij lectissimi non semper iaculis attingunt scopum, satis est si metam aliquandò colliment: ita certè politissimi viri insignè hanc formam ciuitatis proponunt, vt eandem quasi metam intuentes ad summū pro viribus dies noctesq; ciues flecterent. Quemadmodū ergo mathematici punctum indiuisibile, quod non est, describunt, vt omnes lineæ à circūferentia ad illud pertrahantur: ita politici diuinissimam quandam reipub. formam, quæ non est, definiunt, vt omnia vestigia ciuium eò quàm maximè fieri potest dirigantur. Huc illud quoque accedit, quòd Deus optimus maximus ita suas leges dederit, vt proprijs nostris ipsorum viribus compleri non possint: non est ergo absurdum ea nonnunquam proponere, quæ acquiri facile & comparari nō possunt, præsertim si in illis propositis magnæ attrahendi lateat; hoc est, si in illis vis magna insit, quâ veluti manu virtutis rectâ ad excelsa perducamur. Postremo quantum interest reipublicæ, vt hoc ipsum fiat nemo

Optima dum
proponimus,
media saltem
assequimur.

mo paucis dicere aut demonstrare potest: sufficiat hoc vnū, quòd tali descriptâ ciuitatis formâ plurimi acutiùs virtuti studeant, bonoq; communi seipsos accommodent. Nam quid magis accendit animum hominis quàm viuacissima forma & imago virtutis? Præconium Achillis ad studium fortitudinis magnum Alexandrum mouit, multò magis autem nos forma virtutis ad studium ciuitatis commoueret. Sed satis non est politico viro hanc formam reipub. describere, adde- Nihil quod ad re oportet vires, mores, proprietates, officia, leges. Pergit ciuitatem ergo Philosophus in textu, eosque refellit qui aut solam pertinet à politico præ- optimam aut solam communem reipublicæ formâ descrip- termittendū ferunt; non enim inquit sufficit scire quænam sit simpliciter optima, sed etiam oportet scire quænam sit bona, imò scire oportet quænam sit ex conditione atq; (vt dicam) ex suppo- sitione bona; scire denique oportet, quo pacto sit ab initio constituta, quàm diu conseruata, quibus legibus instructa, hæc inquam omnia politicum scire oportet. Si rationes istorum quæras, sequuntur in textu. Primum formæ ciuitatis sunt perquirendæ, aliter quomodo vna administratio ab altera differat, penitus intelligi quidem non potest. Iterum si leges (quæ sunt nerui ciuitatis) politicus ignoret, quid potest for- Leges ciuitatis nerui, mam administrandi secundū leges iustè præscribere? Si mores populi sedulo ac diligenter non consideret, quales tandè leges, quos ordines, quas consuetudines morumq; præcepta tradet? Si officia, dignitates, iudicia, consultationes, aliasq; vires ac proprietates ciuitatis negligat, quibus tandè modis aut rectè rempublicam instituet, aut diu eandem institutam ab interitu naufragioq; conseruabit? Qui ergo politicus esse contendit, operepretium est vt hæc omnia distinctè & accuratè intelligat, nam aliter ipse errans periculose, nauem reipub. scopulis allisam perdit: quod si fecerit non erit facile vel ipsas tabulas concussæ ciuitatis saluas in portum trahere, quippè (vt hîc ait Arist.) non est minoris operis ac negotij reipub. administrandæ formam corrigere, quàm ab initio nouam aliquam constituere. Si hæc sint vera (vt sunt verissima) quanta est incuria nostrorum temporum, in quibus multi

Miseræ ciuitatis perdit magistratus.

Hypseâ cæciores ciuiles magistratus gerunt? Qui non aliter quàm muta simulachra sine voce, sine vita, sine motu in subsellijs amplissimis ciuitatis sedent: intelligo pistores, cautionarios, futores, aliosq; infimæ conditionis homines, qui turpi fænore saginati loca aliquandò magistratuum in vrbe tenēt. Tales sunt qui melius de poculis quàm de legibus, apertius de fabulis Æsopicis quàm de tabulis & statutis ciuitatis disputent. Quid multis? Ignorantia gubernatoris nauem, stultitia magistratus ciuitatem perdit.

Distinctio.

Contemplatio viri politici est duplex,	Exquisita, quæ est rei pub. insigniter bonæ non existentis, quæ tamen contemplatio est necessaria, ut probatur	A comparatione aliarum artium summum aliquid demonstrantium.	Ab inductione doctissimorum tale bonum effingentium.
Communis, quæ est	Legum, Morum, Officiorum, Actionum,	Et hæc quoq; est necessaria, quia aliter	A similitudine sagittariorum scopum proponentium.
Formas reip. non potest distinguere.	Bonos ciues non potest efficere.	Bonas leges non potest præscribere.	Turâ ciuitatē nō potest conseruare.

Subiecti necessitas.

Opp. Frustra de non ente disputatur: sed respublica insigniter bona, quæ nusquam existit, est non ens: ergo de illa frustra disputatur. Maior probatur, quia omnis questio aliquam materiam subiectam habet. Minor probatur, quia respublica talis non est: at non ens, est id, quod non est: ergo respub. talis est non ens.

De non ente aliquando

Resp. Primum negatur maior, ratio est, quia de nō ente utilis est aliquando disputatio, ut de infinito, de vacuo, & negatione contradicentium.

dicentium: hoc autem contingit aut cum non ens pro ente defenditur, aut ut ens (quod est oppositum non enti) per comparisonem oppositorum melius intelligatur. Ad minorem aio, rempublicam simpliciter bonam non esse non ens, quamuis non actu existit quidem. Quod non existat, causa est corruptio hominis non defectio in ipsa essentia ciuitatis. Exempli causâ, non sequitur si hoc modo arguis. Non est in hac vita immortalitas propter lapsum hominis: ergo immortalitas non est; ita non tenet si similiter dicas, non est absolute perfecta ciuitas propter imperfectionem hominis: ergo ciuitas perfecta non est.

Opp. Vana est expectatio quam nullus fructus sequitur: ergo vana est contemplatio talis ciuitatis cuius fructus nunquam percipitur. Ratio est, quia tedium parit talis contemplatio, animosq; ciuium defatigat, imò in desperationem finis assequendi urget. Sine fructu tedium.

Resp. Natura non est defatigata, et si simpliciter optimam temperiem non cernit; sagittarius omnem spem non deponit, et si semper scopum telo non attingit. Similiter studiosus ciuis hanc formam ut optimam temperiem & signum præclaræ ciuitatis ante oculos ponit, ad illam suas omnes actiones dirigit, mores conformat, vitam instituit, & quamuis varijs iactatus casibus non semper attingat, conatur tamen hoc modo ut quàm optimus esse videatur, non ergo tedium sed alacritatem, non desperationem sed spem maximam virtutis in ciuium animis hac contemplatio generat. Spes alit.

Opp. Scientia politica est vniuersalis, ut hoc loco docet Philosophus: sed scientia legum singulares actiones hominum (ut est in ethicis) spectat: ergo ista scientia leges non tractat. Eth. 5. cap. 3.

Resp. Scientia politica consideratur bisariam, vel quoad theorematia & præcepta sua quæ tradit, & sic est vniuersalis & demonstrativa; vel quoad actum vsumq; ciuitatis, & sic vniuersalia præcepta ad mores ciuium, ut medicus ad morbos hominum accommodat: utroq; modo accepta leges considerare debet, generatim videlicet demonstrando optimam, speciatim conseruando bonam & communem. Duplex politice consideratio.

Opp. Est iuris periti leges legumq; differentias considerare: ergo ad politicum non spectat. Argumentum probatur, quia iurisprudentia & scientia politica sūt distinctæ artes, muneraq; diuersa habent.

V 4

Resp.

Legum confi-
deratio ad po-
liticum defini-
tiue, ad iuris-
prudentem
positiue perti-
net.

Resp. *Iurisprudentia & scientia politica cognata sunt & ve-
luti subalternatim posita. Respondent ergo interpretes legum con-
siderationem, pertinere ad politicum, definitiue, ad iurispru-
dentem verò positiue. Ratio est, quia ille demonstrat ex officio quo-
modo leges posita primis legum causis ac principijs conueniant, hic
verò easdem promulgat & exequitur.*

Ars longa, vi-
ta breuis.

Opp. *Omnes legum ac rerum pub. circumstantias considerare
longam requirit experiētiā: sed scientia politica experiētiā non
requirit: ergo omnes legum ac rerum pub. circumstantias conside-
rare non debet. Maior constat, quia circumstantiæ legum ac rerū
pub. in actionibus moribusq; hominum ponuntur. Minor quoq; pa-
tet, quia scientia politica in particularibus non versatur, ut docet
Philosophus per comparisonem huius scientiæ cum alijs artibus in
fronte istius capituli.*

Circumstan-
tiæ legum du-
pliciter consi-
derantur.

Resp. *Circumstantiæ legum ac rerum pub. considerari possunt
duobus modis, vel secundum præscriptum artis, & sic politicus illas
considerat: vel secundum actum iustitiæ & aequitatis, & sic illas
non tractat: accommodat tamen suam contemplationem ad singu-
las actiones moresq; hominum non secundum experiētiā, quam
semper non quarit, sed secundum scientiam rerum quam habet. Re-
spondeo igitur necessarium esse politico viro ut legum ac rerum pub-
licarum circumstantias consideret quoad præscriptionem, rationis,
non tamen est necessarium semper ut consideret quoad executionem
æquitatis, quam solum magistratibus ciuitatis relinquit; hoc est
(quod antea ostendimus) definitiue ad politicum, positiue ad magi-
stratum hæc omnia consideranda spectare.*

Legum circū-
stantiæ quo-
modo consi-
derandæ à
politico.

Dubium.

*An sit difficilius deprauatam rempub. corrigere quàm ab in-
itio nouam constituere?*

Bruto lib. 2.
cap. 23.

Dediscit ani-
mus serò
quod didicit
diu. Senec.

TIMOTHEVS insignis ille musicus olim à multis (quos
suam artem docuit) duplicē postulasse mercedem dici-
tur, vnam ut obliuionem eorū quæ malè didicerant edoce-
ret, alteram ut illorum animos suā scientiā probè institueret;
agnouit

agnouit vir prudens, non minùs laboriosum esse malè per-
cepta dedocere quàm artis præcepta rectè perdiscere. Vt est
in arte, ita est in ciuitate, quam deprauatam corrigere mul-
tò difficilius est quàm à fundamentis nouam constituere.
Quippè si consuetudo (siue bona sit siue mala) altera natura
fiat, si praua assuefactio ciuium altas radices agat, res non
tam ardua quàm periculosa erit omnes fibras euellere, mo-
resq; populi cominutare. Nam vt planta adhuc herbescent
flecti quidem faciliè in rectum potest, succrescens verò in al-
tum non potest: ita ciuitas recens instituta facillimè ad vir-
tutem iustis legibus conformatur, malis autem moribus assu-
e facta rarissimè aut nunquam iniquam consuetudinem de-
ponit. Qui optat ædificium esse stabile, à firmissimo funda-
mento debet incipere: ita qui velit ciuitatem rectam insti-
tuere, prima initia & quasi seminaria morum illum respicere
oportebit. Nam aliter vt malè constructam domum non est
minoris operis reparare quàm extruere: ita minorem non re-
quirat industriam ciuitatis reformatio quàm eiusdem de no-
uo constitutio. Respublica Romana olim sapienter fundata
accreuit multum, florebat diu: at licentiā Tribunorum popu-
laris facta ad pristinam administrationis forinā nullā indu-
striā reuocari potuit. Magnæ molis erat Romanam conde-
re gentem. At maior lapsam conseruare. Præcauere mor-
bum res ardua non est perito medico, at laborantem curare
est difficillimum: sic quidem politico viro faciliè est nascentem
rempub. perpolire, at labentem erigere opus magnum
est & valdè difficile. Summa hæc est, laboriosius habetur ma-
lè percepta dediscere quàm benè præcepta discere: ergo dif-
ficilius est deprauatam rempub. corrigere quàm ab initio
nouam constituere. Sic in textu Aristoteli. Iterum, malam con-
suetudinem deponere est longè difficillimum: ergo ciuita-
tem deprauatam corrigere est laboriosum. Adhuc, mutatio
legum in ciuitate est periculosa: ergo multò periculosior est
mutatio morum. Præterea, facilius est domum à fundamen-
to extruere quàm ruinosa reficere: ergo difficilius est
malam rempublicam emendare quàm nouam instituire.

Consuetudo
altera natura.

Difficilius
corrigere,
quàm con-
struere.
Macch. in Liu.
lib. 1. cap. 3.
Virg. Æneid.

Prima ratio.

Vid. Pol. 2. c. 6.

Hoc ipsum probat exemplum Romanæ ciuitatis quæ lapsa non re floruit, & similitudo valetudinis quæ semel infirmata non facile restituitur.

Distinctio.

Quod difficilius sit rem-
pub. deprauatam cor-
rigere quàm nouam
constituere pro-
bant

Ratio in illis similibus quæ antea distinctè
explicantur.
Experientia, quæ legum morumque mu-
ratio admodum esse periculosa ubique cog-
noscitur.

Correctio
paucorum,
Constitutio
omnium.

Opp. Correctio seu emendatio est paucorum, constitutio verò est omnium: ergo rempub. deprauatam corrigere non est difficilius quàm nouam constituere. Antecedens patet ab interpretatione eorum quæ corriguntur & constituuntur de nouo. Ratio sequitur, quia facilius est pauca quàm multa in ordinem redigere.

Resp. Difficultas ista non est respectu paucitatis in rebus, sed respectu peruersitatis in hominibus, quos mala consuetudo magis quàm moles premit. Quamuis ergo constitutio sit omnium, correctio verò paucorum: quoniam tamen in illa est quedam ciuium propensio ad bonum, in hac verò illorum deprauatio, hanc multò difficiliorem esse affirmamus.

Generatio al-
teratione dif-
filiior.

Opp. Difficilius est ex non ente ens nouum facere quàm ens declinans restituere: sed constituere rempub. de nouo, est ex non ente ens nouum facere, corrigere verò est solum rempub. declinantem restituere: ergo difficilius est rempub. de nouo constituere quàm eandem deprauatam corrigere & emendare. Maior constat, quia generatio est opus naturæ difficilius quàm alteratio. Minor probatur, quia constituere de nouo rempublicam est nouam generare, corrigere verò est solum alterare.

Natura po-
tens vndique.

Resp. Generatio non est opus naturæ difficilius quàm alteratio, si vim ac potentiam naturæ spectes. Ratio est quia natura non minus efficax est in internis quàm in externis rerum acquirendis formis. Respondeo igitur hoc argumentum non tenere à comparatione, imò affirmo deprauationem reipub. non solum alterationem sed potius corruptionem esse reipub. Et ut est medico impossibile mortuum ad vitam reuocare: ita est politico valde difficile rempublicam corruptam ad rectam administrationis formam reducere.

CAP.

CAP. II.

An tyrannis sit deterrima inter labe reipublicæ?



OC caput in tribus consistit, nempe in descriptione tyrannidis, in reprehensione Platonis, & in demonstratione ordinis quem in sequentibus præceptis sequetur Philosophus. Sed antequam ad tyrannidem describendam venit, superius allatam diuisionem reipub. in rectam & non rectam paucissi-

Cap. diuisio.

Pol. 3. c. 4.

Ciuitas recta,
non recta.

Pol. 3. c. 5.

mis repetit, docetque se rectæ reipublicæ tres declarasse species totidemque non rectæ, quæ labe & transgressionis ciuitatis vocantur. Rectæ sunt ut regnum, optimatum imperium, & ea quæ communi nomine reipublica seu politia dicitur; non rectæ ut tyrannis, paucorum potentia, & timocrata, in quas tres illæ priores aliquando labentes cadunt. Nam regni lapsus in tyrannidem, aristocratia casus in oligarchiam, politia ruina in populi furorem vertitur, horumque conuersio iterum in tres illos meliores status formasque administrationis reuocatur. Sic tempora, sic imperia, sic rerum pub. status suas vicissitudines & conuersiones habent, fluit & refluit humana potentia, nunc in altum surgit, nunc tandem in cinerem commutatur, sic rotas agit natura, sic hominis prudentia cadit. Sed hæc in proximo libro (ubi de conuersionibus rerum pub. agitur) luculenter patebunt. Nunc sequitur tyrannidis descriptio seu eiusdem cum reliquis administrandi formis comparatio, vnde hæc quæstio quæ nunc tractamus agitur. Vtrum tyrannis sit inter omnes reipub. labe longè deterrima? Deterrimam esse Arist. hoc loco affirmat, rationeque ab oppositis ductam sic probat. Quicquid optimo maxime opponitur id ipsum est deterrimum: sed tyrannis optimæ administrandi formæ opponitur: ergo tyrannis est deterrima.

Propositio

Tyrannis de-
terrima labe
in reipub.

Vide Pol. 3.
Monarchia
omnium ad-
ministrationū
augustissima.
Monarchiæ
& Tyrannidis
Antithesis.

Contra ty-
rannidē rat.

Odiolissima
apud omnes
tyrannis.

Effecta tyrannidis.

Cor. Tac. an-
nal. lib. 15. 44.

Propositio tenet à loco contrariorum, quorum opposita est natura. Assumptio probatur, quia tyrannis est pestis monarchiæ quæ omnium administrationum est longè augustissima. Est enim monarchia beata ciuitatis constitutio, est tyrannis ipsa ciuitatis lues atque miseria; est in monarchia rex aut consilio admissus aut successione designatus, est verò in tyrannide truculentus leo; in monarchia proponitur virtus, in tyrannide triumphat scelus; leges in monarchia aperte loquuntur, at in tyrannide oracula ciuitatis silent; in regno communi bono studetur, at in tyrannide populus opprimitur. Quid multis? Opponuntur hæc duo per omnia: ergò monarchiâ existente optimâ necesse est vt tyrannis omnium pessima habeatur. Hactenus ex Aristotele generatim, nunc speciatim ex interpretibus hoc ipsum probo, & primū ab instinctu naturæ, quæ tyrannidem vt monstrum abhorret ac detestatur: videre hoc licet in multis, maximè tamen in homicidis, qui naturæ digitum & indicium tremebundi fugiunt. Quis quæso hoc ignorat, interfectum presente homicidâ sanguinem effundere? At quæro sanguinis effluendi causam; aliam certè dare non potes præter Deum ac naturam, qui homicidium & tyrannidem hoc modo produnt. Hoc modo execrantur oues lupum, quadrupedes leonem, aues aquilam, vrtica marina securim, tota denique natura odiosam tyrannidem, & crudelitatem vt sibi maximè perniciosam & inimicam fugit. Est ergo tyrannis vt naturæ ita ciuitati infestissima. Nam vt ab effectis disputem, qualis est & quàm miseranda ciuitas in qua tyrannus regnat? Nonnè in illa oppressio multitudinis, effusio sanguinis, ordinis confusio, violatio legum, rerum omnium perturbatio inest? Caput Pompeij viâ placuit Cæsari, Ciceronis caput Antonij furori non satisfecit, triginta senatorum capita in primis ferculis offerebantur Mario, Nero Senecam præceptorem necuit, matrisque suæ viscera (horrendum est dictu) vulnerauit; hos actus, has scænas tyrannidis tragædia habet. Vt ergò ciuitati in qua tyrannus regnat. Porro quid (obsecro) magis infestum est humanæ naturæ quàm atrox & ferina crudelitas?

litas? Ratio in homine non furor, mansuetudo non inhumanitas secundum vim naturæ principatum tenet. Quanta est igitur declinatio à natura cum leo ex homine, ex mansueto tyrannus fiat? Est ergo tyrannis non solum contra naturam in genere, sed etiam contra rationem in qua maximè essentia humana cernitur. Si hinc stragem multarum ciuitatum, quæ fulmine tyrannidis percussæ ceciderunt, ante oculos depingerem, in immensum accresceret oratio mea, lachrymæ temporum, lugubres vestes maiorum, miserabiles voces & clamores multarum ciuitatum maximè execrabilem hunc statum reipub. esse declarant. Testes huius rei sunt omnes historiæ quæ Dionysios, Phalarides, Neronēs, Heliogabalos aliaque portenta mundi nobis descripserunt. Nihil hinc dicam de sacra philosophia legeque diuina, quæ Antiochum, Herodem, aliosque truculentos tyrannos virosque sanguinis frequenter meminit. Concludam verbo, tyrannis est quasi vipera concepta in vtero ciuitatis, nam vt vipera in lucem non editur sine ruptura matris: ita tyrannis non existit sine ruina & interitu ciuitatis. Est ergo tyrannis omnium administrationum pessima siue cum bonis siue cum malis reipub. formis comparetur: cum pessimam dico, intelligo paucorum potentiam, populi que infaniam & furorem prauitate ac perniciæ ab illa superari. Hinc occurrit secundum, quod in hoc capite tractatur, nempe insinuata reprehensio Platonis, qui dicebat popularem administrationem esse pessimā, si comparetur cum rectis: sin verò cum non rectis esse optimam. Quasi diceret, rectarum rerum publicarum est vna deterri-
ma, cum tamen nulla sit mala, & non rectarum est vna opti-
ma, cum tamen nulla sit bona; omnes enim recte res publicæ
sunt bonæ quamuis gradus quosdam perfectionis habent,
omnes non rectæ malæ dicuntur quamuis vna illarum a
peior deteriorque in comparatione vnius cum altera in eo-
dem genere habeatur. Tertium quod hinc agitur est demon-
stratio ordinis quem in sequentibus tradendis præceptis
Arist. proposuit. Primum inquit distinguendum est quænam
sint differentiæ rerum publicarum, deinde quænam res publi-
ca

Tyrannis idē
ciuitati, quod
vipera matri.
Plat. pol. 3. ad
finem.

Reprehensio
Platonis.
Plat. in politi-
co.

Methodus
Aristotelica

ca sit communissima maximeque expetenda præter illam optimam quam descripsimus. Per optimam hoc loco non solum monarchiam sed etiam aristocratiam intelligit, quia hæ duæ administrandi formæ eadem lege virtutis deuinciuntur, referunturque ad idem bonum ciuitatis. His expositis (inquit) videndum est quænam gubernatio cuique populo ac ciuitati conueniat, & qualis is debeat esse qui alijs præest; tandem verò cum horum omnium breuis ac dilucida facta fuerit mentio, conandum est ut causæ euercentes & conseruatrices rerum publicarum aduissimæ atque ad viuum delineentur; quibus cognitis multò tutior in quouis statu reipublicæ administratio erit. Postremò ne seges ciuitatis penitus negligeretur, ostendendum est quibus artibus quibusque moribus imbui & ornari debeat iuuentus, in qua flos reipublicæ crescit, spesque futuræ ciuitatis emergit.

Distinctio.

Tyrānis quot
nominibus sit
pessima.

In tyrānide
spectantur

Persona gubernans, & sic est omnium administratio-
num pessima, quia per vim aut fraudē imperiū occupatur.
Persona gubernata, & sic est omnium miserrima, quia
populus opprimitur.
Materia tractata, & sic est omnium deterrima, quia in
illa virtus extinguitur.
Finis proposita, & sic est omnium funestissima, quia bo-
num ciuitatis in priuatum vsum conuertitur.
Comparatio facta, & sic est omnium perniciosissima,
quia per omnia monarchiæ (quæ est optima constitutio
reipub.) opponitur, ut superius multis argumentis aperte
ostendimus.

vide pol. 4.
cap. 10.
Dictatura est
tyrannis ap-
probata.

Opp. Quicquid aliquando est utile & necessarium in ciuitate,
ipsū non est omnino pessimum: sed tyrannis est aliquando utilis
& necessaria in ciuitate: ergo tyrannis non est pessima. Maior con-
stat, quia utile cum honesto, necessarium cum virtute coniungitur.
Minor probatur, quia tumultuante seditione civili utilis & necessa-
ria est dictatura, quæ nihil aliud est quam approbata tyrannis, ut
Romana leges olim definierunt.

Resp.

Resp. Tyrannis nunquam est aut utilis aut necessaria, ne tum-
quidem cum seditio civilis & intestina seuiat; neque est dictatura
violenta tyrannis, sed voluntaria, iusta, & approbata seueritas.
Quod verò dictatura tyrannis nominetur, hinc fit quia dictator in
tempestate seditionis vita & necis potestatem habet, omniaque in tanta
reipub. procellâ pro arbitrio & non secundum leges regit: in hoc ta-
men à tyrannide differt, quod illa solum malos & seditiosos, hæc verò
bonos & studiosos ad carnificinam trahat.

Quomodo à
tyrannide dif-
ferat dictatu-
ra.

Opp. Oligarchia & timocratia sunt deteriores tyrannide: ergo
tyrannis non est deterrima. Antecedens probatur, quia illi status
sunt deteriores in quibus plures tyranni regnant, quam qui vnum
solum tyrannum habent: sed in oligarchia & timocratia sunt plures
tyranni, in tyrannide verò est solum vnus: ergo oligarchia & timo-
cratia sunt deteriores tyrannide. Minor huius syllogismi patet, quia
in oligarchia furor paucorum, in timocratia insania & furor totius
populi principatum tenet.

Numerus au-
get nefas.

Resp. Et aristocratia & democratia non sunt meliores reipub.
formæ quam monarchia, quoniam in illis plures, in hac vnus instet &
studiose regnat: ita oligarchia & timocratia non sunt deteriores sta-
tus ciuitatis quam est tyrannis, etsi in illis plures, in hac vnus im-
perium raptim & pro arbitrio teneat. Ratio est, quia ut in monar-
chia unita est vis virtutum, dispersa in ceteris: ita in tyrannide om-
nium vitiorum contagio inest, quæ in reliquis non rectis admini-
strandi formis magis dissipatur.

Non quor, sed
quales

Vis vnita for-
tior.

Opp. Quacumque administratio maxime ciuitati nocet est omni-
um deterrima: sed furiosa populi administratio maxime ciuitati no-
cet: ergo furiosa populi administratio est omnium deterrima. Minor
probatur, quia in furiosa populi administratione tyrannidis vis ma-
ior inest, impetusque vehementior ratione multitudinis, quæ vniuer-
sim conspirans totam ciuitatem concutit & deperdit.

Vide Bodin.
de repub.

Resp. A falsa suppositione hoc argumentum ducitur, nam om-
nino nulla est talis administratio, in qua tota multitudo vniuersim
& collectim furit. Timocratia seu mala gubernatio populi est, in
qua fautoribus populi tribunisque plebis clanes reipublicæ commit-
tuntur: sed in his magis dissipatur vis tyrannidis quam si vni Ne-
roni permitterentur omnia.

Opp.

ca sit communissima maximeque expetenda præter illam optimam quam descripsimus. Per optimam hoc loco non solum monarchiam sed etiam aristocratiam intelligit, quia hæ duæ administrandi formæ eadem lege virtutis deuinciuntur, referunturque ad idem bonum ciuitatis. His expofitis (inquit) videndum est quænam gubernatio cuique populo ac ciuitati conueniat, & qualis is debeat esse qui alijs præest; tandem verò cum horum omnium breuis ac dilucida facta fuerit mentio, conandum est ut causæ euercentes & conseruatrices rerum pub. adamussim atque ad viuum delineentur; quibus cognitis multò tutior in quouis statu reipublicæ administratio erit. Postremò ne seges ciuitatis penitus negligetur, ostendendum est quibus artibus quibusque moribus imbui & ornari debeat iuuentus, in qua flos reipublicæ crescit, spesque futuræ ciuitatis emergit.

Distinctio.

Tyrānis quot
nominibus sit
pessima.

In tyrānide
spectantur

Persona gubernans, & sic est omnium administratio-
num pessima, quia per vim aut fraudē impetū occupatur.
Persona gubernata, & sic est omnium miserrima, quia
populus opprimitur.
Materia tractata, & sic est omnium deterrima, quia in
illa virtus extinguitur.
Finis proposita, & sic est omnium funestissima, quia bo-
num ciuitatis in priuatum vsum conuertitur.
Comparatio facta, & sic est omnium perniciosissima,
quia per omnia monarchiæ (quæ est opima constitutio
reipub.) opponitur, ut superius multis argumentis apertè
ostendimus.

vide pol. 4.
cap. 10.
Dictatura est
tyrannis ap-
probata.

Opp. Quicquid aliquando est utile & necessarium in ciuitate,
ipsū non est omnino pessimum: sed tyrannis est aliquando utilis
& necessaria in ciuitate: ergo tyrannis non est pessima. Maior con-
stat, quia utile cum honesto, necessarium cum virtute coniungitur.
Minor probatur, quia tumultuante seditione civili utilis & necessa-
ria est dictatura, quæ nihil aliud est quàm approbata tyrannis, ut
Romana leges olim definierunt.

Resp.

Resp. Tyrannis nunquam est aut utilis aut necessaria, ne tum-
quidem cum seditio ciuili & intestina seuiat; neque est dictatura
violenta tyrannis, sed voluntaria, iusta, & approbata seneritas.
Quod verò dictatura tyrannis nominetur, hinc fit quia dictator in
tempestate seditionis vita & necis potestatem habet, omniāque in tanta
reipub. procella pro arbitrio & non secundum leges regit: in hoc ta-
men à tyrannide differt, quòd illa solum malos & seditiosos, hæc verò
bonos & studiosos ad carnificinam trahat.

Quomodo à
tyrannide dif-
ferat dictatu-
ra.

Opp. Oligarchia & timocratia sunt deteriores tyrannide: ergo
tyrannis non est deterrima. Antecedens probatur, quia illi status
sunt deteriores in quibus plures tyranni regnant, quam qui unum
solum tyrannum habent: sed in oligarchia & timocratia sunt plures
tyranni, in tyrannide verò est solum unus: ergo oligarchia & timo-
cratia sunt deteriores tyrannide. Minor huius syllogismi patet, quia
in oligarchia furor paucorum, in timocratia insania & furor totius
populi principatum tenet.

Numerus au-
get nefas.

Resp. Et aristocratia & democratia non sunt meliores reipub.
formæ quàm monarchia, quoniam in illis plures, in hac unus iuste &
studiose regnat: ita oligarchia & timocratia non sunt deteriores sta-
tus ciuitatis quàm est tyrannis, etsi in illis plures, in hac unus im-
perium raptim & pro arbitrio teneat. Ratio est, quia ut in monar-
chia unita est vis virtutum, dispersa in ceteris: ita in tyrannide om-
nium vitiorum contagio inest, quæ in reliquis non rectis admini-
strandi formis magis dissipatur.

Non quor, sed
quales

Vis unita for-
tior.

Opp. Quæcumque administratio maximè ciuitati nocet est omni-
um deterrima: sed furiosa populi administratio maximè ciuitati no-
cet: ergo furiosa populi administratio est omnium deterrima. Minor
probatur, quia in furiosa populi administratione tyrannidis vis ma-
ior inest, impetusque vehementior ratione multitudinis, quæ uniuersim
conspirans totam ciuitatem concutit & deperdit.

Vide Bodin.
de repub.

Resp. A falsa suppositione hoc argumentum ducitur, nam om-
nino nulla est talis administratio, in qua tota multitudo uniuersim
& collectim furit. Timocratia seu mala gubernatio populi est, in
qua fautoribus populi tribunisque plebis clauas reipublicæ commit-
tuntur: sed in his magis dissipatur vis tyrannidis quàm si uni Ne-
roni permitterentur omnia.

Opp.

Bonus rex
dextra, Tyrannus
sinistra
Dei.
Vide Iob. 34.
30.

Per me reges
regnant. Pro.
8.15.

Opp. *Quicquid est legitimum id ipsum non est deterrimum: sed tyrannis est legitima: ergo tyrannis non est deterrima. Minor probatur, quia recte ut definit quidam, Rex bonus est dextra, tyrannus vero est sinistra Dei: nam ille clementia, hic autem iustitia instrumentum, dicitur: sed iustitia Dei est legitima: ergo instrumentum eiusdem, quod est aliquando tyrannus, iustam & legitimam auctoritatem habet.*

Resp. *Duo in hoc loco consideranda sunt, diuina permissio & approbatio: Deus permittit sapē tyrannos regnare, at illorum regnum non probat, patitur Cainum occidere Abelem, Pharaonem persequi suum ipsius populum, at Cainum in reprobum sensum tradidit, Pharaonem sauis fluctibus immergit. Quod vero tyrannis sinistra Dei aut instrumentum aliquando dicatur, non arguit tyrannidem, ob id esse iustam, sed penam quam ciuitati infugit esse legitimam.*

Dubium capitis.

An praestet labes reipublicae ignorari à populo quàm à politico demonstrari?

Mala non vi-
cantur, nisi
cognita.

AFFIRMAT Arist. in textu sibi non solum dicendum esse quænam sint recte administrandi formæ, sed etiam quæ labes & maculæ ciuitatis. Nescio sanè an hoc decretum Philosophi magis profit vel obfit populo, qui rerum malorum cognitione sepè non aliter quàm piscis escâ & hamo capitur. Ouidius meo iudicio melius dissimulasset quàm scripsisset suam artem amandi, turpiter perfectò Alberrus ille à secretis mulierum detraxit vela, sanctior habitus est Cæsar qui miserè confossus dextrâ pudenda naturæ textit, erubuit Apelles cum pinxit Venerem: melius ergò videtur esse labes ciuitatis dispungere silentis calamo, quàm ad viuum depingere Philosophantis penicillo. Sed nugas ago, res longè aliter se quidem habet, nam mala cognita, ut est in prouerbio, facilius euitantur. Preuisa iacula minùs feriunt: si narratione rerum malarum ut piscis hamo capiatur populus, vitium hominis est non scriptoris, nani apes ex iisdem flosculis mel

&

& ceram ex quibus bufones toxicum venenum sugunt: describendę igitur sunt labes & maculæ ciuitatis, primum ut rectæ administrationis formæ hinc magis splendescant, nam opposita iuxta se posita (ut docent Philosophi) magis elucescunt, sic descriptâ tyrannide augustior monarchia, sic descriptâ paucorum potentiâ illustrior aristocratia, sic descripto furore multitudinis beator politia apparebit. Secundò ex descriptione ista hoc commoditatis nascitur, ut iustior & cautior ciuitas reddatur. Nam malis his demonstratis rariores lapsus aut casus habet. Tertiò ut in contemplatione naturæ non solum formæ, vires, motusq; rerum, sed etiam monstra; ut in speculatione medica non solum salutes herbæ sed etiam venena describuntur: ita in administratione ciuili non solum virtutes, sed labes & pestes reipub. delineari debent. Postremò his monstris reipub. probè cognitis, tyrannorum impetus facilius repellitur, illorum iniuriæ, fraudes, insidiæ facilius euitantur; quæ aliter oscitantes nos opprimunt, & tanquam cecos & imperitos rerum in gurgites malorum rapiunt. Ut ergo Philosophi monstra, medici venena, cosmographi magna terræ marisque pericula describunt, ne noceant: ita Arist. labes & pestes reipublicæ demonstrauit ne illis infectæ ciuitates pereant.

Distinctio.

Quod labes reipub. sint describendæ suadent rationes	<p>Ab oppositis, quia hoc modo rectæ reipublicæ formæ melius intelliguntur.</p> <p>Ab utili, quia cautior hoc modo ciuitas efficitur.</p> <p>A simili, quia ut in medicina venena; ita in republica labes ciuitatis describendæ.</p> <p>Ab usu seu fine scientiæ, quia his cognitis iniuriæ, fraudes & insidiæ tyrannorum facilius repelluntur.</p>
--	---

Opp. *In benè administrata reipub. non solum mala sed malorum causa quoad fieri potest remoueri debent: sed descripta labes ciuitatis sunt malorum causa: ergo labes ciuitatis non sunt describendæ. Maior constat, quia fundamentum ciuitatis iustitia est. Minor probatur à simili. Nam ut idola Veneris & commenta Cupidinis inuentutem: ita depicta labes & transgressionis reipub. ciuitatem cor-
rumpunt.*

Quare descri-
bendæ ciuita-
tis labes.

Mala docen-
tur cum de-
scribuntur.

Pol. 7. c. ult.
Pla. pol. 2. Plu.
de educ. lib.

rumpunt. Quare ut illa secundum Philosophum ab oculis & auribus remoueri debent, ne ledant iuuentutem: ita & hac occultare oportet, ne perdant ciuitatem.

Labes descrip-
tae malorum
causae accep-
tae, non datae.

Resp. Descripta labes sunt causae malorum accepta non data, quippe in illarum descriptione politicus non malum sed bonum ciuitatis praevidit. Si ergo scelerati cives scorpionis ova concipiant, regulosque in patriam sibilantes ex ista conceptione pariant, ipsi quidem monstra fiunt, nam causam mali in seipsis habent. Argumentum à simili recte quidem docet (ut ait Philosophus) sed non omni ex parte & absolute concludit. Nam et si idola Veneris fabulaque Cupidinis per oculos auresque iuuentutem aliquando inficiunt, non tamen sequitur quod descripta labes inficiant ciuitatem. Ratio est, quia in illa affectio & concupiscentia, in hac ratio & prudentia regnant.

Nullum simile
idem.

Opp. Regis facinora dissimulari & occultari debent: ergo ciuitatis labes non debent demonstrari. Antecedens patet, quia si regis flagitia palam fiant, contagio facile in praecordia populi permanabit: quippe, Regis ad exemplar totius componitur orbis. Argumentum probatur quia rex nihil aliud est quam tota ciuitas: ergo si regis facinora occultari debent, ciuitatis labes demonstrare non oportet.

Claud. de 4.
conf. Honorij.
Rex tota ciui-
tas.

Resp. Conspecta regum flagitia plurimum offendunt, quia personam totius ciuitatis gerunt. Respondeo tamen argumentum non tenere, quia labes ciuitatis non sunt ut flagitia regis. Nam quamuis rex sit persona totius ciuitatis, peccat tamen ut homo, non ut magistratus. Praeterea negamus regum facinora dissimulari debere, nam hoc esset regibus placencia canere. Nathan adulterium Davidis aperuit, sed occulte: Elias apostasiam Achab obiecit, & quidem aperte: Iohannes Herodi incestum non indulsit.

Reges pec-
cant ut homi-
nes, non ut
magistratus.

Opp. Machiavellus infinita mala in ciuitatem inuexit describendo has labes, ut experientia docet: ergo describi non debent.

2. Reg. 12.

3. Reg. 18.


Marc. 6. 18.

Nostri macu-
late temporis.

Resp. Machiavellus non ut labes sed ut rectas administrandi formas illas descripsit, multosque rudes & inexpertos rerum flagitiose perfisterà ingenij calliditate sefellit.

CAP. III.

Utrum differentia rerum pub. recte assignentur?



IRIA hoc caput comprehendit, distinctionem rerum publicarum, confutationem quorundam philosophorum, suaeque opinionis catastrophe & expositionem. In distinctione probat Arist. plures esse res publicas, earumque differentias naturae vi ac specie distinctas assignat. Ratio in textu sic est. Illa species differunt quae partes specie diuersas habent: Sed res publicae partes specie diuersas habent: ergo res publicae specie differunt. Confirmatur hoc argumentum ab enumeratione partium ac multarum differentiarum, quibus ciuitas constat distinguiturque: Nam ciuitas (inquit) in qualibet specie rei publicae primum ex familijs diuersis coalescit, deinde ex multitudinem cohabitantium: quorum alij diuites, alij pauperes, alij medijs & quasi utriusque participes dicuntur: iterum horum alij armis, alij pacis studio & ornamentis sunt dediti. Sunt etiam ex plebe alij, quorum illi agricultura, hij mercatura, alijque artibus mancipantur. Nobilium quoque (ut ait) sunt aliae differentiae, nam inter illos alij genere, alij virtute, alij diuitiarum magnitudine excellunt, quales olim fuerunt Eretrientes, Chalcidenses, Magnesii, alijque Asiatici equis alendis dediti, qui suis ipsorum viribus, genere, opibusque freti contra finitimos bella gesserunt, paucorumque potentiam quasi ius quoddam sibi vendicarunt. Sed attende, haec quidem meo iudicio sunt communes differentiae rerum publicae. quas nunc tradit Philosophus, nam proprie & essentialiter (ut aiunt) diuersae ciuitatis administrationes his differentijs non distinguuntur: opulenti enim & pauperes, armati & studiosi pacis, genere nobiles & insignes virtute, agricolae & mercatores, alijque id genus multi in omni statu ac conditione ciuitatis viuunt.

Quae differant
specie.

Rerump. differe-
rentiæ, Com-
munes, Pro-
priae.

Propriae differe-
rentiæ Gene-
rales, Specia-
les.

Respublica
mixta.

Gubernandi
nexus.

Reipub. scita
distinctio.

viuunt. Vt ergo penitiùs hanc rem partim ex Aristotele par-
tim ex interpretibus consideremus, distinguendum est re-
rumpublicarum differentias esse vel communes vel propri-
as: communes sunt hæ quas diximus, ex quibus analogicè
tot oriuntur rerumpublicarum constitutiones quot ciuium
discrimina & conditiones habentur. Exempli causâ, si po-
pulus sit bellicosus, milites; si sit quæstui deditus, mercato-
res; si honori studeat, nobiles; si virtuti se accommodet, stu-
diosi & excellentes viri principatum tenent: hinc politi-
cus sapiens diligenter de moribus populi meditatus accu-
ratiùs rempublicâ constituet, aptiùsque legibus conforma-
bit. Communes ergò hæ differentiæ non sunt negligendæ,
cum ex eisdem non solum distinctio populi sed etiam forma
administrationis quodammodo cognoscatur. Propriae differe-
rentiæ sunt (vt distinguunt interpretes) vel generales, vt re-
cta & non recta, quemadmodum antea ostendimus; vel spe-
ciales, eademque aut secundum virtutem, vt ordo vnus ad
omnes, nobilium vnio, consensus omnium: aut secundum ar-
bitrium, vt vnus libido, paucorum confusio, conspiratio &
furor populi. In ordine vnus ad omnes monarchia, in recta
nobilium vnione aristocratia, in honesta consensione om-
nium democratia populi que iusta gubernatio cernitur. Ex
his tribus coalescit alia quæ mixta respub. appellatur, qualis
nunc ubiq; gentium maxima ex parte floret; hæc omnium
bonorum aggregationem in se continet, hæc regiam ma-
iestatem, hæc dignitatem consularem, hæc popularem
consensum habet. In regia maiestate vnus capitis ciuile
ordo, in consulari dignitate primariarum partium ad hoc ca-
put vnio, in populari consensu totius corporis perfectio, &
vt ita dicam consummatio ponitur. Sunt etiam qui rempub-
licâ hoc modo distinguunt, scilicet vt sit recta & non recta,
recta iterum simplex vel mixta, simplex autem vel sum-
ma, vt regnum; media, vt optimatum imperium; infima,
vt iusta populi potentia; mixta denique, quæ ex his tri-
bus secundum leges virtutis constituitur. Sed quid opus
est verbis? Eundem sensum hæ duæ diuisiones habent: hoc
solum


Secunda pars
cap.

Pars tertia.

Pol. 3. c. 4 & 5.

Musica & po-
litia harmo-
nia.

solum animaduerti velim, vt legumlatores in definiendis
rerumpublicarum formis has differentias accuratè conside-
rent: aliter enim administrationes diuersas ciuitatis nec re-
ctè distinguere, nec probè instituire & ordinare possunt. Al-
terum quod in textu sequitur est quorundam philosopho-
rum refutatio, qui duas solum primarias reipublicæ spe-
cies posuerunt, nimirum popularem & paucorum poten-
tiam, ad quas reliquæ omnes (vt aiunt) reducuntur. Hoc
probant duplici similitudine: nam vt omnes venti ad Bo-
ream & Austrum, omnesque concentus musices ad har-
moniam Doricam & Phrygiam reuocantur: ita ad popula-
rem statum paucorumque imperium omnes reliquæ admi-
nistrationes ciuitatis reducuntur: exempli causâ, politia ad
popularem statum, optimatum potentia ad paucorum im-
perium; quippè, sicut venti omnes in alijs climatibus celi i-
ta Boreæ Austrique vires participant, vt plerumque eodem
nomine appellentur; nam Zephyrus Borealis, Eurus Austr-
alis dicitur: ita reliquæ ciuitatis formæ ac status in populari
paucorumque potentia communicant, vt iisdem nomini-
bus sæpè insigniantur. Sed hæc (vt docet Philosophus) non
est satis aperta rerumpublicarum distinctio. Tertium ergò
quod in hoc cap. agitur nunc adfert, nimirum suæ opinionis
catastrophem & expositionem, quæ est quod superius allata
reipublicæ diuisio sit longè melior quàm ista philosopho-
rum confusa distinctio. Diuisionem suam repetit nempe in
rectam & non rectam, rectam iterum in tres species, non re-
ctam in tres labes vt suprâ, diuidit. Et vt apertius hæc intelli-
gantur, adfert quâdam similitudinem ex harmonia ductam,
quippè vt ex concentu vocum secundum artem magis mi-
nusque intensarum vna optima symphonia, ita ex consensu ci-
uium secundum virtutem viuientium vna optima monarchia
aut aristocratia nascitur. Sed vt voces celerius tardiusque in-
tense ab optimo concentu aut leuiter aut simpliciter decli-
nant: ita administrationes ciuitatis mollius duriusque consti-
tutæ, aut parum, vt populi gubernatio; aut omnino, vt labes
vitiæ; ciuitatis à nobilissima imperandi forma remouentur.



Opp. In quinto cap. tertij libri hanc distinctionem tractauit Philosophus: ergo otiose iterum hoc loco tractatur.

Resp. Illic generatim, hic speciatim agitur; illic solum species rei-publicæ, hic differentias tradit; illic pollicetur se uberiùs de his rebus acturum, hic verò id ipsum præstat & absoluit.

Opp. Ordo, vnio & consensus sunt affectiones seu accidentia: ergo non sunt vera differentia ciuitatis, nam differentia sunt ex essentia rerum, accidentia autem non sunt ex essentia, vt Porphyrius docet.

Resp. Sunt accidentia respectu hominis, sed non respectu ciuitatis: nam insunt in homine vt in subiecto, sunt verò in ciuitate vt in definito.

Lib.3. cap.3. Opp. Alia sunt magis propria differentia reipub. ergo ista male assignantur. Antecedens probatur, quia vnitas, paucitas & multitudo ad bonum commune relata ab Arist. vt veriores traduntur.

Resp. Omnis (inquit Philosophus) administratio est aut vnius aut paucorū aut totius multitudinis, hinc tamen non rectè colligitur quod vnitas, paucitas & multitudo sint veriores differentia. Nam illic Arist. potius materiam quàm formam, numerum quàm naturā ostendit: non enim in vnitate, paucitate aut multitudine, sed in horū ordine, vnione & consensu ciuitatis forma & essentia constat.

Opp. Vnio & ordo sunt generales forma ciuitatis: ergo rectè hoc loco vt speciales non assignantur. Antecedens patet 1. Politicorum.

Resp. Vnio & ordo sunt generales forma ciuitatis, at vnio nobilium & ordo vnius ad totam ciuitatem speciales & distincte differentia habentur.

Opp.

Vnitas materia, Vnio forma monarchiæ.

Opp. Partes ciuitatis sunt homines: sed homines non differunt specie: ergo partes ciuitatis nō differunt specie, vt hic in textu dicitur. cap.4.

Resp. Partes ciuitatis sunt aut materiales, vt homines, & sic nō differunt specie; vel formales, vt diuites aut pauperes, nobiles aut plebei, & sic specie differunt. Nam et si hi omnes homines dicantur, distinctionem tamen à rebus quæ naturā differunt in definienda ciuitate sortiuntur.

Dubium.

An equi ad bellum alendi sint in ciuitate?

ALEXANDER generosum Bucephalum, Perseus Pegasiū volantem habuit. Darius hinnitu equi ad regnum Persarum rapitur. Eretrientes, Chalcidenses, Magnesij, aliq; ciuitates Asiaticæ hoc loco vt periti equitatus commendantur. Verba Philosophi hæc sunt. Nobilium (inquit) differentie sunt iuxta opulentiam & magnitudinē census, sunt enim alij equites, quod munus nemo facile sustinere potest nisi sit diues: quapropter priscis olim temporibus quæcunq; ciuitates equestri ordine excelebant, in his paucorū potentia gubernabat, nec non equitatu bella contra finitimos exercebat, vt Eretrientes, Chalcidenses, aliq; quos modò nominauimus. Hic quatuor considerata veniunt, qui equos in ciuitate alerent, quis modus, quod præmium, qui finis horum omnium: persona in primis verbis patet, Nobilium (inquit) differentie sunt &c. modus in verbis sequentibus insinuat, Quod munus (inquit) nemo facile sustinere potest nisi sit diues; præmium sequitur, nempe paucorum potentia; finis autem est bello ciuitatem defendere & conseruare. Sed vt hæc paucis confirmemus, affirmo equos ad bellū esse alendos in republica; primū quia sunt animalia generoso spiritu, tum quia sunt dociles ad pugnam, hinc quia sunt faciles ad sessorē, postremò quia sunt fortes & animosi ad victoriam. Vt verò nobiles hos alant tria suadent, patria, opes, & amplitudo nominis: patria quæ opus habet: opes quæ facile hoc onus ferunt: amplitudo nominis, vt verè equites armigæque in defensionem ciuitatis prodeant. Nam cur nobiles

Pol. 1. c. 1. 1. 4. cap. 4.

Partes ciuitatis Materiales, Formales.

Quatuor considerata.

1. Persona.
2. Modus.
3. Præmium.
4. Finis.

Equi à nobilibus alendi.

X 4

ordinis

ordinis equestris viri dicerentur, si neque equos ad usum rei-publicæ alerent, neque ipsi ut equites armati in turmam hostium profilirent? Vbique nobiles diuitias quærunt, habent ergo quo alant; vbique honores rapiunt, habent ergo cur alant; si hostem patriæ respiciunt, habent in quem finē alant. Honorificum olim hoc nomen fuit apud Romanos, qui primum hunc ordinem instituerunt: cur igitur apud Anglos non vigeret, cur apud omnes non floreret?

Distinctio.

In equis alendis spectantur 4. videlicet

- Quis alat, nempe vir nobilis, qui ob honores acceptos maxime ciuitati obstringitur.
- Modus, qui est rerum copia in viro nobili, quā facile hoc onus sustinetur.
- Præmium, quod est potentia seu ordo equestris, qui huic operi debetur.
- Usus, qui est ut bellum expeditius fiat, fortiusque ciuitas conseruetur.

Opp. *Nimis abiectum est & planè absurdum ut nobiles res sordidas & illiberales tractent: sed equos alere est res sordidas & illiberales tractare: ergo abiectum & absurdum est, ut viri nobiles equos alant.*

Resp. *Ridiculum est quod obijcis, nam non intelligimus hoc loco ut nobiles sentinam stabuli verrant & expurgent, aut ut equis suis fanum pabulumque prabeant: sed ut suis ipsorum sumptibus ad usum reipub. nutriant, ipsidemque fortiter insidentes cum opus postulat contra hostem (ut olim equites Romani) pugnent.*

Opp. *Usus equos alendi publicus & communis est, nempe salus patriæ: ergo potius tota ciuitas, quam nobilitas his sumptibus premeretur.*

Resp. *Hac ratio non sequitur, cum omne membrum ad bonum totius contenderet: si ergo viri nobiles sint quasi oculi reipub. illorum est ciuitati in istis euentis consulere ac providere, non tamen negamus quin tota ciuitas aliquid in hunc usum conferat, tum verò maxime cum nobiles in hac re deficiant.*

CAP.

CAP. IIII.

An decreta populi pro legibus habeantur?



NTE QVAM ad quæstionem propositam plenius describendam venio, res quæ in textu continentur dilucidè ac breuiter percurram: & quam Arist. in hoc libello non aliter quàm lepus ante canes se in rotas gyrosc; vertit, ut dum multi eiusdem in circulo vestigia quærant, ipse in latibulum & sedem fugiat; indefessè tamē & pedetentim ut aiunt persequar donec illum vepribus latètem seduli & studiosi venatoris oculis subijciam. Credo equidem multos interpretes tremulas suas manus ab his tabulis (vberioribus cōmentarijs depingendis) retraxisse, vel quòd eandem sapius tractatam viderint, vel quòd autorem hinc indè veluti cursitantem non prehenderint; sic dum silent, aut saltem apertè non loquuntur, Athenæ vilissimis maximeque necessarijs quæstionibus defraudatur: sed hæc excusatio otiosæ interpretationis nulla est, nam neque res sapius quàm oportet tractatur, nec incertus vagatur Arist. nisi hoc esse vagari intelligant, quæstionem in vna parte ponere, & in alia libelli parte causas assignare. At hoc euenit solum ex copiâ rerum, quæ obiter in subtili contextu & connexione quæstionum occurrunt. Fusiùs de hac re hoc loco scripsi, quia plerosque expositores in hac parte veluti oscitantes & somniculosos vidi. Sed hæc obiter: nunc ipsum aggredior Philosophum, qui in hoc Cap. tria proponit, dubitationē de populari & paucorum potentia, enumerationē partiū, quæ ad omnem ciuitatem requiruntur, diuisionem popularis potestatis in sex species, quæ suo loco & ordine explicantur. Dubitatio est, an imperium popolare paucorumque potentia solum magnitudine & paucitate differant, hanc antea ex Arist. breuiter attigimus, docuimusque ut hîc docet philosophus popolare esse imperium in quo pauperes, ingenui, & liberi,

X 5

fine

Vide Macch.
in Liu. lib. 2. c.
16. & 18.

Capitis
distributio.

Dubitatio.
Pol. 3. cap. 5.
Populare,
paucorum
Imperium.

*Fauctas, vel
multitudo ad-
ministrationis
accidentia.*

Rat. 3.

*Sic Indi, pol. 7.
cap. 14.
Æthiopes.*

Iones.

*Secunda pars
cap.*

*Vt animantis,
sic & ciuitatis
plures sunt
partes.*

*Partes ciuita-
tis decem, de
his pol. 7. c. 8.
Vide. Plat.
pol. 2.*

siue sint multi, siue sint pauci: paucorum verò potentiam esse in qua diuites & opulenti dominantur, sint illi etiam multi vel pauci, multitudo enim & paucitas sunt istarum administrationum accidentia; contingit enim in ciuitate esse multos pauperes diuitesq; pauciores: non ergo multitudine & paucitate, sed affluentia rerum & inopia hi duo status distinguuntur. Hoc probat Philosophus à numero, à consuetudine, & ab exemplo: à numero, Si (inquit) vniuersi in ciuitate sint mille & trecenti, horumque mille sint locupletes, qui nullam partem gubernationis trecentis concederent, hæc administratio tamē paucorum potentia diceretur, quamuis in ea maior numerus ac multitudo imperet. Ratio est, quia non multitudo & paucitas, sed diuitia & paupertas has duas administrandi formas speciesque distinguunt. Consuetudo, qua hoc ipsum probat Arist. fuit Aethiopum, qui secundum magnitudinem corporis, aut oris pulchritudinem suos honores distribuere solebāt. Exemplum est Ionum, id est rusticorum, qui liberis & ingenuis per vim quandam præfuerunt. Sed hæc in textu sunt apertissima. Secundum quod agitur est enumeratio partium quæ ad omnem ciuitatem requiruntur, in qua enumeratione primum plures partes ac species reip. esse à similitudine animalis hoc modo probat. Quemadmodum se res habet in animali, ita se habet in ciuitate: sed plures sunt partes & species animalis: ergo plures sunt partes ac species ciuitatis. Comparisonem hanc probat ab illis partibus animantis quæ distinctionem formarum faciunt, qualis demum sunt sentiendi, nutriendi, & mouendi instrumenta; sentiendi vt oculus & lingua; nutriendi vt os & venter, mouendi vt pedes aliaq; organa, quibus in mouendo animalia vtuntur. Hac comparisonem facta partes ipsas recenset, quæ sunt numero decem; Prima, est agricolarum, qui agros curant; Secunda artificum, qui ciuiles artes profitentur; Tertia mercatorum, qui in foro versantur; Quarta mercenariorum, qui vt serui ad opus faciendū pecunijs conducuntur, & has Plato eruditè (vt ait Arist.) demonstrauit. Cæterum in hoc illū reprehendit, quod solum ex necessarijs partibus constare ciuitatem

tatem existimauerit, addit ergo & alias partes; Quinta igitur est multitudo militum seu propugnatorum, qui patriam defendunt; Sexta est iudicum, qui iura tractant; Septima virorum à consilio, qui de negotijs reipublicæ consultant; Octaua magnatum, qui suis diuitijs opem ciuitati ferunt; Nona magistratuum, qui officia, honores reipublicæ tenent; Decima studiosorum, qui vitæ exemplo alijs prælucent. Tertium iam sequitur, nempe popularis potentia in suas species distributio, quod verò eiusdem sint plures species hoc modo probatur. Quæcunque habent partes naturā diuersas, eadem species quoque diuersas habent: sed tam paucorum potentia quam popularis, partes diuersas naturā habent: ergo tam paucorum potentia quam popularis species diuersas habent. Assumptio in textu ab inductione confirmatur, exempli causa; popularis status habet agricolas, arrifices, mercatores, nautas, piscatores, & his finitimos, à quibus variæ species administrandi oriuntur, vt Tarenti & Bizantij per piscatores, vt Athenis per classicam & naualem multitudinem, in Aegina & Chio per mercatores, postremo per traiectores in Tenedo. Quod verò paucorum potentia ex varijs quoque partibus constat, ostendit, quia nobilium alij diuitijs, alij honoribus, alij virtuti, alij literis & sapientiæ student. His positis, popularis imperij quinque species tradit; prima in equalitate administrationis ponitur, hoc est cum totus populus simul regit, vt alter alterum auctoritate non vincat. Secunda in quadam inæqualitate versatur, scilicet vt iuxta censum definitum hæreditatis cuius honor tribuatur. Tertia est cum totus populus non secundum arbitrium sed secundum legem dominatur, illis solum exceptis qui generis labem aut impedimentum habent. Quarta est in qua ciuis à non ciui auctoritate, & lege distinguitur, nec non cuius pro virtutis merito dignitas reipublicæ demandatur. Postrema est cum tota multitudo imperet, omniumque æqua potestas sit subeundi magistratus; sed ita, vt leges non regant sed decreta populi pro legibus habeantur. Hoc autem maximè tum fit (vt ait Arist.)

*Distributio
potentia po-
pularis.*

*Popularis in-
perij quinque
species.*

Hom. Iliad. 2.

Leges in vni-
uersis, decreta
populi in re-
bus singulis
versantur.
Ius Civile,
Prætorium.

Decreta po-
puli admitten-
da ad tempus,
non habenda,
vt leges.
Confirmatio
triplex.
Pol. 2. cap. 6.
lib. 3. c. 7. & 11.

Aristoteles) cum quidam fautores populi (quales olim tribuni plebis apud Romanos fuerunt) adulantur multitudini eamque sæpe ad tyrannicam ac intolerabilem potentiam trahunt. Concludit igitur Philosophus à testimonio Homeri & autoritate veterum philosophorum, qui rectè istiusmodi potentiam populi, vt illegitimam & iniustam reiecerunt: quippè non est (inquiunt) verè respublica in qua leges silent solaque decreta furiosa populi dominantur. Hactenus de expositione textus, nunc de quæstione agitur, quæ est, An decreta populi pro legibus habeantur? Vna species est popularis potentia, quam vt iniustam hoc loco reprehendit Philosophus, ea scilicet in qua populus sine legibus imperat & dominatur. In ea inquit Demagogi & assentatores veluti Syrenes dulcis sermonis lenocinijs populum superbū & tyrannum faciunt, eumque ad abrogandas leges suaque ipso- rum confirmanda decreta facile inducunt. Sed talem demo- cratiā nullo modo esse rectam administrandi formam spe- ciemque affirmat, rationē addit, quia edicta seu decreta popu- li pro legibus non haberentur, quippè decreta in rebus sin- gulis, leges in vniuersis ponuntur: hinc quæstio modò reci- tata fuit, An decreta populi pro legibus habeantur? In omni statu reipublicæ recto & non recto multitudo inest, magnā- que partem ciuitatis occupat, adeo vt sine ea nec magistra- tus creari, nec leges fieri, nec concilia celebrari, nec vlla publica negotia tractari possint: semper enim habenda est ratio multitudinis, ne contempta, contumax & seditiosa fi- at. Cæterum vt lenius demulcenda est aliquandò ne sæuiat, ita prudentiā magistratuum sæpè est coercenda nè insole- scat; quippè citò legum habenas populus licentiā vitæ effe- minator factus excutit, omnemque legem vt magistratum spernit: sint ergo decreta populi, sint quædam edicta multi- tudinis, sed valeant ad tempus non pro legibus habeantur. Rem paucis probo: à natura legis, ab imperitia multitudinis, à miseria ciuitatis in qua solum edicta populi principatum habent. A natura legis, quia lex omnis vniuersa est, at decre- ta populi in rebus singulis & incertis versantur: lex firma, iu- sta,

sta vna & immutabilis manet; at decreta multitudinis infir- ma semper, sæpè iniusta, nec nō Chameleonti simillima ha- bentur; non ergo legum pondus & auctoritatem habent. Ab imperitia multitudinis, quia cum partes ciuitatis sint, vt par- tes animalis, aliæ ad victum, aliæ ad motum, aliæ ad sensum & rationem, vt suprà docuimus; populus in ijs partibus an- numeratur, quæ ad victum motumque requiruntur, non au- tem in illis quæ sensus & rationis excellentiā præstant, qua- les sunt boni & prudentes viri qui oculi ciuitatis luminaque dicuntur: nō est ergo in populi decretis tanta vis rationis tā- taque prouidentia, vt illorum decreta pro legibus in tabu- lis reipub. sint insculpenda. A miseria ciuitatum, in quibus edicta populi principatum tenent, quia quid miserius est, quid in repub. funestius, quàm à nouis statutis sententijsque leuis multitudinis dependere? Multi sunt casus, multa vari- a; euenta rerum, flexibiles quoque sunt voluntates homi- num, maximè imperitorum, quales sunt plerumque multi- tudinis. Nam si quoties istiusmodi vicissitudines rerum, ciui- umque eueniant, toties continuò noua decreta, nouaque phan- tasmata populi excuderentur; quàm misera sit illa reipublice administratio, nemo est tam rudis & inexpertus rerum, qui non aperte videat. Vix toleranter ergo insaniunt, qui in cō- uersione rerum pub. edicta populi (affectus non rationis im- petu constituta) pro legibus æri (vt aiunt) incidi ac insculpi volunt. Si hoc iubeant legumlatores, vt duobus malis pro- positis leuius admittant, leniusque cor ciuitatis fodiant: vi- dentur illi quidem mihi flāmulas vitando sumis demum sus- focari. Nam quid aliud est in turbine reipub. populi decreta sapientum consilijs anteferre, quàm dapibus reiectis, miser- rimè inediā contabescere? Ieiuna enim est mensa multitu- dinis, & sine sale; In mensa verò sapientum, Philosophiā fer- cula condiuntur. Considerandum tamē hic est, quòd dissen- tientibus inter se magistratibus, oculisque reip. quasi effos- sis, liceat populo prudentiori decreta ponere, eademque ad tempus pro legibus retinere; cum tamen ciuitas à scopulis ad portum, à procella ad quietem redeat, decreta illa ciui-

Bellua multo-
rum capitum

Multitudinis
voluntas ple-
rumque flexilis.

Plebiscita
quando vale-
ant

tatis

tatis consensu commutentur, eorumque loco fiant leges sine quibus omnis (ut hic concludit Philosophus) infirmatur & enervatur politia.

Distinctio.

Tractatur in hoc Cap. quatuor,	Definitio	Popularis potentie, quæ est status ciuitatis, in quo penes liberorum multitudinem est summa administratio & potestas rerum. Paucorum potentie, quæ est status, in quo penes diuites est summum imperium.	
	Enumeratio partium ciuitatis, quæ sunt aut	Generales, ut	Diuites. Pauperes. Agricolarum, Opificum, Mercatorum, Mercenariorum, Militantium, Consultorum, Iudicum, Magistratum,
		Speciales, ut multitudo	Nobilium, qui splendent aut Diuitijs. Virtute. Genere. Doctrinâ. Bonorum, qui vitæ exemplo lucent
	Diuisio popularis potentie in quinque species, quæ aperte à nobis distinguuntur.	Quæstio. An decreta populi pro legibus habeantur: pro batur autem non haberi,	

Argumentum contra primam partem capitis.

Opp. Diuitia & paupertas sunt accidentia ciuitatis: ergo democratia paucorumque potentia iisdem non recte hoc loco definiuntur. Antecedens patet, quia diuitia, & paupertas fortuito hominibus eneniunt. Argumentum probatur, quia accidentia non possunt verè definir.

Resp. Non per diuitias inopiamque rerum distinguuntur hi duo status & administrandi forma, sed per diuersam imperandi rationem eorum, qui istis varijs modis affecti sunt: quare etsi diuitia & paupertas sint accidentia illa quidem ciuitatis, diuersa tamen diuitum pauperumque administrantium rationes non accidentia sed differentia distincta rerumque esse ponuntur.

Argu.

Argumentum contra secundam partem capitis.

Opp. Plures sunt partes ciuitatis: ergo non recte hoc loco enumerantur omnes. Antecedens patet ex primo lib. ubi pastorem artem, & ex secundo ubi sacerdotalem dignitatem ut partes ciuitatis recensuit. Cap. 5.

Resp. Pastores ad agricolarum multitudinem, sacerdotes ad bonorum & studiosorum collegium, sapientes doctique viri ad nobilium classem reduci debent.

Argumenta contra tertiam partem capitis.

Opp. Aequa potestas singulorum ciuium esse non potest: ergo prima species democratia male definitur. Antecedens probatur, quia fieri non potest, ut pariter infinita multitudo in equali censu diuitiarum honorumque conspiret. Aequalitas Censu, Honoris.

Resp. Per equam potestatem intelligit Philosophus equalem libertatem magistratum obtinendi in repub. quare etsi sit inaequalitas rerum, proportio tamen eadem esse potest honorum, & sic intelligitur Philosophus.

Opp. Secunda species democratia requirit certum diuitiarum numerum, ut ad magistratum admittatur ciuis: ergo proprie popularis status dici non potest. Antecedens patet in textu. Argumentum probatur, quia maior pars multitudinis caret diuitijs, quarum defectu laborantibus aditus ad omnem in repub. amplitudinem intercluditur.

Resp. Respondent quidam has species analogicè hoc loco definir, at dici potest quod Arist. hic censum pondusque diuitiarum admodum paruum, & exiguum requirat, sicut manifestè apparet in textu.

Opp. Tyrannis est nulla species democratia: sed ultima qua hic traditur species est tyrannis: ergo non est species democratia. Maior constat, quia sunt distincta genera ciuitatis. Minor probatur, quia populum in ea additis assentatoribus omni abrogatâ lege pro arbitrio, & libidine dominatur. Timocratia par tyrannidâ vide pol. 5. cap. 10.

Resp. Negat Philosophus in textu hanc esse veram speciem popularis potentie, quia in ea populus secundum decreta sua, non secundum leges, & instituta maiorum vivit.

Argumenta contra quæstionem.

Opp. Decreta populi sunt leges: ergo pro legibus habenda. Antecedens

Tribunitiæ
rogationes
non sunt le-
ges.

tecedens probatur, quia decreta populi sunt viuendi regula ex consensu totius ciuitatis facta & approbata.

Resp. Si per populum totam ciuitatem intelligas, verum est quod dicis: at si per populum solam partem eamq; non primam intelligas, hoc verum esse negamus.

Opp. In populari statu populus est tota ciuitas: ergo in populari statu decreta populi pro legibus haberentur.

Resp. Argumentum non tenet: nam etsi populus tota ciuitas dicatur, est tamen in ea administratione dignitatis ordo, ut alij alijs præsent imperentq; quorum consensu non dato decretum pro lege haberi non debet; aequalitas ergo dignitatis est in populari statu, non quod omnes & singuli actu in participatione dignitatis sint pares, nã hoc esset per absurdum; sed quod omnes & singuli aequales esse possint, & hoc iustum in prima specie democratia habetur.

Dubium.

An assentatores aulici sint causa tyrannidis?

Assentatio
bestia nocen-
tissima.
Laert. l. i. c. 6.

Assentatores
rerum publi-
carum pestes.
Assentatoris
natura.
Vid. Plut. de
diser. adul. &
amici.

O MNIVM nocentissima bestia est assentatio, maximè in aula principis. Nam vt fulmen ossa sæpè diffringit illæsa cute: ita assentatio regum præcordia vulnerat sub specie amicitia. Assentatio enim dulcissimam vocem Syrenis, at voracissimum ventrem Charybdis habet: blanda est & tamè aspera, dulcis & tamen amara, candida & tamen nigra; quid multis? Facie humanà est, & tamen vipera: de hac alibi dixerim, hinc ergo non multus ero. Quoniam autem Arist. in textu assentatores tyrannorum comites esse affirmat, illosq; causas esse cur pro ratione libido, pro lege voluntas, pro institutis maiorum placita & decreta populi dominantur: non grauabor verbo demonstrare hæc monstra esse ipsas calamitates & pestes rerum pub. in quibus admittuntur; primò hoc ipsum probo à natura assentatoris, qui est specie amicus, hostis verò animo, totus dissimulatur, & infidiator vitæ: quod si ita sit, non aliter, quàm ignis omnes, quibuscum agit, in suam naturam conuertere & transferre nitetur; at si reges virosq; principes (apud quos maximè viuunt & versatur) semel inficiat; periculum est ne ipsi dissimulatores fiant, rationisq; imperio relicto passionibus animi, & affectus sequantur. At quid

Secundum
affectum rege-
re idem, quod
tyrannidem
exercere.

Assentationis
effecta.

Suet. in Cæs.
cap. 78 79.
3. Reg. 12.

Epiphonema.

Quin. Curt.
lib. 8.

quid aliud est secundum affectum regere quàm regnum in tyrannidem commutare? Verum enim uerò si lætania vbera assentantium viri primarij fluxerint, veluti aspidum aculeis icti statim in lethargum & altum soporem incidunt, in vallo phantasinatum perpetuò somniant, qui sint & vnde oriuntur obliuioni tradunt, indulgent affectibus, contemnunt leges, ciues corrumpunt, ciuitatem fallunt, toti tyranni & crudeles fiunt. Nam vt ab effectu Gnatonicæ artis hoc ipsum probein, constat insidiosam esse assentatorum vitam, eoq; tendere, vt oculi principum primùm cecutiant & effodiantur: quo facto principes primùm ad philautiam & amorem sui, tum ad contemptum & odium aliorum ruunt: hinc fraus, perfidia, imperiosa voluntas, velox appetitio vindictæ, abrogatio legum, aliaq; sexcenta mala in ciuitatem fluunt, quæ potiùs tyrannidem, quàm pacatum reipub. statum & administrationem arguunt & repræsentant. Postremò vt ab exemplo agam, quid Neronem castissimè educatum crudelem fecit? Assentatio. Quid Cæsarem contra patriam rebellare fecit? Assentatio. Quid Rehoboam regem Israeli tyrannum fecit? Contemptio grauissimorum senatorum, & perditorum iuuenum assentatio. Domestica possum hic adferre exempla, Richardum secundum, & Richardum tertium, quorum vtrumq; multum læsit assentatio; sed ita vt ille vulneratus resiliit, hic verò tyrannidis suæ tragediam truculentam (in qua ipse actor fuit) nobis Anglis commédarit. O vtinã principes ab istis laruatis Gnatonibus & parasitis aures suas tandem auerterent, eorumq; carminibus & fascinationibus diutiùs non crederent! vnus Clytus præferendus est sexcētis Aristippis; at proh dolor, Clytus ab Alexandro hastâ transfigitur, Aristippi in aulis multorum principum dominantur.

Distinctio aperta est in probatione causæ.

Opp. Reges ætiam reipub. sustinentes opus habent placidis viris aliquando, quorum salibus & facetijs recreentur: sed tales sunt assentatores: ergo assentatores regibus sunt permittendi. Minor probatur, quia tales dissimulando & mentiendo sæpe animos principum affectibus tuillant.

Y

Resp.

Non est idem
affabilis, &
assentator.

Resp. Hæc ratio rectè probat affabiles, virosq; placidos, non assentatores seu parasitos in aulis principum esse permittendos; sales enim non fraudes, facetias ingenij non insidias spargere & exercere oportet. Porro negamus Minorem huius syllogismi; nam affabiles non dissimulant, non mentiuntur, quæ duo sine intentione mali esse non possunt. Quod verò res novas & admirabiles effingant, hoc faciunt, ut audientes suos delectent solùm, non ut decipiant: ut recreent, non ut prodant irretiantq;.

Loqui placen-
tia.


Ridentem di-
cere verum
Quid vetat?
Horat.

Opp. In tyrannide sunt dolor, luctus & molestia: ergo eiusdem causa non sunt assentatores. Argumentum probatur, quia assentatores placida & incunda querunt atq; loquuntur: sed enèta tyrannidis sunt his contraria: ergo tyrannidis non sunt causa.

Resp. Assentatores sunt non qui semper incunda aut iocosa loquuntur, sed qui aliquando sub specie gravitatis & prudentiae res quasi magnas & ponderosas tractant. Respondeo igitur argumentum non tenere; nam quamvis dolor, luctus, milleq; molestia sequantur tyrannidem, assentatores tamen qui aliud sentiunt, aliud loquuntur, eiusdem causa existere quidem possunt: Ratio est, quia sub pallio dissimulationis oia concepta malitia tegunt, ex quibus detatos scorpiones pariunt, & saepe in præcordia bonorum civium immittunt.

CAP. V.

An forma civitatis mutata eadem leges ad tempus sint retinenda?



ACONICA in hoc cap. Philosophus breuitate utitur, & admodum pauca de paucorum potentia eiusdemque formis, nunc quidem loquitur. Si ordinis rationem quæras, velim memineras hæc duo genera reipublice, nempe populare, paucorumque imperium, ab Aristotele iuxta copulari. Ut ergo de populari modo, ita

nunc de paucorum administratione disserit. Analysis textus hæc est, quod paucorum potentie quatuor sint species. Prima definitur gubernatio eorum qui magno rerum possessorum

Quatuor spe-
cies Oligar-
chiae.
Prima.

censu

censu & vbertate alios ciues superant, tales sunt Crassi Luculli; in multitudine, qui suis ipsorum sumptibus magnificè magistratus gerunt, pecuniasq; suas in gloriam totius ciuitatis expendere conantur. Ad hanc dignitatem solùm Plutus non Irus, diues non inops peruenit: exemplum huius rei domi est, si prætores præfectosq; Londinenses consideres, qui in vrbe ad amplissima honoris subsellia plebis consensu non eliguntur, nisi gemmam in mente, aurum in manu habeant. Secunda species paucorum potentie est eorum administrationis qui exili rerum censu & copiâ prævalentes sibi in officio alios pro arbitrio sumunt, maximè verò tales à quibus vberiore commoditatem sperant: sed hæc forma administrationis est minùs propria, minùsq; honesta, cū in ea quæstus non virtus quaeritur; nā si secundum virtutem alios eligerent, qui magistratum gerant, potiùs optimatum imperium quàm paucorum potentia hæc forma diceretur. Tertia species in textu verbo definitur, cum patre defuncto filius dominatur, hoc est, cū diuites aut fauore populi, aut alio quouis modo ius successionis in administratione ciuitatis obtinēt. Hæc forma laudabilis est si in successionem virtutis possessio inest, legisq; ratio habeatur. Quarta species est cum diuitum filij per successionem reip. sine lege & virtute imperant, sed ista gubernatio est longè omnium deterrima, & non aliter tertiæ speciei opponitur quàm tyrannis monarchiæ, & vltima species popularis (quæ est tribunitia) alteri quæ virtute geritur; quippe in his tribus nimirum tyrannide, tribunatu, paucorumq; prauâ successionem virtutes ac leges exterminantur, earumq; loco furor, vis & libido regnant. Vltimū quod in hoc ca. agitur est admonitio quædā, quod nos latere non debeat, posse contingere ut resp. nō sit legibus popularis, quā tamē moribus popularē esse obserues, & ex diuerso, hoc autē euenit ut coniecturā Arist. facit ob mutationem rerū pub. nā cum grauissimis de causis vna administrandi forma in aliā mutatur, verbi causā, popularis in paucorum potentia, sapientiæ est easdē ad tēpus retinere leges, ne subitanea mutatio populū offendat motūq; quasi violentum ciuitatis efficiat: hinc quæstio nascitur,

Magistratus
Londinenses
nulli, nisi diui-
tes.

Secunda.

Tertia.

Quarta.

Admonitio.

Quæstio.
Vide. Macch.
in Liui. lib. 1.
cap. 15.
Periculosa
commutatio.
Bos lassus for-
tius figit pedē

Liui. 1. dec. 1.
Totidem lieto-
ribus, rege sa-
crificulo re-
tentis.

Vide pol. 2. c. 6.

Eth. lib. 5. c. 10.

Pol. 4. cap. 1.

Ægyptiorum
lex.

nasce itur quam nunc discussio, An formā ciuitatis mutatā e-
dem ad tempus leges sint retinendæ? Quemadmodum ra-
rissimē inueterata consuetudo dissuitur: ita difficillimē ciui-
tatis forma commutatur. Verū si tandē maximis de cau-
sis commutetur, magnoperē cauendum est nē filia matrem
deuoret, hoc est, nē noua alteratio ciuitatem perdat. In mu-
tatione reipub. satius est testudinis tarditatem, quā veloci-
tatem leporis imitari; lentē festinandum est (vt aiunt & in re-
bus tantis sat citō si sat benē. Romani olim Tarquinio rege
expulso, atq; monarchiā in aristocratiam translatā leges pri-
oris status sapienter ad tempus retinere, quod etiam factū
est cū senatus in popolare imperium declinauit. Hoc qui-
dē fecerunt meā opinione sapientes viri, vt paulatim ad
nouos mores nouasq; leges populus allectaretur, qui subita-
neo impetu impulsus fuit, qui leniter persuasus emollescit.
In mutatione ergo reipub. conueniendum est in multis, ig-
noscendum sæpē, nonnunquam ferendum, & tolerandum
malum, si ad antiquas leges (quæ nuper oracula ciuitatis e-
rant) à multitudine prouocetur: nam si aliter fieret, statimq;
mutato statu ad nouis obediendum legibus cogerentur ci-
ues; verendum est nē fumus suffocatus in flammis seditio-
nis prorumperet, suoq; violento motu ciuitatis fundamenta
conquassaret. Philosophus in Ethicis suadet, vt nouæ leges
populi moribus (vt Lesbia regula lapidibus) concinnentur,
hoc est, non temerē nouis legibus mutandi sunt mores ho-
minum, sed paulatim ad rectum sunt deflectendi; Quod si
hoc in condendis legibus præcipiat, quid velit in mutandis
illis, quas diuturna consuetudo firmavit, præscribere? Facili-
us quidem est nouam ciuitatē nouis legibus effingere quā
ab antiquis ciuium animos distrahere & alienare. Ratio est,
quia illud vix semen; hoc verò radicem & fructum habet.
Præterea sicut apud Ægyptios lex erat vt medici ad tempus
non mouerent humores, sed vim naturæ expectarent: ita qui-
dem optandum est, vt custodes ciuitatis antiquas leges eò
vsq; permittant donec sapientis suasu aliquantulum mores
populi commutentur. Nam vt in mouendis humoribus cor-
poris

poris ante definitum tempus magnum periculum naturæ:
ita in mutandis legibus ciuitatis ante persuasionem populi
grande reipub. dispendium imminet. Qui ergo consultō &
sapienter status rerumpub. mutant, extemplo (vt aiunt) in-
nouationi legum non student, sed umbras populi sequentes
sphæram reipub. sensim ac paulatim vertunt, donec ad opta-
tum punctum digito quasi attingendum veniant, cardinesq;
ciuitatis multiplici conuersione in definito statu figant &
confirmant; hoc enim modo ciues deliniti facile quò velis
pertrahentur, legesque nouas, quas sanxeris, sine omni mur-
muratione sustinebunt. At dices, quæ est hæc mutatio reipub.
si eadem leges, si iidem mores maneant? Nonnē sunt leges
nerui reipublicæ, à quibus sensum motumq; ad suum bo-
num habet? Fierinē ergo potest, vt ciuitatis forma mutari di-
catur antiquis legibus non mutatis? Attende, sicut ab extre-
mo ad extremum nemo peruenire potest, nisi per medium:
ita ab vna forma ciuitatis ad alteram populus adduci non
potest nisi per medium; hoc ergo volumus vt iustis de causis
aliquandō mutetur reipub. status, sed ita vt per media non
per extrema ista conuersio, & commutatio fiat. Maneant er-
go antiquæ leges, & ad tempus valeant; præualeant tamen
sapientum voces, quarum moderatione veluti modulatione
quadam dulci affectus & mores populi alterentur; quod
cū eueniat, valeant voces, præualeant leges, seueriusq; re-
sistentes legibus castigentur. Legimus de odio illo dei ac ho-
minum Iuliano apostatā, qui postquam primū à salutis tes-
sera ac religione descuerat, Christianos omnes viros hone-
stos callidē & astutē dixit, illorum sanctam religionem er-
rorem non hæresim appellauit, eos etiam in curia à suo late-
re secundū antiquas leges viuere permisit: demū verò
maiore conceptā inuidiā illos à palatio abegit, tandem mu-
tatis moribus per licentiam populi nouis legibus constitu-
tis ad carceres & cruces raptari iussit. Si Iulianus apostata
mutato regno in tyrannidem his medijs sub prætextu virtu-
tis vsus, populum ad approbationem suæ tyrannidis allecta-
uerit, quantō melius quantoque sanctius boni principes in
mutandis

Ab extremo
ad extremum
non perueni-
tur, nisi per
medium.

Iulianus Apo-
stata.
In Ecclesiasti-
cis annalibus.

Prudentia in bonis, astutia in malis.

Plena sermocinatio.

mutatis deterioribus rerū pub. formis in iustiores his modis vterentur? Prudentia hæc est in bonis, astutia verò in malis: nam in studiosis ad bonū commune, in facinorosis ad publicam perniciē tendit. At vr̄ges antiquas leges fortasse malas omninò esse: quid tum? Ergo sine omni mora sunt abrogandæ. Rationem nego, non quòd mala non tolli, sed quòd ad tempus (nè maiora creentur pericula) tolerari debeant. Vis ergo antiquas leges in mutatione status ubique expungi? Volo, sed ita, vt multitudo iisdem expunctis non insaniat: imò leges retinere & eisdem non obsequi tumultum & insaniam parit: non parit modò sapientes magistratus præsent, qui populi affectus moderentur: at leges non sunt leges quas violare licet: verū est si ratio, & non affectio gubernet.

Distinctio.

Explican- tur in h. c. Cap. duo.	Diuisio paucorum potentiæ in quatuor species, quæ sunt administrationes vel secundum	Magnum censum diuitiarum, ad quem pauperes non possunt pertin- gere. Paruum censum, in quo statu est electio. Fauorem populi, in quo statu est successio. Arbitrium imperantis, in quo le- ges iniuste abrogantur. Similitudine naturæ & artis. Periculo mutationis. Ab assuetudine multitudinis. Prudentia magistratus. Vsu seu bono ciuitatis, vt dilucidè patet.
	Quæst. quæ est, An leges antiquæ ad tēpus in mutatione reip. sint retinendæ? quòd probatur à	

Opp. contra primam partem capitis.

Opp. Secunda species paucorum potentia non distinguitur à secunda specie popularis imperij: ergo perperam hæc species vt distincta definiuntur. Antecedens probatur, quia utraq; species est (vt patet) in qua secundum exilem paruumq; diuitiarum censum homines dominantur.

Census definitus, indefinitus,

Resp. Quamuis in utroq; statu census diuitiarum paruum requiratur, differunt tamen quia in secunda specie popularis potentia census parvus & definitus, in secunda verò specie paucorum potentia

censu

census parvus & indefinitus proponitur. Præterea in hoc alia est distinctio, quòd in populari potentia non sit penes magistratum alios sibi eligere: at in hac forma paucorum potentia alios assumere pro arbitrio licebit.

Opp. Paucorum potentia est in qua diuites principatum tenent: Diuitiæ ex
sed in secunda specie diuites principatum non tenent: ergo secunda spe- forma oligar-
cies paucorum potentia non est. Minor probatur, quia diuites non chie.
paruum sed magnum censum pondusq; diuitiarum habent. Paruus census

Resp. Paruus census dicitur comparatè non absolutè; paruus enim est non simpliciter sed respectu eorum qui maiorem habent. Comparatè, Absolutè.

Contra quæstionem propositam.

Opp. Diverſi status, ac forma ciuitatis à diuersis legibus dependent: ergo mutato statu ciuitatis easdem leges non conuenit retinere. Leges ad sta-
Antecedens patet, quia leges cuiusq; ciuitatis formam & statu lo- tum accom-
quuntur. Argumentū probatur, quia sine legibus cōsentaneis admi- modantur.
nistrandi forma distrahuntur ciues in contrarios & diuersos fines. pol. 3. cap. 7.

Resp. Leges in mutatione ciuitatis considerantur bifariam, aut defectiue, vt auit, aut perfectiue: antiquæ leges retinentur quidem sed defectiue, vt calor naturalis in corruptione vitæ; nouæ autem leges ponuntur sed perfectiue, vt forma plantæ post corruptionem seminis. Non ergo retinentur leges, vt vizant, sed vt deficiant; non vt valeant in moribus populi confirmandis; sed vt nouis confirmatis penitus declinent.

Opp. Contraria eidem simul inesse non possunt: sed leges diuersarū Arist. cap. de
formarū sunt contraria: ergo simul eidem ciuitati inesse non possunt. oppos.

Resp. Contraria accipiuntur duobus modis, aut intense (vt aiunt) & sic simul non insunt: aut remisse, & sic simul inesse possunt. Similiter de legibus contrariis in mutatione ciuitatis dicimus, quarū illa (nempe antiqua) in declinatione, hæc verò in perfectione ponuntur.

Opp. Si subito mutetur morbus in valetudinem non nocet corpori: ergo si subito mutetur deprauatus status reip. in bonū nō nocet ciuitati. Ratio tenet propter similitudinē corporis naturalis & civilis. Mutatio in
melius op-
tanda.

Resp. Similia nō tenent per omnia, quamobrem ratio non sequitur. Præterea rarissimè cōtingit, vt de repente semel amissa acquiratur sanitas: immò potius in hoc similitudo & rationis proportio tenet, quòd sicut corpus naturale naturaliter non statim cor-

Similia non
tenent per
omnia.

rumpitur: ita corpus civile (quod est ciuitas) prudenter non statim commutatur. Nam ut aqua calida sensim ac paulatim priorem naturam, & substantiam perdit: ita una administrandi forma in aliam mutata successibus (ut aiunt) passibus vires amittit. In hoc ergo prudentia magistratus cernitur, quod leges antiquae ad tempus tanquam umbra corporis retineantur; non ut illas obseruent cives, sed ut illarum defectus intuentes ad alium ciuitatis statum, moreque alacrius properent ac festinent.

Dubium capitis.

An deterior sit simplex oligarchia quam mixta?

Oligarchia
Simplex,
Mixta.

Oligarchia
simplex mix-
ta deterior.

OLIGARCHIA simplex & absoluta est, in qua paucorum affectus non ratio, impetus non intellectus regnat. Est autem mixta, in qua opulenti homines & leges dominantur. Tres primae species paucorum potentiae sunt mixtae, vltima verò simplex, & absoluta dicitur. Comparatione iam facta quaeritur, An haec illis habeatur deterior? Respondet Philosophus deteriorem esse, idque probat tribus argumentis, quorum primum est ex parte legis, alterum ex parte magistratus, postremum ex parte finis. A parte legis, quia in ea lex deficit, in alijs verò oligarchiae formis lex principatui tenet. Ex parte magistratus, quia in ea regunt tyranni, in alijs non item. Ex parte finis, quia in ea non bonum commune, ut in ceteris, sed bonum priuatum quaeritur. Si ergo in ista administrandi forma neque leges, neque ratio, neque magistratus, neque iustitia, aut aequitas vllum locum habeant, sequitur praeter ceteris longè pessimam deterrimamque habendam esse.

Distinctio patet.

Opp. Aliae species oligarchiae opponuntur maxime virtuti: ergo sunt pessima, & ex consequenti vltima species non est deterior. Antecedens probatur, quia omnis oligarchia opponitur aristocratiae, qua sola iustitia, & aequitate regitur.

Resp. Quamuis maxime diuitum in omni oligarchia habeatur ratio, est tamen quadam boni malique inter eiusdem formas proportio & comparatio: non enim tam opponuntur iustitia illa administrationes, in quibus secundum leges viuunt, quam hac, in qua non lex, sed paucorum libido dominatur.

Opp.

Opp. Aliae forma oligarchiae sunt deteriores: ergo iniqua est ista comparatio. Antecedens probatur, quia aliae sunt malis legibus armatae, vltima verò species leges non habet.

Resp. Hac ratio sequeretur si omnes magistratus in alijs formis oligarchiae essent penitus iniusti viri, omnesque leges iniquae: at ita non est, nam in paucorum potentia multi sunt studiosi cives, multique leges utiles ac necessariae, ut Aristoteles saepe insinuat.

CAP. VI.

An nothi sint cives?



NE sterilior, ieiuniorque videatur haec (que modo praecessit de formis popularis paucorumque potentiae) explicatio, vtriusque nunc causas & rationes ostendit Philosophus. Et quoniam prima species democraticae in qua aequalitati ac libertati studetur, communis est reliquis, eandem iam prudens omittit, primoque in

loco secundi generis rationem exponit. Hoc genus est, ut antea narrauimus, in quo paruum ac definitum censum diuitiarum possidentes ad magistratus honoresque reipublicae peruehuntur; quales sunt agricolae, artifices, & id genus alij, qui tenues, & exiles facultates habent. In hoc statu inquit non ex arbitrio hominis, sed ex praescripto legis viuere oportet. Ratio est, quia angustis facultatibus ciues praediti satis otij ab opere non inueniunt, ut reipublicae onus perpetuamque curam sustineant: paruus ergo census causa est in hac forma democraticae cur leges imperent, quippe ciues penuriam quaedam laborantes non possunt nisi certis ac definitis temporibus reipublicae vacare & inseruire. Alterum genus popularis potentiae, cum nulla census adhibitae ratione cunctis reipublicae munera ac dignitates patent, illis hominibus solum exceptis, qui neque naturae notam iniustam, neque fortunae

A magistratu
gerendo pro-
hibentur
1. Pauperes.

2. Nothi.

Y 5

genus

3. Serui.

Oligarchiæ
genera.

Quæstio.

Vide pol. 3. c. 3.

Sepulveda.

genus pauci. In hoc quoque genere dominantur leges, ratio est, quia vectigalia satis opima non suppetunt, ut qui magistratus gerant otiosi possint. Tertium genus est in quo ab administratione ciuitatis serui solum excluduntur. In hoc etiam statu secundum leges uiuitur, quia satis diuitiarum ad otium non supeditatur. Postremum democratiae genus est, in quo totus populus secundum arbitrium, & non secundum præscriptum legis uiuit, quem statum populi assentatio genuit, licentia auxit, furor multitudinis confirmauit. Quemadmodum in 1. parte huius cap. de formis democratiae, ita in ultima parte de formis oligarchiae agit Philosophus, earumque rationes similiter paucis perstringit. Primum ergo genus paucorum potentiae seu oligarchiae est illorum diuitum administratio, qui neque tam amplas facultates habent, ut ipsi neglectis cessare & otiosi possint, neque tam exiguas, ut à ciuitate suum victum coacti querant; quod cum ita sit, necesse est legem non ipsos in hoc statu ciuitatis imperare. Alterum genus oligarchiae est, cum minorem habentibus censum accessus ad remp. patet, sed ita, ut valentes plurimum sibi alios in subsidium contra multitudinem assumant, legemque sanciant, quam videantur iuste socios minoris census eligere, ut cum opus sit contra populum tutius praemuniatur. Tertium genus paucorum potentiae est, in quo viri potentes regnant, qui ne in posteris occasum & eclipsin nominis atque honoris videant, legem successionis constituunt. Postremum genus est, quando aliquot in ciuitate supra modum diuitijs aucti imperium rapiunt, & non aliter, quam tyranni sine lege viuunt. Hæc plena analysi, & expositio textus: nunc quaestio sequitur, quæ est, An nothi sint ciues? Si vrgeas nothorum hoc loco non meminisse Arist. respondeo in describendo 2. genere potentiae popularis aperte id ipsum quod quaerimus insinuasse. Verba hæc sunt. Omnibus licet ad remp. accedere, quos modo generis exceptio non repellat. Per generis exceptionem, Sepulveda alijque docti interpretes nothos intelligunt. Sed de nomine non certamus, reipsam quaerimus. Instituta est olim in omni ciuitate sancta & indiuidua viri familiaritas;

neque coniunctio, ut certa proles, libera & immunis quasi seges reip. nasceretur: qui ergo hanc coniunctionem violat, qui hoc fœdus quasi dextram naturæ percussu dirimit, qui alterius thorum spumam suæ turpitudinis cõtaminat, is primò cõttra naturam, tunc cõttra iustitiam, postremò cõttra seipsum delinquit: cõttra naturam quæ hunc nexum parit, cõttra iustitiam quæ eundem iam partem alit, cõttra seipsum qui se hoc scelere odium ciuitatis facit. Indigna res ergo est ut spurij, qui sunt effectus tantorum scelerum dignitatem in repu. obtineant participesque ciuitatis (quæ est societas tantum liberorum) fiant. Præterea quid aliud est spurios degeneresque ad concionem, & senatum ciuitatis admittere, quam libidinis quasi faces accedere, laxasque habenas corruptoribus virginum, adulteris, incestuosis, alijsque monstrosi hominum concedere? Qui cum viderint suos spurios furtiuo semine conceptos, natosque iniuste non minus in ciuitate florere, quam filios legitime partos, liberosque educatos, ad Platoniam remp. ac communitatem vxorum, ad immanitatem suorum scelerum, ad omnem licentiam vite precipitantius ruunt. Porro cum omnis recte instituta ciuitas præcipuam curam sui nominis ac famæ habere debeat, non est decorum, imò potius impium est spurios ad sua subsellia, consilia, honores, officiaque adscribere & conuocare. Nam præter exemplum mali, quod posteris hoc modo relinquitur; capitale odium inter istos ac bonos ciues nascitur, quippe egrè & indignabundè homines studiosi ferent, ut sibi nothi in participatione ciuitatis pares & æquales fierent. Huc illud quoque accedit, quod spurij ab ipsis (ut aiunt) crepundijs homines nequissimi moribusque dissolutissimi plerumque euadant: at tales libertate donare ciuesque constituere est iniustam & facinorosam rempublicam efficere. Si rationes requiras cur spurij maxima ex parte sint alijs deteriores, respondeo ex Philosopho, primum quia à malis principijs oriuntur, secundò quia plerumque minus studiosè, quam legitime nati educantur, postremò quia tam sanctæ societatis nexu reciso vires iustitiæ in eorum præcordia abundè non fluunt ac diffunduntur. Si ergo mali malos plerumque generent, si mali malos aut effeminatius, aut negligentiùs à teneris annis instituunt, si

Adulteri in naturam, in iustitiam, in seiplos flagitiosi.

Spurij ad magistratum non admittendi. Ciuitas non nisi liberorum est societas. Pol. 1. c. 41. 2. c. 1. 3. cap. 4.

Redit ad auctores genus, stirpemque primam degeneris sanguis refert. Senec. in Hippol. Pol. 1. cap. 4.

si à malis malos susceptos influentia æternæ iustitiæ rarissimè foueat, radijsq; virtutis minimè adornet, iuxta illud, Spuria viticulamina nō agēt radices altas; cur spurius ciues facimus? Cur illorum nomina in albo ciuitatis inscribimus? Adhuc si iustè illegitimè natis hæreditatem negamus, cur ciuitatem spurij concedimus? Postremò maiorum exempla nos in hac re doceant, quippe Romani, Athenienses, Lacedæmonij, aliæque permultæ olim ciuitates secundum normam iustitiæ viucentes nothis libertatem, ac communicationem ciuitatis pernegarunt, imò quod maximum est, Deus adulteros dignos morte, spurios indignos ciuitate iudicat: ergo ciues non essent, neque ciuitatis beneficijs fruerentur.

Distinctio.

Distinctio democratæ & oligarchiæ in suas species cum expositione rationum, quibus tot esse probantur.

Dux sunt præcipuè istius capitis partes,

Quæstio, quæ est, An nothi sint ciues? quod verò non sint probant argumenta

A vi naturæ, quæ in nuptiali societate iustitiæ studet.

Ab incòmodo ciuitatis, quia dato quòd nothi sint ciues, licentia vitæ sequeretur.

A decoro, quia ciuitas fame nominisq; maximam rationem haberet.

A moribus nothorum, quia sunt plerumque mali.

A minore, quia hæreditas negatur nothis, ergo ciuitas.

Ab exemplo ciuitatum, quæ suis legibus hoc ipsum confirmant.

Opp. contra primam partem.

Opp. Hac distinctio democratæ & oligarchiæ antè tractata fuit: ergo nugatur Aristoteles.

Resp. Non tam distinctio, quàm distinctionis ratio hîc à Philosopho demonstratur.

Opp. contra quæstionem.

Opp. Innocuis ac innocentibus negare libertatem est iniustum: sed nothi sunt innocui & innocentes: ergo nothis libertatem ciuitatis negare est iniustum. Maior constat, quia proprium iustitiæ est innocentibus non ledere. Minor probatur, quia non est voluntarium in nothis quòd sic generentur.

Resp.

Resp. Non solum malum tollendum est in ciuitate, sed etiam occasio mali: peccatum ergo parentum in spurij coercentur, non quòd offenderint spurij, sed ut libidinosi hac penâ inflictâ ab hoc scelere deterreantur. Præterea ilij respondent ciuitatem in hoc non solum peccatum, sed etiam indecorum fugere, quia res infamiâ plena est, ut nothi (qui sanguinis labem in fronte gerunt) in aliis ciuitatis sedibus praluceant.

Opp. Nemo sine culpa puniri debet: sed nothi sunt sine culpa: ergo nothi puniri non debent.

Resp. Respondeo non esse absurdum puniri aliquem priuatim (ut aiunt) sine culpa sua, et si positum hoc fieri videatur iniustum: nam secundum iura aliquis puniri potest sine culpâ, nullus tamen castigari debet sine causa. Culpâ parum est, qui commiserunt facinus, sed quoniam eiusdem facinoris labes in spurio hæret, non absurde priuatione ciuitatis in eo deleri debet.

Opp. Macula generis in spurio splendore virtutis deleri potest: macula ergo generis non est sufficiens causa priuationis. Ratio sequitur, quia virtus in omni ciuitate est præferenda.

Resp. Fieri potest ut spurius aliquando virtutibus animi alijs præluceat; verum quoniam hoc raro contingit, ciuitas hanc legem vniuersalem fecit. Quare et si spurius aliquis admittatur ad ciuitatem propter diuinam sapientiam, quâ omnes vincit, exceptio legis est, nō violatio. Nam ut una hirundo non facit ver: ita una vel altera dispensatio non vniuersam vim legis & efficaciam tollit.

Opp. Multi sunt spurij ignoti ciuitati, qui ut legitimè nati eiusdem libertate donantur: ergo sunt spurij ciues.

Resp. Ratio hæc fallax est à secundum quid (ut aiunt) ad simpliciter: nam ut hoc argumentum non sequitur, homo mortuus est cadauer, ergo homo est cadauer: ita ista ratio non coheret, spurius ignotus est ciuis: ergo spurius est ciuis.

Dubium.

An liceat magistratibus mercedem sumere?

Cum? Vrita irrui in tribunatum Saturnine? Cur rapis officium? Noui quid velis: expectas mercedem. Impie regnum lucro quæris? Imò quid ni cum illud liceat? Quid ais pessime?

Tollenda causa sceleris, ut cesset scelus.

Puniri Priuatim, Positiue.

Vt Hercules inter Deos.

Sermocinatio.

Aurea messis
magistratum
gerere. Plur.
Vide pol. 3. c. 4.

Non licet ma-
gistratui mer-
cedem sume-
re.
Rat. 4.

Regressio.

peffime? Licere dicis? Dico. At quâ fronte quæso? Eadē cer-
tē quâ hīc Philosophus; quâ hīc Philosophus ais? quid tandē
ille? Illum loquentē audi. In hoc statu (intelligit popularem)
administrent pauperes, propterea quod otari possunt dum
mercedē capiunt. Quid hinc? Ergo licet magistratibus mer-
cedem sumere. Rapax est hoc argumentum furioso tribuna-
tu dignum, nam nihil minūs hīc voluit Philosophus, quā ut
nummos magistratus sumeret: quippē vltimum genus de-
mocratīæ (vnde hæc verba capis) hīc maximē reprehendi-
tur, quia tales in eo magistratum gerunt, qui coguntur mer-
cedem petere & expectare. Si vis ut probem, hæc topica ar-
gumenta sume. Est periculosum ciuitati ut magistratus mer-
cedem capiant: ergo non licet. Iterum, est iniustum ac inde-
corum ipsis magistratibus accipere: ergo non licet. Tertiō, est
ciuibz scandalum oppressione plenum: ergo non licet. Po-
stremō non licet, quia acceptio mercedis potius bonum pri-
uatum, quā publicum & commune auget, quo nihil in ci-
uitate pestilentius esse, aut cogitari potest. Quod sit pericu-
losum ciuitati probo, quia tum affectio non ratio in magi-
stratu regnat. Quod sit indecorum magistratibus probo, quia
corrupti & iniusti hinc nominantur. Quod sit ciuibz scandalū
probo, quia hoc exēplo ipsi oppressi oppressores fiunt. Quod
bonum publicum negligatur, augeatur priuatiū probo, quia
bona quæ in thesaurū ciuitatis fluerent, in sacculos paucorū
rapiuntur. Huc addi possunt seueritas maiorum in puniendo,
veritas diuina in prohibendo hoc scelere, quæ duo argumē-
torum loco adhibita docerent magistratus nostrorum tem-
porum aures & oculos ab affectibus admittendis claudere,
ambasq; manus ab accipiēdis pecunijs auertere & cohibere.

Distinctio.

Quod non liceat magistratibus mer- cedem accipere, probat	Periculo ciuitatis.	quæ om- nia dilu- cidē pa- tent.
	Indecoro seu dedecore magistratus.	
	Scandalo multitudinis.	
	Incommodo ciuium.	
	Exemplo maiorum.	
	Testimonio sacrarum literarum.	

Opp.

Opp. Pauperes in populari statu magistratus gerunt: sed paupe-
ribz licet mercedem accipere: ergo magistratibus licet mercedem
accipere. Maior est Arist. in definitione democratīæ. Minor proba-
tur, quia nullo accepto premio magistratus dignitatem pauperes
sustinere non possunt.

Resp. Regalis vox Pyrrhi Æacidarum regis fuit: Nec mi au-
rum posco, nec mi precium dederitis. Iustis laudibus posteritati com-
mendatur Fabritius qui omnium magistratum inter Romanos
paupertissimi magnifica regis munera recusauit. Respondeo igitur in
democratīa magistratum pecuniā corrumpi non debere: magistratus
enim non in accipiendo munere, quod est malum; sed in exequendo
munere, quod est bonum, ponitur & conseruatur. Ad probationem
Minoris dico, quod Aristides Athenis, Romæ Fabritius splendidius
opibus animi officia sustinuerint, quā alij infiniti, qui opibus fortu-
na abundarunt.

Opp. Labor magistratus in exequendo officio magnus est: ergo ei
premium iuste debetur: quod si debeatur, cur iuste datū nō accipiat?

Resp. Sophistica est hæc ratio à mutatione sensus, nemo enim ma-
gistratui iuste laboranti negabit premium, quippē hoc meretur; ve-
nale tamen habere officium, suamq; dignitatem turpi quæstui tan-
quam meretricem prosternere, magistratū gerentibus pernegatur.

CAP. VII.

An in simplici aristocratīa idem sit vir bonus ac ciuis bonus?



RECTE pergit Aristoteles in defi-
niendis diuidendisq; generibus rei-
publicæ: nam postquam diuisit sta-
tum popularem atque paucorum
potentiam in suas formas, rationes-
que, vnde tot formæ oriuntur, ad-
duxit; aristocratiam (quæ ordine iam
sequitur) definit, eamque in quatu-
or species analogicē distribuit. Non

hīc morabor in contentione illa, quæ est inter Aristotelem
aliosque Philosophos de numero rerumpub. in principio
huius capitis, hoc satis est quod alij quatuor, ut Socrates &
Plato,

Cap 5.
Plat. pol. 8. in
initio.
Plat. pol. 4. ad
finem.
Quatuor Ari-
stocratia spe-
cies.
N. aristocratia
g. simplex,
Mixta.
Mixta Aristo-
cratia triplex.

Quæstio.
Pol. 3. cap. 3.

Pol. 3. cap. 5.

Virtus officij
boni viri.

Plato, alij quinque, Arist. verò sex genera reipub. (quæ 3. lib. recensentur) constituerit. Non opus est pluribus: quatuor hinc species aristocratia enumeratur, sed ut dilucidè philosophemur, distinguendum est de aristocratia, quòd alia sit simplex, alia mixta: Simplex est administratio ciuitatis quæ ex optimis viris simpliciter, & ex virtute cõstat: In qua (vt hinc docet Philosophus) simpliciter idẽ est vir bonus, & bonus ciuis, ex quibus verbis quæstio deprompta est, de qua statim disputabimus. Mixta aristocratia est tripartita: vna, in qua virtus cū diuitijs in administratione ciuitatis cõiungitur, quæ forma ab oligarchia differt, quia virtutẽ suũ obiectũ habet; & à politia, quæ communi nomine respub. dicitur, quoniam diuitias solum nõ admiratur. Altera est forma, in qua virtus, diuitiæ, & populus vnà dominantur, qui status ex optimatum, paucorũ, & populari potentia constituitur, vt olim Carthaginensis reipub. administratio fuit. Postrema species aristocratia est status, in quo nullã diuitiarum ratione adhibitã virtus, & populus principatum tenent, quæ forma administrandi ex optimatum & populari statu componitur; & hoc modo Lacedæmoniorum ciuitas gubernata fuit, vt hinc testatur Aristoteles. Hactenus de expositione textus: Quæstio est, An in aristocratia simplici idẽ sit vir bonus ac bonus ciuis? Affirmat Arist. esse. Sed quid agit? in tertio libro cõtrarium docuit. non docuit: nam quamuis illic communiter loquutus de ciuitate virum aliquando malum, ciuem bonum esse posse ostenderit, absolutè tamen & simpliciter de aristocratia disputans virtutem solam dominari voluit. Imò illic quoque in votis habet, vt sola virtus imperet: verũ quoniam hoc fieri non potest, quin sit in ciuili corpore vitiorum contagio, vt in corpore naturali humorum confusio; coactus aliam virtutem officij, aliam boni viri constituit. Quid? Si fieri non potest, quin sit in turba hominum vitiorum contagio, quorsum hoc loco de simplici aristocratia differit, in qua omnes simpliciter optimos requirit? Hoc est profectò de non ente disputare, & muscas meã opinionẽ sub nomine rerum maximarum capere. Fateor equidem simplicem aristocratiam nusquam

nusquam existere, fateor etiam nullibi omnes ciues studiosos virtutis esse; imò tamen non parturiunt, neque inanis est Arist. de his rebus cõtentio, cū non quid sit sed quid debeat esse diligenter perquirat. Hanc ergo nobilissimam formam proponit, non vt muscas sed vt ciues capiat, hoc est, vt homines in stadio huius vitæ lubricè vagantes ad sincerum studium virtutis moueat: cuius sapiens consilium si sequeremur, dic causam cur vera aristocratia non floreret; potestas enim non deest, voluntas solum corrupta negat. Hoc ergo In optima posito, quòd esse possit talis reipub. administratio, sequitur reip. forma i. in ea eundem esse virum bonum, ac bonum ciuem: quod ad dem est vir bonus, & ciuis bonus. hunc modum hoc syllogismo probo. In quocunque statu reipub. sola virtus colitur, in eo idem est vir bonus ac bonus ciuis: sed in simplici aristocratia sola virtus colitur: ergo in simplici aristocratia idem est vir bonus ac bonus ciuis. Consequutio maioris probatur, quia solã virtute ciuibz propositã necesse est vt omnes sint boni, aut saltem non ciues: quippe essentia ciuitatis ac ciuis in adoratione solius virtutis constat. Alia ratio à comparatione est, nempe cum in alijs rectis rerumpub. formis hoc maximè requiratur, vt ciues studiosi virtutis fiant, probabile est in aristocratia hoc iustis legibus præcaueri, vt nõ solum magistratus qui præsent, sed omnes ciues qui subsunt, numen virtutis ac pietatis colerent. Præterea in illa repub. ciues boni viri esse debent, in qua solum virtus munera & dignitates ciuitatis habet: sed in simplici aristocratia munera & dignitates ciuitatis virtuti solum debentur: ergo in simplici aristocratia ciues viri boni sunt ac studiosi. Ceterũ in alijs administrationibus rerump. nõ sèper hoc lumen virtutis cernitur, nam aliquando natura, aliquando fortuna superat: natura cum filij per successionẽ, fortuna cum opulenti per oppressionem regnant. Postremò nullus status reip. est vndiq; perfectus, in quo ciues non sunt boni viri: sed simplex aristocratia est status reipu. vndiq; perfectus: ergo in aristocratia ciues sunt boni viri. Maior patet, quia perfectio ciuitatis virtus est. Minor probatur, quia simplex aristocratia solã virtute (nullã rerum externarũ habitã ratione) de finitur.

Z

Distinctio.

Distinctio.

Hoc caput
duo conti-
net

Diuisionem aristocra- tię, quę est aut	{	Simplex, in qua sola virtus colitur.	{	domi- nan- tur.
		Mixta, In qua virtus & diuitię & populus		
		quę est vel In qua virtus & popu- lus		
Rationem quę stionis proposi- tę, quę proba- tur à	{	Definitione simplicis aristocratię.	{	
		Comparatione aliarum rerumpub.		
		Distributione honorum ciuiliū.		
		Perfectione ciuitatis.		

Opp. *Formę rerumpub. specie & naturā differunt, ut antea docuit Philosophus: ergo commisceri non possunt, ut hic videtur demonstrare. Ratio probatur, quia species diuersę confundi & commisceri non possunt, ut Porphyrius ait.*

Resp. *Mixtio rerumpub. considerari potest bifariam, vel quoad materiam confusę, vel quoad formam distinctę. Vna respublica ex alijs constare potest quoad materiam, ut patet in mixtis formis aristocratia; non tamen una ex altera constat quoad formam, hoc est ut eandem rationem imperij & administrationis habeat.*

Opp. Contra quęstionem.

Vmbra asini.
Lana caprina.

Opp. *Inanis est disputatio de rebus, quę fieri non possunt: sed simplex aristocratia esse non potest: ergo inanis est de simplici aristocratia disputatio. Maior patet, quia ex tali disputatione nullus emergit fructus. Minor constat, quia fieri non potest, ut talis respub. unquam existat.*

Resp. *Satisfactum est huic obiectioni in primo cap. huius libri, ubi negauimus esse omnino inanem de non ente disputationem, ut patet de vacuo & infinito: ubi etiam affirmamus talem rempublicam sapienter à Philosopho veluti scopum proponi, quod contendentes mediocritatis viam teneamus.*

Cap. 3.

Opp. *Arist. antea in tertio libro probauit, quod possit esse ciuis bonus sine virtute morum: ergo contrarium hoc loco non docendum.*

Resp. *Modo satisfacimus huic argumento, nam illic de repub. generatim, hic speciatim de aristocratia agit.*

Opp. *In aristocratia sunt magistratus & officia, quę utilitatem ciuitatis spectant: ergo in aristocratia possunt esse ciues boni, licet sint viri mali. Antecedens patet, quia in aristocratia sunt principes quę*

qui pacem, milites, qui bellum, iudices, qui forum tractant. Ratio sequitur, quia his datis officijs recte se gerere possunt ciues in illis, interim ut non tam caste & honeste uiuant.

Resp. *Quaquam in aristocratica administratione ciuitatis hac officia & dignitates requirantur; non tamen in hoc statu proprie sunt ciues, si virtutem vitę, sanctimoniam deserant: quippe in hac specie ciuitatis non propter bona corporis, aut fortuna, sed solum propter bona animi præferuntur homines.*

Dubium.

An expediat magis aristocratiam simplicem quàm mixtā florere?

Si natura humana non esset feracior & appetentior mali, facile quidem dissolueretur hoc dubium: nam quis tum dubitaret, quin magis expediret aristocratiam simplicem quàm mixtam in administratione ciuitatis florere? Cæterum cum celeriore pede ad malum quàm ad bonum ferimur, magis expedit leniorem modum viuendi præscribere, quàm optimum hunc statum assignare. Nam ut prudentes medici humoribus corporis medicinas accommodant: ita politici suas leges moribus ciuitatis sapienter coaptant. Quoniam ergo delicatula hæc ætas amaram virtutis radicem & saporem in omnibus non feret, necesse est, ut melle diuitiarum rerumq; aliarum dulcedine hæc radix perfusa deuoretur. Hoc est, quoniam mores nostrorum temporum simplicem aristocratiam, in qua sola virtus colitur admittere non possunt, expedit magis mixtā, in qua virtus cū alijs rebus coniūgitur, publicare. Ratio est, quia etsi omnes sint capaces virtutis, omnes tamen & singuli eiusdem sequaces non existunt, frustra igitur simplex aristocratia vrgetur cum omnis ciuis ad virtutem non cogitur. Præterea cum legum dignitas in hoc non est, ut dentur iuste, sed ut probè à ciuibus obseruetur; cumq; in simplici aristocratia prima cōditio est, secūda deficit (nā dantur optime obseruantur nullę) necesse est ut mixta simplici præferatur; cū dico obseruari nullas nihil minùs intelligo quin aristocratia simplex sit omniū optima; hoc ergo volo, quod infirmitas hominis tanta sit, cūtagio sceleris ut easdē optimas datas

Homines natura ad malū procliuēs.

Vide cap. 1.

Legum dignitas non tam vridentur iuste quàm ut obseruentur probè.

simpliciter & absolute seruire nequeat. Postremo lapsus humanus mille inuexit mala, ut famem, pestem, gladium aliaque; similia, quae non solum monachum & studiosum virtutis, sed politicum & expertem ciuitatis desiderant; veruntamen haec externa in mixta aristocratia magis, quam in simplici tractantur: magis ergo expedit aristocratiā mixtā, quam simplicem florere.

Vi

Opp. Optimum praferendum est minus bono: sed aristocratia simplex est optima respectu mixta: ergo aristocrasia simplex est praferenda. Maior est Arist. tertio topicorum. Minor probatur, quia simplex aristocratia solam virtutem colit, quia solum bonis & studiosis conuenit, quia in malum non commutatur.

Magis honesta, Minus utilia.

Resp. Haec omnia recte probant simplicem aristocratiā esse meliorem nec non anteponendam esse mixtā in ratione virtutis, non tamen probant magis expedire respectu utilitatis morum ac temporum, quae in institutione ciuitatis considerari debent.

Opp. Legumlatores maxime contenderent ciues optimos efficere: ergo etiam contenderent simplicem aristocratiā, in qua solum optimi sunt, alijs administrandi formis praferre & antepone.

Resp. Virumque contendunt, sed quoniam tantam declinationem virtutis in homine obseruat, ut eo quod velint non possint pertrahere, magis expedire sapienter existimant mixtas respub. approbare.

CAP. VIII.

Utrum optima institutio legum sit, ut iisdem latis pareatur?

Ordo capitis.



Araphrasis seu expositio huius cap. consistit in ratione ordinis eorum quae tractantur, in definitione eius administrationis quae vulgo politia seu respublica appellatur, & in opinione Philosophi de institutione legum, quae ad omnem probe gubernatam ciuitatem requiruntur. Ratio ordinis duo habet, propositionem instituti, solutionem dubij: propositio est in his verbis. Reliquum nobis est de ea quae politia vulgo nominatur differere

re

re & de tyrannide. Dubij solutio sequitur vbi Philosophus tacitam obiectionem insinuat, nempe quod ordo tractandi species reipub. confusus esse videatur, cum labes & digressiones inter rectas reipu. formas discutiuntur: quippe monarchiae & aristocratiā tractationem ordine naturae expositio politicae sequeretur, at popularis paucorumque; potentiae analysis interponitur. Respondet hoc quidem fieri ordine doctrinae, quia explicatio popularis paucorumque; potentiae plurimum ad cognitionem politicae conferat, praesertim cum haec nihil aliud sit, quam quaedam illarum mixtura & compositio: Definitur enim politia vniuersalis quaedam administratio, seu status ciuitatis, in quo pauperes cum opulentis coniuncti honorem, diuitias, libertatem veluti signa propositosque; fines intuentur. Hinc non inepte oligarchiae & democratiae quaedam confusio & permixtio ab Arist. in textu dicitur; at dices, democratia & oligarchia sunt labes politicae: ergo politia ex iisdem tanquam ex partibus non componitur. Respondeo oligarchiam & democratiam non esse principia constitutionis, sed causas cognitionis respectu politicae: non esse principia constitutionis constat, quia recta forma reip. ex non rectis creari non potest; esse vero causas cognitionis probo, quia illis incognitis, haec recte sciri & demonstrari non potest. Si vrgeas definiri hunc statum mixturam vtriusque; & proinde concludas ex illis tanquam ex partibus constare, iterum respondeo quod sicut mixtum elementa quoad materiam & virtutem non quoad formam in se continet: ita politia ex alijs formis reip. componitur, quae rationem potius materiae quam distinctionem formae in ipsa mixtura habent. Sic definitam politiam secundum verum sententiam distinguit, qui eandem inclinantem ad democratiam communiter remp. vergentem vero ad oligarchiam optimatum administrationem solebat appellare: putabant enim illi nobilitatem esse virtutem, eamque; definebant esse nihil aliud, quam antiquas diuitias; sed hoc inquit Philosophus fieri non potest, ut politia ad oligarchiam tendens optimatum potentia, seu aristocratia habeatur; nam hij duo status diuersos terminos ac fines habent: oligarchiae enim re-

Ordinis ratio.

Politiae definitio.

Causae Constitutionis, Cognitionis.

Elementa in mixtis sunt virtute, non secundum formam.

Vi. de superius
cap. 7.

Leges magi-
stratus muti.
Leges inani-
ma instru-
menta reipub.

Vitanda le-
gum callida
interpretatio.

rum affluentia, aristocratia sola virtus proponitur ac desti-
natur. Præterea cum in oligarchia non sit tam sancta legum
institutio, ac est in optimatum administratione, istorum er-
ror manifestè patet. In aristocratia enim honores solum vir-
tutis dextrâ ciuibz porriguntur: at in oligarchia diuitiæ, in
democratia libertas quæritur, & secundum hæc duo videli-
cet diuitias & libertatem leges sub specie ac suppositione
boni sanciuntur. Ceterum ut præclare hic docet Philosophus
optima legum institutio est non ut in tabulis scribantur sed
ut iisdem latis iustè à ciuibz obtemperetur, quam sententi-
am Philosophi hoc loco pro quæstione sumo eamque nunc
paucis interpretabor. Sapiens quidam missus Lacedæmonē
ut obseruaret quibusnâ legibus ac institutis ciuitas regeretur,
post aliquot annos in patriam reuersus, vocatus est ad sena-
tum ut sui itineris rationē redderet, rogatus verò tandē quo-
modo suam Lacedæmonij reip. administrarent, tunc, furcâ,
gladio, alijsq; exquisitis tormentorum instrumentis in senatu
depositis, hæc (inquit) sunt leges Lacedæmoniorū, in his ciui-
tatis salus & administratio ponitur: quasi dixisset, ô Athenien-
ses, nos multas & præclaras leges ferimus, earūq; nominibus
ac titulis plurimum delectamur, at Lacedæmonij in hoc nos
vincūt, quod maiorum decreta ab illis iustè ac seuerè obser-
uentur. Hoc exemplo liquidò constat leges suam vim & vitā
non in institutione sed in sincera obseruatione positā habere:
nam ut opes in arca sunt positæ sine vsu hominis, si non ex-
pendantur: ita leges æri incisæ sunt sine fructu ciuitatis si ijs-
dem (ut decet) non obtemperetur. Leges quidem sunt muti
magistratus & veluti inanima instrumenta reip. quæ tamen
vocem & vitam habent, si ciues ad obedientiam seueritate iu-
dicis impellantur. Quid prodest medicina si non applicetur?
Quorsum sunt leges si non exerceantur? Institutio legum
non est ut sint, sed præsent, at præesse non possunt si iisdem
obsequi non vrgeantur ciues. Intelligendum hinc est priui-
legia, dispensationes, astutas & callidas interpretationes le-
gum, nisi rarissimis ac vrgentissimis de causis tolerari non de-
bere: nam hæc concedere est veluti fenestras ad magnam
perniciem

perniciem in ciuitate aperire. Exempli causâ, lex est ut gra-
num in exteras gentes nō exportetur, exoratur princeps, dis-
pensatio datur, onerantur naues, sic hostes aliquando sagi-
nantur & contabescunt ciues: vis ergo leges viuant? Distrin-
gatur gladius, sceleratos feriat, summis, medijs, infimis ne
parcat, vide ut non solum muscas tuæ leges capiant: nam tu-
tum est in ciuitate cum non solum lepores sed etiam leones
& aquilæ, hoc est diuites & potentes viri legum vocem & se-
ueritatem timeant; sit vox legis terror, sit legis pæna fulmen.
Draco non sum Atheniensis ille, neque leges sanguine con-
scriptas volo, hoc tamen velim, ut voce pænâq; legis à scele-
re deterreantur omnes. Nam ut concludam cum Philoso-
pho, optima legum institutio est non solum ut sint, sed ut ijs-
dem latis pareatur.

Omnes vno
constringendi
legis vinculo.

Demades.
Plut. in Solo.

Distinctio.

Tria spe-
ctantur in
hoc capi-
te,

Ratio ordinis, quæ est doctrinæ, nam etsi tractatio po-
liticæ ordine naturæ tractationem popularis paucorumq;
potentiæ præcederet: cum tamen ex iisdem politia con-
stat, necessariò eorum tractatio antepositur.

Synopsis 8. ca.

Definitio politicæ, quæ est popularis paucorumq; po-
tentiæ quædam confusio & mixtura.

Sententia, quod optima legum
institutio ea sit, ut iisdem pare-
tur, quod probauimus

Ab exemplo.
A simili.
A natura legis.
Ab vsu ciuitatis.

Opp. contra primam partem capituli.

Opp. *Labes reipub. sunt posteriores formis illis, à quibus desle-
tunt: sed oligarchia & popularis potentia sunt labes politicæ: ergo
sunt illæ posteriores, & proinde posteriore in loco sunt tractandæ.*

Resp. *Oligarchia & popularis potentia non sunt labes politicæ, nisi
confusæ, distinctè enim referuntur ad alias formas ciuitatis. Præ-
terea respondeo rationem non sequi, quippe secundum ordinem doctri-
næ malæ, & quæ sunt euitanda in priore loco demonstrantur.*

Ordine do-
ctrinæ prius
docentur
malæ.

Opp. contra definitionem politicæ.

Opp. *Si politia sit mixtura popularis paucorumq; potentia, tum ex
illis tanquam ex partibus constat: sed hoc est absurdum: ergo non est
eorū mixtura. Maior patet, quia mixtio est miscibilium vno. Minor*

De gen. lib. x.
cap. 10.

Z 4

probat,ur,

probat, quia ex non rectis recta constitutio reipub. coalescere non potest.

Resp. Considerantur hi duo status bifariam, vel quoad materiam confuse, & sic sunt partes politia; vel quoad formam distincte, & non sunt; insunt enim in politia, ut elementa in mixto, hoc est secundum materiam non secundum formam: quippe sunt in politia diuises ut in oligarchia, sunt pauperes ut in democratia, at eadem diuisum pauperumq; administratio in hac & in illis non habetur.

Opp. contra quaestionem.

Cap. 5. huius. l.

Opp. Docuit Arist. antea in mutatione ciuitatis requiri, ut antiqua leges maneant et si non obseruentur: ergo legum institutio non est, ut semper eisdem latis obtemperetur.

Resp. Docuit quidem antea in mutatione ciuitatis antiquas leges retinendas esse, non quod non obseruentur leges, sed ne populus antiquis legibus subito abrais nimium deficiat: voluit ergo politice & sapienter ut ab iisdem retentis ad nouas colendas allicerentur ciues, hoc igitur argumentum non cohaeret: voluit Arist. in mutatione ciuitatis leges antiquas esse retinendas: ergo voluit, ut legibus non obtemperetur.

Legis ratio ex fine.

Pol. 2. cap. 6.

Opp. Leges aliquando prauae & iniquae sunt, quarum abrogatio potius optanda est quam observatio: ergo optima legum institutio non est, ut iisdem latis pareatur. Antecedens patet in oligarchia alijsq; minus rectis formis ciuitatis.

Resp. Leges iniquae duplicem respectum habent, aut rectae aut deprauatae ciuitatis; si illam spectes, simpliciter earum potius abrogatio optanda est quam observatio: at si hanc consideres non item, partim quia bonum talis ciuitatis est apparens & fucatum, partim quia nonnunquam mala tolerari debent, tamen si ciuitas sit ex parte bona.

Dubium.

An liceat legibus male latis parere?

ITanè? Fieri ne potest, ut legibus male positis iuste obtemperetur? siccinè doces philosophi? estne hic honor, què virtuti tribuis? parèthesin istam in textu hoc tuo male quidè intriuisi: nā quod iniustum est iuste ac honestè approbari nō debet. Parū attendis quid hoc in textu velim, nō enim intelligo leges

leges esse simpliciter iniustas, quæ ponuntur malè: hoc tamè affirmo fieri posse, ut legibus malè latis pareatur; si causam quæras, considerari oportet quod institutio legum sit, vel absoluta, cum ponantur optimæ; vel cōparata, cū ex hypothesi & suppositione videantur optimæ, exempli causā, in monarchia & simplici aristocratia sanciantur optimæ, in mixtis formis ciuitatis tales sæpè ex suppositione fiunt: hæ quidem frequenter malè sunt positæ, his tamen iuste obtemperatur: ratio est, quia ad bonum commune earum administrationes (in quibus sunt positæ) destinantur. Ac ut rem apertiore reddā sit lex illa malè posita, quod liceat ex fœnore augere nummos (& est quidem malè posita, si forum conscientia spectes) huic tamen obedire licet, quia aliter neque insatiabilis ciuiū cupiditas & auaritia extinguere, neq; publicum bonum ciuitatis conseruari potest: melius ergo est aliquandò legibus non bene positis malum tolerare, quàm perniciem ciuitatis admittere.

Distinctio.

Leges positæ sunt male bifariam,	{	Simpliciter, & sic eis obedire non oportet in rectis reipublicæ formis.	{	Melius est tolerare malum quàm naufragium ciuitatis facere.
		Comparatè & respectu, & sic obedire oportet, quia		Mores populi ius semper extremum non ferunt.

Opp. Iniustum est malè positæ legibus obedire: ergo non licet: Antecedens probatur, quia leges malè positæ aliquid semper contrarium & repugnans iustitiæ permittunt, ut puta usuram.


Resp. Leges malè positæ non semper iniustum permittunt, si aut intentionem latoris, aut conseruationem ciuitatis, in qua ponuntur, consideres.

Opp. Libro tertio Ethicorum Cap. primo docet Arist. potius subeunda esse exquisita tormenta quàm ut malum facias: ergo neq; bonis magistratibus licet tales leges ponere, neq; bonis ciuib; iisdem latis obedire.

Resp. Negamus esse simpliciter malum tales leges ponere, aut iisdem positis obtemperare; si finem ac bonum ciuitatis spectes.

Leges Absolutè Comparatè Bonæ malæ.

Vtrum in politia diuitum pauperumq; filij eodem modo educari debeant?



Politia quid?
Cap. 8.

Tria symbola
ciuitatis, Iudi-
cium, Consul-
tatio, Electio.
Tres politia
modi.

Optima reip.
mixtio.

QUANDO QUIDEM vbiq; penè ge-
tium mixta seu communis reipub.
administratio celebratur (rarissimè
enim simplex monarchia aut ari-
stocratia eminet) Arist. non incon-
sideratè plura de politia (quæ est
communis & mixta administrandi
forma) hic dicere contendit. Post-
quam igitur politia nihil aliud quàm
popularis ac paucorum potentia mixturam esse ostenderit,
nunc qualis sit ista compositio, quotque eiusdem modi, bre-
uiter & partitè demonstrat: & quoniam sunt tria cuiusque
ciuitatis veluti symbola, iudicium, consultatio, electio; ex
his tres modos politiæ elicit. Primum inquit oligarchia hanc
legem circa iudicium habet, vt diuites sub pæna multæ vo-
cati ad celebrandum tribunal & iudicium ciuitatis veniant;
In populari verò potentia lex iubet, vt pauperes sub eadem
pæna ad senatum veniant; inter hæc duo extrema medium
politia tenet, nempe, vt tam pauperes quàm diuites ad
iudicia reipub. aditum patentem habeant; & hic primus mo-
dus est mixtionis. Alter est in quo sumitur medium ex par-
te consultationis, scilicet, vt non solum opulenti qui mag-
num, neque egeni qui paruum rerum cumulum censumq;
habent, ad concionem de publicis negotijs veniant, sed ob-
seruatâ cōditionis proportionē omnes liberè accedant. Ter-
tius modus creationē & electionem magistratus spectat, in
quo ambitio nobilium reprimitur, qui solos diuites; & sedi-
tio multitudinis coercetur, quæ solos infimos ciues primas
in reipub. partes tenere velit. Est ergo optima reipublicæ
mixtio ex paucorum & populari statu, cum medium & qua-
si symbolum ex utroq; sumitur, idq; quoad iudicium, con-
sultationem, & electionem: in quibus cardo ciuitatis volui-
tur.

tur. Hoc triplici compositionis modo, vel potius medio in-
ter oligarchiam & democratiam dato, eiusdem iam finē &
quasi terminum ostendit Philosophus, vt sit quasi signum, &
norma quā sciamus, an rectè, an secus ex his componatur
politia, communi nomine respub. appellata. Certissimum
(inquit) signum & argumentum est, tum benè componi po-
litiam, cum nunc popularis, nunc paucorum potentia esse
videtur, neutra tamen actu existit. Ratio est, quia medium
comparatum ad vtrumque extremorum vtriusque rationem
subire videtur, est tamen quiddam ab utroque specie ac
naturâ distinctum. Quemadmodum enim est in corpore
mixto respectu elementorum: ita est in politia respectu ista-
rum administrationum ex quibus componitur. Nam vt il-
lud specie & naturâ ab illis: ita hæc ab his vi & essentiâ dif-
fert: sic tamen differt, vt vires quasdam vtriusque in se com-
prehendat, quod in textu exemplo Lacedæmoniorum de-
claratur, quorum respub. nunc popularis, nunc paucorum
potentia esse videbatur. Multi enim eam democratiam esse
dicebant, multi oligarchiam; democratiam, quia in ea simi-
liter diuitum pauperumque filij nutriti, instructi, educati,
vestiti in magistratum electi fuerunt; oligarchiam, quia in
ea dignitates non sorte, sed electione mandabantur, & quia
penes paucos necis, atque exilij potestas fuit, quæ duo ali-
aq; multa in politia decreta, ac instituta oligarchiam viden-
tur præferre. Cæterum si rē attentius consideres, intelliges
politiam neutram istarum esse, sed per se & vi sua distinctam
formam, & statum permanere. Nam vt imago ex cera & si-
gillo fit, & tamen neque cera neque sigillum dicitur: ita res-
pub. ex democratia & oligarchia constituta est, & tamen
neque hæc, neque illa definitur. Hæc summa est eorum quæ
in hoc capite tractantur, sequitur nunc quæstio, quæ est, V-
trum in politia oporteat diuitum, pauperumque filios eo-
dem modo educari? Lacedæmonij (vt hic docet Aristote-
les) similiter pauperum diuitumq; filios aluerunt, instru-
xerunt, educarunt, imò apud illos in iuuenili ac virili ætate
nulla in re illustrior aut insignior diues quàm pauper fuit. In
hoc

Signum benè
constitutæ po-
litia.

Medium.
Extrema.

Lacedæmoni-
orum respub.
Vide pol. 2. c.
4. & c. 7. & Pla.
4. de leg.

Simile.

Quæstio.
Plut. in Lycur.
Polyb. hist. l. 2.

Quatuor in
educatione
liberorum re-
spicienda.
Vitus.
Vestitus.
Ars.
Exercitatio.

Distinguendi
sunt nati nobi-
lium à filiis
priuatorum.
Ratio quadru-
plex.

Pol. I. cap. 3.

Ciuilis iusti-
tia naturalem
sequitur.

hoc nodo dissoluendo primum considerandum est curam instituendæ pueritiæ ac iuuentutis non solum ad priuatos parentes, sed etiam ad magistratus pertinere; quippè in teneris annis spes est & seges futuræ ciuitatis. Secundò considerandum est quatuor esse quæ educationem puerorum respiciunt, nempe victum, vestitum, artem & exercitationem corporis, in quorum moderatione requiritur magna prudentia magistratus: nam victus tenuis ingeniosos, decora vestis humiles, ars doctos, corporis exercitatio ciues fortes reddit. Tertio considerandum est, vtrum expediat in politia omnes tam diuitum quàm pauperum filios eodem modo circa hæc habere; partem negantem teneo. Nam quamuis in democratia (in qua par libertas liberaq; æqualitas omnium ac singulorum quæritur) similiter se habent, ne aliquid proprium ac priuatum esse videatur: In politia tamen, ac bene instituta repub. est hoc absurdum, & planè à ratione alienum, vt nulla generis, nulla sanguinis in victu, veste, arte, habeatur distinctio; hoc multipliciter probari potest, sed paucis argumentis contentus ero, quorum primum à vi naturæ, secundum à vi iustitiæ, tertium à fine, vltimum à necessario ducitur. A vi naturæ (quæ vt antea probatum est) dominos & seruos, patres & filios, fæminas & viros ciuitati dedit; quam distinctionem personarum proculdubio non dedisset, si nulum rerum discrimen in illorum conseruatione prospexisset; nam quorsum domini ac serui, nobiles & ignobiles à natura homines dicerentur, si eadem omnino filiorum vtriusq; in educatione haberetur ratio? Maiorem splendorem soli quàm lunæ, ampliorem honorem domino quàm seruo natura dedit: quod certè fieri non potest, si sub eodem fide ac fortuna seruorum ac dominorum filij eandem educationis sortem in ciuitate habeant. A vi iustitiæ hoc ipsum probatur, quia ciuilis iustitia naturalem sequitur, si ergo natura distinctionem voluit, eam iustitia non pernegabit: sed hæc distinctio discerni non potest, si diuersa educationis semina in tenera ætate non spargantur. Tertia ratio suscepta est à fine, quia diuitum pauperumque filij ad diuersos fines mune-

muneraq; in repub. destinantur, necesse est ergo vt eodem prorsus modo non informentur. Antecedens pater, quia in politico statu nobilium diuitumque filijs honos, pauperum verò filijs onus reipub. imponitur: illi enim ad puppim sedentes clauum tenent, hi pinum scandunt remisque in fluctibus laboriosè incumbunt, hic tamè oligarchicum illud decretum, vel potius paradoxum non probo, quod solum diuitum nobiliumque filij liberalibus scientijs instituerentur. Rectè Seneca in libro de beneficijs. Errat, inquit, si quis existimet seruitutem in totum hominem cecidisse, quoniam melior pars manet semper exempta nempe anima; nulli ergo præcludi debet scientia atq; virtutis via. Imò iniustum adeoque contra naturam est, vt naturæ ad bonum inclinatio vel scintilla extingueretur: si ergo pauperum filij fertilioribus ingenijs nati sint, iniuriosum est, si ab academicis spatijs ad sterquilinum, si à musis ad rastrum vrgeantur. Si dicat hic aliquis deesse pauperibus, vnde illorum filij Athenis inter Musas viuerent; respondeo ciuitatis hanc curam esse debere, vt radicem & herbam conseruationis suæ non negligat, nò contemnat; quod quidem fecerit, si omnes & singulos pauperum filios à philosophiæ studio penitus remoueat. Terquarq; beata Anglia nostra dulcissima patria ob hoc certè est, in qua tot nobilissima collegia, tot augustissima gymnasia deo in vsum pauperum consecrantur; faxit Christus vt semper salua & inconcussa floreat, vtque in ijs pauperum filij studiosè instructi ac educati viuant. Stultum id est quod hic obijcitur, nimirum sapientiæ studium diuitum filios à filijs pauperum rectè distinguere; stultius illud, Musarum tantam esse dulcedinem, vt eadem à pauperum filijs degustatâ plurimi crapulam bonarum artium contraherent, & pauci relinquerentur, qui artes mechanicas atque res rusticas exercerent. O vtinam procerum pauperumque filij philosopharentur, donec crapulâ bonarum artium contabuisse dicantur. Sed quid ago? Postrema ratio est à necessario, quia illorum educatio tenerior esse debet, in quibus spes, & anchora reipub. magis consistit, sed in nobilium diuitumque filijs

Pauperum
etiam liberi
liberalibus
artibus insti-
tuendi.

Paupertas
inimica bonis.

Paupertas
subsidium ad
philosophi-
am.
Anglia.

Vide pol. 1. c. 2.
Pla. pol. 7. Eth.
6. cap. 12. & ult.
Perfectiorem
quis requirat
ciuem.

filijs spes & anchora reipublicæ magis consistit: ergo illorum educatio tenerior esse debet. Assumptio huius syllogismi probatur, quia diuites, aut successionis sorte, aut multitudinis consensu sæpius, quam pauperes ad apices ciuitatis euehuntur, in quibus aut lumina ad salutem, aut fulmina in perniciem solent existere, nam publicis & priuatis opibus armati plurimum prodesse aut nocere possunt. Si ergo politiam spectes, sit Cæsaris filius delicatè nutritus, ut diu nature viuat; sit castè institutus, ut diu ciuitati viuat; sit purpurâ vestitus, ut honoretur à ciue; sit in palæstra exercitatus, ut formidetur ab hoste.

Distinctio.

Exponitur in hoc capi- te tria,	{	Triplex compositio politia, ut	{	Iudicio.
		sit quasi medium inter oligarchiam & democratiam in		Consultatione.
		Finis politia, quæ est moderatio illarum administrationum quæ per se non rectæ reip. formæ videntur esse.		Electione.
		Dubium, An in politia eodem modo diuitum pauperumq; filios educari oporteat, cuius negatio probatur à		<div style="display: inline-block; vertical-align: middle;"> Vi naturæ. Vi iustitiæ. Fine, quia ad diuersos fines destinantur. Necessario, quia necesse est ut maior cura illorū habeatur à quib; magis ciuitas depēdet. </div> <div style="display: inline-block; vertical-align: middle; font-size: 2em; margin: 0 5px;">}</div> <div style="display: inline-block; vertical-align: middle;"> quæ distinctionē vtriusq; faciunt. </div>

Opp. Contra quæstionem.

In optima politia Lacedæmoniorum diuitum pauperumq; filij eodem modo instituti fuerunt, ut apparet in textu: ergo inconsideratè contrarium fieri debere in politia hoc loco defenditur.

Exemplum
non est lex.

Resp. Exemplum vim legis semper non habet: ratio igitur hæc nō coheret, nam est à secundum quid (ut aiunt) ad simpliciter, neq; hoc loco quid factum sit querimus, sed quid expediat fieri.

Opp. In politia apparere oportet democratiam, ut hic requirit Arist. sed in democratia eodem modo diuitum pauperumq; filij educari debent: ergo in politia eandem educationis formam obseruare oportet. Maior & minor sunt in textu.

Resp.

Resp. Aliquid apparere potest duobus modis, aut potentiā ut ele-
menta in mixto & democratia in politico statu reipub. de quo nunc
agimus: aut actu, & sic ut in politia appareat popularis potentia non
requirit Philosophus.

Democratia
apparet in po-
litia, potentiā
non actu.

Opp. Aequalitas in omni reipub. statu obseruari debet, ut docet
Arist. in secundo libro Politicorum: ergo videtur requiri ut similis
sit omnium educatio. Argumentum probatur, quia si dispar sit edu-
catio, aequalitatis proportio non obseruatur.

Pol. 2. c. 3. & 5.

Resp. Aequalitas est duplex, vel ponderis (ut aiunt) vel iusti-
tia; illa in ciuitate non requiritur, ut omnes & singuli sint digni-
tate pares, hæc verò requiritur, ut cuiq; quod suum est pro merito
tribuatur; cum ergo non sit eadem diuitum pauperumq; in politia
ratio, eadem non debet esse filiorum in utroq; gradu educatio.

Aequalitas,
Ponderis,
Iustitiæ.

Opp. Similitudo morum ac studiorum maxime in politia optan-
da est, sed si eodem modo pauperum ac diuitum filij instituantur, si-
militudo morum ac studiorum sequitur: ergo eodem modo paupe-
rum diuitumq; filij institui debent. Maior constat, quia in simili-
tudine morum ac studiorum vera consistit amicitia, quæ conserua-
trix ciuitatis dicitur. Minor patet, quia educatio futura vitæ ra-
dix est ac fundamentum.

Amor simi-
lium.

Cic. de Amic.

Resp. Morū ac studiorū similitudo non ab externis sed ab inter-
nis causis ac principijs oritur. Victus, vestitus, exercitatio corporis
externa sunt, ars & virtus interna seminaria morum, sed hæc duo
postrema veram hanc similitudinem ciuiumq; concordiam gignunt.
Quare et si dispar sit victus, vestitus, exercitationis proportio; in vir-
tute tamen verissima potest esse morum ac studiorum consensio.

Opp. Pauperum ac diuitum filij sic educari debent in benè in-
stituta ciuitate ut fiant boni: sed una & simplex via virtutis est: er-
go eodem modo pauperum diuitumq; filij educari debent. Maior est
Arist. 1. Eth. Minor est in 2. ubi docet unum esse bonum, malum
verò infinitum. Præterea virtus in omnibus victum tenuem ut tē-
perantia, decoram vestem ut modestia, artem utilem ut prudentia,
corporis exercitium ut fortitudo postulat: ergo tam in rebus exter-
nis quam in internis educationis requiritur similitudo.

Eth. 1. cap. 2.
Eth. 2. cap. 6.

Resp. Hæc omnia arguunt diligentem curam habendam esse ut
tā pauperum quam diuitum filij ad virtutem informetur, nō tamē

com-

Filij pauperum ad frugalitatem, liberi diuitum ad magnificentiam cohortandi.

concludunt penitus eodem modo. Nam quamuis una & simplex est virtutis via, si essentiam; est tamen multiplex, si existentiam modumque acquirendi spectes: fateor ergo tam pauperum quam diuitum filios effingi debere ad virtutem, sed non eodem modo. Exempli causa. Oportet pauperum filios ad frugalitatem, diuitum autem filios ad magnificentiam in tenera aetate adhortari.

Dubium.

An iuste in politia irrogetur multa recusantibus officium?

Heraclitus.
Ælian. 9. va.
hist.

RARISSIME hodiè aduersus flumen honoris nitimur, quis enim oblatum aurum respuit? Quis munus officiumque dignitatis recusat? Verum si sit aliquis Heraclitus qui mallet talis cum infantibus ludere, quam ad senatum Atheniensium venire, si sit Themistocles qui citius ad inferos quam ad tribunal venit, dicat hic causam, & certè alter erit, qui eius subsellium lubenti animo occupabit. Sed ut serio vobiscum agam. Frabriti, te oportet ab aratro ad forum, oportet te Appi senex grauissime ab hemicyclo tuo ad theatrum accedere: res rusticæ tuæ te non excusent Fabriti, cecitas, canitiesque; tua te non excusent Appi, vocat patria, festinare oportet; officiū offert, recusare non licet: si ergo vocati negetis venire, iuste profectò irrogetur multa, non inique vobis infligetur pœna. Quid statis? Non est quod morosè sic cana concutiat capita, morari non possum, quare pœnis vobis hoc ipsum probo. Patria communis parens est omnium pro qua mori oportet: ergo illi vocati ad officium sub pœna resistere, ac repugnare non licet. Præterea dignus est pœnâ, qui ciuitati suum auxiliū rogatus non præstat: sed qui recusat officiū ciuitati suum auxilium rogatus non præstat: ergo qui recusat officium dignus est pœnâ. Deinceps si liceret dignis recusare officia, indignè sæpè tractaretur resp. sed pœnâ hoc meretur: ergo & illud. Porro cur (ut hic ait Arist.) in oligarchia multa locupletibus irrogaretur (nisi munus iudicij obijssent) si in politia, quæ est melior constitutio ciuitatis, hoc ipsum agere non liceret? Postremò, miror profectò, cur ocyus non moueamini, cum leges cuiusque penè ciuitatis ac gentis hanc pœnam iustissimam esse concluderint: nam

Vide Mach. in
Liui. l. i. c. 36.
Affirmatur
quæstio.
Confirmatio.

Patria parens
communis.
Vide pol. 2. c. 7.

nam Lacedæmonij exilio, Romani libertatis dispendio, Athenienses capitis supplicio reos huius criminis dignos esse iudicarunt.

Distinctio patet.

Opp. *Rarissimè aut nunquam oblata officia ciuitatis recusantur: ergo ut otiosum est remedium adhibere cum morbus non urget: ita vanum est pœnam constituere cum crimen non committitur.*

Resp. *Ut medici non solum morbos curare solent sed etiam sollicitè ne eueniant præcauere: ita politici non solum malis presentibus occurrunt, sed pœnâ minitati à futuris ciues deterrere conantur; & quâuis raro cōtingit recusatio ciuili officij, in quo aut honor, aut odor lucri inest, si tamen contingat abundans cautela iuris non nocebit.*

Opp. *Antea probauit Philosophus senes ex parte non esse ciues, necnon liberari officijs reipub. ergo aliquibus licet recusare.*

Resp. *Decrepitos, imbecilles aut delirantes senes illic secundum opinionem interpretum Arist. intelligit. Præterea optandū est ut valde senes immunes fiant, aut saltem leniore mulctentur pœnâ, ut qui præturam Londini recusant ducentas libras ciuitati soluant.*

Abundās cautela non nocet.

Londinenses.

CAP. X.

Verum liceat tyrannum patri legitime succedentem è vita tollere?



BREUEM sermonem de tyrannide habendum hic esse ait Philosophus, quia omnium formarum (siue recte sint siue non recte) habetur longè deterrius, necnō indignissima philosophandi arte: est enim labes regni, luesque iustitiæ & æquitatis. Ceterum, ut in medicina non solum sanitatem sed morbum: ita in politica

Tyrannis lues æquitatis.

scientia non solum rempub. sed eiusdem errorem describi oportet. Dicendum est enim de tyrannide ut de vlcere, & de tyranno ut de vulture ciuitatis. Repetit hic Arist. pauca quæ superius de tyrannide discussa ac disputata sunt. Attulimus inquit duas species tyrannidis, quarum vna apud Barbaros, alia apud Græcos in vfu fuit: prima nempe Barbarorum per successionem totamque vitam, secunda nempe Græcorum

Tyrannis vlceris. tyrannus vultur ciuitatis
Cap. 10. lib. 3.
Tyrannis, Græcorum, Barbarorum.
Æsymnetia.

Aa

ne-

neq; per successionē neq; per totā vitā, sed præfinito tempore concessa erat. Hæ duæ administrandi formæ in duobus cum monarchia, in duobus etiam cum tyrannide cōferuntur: cum monarchia, primū quia vtuntur legibus, secūdō quia in volentes, aut saltē non repugnantes imperiū geritur; cū tyrannide, primū quia gubernatio in istis non est paterna sed herilis; secūdō quia ad priuatā commoditatē referuntur omnia, & non ad publicū bonū ciuitatis, sed hæ duæ species mixtę sunt nō simplices, analogicę non verę. Tertia in textu sequitur quę expressa monstri imago est, verāq; species ac forma tyrannidis; hæc tres notas & labe deformitatis habet, prima in fronte hēret, cum tanquā impudens meretrix regiam maiestatem imitatur, cui tamen in omnibus maximē opponitur; secunda est in mente (si mentē habeat) quia non ratio sed furor, nō equitas sed libido in ea imperat; Tertia in ferratis dentibus vnguibusq; incuruatis cernitur, nā illis deuorat, his lacerat & dilaniat omnia: tota ergo hæc species monstrosa est & solū nomine speciosa. Quare concludit his verbis Arist. Quapropter (inquit) inuitis imperat (intelligit tyrannidem) nemo enim liber & ingenuus tale imperium, & quo animo ferre potest. Ex hac sententia iam quęstio nascitur An tyrannū patri legitimē succedētē liceat ē vita tollere? Certē vt vno quasi ictu scopū attingam, non licere puto. sed dices; Arist. planē contrarium hoc loco innuit, nam sic ait: Nemo liber & ingenuus tale imperium æquo animo ferre potest. Quid ex his verbis colligis? scilicet licere tyrannum quouis modo ē vita tollere. Ineptē colligis: nam quamuis æquo animo ferre non possit, vi tamen iustitiæ coactus ferre & sustinere debet. Deliras certē: nam Arist. alibi docet licere tyrannum occidere; imō tu deliras, nam quamuis doceat ille quidem licere tyrannum occidere, non tamen distinctē tyrannum patri legitimē succedentem illic intelligit, hæc igitur argumenta parū mouent. Nemo liber & ingenuus æquo animo tyrannidem ferre potest: ergo licet tyrannum occidere; & iterū licet tyrannum vi sibi accipientem imperium occidere: ergo tyrannum patri legitimē succedentē licet

Vide Plat. pol.
8. & 9.
Vera tyranni-
dis imago.

Quęstio neg.
Vide Vindici-
as cont. tyrann.
quęst. 2. Bu-
chan. de iure
regni apud
Scotos.
Tyranni fili-
us ē vita non
tollendus.

Tyrannus Ti-
tus Exer-
cicio.
Vide Bartol.
de tyrannid.

licet occidere. Sed omissis verborum ambagibus argumen-
tis certo. Rex legitimus occidi non debet: sed tyrannus legi-
timē succedens patri rex est: ergo tyrannus legitimē succe-
dens patri occidi nō debet. Maior consensu omnīū Philoso-
phorum conceditur, quia sacrum est nomen regis, cū in co-
dei, iustitię ac totius ciuitatis imago cernitur: Minor proba-
tur, quia successio ius regni dedit, quod vitio hominis labe-
factari quidem potest: at arbitrio multitudinis tolli iustē nō
potest. Pręterea nō licet priuatū quouis modo occidere: ergo
multō minū tyrannū legitimē succedentē licet occidere.
Antecedēs patet, quia vita hominis chara est ciuitati, & sine
lege extingui nō debet. Ratio tenet, quia si id facere nō lice-
at quod minus est, id demū quod maius est nō licebit face-
re: at maius est tyrannū quā priuatū occidere. Porro illud
facere nō licet quod subitaneos motus seditionis in ciuitate
gignit, omnēq; monarchiā incertā reddit: sed interfectio ty-
ranni legitimē succedētis patri hæc duo mōstra & mala parit:
ergo talis interfectio tolerari nō debet. De maiore nemo du-
bitat, minorē autem probo, quia rege per vim sublato atto-
nita redditur multitudo, rerūq; magna vicissitudo sequitur,
nec nō fenestrā hac semel apertā, quod liceat occidere, mo-
narchię optimē in discrimē vocatur, quippē in nulla repub.
Bruti & Cassij desunt, qui Cęsares clementes sub nomine &
prętextu tyrannidis in ipso senatu cōfoderint. Deinceps om-
nis rex legitimē succedens sit bonus aut malus est dextra vel
sinistra dei: ergo nō licet illū occidere. Rationē probo, quia si
bonus sit, horrēdū est occidere; sin verō malus, illū occidere
nō est à diuina prouidētia depēdere quę aliquādō Iulianos,
aliquādō Iustinianos & Constantios populo præesse iubet.
Adhuc secūdū Philosophū, Arma non licet in tyrannū le-
gitimē succedentē sumere: nedū ergo licet illū occidere. An-
tecedens probatur, quia prouidētię est potius consilio reges
corrigere quā insidijs ē vita tollere. Postremō antiquitatis
exēpla ac testimonia nostras in hac re partes plurimū cō-
firmant: sub Neron. Calig. Heliogab. alijsq; monstrosis tyranni-
dis vixerunt beatissimi patres; at eorū nemo conspirauit. Da-
uid

Vide Per.
Marty. in Iud.
19.

Rex imago
Dei, iustitię
& ciuitatis.

Iob. 34. 30.

1. Reg. 24. 7.
& 26. 9.

uid rex ille uictus Saulem nō tetigit, Elias Achab igne non sustulit, Moyses & Aaron Pharaonis immanem crudelitatem fugerunt, deo autem suæ oppressionis vindictam reliquerunt.

Distinctio.

Attinguntur in hoc Ca. duo, nempe	Species tyrannidis, quæ sunt aut	Mixta, & he	Monarchia, quatenus secundum leges seuerè, sed ut hera imperar.
		partim constant ex	Tyrannide, quatenus priuatum bonum & non comune querit.
		Simplex, quæ	per omnia monarchiæ opponitur.

Quæstio, scilicet, an liceat tyrannum legitimè succedentem occidere? negantem partem defendimus lex argumentis quæ suprà satis distinctè patent.

Tyrannus vipera.

Quibus & quomodo liceat tyrannum premere.

Princeps tota ciuitas, priuatus pars.

Opp. Maximum malum quoniam modo licet radicatus est ciuitate tollere: sed tyrannus qui sub velo successionis se in regnum insinuat est maximum malum: ergo tyrannum qui sub velo successionis se in regnum insinuat, quoniam modo licet est ciuitate tollere. Maior constat, quia maximum malum latius serpens non aliter totam ciuitatem quam pars putrida totum corpus corrumpet. Minor probatur, quia tyrannus, qui sub velo successionis se in regnum insinuat, non aliter quam vipera suam matrem deuorat.

Resp. Primum respondendum est ad maiorem, nempe quod de modo tollendi malum est ciuitate dubitemus, imo affirmamus non quoniam modo pro cuiusque arbitrio, sed quoniam modo pro sapientum iudicio & consilio maximum malum esse à ciuitate extirpandum: at consilium sapientum non iubet, ut rex qui euadit tyrannus pugnunculis Brutus & Cassii confoderetur, sed ut coacto senatu per prudentiorem partem multitudinis de maturo instig, tollendi medio consultetur.

Opp. Licet hostem insidiantem patriæ quoniam modo occidere: ergo multo magis licet regem sub velo successionis tyrannidem exerceantem quoniam modo occidere. Ratio tenet à minore ad maius. Nam multo minus laedit rempub. Catilina quam Caesar, priuatus hostis quam imperator tyrannus.

Resp. Eadem non est ratio istorum siue exemplum siue periculum ciuitatis spectes, nam si priuatus hostis tollatur, pars solam

lum rescinditur; at si rex occidatur, tota ciuitas in discrimen trahitur: non quod non liberetur malo, sed quod hoc malo ad hunc modum sublato maius seditionis creetur periculum. Respondeo igitur rationem adductam non tenere, quia eadem non est circumstantiarum in utroque comparatio, quæ in ratione à comparatis necessario requiritur.

Opp. Rex bonus dignus est, ut omni modo uiuat & conseruetur: ergo qui sub specie regni tyrannus euadit dignus est ut quouis modo pereat & occidatur. Antecedens est Arist. in tertio. Ratio tenet à Cap. 9. ad finem. contrarijs, quia rex & tyrannus per omnia opponuntur, ut probatur antea.

Resp. Non hominem sed locum, non Phalaridem sed Phalaridis officium considerare oportet; fatemur hominem sic occupantem regnum quauis nonnunquam penam capitali dignum, at propter loci officij, reuerentiam & maiestatem, gladius carnificis aut insidiatoris cruore Caesaris tyranni non tingendus: non ergo per omnia opponuntur, quia loco & officio conueniunt.

Opp. Licet regem iniustum ac flagitiosum occidere: ergo multo magis licet occidere tyrannum, & amet si sub specie successionis rempub. inuaserit. Antecedens probatur ab exemplo Arbaeti qui Sardana- Justin. lib. 1.
palum, ab exemplo Otanis qui Magum, ab exemplis multorum quos in Herod. in Thalia.
10. cap. 5. lib. meminit Arist. qui suos Caesares occiderunt. Ratio tenet

à maiore ad minus, quia maius est regem quam tyrannum interficere. Non exemplis Resp. Non de facto sed de iure hoc loco querimus, agnoscimus in- viuendum sed legibus.
sidijs, gladio, veneno, alijsque sexcentis modis mille Caesares fuisse ex
hac vita sublato, negamus tamen iuste illud omnino fieri, licet homicide isti in hoc facinore colore ac speciem virtutis habeant: Est ergo huius enthymematis negandum antecedens, quippe non licet regem iniustum (dum sedem occupat ciuitatis) è vita tollere.

Opp. Dei ac religionis causa licet malos reges occidere; ergo licet etiam tyrannos eadem de causa è vita tollere. Antecedens probatur à testimonio sacra Philosophia, in qua laudantur Eud qui Iudic. 3. 21.
Egton regem Moabitarum, Iael quæ Siferam, Iehu qui Ioramum, Iudic. 4. 21.
Iudith quæ Holophernem occiderunt. 4. Reg. 9. 24.
Iudit. 13. 9.

Resp. Caue ne temerè & periculose exemplum in legem, ac preceptum trahas; attende quod Christus tributum Caesari non venum

3 Reg. 18. 38.

4 Reg. 2. 24.

Matth. 26. 52.

Vid. cap. 2.

nam dederit; quæ occulto motu, iussu aut instinctu dei fiunt, non semper vim legis habent: placuit ei, ut Elias flammam de celo euocaret & Baalim interficeret; placuit, ut Elizeus crudelos ursos à filiis euocaret ad dilaniandos irridentes pueros; non tamen placuit ut Petrus gladium suum distringeret, nedum ut filium vitale Caesaris resicaret; si principes euadant tyranni sinistra dei sunt, si maneant boni dei dextra non immerito appellantur: furiosum ergo est, & inextinguibile scelus has manus obtruncare, & patienter non expectare, quid deus velit. At dices melius est unum quam legiones hominum perire; verum est quod dicis si dei sinistra in illo uno non esset, quæ rescindi non debet; sed qui sunt illi homines, quos perire asseris? si boni sint non pereunt, si mali illorum flagitium est quod pereant. Nam iustum iudicium dei est si in Syllana messe fructus boni non fiant, hoc est si in flammis persecutionis scorum suorum scelorum non deponant.

CAP. XI.

Utrum ciuitas ex medijs ciuibus composita sit præ alijs reipublicæ formis politicè eligenda?

Utrum egentes aut mendici sint in ciuitate tolerandi?



Optimum absolutè, ut scopus proponitur. Optimum comparatè, ut medium definitur.

DU BIVM in fine prioris cap. à nobis more solito non est discussum, quia breuissima illic solum est de tyrannide disceptatio, quæ ut docet Arist. longiorem non requirit sermonem: accedimus igitur ad ea quæ sequuntur, nempe, ut demonstremus quæ sit optima respub. non tamen exactè & simpliciter, sed ea ratione ac modo quo pluribus ciuitatibus potest competere; aliud enim est optimam reipub. absolutè, aliud optimam comparatè atq; respectu definire: absolutè optima ut scopus proponitur, sed rarò attingitur; comparatè optima ut medium quod

quoddam definitur, & pluribus in locis comparatur. Postquam igitur Philosophus absolutè optimam (sit illa monarchia aut aristocratia, de quibus vna est quoad virtutem ratio) descripserit, omnesque rectæ administrationis formas labelsque ostenderit, congruum nunc est, & consentaneum, ut communiter optimam delineet, hoc est talem, quæ à plerisque communicari potest, quæ neque exactam virtutis regulam, neque exquisitam educationis disciplinam postulat. Hoc dicit Aristoteles non quod non existimet simpliciter illam optimam rempublicam esse in qua sola virtus imperat, sed quia theatrum vitæ humanæ ante oculos posito animaduertit hoc fieri non posse, ut heroica virtus ab omnibus politicè in hoc stadio currentibus religiosè adoretur, neque si politicam vitæ tragædiam spectes, hoc sequitur necessariò optimos viros optimos ciues esse; imò sæpè contingit virtutis studiosos esse ignaros ciuitatis. Constituit hic ergo Philosophus mediam facilemque viam, quam quodam respectu optimam appellat; hinc quæstio est quam nunc tractamus, nempe, An ciuitas ex medijs ciuibus composita sit præ alijs reipublicæ formis eligenda? Affirmat Aristoteles ut optimam eligendam esse; sed distinguendum hic est, quod medijs ciues dicantur quatuor modis, aut qui inter virtutem & vitium, aut qui inter honorem & ignominiam, aut qui inter nimiam rerum copiam & paupertatem, aut denique qui inter libertatem & seruitutem rationis medium & præscriptum tenent. Omnibus his modis medium hoc loco intelligitur, maxime verò inter secundarum rerum possessionem & inopiam. Progreditur Philosophus, primùm generatim, tum speciatim demonstrando propositum: generatim hoc modo; Optimi viri non sunt semper periti ciuitatis: at facinorosi sunt ciuitatis pestes: ergo medium vtriusque tenendum. Præterea, qui nobilitate præstant plerumque superbi & petulantes sunt, qui verò ignominiam laborant sæpè malefici & odiosi fiunt: ergo optima administratio ea est, quæ medium inter vtrumque tenet. Idè dicendū est de diuitijs & inopia rerum

Quæstio.

Medij ciues quatuor dicuntur modis.

Medij ciues optimi.

Inter vtrumque vola.

Medio tutissimus ibis.

rerum de libertate & seruitute, adeoque de istorum medio, quod qui attingunt in politica administratione beatissime tutissimi neque dicuntur vivere: nam ut hic ait Philosophus, qui in excessu rerum secundarum aut amicorum viuunt, imperio parere nolunt, neque recte imperare sciunt, molles enim sunt, rudes, contumeliosi, inuidi, & inuisi omnibus; ciuitas ergo ea, quae ex medijs constat optima habetur: sed hoc ipsum pluribus argumentis speciatim ex textu demonstrari potest, idque ad hunc modum. Ciuitas illa est optima, quae vitam ciuium cum virtute coniunctam habet: sed ciuitas ex medijs ciuibus constans vitam cum virtute coniunctam habet: ergo ciuitas ex medijs ciuibus constans est optima. Iterum illa ciuitas, cuius ciues facile obtemperant rationis imperio, est communiter optima: sed ciuitas quae constat ex his, qui neque excedunt neque deficiunt in rebus secundis talis est: ergo ciuitas quae constat ex medijs est optima. Tertio ex equalibus & similibus optima ciuitas constituitur: sed medijs ciues sunt aequales & similes: ergo ex medijs ciuibus optima ciuitas constituitur. Quarto ubi nullae insidiae, inuidia nulla, nulla sitis cupiditasque alieni est, ibi optima ciuitas est: sed inter mediocres, mediosque ciues istorum nihil est: ergo ex medijs ciuibus optima ciuitas constituitur. Quinto, ciuitas quae a natura ortum, & conseruationem habet, est quidem optima: at talis est ciuitas ex medijs constituta, ut testimonio Phocylidis in textu probatur: ergo ciuitas ex medijs constans est omnium optima. Sexto, ciuitas quae nullis seditionibus aestuat, est optima: sed media ciuitas nullis seditionibus aestuat: ergo media est quidem optima. Postremo, ciuitas quae praestantissimos legumlatores habet, est optima: sed media ciuitas praestantissimos legumlatores habet, ut probatum est exemplis Solonis, Lycurgi, Charondae, aliorumque in textu: ergo ciuitas media est optima. His positis comparat Aristoteles alias rerum publicarum formas populariter susceptas cum hac administratione, quam nunc praestantissimam esse probauit, easque dicit aut meliores aut deteriores existere, quo magis aut minus ad hanc accedere videantur.

Altera

Optima cur sit ciuitas media.

Vide pol. 2 c. 1. & 1. 3 c. 3. & 4.

Vide Plut. in Solon. & Lycurgo. & Diod. Sic. biblioth. lib. 12.

Altera quaestio, quae est, an mendici & egentes sint in ciuitate tolerandi? ab his verbis in textu pender. In omnibus igitur urbibus tres sunt partes ciuitatis: alij valde copiosi & locupletes, alij egentissimi ac tenuissimi, tertij inter hos medijs: (& paulo post) perspicuum est rerum secundarum possessionem mediam omnium esse optimam, facillime enim adduci potest ut rationi obtemperet. Causam addit, quoniam is qui supra modum est pauper (id est mendicus) rationi difficulter obsequetur, quippe ut diuites sunt plerique petulantes & contumeliosi, ita mendici ac miseri maxima ex parte leues quidem & malitiosi existunt: Ne verò hoc malum in ciuitate contingat, libro sexto cap. quinto consulit Aristoteles ut opulenti, qui opes immensas congerunt & coaccuant, quique facultatem mercaturae faciendae habent, egentibus ad necessitatem vitae suggerant & largiantur. Recte quidem in hoc suadet Philosophus. Nam ciuitas beata esse debet, ergo ciues esse miseros non decet: ciuitas rerum omnium copia abundaret, ergo nemo in ea necessarijs indigeret ad vitam; rogare vestem peregrino pudor est, ergo ciui mendicare cibum nefas est; prouidere igitur oportet (ut verbis Philosophi utar) ne multitudo sit nimis egens, immo excogitandum est artificium ut diurna sit copia rei familiaris, utque Epulones ac diuites Lazaris, infirmis, miseris opitulentur. Quid moror? Ciuitas in se sufficiens esse debet, ergo nemo mendicaret: ciuitatis decus & honor est ut nihil ad vitae necessitatem desit: ergo mendicus in ea ne viuat: mendicitas rapax est fraude & malitia plena, prouidendum ergo est ut nemo in ciuitate cogatur mendicare. Postremo maiores nostri ubique gentium in suis ciuitatibus medicantes non habuerunt, utile ergo illorum sapientia & exemplum imitari: sed quid agis? Non miseros, non mendicos illos esse existimas qui claudi, vulnerati, parentibus orbi, omni ope & copia rerum destituti, in carceribus & hospitij viuunt? Non sanè: si illis ciuitas ex sua abundantia rerumque fluxu consulat. Christe bone, ubi haec miserorum cura? Multi sunt hodie epulones qui canem ad laniandum non panem ad sustentandum Lazarum

Aa 5

foribus

Vide Pla. po. 4 & de leg. ca. 9.

Lib. 6. Pol. c. 5.

Pol. 2. cap. 1.

Pol. 1. cap. 2.

Iustin.

foribus emittunt. Sed ausculta diues, te nudum natura parit, te nudum mala fortuna reddit. Quid ergo intonas in pauperes? Cur caperatâ fronte intueris mendicos? Xerxes opibus & armis oppleuit Græciam, at scaphâ vix tutus reuertit in patriam. Cræsus es hodie? Cras eris Irus. Cæsar es hodie? Cras sine regno viues. Si sapias ergo, egentes foueas, ut si ab alto cadas in visco non hæreas: nam quo statu nunc es vides; at nescis, nescis incaute quæ te miseria præmet. Honor umbratilis est existimatio hominum, cui nimium ne credas; fugax est hæc pompa mundi; auidius eandem ne discupas. Si successio te nobilem, te diuitem, te regem fecerit; neminem pauperum proteras, neminem prosternas; quippe nobilis Pompeius, Diues Lucullus, Rex Dionysius ceciderunt.

Distinctio primæ quæstionis.

Ciuitas optima dicitur duobus modis, aut

Absolutè, cum sola virtus imperat, ut in simplici monarchia aut aristocratia, quæ duæ formæ administrationis rarè aut nunquam apparent, proponuntur tamen tanquam exemplaria, ad quæ contendentes mediam rempublicam inueniamus, quæ optima hoc loco dicitur.

Comparatè, cum partim virtus viri, partim virtus officij imperat; in qua neque affluentes nimium, neque nimium depressi paupertate viuunt, & hæc optima esse probatur, ut antea ostendimus.

Opp. Media ciuitas non solum secundum virtutem dirigitur: ergo rectè optima hoc loco non definitur. Antecedens patet, quia tota disputatio Philosophi est de medio inter diuitias & paupertatem, quod non est virtus. Ratio sequitur, quia a virtute solum res optima nominantur.

Virtus viri officij. Optimum Respectiue, Absolutè.

Resp. Virtus hoc loco non tam viri quam officij intelligitur; cum enim omnes & singuli non possint exactè virtutem assequi & exercere, Aristoteles mediocre statum, quem optimum appellat, exco- gitauit, optimum (ut diximus) respectu non absolutè.

Opp.

Opp. Politia maiorem habet cum corpore humano similitudinem ac proportionem, quam hac media, de qua loquitur Philosophus: ergo est melior. Antecedens probatur, quia in politia magna est dissimilitudo partium, ut in corpore humano. Ratio coheret, quia ciuitas illa optima in textu vocatur, quæ proximè ad naturam accedit.

Resp. Maior non est in politia similitudo ac proportio cum corpore humano si unitatem & consensum spectes, quæ duo (ut docet Philosophus) maximè in ciuitate requiruntur.

Opp. Virtus est medium, ut docet Aristoteles in Ethicis: sed hoc loco ponitur ut extremum: ergo male instituitur quæstio. Mi- nor probatur, quia medij ciues dicuntur qui inter virtutem ac vitium, honorem ac ignominiam, libertatem ac seruitutem pend- Ethic. lib. 2. cap. 3.

Resp. Virtus extremum hoc loco dicitur respectu excellentia ac perfectionis suæ, quam rarè ciues attingunt, medium ergo, ut lo- quantur, possibile assignatur, quod ciues facile assequantur. Medium pos- sibile.

Opp. Mediij ciues non possunt sustinere maximos sumptus, quos oportet in ciuitate: ergo media ciuitas non est optima.

Resp. Non requiritur, ut ciues, sed ut ciuitas maximos sumptus publice sustineat, sed hoc commodissimè fieri potest in media ciuitate, in qua pax ut dea adoratur.

Distinctio & status secundæ quæstionis.

Egen- tium a- lij sunt	{	Infirmi, & hij sunt aut	{	Orphani, ut mendi- corum filij. Decrepiti, cæci, clau- di & infecti &c.	{	Pro his Londini insig- ne hospitium paratur, quod à Christo suum nomen duxit.
		Infertu- nati, qui sunt aut		Vulnerati milites, Deiecti ciues, Ægroti pauperes,		Pro his hospitium diui Thomæ instituitur.
		Dissoluti, qui sunt aut		Prodigi, qui omnia exhau- Vagabundi, qui nus- quam & vbiq; manent, Desidiosi, ut lenones & La- ides quæ ciuitatem inficiunt.		Pro his carcer, labor, flagellum, in celebri loco, (Bridwell nonni- nato) apparatur.

Argumenta hic non excudimus, quia vberius in alijs libris de hac materia differendum erit.

Dubium.

Dubium.

Utrum magna ciuitates paruis sint diuturniores?

INTER signa quibus probat Aristoteles mediam ciuitatem esse optimam, hanc habet opinionem, magnas ciuitates esse diuturniores paruis: sed rara est in multitudine concordia, rara morum ac studiorum similitudo: huic contrarium ergo sequi videtur. Attendendum hic est, quo sensu Philosophus opinionem istam defendat; Non enim docet magnas, ac populo refertas ciuitates esse diuturniores simpliciter, sed respectu eius mediocritatis de qua hoc loco differit: si enim immensa & numerosa ciuitas ex medijs ciuibus sit compacta ac constituta, quæ neque abundantiam rerum nimiam inolescere, neque nimiam rerum penuriam contabescere videatur, quisque sorte ac fortunam suam contentus in ea viuet, minusque aliena appetet; unde magna vis amicitiae civilis nascitur, in qua uiuit, viget, floret, & conseruatur ciuitas: quo ergo maiores sunt ciuitates ex medijs ciuibus constitutæ, eo minus seditionibus sunt obnoxiae, atque ob eam causam magis sunt stabiles ac diuturnæ, & hæc est sententia Arist.

Opp. *Unitas & consensio virtutis solum concordiam nutrit: ergo male hoc loco defenditur contrarium.*

Resp. *Concordia sumitur duobus modis, aut ethice pro amicitia, & sic in sola virtute consistit; aut politice pro pace ciuium, & sic in aequalitate quadam bonorum cernitur.*

Opp. *Magna ciuitates pluribus fortuna euentis subiecta sunt iuxta illud,*

Minus in paruis fortuna furit.

Leuiusque ferit leuiora Deus.

Ergo magna ciuitates non sunt diuturniores. Antecedens probatur, quia plures ciues habent diuersos ac dissimiles mores, & quia maiore hostium odio plerumque vulnerantur.

Resp. *Verum hoc est si animi ciuium distraherentur, quod in medijs ciuibus non contingit, cum singuli quod satis est habeant, suisque viuunt contenti: quod cum ita sit, facile hostem supprimunt, pacemque diuturnam in sua ciuitate colunt.*

CAP.

Quid per magnas ciuitates intelligat Arist.

Vide Po. 2. c. 5.
Pol. 2. cap. 2.
Plat. 3. de leg.

Concordia,
Ethica,
Politica.

Seneca in
Hippol.

CAP. XII.

Utrum pro qualitate & quantitate ciuium omnis respub. sit temperanda?



DIFFIDENTIUS loquuntur hic quidam interpretes Arist. incerti antipitesque; (ut videtur) quid sibi velit per qualitatem ac quantitatem ciuitatis; sed res sine lite est, si antecedentia cum presentibus conferamus. Nam posteaquam omnes & singulas reipub. formas tam genere, quam specie distinxit, eamque etiam demonstrauit, quæ populariter communiterque media, & (ut aiunt) ex suppositione optima habetur, expedit ut nunc tandem quæ, qualis & quanta cuique populo conueniat, limatius demonstretur. Nam sicut est hominis politici exemplares respub. philosophico veluti lapide examinatas proponere, ut ad difficilia & pulchra in ciuili vertenda sphaeram studia ac cogitata nostra ferantur: ita est prudentis viri mediocres facilesque administrandi formas describere, quas viribus moribusque diuersorum hominum aptissime conuenire expertus viderit. Omnes enim homines cum aquilis solares radios directe intueri non possunt, omnes alta non sapiunt, media plurimis conueniunt, quæ si attigerint, scopum suæ vitæ habent. Præter illas ergo nobiles & excellentes reipublicæ formas, quæ in diuina circumferentia virtutis continentur, alias requirit Aristoteles populari quasi sensui subiectas, quarum portæ ampliores, aditusque faciliores omnibus patefiant. Sed ne sim verbosior, primum duo axiomata vniuersim omni ciuitati accommodata tradit; quorum alterum est, quod oporteat eam partem ciuitatis potentiorē esse, quæ rempublicam saluam esse velit, quam quæ presenti statu non est contenta. Alterum, quod duo in partibus cuiusque ciuitatis sint consideranda: qualitas, quæ libertate, opibus, doctrinâ,

Quid per qualitatem, & quantitatem ciuitatis intelligatur.

Non omnia possumus omnes.

Axiomata duo.

Quid conferuet remp. Qualitas.

Quantitas. doctrinā, virtute, honore constat; quantitas quæ in proportionem rerum numeroque ciuium constituitur. De prima propositione contentio difficilis non est, nam quis illi parti ciuitatis dextram libentiùs non porrigeret, quæ rempublicam saluam esse cupit, quàm quæ in nouatione status delectatur? Via tutior, ratio melior, beatior constitutio ciuitatis est, quæ sub Ioue constat, quàm quæ Mercurio aut Lunæ (quæ sydera incertam mutabilemque influentiam habent) subiicitur. Si sit ergo ratio potentior quàm affectio, si virtus firmior quàm leuis animi intentio, si mens constantior quàm appetitus, certè pars illa ciuitatis (in qua ratio, virtus, & intellectus vigent) eā valētior esse debet, in qua affectio, leuis animi intentio & appetitus dominantur: sed pars illa ciuitatis quæ saluam remp. esse velit, rationem meliorem, firmiorem virtutem, mentem sanio rem habet, ergo pars illa potentior esse debet. Ex altera propositione suscepta est quæstio, iam nunc discutienda, nimirum vtrum pro qualitate & quantitate ciuium omnis res sit temperanda?

Quæstio. Qualitatē hoc loco definit Philosoph. libertatē, diuitias, disciplinā, generis splendorē, seu nobilitatem: quantitatē verò exuperantiā multitudinis; ambagibus relictis, mores populi qualitatē, numerus ciuium ac proportio rerum quantitatē significat. Quæstionis ergo sensus hic est, vtrum pro moribus numeroque ciuium omnis res sit temperanda? Affirmat Arist. hoc modo temperandā esse; nō tamen id velit, vt ad malos ac dissolutos mores ciuitatis administratio fluat, sed vt leniore administrandi viā susceptā tā mores quàm leges ciuitatis ad mediocrē statum reip. (quæ tantopere hic laudat) sensim ac pedetentim pertrahantur. Quod verò ex hisce duobus, nepe qualitate & quantitate institutio & cōseruatio cuiusque ciuitatis pendeat, 4. argumentis probatur, quorum primū est à cōparatione, secundum à possibili, tertium à disparatis, postremū à simili seu proportionem. A cōparatione, quia collatis inter se qualitate & quantitate ciuium varia genera rerump. existunt; exempli causā, vbi egeni plus numero vincunt quàm superantur qualitate, ibi respub. popularis oritur. Contrā verò paucorum potentia ibi emergit, vbi diuites qualitate putā honore, aut diuitijs magis

Quæ ciuitatis pars sit melior.

Qualitas ciuitatis.
Quantitas ciuitatis.
Sensus quæstionis.

magis excellunt, quàm egentium numero superentur; similis est ratio reliquarum administrationum. Si ergo ex varia affectione qualitatis & quantitatis multiplex reip. constitutio ac forma oriatur, necesse est, vt consulto à fundatoribus ciuitatum pro qualitate & quantitate ciuium omnis res temperetur. Nam etsi politici ac boni viri sit in cōstitutione ciuitatis animos ciuium ad amplexum virtutis flectere ac conformare: cū Mala sunt vicina bonis. tamen aurum non est sine scoria, granum nō est sine palea, id est cum homines rarissimè sine infirmitate viuunt; qualitas & mores loci, quantitas & multitudo hominum diligenter ac impensè cōsiderari debent, ne susceptus labor in legibus ferendis inanis & otiosus fiat. Altera ratio à possibili est, quia neglecta qualitatis ac quantitatis cōsideratione fieri nō potest, vt ad mediam communiterque optimā reip. administrationē ciuitas adducatur. Sed vt hic docet Philosophus, legumlatores proportionē mediā intueri debent, ne cōcentus & harmonia ciuium in extrema diuitum pauperumque odia discordiasque cōmutetur, vnde veluti paralytis & conuulsio membrorum in corpore ciuili non sine magno dispendio nascitur. A disparatis hoc ipsum confirmatur, quia qualitatis ac quantitatis cōtemplatio beatiores ciuitates efficit: ergo earum cōceptus miseras & ruinosas relinquit. Cogitemus enim aliquē Cadmū in votis habere nouas Thebas condere, fingamus nullā adhibitā ratione libertatis, diuitiarum, virtutis, generis, morum; nullā proportionem rerum, nullā ciuium multitudine sumptā, velle pro arbitrio leges cōstituere: nonne videas ex satis dentibus gigantes oriundos, qui de nouo quasi ciues facti in perniciē sui ac ciuitatis distrahantur? Roma neglecta hac cōsideratione prima fundamenta sanguine fraterno sparsit, adhuc pastoralis folia nō fructus tulit, tandē verò cōsularis effecta ramis suis vniuersū terrarum orbem obumbravit, quod certè maximè tum demum cōtingit, cum qualitatis ac quantitatis rationem iustā accepit. Nam vt cōcludam hanc causam à simili quod proposui, sicut qualitatis ac quantitatis proportio in corpore naturali vniuersitatem: ita vtriusque debita cōsideratio in corpore ciuili singularem vnitatem efficit: quippe vt illis in quandā temperiē naturæ

Ouid. Met. lib. 3.

Liu. dec. 1. 1. 3.

naturæ vi redactis multa membra specie distincta vnum corpus: ita eisdem in ciuitate ad quendam consensum deductis variæ reipub. partes, quæ officio distinctæ sunt, vna ciuitas efficiuntur; quæ si media sit habetur (vt est in textu) omnium præstantissima: quippè illâ constitutâ verendum non est (vt ait Arist.) diuortiū ciuium. Nam media ciuitas est quasi habena, quâ tam diuites quàm pauperes, summi quàm infimi in gyro officij continentur. Cauendum ergo est ne in administratione ciuitatis mediæ plus diuitibus summisq; viris tribuatur quàm oporteat, quippè temporis progressu fallaciter populi vires frangere atq; eneruare contendunt, verumque malum ex falsis bonis gignent, hoc est sub specie boni omnem vim ac tyrannidem in populum exercebunt. Sed de hac cautione in dubio huius cap. proposui; nunc ad distinctionem venio.

Vide Plat. 9.
de legib.

Distinctio.

Consideratio qualitatis ac quantitatis in administratione ciuitatis est necessaria, Quia aliter rectè distingui non possunt reipublicæ formæ.
Quia aliter mores ciuium rerumque proportio cognosci non possunt.
Quia aliter ordo rectarumq; legum constitutio esse non potest.
Quia aliter ad mediocrem statum (qui habetur optimus) ciuitas confingi non potest.

Opp. In enumeratione qualitatum ciuium omittit Arist. virtutem: ergo malè tractauit qualitatem. Antecedens patet ex verbis Philosophi quæ sunt. Qualitatem dico libertatem, diuitias, disciplinam, generisq; splendorem. Ratio sequitur, quia inter omnes qualitates ciuitatis virtus est omnium angustissima.

Resp. Aliqui respondent necessario virtutem subintelligi, & ob eandem causam non deesse. Alij verò respondent Arist. hoc loco de media ciuitate disputare, quæ maximè inter diuites pauperesq;, nobiles ignobilesq; versatur: quare de eis solum qualitatibus loquitur, quæ ad institutum spectant.

Opp. Consideratio qualitatis æqualitatem non patitur: ergo in optima constituenda ciuitate non est ferenda. Antecedens probatur, quia consideratio qualitatis efficit, vt liberi seruis, opulenti egenis,

Vide pol. 1. c. 3.
1. 3. c. 8. & Plat.
3. de legib.

nis, docti ignaris, genere nobiles loco humilibus præferantur. Ratio patet, quia in media ciuitate, quæ hoc loco optima esse dicitur, æqualitas quadam inter extrema approbatur.

Resp. Remuneratio ciuium pro merito in æqualitatem non arguit, tum enim est æqualitas ciuiliis, cum æquitas obseruetur, & cum cuique quod suum est tribuatur. Æqualitas ciuiliis æquitas obseruata.

Opp. Diuitia generisq; splendor dona fortune sunt: ergo qualitates ciuitatis propriè non dicuntur. Ratio tenet, quia ab illis ciuitas per se qualis non denominatur.

Resp. Nomē qualitatis sumitur hîc fusè pro omni eo quod non est ex essentia ciuitatis, non autem strictè vt apud dialecticos pro forma solum aduentitia, quâ subiectum quale simpliciter & absolute dicitur. Qualitas quid significet.

Opp. Rei infinita certa consideratio esse non potest: sed quantitas ciuitatis est infinita: ergo quantitatis ciuiliis non potest esse certa consideratio. Minor probatur, quia quantitas ciuitatis in textu exuperantia multitudinis definitur.

Resp. Exuperantia multitudinis accipitur bisariam, aut indefinite pro magna multitudine ciuium, rerumq; proportionem vt hoc in loco, aut infinite pro immenso numero mente solum vt concipiatur, & sic in textu non accipitur. Multitudo Indefinita, Infinita.

Dubium.

An periculosum sit plus diuitibus in republica quàm multitudini tribuere?

Vetus est illud, cui plus licet quàm par est, plus vult quàm licet; cautè venandum est cum leonibus, nam aliter in diuisione prædæ bestioliis pars nulla relicta erit. Opulenti qui nimium maxima ex parte in omni republica sunt veluti vnguibus armati leones, qui (vt verbis Philosophi vtatur) fallaciter populi vires frangunt atque eneruant; qui temporis progressu ex falsis bonis verum malum gignent, qui insatiabili diuitiarum siti reipu. quasi fluentia siccant, administrationemq; ciuitatis perdunt. Audiendus est ergo Aristoteles, qui suadet, ne plus quàm par est, diuitibus tribuamus. Nam vt scaturigines

Bb

gines

Plura quam
fas est petunt.
Senec. in Hip.

Ratio.

Magna vis
pecuniae.
Quid non
mortalia
pectora cogis
Auri sacra fa-
mes?

Filia ambitio-
nis oppressio.

Pol. 2. cap. 5.

Cap. 8.

Diuitiae cum
nobilitate
& virtute.

gines in Oceanum fluentes tumorem: ita opes abundantes diuitē insolentē faciunt, cui si plus quam par est honoris mādes, ex insolente insanū reddes. Cauendum ergo est nē multi Crassi, id est super modū opulenti ac potentes in ciuitate uiuant (aut saltem si uiuant) ne multis magnisq; honoribus cumulatū intumescant nimium. Rationes sunt, quia primū corrumpent multitudinem, hinc rapient imperium, deinceps oppriment ciuitatem, postremō non aliter quam truculenti tyranni deuastabunt omnia. Corruptent multitudinem, nā mira vis est pecuniae cuius pōdere nūquā defatigatur manus, cuius admiratione auarus satiatur nūquā, at populus auidior est in rem suā, Pluriq; sterora nimīū admiratur. Si ergo Opulenti potentiores fiant facillimē corrumpent multitudinem. Rapient imperium; nam diuites vngues acutos habent, quibus tanquam vultures plebis viscera possunt discerpere; si ergo honoris stimulos opulentis addas, imperiū statim deprædabuntur. Oppriment ciuitatem, nam filia ambitionis est oppressio ciuitatis: quid tandem sequitur ex his cunctis, nisi ut sic opibus armati truculentiū depopulentur omnia? Periculolum ergo est plus diuitibus in republica quam multitudini tribuere; quippē hoc non est Aristocratiam sed oligarchicum motum seditionis, & quasi tempestatem excitare.

Opp. *Discussa fuit hac questio in secundo lib. ergo otiose hic de eadē agitur. Antecedēs probatur, quia illic docuit Philosophus cauēdum esse, ne quisq; in ciuitate pro arbitrio accumularet diuitias.*

Resp. *Aliud est diuitias non ultra modum acquirere, aliud est diuitibus non plus quam par est multitudini tribuere: alterum enim prohibet auaritiam, quam tabes; alterum ambitionem, quam labes ac perniciēs ciuitatis sequitur.*

Opp. *In hoc ipso libro docuit Philosophus diuites esse ad imperādū aptiores quam multitudinem: ergo eis plus iure tribuendū est: nā honor imperij perpetuus comes est iureq; imperantibus sepe debetur.*

Resp. *Diuites considerantur duobus modis, vel simpliciter, ut solū rerū ac fortunarū copiā abundet, & sic nō sunt aptiores ad imperiū; vel compositē, ut prater diuitias & fortunas animi ornāmēta habeant, & sic ad imperandū aptiores, quā impolita multitudo habetur.*

CAP.

Utū liceat in politia sophismatis populum decipere?



ES quinque sunt (ut hic docet Philosophus) quibus in politia nobiles & opulenti viri callidē decipiunt populum, nimirū concio, magistratus, iudiciū, arma, & exercitatio rei militaris; hæc reipub. mysteria & arcana dicuntur, in quibus vis magna recte administrationis latet. In concione enim consilium, in magistratu imperium, in iudicio oraculum, in armis eorumque exercitatione columen ac præsidium ciuitatis inest; si hæc recte iusteq; instituantur, diu florebit ciuitas; sin minus, necesse est ut Herculis furentis tragediam, id est, sui suorumq; perniciē prematurā videat. Quippe si iniqua concilia, si iniusta imperia, si iudicia praua, si arma facinorosa regnent, quæ ciuitas cōstare potest? quæ vmbra ciuitatis manet? Cæterū horū quinque; (ut sunt illa quidem arcana) arcanus aliquando vsus est in politia, in quo visu, ne dispendiū aut naufragium patiaturs. stratagemata sophismataq; legitima habentur. Verbi gratiā. Si pauperes exosi imperium virorum principum, iugum Cæsariæ autoritatis studeant à suis ceruicibus excutere, magnates, ne ciuitas in malum penitus declinet, iustē & sapienter possunt sub prætextu popularis boni, superbam multitudinem, tanquam incautam auiculā, irretire. Si laqueos modosq; decipiendi quæras, apertus est Arist. qui distinctē in his quinque; præstigias ac sophismata occultiora radit. Hinc enim facillē inducitur plebecula, ut se saluam esse credat, si immunitates sibi præ diuitibus concessas & donatas videat, ut si ad concilia, magistratus, iudicia, arma, præsidiaq; ciuitatis lege cogantur diuites, permittatur autē tenuioribus ab hisce omnibus se excusare: Magnus color est seueritatis in opulētos ac libertatis in alios: Sed si impensius rem cōsideres, seueritas illa libera quidē est, & hæc seuera libertas, quæ populo cōceditur, nā sub hac specie libertatis nobiles potiuntur imperio, & suo coercetur populus

Arcana reip.

Quinq; quibus viri nobiles populum decipiunt.

Vide cap. 14.

Cor. Tacit. hist. lib. 1.

Sophisma oligarchicum.

Bb 2

Lacedæmonij.

pulus officio. Sic olim mulctâ non leui constitutâ apud Lacedæmonios, ad senatum & concionē vocabantur proceres, sed angustioribus fortunis vsis licuit abesse, quibus etiâ fuit liberum magistratus eiurare, iudicandi munus non obire, arma non emere, in præfidijs ciuitatis non excubare. Hisce & similibus sophismatis popularis administratio aristocratica demū euasit, diuq; sub optimatum ferula imperioq; permansit. Attentiùs obseruandum hîc est, qd licet in textu Arist. istas machinas & callida ferendarum legum artificia ad oligarchias & democracias solū accommodet, eorum tamen vsus in omni reip. administratione potest emergere, tum verò maximè cum à recto digressa ciuitas absq; prætextu boni (in illos qui sunt emendandi) reflecti non potest; sic oligarchicus blâdius populū alloquitur, & videtur in legibus ferendis populo fauere: at sub mollioribus verbis spinosiora tegit arcana ciuitatis, quibus illusus populus ad oligarchiam sensim ac pedetentim trahitur, neq; est hæc in bonis ciuib. dissimulatio, sed occultatio quædâ mysteriorū quâ politicè vtendū est, donec sanentur vulnera ciuitatis. Nā vt peritus medicus sæpè leniore manu grauiores morbos corporis: ita prudēs magistratus subtiliore arte tetriores labes reipu. curat. Quod verò liceat hæc sophismata & aucupia hominū ad bonū aliquādo exercere, probant maiorum exēpla, necessitas, prudentia & bonū ciuitatis. Maiorum exempla, nā sic olim Romani tyrannide Tarquinij in aristocratiā, sic Athenienses democraticum administrandi statum in diuitum imperiū, sic Britanni antiquitū barbaram anarchiam in angustissimam regum maiestatem transtulerunt. Necessitas quoq; hoc ipsum sæpè requirit, nam cum vis valere non potest, ars præualere debet; at vi à mala consuetudine populū auocare periculosum est: ergo arte id operis præstari debet. Vt ergo stratagemata in bello ad victoriam ducis: ita sophismata in repu. ad quietem ciuitatis iustè ac legitimè exerceri possunt; quippè prudentia hoc iubet, in qua solertia ingenium, prouidentia consilium in rebus magnis postulat; sed quā improvidi ac imprudentis sit parti aduersanti arcana remedia detegere, nemo est tam improvidus, aut

Arcana simulanda.

Medicus morbos ægroti, Magistratus labes ciuitatis curat.

Sophismata exercenda, vt boni redantur ciues.

Vis si non valeat, ars præualeat.

aut imprudens, vt opinor, qui non videat. Postremò quis nō intelligit hoc ipsum è re & vsu ciuitatis esse, si malum percrebuerit in ciuili communione; vt ingenioso prætextu laxati reip. nerui moresq; dissoluti feliciter emendentur, totaq; ciuitas sanie iā multorum scelerum veluti putrescens, oleo nō gladio, arte prudentis magistratus, non manu hostis reformetur? Faceſſat hinc longè archisophista ille Machiauellus, qui Machiauellus. verba & sensum Arist. peruertit: Hæc enim in monstris rerump. nutriendis sophismata non permittuntur. Politici enim nō sunt, vt magici, qui falsis caracteribus effascinosos animos multitudinis perstringunt, sed vt philosophi, qui mysteria sue artis cuius non referant & aperiunt. Si ergo in malis ciuitatis formis conseruandis hæc adhibeantur arcana, non stratagemata, sed clandestina consilia haberi ac nominari debēt. Felix est error populi qui ad bonum, miserabilis verò qui ad malum ducit: sed in rectis ciuitatis formis corrigendis hæc sapientum magistratuum sophismata populū feliciter deceptum ad summum bonum, in malis autem ad perniciem trahunt: ergo vt in illis laudari, ita in his repudiari ac reprehendi debēt. At diccs: Arist. exempla in oligarchia & democratia ponit, quæ sunt à recta administrandi forma deflexiones quædam; sed attende hoc solū velle, vt ex his consideratis ac sapienter connexis media resp. procreetur, quam antea optimam esse probauit: nam hæc habet verba: Itaq; perspicuum est, si quis vult iustè permiscere, quæ sunt apud vtrosq; in vnum esse conducenda. Hinc ad vltimum, in quo sophismata reipu. latent, nempe ad exercitationem militarem progressus Arist. plurimū bellicæ fortitudini tribuit, docetque rem esse difficilem certò definire; an armatis viris secundū magnitudinē census clauis reip. concedenda sit. Ab exemplis Maliensium, & antiquorum Græcorum ostendit arma viresq; Martis fuisse neruos ciuitatis, vsūq; eiusdem plurimū ad conseruandum imperium præualere, modò pauperes contumeliosè non vexentur, suisq; rebus familiaribus non spolientur; quod si fiat, verendum est ne sub cespite delitescat anguis, hoc est ne à tigurijs pauperum flamma sediti-

Machiauellus.

Pia fraus.

Cap. 9.

Quæ stio.

Arma ciuitatis nerui.

onis in arces prorumpat ciuitatis, eandemque quasi fulmine accensam penitus consumat. Turba enim offensa in turbamem ac procellam incitatur.

Distinctio.

Deceptiones seu sophismata circa consilia, magistratus, iudicia, arma, & exercitia sumi possunt bifariam, aut

Sub prætectu boni cum malum intenditur, & sic non sunt licita. Sub specie boni cum bono communi studetur, & sic sunt licita ob causas illas quas satis apertè diximus.

Vnio ciuium,
iustitiæ vincu-
lum.

Cic. de off. l. 3.

Opp. Mala non sunt licita in ciuitate: sed deceptiones & sophismata sunt mala: ergo non sunt licita. Maior patet, quia vnio ciuium est vinculum iustitiæ. Minor probatur, qui decipere est aliud agere, aliud prætere, quod est nihil aliud quam dissimulare.

Resp. Deceptiones & sophismata hoc in loco pro arcanis reipub. non pro insidijs sumuntur, quæ quidem arcana non sunt mala, cum in illis occultandis salus, non perniciēs ciuitatis prætenditur.

Pericula so-
phismatum.

Opp. In politia, seu mixta reip. forma concionis, magistratus, iudicij, armorum, ac militaris exercitationis populus compos est: ergo iniustum est, ut in ijs sub prætextu falleretur. Ratio patet, quia sic periculum est, ne in penam legis, aut labem periurij ignoranter ruat: in penam legis, quia deceptus aliter quàm res est de lege cogitat: in labem periurij, quia in omni reipub. ciues fide ad obseruationem legum astringuntur.

Resp. Populus non fallitur, nam falli malum est, sed sensim & occulte ad bonum ciuitatis inducitur, quod non est iniustum. Præterea metus non est legalis pena, aut periurij, antequam interpretationem ac sensum legis populus intelligat. Verbi gratia. Si lex fiat, ut nobiles solum sub pena centum librarum ad senatum veniant, liber verò populus in opere ac negotio ciuitatis viuat, putabit fortasse multitudo in sui fauorem hanc legem fieri, sed eò tendit (docente Philosopho) ut nobiles solum imperium teneant.

Opp. Callida hæc legum ferendarum artificia ad oligarchiam & popularem potentiam à Philosopho in textu accommodantur: ergo videntur esse licita in malis administrationibus ciuitatis. Antecedens patet in medio huius cap. ubi iisdem verbis utitur Arist.

Resp. Primum respondent quidam, habito respectu communis

vita

vita humane, oligarchiam popularemque potentiam non esse simpliciter malas administrandi formas; melius tamē meo iudicio respondetur, quod Arist. doceat has machinas, & callida artificia in utroque statu eatenus probari, quatenus ex utriusque mixtura media imperandi forma procreetur.

Opp. Licita sunt aliquando hæc sophismata, ut ad malum pertrahatur populus: ergo haud rectè defenditur contrarium. Antecedens probatur in legibus, quæ usuram & lupanaria licita esse defendunt, sed sub specie virtutis, ne aut rapina, aut raptus sequerentur.

Resp. Leges ut opinor nusquam tam impie constituuntur, ut hæc quo monstra approbare videantur. Respondemus ergo tantam esse licentiam vite humane, tam effrenem esse cupiditatem, voluptatum ac diuitiarum, ut cogantur magistratus tolerare, non approbare mala.

Actio ex fine
iudicanda.

Mala toleranda,
non probanda.

Dubium.

An cuius liceat in reipub. arma possidere?

LIBERTAS possidendi arma sæpè in furorem vertitur: hoc vulnus olim senserunt Scythæ, quorum serui armati vi ad tempus tenuerunt imperium. Politicè & sapienter ergo illi Persæ qui ablatis tubis fistulas, qui detractis armis Barchanales delicias tibiaeque Lydis dederunt, ut hoc modo effeminati sub iugo imperij firmitus premerentur. Periculosum est furentibus gladium concedere, sunt ergo seruis arma detrahenda: nam dociles sunt si armentur, in dominos sibilant: sed hoc satis demonstratum est in secundo libro, ubi de seruis non armandis egimus. Dubium nunc est, An cuius ciuium liceat in politia arma possidere? Verba Philosophi hæc sunt. Oportet reipublicæ administrandæ formam ex his sanè constare tantum, qui habent arma. Multi ex his verbis concludunt, quod cuius liceat in reipub. arma possidere, & certè non sine causa & ratione hoc ipsum cōcludunt. Nam si quilibet ciuis sit particeps ciuitatis, quilibet ciuis ciuitatem debet defendere: quod si debeat ciuitatem defendere, licebit quocumque arma possidere. Præterea cum nulla ciuitas inuidiā,

Iust. l. secundæ

Iust. l. primo.

Furenti gladius.

Mecæn. orat
pro monar.

Cap. 7.

Quæstio.

Quilibet ciuis

arma debet

possidere.

Mora trahit
periculum.

cum nulla resp. insidijs careat, necesse est ut in promptu ciues sua arma habeant, aliter enim armatus hostis inermes inuaderet, & prius opprimeret oscitantes quàm ex publica armatura ciuitatis peterentur tela: sicut ergo optandum est ut in qualibet vrbe sit armorum copia: ita tutum erit, si quilibet priuatim bellica ornamenta teneat, quibus rectus de repente impetù capitalis hostis poterit retundere. Mora quidē in omnibus maximè in rebus bellicis motibusq; seditionis trahit periculū; nō desunt in hac re maiorum instituta, qui legibus edictū hoc ratum esse voluerunt, ut vnusquisq; ciuium domi haberet arma. Sic olim Græci ut est in textu, sic Persæ, sic gens bellicosa Romani, sic olim & nunc Britanni statuerunt: qui ergo hoc onus defugerit non tam ingratus quàm ignauus inter ciues haberi debet. Porro in multis locis facces inuidiæ ardent, nec non sæpè accendunt animos ad furorem, vnde ad cædem & sanguinem non aliter quàm feroces leones ac tygres rapimur: si in hoc casu sobrijs desint arma, nemo est quin videat incendium fieri. Postremò quo auctior est armorū possessio, eò tutior est administratio ciuitatis: cuius ergo licet arma possidere: imò iure possidere debet. Cæterum hic sacerdotes, academicos, valdè tenues, seruos, ac peregrinos ab hac lege excipio: sacerdotes & academicos, quia illorum arma preces & artes sunt: tenues, seruos ac peregrinos, quia in illis metus est rebellionis si tenerent.

Arma ciuitatis præsidium.
Sacerdotes,
Academici,
Peregrini,
ne gerant
arma.

Vide pol. 5.
cap. 11.

Pol. 5. cap. 10.

Opp. *Armorum possessio est sæpè causa seditionis: ergo non est cuiuslibet ciuium permittenda. Antecedens probatur, quia concepto odio vim magnam addunt arma: at multi odium in administratores reipub. concipiunt, quibus si mucrones concedas ex parum sobrijs planè insanos facies.*

Resp. *Armorum possessio non est causa seditionis, sed mala voluntatis affectio: neq; tollenda continuo est armorum possessio, quia mali ipsæ abutuntur; sic ignis & aqua maximè necessaria elementa tollerentur, quia igni ades accensa, aqua naues demersæ aliquando pereunt.*

Opp. *Experientia docet tutum in factione ciuium illi parti arma detrabere*

detrabere, quæ in malum precipitantior est: ergo non est cuiuslibet armorum permittenda possessio.

Resp. *Hæc ratio non tenet, quippe est fallax à secundum quid ad simpliciter; nam et si hoc vel illo casu aut tempore liceat arma aliquibus detrabere, non tamen sequitur quin omnibus in placato reipub. statu illi liceat possidere. Monendi hic sunt magistratus ut caute temporibus seditionis arma quibusdam tollant, nam et si nudi hoc modo redduntur homines, eorum tamē voluntates armata manent, & quod telo non possunt dolo omnino tentabunt facere.*

CAP. XIII.

Utrum senatus rectè definiatur ac distinguatur?



VAE absolute, quæ communiter optima sit respub. quibus & quibus ciuitatibus conueniat, vberius suprà demonstrauit Philosophus; nunc ergo eiusdem vires ac proprietates addit, quæ sunt in senatu, magistratu, & iudicio posite; de his tribus generatim primum ut cuiq; ciuitati cōueniunt, tum separatim ut

Vires ciuitatis
Senatus, Ma-
gistratus, Iu-
diciū.

singulis administrandi formis accommodantur, copiose differit. In his reipub. arcana latent, ut modò diximus; in his fausta sydera reipub. lucent, ut nunc docemus: nam vnde maiorem lucem acquirit ciuitas quàm à senatu in quo consilium, quàm à magistratu in quo imperium, quàm à iudicio in quo iustitiæ & æquitatis asylum habet? Ut ergo corpus humanū mancum & mutilatum est, quod caret membris: ita ciuitas nulla est, in qua hæc tria desunt; quæ si prudentiæ ordine, ut partes primariæ in ciuili corpore disponantur, augustam: sin malè, monstruosam ciuitatem reddunt. Triumphauit olim Roma cum concio purpuram, magistratus gladium, iudicia æquitatis trutinam in ea tenuerunt: at Roma tum cecidit cū in senatu furor, in magistratu timor, fauor in iudicijs triumphauit. Concluditur ergo in fronte istius cap. quod bonum

Senatus, Ma-
gistratus, Iu-
diciij necessi-
tas.

Capitis distri-
butio.

Senatus defi-
nitio.

Definitionis
analysis.
Fenestell. 2.
cap. 11.

Senatus ciui-
tatis anima.
Plat. 12. de le-
gib.

Consilium cū
fortitudine
yniendum.

scriptorem legum diligenter attendere & considerare oporteat hæc tria, quippè his benè affectis (vt inquit Philosophus) necesse est reipub. administrandæ formam benè affectam esse; sunt enim cardines ciuitatis, in quibus veluti globi rerumpub. sub iustis aut iniquis planetis perpetuò voluuntur, suasq; vicissitudines & conuersiones habent. Quid multis? Primum in hoc cap. senatum describit, tum modos diuersos narrat, postremò eosdem sigillatim diuersis administrationis formis accommodat Philosophus. Per nomen senatus concilium, coactam concionem, totiusq; ciuitatis in consultando authoritatem ac prouidentiam intelligit. Est enim senatus publica & honorifica ciuitatis conuocatio, in qua de pace & bello, de nece & vita, de fœderibus & inducijs, de legibus, de exilio, de proscriptione rerum, de ratione referenda magistratibus, de rebus omnibus deniq; magni pòderis ac momenti consultatur; conuocatio dicitur, quia ad eam, aut omnes & singuli, aut primarij ciues conuocati veniunt; publica, quia in loco illustri, vt Romæ in curijs, templis locisque auspicijs celebratur; honorifica, quia in eo maxima dignitatis habetur ratio. Per pacem hoc loco iustam quietem ciuitatis, per bellum furiosam tragædiam ab hoste, per vitam conseruationem, per necem ciuilem condemnationem hominis, per inducias & fœdera vincula fidei, per leges neruos reipublicæ, per exilium pœnam patriâ indigni ciuis, per proscriptionem rerum legitimam bonorum venditionem; per rationem referendam magistratibus iustè exactam redditamque considerationem officij ac dignitatis intelligo. Beata profectò est ciuitas in qua sapiens senatus viuit, in qua senatores & consules iustè ac prudenter de rebus tot & tantis consilium capiunt: si togati consulant, florebit palma; si armati solùm, verendum est ne laurus pacis colorem perdat. O vtinam in omni senatu dextras armati & togati iungerent, viresq; ingenij cum lacertis Herculis decertarent! Vlysses Achilli, Aeneas Hectori amicus fuit, cur Pallas armata à collegijs consulū exularet? Sed pergit Arist. & ostendit diuersos modos consultandi seu celebrandi senatum;

tum: autoritas (inquit) consultandi permittitur, aut omnibus, aut vni, aut aliquibus; omnibus vt in populari statu & democratia, vni vt in regno & tyrannide, aliquibus vt in optimatū potentia & oligarchia, quibus addit mixtam deliberandi rationem quæ in politia exercetur. Primum genus iterum distinguit in quatuor modos, quorum primus est cum omnes de omnibus consultandi ius & equalitatem habent, non tamen vt omnes simul, sed vt ex diuersis tribubus partibusq; ciuitatis sorte, aut suffragio lecti ad senatū veniant, quemadmodū inquit fit in reip. administrandæ forma à Telecle Milesio instituta & in alijs ciuitatibus quāplurimis, in quibus hic ordo concionis ac senatus celebratur. Secundus modus in democratia habendi senatus est, quādo omnes & singuli cōferti, & in vnū coacti de creādis magistratibus, de legibus sciscendis, de bello, de pace, de ratione reddenda disputant, cætera decreta verò suis magistratibus siuè ex omnibus electis, siuè sortitò captis exponēda relinquunt. Tertius modus in textu persimilis est huic, in eo tamen differt, quòd in secundo modo magistratus tantum exponendi, in hoc disponendi autoritatē habent; cui etiā hæc differentia adhiberi potest, quòd in secundo magistratus sorte vel electione, in hoc verò solū populi calculis & suffragijs fiant. Postremus est cū omnes de rebus omnibus congregati deliberant, magistratus verò in hoc solū alijs præstant, quòd primo in loco inuenta sua proponant, suffragia pensent, sententias dicant, nihil tamen ausi decidere & definire sine populo, quæ ratio consultandi ad vltimā deterrimamq; speciē popularis administrationis pertinet, quæ vt superius ostēdimus in multis tyrānidi adæquatur. Hac datā distinctione consultādi in statu democratico ciuitatis, alterū genus sequitur, in quo non omnibus, sed quibusdā autoritas deliberandi conceditur, & hoc in oligarchia tria exēpla modisq; habet. 1. cū magistratus propter mediocres census delecti legumq; nutu & imperio instructi de rebus magni ponderis consilium in ciuili senatu capiunt, qui modus non tam ad oligarchiā, quā ad politiam & mixtum reip. statum pertineat. 2. cum diuites non tam deliberandi, quā moder-

Pro diuersitate formæ administrandi, diuersæ consultandi formulæ.
Democratica consilia 4.

Oligarchica consilia 3.

Concilia aristocratica & politica, quæ sint.

Quomodo differant. Electio sorte, suffragio. Tertia pars cap.

Cap. 13. Temperamenta politica 3.

Populus. Scenæ seruendum.

decernendi ius & potestatem habent. Tertius cum ut filij sibi succedant seipso diuites in magistratus eligunt, legesq; sibi subiiciunt, non se legibus, ut æquitas & iustitia postulant. Ceterum (ut hic docet Philosophus) si ex melioribus viris ciuitatis creentur magistratus, si illis de bello, de pace, alijsque maximis reipublicæ negotijs ius consultandi & definiendi detur, vel Aristocraticum est, quod maxime optandum; vel politicum, quod languente virtute maxima ex parte approbandum esse videtur. In hoc tamen horum discrimen est, quod in senatu aristocratico electio ab optimatum suffragio, in politico verò aliquandò à sorte pendeat, unde dubitatio à nobis statim discutienda in calce huius capituli constat. Tertium quod agitur in hoc capite, est horum omnium ad vsum quarundam rerum publicarum accommodatio, in qua sophismata & arcana ciuitatis (de quibus superius diximus) videntur latere; primum est ut opulentis irrogeretur pæna si ad senatum, si ad iudicium, si ad magistratum iussi non veniant; pauperibus verò statuatur præmium si accedant. Alterum ut ex omnibus reipub. partibus & membris sorte aut voce eligantur magistratus, qui munus consultandi obeant. Melius enim consultabunt (ut ait) si consultant omnes communiter: multitudo cum claris & nobilibus viris, hi verò cum multitudine. Postremum est, ut subtrahatur merces multitudini, si plurimum viros insignes nobilesq; superet, eisque solum detur qui alios è multitudine ingenio, consilio, virtute præstant; hoc quoque in oligarchia utile est, ut plebecula magistratu non careat, ita tamen in subsellia politicæ dignitatis admittatur, ut sit curia in qua præconsultatores & nomophylaces, id est legum custodes in consilijs populum anteuertant: sic populus confors & particeps erit consilij eiusdemque acta difficilius rescindi possunt, præsertim cum ea solum in senatu tractantur quæ præmeditati alij discutienda sapienter proponunt. Quid multis? Plurimum in omni reipub. aut verè, aut specie quadam concedendum est populo, cautè tamen & prudenter demulcendus est hic leo, ne aut laxatis habenis insolentior, aut nimium restrictis fueritior

rentior fiat. Hinc Græci (ut ait Arist.) in suis politijs populi in absolendo ratam auctoritatem, in condemnando verò irritam esse voluerunt; sed de his plura in quinto libro ubi de causis conseruantibus & euertentibus reipub. disputandum erit.

Distinctio.

Aguntur in hoc capite tria,	Definitio senatus, in quo præcipue considerantur	Personæ consultantes, quæ sunt aut tota ciuitas, aut pars dignissima. Res, quæ debent esse magnæ, publicæ, iustæ & viles; ut pax, bellum, legum constitutio, creatio magistratuum.
	Distinctio eiusdem in suos modos, scilicet ut vel omnes, vel vnus, vel aliqui ius consultandi & decernendi habeant.	Ordo, qui est celebris conuocatio & veluti synodus totius ciuitatis.
	Applicatio vti, in quo arcana quædam reipub. (ut modo diximus) occultantur.	Vtus, qui est ut decreta fiant ad salutem & conseruationem imperij.

Opp. Nomen senatus in textu Arist. non est: ergo male eiusdem definitio quasi ab illo tradita hoc loco extenditur.

Resp. Ratio ista non coheret, nam et si nomen senatus non sit in textu, res ipsa tamen est, quam nunc concionem, nunc partem ciuitatis consultatricem, nunc ipsum concilium, nunc deniq; consertorum ciuium comitia nominat.

Opp. Breuius definiri potest senatus: ergo male hic definitur. Argumentum tenet, quia frustra fit per plura quod fieri potest per pauciora. Antecedens probatur, quia definiri potest ut sit summa Senatus quid curia reipublica, quæ de rebus communibus consultandi ac definiendi potestatem habet.

Resp. Etsi definitio illa peccat, quæ abundat, ut est in præceptis Dialecticis, si tamen interpretationis causa aliquando verba astringantur, non est reiicienda.

Opp. In senatu definiendo non solum materia considerata est, quæ in rebus magni ponderis, sed etiam forma, quæ in dignitate senatorum ac ordine consultandi ponitur: sed senatorum & ordinis consultandi nulla in hac definitione est consideratio: ergo male definitur.

tur. Maior patet, quia omnis definitio ex materia & forma constat. Minor probatur, quia solum de rebus, quæ in consultationem civilem cadunt, hic facta est mentio.

Vide Plut. in
vita Romu.
Dion. Hal. l. 2.
Fene. de mag.
Rom. l. 2. c. 1.

Resp. Implicitè (ut aiunt) non explicite personarum & ordinis in hac definitione habetur consideratio: implicitè dico, quia consultatio celebris haberi non potest sine ordine consultantium, qui secundum dignitatem & honorem civilem, diuersas classes habent, ut in Ariopago, & senatu Romano, alijsq; concilijs ubique gentium celebribus, nunc olim usitatum fuit.

Opp. Rerum omnium maxima in senatu tractanda, est electio, vel creatio magistratus: sed eiusdem in hac definitione nulla facta est mentio: ergo diminuta & manca est hac definitio. Huc etiam addi potest, quod nulla temporis, in quo celebrari debet concilium, habeatur ratio.

Quod necess-
sario intelli-
tur, non deest.

Resp. Quod necessario intelligitur (ut aiunt) non deest; at electio magistratus ut res maxime necessaria, cum sit animus ciuitatis, intelligitur. Præterea sapiens in expositione huius definitionis de magistratibus, aut sorte, aut suffragio creandis differit Philosophus. Quod addis de temporis ratione, respondeo hoc solum prudentia ciuitatis relinqui, ut tum solum cogatur senatus, cum reipub. tempora resq; maxima ciuitatis postulent.

Romæ inter
ortum & oc-
casum solis.
Fenestel.

Opp. In modis diuersis assignandis deliberandi nullam formam senatus monarchia ascribit, nullam tyrannidi: ergo plenè & accuratè omnes modos non tractauit. Antecedens in textu patet. Ratio probatur, quia in monarchia (quæ est optimus status reipub.) optimi, in tyrannide (quæ est pessimus) cautissimi consultandi modi assignari debent.

Resp. Tyrannidem omittit, quia non est forma reipub. at monarchiam sub aristocratia comprehendit, cuius senatus rationem hoc loco describit, cum mandet, ut ex melioribus viris ciuitatis eligantur magistratus, ut multitudo cum summis viris, summiq; viri cum multitudine de rebus magnis in senatu studeant, ceteraq; in textu luculenter patent.

Utrum rectè definiantur magistratus?

Utrum electio magistratus per sortes in repub. approbetur?



LETUM lumē reipub. præter senatum (de quo iam diximus) est magistratus, à quo ciuitas influentiam & conseruationem suæ vitæ petit; de hoc nunc proximè & opportunè agitur. Nihil hic dicam de necessitate ciuilis magistratus, de honore, ac dignitate nihil: hoc vnum autem tacere non possum, magistratum ali-

Magistratus
secundum ci-
uitatis lumē.

ud in repub. non esse quàm mentem in animo, animam in corpore, gubernatorem in naui, solem in cælo: ciuitas enim à magistratu intellectum, vitam, anchoram salutis, lucemq; honoris habet. In hoc tractatu de magistratibus præcipue considerantur natura, species, numerus, qualitas, materia, tempus & constitutio, quæ omnia & singula in ipso vestibulo huius cap. (vbi institutum suum ordinemq; procedendi docet) insinuantur. Sed antequàm ad definiendum magistratum accedit Arist. primum qui magistratus nomen non merentur ostendit; inter hos annumerantur sacerdotes qui sacramenta tractant, chororum magistri qui festis præsunt, præcones qui oracula exponunt, legati qui publica negotia peregrè faciunt: hinc cura, in qua vis magistratus maxime consistit paucis distinguitur, ut sit vel omnium, ut gubernatio exercitus; vel partis, ut cura faminarum morumq; iuuentutis; vel fori, ut in mensura, pondere, numeroq; rerum vernalium; vel ministerij, cum certa officia quibusdam seruis demandentur, ut portas ciuitatis aperire & claudere, ædes publicas reficere, arma bellica parare, & his similia: hæc inquam omnia, officij nomen quidem habent, at magistratus vim & naturam simpliciter & absolutè non sortiuntur, quod definitio magistratus (quæ in textu nunc sequitur) accuratè demonstrat. Est ergo magistratus publica persona successione, sorte, aut suffragio electa, quæ ius ac potestatem consultandi, iudicandi

Magistratus
in repub. quod
sol in Cælo,
&c.
Patr. de repub.
lib. 3. in proœ.
Cap. diuisione.

Qui non me-
reantur magi-
stratus nomē.
Fenestel. de
Rom. potest. in
præfat.

Curationes
ciuiles 4.

Magistratus
definitio.

400
Per partes
explicatio.

Libertus quartus.

CAP. 15.

Tria in defini-
tione ma-
gistratus.
1. Amplitudo
personæ.
2. Ordo ciui-
tatis.
3. Vtus officij.
Proprium
munus ma-
gistratus im-
perare.

Ratio, Consili-
um, Voluntas,
Imperium.

Actus volun-
tatis nobilior
actu intelle-
ctus.

dicandi, & imperandi habet. Persona publica definitur, nam priuata magistratus non dicitur: successione, vt in monarchia, forte vt sæpè in populari statu & oligarchia, suffragio vt in optimatum potentia seu aristocratia, in qua paucissima fortunæ & temeritati committuntur, electa id est consensu ciuitatis approbata, quæ ius ex lege, & potestatem ex officio habet, consultandi de rebus futuris, iudicandi de præteritis, imperandi suis. Hæc definitio mihi videtur tria comprehendere, amplitudinem magistratus cum persona dicatur publica, ordinem ciuitatis cum dicatur electa, vsum officij cum ab eo consultandi, iudicandi ac imperandi petantur oracula. At (inquit Philosophus) maximè proprium opus ac munus magistratus est imperare, reliqua duo verò alijs cum illo aliquandò communia, quippè ciues omnes consultandi ac iudicandi participes definiuntur; imperandi verò ius actu solum ad magistratum pertinet: vt ergo magistratus sunt augustissimæ personæ, & veluti lumina ciuitatis, ita omnium, quæ aguntur in ciuitate, amplissimum ac nobilissimum est imperare. Nam quemadmodum in imperio animæ duo sunt, ratio cuius est consulere quæ sunt agenda, quæ omittenda, & voluntas cuius est præcipere & imperare: ita in administratione ciuili duo sunt, senatus, in quo consilium, quod est magnum; magistratus, in quo imperium, quod est augustissimum, exercetur. Senatus enim dictat & inquit quæ sunt facienda & omittenda, at magistratus & princeps dictata & inquisita iubent obseruari. Quare vt actus voluntatis est nobilior actu intellectus: ita imperare, quod est actio magistratus, est longè illustrius quàm consultare, quod ad senatum spectat. Imperare ergo naturam magistratus maximè attingit, quod forma magistratus propria & germana dicitur: cæterum licet mandare ac præscribere maiorem auctoritatem ac virtutem arguit quàm consultare; tamen vt voluntas secluso intellectu (cuius radijs illustratur) est cæca: ita princeps secluso consilio cæcutire dicitur. Nam sicut voluntas non fertur nisi in cognitum: ita magistratus nihil debet præcipere nisi consilio prius discussum; quippè vt voluntas agendo

CAP. 15.

Libertus quartus.

401

do contra præscriptū rationis sæpè errat: ita magistratus, qui consilium nō audit iniuste agere & imperare putatur. Quāobrem et si definitio & natura magistratus maximè in iubendo & imperando eluceat, ita tamen se submittere & coercere debet magistratus, vt senatus & concilij vocē nō cōtēnat. Hactenus de natura magistratus; species, numerus & qualitas sequuntur; in speciebus distinctio, in numero paucitas & multitudo, in qualitate perfectio magistratus inest. Distinguitur ergo magistratus in mentē & manū, in summū & mediū, cōseruatorē ac custodem ciuitatis; ad mentē sedentē in arce rationis, appetitus, sensus, omnesq; partes vitæ referuntur: sic ad imperatorē omnes & singulæ partes reipub. Est enim summus magistratus moderator omnium vnus, præpotens, iustus, in cuius dextra aureum sceptrum, in cuius sinistra trutina equitatis ponitur: vnus, quia vt ait poeta,
*Quin etiam non hic omnes regnamus Achini:
Nec multos regnare bonum, rex vnicus esto,
Vnius imperium, cui Iuppiter aurea magnus
Sceptra dedit, iussitq; suis dare iura tuendis.*
Præpotens vt alijs præscribat, iustus vt alijs vitæ exemplo præluceat, cui sceptrū datur in signum honoris, & trutina in signum iustitiæ & equitatis. Sed de mediocri magistratuum numero, formis & qualitate hoc loco agitur, quæ paucis in textu ab Arist. comprehensa sunt; numerus certus definiri nō potest nisi respectu magnæ ac parvæ ciuitatis; nam in magna ciuitate multi debent esse magistratus (vt ait) in parua pauci. In magna multi, & propter multitudinē ciuiū qui sunt ad gerendū magistratū dociles, & propter magnitudinē rerū quæ commodè nisi à multis tractari non possunt: in parua pauci tum propter penuriam hominum, qui sapienter rempub. tractent, tum propter exilem commoditatem, quam inde spectent: hinc contingit, vt in paruis ciuitatibus idem plures simul magistratus teneat. Nā vt vnū cadelabrū gerit plura lumina, ita in parua ciuitate vnus ciuis plura tenere potest dignitatis officia. Nihil enim obstat (vt vtar verbis Philosophi) quò minus multæ curationes vni simul mādētur. quid multis?
C c
Hac

Vlyssis vox ad
Græcos ex
Homero
Iliad. 2.

Pro quantita-
te ciuitatis
plures esse de-
bent, vel pau-
ciores magi-
stratus.

Vide pol. 2. c. 9.

Qualitates
magistratuū.Vide Fenestel.
Pompon.
Volater. com-
ment. lib 29.Materia circa
quam versatur
magistratus.Tempus ma-
gistratus.Liu. dec. 1. 1. 2.
Fenestel 1. 2.
cap. 8.
In constitutio-
ne magistra-
tuum tria con-
sideranda.
Rationes 3.

Hac distinctione factā parū magnāq; ciuitatis, quot nume-
ro debent esse magistratus in qualibet ciuitate perfacile iu-
dicabit prudens. Similiter non erit difficile species ac quali-
tates delineare; nam cum omnes mediū magistratus summo-
rū quasi manus, instrumenta, ac partes primariæ habeantur,
quis est vel mediocriter in vsu ac politia rerum versatus, qui
facile in suas species magistratuum officia non distinguat?
Exempli causā, cum videat primam curam habendam esse
morum, quis censorem? Cum videat alteram rerum vānali-
um, quis ædilem & annonæ præfectum? Cum videat aliam
belli, quis imperatorem? cum causarum aliam, quis iudicem
& prætorem necessarium esse non putabit? His cognitis de
qualitatibus istorum ardua ac difficilis non erit coniectura,
nam tales virtutes cuiusq; esse debent, quales officia (quibus
funguntur) in ciuitate postulant. De materia circa quam ma-
gistratus versatur pauca in textu sunt, sic tamē semper est, vt
qui præsumunt afficiuntur: si enim sunt summi, respub. si verò me-
diū, res alię officio accommodatę materiæ locum habent, vt
in ædilitate annonæ, in censura mores, in præfectura belli ar-
ma & his cognata. De tempore magistratus difficile est ali-
quid certum definire, quare eiusdem consideratio prudenti-
bus locorum, morum, rerumq; habitā ratione relinquenda e-
rit; distinguit tamen Philosophus, quod alij sint perpetui vt
reges, alij tempore definiti, & ij vel annui vt Romani consu-
les, vel semel tres aut breuioris temporis vt dictatores, qui in
procellis reipub. solum præfuerunt. Postrema pars istius capi-
tis de magistratuum constitutionibus instituitur; in cōstituti-
one tria spectari debent, qui constituent, ex quibus constitu-
antur, & cōstituendi modus: hinc queritur, utrū ab omnibus
an verò à quibusdā tantum ciuibz eligi & creari debeāt ma-
gistratus? Iterum, An ex omnibus cōfusē, aut ex quibusdā, vt
apud Megarenses, distinctē eximi ac separari debeant, qui
munera ciuitatis subeant? Postremo, utrū sorte vel suffragio
ciuiles magistratus sint creandi? Prima dubitatio est de con-
stituentibus, secunda de constitutis, tertia de modo & ratio-
ne constituendi; ex horum singulis alias connexiones Arist.
cruit

eruit easdemq; singulis administrandę reip. formis perspicuē
acommodat. Exempli causā, Omnes ex omnibus siue sorte
siue electione creare magistratus pertinet ad popularem po-
tentiam, in qua multitudo æqualitati omnium ex omnibus
ardenter & obnixē studet: cum verò sunt magistratus par-
tim ex omnibus, partim ex quibusdā, hoc ipsum ad politiā
mixtumq; statum reip. spectat: nā hæc administratio ex po-
pulari & paucorum potentia componitur, vt antea diximus: Cap. 9.
si deniq; ex quibusdā iisdemq; bonis viris eligantur magi-
stratus optimatum potentia eminet, & sic de cæteris, quæ
omnia in textu luce sunt clariora, breuitati ergo studens ad
quæstionem venio, Vtrum electio magistratuum per sortes
in repub. approbetur? Nomen sortis varijs modis sumitur, An sorte eli-
gendi sint ma-
gistratus?
Sors multi-
plex.
nam aliquando consultationis euentum, sæpe aleam fortu-
næ, nonnunquam diuinationis præsagium artemq; signifi-
cat; hæc enim tria anxiam ancipitemq; cogitandi curam
habent, animumq; humanum frequenter in contradictionis
gyrum ac labyrinthum pellunt. Primum genus licere puto,
alia autem duo fugienda censeo, & quoniam vltimum illud
genus sortis per diuinationem nigram (vt vereor) in multa-
rum rerum pub. viscera irrepsit, virusq; suum non sine suspi-
cione pestis futurę in venas corporis disperfit; dico Sauli non
licere vmbras ab inferis excitare, vt successorem disceret in
imperio: dico horrendum esse oracula demonum consulere, 1. Sam. 28.
Odiola per
diuinationem
facta sors.
vt illorū nigris auibus adiuti potiamur regno; prodigiosa hæc
ratio est aucupandi sceptrum, supersticiosa tenendi imperi-
um. Ab omni ergo rectē instituta rep. abigātur Bacones, abi-
gantur sortilegi, tollantur istorū circuli, extinguantur cerei,
vrantur lumina; O vtinam oblitterentur istorum nomina; nā
certē ni fallor (& sanē in hoc falli perlibenter velim) cum ista
in ciuitatem addmittitur scientia, sequetur fidei magna ia-
ctura: Lux cum tenebris, veritas cum mendacijs, fides cum
fraude, religio cū arte Magica, Christus cū Belial, ciuitas dei Agrip. de va-
nit. scient.
cū oraculis demoniorū consociari nō potest. Vis vt hoc ipsū
probē, lege sacram Philosophiā & prohiberi; lege humanā
& negari, lege maiorum concilia & in ijs penitus hoc genus
for-

Secundum ge-
nus sortis in
iactu fortunæ.

Pol. 2. cap. 4.
Patri. de rep.
lib. 3. tit. 3.

Sortitio non
admittenda.
Ratio.

Magistratus
Atlas ciuita-
tis.

Vide. Patri. de
rep. lib. 6. tit. 6.

fortis diris execrationibus expungi & deleri videas; verte annales antiquorū tēporum, collegia augurū, aruspiciū, flaminum, coniectorum, tecum animo considera, cadauera regum ac rerū. qui illis crediderunt ante oculos pone, & si idem facere contendas time, nam regnū tali sorte comparatū instabile est, citoq; labitur mihi crede. Fac ut à centro ad circūferentiā rectē politicę administrationis lineę ducantur, conare ut futura fata reip. consultatione sapientum, non diuinatione incantantium præsciantur: illa enim est iusta, hæc verò iniqua præaugurandi via: nō tamen hīc nego, quin licita sit diuinatio quedam in ciuitate, ut prædictio famis, belli, mortis, cœliq; curius & motus, quibus arte præcognitis sæpè cautiore sumus: solū ergo hoc loco illos perstringo, qui nimis altū sapientes sapientē qui dominatur astris non timent, nō venerantur. Alterū genus sortis in iactu fortunę ponitur, de quo questio iam est, An electio magistratū per sortem approbetur? Videtur Philosophus hanc formā eligendi magistratū in democratia & oligarchia admittere, cū in eis sine sorte facula seditionis exarderet. Nā in populari statu omnium equalitas, in oligarchia diuitum libertas docilis est ad factionē, si occulta aliqua ratio ambitionis æstum non sedaret, at tutior ratio non est quā per sortes electio. Ceterū hīc de rectis reip. formis agimus, in quibus talis electio approbari non debet, quod succinctē his argumentis probo. Electio magistratus est res omnium maxima in ciuitate, & veluti clavis reip. ergo fortunę temeritati tradi & committi non debet. Antecedens constat, quia magistratus est Atlas ciuitatis, à quo vniuersus status reip. pendet. Ratio sequitur quia rē tantā fortunę committere esset ciuitatē quasi iactu alearum perdere. Præterea omnis magistratus prudēs & iustus esse debet: sed talis sorte nō acquiritur: ergo per sortē nō fieret electio. Deinceps in electione magistratus nō tā personę, quā cōmunitati consulere oportet: sed cōmunitas non sorte, sed suffragio eligi & creari magistratus iubet: ergo in electione sortes non approbantur. Insuper illa solū sunt exponēda sorti, quę ratione cōfici & cōprehendi non possunt: sed electio magistratuum ratione cōfici

confici & comprehendi potest: ergo electio magistratuum per sortes non fieret. Adhuc si sorte fieret electio hominū, quæ solum naturā & sorte regitur, nō omnino vinceret: at homo ratione & prudentiā belluam vincit: ergo ratione nō sorte, prudentiā non fortunā ciuitatē regeret. Postremo fors cadit sepius in fatuos quā in prudentes, iuxta illud, Fortuna fauet fatuis: ergo periculosum est per sortes magistratum eligere. Concludimus ergo in electione magistratuum consilium maximè requiri, nā temeritas in illis creandis sæpè grāde periculum, fors cæca miserum naufragium parit.

Fortuna fauet
fatuis.
In eligendis
magistratibus
adhibendum
consilium.

Distinctio.

Definitio magistratus quæ est aut	{	Metaphorica, ut magistratus sit lex animata ciuitatis.
		Vera, ut sit publica persona successionē, sorte, aut suffragio electa, quæ consultandi, iudicandi & imperandi potestatem habet.
Species,	{	ut magistratū alij sint summi quorū obiectū est tota ciuitas, medijs quorū obiectū est res aliqua cōmunis, pro distinctione officij, quo magistratus funguntur.
		Quæ definienda sunt pro magnitudine & paruitate ciuitatis.
Materia, quæ est	{	Generalis, ut utilitas communis.
		Specialis, ut res bellica respectu imperatoris, respectu censoris mores, &c.
Constitutio, in qua spectantur,	{	Tempus, quod alij sint perpetui ut reges, alij tempore definiti ut prætores Romani.
		Qui constituunt. Successione.
	{	Qui cōstituuntur. Suffragio.
		Quo modo cōstitui debent, an Sorte, quæ non approbatur ob rationes modò allatas.

Opp. Sunt magistratus in populari statu reipub. sed in eo statu potestatem imperandi non habent: ergo per potestatem imperandi, non rectē definitur magistratus. Minor constat, quia in eo statu omnium aequalitas est, ut antea probatur.

Resp. Aequalitas in populari statu est respectu libertatis non dignitatis, cum enim in eo statu requiritur aequalitas, non intelligitur quod leges ac magistratus nō dominantur, sed quod nemo totius multitudinis spe & expectatione magistratus decidat, nam unusquisque

Aequalitas in
democratia
respectu li-
bertatis, non
dignitatis.

Imperare magistratus proprium.

Imperium quid sit.
Cic pro.
Cecin.

Non committendum casui, quod ratione potest circumscribi.

Pol. 2. cap. 4.

quisque in democratia potest esse compos dignitatis.

Opp. Si imperare sit forma magistratus, tum qui maxime imperat, esset maxime magistratus; sed imperator rei militaris maxime imperat: ergo imperator rei militaris esset maxime magistratus: ceterum in textu imperator rei militaris a nomine & ratione magistratus excluditur.

Resp. Imperium proprie id solum est, quod lege non ens, aequitate non videtur, et ergo Mars mors sit, et bellum veluti flagrum civitatis, in eo status seu forma rei publicae non ponitur: sit enim in necessitate virtutis, et dictator ad tempus regnans analogice magistratus nominatur, non tamen vere, quia in bello leges (quae sunt nervi civitatis) non loquuntur.

Opp. contra secundam quaestionem.

Contingit aliquando, ut aequè digni principatu, ambiant imperium: sed in hoc casu electio per sortes habetur optima: ergo electio per sortes aliquando approbari debet. Minor constat, quia in mittendis sortibus nulla est suspitio ambitionis, seditionis nulla formido.

Resp. Non negamus omnem usum sortis in electione magistratus, aut iudicio civitatis: verum si ratione desiniri, aut comprehendendi possunt ea, quae tractantur, per absurdum esse putamus casus committere, quo incertis legibus rationis potest circumscribi. Ad rationem ergo respondeo, si aequè digni magistratum ambiant, quorum unguis (si vocibus a magistratu pellantur) civitas formidet, iustus est sorte, quam voce eligere, at si aequè digni iuxta & boni sint qui ambiunt imperium, vel tales, quos depulsos non timet populus, honorabilis suffragandi consuetudo non est abroganda.

Opp. In democratia & oligarchia electio per sortes hic ab Aristotele probatur: ergo in omni statu rei publicae non est neganda. Antecedens ratione probatur, quia in populari potentia aequalitas libertatis, in oligarchia aequalitas census ac divitiarum voce repulsa seditiosa erit, at sorte sedata manet.

Resp. Docuimus in rectis rei publicae formis sortes non admitti, quare ad idem non disputatur: nam haec sunt digressiones ac labes civitatis, attamen licet in eis propter aequalitatem libertatis, census, aut eorum qui sunt eligendi: non videtur tutior eligendi via, quam per sortes, ne seditio fiat, si autem aliter commodè fieri potest, multo melius est voce quam sorte fieri, nam in illis saepe veritas, in his semper temeritas inest.

Opp. Sacra Philosophia electionem per sortes approbat: ergo est legitima.

Antecedens patet in electione Matthiae in Apostolatum.

Resp. Vnde exemplum vim legis non habet, neque fuit fors illa merè (ut aiunt) fortuita, sed divino spiritu in vas electum destinata.

Dubium. Vtrum sacerdotes in rep. civilem magistratum gerant?

Sacerdotes à civilibus magistratibus dilucidè in textu excludit philosophus, nam (inquit) hoc genus hominum (intelligit sacerdotes) aliud esse à civilibus magistratibus statuen dum est. Sapienter tu quidem Aristoteles nam quid aliud est sacerdos quam dans sacra Deo? Qui rerum civilium curis implicatus lucem amittit divinitatis suae; divinitatis dico, quippe virtus huius officij sanctitas est, in qua ipsa religio consistit; mali saepe sint viri, at virtus officij manet, ratio est, quia virtus officij non à viro sed à Deo pendet; non tamen hic nego quin ut imperiti medici humana corpora: ita mali sacerdotes nonnunquam mortaliū animas occidant; illi medicinae veneno, hi sceleratae vitae exemplo. Sed ut hoc axioma Philosophi paulò accuratius exponam, non expedit, ut sacerdotes in rep. civilem magistratum gerant. Rationes quibus hoc ipsum probatur, sunt à definitione officij, à vitæ genere, à materia circa quam versantur, à tempore, à fine. Officiū sacerdotis est diuinis medijs mortales conciliare Deo, quod opus hominem ab omni civili sollicitudine liberum & immunem requirit: nam qui potest solo affixus coelum intueri? Graue pondus civilis administrationis habet: at perpetuò in caelos volare (quod est sacerdotis munus) pennis velocibus aquilarum eget. De vitæ genere quid disputetur? Cum multi sint sacerdotes, & pauci sacerdotes; multi nomine, re verò pauci, sacerdotis vita theorica, non politica esse debet, si enim sit mediū inter deum & hominem, quod tamen mediū est, si munus civile gerat? actio & speculatio repugnantiam quandam habent, non contradictionem, ita tamen concertant, ut simul in vno commodè habitare nequeant: si ergo vita sacerdotis sit in sola contemplatione spiritus, audeo concludere rarissime ei munus subeundum esse civitatis. Materia quae tractatur ministri Dei est religio, quae in deum tendit: at haec in theatro civili non sedet, prophanas & seculares causas non agit, politicas leges vi sua non condit: civiles ergo magistratus sacerdotum

Act. cap. 1. 26.

Electio

Matthiae

non fortuita,

sed destinata.

Sacerdotes

non admittendi ad magistratum.

Sacerdos quasi sacra dans.

Ratio.

Leuite nihil possident, nec habent partem inter

Laicos.

Num. 18. 20.

Num. 18. 20.

Chryso. super Math.

Actio, & speculatio repugnant, non contradicunt.

Eth. 10. cap. 8.

Lib. 7. cap. 9.
politicorum.De verbis
Esaie hom. 4.Dan. cap. 2.
Euodius in
vita Epiph.

tem gerere non oportet. Quid enim magis mentem à religione distrahit, quàm aurum sceptri? Quid magis orantem impedit, quàm cogitatio mundi? Hoc ipsum etiam tempus creandi sacerdotis probat: nam in ea solum etate consecrari sacerdotem voluit Arist. in qua veneranda canicies ocium ac libertatem ab omni civili negotio senili grauitati à natura tribuit: tum enim affectuum turbo & murmur cessant, tū aut nunquam certè rationis ac pietatis lumen & fomes ardent. Finis denique huius diuini muneris est nugas & umbras ciuitatis fugere, strepitus populi & multitudinis continere, ignorantes docere, orare semper, deoq; seipsum & alios cōsecrare: estne hoc munera ciuitatis ambire? Dignitates & honores ciuiles appetere? In delicijs viuere? arma mouere? negotiorū vndis fluctuare? Rectè Chrys. Sacerdotis est populum monere non mouere arma, ratio vt opinor est, quia gladium mentis non Martis tenet: si ergo sacerdos suum finem spectet, rebus ciuilibus ac perituris sollicitè implicari nō debet, nisi vt Presbyter Iohannes rogatus mane, vesperi armatus esse velit. Sed hīc attendendum est, hoc & similia politicę administrationis axiomata non aliter ac leges pro circumstantijs locorum ac temporum mutari, nec non omnino negari posse. Si ergo sint inter Sacerdotes Sceuolæ, non nego quin in honorificis tribunalibus ciuitatis sedeant: si sint Danieleles, non nego quin ad consilium regis admissi veniant, & præfecturā in prouincijs teneant: si sint Epiphanijs, non nego quin in ciuilibus negotijs magnifici legati fiant: si sint Machabæi, non nego quin armati hostes Dei capitales feriant. Scio equidem Moyse, Samueli, Esdræ, Machabæis, alijsq; sacerdotibus priscorum temporum ciuilem quodammodo gladium dedisse deum; scio etiam vbique ferè gentium hoc metaphysicum genus hominum ad latera principum, ad tribunalia, ad concilia, ad negotia, ad munera, ad officia ciuitatis politicè inuitari; ijs denique honoribus dotari non iniuste: existimo tamen hoc solum speciali (vt aiunt) priuilegio fieri, eoq; referri tantum, vt consecratę personę cum alijs in theatris reipub. sedentes oculatissimè attendant & obser-

uent

uent, ne ciuitas humana à ciuitate Dei, ne gladius politicus à gladio verbi, hoc est, ne consilia, leges, mores, edicta hominum à diuinis oraculis vnquam declinent. Cum ergo hīc ex Philosopho iam doceo, magistratus ciuiles sacerdotibus concedi non deberi: generatim non speciatim loquor quidem; generatim vt inter sacerdotium & imperium fiat distinctio, non speciatim quin vt pro more gentium internę sacerdotum virtuti aliqua externę authoritatis fiat accessio, quā sepe magis quàm religione rudis ac imperita multitudo flectitur. Sit ergo Melchisedech Rex & sacerdos, sed in figura Christi: sit Heli sacerdos & iudex populi: sint sacerdotes aliquando politicis vestibus ac muneribus donati: illis tamen suadeo, vt hæc leuā non dextrā teneant, sibiq; priuilegio data, non debita simpliciter ex officio putent.

Opp. Concessum fuit antea sacerdotes esse partes ciuitatis: ergo concedendum est, quod fieri possint magistratum participes. Argumentum tenet, quia partes ciuitatis sunt ciues: at ciues sunt consilij, iudicij & magistratus compotes, vt antea definiuit Arist.

Pol. 7. c. 8 c. 4.

Pol. 3. cap. 1.

Resp. Quoniam nulla tam barbara est administratio reipub. quę religionem aliquam non probet, sacerdotes, qui religioni inserviunt, partes dicuntur, à secularibus tamen negotijs sunt separati, vt sancti viuantes alijs praluceant: negamus ergo quod omnes partes ciuitatis sint magistratus participes, neque hoc voluit Aristoteles in definiendo ciue, nisi analogicè vt illic videre licet.

Omnes ciuitatis partes magistratus non sunt participes.

Opp. Optimis viris maximè debentur magistratus: sed sacerdotes debent esse optimi viri: ergo sacerdotibus maximè debentur magistratus. Maior est Aristotelis vbi docet virtutem viri requiri in magistratu. Minor constat, quia sacerdotes sunt ministri Dei.

Vide po. 5. c. 9.

Resp. Arist. in eligendo magistratu ethicis non theoreticis virtutes querit, illa quidem bonum, hæc verò sanctum reddunt; illa sunt vt fortitudo & prudentia, hæc verò vt religio & contemplatio Dei, in quibus officium sacerdotis lucet, at hæc ab illis distincta ac separata sunt, sacerdotes ergo à magistratibus sunt separandi.

In magistratu Ethicę, non Theoricę virtutes requiruntur.

Opp. Sunt quedam cause in ciuitate, quę sine sacerdotis consilio definiri non possunt, vt causa casusq; conscientia: ergo licet sacerdoti

Cc 5

magistratum

Forum consci-
entia.

magistratum gerere, ut has causas tractet.

Resp. Concedo sacerdotem in foro conscientia sedere, causasq; ex
verbis oraculo definire, non tamen ut reos gladio percutiat sacerdos,
sed ut verbo percussos gladio civilis magistratus illos commutat.

Opp. In multis nationibus sacerdotes summa officia ciuitatis te-
nent: ergo usus videtur hoc ipsum, quod negas, approbare.

Pat. de rep. l. 3.
tit. 4.

Resp. Agnosco urgentissimis de causis aliquando ad summos
magistratus sacerdotes admitti in ciuitate, hic usus tamen legem
non facit: nam quamuis hoc iustum esse fateor, ex essentia tamen offi-
cij hoc posse vendicari non putant interpretes. Iustum est quia pru-
denter sua saepe officia gerunt, non ex essentia officij est, quia aliud
munus à seculari duci in illis suscepit, in quo dies noctesq; sollicitè
versari ac meditari debent. Ratio est, quia hoc munus totum homi-
nem non partem postulat.

CAP. XVI.

Utrum de minimis inter ciues contentionibus forense fieret
iudicium?

Iudicium ter-
tia ciuitatis
pars.
Vide Plat. 6. de
legib.
Iudicium sta-
tera equitatis.
Iudicij defi-
nitio.



ATASTROPHE & vltima quasi pe-
riodus tam huius libri quam ciuita-
tis est iudicium de quo hoc loco a-
gitur; catastrophem & periodū ap-
pello, quia in iudicio cardo ciuita-
tis vertitur & in eo iustitiæ tota vis,
perfectio & administratio colloca-
tur. Quid enim est aliud iudicium,
quàm veluti statera æquitatis, vox

legis, omnisq; contentionis ac litis consummatio? Et si bre-
uius definiri velis, est de omnibus quæ in ius vocantur ipsius
iustitiæ expressa conclusio. De hoc, iam differens Philoso-
phus veluti vnum syllogismum texit, cuius maior ordinem,
minor materiam, conclusio vsum iudicis iudicijq; proponit.
Ordo in his verbis patet. Reliquū inquit est ex tribus ciuitatis
partibus (intelligit senatum, magistratum, iudicium) vt de ea
quæ rebus iudicandis præest differamus. Hic quoq; tria in iu-
dicijs considerata esse demonstrat, ex quibus quod perso-
nam,

nam, de quibus quod materiam, quo modo quod iudicis eli-
gendi & creandi viam insinuat: ista iam datâ propositione de
ordine, sequitur assumptio de materia iudicij, quæ multiplex
& numerosa est, nam octo partes habet. Instituitur enim iu-
dicium primū de reposcendis rationibus à magistratibus,
vt maximi viri in administratione ciuitatis intelligant se tri-
bunali subijci, nec nō eidē obsequi debere: hinc certè magna
religio erit in gerendis magistratibus, si vt iudex in dicendâ
sententiâ meminerit se deum habere testem: ita magistratus
meminerit seuerum se habere in ciuitate iudicē. Secundum
circa quod versatur iudicium est iniuria in publicas personas
illata, vt contumelia, authoritatis contemptio, & his similia,
in quorum authores seuerissimè animaduerti debet, ne fide-
ribus ciuitatis extinctis tempestates seditionis fiant. Tertiū
in quo ponitur iudicium est scelus in reipub. ac cōmunitatis
statum, qualis est læsio maiestatis, & Catilinaria conspiratio,
quæ facinora citissimè Catonis gladio rescindi debēt, ne Lē-
tulus & Cethegus (id est) ne potentiores viri in hostium ca-
stra sub nocturnis vmbis à ciuitate fugiant. Quartum est de
damnis & pænis tā magistratibus quàm priuatis ciuibz in-
fligendis, vnde euenit vt omnes & singuli eādē quasi lege
deuincti offendere & peccare timeant. Quintum est de pri-
uatis rerum magnarum contractibus, in quibus componen-
dis quies magna ciuitatis ponitur. Sextum est de cede, quæ est
aut voluntaria, aut non voluntaria, aut quæ iure defenditur. In
hac materia demonstrāda parū moratur Philosophus, & osten-
dit, vt apud rhetores de iudicio cædis triplicem disputādū ita-
tum, nam si homicida neget factum, queritur an fecerit, vnde
coniecturalis: si fateatur factum, queritur an prudens vel ig-
norans, sponte vel inuitè, iure vel iniuriâ fecerit, vnde iudi-
cialis: si dubitetur an sit homicidium, queritur quid commi-
serit reus, vnde definitiuus (vt aiūt) status iudicij nascitur, sed
hæc disceptatio ad oratores pertinet. Septimum iudicij obie-
ctum est peregrinorum, aut inter se, aut cum ciuibz litiga-
tio, quā definitā amabilis iustitiæ species in ciuitate lucet,
cum exteri in foro eiusdem vocem contra ciues audiant.
Postremum

1. Ex quibus.
2. De quibus.
3. Quomodo.
Materia iudi-
cium mul-
tiplex.
Plat. 12. de
legib.
Arist. pol. 2. c. 7

Cædes volun-
taria Non vo-
luntaria.

Modus eligendi iudicis.

Vfus iudicij.

Quæstio.

Curia subordinata.

Ration 4.
Controuersia minuscule iudicij minoribus dirimenda.

Cuiuslibet patere debet iusticie forum.

Postremum quod sub iudicium cadit est minimarum contentionum ac contractuum multitudo, quæ contemni non debent. Nam ut scintillis non extinctis sæpè incendium: ita contentiunculis non decisis sæpè urbis naufragium imminet. Assumptionem iam expositam sequitur conclusio, in qua modus eligendi iudicis vsusque iudicij edocetur. Modus eligendi est vel ex omnibus, vel ex quibusdam, vel mixtâ quadâ ratione ex utroque, idque aut sorte, aut electione, ut superius ostendimus de magistratu. Vfus est in comparatione istorum omnium ad diuersas rerum publicarum formas, nam si ex omnibus eligantur iudices ad democratiam, si ex quibusdam ad paucorum potentiam, si denique partim ex his partim ex illis ad politiam iudicij creatio pertinet. Dilucida est hæc interpretatio textus, nunc ad quæstionem venio, quæ est, Vtrum de minimis inter ciues contentionibus forense fieret iudicium? In postremo obiecto iudicis describendo hoc ipsum requirit Aristoteles: hinc colligunt interpretes præter summa tribunalia in quibus res magni ponderis tractantur, reipublicæ interesse, ut curiæ quædam minutulæ assignentur, in quibus litigationes (quæ quotidie inter ciues emergunt) iudicio discutiantur. In solutione huius quæstionis, considerandum est, quod in nulla ciuitatis parte fenestra ad iniustitiâ, iniuriam, perniciemque ipsorum ciuium patefieret: nam hoc requiritur, ut vox iustitiæ in omnibus angulis ipsius ciuitatis audiat, at sine curijs minusculis (in quibus res parue tractantur) lites minimæ vires acquirunt & intolerabiles aliquando fiunt. Nā sicut minus periculosa infirmitates corporis eò possunt accrescere ut vitam tollant: ita leues controuersie ciuium eò possunt prorumpere, ut lucem ciuitatis penitus extinguant. Quare ut pro illis cura, ita pro his curia assignanda est, in qua litigantes ciues iudicium & quietem habeant. Præterea quæ tandem æqualitas, quæ rerum proportio in ciuitate, si res parue ac lites pauperum iudicis voce non tollantur? Iustitiæ enim forum non solum Cræso, sed etiam Iro patet, quod sanè fieri non potest, si inferiores curiæ non sint, in quibus leues contentiones examinentur. Insuper politia

litia non est vndique perfecta, in qua vel minima iniuriarum vulnera non sanantur. Nam ut corpus non est sanum in quo fibre infirmitatum herent: ita respublica non est tuta, in qua scintillæ contentionum ardent. Sunt ergo statuenda omnia iudiciorum subsellia, in quibus istiusmodi causæ audiantur. Nam aliter, ut errores non refutati sæpè in hæreses: ita lites non recisæ in truculentas tragædias nonnunquam desinunt. Postremo absurdum est, ut omnes litigantium actus in theatro summi tribunalis aut in senatu agerentur: expedit ergo alias curias autoritate publicâ approbare, ut sicut ex illis viris illustribus: ita ex his mediocribus & infimis eloquatur Iustitia. Quare etsi optandum quidem est ut de umbra fugacis fortunæ, aut lanâ caprinâ non inter se certarent ciues; cum tamen musca suam bilem, & pauper suum splenem habeat, necessarium est in florente ciuitatis statu ut tumores isti iudicum prudentiâ, veluti medicinâ quadam leniantur. Nam aliter iræ facibus accensi, ardentes quasi febres, ac pestes in ciuitate gignent: minimæ lites ergo, & controuersie minime forum ac iudicium ubique in ciuitate flagitant, quorum defectu & abusu permulte urbes ac gentes in cineribus obrute & sepulte iacent. Nam quæ causa maioris mali est, quâ licentia mali? quæ sanè tumet, cum absque iudice & censure ciuitates viuunt. Hic labes iudiciorum, ac multorum iudicum nauos lubes prætereo, aliter corruptiones multas, falsas interpretationes, procrastinationes, intolerabiles oppressiones aliaque sexcenta curiarum monstra digito demonstrare, quæ mala cum hominum sint, non legum; auaritiæ, non ciuitatis, dissimulanda iam esse puto: deum tamē optimū maximūque precor ut in iudicijs veritas sine errore, in iudicibus æquitas sine vlla animi cæcitate luceat.

Distinctio.

Demonstrantur in hoc capite tria

Persona iudicis, qui legum interpretes & oraculum ciuitatis definitur.
Materia iudicis, quæ in octo partes diuiditur, ut liquidò in suppositione patet.
Vfus, qui est, ut in omni statu & administratione ciuitatis vnâ omnibus voce eloquatur iustitia, hoc autem ut fiat requiritur ut minimæ causæ non negligantur, sed ut minimis ubique curijs constitutis discutiantur ac terminentur, ut in quæstione fusiùs discussâ constat.

Opp.

416
Cædes non
voluntaria
duplex.

Ration. 3.
Nusquam nisi
in voluntate
peccatum.
Aug.

Non volunta-
ria cædes præ-
nam non me-
retur.

Haud est no-
cens quicunq;
non sponte
est nocens.
Senec. in
Herc. Oet.
Curt. 8.
Gen. 4.
Cic. pro Milo.
Occisio.
Homicidium.
Affectus operi
nomen impo-
nit. Amb. de
off. l. 1. cap. 30.

Liber quartus.

CAP. 16.

empli causa. Si Cæsar contorquens telum in feram fortè occidat hominem, homicida non est; si verò otiosè ab arce deijciens saxum sanguinem effundat, homicida dicitur: nam quamvis in utroq; nulla fuerit intentio cædis, causa tamen atrocius reddit: cædes ergo inuoluntaria casu facta (si nulla vel præcedat vel sequatur intentio mali) homicidij prænam non meretur: at si præcedat intentio mali, aut si sequatur delectatio facti, qui fecit reus est legisq; prænam sustinere debet. Sed punctis hoc ipsum probo. Voluntas est causa sceleris: sed cædis inuoluntariæ voluntas non est causa: ergo cædes inuoluntaria non est scelus; quo posito homicidij prænam non meretur. Præterea in cæde inuoluntaria solum casus præest ac prædominatur: ergo per se peccatum non est; nam casus à nullo particulatim agente intenditur: hoc dato iniustum est solo casu peccantem nomine homicidæ condemnari. Postremò quis plectitur pro eo, quod vitare non potest: sed omne euentum fortunæ nemo vitare potest: ergo euentum fortunæ nemo lueret; quo concessio cædes inuoluntaria, quæ est actus fortunæ non voluntatis, censuram austeri iudicis non subiret. Si ergo furiosus Alexander occidat Clytū, si temulentus Antonius occidat spurium, si temerarius Lamech occidat Cainum; Alexander, Antonius, Lamech tyranni sunt & homicidæ: at si Gualterus Tyrell venator ille forte percutiat Rufum sibi regem, ut est in annalibus Britannia, si Milo seipsum defendens Clodium insidiantem feriat, occisio est non homicidium: etsi ergo omnis cædes diligenter examinanda est, quia vitâ humanâ nihil charius, omnis tamen mortis sententiâ non est damnanda: quippè facinus non committitur si malum in animo non concipiatur, parturiens enim voluntas oua cõcepta sceleris solū cõficit & protrudit. Opp. Dubia plura, & maioris ponderis in hoc tractatu de iudicio ab interpretibus mouentur, quàm hoc, quod nunc discutitur: ergò vberior de iudicio instituenda disceptatio. Antecedens probatur ab exemplis, nam hic ab illis queritur, Utrum homo seipsum interficiens sit homicida? Et iterum, An in reatum homicidij incurrat, qui alium

CAP. 16.

Liber quartus.

417

alium in sui ipsius defensione occidat? Adhuc, An condemnato liceat ab iniusto iudice appellare? Porro, An falsi testes in causis capitalibus conuicti reorum penas luerent? Postremò, An mulier ciuilis index esse possit?

Resp. Primum negamus hac esse maioris ponderis dubia, quàm illud quod nunc discutitur: tum affirmamus istorum dubiorum nullam speciem nullamq; mentionem in textu eminere. Postremò respondemus ad iurisprudentiam potius, quàm ad hanc scientiam particularem istorum disputationem pertinere, quippe hic generatim, non speciatim de elementis salum, non de edictis & decretis ciuitatis agitur. Breuiter tamen affirmo in primo quod interficiens seipsum sit homicida, quia malum sponte præmeditatus facit. In secundo aio non esse homicidam qui in sui ipsius defensione alium occidat, ratio est, quia iure ciuitatis & natura vis talis defenditur. In tertio dico appellationem condemnato à iudice suo licitam non esse, nam sic ciuitas & iustitia paterentur naufragia, flagitiaq; abundarent. In quarto iubent Philosophi, ut falsi testes conuicti in causa vite securi percuterentur, quippe ciuitas rectè instituta iniustam sanguinis effusionem penitus abhorret. Postremo concludimus ut superius, nempe in faminis tam imperandi quàm iudicandi potestatem esse, cum tamen sit quedam sexus non mentis, constitutionis non virtutis imperfectio. Ciuitas decorum in omni actione obseruans præscribit ut actus hoc munus iudicij in subellijs iustitia potius animosi viri quàm femina imbecilla gerant, non quòd indignè putet Iudith Israel præfuisse, sed quòd existimet tantum onus reipublica infirmis faminarum humeris imponi non debere.

Opp. contra dubium.

Opp. Lamech credens se interfecisse belluam, interfecit hominem, & tamen homicida penam meruit: ergo inuoluntaria cædes homicidij nomen penamq; meretur.

Resp. Respondent interpretes vel hoc factum esse, ut ostenderet Deus quantum facinus sit hominem occidere, vel ideò penam legis illum subiisse aiunt, quòd satis sollicitè non quaesierit, virum homo vel bellua esset quem percussit.

Opp. Homo hominem casu interficiens peccat: sed non in alio genere peccati quàm homicidij: ergo in homicidio peccat.

Dd

Quo

Ad obiectas
quaestiones
responsio.

Peccare In na-
turam, Morali-
ter.

Quo dato, cur penam homicida non subiret?

Resp. Peccat in naturam, quia ens optimum extinguit: morali-
ter tamen non peccat, quia sponte hoc facinus non committit. Pra-
tereā aliud est genus peccati in quo offendit, nam interfectio non pro-
priè homicidium dicitur.

Opp. Si femina fortè percussa abortum fecerit, homicida habe-
tur qui percussit, animam pro anima reddit: ergo inuoluntaria cades
homicidij nomen & penam sustinet.

Resp. Hac vera sunt si percussit rei illicita operam dederit: at
si in rebus iustis & licitis impense occupatus fuerit, hoc factum
casus & error, non homicidium rectè definitur.

Laus Deo.




LIBER

LIBER QUINTVS.

CAP. I.

*Utrum seditio ciuium sit primum conuersionum seminarium
in omni statu ciuitatis?*



PROVINCIA magna & difficilis est
quam nunc aggredior, nempè ut
fausta finui ac infortunata rerum-
publicarum sidera & fata ex Aristo-
tele describam. Opus, hoc quidem
Cæsaris acumen, Nestoris ætatem
postulat; quippe nemo nisi sciens,
nemo nisi expertus de rebus tantis
scriberet: anceps ergo omninò hæ-
reo an hîc desistam an ulterius pergam: præsertim cum mira-
bilis ille annus adsit, in quo nescio quæ fata rerum pub. futura
diuinavit Sybilla; fac Christe ut quasi sapientes dominemur
astris, ut aspectus siderum te auspice moderemur: verte polos
quæso & auerte quod veremur omen: habes cōfidentes reos,
agnosce quod est tuum; lugētes habes, ignosce quod est no-
strum; nihil enim tuum est nisi salus, nihil nostrum nisi scelus.
Sed quid in hac animi extasi & quasi somnio nunc tādē ago?
Sybillæ folia ut spero iam diu dissipantur, mēdax in multis re-
perta fuit, ô utinā hoc anno probetur mēdacissima: age utcū-
q; est, globos rerū, cum authore hoc meo vertā, cōuersiones
& motus describā, causas interitus & cōseruationis diligēter
proponam. Nam ut ad medicum spectat cōsideratio tā egri-
tudinis quā sanitatis: ita politicū intueri oportet nō solum
quæ pestes sed etiā quæ remedia sint & veluti alexipharma-
ca ciuitatis. Posteaquam ergo Arist. fundamenta reipub. ie-
cit in primo, errata refutauit in secundo, in tertio ciuitatem
in suas formas diuisit, differētias, vires, proprietates ac partes
ciuitatis in quarto demonstrauit, utique iam sequitur, ut quo-
modo conseruetur, quomodo etiam concidat & intereat,
Dd 2 accuratius

Pol. 4. cap. 2

Quæstio.

Seditio.

Seditionis definitio.

Seditionis causæ. 4.

Pol. 3. cap. 6.

accuratius declaret. Hactenus de materia huius libri & propositione istius capituli. Quæstio nunc est, An seditio ciuium sit primum conuersionum seminarium in omni statu ciuitatis? Rectè quidem Arist. à seditione tanquam à lethali fulmine quintum hunc librum incipit, in quo de causis euerſionibus & conseruantibus rempublicam disputare contendit. Quid enim altissima ciuitatum mœnia citius ab ipsis fundamentis concutit quàm seditio? Quid monumenta antiquitatis & ornamenta pacis furentius inuadit quàm seditio? Tempus est edax rerum, at dentatior tempore est seditio: nam rapit, vorat, consumit omnia: hæc nunquam concepta est sine pernicië matris, nunquam parata sine naufragio ciuitatis. O quàm fugienda igitur est seditio? sed vt de hac re solùm hîc disputem, Philosophus hanc primam pestem primumque seminarium conuersionum in omni statu ciuitatis fuisse, iam esse, & olim fore hîc sapienter probat. Argumenta sunt à definitione, à causis, ab exemplis, quibus ab interpretibus alia adijciuntur, à simili & à contrario, vt in sequentibus patebit. Definitio insinuata non apertè demonstrata est, nempe quòd seditio sit insolens & superba ciuium, pluris se æstimantium quàm par est, à iusto sorteque ciuili declinatio; hæc est ambitiosa factio & factiosa ambitio, quâ ardentes mali ciues rebus nouis student, nullâque re magis capiuntur quàm discordiâ, quâ semel accensa nec alta Carthago, nec tumens Græcia floret; hæc semper vititur sæua & caperata fortuna in vertendis globulis rotisque suis; & sanè imperia, nationes, regna sunt nihil aliud quàm pilæ fortunæ, si virtutis sceptro non roborentur: si ergò nihil magis rotam fortunæ in imâ vertit quàm seditio, seditio est prima lues & pestis ciuitatis. Causæ (à quibus secundum argumentum in textu ducitur) generatim quatuor sunt, libertas, opes, genus & honor: sub his virus seditionis latet, & quasi pruna sub cineribus occulta ardet. Nam cum liberi se omninò pares cum opulentis, opulenti se omninò pares cum nobilibus, nobiles genere se omninò pares cum honoratis viris principibusque ciuitatis efficere conantur, diuisio partium statim emergit, quâ veluti scintillâ stipulis iniectâ præcordia

Plut. in Lysâd.
Xenoph. de
Spart. rep.

Plat. pol. 5.

præcordia malorum ciuium ad mutationem præsentis status inflammantur; nam stomachabundi sunt diuites in multitudinem, nobiles genere opulentos sutores non ferunt, principes nati aut facti zelotipi sunt & suspiciosi ne regnum perdant; hinc contentio, hinc innouatio, hinc euerſio ciuitatis, cuius prima causa est vt iam constat ex istis causis orta seditio. Tertium argumentum ab exemplis suas vires habet; quod non solùm modum sed etiam actionem conuersionis breuiter ostendit; modum, nam si diuites superbi potentiores sint in oligarchiam, si liberi & pauperes vincant in democratiam, si factio vnus valeat in tyrānidem, si furor populi in anarchiam & cōfusionem status ciuitatis vertitur. Exemplum quæ tragædiam & actum istius conuersionis declarât sunt in textu tria. Primum est Lyſandri, qui Lacedæmone regnum tollere conatus est. Secundum Pausaniæ regis, qui Ephorum imperium sustulit. Tertium est quorundam in Sicilia ciuitatem quandam Dyrrachium nomine incolentium, qui pro tribunis plebis tribuumque præfectis (quos Græci Philarchos appellant) senatum fecerant, eumque iterum in frequentissimū iudicium concessum tandè cōmutarant. Sic pilas fortunæ iactat seditio, sic regna vertit, quid ergo funestius est in ciuitate quàm distractio ciuium? argumenta quæ ab interpretibus hîc attexuntur sunt à simili & à contrario. A simili, Nam vt in corpore humano ipsa viscera nonnunquam colica discindit passio: ita neruos & vincula ciuitatis dirumpit intestina seditio; & vt frangit ossa fulmen illæsa carne: ita fundamenta ciuitatis quassat seditio virtutis specie palliata. Contrarium seditioni est vnio & concordia ciuium, quam omnes Philosophi primam conseruationis causam esse affirmant: ergo seditio prima causa interitus ac euerſionis aptissime definiri potest. Huc addi possunt argumenta ab autoritate & ab euentu rerum. Ab autoritate, nam Plato ait quòd nihil melius sit ciuitati quàm vnio, nihil perniciosius quàm diuisio seditioque ciuium. Ab euentu rerum, nam quid portas ciuitatis citius hosti aperit quàm seditio? discussâ iam quæstione, reliquum est vt quæ sequuntur in textu breuiter ac dilucidè

Iustum arith-
meticum, Ge-
ometricum.
Eth. 5 c. 3. 4. 5.
Plat. pol. 1. & 2.

percurramus. Cum antè demonstratū est flāmas seditionis ex eo potissimū in visceribus ciuitatis concitari, quod ciues cæcutientes in suis ipsorum bonis iustum & æquale cæcā potius opinione quā rectā ratione & iudicio metiantur, vtriusque distinctionem hīc adfert Philosophus, quæ est vt aliud sit iustum & æquale arithmeticum secundum numerum, quod in proportionē rei; aliud geometricum secundum magnitudinem, quod in proportionē rationis ac dignitatis cōstat. Exemplum illius in hoc patet, quod sicut duo à tribus vno: ita vnum à duobus vnitatē superetur. Exemplum huius in dupla rerum proportionē ponitur, quippè in eo non equalitas pōderis (vt aiunt) sed meriti & virtutis ratio habetur. At quorsum hæc? Certè vt intelligamus cæco amore sui perstringi animos mortalium in definiendo æquali ac iusto, vnde ex bonis ciuibz sæpè flabella seditionis fiunt; Nam cum alij ex libertate, alij ex diuitiarū copiā, alij ex honore, alij ex genere & sanguine simpliciter in omnibus equalitatē rapiunt, somniantes iustum esse vt sint in omnibus idcirco pāres, quia in horum vno vel altero antecellant, necesse est vt bilis in stomacho, bellum in ciuitate ardeat. Nam indignè ferent diuites si pauperes sibi æquales fiant, stomachantur liberi si sub opulenti oppressi viuant; & quis ignorat Pompeios æquales nō pati? Ita suiq; deq; vertuntur omnia, & pacis templū arietibus Martis cōcussū cadit. His positis, tria adiūcta in textu sequuntur, primum est qd popularis administratio paucorū; potentia frequentius vbiq; gentium reperiantur quā aliæ formæ ciuitatis, ratio est, quia plures sunt pauperes quā opulenti, & plures opulenti quā studiosi viri. Secundum est quod democratia & oligarchia maximè seditionis procellis pateant, ratio est, quia summi cum infimis, infimi cum summis perpetuò decertabunt, ex vtroq; igitur mixtā administrandi formam, vt superius, laudat. Postremum est quod popularis gubernatio firmior ac diuturnior sit potentiā paucorum, rationes reddit, & quia minùs agitur seditionibus, quoniā nemiñe habet cum quo cōtendat; & quia similior est politiæ, quæ omniū tutissima est, vt antè Philosoph. definiuit.

Distinctio,

Distinctio.

Seditio (quæ est factiosa diuisio & distractio ciuiū) prima pestis & causa cōuersionis probatur esse in ciuitate,

A definitione seditionis, quia est iniusta, insolens & superba à sorte ciuili declinatio.

A generalibus causis, quæ sunt libertas, opes, genus & honor, quæ seditionis fulmine deuastantur.

Ab exemplis multarum urbium, gentium, nationum, quæ seditionis motu extinctæ iacent.

A simili, quia seditio est quasi viscerum passio in ciuitate.

A contrario, quia vt in vniene ciuium conseruatio: ita in distractione est confusio ciuitatis.

Ab authoritate Platonis vt, patet.

Ab euetu, quia sola seditio hosti ciuitatē prodir.

Opp. *Quicquid est causa conseruationis non est primum seminarium interitus: sed seditio est causa conseruanda ciuitatis: ergo non est seminarium eiusdem interitus. Probatur minor, quia distractio: cautior, quia factione ardente prudentius se gerent magistratus; tutior, quia hoste cognito fortius se munient aduersus hostem. Hoc olim probatum fuit in imperio Romano, in quo tribuni plebis factiose aduersantes nobilibus senatum prudentiorem multo effecerunt.*

Utilitas ex hoste.

Mach. in Liur. lib. 1. c. 3. & 4.

Resp. *Perniciosa est illa opinio Machiaueli, quod nutrienda sit in ciuitate factio seditionis filia. Respondeo igitur quod neque cautior neque à periculo munitior hoc modo efficiatur ciuitas: nam quæ securitas esse potest cum ardeat in tecto ignis? At quid aliud est factio quā facula ardens in tectis ciuitatis? Fateor si velis cautio rem reddi hoc modo magistratum, sed audi, miserum hoc est vt magistratus in vrbe cum ciue, quasi dux in tumultu belli cum hoste viueret. Ciuitas locus est securitatis & regnum pacis, at quæ quies in regno est si ciues regibus hostes capitales fiant? Quod de Romano imperio ais, te ipsum tuamq; causam laedit, nam tum exaruit pulchritudo Roma cum tribunorum seditio floruit.*

Machiauellus refutatur.

Seditio facit omnia insidiis antibus opportuna.

Liur. dec. 4. l. 4. Cato in Scipionem.

Vt sub Graco.

Opp. *Perpetua pax ciuitatē deuorat: ergo seditio paci contraria aliquando est necessaria, quo dato, sequitur quod semper non sit causa euertenda ciuitatis. Antecedens probatur, quia diuturnitas pacis vnius seculi spatium tantam hominum multitudinem ac molem parit,*

D d 4.

parit,

Pol. 3. cap. 5.

Pol. 4. c. 8. & 11.

Ex pace bellū parit ut defectu rerum necessariarum ciuitas vulnerata cogatur sa-
pē ad iniustum bellum, quo partes superflue rescindantur.

Resp. Rarō pax in pestem vertitur, at dato hoc & concesso quod
pax pacem auctā multitudine deuoret, non tamen est necessaria se-
ditio, quā ciuīs totum imperium quā partes ruit. Praterēā nun-
quam cogenda ciuitas ad iniustum bellum ut ciues amputentur: sunt
enim potius sexcenta alia via quibus hoc onere liberetur, ut si onero-
sa turba in subsidium mittatur aliorum principum, qui iniuste con-
tumelijs & iniurijs ab alijs lacerantur, sic saepe Roma fame ac peste
se liberauit.

Opp. Studiosi viri iustissime seditionem possunt mouere: ergo se-
ditio non est per se ciuili bono repugnans atq; contraria. Antecedens
apertē est in textu huius capitis. Ratio sequitur, quia boni viri nihil
contra bonum commune moluntur.

Iusta vindicta
iniqua seditio
non est ha-
benda.
Vt Cato a
prætura.
Virtus non
contendit,
quia se con-
tenta.
Vt Pisistrati-
dæ ab Harmo-
dio & Aristo-
gitone.
Pol 4. cap. 2.
Sæuæ matris
mitis filia.

Resp. Iustissime (inquit Philosophus) boni viri seditiones excitēt,
sed minimē quidem hoc faciunt; quasi diceret, virtute excellentes vi-
ri si a debitis honoribus arceantur, maiore aequitate vim possunt ex-
ercere; nolunt tamen, quia boni existentes nōrunt immane scelus esse
seditionem excitare, nisi respub. tyrannide oppressa periclitetur, at-
tum iusta vindicta non iniqua seditio dicitur.

Opp. Seditio aliquando bono communi consulit: ergo non est pri-
ma causa ac seminarium conuersionum in repub. Antecedens proba-
tur, quia seditionis potentiā ac manu tyranni saepe debilitati cadunt,
quod est res grata ciuitati.

Resp. Commotio non seditio est quæ tyrannum tollit, seditio enim
est vipera solum in visceribus ciuitatis, at tyrannis non est ciuitas
neq; ciuili aut iusta administratio, ut antea probauimus.

Opp. Bellum est licitum: ergo seditio est licita. Antecedens patet,
quia bellum est pacis causa. Argumentum tenet, quia seditio sub bel-
lo ut minus malum sub maiore latet.

Belli liciti con-
ditiones qua-
tuor.

Resp. Vt bellum sit licitum requiruntur quatuor, primum ut au-
thoritate tam principis quā ciuitatis fiat, tum ut sit iustum, tertio
ut sit publicē edictum, postremo ut sit ad bonum publicum & cōmu-
ne destinatum, si sic intelligas antecedens concedimus, si verō uni-
uersim loquaris pernegamus, nam bellum in genere non est licitum.
Praterēā ratio non coheret, & quia in seditione prædicta conditio-

nes

nes desunt, & quia seditio vi sua non minus malum est quā bellum,
imō eo nomine est maius quod nunquam ad pacem destinetur; quod
verō pax sequatur, hoc casu fit non causā; quippe à Mario & Cin-
na, id est à seditionis non intenditur.

Dubium.

Utrum seditio sit tollenda potius quā per tyrannum dena-
stetur ciuitas?

RABIDA & furiosa res est seditio, cuius dente vulnerata Vide pol. 4. c. 2.
ciuitas contabescit citō, ceterū si fiat edentula eiusdē
latratus (ut quidam volunt) plurimum non nocet. Nam ut
fures à tectis arcentur saepe latratu canis: ita tyranni & op-
pressores rerum pub. strepitu seditionis ab intentis malis pro-
pelluntur. Sed ne videar ipsemet mecum colluctari, codem-
que spiritu repugnantia dicere, affirmo nomen seditionis
mitius aliquando sumi non pro concitato furore ciuium in
causa mala, sed pro ardore optimorum hominum qui bonū
commune student defendere. Hinc est meo iudicio quod di-
cat in textu Philosophus virtute excellentes viros iustissime
seditiones commouere posse. Si possint certē tum possunt
cum Roma Cæsaris rabie debilitata languet. Tarquinius su-
perbus pulsus est regno, Cæsar occisus in senatu, vtrumq; fa-
ctum Philosophantes quidam ciues approbāunt: est ergo
toleranda seditio nē Phalaris, Nero & Dionysius regnent.
Tres causæ sunt cur potentes tyranni (qui aliter pacari non
possunt) seditionis ense tollerentur: prima est quia imperant
contra naturam, secunda quia bono communi non consu-
lunt, tertia quia populum nō secūs quām vultures suam præ-
dam lacerant & dilaniant: iniustum ergo est eorum imperi-
um ac violenta administratio ciuitatis, quæ si lege & consilio
sanari non potest, defectionis impetu coerceri debet. Rectē
Hippocrates; In periculosis tētandum est cum periculo. Sic
enim est in corpore ciuili ac est in humano: sed in humano
corpore potius breuis & acris dolor ferendus est quā totius
interitus: ergo in corpore ciuili breuis & truculenta tragæ-
dia

Seditio non:
nulla pro ciui-
um bonorum
ardore habe-
tur.

Bruti seditionis

Cur seditione
tyranni tol-
lantur causæ
tres.

Pol. 5. cap. 10

Hippoc. in
aphor.

Cautio.

Sueton. in Ne-
ron. cap. 38.

Pol. 4. cap. 2.

Simpliciter
tyrannus
non est, qui
rex natus est.
Vindiciæ cōr.
tyran. quæst. 3.Tyranni vul-
tutes. non
principes.

dia sustinenda est potius quam ciuitatis ruina & deuastatio. Amara hæc medicina est, sed tum necessaria cum tyrannidis vlcera eò vsque prorepserint, vt alio modo quam ferro curari non possint. Animaduertendum tamen hic est curam istā labentis reipub. non à vertigne populi aut vnus cuiuscunq; affectu dependere, sed consilio medicorum hoc est sapientum virorum manu vulneribus ciuitatis debere applicari: tum quidem sedatio non seditio, turbatio quedam humorum non distractio distinctioq; ciuium appelletur. Est ergo seditio hoc modo nomineq; accepta tolerāda, ne crudelis Nero accensā Romā exitium Troiæ ad lyram cantet, hoc est, ne incurabile monstrū tyānnidis Persico furore ciuitatē perdat.

Opp. *Quicquid conuellit & subuertit ciuitatem non est omnino tolerādum, sed seditio (vt antea in multis locis probatur) conuellit & subuertit ciuitatem: ergo seditio non est omnino toleranda. Præterea demonstratum est superius tyrannos seditione tollendos non esse.*


Resp. *Lenius hoc loco (vt diximus) nomen seditionis sumitur pro defectione prudentiorum ciuium in causa tyrannidis ac oppressi-
onis solū, idq; cum aliter reipub. vulnera curari non possunt; & sic accepta seditio non conuellit sed colligit, non subuertit sed conseruat ciuitatem. Insuper agnoscimus supra à nobis demonstratum esse tyrannos ad sceptrum natos seditionis ferro tollendos non esse, quippe in illis sacrum est nomen regis: at si simpliciter tyranni sint, monstra-
que natura in patriam fiant, merito suarum partium defectionem sentiant, ciuiumq; bonorum censuram patiantur.*

Opp. *Arma in principes sumere non licet: ergo non licet deficere armisq; à regno eosdem propulsare, quo dato videtur quod seditio nullo modo sit toleranda. Præterea cum sine grandi periculo fieri non potest, sequitur quod in ciuitate non sit omnino concitanda.*

Resp. *Verum est quod arma non sint sumenda in principes, sed tyranni rapaces vultures non veri principes habentur. Ad alteram partem argumenti respondeo, quod sicut gravis infirmitas corporis negligi non debeat, quia curari aliquando non potest sine periculo vite: ita vlcera ciuitatis non sunt omittenda, quia sæpe sanari non possunt absq; reipublica magno dispendio, quod quidem potius ferendū est quam vt totius sequatur naufragium.*

CAP.

*Vtrum vlla sit propensio humane nature ad mutationem re-
rum publicarum?*



XCELLIT ORDO quem in hoc libro perutili sequitur Arist. nam factā diuisione in duas primarias partes, primum de causis euerrentibus & conseruantibus rempub. in qua plures; deinceps de causis euerrentibus & conseruantibus reipub. in qua vnus dominatur, differit. Sed quoniam (vt est in prouerbio) mala cognita facilius euitantur, primum zizania & nigra quasi semina seditionis, tum causas & fundamenta conseruationis graphicè & cumulatè describit. Postquam ergo ostenderit generatum discessum populi à iusto & æquali, omnis conuersi-
onis & retrogradi quasi motus in ciuitate caput & initium esse, nunc alias causas seditionis sed adhuc generales tradit: in quibus tria potissimum consideranda proponit, affectio-
nem nempe eorum qui seditionem mouent, res de quibus litigant & contendunt, modos & rationes quibus hoc suum
negotium tam perniciosè demum conficiunt. Sed quoniam in hoc capite breuis admodum est Aristoteles summam de-
lineabo singula. Affectio ergo eorum, qui igniculos seditionis alunt, est tumida philautia, & siticulosa dominandi libi-
do, quæ animos malorum ciuium tædio suæ sortis ac condi-
tionis ita exulcerat, vt à cōmuni societate cōtinuò diffiliant: cum enim caninus iste appetitus semel stomachos perditorū
ciuium inuaserit, dici certè non potest, quantas flāmas bilis conceperit, quibus si fomites inuidiæ addas, mirum non est si
tectā excelsa ciuitatis ardeant, si alta & gloriosa imperia ca-
dant: causa ergo prima seditionis est elatio animi, quā fasci-
nati mortales in sui ipsorū amore (vt olim Narcissus) miserè
pereunt. Isti sunt qui se aliū cum Icaro efferentes, & in cur-
rum veluti solis temerè volantes se posse omnia cum nihil
possunt, sibi deberi omnia cū debentur nulla, otiosè sōniant.

In Seditione
consideranda
sunt tria.Primo affectio
seditionis.Ouid. Metam.
3. 8. 2.

Alterā

Secundò, res,
de quibus liti-
gant, vt

Lucrum.

Virg. Æneid. 1.

Ouid. Met. 1.1.

Sueto. in Vesp.
cap. 23.

Quærenda
pecunia pri-
mum Virtus

post nummos.

Horat. Sat. 1.2.

Honor.

Damnum.

Ignominia.

Tertiò, Negli-

gentia, Pusil-

lanimitas,

Dissimilitudo

morum.

Quæstio.

Arist. phys. 2.

Altera nunc consideratio est rerum, pro quibus factiosi ciues seditiones mouent: numerantur in textu quatuor, lucrum, honor, hisq; contraria, nempe damnum & ignominia, quibus si magistratum negligentiam, abiectiorem animi, morumq; dissimilitudinem addas, septem de quibus in fine capitis loquitur Philosophus generatim efficies. De horum singulis ordine quid dicam? Cum omnes & singuli videant sub istis motum ciuilem (vt ita loquar) trepidationis occultari; Nam quid aliud est lucrum quam fomes? Quid honor quam seges contentiōis? Rectè Poeta. Auri sacra fames; cui illud respondet, Itum est in viscera terræ, Effodiuntur opes irritamenta malorum. Attamen sic canunt ciues. Lucri bonus odor ex re qualibet, quod si non consequantur, tumultuantur nec non moliuntur insidias. Honorem sæpè definiuimus escam ambitionis qua capimur & suffocamur incauti, hoc negato Cæsar in patriam sua arma vertit. Damnum & ignominia stimuli sunt ad æstum & excandescentiā animi, perpauci enim vel potius nulli aut facultatum iacturam, aut sui contemptum equis animis ferunt. Postremò quid magis vrget ciues ad seditionem quam incuria magistratus? Quid magistratum magis in contemptum & odiū rapit quam abiectio mentis morumq; à suis ciuibus dissimilitudo? Sed de his iterum in suis locis, nunc ergo ad quæstionem venio, quæ est, An vlla sit propensio humanæ naturæ ad mutationem rerum pub. Non est sine causa proculdubio, quòd in primis hîc suadeat Philosophus, spectandum esse quo modo à natura afficiantur ciues, quippe seditio nidum suum in sinu naturæ habet, pullosq; sæuos ex ea nonnunquam gignit. Nam etsi vniuersalis natura non erret; monstrum tamen particularis naturæ erratum dicitur: pari modo etsi homo vi naturæ imperio rationis subditus iustam & tranquillam reipub. administrationem requirat: est tamen in eo motus & propensio quædam ad nouitatem rerum, vnde vertigo nonnunquam maximarum ciuitatum non sine magno periculo appetentium nascitur. Quòd verò ista ad mutationem procliuas in vtero naturæ concepta sit, hinc liquidò constat, quia à primis fontibus

fontibus humani generis infirmitatem rationis hausimus, quæ quidem infirmitas insolens & superba est, cui insatiabilis rerum nouarum cupiditas adiungitur: hinc illud, Mens humana nouitatis auida; quod si verum sit, quis non videt hunc mutationis appetitum ab ipsa natura suas vires petere? Insuper vt vniuersa natura varietate: ita vel maximè natura humana nouitate delectatur. Vt ergo illa perpetuam mutationem & vicissitudinem rerum desiderat: ita hæc nunquam suâ sorte contenta nouas pilas rotasq; fortunæ vertit: est enim flexibilis voluntas hominis, iuxta illud poetæ,

Roma Tibur amo ventosus, Tibure Romam.

Horatius epi.
8. lib. 1.

Porro cum ratio per tot quasi cancellos corporis res externas videat, cum mens quæ est lumen animi appetitu, affectu, sensu depressa plurimum cæcutiat, necesse est vt eodem plerumq; modo afficiamur quo isti famuli intellectus, at nihil istis placet quod non est nouum, grata ergo est multiplex conuersio rerum quæ nouitatem parit. Ab exemplis hoc ipsum probo; nam quid pulso Tarquinio monarchiam in aristocratiam apud Romanos transtulit? nonne bellicose gentis natura? quid aristocratiam apud Iudæos in regnum, regnūq; tandem in anarchiam? nonne leuitas & inconstantia naturæ? Nero optimè à Seneca instructus & educatus fuit, regnū tamen in tyrannidem mutauit, solum vt opinor instinctu motuque naturæ: vetus est illud,

Naturam expellas furcâ licet, vsq; recurrat.

Horatius E-
pist. lib. 1.
Timon de
Alcibiade.

Et sanè permulti ciues ad mutationem rerum pub. non ad conseruationem nati sunt, qui rarissimè consilio aut pœnis reuocantur: apprimè ergo vtile est quod hîc præcipit & præscribit Arist. vt mores ciuium ac propensiones ad hoc malū diligenter trutinemus, nam hæc naturæ contagio pestem seditionis in angulis ciuitatis spargit. Huc addi potest quòd natura istam infectionem appetendæ mutationis à loco nō aliter quam homines pestem ab aere aliquando trahunt. Hinc olim Scythæ & Persæ suam barbariam à climatē in quo viuunt luxurie dicuntur, & sanè frequenter hoc cōtingit vt ipsa natura ciuium locū in quo degūt plurimū sequatur; dat enim

Locus natu-
ram afficit.
Vide. Pol. 2. c.
8. lib. 7. cap. 7.
Hippoc. 1. de
aere & aqua.
Alexandria
Ægypti fato
seditiosa.
Marcell. lib. 23.
vt

vt pater sic patria cuiq; ortus initiū & causā: si ergo locus ad mutationē rerū ciuium animos inclinet, natura ciuiū eō magis est coercenda nē ad rabiē seditionis suas vires intendat.

Distinctio.

In seditionibus consideranda sunt	{	Affectio ciuiū, respectu	{	Equalitatis.	} opponitur.	
				Inæqualitatis.		
		Materia seditionis generatim, vt	{	Lucrum, cui damnum		{
				Honor, cui ignominia		
				Negligentia.		
		Paruitas animi.				
		Diffimilitudo morum.				
		Modus, quo facta est seditio & conmutatio ciuitatum, hinc quæstio de propensione naturæ ad conuersionem oritur; quæ satis apertè demonstrata tabulâ non eget.				

Opp. Generales cause seditionis in primo capite attinguntur: ergo otiose in hoc, itidemq; in tertio easdem nunc repetit Philosophus.

Resp. Ratio non tenet, cum diuerso respectu in singulis his locis discutiuntur: nam in primo capite easdem ad radicem primamq; conuersionum causam refert, in 2. easdem cum suis contrarijs cōparat, in 3. earum exempla cum alijs adiectis seditionis causis demonstrat.

Opp. Diffimilitudo est causa conseruationis: ergo male hoc loco causa seditionis assignatur. Antecedens patet in 3. libro, ubi probat Aristoteles ciuitatem constitui debere ex dissimilibus.

Resp. Dissimilitudo hic morum ac volūtatum, at in 3. libro officiorum ac facultatum dissimilitudo intelligitur, illa labefactat, hæc conseruat ciuitatem.

Opp. Bona fortuna ad politicum statum sunt necessaria: ergo lucrum, quod est fetus fortuna, est necessarium: quo dato, sequitur lucrum non esse causam seditionis.

Resp. Nō lucrū sed insatiabilem lucrandi diuitiarū sitim aucupiorūq; hominū cōmutationis causā in ciuitate esse affirmat Philosophus: Idem de honore, libertate, genere, alijsq; rebus dicendum est.

Opp. contra quæstionem.

Opp. Seditio humanam naturā (quæ est compos societatis) penitus conuellit: ergo ad eam in homine nō est naturalis dispositio. Antecedens patet, quia nihil magis destrahit hominem ab imperiorationis quā discordia, nihil humanitatē magis cōfūdēt quā seditio. Argumētū probatur, quia si ad seditionē tenderet sibimet omnino esset infesta.

Resp.

Pol. 3. cap. 3.
lib. 2. cap. 1.

Dissimilitudo
alia morum,
alia officiorū.

Resp. Diximus antea hoc monstrum seditionis non in tota & vniuersali naturā omnium, sed in particulari affectione quorundam generari: illos autem hic intelligimus qui magis affectum quā rationem, magis sensum quā mentem & intellectū sequuntur. Huc quoq; referri possunt illi qui sub aspectu Saturni, Martis, aliorumq; siderum (quæ ad seditionem homines inclinant) nati sunt.

Opp. Qui viuunt secundum appetitum aut sensum vitam belluarum non humanam viuunt, vt testis est Arist. in ultimo capite decimi libri Ethicorū: non ergo videtur humana natura esse propensa ad conmutationem, quippe humana natura in mente & sapientia vt illic docet, non in sensu aut appetitu ponitur.

Resp. Natura humana consideratur aut vt est absoluta, quæ rarissime apparet; aut vt est infirma & imperfecta, quæ communiter multis contingit, & sic mens cum appetitu sensuq; conuicta vnā naturam humanā efficit, quæ sæpè corrupta mutatione rerū minifice delectatur.

CAP. III.

Vtrum causa seditionis rectè assignentur?



T olim Zeuxis in Helena pingenda sparsas & singulas decē virginū partes pulchriores in vnā tabellā coegit deinū, vt excellens & diuinum opus penicilli magis eluceret: ita Arist. seditionis membra diuissim tractata in vnum iam locum trahit, vt mōstri horribilis species tanti viri arte descripta omnium animos ad studium

pacis commoueat, recenset hic ergo 13. seditionis causas, quæ fibris inter se cohærentes carybdim rerum publicarum efficiunt; hæ sunt vt ordine dicam, iniuria, auaritia, honor, excellentia, metus, contemptus, excessus rerum, fortuna, discordia, otium, parue occasiones, dissimilitudo, & locus. In- iuria (vt de singulis suo loco disputem) est iniusta læsio ciuis, quam nemo (teste Philosopho) nisi inuitus patitur; qui ergo istius aculeos aut per nominis aut per rerum priuatarum damnum & iacturam sentiunt, facile acuntur in eos qui illis iniuste nocent. Impatiens enim est natura humana damni,

vimq;

13. Seditionis
causæ.
1. Iniuria.

Liu. dcc. i. l. 3

2. Auaritia.

Eth. l. i. ca. 12.
3. Honor.

4. Excellentia.

Pol. 3. c. 9. Plut
in Them.
Scip. & An-
nib.
Cic. Philip. 5.
5. Merus.
Cic. Tusc.
quæst. lib. 4.

vimque iniuriæ non potest concoquere: si ergo Appij Roma-
ni contumeliosius cum populo agant, cauere oportet ne ex
aristocratia democratiam faciant: quippe fixa non est ciuita-
tis anchora, in qua multitudo vulneratur iniuriâ; qui ergo ve-
lint seditionis neruos discindi, necesse est ut ab iniurijs & op-
pressionibus populi mentes manusque detineant: nam nihil
magis vrget ad factionem quam iniuria, nihil vehementius
vrit quam oppressio. Auaritia quæ est secunda radix seditio-
nis est inextinguibilis sitis & appetitus rerum quæ veluti fe-
bricitantes magistratus ad omne sterquilinum fortunæ for-
didè rapiuntur; ista omnium vitiorum fœce contaminati prin-
cipes à suis ciuibus indigni semper imperio iudicantur: hinc
liquefactum aurum suffocauit Crassum, stygium tormen-
tum cruciauit Tantalum, nomen asini vulnerauit Mydam,
quid multis? ciuitas tuta non est in qua auaritia regnat. Ho-
nor verus est præmium felicitatis, falsus verò nihil aliud est
quam risus fortunæ & inanis strepitus multitudinis; huius fla-
tu permulti sic tument, ut omnes præ se insolenter contem-
nant, per pauci sunt qui istius voce & nomine non delectan-
tur, nulli penè sunt qui vmbra honoris fugiunt, à quo si vel
latum (ut aiunt) vnguem coacti discesserint, continuo in ma-
niam aut phrenesin incitantur: nihil ergo truculentiorè sce-
nam in repub. edit quam iniusta honoris possessio, nihil ma-
iorem luctum efficit quam dedecoris metus & ignominia;
circumspice si placet & intueri imperiorum stadia, ô quan-
tas tragædias honorum excitauit ambitio? Excellentia quæ
quartum seditionis ouum conficit, est eminens & insignis v-
nius aut paucorum præ alijs omnibus in ciuitate potentia,
vnde (ut inquit Philosophus) monarchia aut dynastia enasci
solet: hanc (ut ita loquar) omnipotentiam olim Argi, Athe-
nienses, Romani, Carthaginenses, tam capitali odio prose-
cuti sunt, ut Herculem, Themistoclem, Scipionem & Hani-
balem præcellentes viros ostracismo testaque exulum deni-
grarint: sed hoc malum suadente Philosopho nascens op-
primi & coerceri debet ne inueteratum (ut ait Cicero) robu-
stius fiat. Metus quinta existit seditionis causa, qui hoc loco
definitur

definitur expectatio futuri mali: hoc animi motu perculsi,
qui iniurias fecerint, ne dent pœnas aut ipsi Talionis legem
patiatur, flabella seditionis fiunt: sic antiquitus in insula Rho-
do nobiles, qui iugum populo iniecerunt, metuentes utique Sic Romæ
ne iuste affligerentur seditiosa arma in populū susceperunt; Catilinar.
vetus est illud, Odium est vmbra metus, at ex odio seditio
nascitur: ergo ex metu. Sexta causa seditionis contemptus
est, qui definiri potest superciliosa quædam reiectio & indig-
natio ciuium, qui putant non minus se demereri quam qui
in arce ciuitatis sedent: Istius carbone notari abhorret hu-
mana natura, quippe libera cum sit, sui potius interitū quam
contemptum patietur. Carthago superba illa ciuitas prop-
ter vnius legati contemptum deleta est: Thebana, Megaren-
sis & Syracusana amplissimæ olim ciuitates contemptu fra-
ctæ (ut hic docet Philosophus) conciderunt. Incrementum
septimo iam loco positum est monstrosa & ultra modum di-
uitiarum augmentatio, quæ non aliter ad aurum seditiosos,
quam fames ad prædam leones mouet. Quare sicut corpus
secundum proportionem augeri debet, ut partes concinni-
tatem & consensum habeant: ita si in repub. ciues conspira-
re velint, modum accumulandi opes & potentiam obseruari
debet. Nam aliter ut corpus in alterius animantis figuram
vertitur: ita respublica in aliam administrationis formam fa-
cile commutatur. Octaua fax seditionis est fortuna, quæ hic
incerta & occulta calamitatis causa definitur. Huius vulnus
olim Tarentini, Argiui & Athenienses periculose senserunt,
ut hic docet Philosophus, quorum nobiles fortuito extincti
non solum sui sed etiam suarum ciuitatum calamitas extitit.
Cæca profecto est rerum humanarū domina fortuna, quæ
ludens, Assyriorum, Persarum, Græcorum, & iam etiam pro-
pemodum Romanorum imperia in puluerem, penè dixeram
in nihilum commutauit; cæcam fortunam causam appello,
non quod quicquam fiat sine prouidentia dei qui ortum &
occasum imperatorum videt, sed quia ignota hæc causa est
cur Alexandri veneno, hoc est cur monarchiæ & eorū sce-
ptra occultis modis tollantur. Est ergo fortuna causa quæ-
dam

Sic Romæ
Catilinar.

6. Contemp-

Liu. dec. 3.
lib. 1.

7. Incrementū.

Pol. 3. c. 9.

8. Fortuna.

Prouidentia
Dei omnia
fiunt.

E c

dam

9. Discordia.

dam mutationis, si ignorantiam humanam, at nullo modo si providentiam diuinam spectes. Nonam seditionis causam nempe discordiam addit Philosophus, quæ est de rebus leuioribus ciuium inter ciues inuidiosa contentio: Hæc inquit aliquando efficit ut democratia, in quibus multi locupletes fiant, in oligarchias seu paucorum potentias migrent; diuites enim ægrè ferunt ut pauperes sibi in libertate imperij adæquentur. Huc etiam verecundia, quæ est indignitas magistratus, referri potest; cum non iudicio sed sorte sartores & futores secesq; populi in magistratum sumuntur, ut in Heræa alijsq; liberis ciuitatibus, in quibus nonnunquam simiæ non opes ingenij sed sordes & nates ab altis sedibus in officio produnt, sicut olim Piso temulentus in senatu fecit, & sicut hodie heu nimis multi passim & ubiq; faciunt. Decima nunc causa mutationis nimirum incuria & negligentia sequitur, quæ est in officio laboris tædium & oscitantia magistratus, qui oculum in summitate sceptri vigilantem non habet; hoc modo contingit ut vulpes & astuti homines alieno animo à repub. existentes in reipub. viscera se insinuent, eademq; potiti voto lacerent & dilanient. Hac occasione ut opinor Israelitæ optarunt regē, quia iudices & sacerdotes negligenter suum præstiterunt officium, & certè videtur Salomon nimio otio vitæ sepultus regnum in tyrannidem, cultumq; dei in superstitionem commutasse. Rectè Poeta,

Otium reges, simul & beatas Perdedit vrbes.

Liu. dec. 6. 19.

Liu. dec. 3. 13.

Ioāniz Melikes.

Scipio Nasica ideo noluit Carthaginem deleri, nè populus Romanus in otio viueret; & sanè ciuitas illa florere non potest in qua bos minoris quam piscis emitur. Claudius Nero solitus est dicere Captiam Cannā id est perniciē fuisse Hannibali, quippè in ea suos milites meretriculis, balneis, alijsq; id genus delicijs mancipatos passus est effæminari. Hic certè iuste & opportunè nosmetipsos christianos accuso, nam nostrā ipsorum oscitantia & incuria augustissima imperia magna olim religionis ac pietatis lumina extincta iacent; ubi sunt Rhodus & Christiani proceres? ubi inquam sunt qui ad sacrum bellū destinati mænia Sion & Ierusalē hoc, est Christi

fi

sti ecclesiā contra Persas & Turcas tuerentur? O Christe vestem tuam diuisimus & nosmetipsi inter nos diuisi sumus. Vndecimum locum inter seditionis causas paruæ occasiones habent, quæ sunt res ut primā specie apparent parui momenti, cæterum si oscitantius aut negligentius tractentur, ciuitatē in magnū periculū & discrimen vocant. Nā ut multis arenis naus immergitur, ut bos culicum multitudine suffocatur, ita rebus minimis ac tricis neglectis magna nonnunquam euertuntur imperia. Sapienter Hippocrates, Nihil cōtemne, nam nihil paruum est: pustula sæpè in peracutū morbum, res parui ponderis in grande discrimen migrant: nō est ergo in leuiculis scelerū occasionibus extirpandis morandū,

Nam mora dat vires, teneras mora percoquit vnas;

Et validas segetes, quod fuit herba, facit.

Res parua in primis videbatur Romanis tribunos plebis instituere, sed hæc libertas licentiā factā lumen consulum obscurasse dicitur; hoc ipsū in textu declarat Philosophus Ambrosiorum exemplo, qui primū homines paruo cēsu in arces ciuitatis admiserunt, quā semel patefactā viā multi nullius census carnifices rapiebāt imperium. Penultima seditionis causa est dissimilitudo morum, quæ hoc loco diuersa factorum & natorum ciuium affectio & dispositio dicitur; hæc certè inter ceteras maxima causa conuersionis est. Nā ut nihil citius corpus humanū inficit quā pestilentium vaporū cum innatis humoribus copulatio: ita nihil velocius corrūpit ciuitatē quā peregrinorū hominū admissio, in qua contagio & venenū latet; hoc probat Philosophus multis exemplis, de quibus in dubitatione huius capituli plura dicemus. Postrema nunc causa sequitur, nèpe locus, qui hic non ita pro situ q̄ pro influētia cœli sumitur, nā sic in loco mutandi mores vis magna inest: hinc gētes sub Marte bellicose, sub Mercurio leues, sub Ioue fortunate, sub alijs virtutibus cœli alijs affectū moribus ac modis dicuntur. Est quoq; in situ loci motus quidā & fomes quo sæpè incitatur ad mutationē, sic teste Arist. Athen. magis populares erant qui in Piræo, q̄ qui in vrbe habitabant: vastitate suā cōfusa Babyl. interitū sui & ruinā vidit.

Ec 2

Distin-

11. Leuiculæ
occasiones.Ouid. de rem
amor. lib. 1.
Liuius. 2. de
cad. primæ12. Dissimili-
tudo morum.
Scita similitu-
do contra
peregrinos.13. Locus.
Vide. Galen. l.
an mores ani-
mi sequantur
temperatu-
ram corporis.

Distinctio.

Causæ seditionis sunt aut

Primariæ, ut iniustitia & inæqualitas, quæ omnis mutationis fundamenta ponuntur in cap. primo huius libri.
 Generales, ut honor cui ignominia, lucrum cui damnum opponitur.
 Minus primariæ, & hæ sunt aut
 Speciales, quæ in hoc capite à nobis distinctè explicantur.

Opp. Multò plures sunt causæ seditionis quàm quæ hic enumerantur: ergo minùs accuratè instituitur hæc de causis disputatio.

Alia seditionis fomenta.

Antecedens patet inductione fraudis, oppressionis, licentia vitæ, famis, religionis, & his plurimorū similium, quæ videntur non minùs animos ciuiū vulnerare quàm illa quæ hic à Philosopho recensentur.

Resp. Fraus & oppressio media sunt nō materia seditionis, ut postea docet Philosophus, reliqua verò quæ enumeras ad priora reduci ac renocari possunt, ut licentia vitæ ad oscitantiam & incuriā magistratus, religio ad excellentiam, de qua satis iam modo diximus.

Adiaphora.

Opp. Multa inter hæc, quæ numerantur ut causæ seditionis, nullius mali saporem habent: ergo tanti mali causæ haberi non possunt. Antecedens patet de honore, excellentiā, libertate & loco, quæ omnia necessarium vsum in ciuitate habent. Ratio tenet, quia ut radice existente bonā malus fructus, ita causā existente iustā monstruosus effectus (qualis est seditio) nasci non potest.

Resp. Honor, excellentia, libertas & locus ponuntur conuersionum causæ, non quòd hæc per se sint mala, sed quòd in illis sit esca mali ad quam factiosi ciues contendunt & rapiuntur. Virtutis comes (ut aiunt) inuidia est, honoris custos plerumq; metus, res optima nonnunquam malus umbras habent, non quòd in rebus ipsis sit corruptio sed quòd in hominibus malus sit perniciofa affectio, quæ bona fortuna in vsum malum vertit. Ut ergo sol dulcem odorem ex

Honor excellentia, libertas bonis bona, malis mala.

rosa, fatorē malum ex sterquilinio elicit: ita honor, virtus, libertas, studiosis & bonis viris rempub. conseruandi, malis verò & factiosis euerterendis occasionem præbent. Respondeo ergo nec ex bona radice malum fructum, nec ex bona causa malum effectum per se & vi sua generari, fieri tamen potest ut fortuitio & casu monstrum ab ipsa natura suum ortum trahat.

Opp. Locus est principium conseruandi: ergo causa seditionis nō est. Antecedens probatur auctoritate Porphyrii & Arist. qui conseruationem rerum ipsi loco attribuunt.

Resp.

Resp. Res qualibet in suo loco tuta est secundum Philosophos, at hic locus causa dicitur seditionis, vel quia aliquando malis siderum aspectibus subicitur, vel quia mari terraq; cinctus seditiosis arma porrigere videatur.

Opp. Tempus in libris Physicis causa corruptionis ac vicisitudinis rerum omnium dicitur: sed tempus hic inter causas conuersionum non recensetur: ergo omnes causæ non assignantur.

Resp. Tempus ad paruas occasiones referri potest, nam in tempore minor quàm in loco causa seditionis latet: quare et si tempus sit dimensio motus in quo res omnes mortales periodum & terminum existentia vident, causa tamen non est in tempore quod fluit, sed in ipsa materia quæ causam in se corruptionis habet. Phys. lib. 4.

Dubium.

Utrum periculosa sit in rempub. peregrinorum admissio?

PERICULOSUM est angues in sinum & peregrinos in urbem sumere: nam ut illi calore recreati mordent, ita hij libertate donati ciuitatem perdunt. Hinc illud in textu. Qui inquilinos aut aduenas recipiunt in ciuitatem, hij ferè omnes aut certè plurimi seditionibus conflictantur. Sed ut hoc ipsum argumentis probem, consideremus quamlibet gentem quæ proprios suos mores & ceremonias habet, si ergo alterius gentis populus in aliam ciuitatem migret, sedem nō animum mutari dicimus. Iuxta illud Horatii,

Cælum non animum mutant qui trans mare currunt.

Horat. lib. 1.
epist. 9.

Hoc dato sequitur (meo quidem iudicio) grande periculum, ne receptis peregrinis antiqui mores ac leges in nouos ac peregrinos commutentur: sed quid citiùs parit seditionem quàm legum morumque mutatio? Quid ergo periculosius quàm peregrinorum in ciuitatem admissio? Præterea quorsum natura pares se cū paribus congregare docuit, si alienis moribus homines in ciuitatem traheret? Non vult natura ut oues cum lupis, non vult prudentia ut ciues cum peregrinis sociantur: Philosophia enim hoc suadet, quòd contraria in eodem non possunt cohabitare loco: at peregrini maxima ex parte infesti sunt ciuibus quibuscum versantur. Huc adde quòd sicut locustæ segeti sunt, ita sunt aduenæ ciuitati: nam

Cicer. de amicis

Ec 3

ut

Sic Geneuz
Perinno duce.
Bez. in Calui-
ni vit.

3.Reg.11.

Philoxenia
laudata.
Deut.10.19.
Rom. 12.13.
Heb.13.2.
1.Pet.4.9.
Geneseos. 18.
& 19.

Peregrinus
hospitio non
ciuitate do-
nandus.

ut illę vastant & consumunt granū segetis: ita hij fructū ciui-
tatis vorant: quippē etsi rami sint eiūdem plantę, à radice
tamen non salutarē succum sed venenū hauriunt, quo tandē
infecta tota planta cadit. Domestica exēpla taceo, quę sunt
apud Aristotelem paucissimis demonstrabo. Cum Trezenijs
olim Achiui Sybarim augustissimam ciuitatem coluerunt,
qui tandem in numerum immensum aucti Trezenios Sybari
eiecerunt, vnde (ut inquit Philosophus) scelus Sybariticum
natum est. Idem Thurijs fecerunt Sybaritę contra illos qui
se humaniter receperunt, aduenę Bysantij ciuibus insidias
struxerunt, sed pręlio superati ceciderunt: Antissęi exules
ex Chio susceptos tandem armis eiicere coacti sunt: Apol-
loniatę, qui in ponto Euxino habitant, peregrinorum se-
ditione sunt agitati: Syracusani in suum malum seditiosos
hospites susceperunt. Amphipolitę receptis Chalciden-
siū colonis à patrijs sedibus pellebantur. Sed quid in istis
externis hęcō? Nonnē populum Dei admissi hospites ut
fentes & spinę vulnerarunt? certum est Salamonem pere-
grinis fęminis in idolatriam incidisse. Hispani meo iudicio
non iniuste seditiosos Iudęos à suis finibus expulerunt; pro-
pius non accedo, sed Christum oro nē peregrinorum turbā
immanis turbo in ciuitate fiat.

Opp. *Vox Dei & virtus iubent ut peregrini in ciuitatē recipi-
antur: ergo iniquum est id ipsum prohibere. Antecedens patet ex
multis locis ubi expresse mandatur ut hospitales simus, & quis ig-
norat Abrahamū fratremq; Loti angelos in sua hospitā sub nomie
ne peregrinorum recepisse? Quod virtus iubeat manifestum quoq;
est, cum in recipiendis peregrinis liberalitatis & magnificentię lu-
men maximē appareat, ut docent omnes Philosophi.*

Resp. *Absit hęc doceamus hospitiorum fores occludendas esse,
id enim omnium minimē debere censemus fieri: hoc ergo est quod
suademus, ut peregrini senatus, iudicij, imperij participes non fiant:
ut eorum numerus & vires ultra modum non crescant, si tamē aut
pietatis aut alterius rei honestę causā patriam deserant, & in ci-
uitatem alterius gentis coacti veniant, optamus ut honorifice acci-
pantur, omniq; humanitatis officio tractentur. Nam cælum*
cæb

cali domino, terram autem dedit filiis hominum.

Opp. *Iuste & politicē aliquando ciuitates inire possunt affinita-
tis fœdera, ut sanguine coniuncta firmiores fiant: sicut Romani cum
Sabinis, Galli cum Francis, nos cum Normandis: sed absurdum est
participationem illis negare: ergo fieri potest ut peregrini ad partici-
pationem ciuitatis admittantur.*

Resp. *Vnio maximorum imperiorū rarissima esse debet, nam est
admodum periculosa: at si aliquando fiat, negamus tum quidem, qui
recipiuntur, peregrinos esse; nam coniunctio sanguinis libertatē ciui-
tatis dedit. Ut enim surculus in plantā alterius generis insertus, ita
populus in alterius gentis ciuitatem ascitus partis naturam habet.*

CAP. IIII.

Utrum nobilium factio sit maxima pestis in ciuitate?



ONATO viro perdocto placet, quod
alię tres causę seditionis in hoc cap.
tradantur ab Arist. sed tanti viri pace
existimo vndecimam superius allatā
causam (in qua paruas occasiones
ponit) fusiū hęc demonstrari, nā sic
ait Philosophus: Oriuntur seditiones
nō de paruis rebus sed ex paruis, dis-
sident enim & seditiones excitant

homines de rebus magnis, hoc est quasi diceret, res parę nō
sunt causę seditionis, donec vires & augmentū quęrant. Sed
nē longius euagetur oratio, hoc caput in duas secatur partes, Cap. diuisio.
in prima nobilium seditionem maximē timendam citissi-
mę; curandam esse, in secunda vim & fraudem veluti dex-
trā & sinistrā seditionum esse ostendit: ex prima hanc quę-
stionem moueo, utrū nobiliū factio sit maxima pestis in ciui-
tate? Vix dubia res est de qua nunc loquimur, verū quoniam
monstra nostrorum temporum paradoxum illud defendunt, theor.30.
factiones inter summos principesq; viros nutriendos esse, Florentini.
operepretium me facturum puto, si hęc cum Arist. paucis Macch. de
ostendero diuisionem procerum esse ruinam ciuitatū: & ut prin. cap.20.
à definitione incipiam, quid aliud est nobilitatis seditio Nobilium se-
quā (ut ita loquar) paralytis & dissolutio totius ciuitatis? ciuitatis.

Ee 4

Nam

Ut Marij &
Syllæ, Pomp.
& Cæsaris,
Anto. & Au-
gusti factio-
nes.

Et cap. 8.

Ut inter fami-
lias Eboracē-
sem & Lanca-
striam.

Ut Romæ
Lentulus. Sal.
Liuius. i. de-
cadis. 1.
Plut. in An-
ton.
Rat. 3.

Nam ut principijs neruorum malè affectis singulæ partes to-
tius corporis tremunt: ita primarijs viris inter se diuisis ne-
cesse est ut omnes ciues in varias factiones distrahantur; se-
quuntur enim oues pastores suos, suosque duces & nobiles
multitudo; si insaniant capita mirum non est si reliquæ par-
tes corporis sint instrumenta furoris. Hoc probat Arist. mul-
tis & copiosis exemplis, quorum primum est de duobus Sy-
racusanis iuuenibus magistratū gerentibus, inter quos de re
amatoria orta est dissensio: Altero enim absente, alter eius-
dem delicias ad se pellexit, ille autem reuersus cōtrā eius vx-
orē induxit ut ad se veniret, ambo irati classicū canunt, sedi-
tionē mouent, furit populus, perit ciuitas. Quapropter (in-
quit Philosophus) istiusmodi offensionibus nascentibus ad-
hibenda cautio est, nec non citò potentium discordiæ com-
ponendæ. Rationem addit in textu, quia nobilium seditio-
nes totam ciuitatem contagionibus malorum contamina-
tam in eandem fraudem trahunt, & quid hoc aliud est quod
iam docemus? Vult Arist. seditionē nobilium esse sepulchrū
ciuitatis, id ipsum volumus, optat ut citò vel minimæ inter il-
los tollantur discordiæ, id ipsum peroptamus. Nam ut parua
affectio in præcordijs animantis magnam in reliquis mēbris
alterationē facit: ita in summis viris (qui sunt veluti præcor-
dia ciuitatis) minima contentio, inter ciues maximam sedi-
tionem parit. Alia permulta exempla in hunc finem à Phi-
losopho adducuntur, quæ cum sint luce in textu clariora, bre-
uitati iā studens libenter prætermitto, hortor tamē candida-
tos eadē perlegere, ut ad nostrorum temporum vlcerā accō-
modentur medicinæ. Insinuantur enim in illis ni fallor duæ
inter nobiles seditionū causæ; falsū oraculū, & licentia vitæ. O
quā multi nobiles fallacibus oraculis decepti pericula adeunt!
quā multi Paridis exēplo faces Helenę in ciuitatē ferūt! Tar-
quinij insanus amor seditionē fecit, Antonij voluptas Cleop.
& Aegypt. magna miseria fuit, nec mirū sanē, nā arma turo-
ris ceca voluptas habet: ex his iā cōstat nobiliū inter se dissi-
dia esse quasi deorū fulmina, quibus subitò, si non extinguas,
tota deuastetur ciuitas: si plures rationes quærās, sic punctis
docco,

doceo, Nobiles sunt columnæ ciuitatis, ergo si seditionibus
distrahantur illi, necesse est ut totū ædificiū ruat. Iterū, Mag-
ni & clari viri magnos animos, magnas opes & potentiā ha-
bēt: ergo sine magno ciuitatis dāno & periculo seditiosi non
sunt. Postremò, nobilium vnio in virtute est conseruatio ci-
uitatis: ergo eorum distractio est eiusdē interitus & conuul-
sio. Sed reuertor ad textū Philosophi, in quo explanationem
duarū, quas suprà attulit, causarum video, hæ sunt excellētia
& dissimilitudo morū; illam in paucorū potentia, democra-
tia, & politia, magnas & crebras efficere alterationes exem-
plis narrat; hanc in oligarchia tū solum cum diuites pauperi-
bus adæquantur, mediumq; non sit quo reconciliari possint.
Prioris exempla multa sunt, quæ vrgēt mutationes aliquādò
fieri aut ex parte inuidentium, aut ex parte eorū qui insolentē
victoriam quærunt, verbi causā, Themistocli Atheniensium
naues lignæ ciuitatis incenia interpretanti fidem senatus de-
dit, hinc ciuitas nauale bellum parat, populus pugnat, victo-
riam habet, dux Themist. creatur, seditio ob excellētiā nas-
citur. Huc alia exempla de Syracusanis, de Chalcidēsis, de
Ambracianis, quæ sequuntur in textu, reuocari possunt. Po-
strema pars huius cap. nō de causis sed de modis mutationis
instituta est: modi verò duo sunt, vis & dolus, vis per ferrum
& flammam, dolus per insidias, axes & rotas ciuitatum ver-
tit; vis tum est cum altera pars alteri plurimum succumbit, dolo.
dolus verò cum aut ab initio decepti cogimur postea tolera-
re imperium, aut cum ab initio decepti & postea persuasi id-
ipsum facimus: exemplum prioris modi est de quadringen-
tis viris qui rempublicam olim Atheniensium tenuerunt;
isti (ut ferunt annales) cum Lacedæmonij bellum indixe-
rant, callidè mentiti sunt, populoque suaserunt Persarum
regem contra Lacedæmonios pecuniam ad bellum suscep-
tum suppeditaturum, rudis multitudo cōmento credidit, at
sue credulitatis penas (ut est in historia) grauissimas tulit, nā
hac fraude decepta sub tyrannide istorum sophistarum diu-
tissimè vixit. Istę manus seditionis obtruncandæ sunt, quip-
pè simplex est veritas, quam leones & vulpes fugiunt. Vis

E c 5

contra

Excellentia.

Herod. lib. 7.

Iustin. lib. 2.

Mutatio reip.
fit vel vi, vel
dolo.

Iustinus de
Alcibiadē. l. 5.

Cic. de off. l. 3.

contra naturam est, & vi atrocius fraudulentia nocet, ictus leonis in quo vis est nos cautos, at morsus aspidis in quo fraus latet magis securos reddit; vtrumque malum, sed peius hoc illo; vtrumque bustum ciuitatis, nam in vtroque est medium seditionis.

Distinctio.

Duae sunt partes huius capitis, quarum	{	Prima nobilium seditionem maximè periculose ostendit, quia	{	Nobiles sunt veluti capita & columnae ciuitatis.
				Maximos animos, opes & potentiam habent.
				Vt illorum vnio conseruat, ita illorum seditio ciuitatem perdit.
		Secunda duas manus & modos seditionis comprehendit, nempe		Vim. Fraudem.

Opp. Antea permittitur seditio nobilium potius quàm ciuitatis deuastetur: ergo malè hoc loco defenditur quòd seditio nobilium sit maxima pestis ciuitatis.

Resp. Facile huic rationi occurritur, nam illic non propriè seditio sed potius sceleratorum oppressio & sedatio quadam furoris approbatur videtur.

E malis minus.

Plebs bellua multiceps. Plut. in Demost.

Arist. in problem.

Opp. Furor multitudinis est maius malum quàm seditio nobilitatis: ergo seditio nobilium non est maxima pestis ciuitatis. Antecedens probatur, quia nobiles citius rationis imperio, quàm barbara & insana multitudo cedunt: quippè clari & eminentes viri maiorem usum rationis habent, & turba populi nò aliter quàm fera & (ut est in prouerbio) hydra multorum capitum perpetuò furit.

Resp. Vis dispersa debilis est, unita fortis: at multitudo vim dispersam & distractam habet, nam secum plurimum discordat multitudo: maius ergo malum seditio nobilium quàm populi furor dicitur, non solum quia vim magis unitam, sed quia opes & potentiam maiorem nec non malitiam armatam habent.

Opp. contra secundam partem capitis.

Opp. Vis licita est secundum naturam legem: ergo seditionis, quae est contra naturam, non est instrumentum. Antecedens probatur, quia secundum legem naturae licet vim vi repellere.

Cic. pro Milone & Sestio. Vim vi.

Resp. Vis licita est secundum naturam legem non simpliciter & absolute,

absolute, sed tum solum cum iniuste vis ac impetus infertur: hac ratio ergo non sequitur, quia vis aliquando infesta, aliquando amica natura dicitur.

Opp. Stratagemata & sophismata licita sunt: ergo fraus licita est: quo dato sequitur fraudem non esse seditionis comitem, ac instrumentum. Antecedens patet ante in politicis. Ratio tenet, quia aliter idem instrumentum esset contrariorum.

Resp. Vulpina pellis & leonis corium hoc est fraus & furor in nulla bene instituta repub. coniungi debent. Ad rationem igitur respondendo nego omnia, quia et si stratagemata & sophismata sunt licita; fraus tamen non admittitur, nam in illis solum deceptio est, non dolus malus. Praterca absurdum non est eadem repugnantibus instrumenta conuenire, ut constat in bonis fortuna quae iam bonorum quàm malorum instrumenta existunt.

Macch. in Liu. lib. 3. cap. 40. Pol. 4. cap. 12.

In stratagem. deceptio est, non dolus malus.

Dubium.

Vtrum magici eorumq; fautores capitali penâ iuste sint plectendi?

INTER historias de seditione in textu vna est de nobili quodam cuidam virgini contracto, qui consultis diuinatoribus (nescio quo portento praemonitus) ad sponsam non venit; hoc dedecus affines virginis tanquam contumeliosè tractati a grè ferentes rebus sacris in locum sacra facientis occultissimè coniectis fautorè diuinantis, ut sacrilegum necuere; hoc factum istorum nò arguit Philosophus, vnde coniecturam facio illum quodammodo approbasse. Hinc quaero, An magici eorumq; fautores capitali penâ iuste sint plectendi? Qui sunt magici ante in decimo quinto capite quarti libri paucis ostendimus, sunt quidem blasphemi sacrilegi, qui volantes in sinum dei quod proprium deo est, nepe omnia praescire flagitiosissime sibi assumunt; isti natalia fata hominibus, fatalia portenta ciuitatibus, mirabilia secreta omnibus se posse praedicere vbique iactitant, & sanè laribus suis instructi multa mira, miracula verò nulla omnino faciunt, oculum sepe prestigiatores, at animum sepe diuinatores fallunt. Simon Magus (ut ferunt) visus est in altum suis ipsius viribus volare, sed Petro orante blasphemus cecidit, & spectante populo animam

Delphis gestas res.

Rationes con-
tra Magicos.

Leuit. 20.

mam efflauit: faxit Deus ut istis temporibus non cum ethnici à veris Christi oraculis ad Delphica præsagia, à tesseriis salutis ad magicorum somnia & commēta fugiamus: sed oblitus mei longior sum quàm oportet, rem igitur in manibus sic probo. Proditores principum digni sunt capitali pænâ, ergo magici eorumque fautores penâ maiore, si fieri id potuisset, plectendi. Ratio tenet, quia isti non in mortalem sed in ipsum Deum vi quadam proximè rapiuntur, eiusdemque nomine se agere falsissimè mentiuntur: hinc enim ieiunant, orant, numen inuocant, characteribus salutis se muniunt, aliasque ceremonias exercent, sed quorsum? Certè ut simplices & ignorantes sub specie religionis facinorosè fallant. Alterum argumentum est à testimonio sacræ philosophiæ, quæ ad istos nos conuertere non solum prohibuit, sed etiam capitali pænâ sic facientes condemnauit. Postremò à bono ciuitatis hoc ipsum probo. Vtile & salutare est ut capitali pænâ auctores seditionis tollerentur: sed magici & eorum fautores sunt auctores seditionis: ergo magici & fautores seditionis capitali pænâ tollendi. Assumptio huius syllogismi constat, quia magici de conuersionibus rerum publicarum & de fatis magnorum principum mentiti, statum administrationis perturbant, animosque ciuium distrahunt, & denique vitales quasi spiritus ciuitatis exhauriunt, ut sub Irene & Constantino in Græcia, sub Henrico sexto & Eduardo quarto in Anglia.

Opp. *Qui utile præstant reip. pænâ capitali non sunt tollendi: sed magici & eorum fautores utile præstant reipub. ergo pænâ capitali non sunt tollendi. Minor constat, quia multa prædicunt isti Parcarum interpretes quæ reip. scire plurimum interest, hinc Merlini & Baconis vaticinia pro oraculis apud nos olim habebantur.*

Merlinus.
Bacon.

Resp. *Fatendum est multa vera & mira istos prædicere, sed cum plura falsa & periculosa fingant, cumq; modus dicendi sit execrabilis, præstat à diuina providentia solum dependere quàm tam detestabilem scientiam admittere. De Merlino & Bacono nihil dico, quos multi magos non magicos appellant: Baconus doctus, Merlinus somniator fuit.*

Opp.

Opp. *Moses Propheta Dei hac arte videtur instructus fuisse: ergo illi qui eadem utuntur capitali pænâ non plectendi. Antecedens patet, quia doctus ille in omni arte Ægyptiorum dicitur. Ratio tenet, quia nihil dignum capitali pænâ in Prophetis fuit.*

Resp. *Moses non arte magicâ instructus mira ut magici, sed Exod. 7. 10. digito Dei directus miracula ut Dei Propheta fecit: instructus fuit omni scientiâ Ægyptiorum, sed non eodem modo, nam illi à demone multa, hic verò omnia à Deo didicit: nihil ergo magicos iuuant exempla Moysis, Ioseph, Danielis, quippe hi Dei spiritui inflati abditissima temporum oracula, rerum futurarum vaticinia ediderunt.*

CAP. V.

Virum democratia sit maximè obnoxia mutationi?



ARS hæc secunda est istius libri, in qua particulatim de causis mutationum in vnaquaque reipublicæ forma agit Philosophus, & primùm à democratia seu populari potentia incipit, quæ (ut Plutarchus & Patricius scribunt) huc illuc quasi nauicula sine clauo omni flatu & fluctu fortunæ pellitur; quid enim vulgo

Plut. de trip.
politiâ.
Patri. de reg.
lib. 1. tit. 3.
Polyb. l. 6.
Æneidos li. 2.

mutabilius? Quid populo leuius & inconstantius detur? Rectè Virgilius,

Scinditur incertum studia in contraria vulgus.

Quarè mirum non est si ista administrandi forma cum Chamæleonte sepius mutetur, nam in ea præter leuitatem populi vnusquisque dignissimum locum vendicat, seque in amplissima reipublicæ munera & officia trudit: hinc quaestio, utrùm democratia sit maximè obnoxia mutationi? Affirmamus esse: causæ sunt temeritas plebis, contrarietas opinionum, rerum ignorantia, odium insitum aduersus nobiles, assentatio ductorum, ipsedēq; data potestas nimia. Percurram has singulas, sed sequutus Arist. primùm à duabus vltimis initium

Quæstio.
Democratia
mutationis
causæ 6.

Assentatio
duktorum.

initium sumam, nempe ab assentatione blandorum populi ductorum, & ab eorum nimia potentia data: verba Philosophi hæc sunt, Democratia mutantur maximè propter blandorum populi ductorum, leuiumq; concionatorum petulantiam, qui partim locupletes priuati calumnijs onerantes, eos coire & conspirare faciunt, partim cõmuniter multitudinè in eos incitantes: hinc impetu vtrinq; facto si superetur populus iustissimè à victoribus mutatur status, vt olim in insulis Co. & Rhodiorum, vt etiam Heracleæ, Megaris, & Cumis contigit: nam in quinque his locis celebrioribus, vt hinc docet Philosophus, democratia (propter eas causas quas diximus) in alias formas translata fuit; sed istos demagogos & assentantes populi ductores antea descripsimus, si ergo populus imperare velit, caueat ab illis: Nam sapienter Cato,

Fistula dulce canit, volucrem cum decipit auceps.

Plut. in Antõ.
Potestas nimia.

At populus levis est & Amphionis cytharâ captus citissimè in fraudem pellitur: verbi causâ, Populus Cæsarem odio habuit, Brutumq; & Cassiũ vt deos coluit, at cum dulcis Antonius Cæsaris laudes perorauit, aduersus homicidas populus insaniuit. Sed ad alteram causam mutationis venio, quæ est cum vni vel alteri istorum populi ductorum maior quam par est conceditur authoritas, vt si fiat dictator, aut dux exercitus, nam tum isti tẽdâ veluti ambitionis accensi extincto populari statu sibi rapiunt imperium, idemq; in tyrannidẽ crudelem vertũt, sic Pisistratus Athenis, sic Thrasibulus, Cleon, Dionysius, Hiero, Agathocles, Syraculis: quid multa? Sic Perriander Ambraciæ, Archilaus in Candia, Polycrates in Samo insula, Decemviri Romæ & alij sexcenti, qui se ex ducibus exercitus dominos ciuitatis fecerunt: hinc illud politicũ axioma est. Cuicumq; potestas absoluta exercitus, eidem potestas ciuitatis datur. Caueat ergo populus cui se cõmittat: nam vetus illud est,

Pol. 5. cap. 10.
Tyranni ex ratione dice tutoria.
Plat. pol. 8.

Axioma tyrannicum.

Iuuenal.

Plut. in Sylla.
Consensus populi regula
Democratia.

Asperius misero nihil est cum surgat in altum.
Ignis in tecto edificij raro extinguitur, & Sylla potitus regno sine strage populi non refrænatur: tutum ergo est in populari statu vt magni honores dentur, sed ita vt ad consensũ populi reuocentur

reuocentur omnia. Tertia causa ruinæ in hac forma est mira leuitas temeritasq; plebis, quæ cæco affectu & furioso quasi impetu in omne obiectũ mutationis rapitur. Sic populus Atheniensis nunc suos tribunos, nunc reges, nunc triginta Ephoros, nũc 400. nobiles & senatores remp. suã capeßere & gubernare voluit. Cõcludo igitur hunc statum tãquam Euripum incertis motibus agitari. Contrarietate opinionum (quã populus vacillat) quid hic describã? certũ est rarissimè aut in concilijs, aut in iudicijs, aut calculis & electionibus suis sibi constare: fieri ergo non potest quin sic litigantes lupo inuadat: hostis enim vigil est & occasione quærit, at opportunior nũc est quã intestina populi cõtentio & civilis discordia multitudinis. Quod ignorantia rerum in populo sit causa mutationis, quis est tã imprudens qui non videat? rudis enim & imperita est multitudo, quæ sæpè stultitiã prodit ciuitatẽ. Plebs Corinthiana stultissimè Romanos legatos stercore iniectu violauit, at Roma offensa ob id facti augustimã Corinthũ pernitus deleuit, quod certè nõ fecisset si populus in legatos caluisset officiũ. Nihil hic de Psillis populo in Africa circa Syrtis dico, qui austro ventorum vni (vt Sabel scribit) bellum intulerunt. Hæc scribo vt quãta sit ruditas & ignorantia populi quiuis intelligat: non tamen omnẽ multitudinẽ hoc stilo sed agrestiore partem populi perstringo, est enim (vt ait Philosophus) politior pars quædam multitudinis, est quẽdã stultior, cui si committatur imperium citissimè in scopulos impinget. His positis id quod est huius quæstionis cardo tandem concludo, nempe democratiam præ cæteris reipub. formis esse maximè interitui & mutationi obnoxiam, nam in reliquis (vt postea patebit) firmitiora virtutis sunt fundamenta nec non maiora sapientiæ præsidia, quippe in monarchia vnus virtus, in aristocratia optimorum authoritas, in oligarchia diuitum prudentia, in politia totius ciuitatis consilium imperat. Sed vt cum Aristotele breuiter concludam; summã omnium hæc est; quod præcipua causa mutationis in democratia sit tribunorum petulantia, quã quidem nobiles aut diuites vulnerati hunc statum

Democratia
Empus.
Contrarietas
opinionum.

Liui. dec. 4. l. 4.

Ignorantia.

Sirabo. Polyb.
Dio. Liui. Cic.
pro leg. Man.

Pol. 3. cap. 7.

Politiarum
fundamenta.

Tres causæ
cũ mutetur
democratia.
Vide Plat. 8.
& 9. pol.

nunc

nunc in aristocratiam, nunc in paucorum potentiam, & nunc in tyrannidem conuertere & transmutare conantur. Altera verò causa est populi incredulitas, cum maiorem quàm par est auctoritatem demagogis sui què blandis ductoribus concedit. Postrema est ambitio multitudinis, cum non in aliam speciem, sed in crudeliorem imperandi gradum prorumpit furor, verbi causa, cum non ex censu aliquo sed ex arbitrio populus magistratus eligit, cuius rei remedium est, ut hic docet Philosophus, si diuersæ tribus non vniuersus populus viros præfectos & magistratus creent.

Distinctio.

Democratia maximè est subiecta mutationi propter

- Credulitatem nimiam, quam assentatoribus suis prebet.
- Potestatem nimiam, quam eisdem demagogis concedit.
- Temeritatè, quàm in omni ferè actione prodie.
- Ruditatem & crassam ignorantiam rerum, quàm plerumque laborat.
- Contrarietatem opinionum, quàm mirificè distracta fluctuat.
- Similitudinem, quam semper cum claris viris & nobilibus gerit.

Opp. Quo aliquid violentius est, eo magis interitui & mutationi est obnoxium: sed sunt quedam administrationes ciuitatis violentiores democratia: ergo sunt quadam administrationes magis interitui & mutationi obnoxie quàm democratia. Maior est Philosophi in Phisicis, ubi docet quòd nullum violentum sit diuturnum. Minor patet, quia in tyrannide in qua vnus Nero, quàm in oligarchia in qua multi Neroni & tyranni præsunt, maior vis & furor inest.

Resp. Primum dicimus tyrannidem & oligarchiam in hoc sensu esse labe non formas ciuitatis, nam iniquè Nero apud Romanos, iniuste triginta tyranni apud Athenienses imperarunt: si verò mitius hoc nomen oligarchia sumatur pro diuturni solum potentia, affirmamus minorem in oligarchia vim & furorem quàm in democratia exerceri.

Opp. In democratia est vnio totius multitudinis: ergo est omnium minimè subiecta mutationi. Ratio tenet, primum quia multitudo est maxima pars ciuitatis, tum quia vnita hac multitudo se fortius potest

potest defendere, hostium què impetum propulsare.

Resp. Hac ratio inuerti potest, nam et si sit maxima pars ciuitatis ipsa multitudo, tamen quia est veluti corpus sine capite, & armentum sine custode, eiusdem vnio non ad consensum virtutis sed ad motum seditionis tendit. Quare ut turba in expertorum militum sine duce & ordine sæpè victoriam: ita rudis & indigesta moles populi sine consilio nonnunquam ciuitatem perdit.

Opp. Recta reipublica forma diuturnior est non recta: sed democratia est recta reipub. forma, oligarchia autem non recta: ergo democratia est diuturnior oligarchia. Maior & Minor sunt Arist. in tertio & quarto libro Politicorum.

Resp. Comparatur democratia hoc loco non cum oligarchia pessima, sed cum eà diuturni potentia in qua secundum leges vivitur: & sic vicinè sumitur democratia ob causas antea allatas multo infirmior est scopulis què fortuna subiecta magis.

Opp. Oligarchia est eminentior & illustrior status ciuitatis quàm popularis potentia: ergo magis fortuna scopulis & mutationibus est obnoxia. Ratio tenet, quia fortuna sapius cum magnis non cum paruis ludit. Senec. in chor. 4 Hippol.

Resp. Celliores status & forme ciuitatis magis subesse fortune dicuntur non quòd sæpius cadant, sed quòd eorum occasus conspectiores sint cum eueniant, ut ait Philosophus.

Dubium.

Virum in ductoribus populi eloquentia causa sit quò minus seditiones fiant.

O Rpheus siluas & lapides cytharà suæ eloquentiæ post se traxisse dicitur, quod ergò olim de omni arte Ouidius, idem nunc de eloquentia dicimus.

Emollit mores nec sinit esse feros.

Veniunt ferrei milites à Mario & Cinna missi ad occidendum dulcem illum oratorem Antonium, at feros & crudeles carnifices ita eloquentiæ viribus leniuit, ut arma deijcerent, lachrymas profunderent. Diuina profectò & mira

Ff

vis

Democratia
corpus sine
capite.
Polyphemus
sine oculis.

Senec. in chor.
4 Hippol.

Plutar. in vita
Marij.

Sic Demost.
Athenis, Ro-
mæ Cicero.

Ut Germani-
ci inter mili-
tes Pannoni-
os. Tacit. an-
nal. 1.

Eloquentia
copiosè lo-
quens sapien-
tia.
Cic. de orat.
lib. 3.

vis eloquentiæ est, sed ut rem tantum agam, hæc quidem in multis at maximè in illis valet qui mores hominum ferreos & valdè agrestes tractant: hinc est quòd hoc loco dicat Philosophus priscis olim temporibus democratas in tyrannides sæpè translatas fuisse, donec populi ductores eloquentes & disertis essent. At inquit arte dicendi propagatâ qui dicendo valuerunt imperabant populo, eumq; concionando sapienter moderati sunt: hoc est quasi dixisset meo iudicio, potentia susque deq; versa maximè requirit eloquentes viros, qui vi vocis potius quàm Martis, feritatem morum possunt lenire: at in democratia propter licentiam populi mores ciuitatis fluxi sunt, rudes ac dissoluti, ergo multò melius erit in eo statu si viri eloquentes præsent, qui contentionis ac discordiæ capita acie ingenij non gladij valent abscindere: sed quòd hæc ita fiant, si ita ordinetur respub. sic probo. Eloquentia ducis in bello est causa quò minus in castris ardeat contentio: ergo eloquentia populi ductoris est causa quò minus in vrbe fiat seditio. Antecedens, Cæsar, Themistocles & Xenophon fulmina belli & eloquentiæ: rationem verò Cicero & Demosthenes eiusdem lumina & fluentia probant: nam illi turbam militum, hij populi furorem mellitissimis linguis mitigarunt. Porro quid aliud est eloquentia quàm copiosè loquens sapientia ad bonum ciuitatis tendens? Ergo si moderatores populi sint eloquentes viri, facilè seditiosos superabunt; nam maior vis est in voce eloquentis quàm in pugnantis manu. Postremò ut peritus medicus morbos & vulnera periculosa à putredine: ita eloquens populi moderator mores & vlcera ciuitatis à seditione seruat. Sed ut morbi diuturni citò contagionem gignunt sine ope medicinæ: ita mores populi citò ad seditionem tendunt sine ope & subsidio eloquentiæ. Concludo igitur in populi ductoribus eloquentiam causam esse quò minus in ciuitate fiat seditio.

Opp. *Roma & Athenis maximè eloquentia floruit: at in illis ciuitatibus aristocrata non populi potentia fuit: ergo videtur eloquentiam in populari statu maximè non requiri.*

Resp. *Et si oratores in illis ciuitatibus oracula reipub. extiterunt,*

non

non tamen sequitur quin his de causis quas diximus magis ad popularem quàm ad optimatum potentiam requiratur eloquentia. Præterea in illis quoque rebus publicis eloquentia maximè causas populi non senatus spectabat, ut in historijs videre licet.

Opp. *Arist. docet in textu blandos ductores populi fuisse causas cur democratia in tyrannidem sæpè mutata fuerit: ergo in illis non eloquentia, ut blandè docere: sed innocentia vita, ut iuste facere possint, videtur requiri.*

Resp. *Oratores viros bonos esse debere affirmat Quintilianus, idipsum hoc loco Arist. eloquentes ergo hic solum illos appellamus, qui omnem sermonem ad studium pacis & virtutis flectunt, quiq; populum ad bonum ciuitatis trahunt.*

CAP. VI.

Utrum causa conuersionum in oligarchia rectè assignentur?



E causis conuersionis in oligarchiâ seu diuitum potentiâ proximè nunc agere oportet, quæ in genere duæ sunt, iniuria oblata alijs, & inter se discordia. Iniuria est, cum pauci imperium tenentes premunt & veniti- luti pedibus conculcant populum, qui iugum tyrannidis impatienter ferens cupidè ad vindictam sumendam rapitur. Nam quamuis nobiles & opulenti quasi in manu thesauros, leges, imperia ciuitatis tenent, fieri tamen non potest ut diu conspiranti populo furioso resistent. Exemplo nobis in hac re est plebs Romana, quæ à nobilibus laesa inuito senatu suos catulos latrantes & tribunos habuit. Discordia, quæ est secunda causa conuersionis, duobus modis ut hic docet Aristoteles contingit; vel cum desti-

Discordiæ
causæ duæ.

Ff 2

tuti

tuti imperio seditionem mouent, vel cum imperantes ipsi factioni fiunt. Primum est quando per paucis ad honorem admissis alij potentes inuidiâ flagrant, rebusq; nouis eo viq; student, donec ipsi quoque in altis honorum sedibus collocentur, vt Massiliæ, Istri, Heracleæ & in alijs ciuitatibus permultis contigit, in quibus cruentæ per nobiles tragediæ agebantur, donec frater fratri, patriq; filius contra leges illarum vrbiu in possessione dignitatis successerit: hinc Istri oligarchia versa in democratiam fuit, at Heracleæ à paucioribus potentibus ad sexcentos venit. Secundum, quod est inter ipsos diuites & potentes factio, trifariam euenit, vel ob paucitatem eorum qui admittuntur ad honorem, vel ob contentionem illorum qui plures sub sua potestate habent, vel per eorum ambitionem qui suam exosi sortem ad altissimum fortunæ gradum scandere enituntur. Paucitas enim in hoc statu populum armatum ad seditionem reddit, contentio verò nobilium vires penitus eneruat, ambitio deniq; ad tyrannidem aut monarchiâ tendit: quippe si pauci sint magistratus debilis est hæc potentia, & impetum populi sustinere non potest. Si contentiosi sunt & inter se diuisi, mirum non est si ruinam videant, si ambitiosi, necesse vt casum periculosum sentiant, nam fortunæ scala lubrica est, & via honoris præceps. Exemplum primi est de populo, qui Cnidi oligarchiam propter paucitatem magistratuu in aliam formam commutauit. Exemplum secundi est de Charicle vno ex triginta Athenarum ephoris, qui populo assentatus seditionem fecit, sic Phrynichus ille vnus ex quadraginta viris, sic ciuium custodes Larissæ (Politophylactes dicti) olim fecerunt. Exemplum tertij est quorundam militum qui ab Heracleensibus electi in subsidium sibi ambitiosè rapuerunt imperium, hoc quoque euenit cum alter alterû pellere & alterius comoda impedire conatur maximè in conuiujs & iudicijs in quibus affectus statuq; hominum potissimum vulnerantur. Sequuntur nunc aliæ in hac forma reip. conuersionis causæ, nempe profusio rerû, dissolutio morû, electio iniusta, violenta oppressio; his addit Philosophus diffidentia nobiliû qua timent populum

pulum & affluentiam fortunæ quæ parit odium: Prodigalitas seu profusio magistratuu (vt à prima initium sermonis sumam) est quasi gurgis sine fundo, & quasi lues sine modo ciuitatis, quippe infinitè consumit bonum & infinitè in malum fluit; hinc custodes reipublicæ fures, oppressores, proditores & tyranni fiunt, nam exhaustis suis in aliena ruunt: sic Dionysius tyrannus ille fretus Hippario quodam (qui omnia vendidit) ad summum tyrannidis fastigium venit. Morari in hac re non possum, aliter optarem hinc vehementius vt nobilibus sua vendere nō liceret. Altera causa est dissolutio, quæ in textu luxus & intemperantia magistratuu dicitur. O vtinam Sardanapali non viuerent, qui Laides magis quam ciuitates amant: sed festino. Alia causa est electio iniqua magistratuû, quæ tum dicitur cum meliores viri iniuste à muneribus ciuitatis dispelluntur, aut cum in perpetuum creantur quidam; vt nonaginta olim Elide, & Lacedæmone triginta, qui paucorum imperium in formam tyrannidis commutarunt. Hinc alia causa nascitur, nempe violenta oppressio, quæ semper manu fulmina seditionis gerit. Nā vetus est illud vbi oppressio ibi (si liber sit populus) seditio sequitur. Quare minus cautè & prouidenter hodie multi reges agunt, qui populum suum in pistrinum ad molendum tradunt, suosq; ciues non aliter quam seruos & mancipia premunt. Ex hac etiam altera iam causa fluit, nempe diffidentia nobilium quæ timent populum; nam exortâ tempestate belli suorum ciuium suspicantur fidem, externos in auxilium vocant, se illis temerè committunt, superantur perfidi, pelluntur patriâ, mutatur forma ciuitatis: hæc omnia Corinthi, Larissæ & in alijs permultis locis, vt est in textu Aristotelis, eueniunt. Vltima causa conuersionis est affluentia fortunæ, quæ sortè tota ciuitas beata redditur; hinc rebus prosperis & ad voluntatem ciuium fluentibus omnes & singuli moluntur regere, quibus si repulsa detur, vis statim & confusio sequitur. Causis iam datis formas in quas vertitur diuitum potentia paucissimis in calce huius capituli ostendit Philosophus: hæc vero sunt aut homogeneæ cum solum gradus, aut heterogeneæ cum mutantur

Prodigalitas
gurgis sine
fundo.

Dissolutio morum.

Electio iniqua

Violenta oppressio.

Diffidentia nobilium.

Affluentia fortunæ.

Causæ proprie
communes.

tur species. Exempli causâ, homogeneæ sunt si oligarchia secundum leges gubernata in alium modum transeat, in quo non leges sed diuitum consulta vigent; heterogeneæ autem cum diuitum potentia in optimatum aut populi imperiū migret: hæ causæ, hæ formæ sunt ex quibus & in quas oligarchica hæc sphaera ciuitatis vertitur; sed ne dū brevis esse laboro obscurus fiam, præcipua eorum quæ diximus capita hîc recensenda puto. Causas ergo mutandæ istius formæ in proprias & communes diuide: communes sunt iniuria illata populo & inter ipsos diuites orta contentio. Propriæ sunt profusio rerum, dissolutio morum, electio iniqua, violenta oppressio, diffidentia virium, & affluentia fortunæ, quibus addi potest assentatio populi, & diuitum si peccent periculosa condemnatio. In illa enim sophisma, in hac magnum stratagemata inest: quippe cum opulenti & magni viri reimpub. atrociter vulnerarint, specie in patriam charitatis tecti assentantur & blandiuntur populo; sciunt enim se non posse securim fugere, si hoc modo non conentur reipub. formam commutare. Marius nobilis Romanus ille commisit scelus, accusatus capitis ad tribunal venit, reus sceleris inuentus adulatur populo, succensent patres, repugnant ciues, quid sequitur? Tragædia & miserabilis ciuitatis alteratio: cautè igitur in hoc statu iudicandum, politicè condemnandum erit. Nam vt leones vulnerati crudeliùs sæuiunt: ita nobiles quæstionem capitis ægrè ferunt & patiuntur. Si ergò hos tolli aliquando iustitia mandet, nubeculis vtendum quidem est ne cadentes cometas multitudo videat: quippe populus in illis non seditionis ardorem sed splendorem dignitatis, non pericula futura sed præsentia lumina considerare solet.

Distinctio.

Causæ conuer- sionum in diui- tum potentia sunt, aut	{	Communes, vt iniuria & discordia.
		Internæ, vt dissolutio morum, profusio rerum, diffidentia animi, assentatio populi.
		Externæ, vt electio iniqua, iniusta oppressio, affluentia fortunæ &c. quæ dilucidè exponuntur.

Opp.

Opp. Nulla hic traduntur causa conuerisionum quæ alijs ciuitatis formis non conueniunt: ergò malè vt propria & germana cause istius à Philosopho assignantur. Antecedens patet ab inductione singularum, nam iniuria, discordia, dissolutio morum, profusio rerum, & cetera quæ recensentur non minùs monarchiam, aristocratiam, aliosq. statum reip. quæ ipsam de qua nunc agimus diuitum potentiam tollunt.

Resp. Proprietates istarum causarum non in rebus sed in personis modisq. agendi cernitur, sunt enim res ipsæ quæ hic recensentur alijs & huic communes pestes: sed si personas & modos agendi consideres, ex communibus propriæ & germana fiunt. Verbi gratiâ, electio iniqua & iniusta oppressio lapsus causa sunt in omni rep. ac si ad diuites & opulètos referas propriæ conuerisionis cause in hoc statu fiunt: ratio est, quia diuites in hac solū forma sunt magistratus, qui dissolutione morum, profusione rerum, diffidentia animi, assentatione populi, alijsq. similibus modis sapissimè statum ciuitatis in aliam formam vertunt.

Opp. Affluentia fortuna est causa conseruationis: ergò malè hic inter causas conuerisionis ponitur. Antecedens patet, quia requiritur à Philosopho vt ciuitas sit omni affluentia rerum fortunata.

Resp. Affluentia fortuna requiritur ad splendorem & necessitatem ciuitatis, non ad tumorem & insolentiam ciuis: causa ergò hic dicitur cum eadem diuites abutuntur.

Opp. Condemnatio seditiosi diuitis conseruat oligarchiam: ergò rectè inter causas eiusdem interitus non numeratur. Antecedens constat, quia sublato seditioso magistratu reipub. metu liberatur.

Resp. Condemnatio Crassi aut opulenti alicuius qui ladic tempu. habetur hic causa seditionis, non quòd tum metu non liberetur ciuis cum monstrum extinguitur, sed quia plerūq. eminentis viri canda & stimulus multitudo dicitur, quam si ante iudicium non lenias, cantharides ex sepulchro euolantes senseris: nam nobiles aliquando mitius viuunt, & mori nisepe acrius quàm viuis suos hostes pungunt.

Dubium.

Vtrum adultores populi permittendi sint in ciuitate viuere?

Anguis in herba latet, cum nobiles populo blandiuntur, serena frons malitiam tegit, & assentatio nobilium insidias struit. Rectè Athenienses obiurgat Solon,

Vos cata lingua viri, vos dulcia verba morantur:

Ef 4

Insidias

Plut. in vita
Solonis.

Insidias nemo, quas struit illi, videt.

Cur rides Cæsar? Cur arrides populo? Est certè in hoc risu magna suspicio. Pessime Antoni cur deseris senatum? Causa in promptu est, vt acquiras imperium. Itanè Clodi adularis plebi? Dignus sanè es vt condemneris cruci, sed verbis ludo, re ipsa tamen hoc ipsum probo. Proditores patriæ non sunt permittendi in ciuitate viuere, sed adulatores populi sunt proditores patriæ: ergò adulatores populi non sunt permittendi in ciuitate viuere. Maiorem fateor, minorem nego. Non est cur neges si assèrationis istius finem altius perpendas; nam dic quæso quò istæ blanditiæ tenderent, quorum proceres populi feces & turbas colerent? quare se custodes ciuium & Politophylaces appellarent? Si causam non sapias insanis nimium, hoc enim modo flammæ conceptas in sinu tegunt, quas quidem tum in mediam ciuitatem spargent cum populum sibi satis deuinctum sentiunt. Homo inepte hostes apertos capi, & occidi iubes, Et adulatores populi qui sunt occulti & insidiosi hostes viuere & in senatum venire sinis? Quid aliud hoc est quàm mænia armis defendere & intra muros ciuitatem seditionis facibus deuastare? Lege si placet de Cariele, de Phrynicho, alijsque populi demagogis, & si probes illorum facta, hæc nega, si velis, quæ fixi argumenta. Dic sodes vis esse prudens ciuitatis cultos? Serio tum discere nobilium quis aduletur populo, si quem inueneris, citò inuentum corrige; nam si diutius permittas hoc malum serpere, cum optes non licet remedium adhibere.

Opp. *Tribuni plebis sunt adulatores populi: sed tribuni plebis sunt permittendi in ciuitate viuere: ergo adulatores populi sunt permittendi in ciuitate viuere. Maior & Minor constant ab exemplo tribunorum apud Romanos, qui existentes demagogi & blandi populi ductores diutissime floruerunt.*

Resp. *Tribuni plebis fautores non adulatores populi dicerentur, fuerunt enim creati & instituti non ad adulationem sed fauorem plebis. Quod verò Clodij inter illos vixerint, vi potius quàm iure hoc enuisse puto.*

Opp.

Opp. *In democratia necesse est vt nobiles viri & magistratus blandiantur populo: sed in eo statu reip. sunt permittendi viuere: ergo adulatores populi sunt permittendi viuere. Maior probatur, quia in democratia populi libido regit, cui si non cedant nobiles contra ius ciuitatis agent.*

Resp. *Si ultimam speciem popularis potentie intelligas, in qua populi libido regnat, negamus illam esse formam ciuitatis: at si mediocrem administrationem populi proponas, affirmamus in ea istos Clodianos permittendos non esse; quippe assentando leges violant & populi statum in tyrannidem conuertunt.*

CAP. VII.

Utrum cause conuersionum in aristocratia & politia rectè assignentur?



MNIA suum tempus habent, quare non solum rerum publicarum labe sed etiam optimæ ciuitatum formæ sua fata videt: in motu sunt humana omnia, & vt ortum ita canicem interitumque sunt habitura, nihil fixum, nihil permanens in hoc mortali gyro; mirum non est ergo si infirma cadant, mirandum tamen cū

firma & alta imperia ruant: popularis potentia & oligarchia, de quibus nunc diximus, apertas sui lapsus occasiones habet, sunt enim instabiles & fluxi ciuitatis status; verum animo cogitare quomodo magna virtutis lumina sideraque mundi ita deficerent, vt eorum nulla relinquatur vestigia, non solum admiratione sed etiam stuporem adfert. At vbi Assyriorum inatutina stella, vbi magna Persarum pompa, vbi viridis Græcorum palma, vbi aquila Romanorum manet? Consenuerunt hæc omnia & veluti annosa planta in puluerem rediguntur. Aristocratia igitur & politia de quibus nunc agimus quasi in piramide fortunæ positæ aliquandò nutant nec non fatorum motu concussæ declinant sæpè. Causæ hic à

Ff 5

Philo-

Aristocratia
alia Simplex,
alia mixta.

Causæ com-
munes.
1. Paucitas
magistrat.

Contaren. de
Venet. rep. &
Bembus.
Venetiana
Aristocratia.
2. Communis
ignominia.
Plut. in Agel.
& Lyfand.
Diod. Sic. lib.
14. cap. 4.
3. Depriuationis
honoris.
Ouid. Meta-
morph. lib. 13.
Xenoph. de
rep. Spartan.
4. Inopia.

Philosopho paucis assignantur, quas breuiter percurram antequam ad argumenta veniam: animaduertendum hîc est nō agi hoc loco de simplici sed de mixta aristocratia; mixtam autem appello illam quæ ex virtute, libertate ac diuitiarum affluentia constat, cuius cōuersionis causæ sunt aut communes aut propriæ, communes vt paucitas magistratuum, ignominia, depriuationis honoris, inopia, ambitio. Propriæ vt virtutis languor & contemptio, iniusta & inæqualis temperatura, immoderata rerum fortuitarum accessio, minimarum mutationum negligentia. Paucitas magistratuum in aristocratia & politia magnam sæpè inuidiam parit, nam cum in illis sint multi virtute pares, qui dignitate æquales non sint, necessariò sequitur vel inter optimos quædā æmulatio ex qua nonnunquam fumus seditionis nascitur: & quamuis boni & studiosi viri rarò de honoris ymbra contendunt, cum tamen sit honor præmium virtutis, magnanimi est existimare eundem sibi iustè pro merito virtutis attribui & concedi debere. Verùm si præmia, hoc est si honoris officia desint, Parthenij vt est in textu moliuntur insidias, id est carentes dignitate stomachantur. Probè factum erit si in his formis reipub. sint multa calcaria stimuliq; virtutis, vt apud Romanos aliquandò 300. aliquandò 500. senatores, apud Lacedæmonios 400. aliaque munera ad quæ studiosi veluti ad signa quædam in theatro ciuitatis contenderent. Huius defectu meo iudicio Venetiana aristocratia diu florere nō potest, in qua multi sunt stirpe nobiles, & ij quidem ex grandi (vt loquuntur) at soli decem ex summo & intimo consilio. Secunda causa communis est ignominia, qua aliqui ab honoratioribus quibusdam viris afficiuntur. Insolens & impatiens est mens humana dedecoris, viri magnanimi non possunt ferre contumeliam, hinc Lyfander malè tractatus à regibus inuasit rempub. idem fecit Catilina cum petebat consulatum. Tertia causa nempe depriuationis honoris huic per similis & cognata est, quippe cum Ajax petit munus ab eo depulsus fuit, vt Cinadon ille qui regnante Agefilao, Spartiatis penitus delere tentauit. Inopia quarta causa mu-

ca-

tationis traditur, quæ est quando alij cum extremâ miseriâ conflictantur, alij rerum abundant copiâ: nam vt mediocritate seruantur respublice: ita extremis omninò dissoluntur. Hoc olim contigit Lacedæmone in Messeniensi bello, hoc Tyrtæus in pœsi (quæ eunomia seu lex bona inscribitur) accuratè ostendit: hoc quoque nostra tempora declarant, in quibus ciues bellis exhausti in natali solo aut mendicare, aut latrocinari, aut fame & inopiâ miserè perire compelluntur. Vltima causa inter communes est plusquam Persica & insana ambitio magistratus, qui cum Alexandro totius mundi imperio non contentus viuit: sic apud Lacedæmonios videtur Pausanias ille fuisse, qui dux belli aduersus Medos fuit, & apud Carthagenenses Hanno. Sed hæc in textu sunt luce clariora, ad proprias ergo iam causas venio, quarum prima est languor & contemptio virtutis. Certum est in optimatum potentia & politia non tam homini quàm virtuti sceptrum deberi, nam omnia secundum æquitatem & iustitiam in illis facienda: si ergo ab ea declinent, membrorum conuulsio & tremor sequitur: nam vt mens est in corpore, ita in illis virtus: at sine motu corpus perit: ergo sine virtute illa conuulsa cadunt. Secunda inter proprias causas est impar & inæqualis in his formis mixtio. Vt hanc causam intelligas, perpende temperatam non simplicem aristocratiā à Philosopho describi, quæ ex tribus constat, videlicet libertate, diuitijs & virtute, quorum si æqua non obseruetur proportio, necesse est vt contingat seditiosa conuersio. Nam vt consensus humorum in corpore sanitatem, intemperies morbum parit: ita istorum inter se conspiratio saluam, distractio verò turbulentam ciuitatem reddit. Nam in quamcunque partem inclinet respublica in eam conuertitur, vt si in libertatem tendat democratia, si in opulentiam oligarchia, si in excessum & excellentiam tyrannis oritur: sola ergo æqualitas virtutis & dignitatis manet. Tertia causa est legum optimarum antiquatio & abrogatio, nam vt laxati nerui in corpore humano magnam infirmitatem, concisi verò tormenta

Pol. 4. cap. 11.

5. Ambitio.
Iust. lib. 2. Plur.
in Themist. &
Aristid. Diod.
lib. 11. cap. 10.

Causæ propriæ.
1. Languor virtutis.

2. Impar mixtio.

Libertas, Diuitiæ, Virtus,
in aristocratia.

Humorum
crasis.

Politia vitiosa
quod vergat.

3. Antiquatio
legum.

doloris

4. Affluentia
nimia.

5. Neglectio
transgressionū.
Vide. cap. 4.

Modi mutadæ
aristocratia 2.
Pol. 4 cap. 11.
Diod. Sic. lib.
13. 7.

doloris gignunt: ita leges optimæ (quæ sunt veluti nerui harum administrationum) si negligentur dissolutionem, si autem omnino antiquentur seditionem faciunt. Hoc quidem Thuriensibus euenit inter quos nobiles contra leges, ut ait Arist. agros toros eousq; possidebant, donec (seditione facta) populo omnia cedere cogebantur. Causa quarta est immoderata rerum fortuitarum accessio, quæ oligarchiæ & tyrannidis plerumq; mater est. Nam cum senatores aureos montes cogitant, raro excubias in arce ciuitatis faciunt: excessus enim otiosos magistratus reddit, & confidentes ad omne audendum & aggrediendum facinus; quippe hoc dæmone possessi contra leges & instituta maiorum sibi licentiam rapiunt, moluntur noua, demoliuntur omnia. Hæc causa Locrorum senatui ac ciuitati perniciem attulit, ut aperte Arist. in textu docet. Postrema causa mutationis in aristocratia & politia est minimarum transgressionum neglectio, cuius finis vulnus & mors est ciuitatis. Nam ut rimula in naui neglecta demergit nauem: ita minima mala in ciuitate non obseruata totam sepius rempub. in discrimen trahunt. Lex erat apud Thuriōs ut ultra quinquennium nemo exercitus præfecturâ gereret: Iuuenes hanc legem violant, factum videbatur paruum, negligitur, duces perpetui fiunt, forma ciuitatis in aliam vertitur & mutatur: sed de hac re postea pluribus dicendum est. Præter has causas in hoc cap. docet Philosophus aristocratia conuersionem fieri duobus modis, vel internè cum intra mœnia alitur seditio, vel externè cum dissimilis vel potius contraria est vicinarum ciuitatum administratio, qualis inter Lacedæmonios & Athenienses fuit. Hactenus de causis euercentibus illas respub. in quibus plures dominantur diximus, sequitur ut de causis iam conseruantibus breuiter dicamus.

Distinctione opus non est, cum satis distinctè & articulatim singulæ causæ enumerentur.

Opp. Imperium quod virtute regitur facile non cadit: sed aristocratia est forma ciuitatis quæ virtute regitur: ergo aristocratia facile non cadit. Maior constat, quia virtus stabilis & firma est omnisq;

nisiq; contentiois vacua. Minor patet, quia in aristocratia sola virtus regit; his concessis sequitur in hoc statu seditionis motus non concitari. Pol. 3. c. 5. 7. 8.

Resp. Aristocratia est vel simplex, quæ solùm ex studiosis & bonis viris constat, at hæc in rerum natura non existit; vel mixta quæ ex liberis, bonis & opulentis coalescit, & hæc motu aliquando seditionis labefacta concidit. Non hic de simplici sed de mixta disputat Philosophus. Aristocratia Simplex, Mixta.

Opp. Politia & aristocratia sunt distinctæ rerum pub. formæ: ergo eadem causæ conuersionis in utraq; tradi non possunt. Ratio constat, quoniam quæ sunt naturâ distincta, distincta sunt ortus interitusque principia habent. Pol. 3. cap. 5.

Resp. Non sunt naturâ distinctæ rerum pub. formæ, sed ut aiunt subordinatæ, nam sub politia aristocratia ut species sub genere continetur.

Opp. Aristocratia non est nisi in ea maxime virtus dominetur: ergo male hoc loco æqualis virtutum, diuitiarum ac libertatis mixtio requiritur. Antecedens probatur ex definitione aristocratia. Ratio tenet, quia ibi non est æqualis mixtio ubi vnius prædominatio manet. Pol. 3. cap. 7.

Resp. Non est æqualis mixtio quoad pondus, ut aiunt, ubi vnius Mixtio ad pondus, iustitiam prædominatio, at est æqualis quoad iustitiam: & sic in aristocratia virtutis, opulentia, liberalitatis est temperatura, ita tamen ut cæteris præluceat virtus à qua hic status pendet.

Opp. Studiosi & boni viri externos honores populiq; applausus non peterent: ergo priuatio honoris in aristocratia seditionem non efficeret. Antecedens patet, quia virtus non in bonis externis sed internis cernitur. Ratio probatur, quia in aristocratia virtus dominatum tenet. Virtus sese contenta.

Resp. Daplex respectus est in petendo honore, vel sui vel ciuitatis. Boni & studiosi viri honores petunt non sibi sed ut ciuitati proficiat; his enim ornati magis lucet, populumq; qui maxime rebus externis capitur, ad maiorem curam habendam ciuitatis trahunt. Boni honores petunt, non sibi sed ciuitati.

Dubium. Vtrum liceat nobilibus viris quocumq; veline affinitatis iure se copulare?

Aper-

Nobilium affinitas, quasi galaxia.

Questionis veritas

Contra affinitatem cum exteris contrahendam.

Ratio 1.

PERTVS est de hac re in textu Philosophus, Lacedæmonie inquit opes ad paucos perueniunt, daturq; nobilibus quidlibet faciendi potestas, ut eis etiam liceat quocum velint affinitatis iure coniungi: itaq; Locrorum ciuitas propter Dionysij affinitates prorsus euerfa est, quod in benè mixta & temperata rep. nunquàm contigisset. Quid? An liceat bubulco affinitatem quocum velit contrahere, & patricio viro idipsum agere legibus negatur? Quæ obsecro causa est cur non liceret? Affinitas nobilium in peregrinis nationibus honores, opes, & vires auget, ciuitatem munit, hostes pellit, dissoluit lites, amicitiam gignit, omnia in republica augustiora, omnia firmitiora facit, sidera conferta magis quàm dispersa lucent, & ita affinitatis iure coniuncta lumina ciuitatis; Surculus in plantam insitus alterius generis, naturæ vi cum illa crescit, fructumque vberiore fundit: ita quidem sanguinis scaturigo in aliam nationem deducta beatior ciuitatem reddit. Vt ergo vis vnita fortior; ita sanguinis coniunctio melior. Roma, Lacedæmon, Athenæ, aliæq; gentes affinitatis peregrinæ fædera non contempserunt, & hodie monstrum non est idipsum fieri; nam quis magna imperia ac ciuitates ubiq; gentium affinitatis vinculis coniungi non videt? Non est ergo neganda affinitas, non est nobilibus prohibenda. Hęc omnia (quæ ais) speciem quandam veritatis habent, sed spinæ sub rosas pungunt, & hami sub esca dulciore latent: nam si res ad viuū disputetur, inuenies multò meliùs actum iri cum illa ciuitate, in qua ista affinitatis licentia prohibetur, quàm in qua sine vlla circumstantiarum consideratione permittitur: fucatas ergo rationes tuas nego: quippè ista sanguinis copulatio honores, opes, vires, non auget, ciuitatem non munit, non pellit hostes, non dissoluit lites, amicitiam non gignit, omnia augustiora & firmitiora non facit, sidera tua conferta non lucent, surculus insitus & insertus de quo loqueris non crescit, exempla quæ adfers non probant, leuissima sunt omnia quæ dicis, idq; non verbis sed rebus sic probo. Periculosius est ciuitati permittere, ut principes viri nuptiali sedere alijs gentibus iungatur, quàm peregrinos ad

ad participationē ciuitatis admittere, sed illud (ut antè probatum est) non licet: ergo nedum hoc licebit. Maior constat, quia principes magis nocere possunt, & certè retinentes serpentinam naturam occultius nocebunt: si occasio detur: nam peregrini peregrinos mores non possunt deponere, in quibus si venenum lateat, quis aspidis ictum non timet? maximè cū lumina ciuitatis peregrino semine inficiantur. Præterea innotatio morumq; diuersorum confusio tolerari in recta reipub. forma non debet: ergo principibus neganda est alterius gentis nuptialis associatio. Argumentum tenet, nam hinc legum mutatio, hinc morum confusio, hinc rerum innouatio nascitur; quippè gratæ non sunt tantorum nuptiæ, si leges, mores & ritus patriæ aliquantulum non cōmutentur: at quantum periculum hęc ciuitati ferant cecus & infans sapiunt. Deinceps id non licet in iusta administratione ciuitatis vnde contentio, ira, seditio oritur: sed ex nuptiali principum libertate contentio, ira & seditio oritur: ergo nuptialis principum libertas non est licita. Assumptio probatur, quia fieri non potest quin ista licentiā datā populus grūnare & murmurare incipiat, metuaturq; ne sub hac specie primarij viri reipub insidias struant: ex hoc metu contentio, ex hac contentione furor, ex hoc furore seditio fumos & flammæ petit; tutius ergo est hoc ipsum negare quàm permittere, quàm tolerare. Porro ut monstrum est capiti humano alterius animantis partes & membra annexere: ita malū est ciues alterius gentis nobilibus (quæ sunt ciuitatis capita) nuptiali sedere copulare. Nam ut illud vi nature fieri non potest sed errore: ita hoc ex præscripto prudentiæ permitti non debet sed ignorantia humanā aut saltem incuria, quæ sæpè portenta in ciuitate parit. Insuper dic quæio quo alio modo Hetrusci, Samnitæ eneruati & extincti fuerunt à Romanis olim, nonnè peregrini sanguinis coniunctio illis causa tragædiæ fuit? Postremo quis audet negare Abrahamum & Isaacum religiosam habuisse curam nè sui filij cum Cananitis (quamuis iuxta habitauerunt) nuptiali sedere iungerentur? Cum Moabitibus & Ammonitis nuptias contrahere Israeli non licuit, quantumuis illi sanguine populo Dei

Ratio 2.

Ratio 3.

Ratio 4.

Ratio 5.

Ratio 6.

Gen. 28.

Dei copulati erant. Nihil hic de nuptijs Salomonis dicam, quæ inter scelera à Nehemia religioso illo aulico numerantur. Sed propius accedam, legite annales nostros de nuptijs Henrici primi, secundi, tertij, Iohannis primi, Eduardi secundi, qui omnes non nuptias sed potius exequias reipub. celebrasse dicantur. Si ergo Anglia, Gallia, Germania, aliæq; vicinæ nationes ex hoc ouo basiliscos in sua viscera protrusos & proreptantes olim senserunt: nonne longè prudentius respublicæ illæ administrantur in quibus hoc virus non spargitur, quàm quæ eodem infectæ periclitantur? Sed nihil hoc loco simpliciter & absolutè definire audeo, cum Catones, Scæuolas, Fabritios, hoc est grauissimos senatores contrarium aliquando approbasse videam. Cæterum in eam partem nunc mea propendet opinio, vt existimem multò firmiores illas ciuitates esse, in quibus hoc monstrum non alitur, quàm in quibus viget ac toleratur.

Opp. Sæpè coguntur ciuitates vicinas nationes in subsidium sui vocare, sed nullo modo melius hoc fieri potest quàm si principes cum principibus iure affinitatis copulentur: ergo iure affinitatis copulari principes non est absurdum. Minor constat, quia affinitas natura vinculum est quo ex multis unus fiat; hinc Euripides, Affinitas præclara res est quæ in aduersis rebus nihil est melius.

Resp. Hæc ratio fallax est, magisq; non tenet quàm si diceret, medicina est salubris in tempore agri tudinis: ergo simpliciter medicina est salutaris. Nam et si fateamur affinitatem aliena & vicina gentis non nocere tempore necessitatis, si tamen hinc simpliciter prodesse reip. talem affinitatem concludas, non coherebit ratio. Neq; hoc loco concedimus vel tempore necessitatis hoc optimum remedium esse, si modo aliter in suppetias allici & vocari nostri vicini possunt. Euripidis sententia non est de peregrinâ sed de domesticâ affinitate, vt apud illum videre licet.

Opp. Consuetudo maiorum multa q; exempla nationum in historijs docent hoc olim licuisse: ostende igitur causam cur iam non liceat. Præterea ex tali vniõne nobilium imperia diuersa quasi in vnum coaluerunt, nec non contra hostis impetum & maliciam diutissime in portu permanserunt.

Resp.

Resp. Non quid consuetudo sed quid ratio iubet hoc loco queritur; exempla sunt istius rei, vt fateor, sed in illis sapius perniciēs quàm salus ciuitatis eminet. Licuisse hoc ais, sed rarissime; ex præscripto legis tolerata fuerunt multa, sed non approbata mala. Quod dicis ex tali vniõne nobilium imperia diuersa quasi in vnum coaluisse, verum est in Romano imperio, quod alia multa hoc modo deuorauit. Reliqua quæ adfers verba sunt, & summa probatione egent.

CAP. VIII.

Utrum cause conseruantes reimp. sint corrupentibus contraria? Utrum nimis malis exortis in ciuitate remedium præsens adhiberi debeat?



De perniciē satis, nunc de salute ciuitatis agitur; illius causæ morbi sunt, huius verò remedia ac medicina. Vt ergo medicus tam sanitatem quàm ægritudinem corporis considerat: ita politicus nō solum pestes sed etiā causas conseruatrices ciuitatis tradere & assignare debet: hinc verba in textu hæc sunt. Si ea quæ sunt pernicioſa ac pestifera reipub. administrandæ formis teneamus, perspicuum est ea quoq; nobis esse nota quæ sunt his salutaria: contrariorum enim efficientia sunt contraria, at interitus seu perniciēs saluti contrariatur. Ex his verbis colligo principia conseruationis & interitus inter se opponi & sibi inuicem repugnare. Ratio prima à contrarietate effectuum petitur, nam contraria effecta contrarias causas habent: sed dissolutio & conseruatio reipublicæ sunt contraria effecta: ergo dissolutio & conseruatio reipublicæ contrarias causas habent. Propositio huius syllogismi Topicum axioma est. Assumptio probatur, quia dissolutio est mors quædam & interitus, conseruatio autem vita & quasi salus ciuitatis: at inter mortem & vitam, interitum & salutem lis est & repugnantia. Præterea causæ quæ habent contrarios fines sunt inter se contrariæ, sed causæ conseruantes & corrupentes reimp. contrarios

Quæstionis
primæ funda-
menta.

rios fines habent: ergo causæ conseruantes & corruptentes reipub. sunt inter se contrariæ. Maior cõstat, quia diuersitas finium repugnantiam causarum arguit. Minor probatur, quia finis causarum conseruantium est beatitudo, corruptentium verò est ipsa miseria ciuitatis. Huc adde similia illa ex naturâ & medicinâ, nempe quòd sic se res habeat in ciuitate vt in natura & medicina: sed in natura causæ interitus sunt contrariæ causis salutis, & in medicina causa morbi causis sanitatis: ergo in ciuitate principia dissolutionis & conseruationis sunt inter se contraria. Postremò ab inductione omnium causarum earumq; comparatione hoc ipsum apertum & perspicuum erit: nam si hæc cum illis, hoc est conseruatrices cum corruptentibus conferantur, vtriusq; oppositio liquidò apparebit. Sed dices eadem medicina aut cibis nonnunquam prodest, nonnunquam nocet eidem corpori: cur igitur eadem causa id ipsum non faciat ciuitati? Præterea bello aliquandò corrupti, aliquandò etiam conseruari ciuitatem videmus: est ergo sæpè vna eademque causa vtriusq; effectus. Neque id verum est quòd semper contraria effecta contrarias causas habeant, nam sol indurat lutum, dissoluit ceram. Leuiores hæc sunt quæ ducis, nam si concedantur singula, non lædunt causam: quippè eadem causa potest diuerso respectu eidem prodesse & obesse sæpè, vnum tamen per se, alterum fortuitò & casu agitur. Verum si effecta vi suâ cum causis suis conferantur (vt fit hoc loco) necesse est vt contrariæ causæ contrarios effectus habeant. Quod de sole adfers, nihil est cum non ad idem dispute- tur; hic enim quæritur, Vtrum repugnantes causæ contrarios effectus in eadem ciuitate gignant? Tu verò doces eandem causam in diuersis rebus vt in luto & cerâ diuersos effectus procreare, quod quidem non negamus, hæc enim diuersitas non in causa sed in subiecta materia inest. In textu nunc sequitur secunda propositio vnde etiam secunda iam quæstio nascitur, quæ est, Vtrum minimis malis exortis in ciuitate remedium præsens adhiberi debeat? Latentes & occultæ impetigines sæpè in læpram totius corporis serpunt: ita quidem malorum

Dubia.

Idem prodest
& obest diuer-
so respectu.Quæstionis
secundæ sta-
tus.

malorum mica in molem conuerti potest. Grana veneni nonnunquam vitam tollunt, sic minima mala ciuitatem; in malis ergo non pondus sed virus, non magnitudo sed contagio, non species sed perniciēs quæ ex illis oritur spectari debet. Inter causas ergo conseruatrices ciuitatis quas hic tradit Philosophus hæc minima non est, quæ nos monet vt malorum atomi in administranda ciuitate non negligantur; hoc ipsum probat à similibus Aristoteles. Quemadmodum inquit parui sumptus (si sæpè fiant) rei familiaris quantumuis amplæ fontem exhauriunt: ita legum & institutorum transgressiunculæ si accumulentur nervos concidunt ciuitatis: & quamuis in minimis statim non apparet commutatio, serpunt tamen hæc monstra & veluti è cauernulis suis primum in angulos tum in arces ciuitatis suas flammæ suæque venena spargunt. Si ergo in vlla re cautus sit magistratus, in hac maximè vigilare ac prouidere debet, nè parui nomine deceptus istum sophisticum & astutum paralogysmū audiat, nempe, Ignosce Cæsar nam hoc paruum, ignosce iterum nam illud paruum, paruum hoc tertium ignosce quæso; sic totum paruum est quia partes parua, imò totum prauum est quia partes prauæ. Nam vt ex multis granis magnus aceruus: ita ex multis paruis offensionibus immane facinus constituitur. Hoc quoque perspicuum est in similitudine errantis & amantis perditæ. Nam vt parua in principio itineris digressio fit magnus in fine error: ita minima legis transgressio si negligatur fit tandem lues ciuitatis. Caueat ergo Scquola qui virgulam censoriam tenet, nam aliter vt Pamphyli in re amatoria ab hystrionica salutatione ad oscula, & deinceps ad alia concepta scelera sensim & pedetentim veniunt: ita isti à paruis malorum punctis & vmbris in Oceanum profiliunt flagitiorum, quorum pestifero halitu tota infecta ciuitas tandem contabescit. Nauis tametsi magna paruis arenis aliquandò mergitur, dic ergo causam cur ciuitas minimis malis non conquassetur? Sit ergo hoc vnum inter reliqua de conseruatione reipublice vtile ac salutare præceptum, vt minimis malis enascentibus in ciuitate præsens

Minima casti-
ganda sunt
mala.

1. Ratio.

2. Ratio.

Gg 2

reme-

Adulatores
arceudi à rep.

Integritas
principum.

Prouida cir-
cumspectio in
periculis
suspectis.

remedium adhibeatur. Accedo nunc demum ad secundam conseruandæ ciuitatis causam, quæ monet ut archisophistæ & adulatores à republica penitus relegentur. Isti enim vulpinis ingenijs & caninis blandimentis populum decipiunt: quippè insidiosus sophismatis & phaleratis verbis sepius ignari capiuntur. Pulchrum videtur pauperi ut nullam incurrat pœnam si non ad senatum veniat, sed captio hæc est, nam sub hoc obtentu diues sibi imperium rapit; remedium ergo hic tradit Philosophus ut istis fides omnino non detur, nam sub aureo folio lethale venenum fundunt. Tertium conseruationis præceptum est ut principes viri rectè se gerant tam erga eos qui sunt extra rempub. quàm erga eos qui ad gubernacula ciuitatis sedent: hoc enim modo debiles & infirmæ respub. sæpè magnæ & diuturnæ fiunt: nam cum in eo statu homines viuunt in quo nullis iniurijs, nullis damnis, contumelijs nullis afficiuntur, non dubitandum est quin ciuitati ut sibi suisq; faueant: putat ergo Philosophus consultum iri, si plures regant, ut multa popularia instituta fiant. Nam ut alimentis in singulas partes corporis receptis magis conseruatur totum: ita beneficijs in omnes ciues collatis tota respublica multò beator redditur. Huius rei defectione oligarchia sæpè in popularem potentiam, & monarchia in tyrannidem couertuntur: obseruandū tamen hic est magnos honores per longum tempus priuatis concedi non debere; quippè tantum mali conari non possunt qui paruo tempore quàm qui magno magistratum tenent. In quarto axiomate conseruandæ reipublice præscribit Philosophus, ut tam magistratus qui in specula ciuitatis vigilant, quàm ciues qui in operibus versantur, imminentes procellas ac tempestates timeant. Nam ut incuria magistratus est ciuibus exitio: ita vigilans timor reipublicæ magno præsidio erit. Facile enim hostis timentes non inuadit, de repentino vigilantes non opprimit & confundit: qui enim timent reipublicæ globum semper in oculis ferunt, hostium insidias non solum remotè sed etiam propè instructas vident. Quinta conseruationis causa est ut seueris legibus nobilium dissidia coer-

cean-

ceantur, ut liberi & immunes à contentionibus ad factionem non incitentur, ut denique nascitura mala antequam radices agant dextrâ magistratus extirpentur. Sed festino ad sextam causam, quia de hac antea satis copiosè diximus, in illa enim Philosophus census remittendi & augendi rationem & proportionem habet. Dictum est enim antea ex diuersitate census mutari quandoq; paucorum potentiam & politiam: remedium huius mali est si pro auctis & diminutis ciuium facultatibus census proportio fiat, adeoq; secundū istam proportionem factam munera & præmia ciuitatis dentur. Septima causa huic cognata est, nēpè ut magistratus non patiantur vltos vltra modū in ciuitate aut diuitias, aut honores, aut populares amicos sibi accumulare; hæc enim plerūque homunciones tumere faciunt, nam rarò sedato animo res prosperas & secundas ferimus. Cum ergo madantur honores, tutius est paruos diu quàm breui spatio magnos concedi; si verò contigerit in vnū aliquem plurima effundi, aut paulatim hæc tolli debent, aut ipsum sic excellentem negotijs externis & legationibus impedire oportet: his enim modis vel diminuetur potentia, vel si resistat iusta tollendi dabitur occasio, melius est enim membrum tolli quàm ut totum pereat. Octauò requirit Arist. ut grauis censor & vigilans inspector morum in ciuitate qualibet habeatur, qui obseruet linceis oculis potissimum eos qui reipub. parum accommodatè viuunt: nemo enim in ciuitate inutile pondus esse debet, nemo insigniter flagitiosus: cogendi ergo sunt mali ad censuram, cogendi ad rationem vitæ. Boues sine stimulo, segnes sine flagello, mali ciues sine censoris virgula rarissime suum munus & officium præstant; si ergo non sit in administratione ciuitatis disciplina, nascetur ex otio periculosa ciuium morumque licentia: hoc verò otium maximè tum euenit, cum magnam reipublicæ partem secundo afflatu fortunæ exultantem & ferocientem videris: cuius mali primum remedium est particulis ciuitatis contrarijs rerum agendarum curam mandare imperiaque tradere; quod si non feceris cicadæ otiosæ exedent fructum, & formicæ laboran-

Census pro-
portio.

Modicæ fa-
cultates, diui-
tiæ, honores.

Grauis cēsor.

Gg 3

boran-

Honores me-
rito non quæ-
stui fiant.

Ararij cura.

Favor.

Hereditarium
ius.

borantes sustinebunt esuriem. Nona conseruandæ ciuitatis causa est inter cæteras maximè utilis & necessaria, nimirum vt summo perè caueatur, nè honores turpissimo quæstui fiant & exponantur. Meretrices enim sunt dignitates quæ se substernunt lucro, ignominiosi sunt honores qui augmentantur pretio: quippè creantur magistratus in republica non vt onerent sed vt honorent ciuitatem, non vt ciues premant sed vt oppressis opem clementer ferant. Sed ô Christe, vbi hic candor? Vbi est hic amor virtutis? Lepram Nahami serui quis timet? Quis corium corrupti iudicis intuetur? Verum alibi de hac re satis dictum est, ad decimum præceptum venio, in quo cautio est ne ararium publicum compiletur: hoc autem nè fiat prescribit Philosophus vt pecuniæ per curias, tribus & centurias coronâ ciuium spectante in gazam deferantur, rationesq; publicæ & rerum & officiorum sæpius exigantur; aliter enim ungues vulturum mordiculis tenebunt prædas, & in priuatos vsus (quod publicum est) iniuste rapietur: constituendi ergo sunt in qualibet ciuitate clauigeri atque ædiles honestissimi viri, qui potius bono communi quàm suo ipsorum lucro addicti viuunt. Aliud præceptum sequitur quod maximè ad democratiam & paucorum potentiam spectat, eiusdem vis & sententia hæc est, quod in democratia opulentis, in paucorum potentia egenis parcere & fauere oporteat, nam aliter verendum est ne conflata inuidiâ tandem oriatur seditio: si verò locupletum copias inminuere ac decurtare velis, politici est eos cogere ad ludos, choros, aliaq; istiusmodi munera exhibenda populo, in quibus laus aliqua acquiritur, & quorum aliquando vsu ciuitas recreatur. Postremum axioma est vt patrimonium non donatione sed successionem generis in sobolem reipub. transferantur, hoc enim modo naturæ digitus heredem, iustitiæ habitus possessorem facit, at naturam omnes, iustitiâ boni colunt. Illud quoque addit Arist. quod nemo plures hæreditates vnâ teneret, sic enim æquabiliores erunt reip. facultates, pluresq; egenes copiosi & locupletes fient. De paucorum potentia hoc dictum esse exponit Thomas, quia si pauperes non minùs

quàm opulenti Plutum hoc est diuitiarum deum possint licet salutare, & qualitatis specie contenti quiescent magis, diuitumq; imperium placatiùs ferent.

Distinctio.

Demonstrantur in
hoc cap. causæ con-
seruatrices reip. ex
quibus eximuntur

Quæstiones due,
quarum

Prima est de contrarieta-
te principiorum.
Secunda est de præsentis
malorum remedio, vt antea
distinctè probatur.

Præcepta seu documenta optima, quibus ius-
tè administrari & conseruari potest ciuitas, quæ
etiam suis locis, numero ordineque constant.

Oppo. contra primam quæst.

In politica causa conseruatrices corruptibilibus non sunt contrariae: ergo absolutè in omni statu reipub. hæc quæstio non tenet. Antecedens patet, quia politia ipsa constat ex contrarijs partibus, nempe ex oligarchia & democratia, hinc causa quæ vnâ conseruat partem, alterâ corrumpit, sed eadè causa sibi nõ est contraria, est ergo status in quo hæc causa non sunt contraria, nisi easdè sibi contrarias diceret.

Resp. Oligarchia & democratia considerari possunt duobus modis, aut diuisim, & sic sunt contraria forma ciuitatis; aut coniunctim & mixtè in politia, & sic non sunt contraria: nam vt elementa in mixto temperiem, ita hæc duo in politia vnâ ciuitatis formam efficiunt. Respondeo igitur causam quæ conseruat vnâ partem, alteram non corrumpere in politia neq; sibi contrariam esse.

Opp. Timor ciuium est causa rebellionis: ergo non est causa conseruationis, vt hic defenditur. Antecedens patet, quia oderunt quem timent homines. Ratio tenet, quia eadem non est causa contrariorum, vt in principio huius capituli docetur.

Resp. Timor vel est seruilis, & sic est causa seditionis: vel venerabilis (qualis est filiorum in patrè, subditorum in principem) & sic est causa amoris & conseruationis ciuitatis. Alij respondent timorem hoc loco intelligi illum, quo solliciti sumus de malis futuris, quibus vulnerari potest respublica.

Timor seruilis,
venerabilis.

Opp. contra secundam quæstionem.

Opp. Mala sunt necessariò toleranda in ciuitate: ergo minimis malis præsens adhibere remedium non est res tam necessaria vt hic

hic requiritur. Antecedens constat, quia fieri non potest quin mala fiant (est enim corrupta natura hominis) at si quoties peccent homines sua fulmina mittat Iupiter, exiguo tempore inermis erit. Præterea in multis leuioribus conuiuere debet prudens magistratus, multaq; sunt dissimulanda mala: ergo de minimis sollicitari non debet. Postremo multa sunt concedenda infirmitati naturæ; hinc usura, lupanaria, bigamia, aliq; sexcenta mala tolerantur: quod si aquile, muscas, leones mures, hoc est si magistratus res minimas curarent, Socratis leges arancarum tela viderentur, in quibus res minima impedita penderent, res verò ponderosa laberentur facile.

Resp. Verba hæc sunt, nam quamuis necessario sunt toleranda mala, non tamen sequitur quin malorum initia omni conatu ac studio tollerentur; nam hinc cogimur labe reip. sapissime tolerare, quia non conati sumus primas causas malorum tollere. Fateor ergo conuiuendum esse sæpè nec non dissimulanda mala, hoc etiam addo plurimum infirmitati naturæ concedendum esse: verum hæc non probant remedium præsens non adhibendum esse: nam quamuis in malis commissis prudentia iubeat nonnunquam conuiuere, malorum tamè initijs prouidētia (quæ est futurorum perspicax) iubet occurrere præsensq; remedium adhibere, & hoc non est muscas aut mures capere, sed maximorum facinorum occasiones & radices euellere.

Opp. contra causas conseruationis.

Opp. Politicum non est cum potentiam diuitum metuamus illos cogere ad choros, ludos & spectacula edenda populo, ut illorum diminuantur copia: ergo male hoc ipsum præscribitur. Antecedens patet, primum quia honorificentius est ut aliqui abundantes rerū copiâ ad splendore & ornatu ciuitatis viuant, tum quia ludi chorici & spectacula res minimè viles definiuntur in textu esse, in quas pecunias profundere est indecorum.

Resp. Animaduertendum hic est quod sit aperta interpretum in hac parte textus cōtradictio; nam Argyropilus sic exponit ut Arist. omnino prohibere ludos, choros aliaq; id genus delectabilia videatur. Lambinus verò quem sequor apertè contrarium sensum elicit, ut legentibus videre licet. Respondeo igitur consultum & politicum esse ut potentia diuitiaq; nobilium quos timemus aut legationibus ut supra, aut ludorum faciendorum, curationibus extenuentur:

nam

nam quamuis decus ciuitatis requirat ut sint qui magnâ rerum copiâ abundantes ad splendorem ciuitatis viuant: cum tamen eorum potentia in perniciem tendat hoc stratagemata (quo languidiores fiant) non est negligendum. Præterea et si res minimè utiles dicantur istæ, si habitum iustitiæ; sunt tamen utiles, si ornatum reipub. spectes, in qua non omnia ad necessitatem, sed multa etiam ad dignitatem & decorum sunt.

Opp. Unitas religionis seu pietas est maxima causa conseruandæ ciuitatis: sed hæc omittitur ab Arist. ergo rectè de causis non disputauit. Maior probatur, quia religio est timor Dei quo ciues maximè in officio continentur.

Resp. Quod necessario intelligitur non deest, at necessario hanc causam intelligi hinc cōstat, quod Arist. sæpè de sacerdotibus sacraq; facientibus ante disputauerit: certum est vel ethnicos habuisse quandam formam religionis, sed euannerunt in cogitationibus suis & stulti facti sunt. O utinam nos Christiani religionis unitati studeremus, nam miserabilis experientia docet nihil magis animos ad seditiones distrabere quàm cōtradictionis spiritu impulsos in religione fluctuare.

Dubia capitulis.

An tutius sit paruos honores diu quam breui spatio magnos cōcedi? An ludi & chori in ciuitate permitterentur?

SEPTIMA causa reipub. conseruandæ est, ut nemo ultra commensum & conuenientem modum augeat diuitijs, honoribusque efferatur; ne verò hoc fiat, præscribit Philosophus ut potius parui honores diu, quam breui spatio concederentur magni. Parui honores sunt munuscula, magni autem augusta munera & officia ciuitatis; in istorum comparatione priuina hæc dubitatio ponitur, nam probat Philosophus multò consultius in ciuitate paruos honores diu quam breui tēpore magnos concedi. Rationes quinque assignari possunt, à cōparatione, à naturâ humanâ, à circumstantijs, à similibus, & ab exēplo. A cōparatione, quoniâ in paruis honoribus (tametsi diuturnis) est timor exiguus, at in magnis (licet breuissimis) est tumor maximus: qui enim paruis fruuntur officijs si insolescant facile sedari possunt, at qui in summis reipublicæ subsellijs sunt constituti, si intumescant non nisi periclitante

Gg 5

tante

Rationes questionis primæ,

rante repub. deuinciuntur. A natura humana hoc ipsum probatur, quia plerumque naturæ vi incitatur ad summum fastigium rerum, grauissimèque patimur & sustinemus occasum: cum ergo in alto sumus timemus lapsum, & si videamus hanc gloriam breui mansuram, siue iure siue iniuriâ possessionem contendimus retinere: sed in paruis honoribus tantam nominis eclipsim non patimur: melius ergo est paruos honores diu quam magnos breui concedi ac demandari. A circumstantijs, quia magnis honoribus præditi ad breue tempus officia retenturi à loco, à tempore, à diuitiarum & amicorum copia auxilium quarunt, ut viribus superiores facti vno quasi impetu possint in sui fauorem volentes & nolentes pellerè: sed parui honores etsi sint diuturni istis subsidijs & circumstantijs carent. A similibus, quia ut peracuti morbi & dolores ad breuissimū temporis spatium durantes citius extinguunt vitam quam lenti diutissimè permanentes: ita honores magni & violenti breui finiti tempore maius periculum ciuitati creant quam parui qui diu multumque in reipublicæ luce continuantur. Vt enim est in acutis morbis impetus quo vita tollitur: ita est in magnis honoribus temporis breuitate definitis rabies quædam, quâ ciuitas ipsa conquassatur. Ab exemplis hoc etiam constat, quia nemo negare potest breuem Cæsaris dictaturam periculosius vulnerasse Romam quam perpetuum Catonis consulatum. Alia nunc dubitatio sequitur, Vtrum ludi, choriq; permittendi sint in ciuitate? Memini me olim in Ethicis de his rebus obiter disputasse, verum quoniam opportunè se offert quæstio, abs re non erit eandem paucissimis demonstrare: censeo ergo quibusdam adhibitis circumstantijs hæc tolerari ac permitti debere; non quod per se & vi suâ res vtilis, sed quod in moderato illorum usu splendor comitatus (quæ virtus minima non est) manifestè apparet. Sunt igitur ludi non inanes & histrionice fabulæ, veneris illecebræ, sed facete comædiæ magnificèque; tragædiæ, in quibus expressa imago vitæ morumque cernitur. Choreæ hoc loco non sunt sumendæ pro lasciuis corporis motibus in gyro factis quibus inflammatur Venus,

Quæstio. 2.

Ludorum &
chorearum
acceptio.
Cic. pro Mu-
ren.

de quibus sic ait orator, Nemo saltat sobrius: sed pro numero, ordine & harmonia virtutis decoro corporis motu ad viuum expressis, in quibus ipse Dauid olim delectabatur sanctus. ^{2. Reg. 6. 14.} Spectacula sunt celebriora quædam theatra ciuitatis, ^{Spectacula.} ut coram principibus stadium currere, hastas vibrare, visu noua, sumptuosa & admirabilia ostendere: quod hæc sunt licita sic probo. Non sunt inhonesta, non sunt indecora: ^{Ratio.} ergo sunt licita. Iterum honesta recreatio est licita in ciuitate: sed in istis est honesta recreatio: ergo hæc sunt licita. Præterea multa splendide, magnificè multa in ciuitate fieri est licitum: sed hæc sunt istiusmodi: ergo hæc sunt licita. Deinceps mortales sine intermissione à studijs, curis, negotijs diu viuere non possunt, sunt ergo aliqua inuenienda media quibus ciuitas recreetur: at meliora istis arte inuentis, authoritate approbatis, celebratis ordine excogitari non possunt: ergo sunt permittenda. Porro hæc sunt virtutum nempe astabilitatis & comitatus media: ergo sunt toleranda. Adhuc in his mores hominum depictos discere, præclara inuenta doctorum obseruare, temporum antiquorum caniciem cernere, vocem, vultum, gestumque splendide componere, varios affectus & passiones mouere, famam acquirere & comparare possumus. Cum ergo ex ijs tot comoda existant, non solum toleranda sed etiam iuste approbanda videntur. Insuper antiquissimis olim temporibus in omni præclare instituta repub. floruerunt ista: ergo sunt licita: desiderari non possunt exempla in hac re. Nam Roma, ^{Fenestella.} Athenæ, Lacedæmon, Carthago, aliæque mille ciuitates lo- ^{cap. 13.} quuntur, in quibus ædiles ob hanc causam fuerunt instituti. Postremo his addi potest ratio quæ est in textu, nempe quod hoc modo potentiores viri quos timet ciuitas (coacti ad ista edenda populo) elumbentur sedatioresque fiant.

Opp. *Diuturnitas in paruis honoribus non minus nocet reipub. quam in magnis concessis breuitas: ergo tutius non est paruos diu quam breui spatio magnos concedi. Antecedens probatur, quia contagio seditionis tempore longo serpit antequam in pestem vertitur: sed in paruis honoribus longum tempus conceditur, in magnis breue.*

Scenæ trige-
mina corona.

Honores
magni breues,
parui diutur-
ni.

breue. Præterea videmus in monarchiis summos honores esse perpetuos, mediocres verò breui finitos tempore, quod certè in optimo statu reipublica non fieret, si hac quæ docet Philosophus vera essent: nam si magnos honores concedere breui temporis spatio sit periculosum, perpetuos eosdem fieri erit longè periculosissimum.

Seditio serpit, volat.

Resp. Contagio seditionis aliquando tardius, aliquando velocius desunt: at in magnis tametsi breui spatio duraturis velox & violenta est, quia vires & materia adsunt. Ratio quæ additur de summis honoribus in monarchiis facile in contrarium sensum retorquetur, nam (non ait Philosophus) periculum esse in perpetuitate maximorum honorum, quâ summis viris est satisfactum; sed breuitate, quâ homines ambitiosi vulnerentur: non ergo sequitur hac ratio, brevis vsura honoris nocet: ergo perpetuitas magis nocet; quia breuitas & perpetuitas non hic ut maius & minus, sed ut contraria & repugnantia, quorum est contraria ratio, sumuntur: argumentum ergo hoc modo inuertitur, Breues si magni honores nocent: ergo perpetui non nocent.

Opp. contra secundum dubium.

Actio in histriones.

Opp. Ludi, choreæ, spectacula res minimè utiles in textu dicuntur: ergo non sunt licita. Præterea sapè bonos mores corrumpunt, opes exhauriunt, animos ciuium à rebus necessarijs ad nugas flectunt: ergo sunt prohibenda. Huc adde quòd instar monstri sit videre viros muliebri veste histrionice dissimulantes feminas, & cum iisdem in gyrum saltantes turpiter: non sunt ergo toleranda ista. Insuper in primitina luce ecclesia patres hac ipsa prohibuerunt, definientes nihil aliud hac esse quàm à mensis ad ludos surgere: at expresso Dei verbo hoc negatur: ergo & illa. Postremò sexcenta sunt alia meliora nos recreandi media, ut hymnos canere, fabulas morales legere, auiculas cantatrices cum Diuo Ambrosio alere.

Exod. 22. 6.
1. Cor. 10. 7.
Ephes. 5. 19.

Resp. Singulis his argumentis ordine respondeo, primum ergo affirmo ludos, choreas, spectacula, res minimè utiles respectu maximarum rerum quæ in ciuitate solent nominari. In secundo argumento antecedens nego, nam hac (modo quo antea definiuimus) mores non corrumpunt sed corrigunt, animosq; ciuium non ad inanēs nugas sed ad utiles vitæ ideas trahunt. Ad tertium dico non indecorum esse, non

impium

impium ut viri seminarum personas in scenico theatro fingant: nō enim in veste sed in mente sceleris contagio inest. Altera pars argumenti choreas veneris non Diana & virtutis urget. De quarto argumento sic sentio, quòd patres solū prophana & ethnica spectacula prohibuerunt, quæ nomine Iouis, Phæbi, aliorumq; idolorum superstitiose celebrata fuerunt: at honesta & laudabilia hæc, de quibus iam loquimur, agere non est à mensis ad ludendum surgere. In postremo argumento nimis seueros stoicos loquentes ut opinor audio, qui virtutem omnis perturbationis vacuitatem esse definierunt. Agnoscō quidem hymnos canere sanctum esse & delectabile, sed d. cant isti mihi, an semper hymnos & Psalmos cantant, edunt nunquam? Epulantur nunquam? Imo Corinthum cum Demosthene nunquam saluant? Quid multis? In ludis & choris laudetur nomen domini ut ait Rex ille propheticus.


Scelus in mente, non in veste.

Psal. 150.

CAP. IX.

An ad munus principis necessario reipub. dilectio, potentia & iustitia requirantur?

An in duce exercitus eligendo potius scientia rei militaris quàm amor virtutis aut ciuitatis spectari debeat?



*Q*UONIAM principes summiq; magistratus rerum. sceptræ & spheræ tenent, necesse est ut præter causas iam allatas conseruandæ ciuitatis ab illis quædam reipub. præsidia & ornamenta fluant. Sunt autem summi magistratus, quorū veluti dextrâ ac potestate cardo seu globus totius ciuitatis in bonū aut malum vertitur, quippe penes illos est summa potentia rerum. De illis nunc differens Philosophus requirit tria, quæ maximè habere magistratus decet, nempe dilectionem status quem tenent, potentiam quâ alijs præsent, virtutem quâ suis ciuibz vitæ exēpla fiant; in primo amor, in secundo honor, in tertio splendor honestatis lucet: in duobus illis velle & posse, in hoc postremo bene

Tria magistratum ornamenta.

1. Dilectio.

Eth. lib. 8. c. 10.

Platin. Polit.

Val. Max. l. 5.

Liui. decad. 1.

lib. 2. & 7.

Exod. 32. 32.

2. Potestas.

bene velle & posse insunt; at non solum velle & posse in summis viris sed bene velle & posse ad iustam reipub. administrationem spectant, hæc tria igitur in summis administratoribus ciuitatis sunt necessaria; sed vt sigillatim tractentur ista, primum de dilectione, tum de potentia; postremò de virtute principum dicemus. Dilectio est beneuola, constans & fidelis affectio animi sic transiens in rem aut personam dilectam vt eidem non minus bene quàm nobismetipsis exoptemus: hanc in primarijs viris ciuitatis postulo, quippè si non diligant remp. cui præsumt, proculdubio non dabunt operam vt in beato statu conseruetur; tædium enim est & molestum nobis illud tueri quod non diligimus. Præterea qui fieri potest vt patres non diligant suos filios? At gubernatores reipub. sunt patres: ergo gubernatores reipub. ciuitatem diligere. Illud quoque notum est tyrannos odio suo ciuitates perdere: ergo oportet veros principes easdem diligere. Huc adde quod sicut medici morbos corporis: ita principes mala ciuitatis tollerent, quod quidem sine beneuolo affectu fieri non potest. Deinceps summi viri sunt ipsa lumina & præcordia ciuitatis: ab illis ergo & splendor & amor in ciuitate fluerent. Nam vt à præcordijs est vita partium si sit consensio: ita à magistratibus est salus ciuium si sit dilectio. Quid? An potest aliquis odisse seipsum? sed si princeps non diligit ciuitatem seipsum odit: ergo princeps semper ciuitatem diligit. Maior constat, nam nihil sibi perniciosum querit. Minor patet, quia princeps nihil aliud est quàm personata ciuitas. Postremò hanc charitatem in patriam olim Codrus rex ille Atheniensis, Lycurgus rex ille Spartanus, Scæuola, Curtius, alijque infiniti viri nobiles ostenderunt, qui omnes & singuli mori pro sua patria non dubitarunt. Nihil hic dicam de Moyse duce illo & magistratu optimo, qui potius quàm populus periret suum sanctissimum nomen è libro vitæ expungi & obliterari voluit. Alterum quod hic in moderatoribus reipublice requirit Philosophus est potestas rerum, quæ nihil aliud est quàm iuste acquisitum in ciuitate imperium. Vt ergo per amorem appetitur reipub. conseruatio: ita per potentiam iustitiæ actio & executio queritur. Optamus enim bene

bene per dilectionem, at openi præstamus solum per imperium; sed vt parum est amare aliquem nisi possis prodesse: ita paruum est reipublicam diligere nisi possis adiuuare: dic quales sunt principes sine sceptro, quales sunt summi viri sine imperio? Est ergo potentia in illis necessaria, potentia inquam in leges, potentia in ciues, potentia denique quæ bonos euehere, malos tollere, res magnas tractare & definire possunt: sunt enim principes animatæ leges non Idææ, sunt summi magistratus non idola. Tertium quod requiritur in principibus est virtus seu iustitia (vt textus habet) reipublicæ (in qua viuatur) accommodata: nam, vt hic ait Philosophus, si non idem ius quadrat omnibus reipublicæ administrandæ formis, iustitia quoque differat necesse est; alio enim modo alij atque alij id ipsum sumunt quod iustum est: non quod iustitiæ habitus & essentia, sed quod modus & existentia mutetur, vt in ethicis docuimus: quod verò hæc sit necessaria sic probo. Verus honor non est sine virtute: sed principes viri verum haberent honorem: ergo principes viri virtutem colerent. Præterea illorum corrupti mores totam ciuitatem inficiunt, necesse est ergo vt virtute alijs præluceant. Porro qui possunt alios iuste reprehendere & coercere cum ipsi illud Catonis audiant?

Turpe est doctori cum culpa redarguit ipsum.

Postremò olim non homines sed virtutes maiores nostri ad amplissima in reipub. munera extulerunt, cur igitur nunc temporum insignis hic ordo consenesceret? Sequitur in textu obiter iam alia quaestio, nempe, An in duce exercitus eligendo potius scientia rei militaris quàm amor virtutis aut ciuitatis spectari debeat? Philosophi sententia hæc est, In imperio militari mandando peritia vsusque rei militaris potius quàm virtus spectari solet; rariores enim existunt boni imperatores quàm boni viri. Quid? an modò tantopere virtutem in summis postulauit, & nunc in imperatore eandem negligit? Animaduertendum hic est distinctionem virtutis adhibendam esse: nam alia moralis, quæ virum bonum; alia ciuilis, quæ ciuem aut magistratum studiosum efficit; illa animi, hæc officij virtus vt supra dicitur.

Princeps animata lex.
Cic. 3. de legib.
3. virtus.

Pol. 2. cap. 9.

2. Quæstio.

Virtus moralis, ciuilis.

Vide Cic. pro
lege Manil.

Ducis virtus
& quaestoris
diuersa.

Rationes.

Pol. 3. cap. 3.

Plut. in horum
vitis.

dicatur. Cum ergo dicat Philosophus potius militaris rei scientiam quam virtutem in duce exercitus eligendo spectari debere, non absolute postponit virtutem scientiae militari, sed comparate loquutus ait magis in bello hoc ipsum requiri; optandum tamen est ut duces Themistoclem & Scipionem tam in rei militaris disciplina quam in vitae integritate imitentur, hoc est ut non solum hostes sed etiam seipsum vincere & moderari contendant, ut facinora egregia agant & facinora vitae fugiant. Verum si eo res deducta sit tandem ut exorta belli tempestate vel ad rem militarem administrandam aptus, sed improbus; vel erga rempub. beneuolus iusteque affectus, sed scientiae militaris inscius sumeretur, virtutem potius officij in hoc casu quam animi spectare oportet: quippe Antonius quamuis Cleopatram diligat, imbelli Catoni qui solam iustitiam colit est preferendus, non quod Cato non sit vir melior, sed quod Antonius rei militaris longe peritior habeatur: haec omnia eo perueniunt ut potius leo quam lepus rebus bellicis praeficiatur. Ceterum si non dux exercitus sed quaestor ciuitatis fieret, maiorem virtutem quam scientiam requirit Philosophus; in duce enim militaris scientia, in quaestore probitas & conscientia quaeritur; quid moror? Rem punctis agam. In electione illa maxime requiritur virtus quam munus susceptum melius praestatur: sed munus imperatoris bellici melius scientiam rei militaris quam virtute perficitur: ergo in electione imperatoris bellici potius scientia militaris quam virtus requiritur. Praeterea sine rei militaris scientia victoria acquiri non potest: at sine vitae innocentia potest: ergo magis illa quam haec in electione ducis desideratur. Porro potest aliquis esse bonus ciuis etsi morales virtutes desint: ergo potest aliquis esse dux fortis etsi vitae integritate careat. Insuper ut leo fortis & tamen rapax, ita dux peritus & tamen vir malus esse potest. Postremo Sylla dux nobilis sed superbus, Coriolanus dux nobilis sed furiosus, dux nobilis Antonius sed intemperans, dux nobilissimus Alexander sed crudelis fuit: quamuis ergo optandum quidem sit ut in belli ducibus factis responderet vita, in electione tamen eorum potius bel-

li

li scientia quam vitae ratio considerari debet. Sed dicet hic aliquis quod omnino in administratione reipub. non desideretur virtus, quippe si suppetat alicui & reipub. gubernandae facultas, & erga reipub. administrandae formam beneuolentia, nihil aliud desiderari videatur; nam quid ultra posse & velle in administranda ciuitate requiri potest? Istam obiectionem in textu diluit Arist. ait enim quod sic se res habeat in administratione ciuitatis ac in gubernatione sui ipsius, sed euenit saepe ut quis & seipsum diligat & possit operari, defectu tamen virtutis cupiditates sequatur, minusque recte viuat; ita quamuis magistratus posse & velle habeat erga rempu. si tamen virtus deficit facile errabit, minusque iuste & studiosè reget. Nam ut parum prodest in planta facultas producendi fructum si desit fructus: ita in summo magistratu parui estimatur gubernandi reipublicam potentia si desit virtus. In potentia semen & intentio, in habitu vero fructus & perfectio inest: non satis est ergo velle, non satis posse, nisi secundum habitum virtutis opus actioque sequatur. Vtinam hic principes summi que viri ac magistratus animaduernerent se sine virtute nihil aliud esse quam errantes stellas sine luce, florentes plantas sine fructu. Sed de his haecenus, nunc alia pars capituli sequitur, in qua documenta quaedam conseruandae reipu. ab his tribus (de quibus iam diximus) dependentia constant. Horum primum instar oraculi est, nempe ut illa pars ciuitatis superior sit quae reipublicae formae praesenti faueat, eamque saluam esse velit, inferior autem ea quae rebus nouis studet: sic enim maior firmiorque potentia magistratus, sic diuturnior ciuitatis administratio erit. In altero praepcepto requirit Philosophus singularem prudentiam magistratus, ut in qualibet reipublicae constitutione medium obseruet & perscrutetur, excessus enim perniciosus est: errant igitur qui in populari statu conseruari rempub. somniant, si omnia decreta fiant popularia. Similiter in oligarchia falluntur qui ignorantes medium omnia trahunt in potentiam diuitum, nam certum est (licet isti status administrandi rempub. sint labes si optimam ciuitatis formam spectemus) in iisdem prudentes

Dubium.

Resp.

Imperium sui,
& reip. similia.

Inanis potentia.

Stella sine luce,
Planta sine fructu, Princeps sine virtute.

Corollaria politica 4.
1 Inferior sit pars quae nouis studet.

2 In constitutionibus medium seruandum.
Pol. 4. cap. 11.

H h

3. Politici iudicium de ijs quæ statui possunt.

4. Disciplina civium secundum leges.

prudentes viros mediocritatem quandā non latere, à qua deflectentes turpiter errant, statumque reipub. ignoranter concutiunt: hoc probat Philosophus similitudine. Nam ut finæ nares aliquantulum à recto deflexæ suam pulchritudinem adhuc non perdunt: ita hæc labes reipub. nempe popularis diuitumque potentia (si in extrema non tendant) mediocritatem seruant; sed ut illæ nimium aduncæ & aquilinæ deformes: ita hæc nimium (ut ita dicam) dentatæ immanes & intolerabiles fiunt. Tertium documentum est quod legumlatores & politici nosse debeant, quibus rebus quælibet forma civitatis conservetur: hinc iuste reprehendit Philosophus antiquas consuetudines magistratuum in nonnullis oligarchijs & democratijs, in quibus olim ultro citroque infectis & maleuolis iuramentis susceptis alij alijs utrimque perniciem machinati sunt. Nam cum neutra administratio consistere quidem potest sine opulentiæ & plebe, fieri non potest quin labefacta ruat, si iureiurando accepto nocendi hinc inde occasio detur, hoc est si diuites iurent perniciem plebi, si iterum plebs iurata diuitibus exitio fiat, remedium istius mali amor est & gratificatio omnium. Postremum præceptum est ut ciues ab incunabulis ad disciplinam reipub. legumque observationem informantur, sic enim instructi sine murmure & difficultate maiorum decretis obtemperabunt: nullius ergo rei maior principibus cura esse debet quam educationis omnium, maxime verò procerum in quibus lumen civitatis splendet. Sed de hac re in Ethicis copiosius diximus, & in septimo Politicorum dicturi sumus, tacitus verò hoc vnum præterire non possum, quod carpere videatur Aristoteles magistratus in oligarchijs, qui diuitum filios molliùs & effeminatius educari sinunt, pauperum verò liberos omni laborum genere opprimi & onerari iubent. Quod olim Philosophus de oligarchicis magistratibus dixit, utinam de moderatioribus rerum publicarum in hoc sæculo dicere non liceret; certum est mollem indulgentiam procerum luem civitatis esse maxime pestiferam, quippe si fontes inficiantur necesse est ut rivuli sordibus coinquantur.

Distinctio.

Distinctio.

Discutiuntur in hoc cap. { Due quæstiones, quarum { Altera virtutes principis. Altera officium bellici imperatoris docet. Quatuor propositiones, quæ sunt de parte superiore civitatis, de medio, de prudentia legumlatorum, de educatione procerum.

Opp. contra primam quæst.

Opp. Plura in summis magistratibus requiruntur quam dilectio, potentia & virtus: ergo accurate de istis non disputavi Philosophus. Antecedens probatur, quia prudentia in omni magistratu maxime requiritur, quippe sine prudentia nomen magistratus meretur nemo.

Plut. lib. Cum principe philosophandum.

Resp. Prudentia (ut vult Aquinas) sub nomine potentia continetur, nam potentia est triplex, natura in robore, rationis in prudentia, civilis in amicitia multorum constans: prima in summis viris non requiritur, duo autem postrema genera requiruntur.

Potentia triplex.

Opp. Dilectio oligarchia est mala: ergo ut statum magistratus diligat in omni statu reipub. non requiritur. Antecedens probatur, quia oligarchia est labes civitatis, sed labem reipub. diligere est malum: ergo dilectio oligarchia est mala.

Resp. Primum negatur quod oligarchia sit simpliciter labes reipub. nam quamvis opponitur aristocratie simplici, respectu tamen mixta non penitus habetur mala. Aliter etiam respondeo, requiri, ut mali principes malas reipub. formas diligant, si easdem diu conservare velint.

Opp. Potentia res est imperiosa & ambitione plena: ergo summis viris eandem concedere est periculosum. Antecedens probatur, quia potentia est reipub. clavis in quo salus aut perniciēs civitatis ponitur.

Potentia clavis reipub.

Resp. Et si mali potentia abutuntur, non tamen sequitur quin bonis & studiosis sit necessaria: nam ut illi ad perniciem, ita hi ad salutem reipub. hac datâ potestate tendunt.

Vide Plut. lib. requiri in principe doctrinam.

Opp. contra secundam quæst.

Opp. Periculosum est duci nec diligenti patriam, nec colenti virtutem exercitum committere: sed hoc ponit in textu Philosophus faciendum.

Hb 2

faciendum: ergo id quod est periculosum hoc loco praescribit. Maior patet, quia si non diligat patriam, hac dat a occasione facile potest euertere, si non virtutem, colat neque se neque alios recte moderari queat, ut postea in textu etiam probatur.

- » Resp. Hac verba Arist. multis subobscura videntur, ait enim, Si quis ad ducendum exercitum aptus sit sed improbus, atq; erga reipub. administranda formam non benevolus, est tamen bono & beneuolo ad imperium militare preferendus. Notandum hic est non sic intelligi Philosophum, quasi diceret illum rei militari esse praeficiendum qui nec patriam omnino diligat, nec virtutem colat: sed comparatè hic praeceptum dare, quod peritus & expertus rei militaris, tametsi praesenti administrationi ciuitatis non multum faueat, sit belligenis & inexpertis hominibus preferendus.

CAP. X.

Vtrum regnum & tyrannis recte distinguamur?

Diuisio eorū
quae sequuntur.



OSTREMA hæc pars libri est in qua causæ conseruandi & corrumpendi respub. illas differuntur in quibus vnus solum præest ac dominatur. Distributa est hæc pars in tria capita, quorum primum causas euertendæ tyrannidis & monarchiæ, secundum causas vtriusque conseruandæ, tertium Platonis de causis errata continet.

In hoc primo capite huius tractatus discutiuntur duo, propositio & comparatio: propositio est rerum de quibus deinceps dicere proposuit, comparatio in distinctione regni & tyrannidis consistit. Propositio hæc est. Restat vt de monarchia differamus, & quibus rebus soleat interire, & quibus conseruari. Huc addit Philosophus quod quæcunque supra de aristocratia, oligarchia, & democratia dixerit, eadem de regno & tyrannide nunc quidem dici possint. Nam monarchia persimilis est aristocratia, tyrannis verò ex popularis diuitumque potentia vitij extremis constat: est ergo
(vt

(vt superius demonstratum est) omnium deterrima, vt pote quæ ex duobus reipub. erratis eisque pessimis coalescat, quorum omnes deflexiones & facinora in se veluti in vnum globum congesta continet. Hanc propositionem comparatio sequitur, quæ discrimina regni & tyrannidis comprehendit. Differunt ergo regnum & tyrannis in septem, nimirum ortu, materia, formâ, fine, prærogatiua, custodiâ, actione & modo imperandi. De distinctione ortus hunc syllogismum ex textu colligo. Regnum ad bonorum perfugium ac præsidium aduersus populi iniuriam comparatum est, & rex ipse constituitur ex viris bonis propter excellentiam vel virtutis, vel rerum gestarum, vel generis, vel beneficiorum, vel potentia, quæ in his cunctis cernitur. Sic olim aliquot reges facti sunt quia iugum seruitutis in bello à ceruicibus sociorum depulerint, vt Codrus; alij quia suos liberarint, vt Cyrus; alij quia fines suos propagarint, vt Lacedæmoniorum, Macedonum, Molossorum & Romanorum reges: sed tyrannis ex populo & multitudine constituitur aduersus nobiles & illustres viros, ne scilicet populus iniuriâ ab eis afficeretur: & sanè maxima tyrannorum turba ex leuissimis populi custodibus (nobilibus falsò criminâdis & calumniandis) orta est: sic Panætius apud Leontinos, Cypselus Corinthi, Pisistratus Athenis, Dionysius Syracusis; quid multis? Sic Philon apud Argiuos, Phalaris apud Agrigentinos, Richardus tertius apud Anglos in tyrannides proruperunt: Regnum ergo & tyrannis in ratione sui ortus differunt. Differunt quoque hæc duo in materia, nam obiectum regis pax est & iustitia: at tyrannis seditionem, libidinem & iniustitiâ querit. Tertium in quo differunt est forma, nam rex definitur custos societatis, cuius est opulētus ab iniurijs plebis, & plebem à contumelijs magnorum tegere: sed tyrannus nullo communis vtilitatis habito respectu non suis sed sibi consulit, omniaq; ad sui ipsius libidinem vertit. Differunt etiam in fine, quia regis scopus est honestas, tyranni voluptas & deuestatio ciuitatis. Custodiâ, nam satellitium regis constat ex ciuibus, tyranni verò ex peregrinis. Prærogatiua, quia regis imperium heroicis virtutibus, tyranni verò administratio male
quæ sitis

Tyrannis deterrima.

Pol. 4. c. 2. & 11.

Thom. de reg. pri. lib. 1. 3.

Tyrannidis à regno differentia 7.

1. Ortus.

Pol. 3. cap. 10. & 11.

Cic. de off. 1. 2.

Iustin. 1. 2. Herodot.

Iustin. 1. 1. Diod. Sic. lib. 2.

Plat. pol. 1. 8.

ad finem.

Plut. in Solon. Diod. Sic. 1. 13.

c. 29. & 30.

2. Materia.

3. Forma.

Cic. de off. 1. 2.

4. Finis.

5. Custodia.

Pol. 3. cap. 10.

6. Prærogatiua.

7. Modus imper.

Tyrannis quid debeat oligarchiæ, & quid democratix.

Periandri consilium. Vide Herod. in Terpsich.

Monarchiæ euerfionis causæ communes quinque. Vide Macch. in Liuij. 3. c. 6.

1. Iniustitia, in iniuria vel rapina. Vide cap. 11.

Iustin. lib. 2.

quæsitis opibus decoratur. Modo imperandi, quia regnum infinita bona habet, quibus officium honorificè præstare potest: at tyrannis omnia mala democratix & oligarchiæ continet; oligarchiæ, quia diuitias tanquam finem sibi proponit, quia sui custodiam & saginationem quærit, quia populo in nulla re credit, quia ciues armis priuat, oppressi-
bus affligit, ex vrbe eijcit, omnia pro libidine furenter agit. Democratix, quoniam primarios odio habet, nobiles insidiosè tollit, palam aliquando in exilium agit, sibi infestos accusari, condemnari, occidi iubet, vnde illud Periandri consilium fuit, quod Thrasibulo de eminentioribus papauerum capitibus decurtandis dedit. Est enim proprium (vt aiunt) quarto modo tyrannis nobilissimas, antiquissimas, optimasque familias è medio aut vi aut insidijs tollere. Hac distinctione factâ inter regnum & tyrannidem sequitur vt primùm de conuersione, tum de conseruatione monarchiæ cum Aristotele dicamus. In conuersione debent considerari duo, causæ & modi; causæ sunt aut communes aut propriæ: communes quinque, iniustitia, metus, contemptus, lucrum, ambitio: propriæ quæ causis conseruantibus (de quibus postea disputatum est) opponuntur. Modi duo sunt, internus vt tyrannis aut seditio, externus vt bellum hostilq; inuasio. Causæ communes dicuntur, quia eadem sunt principia & regnum & optimatum potentiam euertendi, eadem tyrannidis paucorum & popularis imperij. Nam vt regnum & aristocratia ex bonis: ita tyrannis & vltimæ popularis & paucorum potetix species ex pessimis viris legibulq; constant. Sed ad quinque causas redeamus, prima iniustitia est, quæ (vt hîc docet Philosophus) versatur aut in iniuria, aut in rapinis. Iniuria autem vel nomini per contumeliam, aut corpori per stuprum aut plagam infertur: quid moror? Impatientes sumus contumeliæ, nominisq; fama tenera est, quæ nec angi nec tangi debet: si verò pestiferum malitiosi dentem aculeumq; senserit, continuò iracundiâ ardet celeriq; motu ad appetendam vindictâ rapitur. Hinc Harmodius Pisistratidas illos Athenisty-
rannidem exercentes deleuit, quia probro & dedecore soro-

rem

rem suam affecerunt. Meritò Periander (monstrum illud tyrannidis & libidinis) vim & insidias vitæ sustinuit, quia inter pocula Alexim suum interrogauit, vtrum necne ex se pregnant esset. Philippus rex ille Macedonum à Pausania satellite occisus est, quod iniuriam ab Attalo eidem Pausaniæ illatam non vindicauit. Nihil hîc dicam de Amynta, de Eua-
gora, Archelao, alijsque plurimis, qui pro exemplis in textu à Philosopho apertissimè ducuntur, eò vt opinor, quò reges intelligant, nihil magis eneruare magna imperia quàm iniuriam, nihil citiùs tollere quàm contumeliam. Secunda causa regnum euertendi est metus: hinc illud, Pessimus est custos diuturnitatis metus. Exemplum in hac re est Artabanus, qui criminationem quæ ad Darium pertinebat extimescens Xerxem adortus interemit. Tertia causa contemptus est vitæq; turpitudine, quæ odium personæ gignit; sic Arbatius (Medus ille) Sardanapalum regem cum scortis colum telasque trahentem à regno in rogum impulit; sic Dionysio iuniori (quia solitus est quotidie inebriari) Dion vim & insidias fecit. Cyrus quoque Astyagem oppressit, quia & illum & suos milites otio & luxuriâ corruptos & veluti liquefactos obseruauit. Quarta causa lucrum est & siticulosa rerum cupiditas seu auaritia, huius studio ac estu inflammatus Mithridates in Ariobarzanem vi & armis rapitur. Postrema causa ambitio est, de qua sepè diximus, in hac audaces & præfidentes naturâ plurimùm ciuitatem lædunt. Audent enim omne facinus, vt aliquo modo celebres & noti fiant. Romam accendit Nero vt nomen, Herostratus flammis Dianæ templum exussit vt sibi famam quæreret, sed pessima fama est quam ignominia sequitur. Pauciores (inquit Philosophus) ex hoc numero & naturâ sunt, hoc enim definitum & incunctum tenere debent, actum scilicet de sua vita esse, si improbum conatum non sequatur effectus. At vereor certè ne nimis multi hodie Bruti & Cassij viuant, qui nihil de salute sua laborantes audent in senatu suos Cæsares vulnerare. Dionis fortasse (vt est in textu) persuasionem habent, qui paruâ manu Dionysium aggressus, dixisse fertur,

Hb 4

Est

Iust. 19. & Plut. in Alexand.

2. Metus. Cic. de off. 1. 2. Iust. 1. 3. Diod. Sic. 1. 11. c. 15.

3. Contemptus. Plut. in sen. gerend. resp. Iust. 1. 1. Diod. Sic. lib. 2.

Plut. in Dion. Diod. Sic. 1. 6. Xenoph. Cyri. pæd. lib. 1.

4. Lucrum.

5. ambitio.

Sueton. in Ne- ron. cap. 38.

Vide Macch. in Liuij. 3. c. 6.

Est aliquid prodire tenus si non datur ultra.

Ex pessimo
genere ne
catulus ha-
bendus.
Videtur in vita
Maxim.
Causæ euer-
tentes tyran-
nidem duæ.
1. Externa.

Hesiod. l. dier.
& noct.

2. Interna.

Herod. lib. 7.

Dubium.
Ira cum dolo-
re, Odium do-
loris expers.
Iustin. lib. 2.


Modi quibus
interit regnū.

Minax omen mali est, cum tales in repub. uiuant, qui vitā suā posthabitā tanta audent scelera, tantaq; facinora aggrediuntur. Nimis ergo cauti, nimis prouidentes non possunt esse Argi Mercurijque ciuitatis, quorum est non solum vultures sed etiam pullos ambitionis in ipsis nidis suffocare. His positis de causis euerrentibus regnum, proximè de causis tyrannidis corrumpendæ agitur; hæ causæ duæ sunt, externa & domestica: externa, cum aliqua respub. aduersaria tyrannidi eāque longè potentior impēdet: animaduertendum hic est tyrannidi popularem statum, paucorum potentiam, aristocratiam & regnum aduersari. Sed dices: quomodo popularis paucorumq; potentia contrariari possunt, cum ex illis in postrema specie tyrānis constet? Dicendum est, quod istæ huic non per se & visuā ut bonum malo, sed casu & fortuito ut figulus figulo opponuntur: regnum autem & optimatum imperiū per se tyrānidi repugnant & aduersantur, quippe ad diuersos oppositosq; fines tendunt. Altera causa interna est nēpē seditio, cum tyranni inter se dissident, ut exempla Gelonis, Thrasibuli, Dionysij & Dionis in textu manifestè docent. Sed quæret hic aliquis, quænam sint causæ ut tyranni insidijs petantur? Respondet Arist. potissimum duas esse, odium & contemptum, quibus iram addit, sed ira pars odij est, quā furentes affectus in animo concitantur. In ira enim nullus rationi locus est, præsertim si contumeliā aut iniuriā prouocetur: hinc Pisistratidē Athenis olim eiecti fuerunt. Ceterum longè violentior animi passio habetur odium, quod perpetuò in Phalarides (id est) crudeles & truculentos tyrannos ardet. Quod ad contemptum attinet, is inde oritur quoniam plerumque omnes tyranni libidinosè ac voluptuariè uiuant: motu enim præcipiti dilabentes in omne genus libidinis, se contemptui exponunt, multasq; insidiantibus occasiones præbent. Ut odium & contemptus sunt propriæ causæ euerrendæ tyrannidis: ita regnum suas interitiones & quasi fata extrema habet. Duobus enim modis interit; vel extrinsecus, cum potentior inuadit hostis; vel intrinsecus ac domesticè, idq;

idq; bifariam, aut cum regni participes & amici regū inter se discordant; aut cum ipsi reges tyrannicè & contra leges imperant: si verò regnum iure naturæ ac successionis alicui obtigerit, tum verendum est, nē aliquandò nutet, cum homines inepti & contemnendi honore regali decorentur. Nam ut prudentia conseruat: ita stultitia & ignorantia nauem reip. in Syrtes pellunt; atque hæc de causis ac modis quibus regna & tyrannides conuertuntur.

Regni ruinæ,
dissidium,
legum viola-
tio.
Contemptus
in hæredita-
rijs.

Distinctio.



Opp. Tyrannis non est omnium administrationum deterrima: ergo non rectè sic esse in textu concluditur. Antecedens patet, quia Tyrannorum natura hominem non flectit & inclinat ad deterrimum: sed natura hominem flectit & inclinat ad finem tyrannidis, nempe ad proprium & priuatum bonum: ergo tyrannis non est omnium administratio-
num deterrima.

Resp. Quamuis unusquisq; benè sibi potius quàm alteri mallet, Fera aut deus, idq; secundum naturam; est tamen monstrum hominis non homo qui societatem fugit, nullamq; communis utilitatis rationem habet, ortus enim nostri partem parentes, partem patria vendicat: qui
Hb 5 ergo

ergo se solum diligit is contra naturam vivit, quæ illum animal societatis & communionis particeps in utero materno finxit: natura ergo tyrannidis non fauet, quæ omnia ad non ens, vacuum, & violentum ducit.

Cap. 3. 4. 5. 6. 7. Opp. Causa conversionis quæ hic enumerantur antè tractatæ fuerunt; ergo hoc loco negatur Philosophus. Antecedens probatur, quia iniustitiam, metum, contemptum &c. causas esse evertendi alias rerum pub. formas antè demonstravit.

Ambitio populi, principū.

Resp. Ha quas obijcis causa communes non propria dicuntur. Præterea alio alioq; modo affecta possunt esse causa propria diversarum mutationum, ut ambitio populi democratiam, ambitio regis monarchiam perdit.

Plut. I. Cum principe philosophandū. Vide Antimacch. com. I. theor. 2.

Opp. Maxima causa evertendi regnum est assentatio regis: sed ista causa inter ceteras non recensetur: ergo minus accurate conversionis cause demonstrantur. Antecedens constat, quia nihil magis principes corrumpit quàm assentatio, nihil periculosius decipit quàm adulator, qui auribus nihil præter placentia canit.

Resp. De hac causa antea satis copiose disputavit, non opus ergo fuit nunc adhibere. Porro eandem etiam hoc loco non negligit, cum in principio huius cap. dicat ex lenibus blandisq; populi ductoribus reges sapè tyrannos fieri.

Opp. Docet Philosophus popularem paucorumq; potentias opponi tyrannidi: ergo ex eisdem componi non potest, ut hic contendit. Antecedens est in textu. Ratio probatur, quia nihil ex contrariis componitur.

Resp. Democratia & oligarchia illa dua extrema species dicuntur opponi, non quod simpliciter & absolute tyrannidi repugnent, sed quia ut figulus figulum eandem impediunt.

Dubia capitis.

Utrum tyrannis possit esse diuturna?

Utrum rex publicæ famæ laborans regno privari debeat?

Pol. 4. cap. 2. Cur tyrannis sit iniquissima rationes.

INTER omnes formas labeisq; civitatis tyrannis est vltima: quàm dici potest iniquissima: rationes in textu sunt de quibus olim copiose diximus, placet tamen easdem (quoniam

niam ad institutum spectant) paucis repetere. Tyrannis longissime omnium à studio communis boni discedit: ergo est inter omnes iniquissima. Antecedens constat, quia in democratia bonum multitudinis, in oligarchia bonum diuturnum, in tyrannide verò bonum tantummodo vnius quæritur. Præterea tyrannis est maximè contra naturam & violenta, cum homines à natura liberos diro servitutis iugo vulnerat: ergo est omnium deterrima. Porro tyrannis omnium malorum in repub. sentinam ad se trahit, cum vniuersa popularis paucorumq; potentiæ scelera in se comprehendat: ergo est præ reliquis perniciosissima. Postremo maxima bona civitatis extinguit, ut pacem, virtutem, ordinem, legem, nobilitatem: ergo est intolerabilis. Singula ista nobis argumēto esse possunt, ut probemus tyrannidem diuturnam esse non posse: nam si maximè omnium à studio boni communis desciverit, diu constare non potest, quippe salus reipub. in studio virtutis, perniciēs in malorum colluvione ponitur. Præterea quod violentum & contra naturam est diu constare non potest: sed probatum est tyrannidem esse violentam & contra naturam: ergo diu florere non potest. Porro quod plura sunt mala & violentius ruunt, nam ut copiosi halitus sursum rapti motuq; violento accensi in fulmina prorumpunt, quæ citò apparent citòq; extinguuntur: ita tyranni in altum vecti animoq; tumido elati scelerum suorum furij agitantur, quæ diu ardere non possunt; verum ut fulmine disruptæ ac dissolutæ nubes evanescent: ita tyrannorum furore rerum publicarum naues concussæ pereunt. Deinceps sublati pace, virtute, ordine, lege ac nobilitate, quæ fieri potest ut diu imperium constet? Nam ut columinibus dilapsis declinat ædificium: ita his sublati, quæ sunt veluti præsidia civitatis, necesse est ut totum langueat imperium. Postremo huc addi possunt alia argumenta à comparatione, similitudine & exemplo. A comparatione, quia tyrannis omnes causas sui interitus habet, quas aliæ omnes & singulæ reipublicæ formæ furieque habent: ergo diuturna esse non potest. A similitudine corporis naturalis; sicut enim corpus illud diu

Vide Thom. de regin. princ. lib. 1. 3.

Cur non sit diuturna.

Arist. de cælo & mundo lib. 1. & 2.

Tyranni fulmine.

Iuncta nocet.

viuere

Tyrannis
malorum sen-
tina.

viuere non potest in quo maxima omnium humorum dyscratia & intemperies inest: ita tyrannis in qua omnium malorum sentina & colluies manat diuturna esse non potest. Ab exemplo Dionysij, Phalaridis, Neronis, aliorumque plurimorum, qui pramaturâ morte & vitam & sceptrum amiserunt. Nam verum est illud,

Iuuenal.

*Ad generum Cereris sine cade & vulnere pauci
Descendunt reges, & sicca morte tyranni.*

Dubium. 2.

Plut. in Dio-
ne. Diod.
Sic lib. 6.
Iustin. lib. 1.

Altera dubitatio est, an rex publicâ famâ laborâs regno priuari debeat? Dionysius iunior ille propter insignem ebrietatem, propter mollitiem animi rex ille Sardanapalus, Perianther, Ambracianus imperator propter non nominandum scelus, alij quoque permulti (vt perspicuum est in textu) propter nominis ingloriam, vitæ, famæ & imperij vniuersam eclipsim pertulerunt. Multæ (inquit Philosophus) impressio- nes factæ sunt in quosdam principes monarchas, propterea

à Cratæo in
Archelaum.
Commodum

quod pudicitiam alicui eripuissent. Et iterum, Nonnulli ex amicis principes adoriuntur propter contemptum vitæ: & a- libi; dum (inquit) libidinose & voluptarie viuunt, multas ijs qui adoriri volunt occasiones adoriendi præbent. Miror cer- tē cur ista à quibusdam adducantur exempla, quasi proba- rent licitum esse principes regali scepro iuste decoratos ob vitæ dedecus regno spoliare: estne hoc reipub. consulere?

Caligula con-
iuratis.
Vide Thom.
de regin. prin.
lib. 1. 6.
Exempla facti
non iuris.

Estne hoc ciuium saluti providere? Siccinè nomen regis co- litur? Siccinè deus in regis persona adoratur? Certè quidem hoc non licet, respondeo igitur hæc exempla esse facti non iuris; eademq; tyranni, non regis. Agnosco tamen plurimum vitæ spurcitie regiam maiestatem obscurari; sed vt mala for- tunæ beatitudinem labefactant illa quidem, non autem tol- lunt: ita flagitia vitæ regalem splendorem obscurant, offici- um regis tamen non extinguunt: rex ergo publicâ famâ la- borans regno priuari non debet: hoc verò concisè sic probo.

Contra tyran-
nicidium.

In persona officioq; regis consistit salus totius ciuitatis: ergo ob turpitudinem vitæ scepro spoliari non debet. Prætereâ mutatio

mutatio legis malæ est periculosa: multò igitur periculosior est mutatio regis. Immò lex sæpè perniciose toleratur: ergo multò magis rex malus permittendus. Huc adde, quod vitia sint infirmitatis non muneris, viri non officij: offici- um ergo intactum manere debet, etsi vir sæpè perniciosè viuatur. Porro vt planta non est radicitus euellenda, tametsi aliquos ramos putrescentes ferat, semperque fructum non fundat: ita reges penitus extinguere non debent, tametsi vitæ ac nominis suos nauos habeant. Deinceps pauci sunt reges qui malè non audiunt, nam illorum comes inuidia, & vni- bra contumelia dicitur; at qualis fenestra ad omnem nequi- tiam rabiemque patefiet si reges ob inuidiam deponantur? Postremò nec lex, nec consuetudo, nec exempla maiorum iubent, vt reges propter vitæ labes sua scepra perdant: vi- detur ergo non licere: nam quamuis legimus de quibusdam qui sub prætextu vindicandi scelera, quæ in regibus scaterere dixerint, hoc facinus perpetraverint: illos tamen patricidas ac proditores non iustos ciues nominamus.

Pol. 2. cap. 8.
& 4. cap. 1.
Vitia viri sunt
non officij.

Regum co-
mes inuidia.

Tyrannicidæ
parricidæ.

Opp. contra primum dubium.

Opp. Multa traduntur à Philosopho in proximo cap. conseruan- da tyrannidis præcepta & media: ergo videtur, quod possit esse diu- turna, nam aliter frustra conseruandi media assignarentur. Præ- terea antiquitas docet tyrannidem Athenis, Lacedæmone, Roma diu floruisse: constat ergo posse diuturnam esse. Deinceps quis nunc non videt tyrannidem Turcarum diutissime permansisse? Postre- mò vt media aeris regio perpetuò manet frigidissima, etsi violen- ta sit & contra naturam hæc frigoris impressio: ita tyrannica admi- nistratio manere potest diuturna, etsi cade & sanguine sit acquisi- ta; si enim papauerum capita amputentur, pedes ciuitatis non pos- sunt resistere.

Tyrannidis
columnæ.

Vt à Tarqui-
nio.

Resp. Prima pars argumenti non sequitur, nam etsi multa con- seruanda tyrannidis assignentur media, sunt tamen illa mala & imbecilla: Nam vt mortifero accepto vulnere frustra propinantur medicina, quippe mors sequetur: ita tyrannidis (quæ est maximum reipub.

Pol. 1. cap. 3.

reipub. vulnus) frustra conseruanda traduntur praecepta, quippe violento motu orta statim lapsa conuelleretur. Altera pars argumenti nihil probat, nam in illis rebus pub. quae nominantur anchoram nullam tyrannis habuit. De Turcarum imperio dicendum est, quod respectu Barbarorum seruorumque naturam non sit tyrannicum. Nam ut domini & serui est naturalis relatio: ita herilis administratio Turcarum si seruilem populum sub illo imperio spectes, non iniusta nec contra naturam serui libenter id subcunctis esse videtur.

Plut. lib. Cum
princ. philoso-
phandum.
Saul, Ro-
boam, Ioram
Ochoziam,
&c.

Legibus vi-
uendum.

Opp. Qui regnum perdit dignus est priuari regno: sed rex publicam famam laborans regnum perdit: ergo rex publicam famam laborans dignus est priuari regno. Maior constat, quia indignus est honore qui vita indignitate honorem spernit. Minor probatur, quia rex publicam famam laborans suo sceleris exemplo totam ciuitatem in perniciem ducit, ut Sardanapalus monstrum libidinis ad molliem animi, Nero portentum crudelitatis ad feritatem, Iulianus apostata totum populum ad haeresim & paganismum traxit. Præterea sacra Philosophia docet multos ob uitam impietatem regno caruisse.

Resp. Fatendum quidem est à principe in populum halitum boni vel mali citissime transfundi ac deriuari; hoc tamen non arguit regno spoliandum esse, quippe turpitudine regis (ut ais) regnum non perdit, neque populum nisi uolentem ad uitam feditatem trahit; est enim peccatum voluntarium, & populus non ad labes principis sed ad leges ciuitatis suam uitam dirigeret. Sit ergo Sardanapalus, Nero, Iulianus, dissolutus, tyrannus, hereticus; populus tamen castus, clemens & pius esse potest, si se legibus diuinis non moribus humanis subiiciat. Quæ addis ex sacra Philosophia vim legis non habent, quippe ab exemplis lex uniuersalis non trahitur, aliter non minus Salomon quam Saul regni iure priuatus fuisset.

CAP.

CAP. XI.

An regibus conueniat academias tollere, artiumque scholas prohibere?



Nec ps hic sum, utrum melius sit de conseruatione tyrannidis plura nunc scribere quam de re tam vili & periculosa penitus tacere; si Arist. sequar dicendum est, at vereor ne Macch. de chiauellus sub sua larua & pallio rideat: Hinc enim suum venenum hausit, hinc sua principia & fundamenta petijt, hinc suum principem vel potius tyrannum didicit: quid agam igitur? Si scribam carpet, si non scribam triumphabit: at scribam. Nam ut medici de veneno praecepta tradunt, ut cognitum illud vel omnino euitetur, vel cum alijs alexipharmacis temperatum ad virus pestilentius expellendum valeat: ita politici de tyrannide philosophari possunt, aut ut tollatur penitus, aut ut cum alijs administrandi formis admixta seditionis vires impetufque frangat. Si ergo hoc loco quæras cur tam amplè, sollicitè ac copiosè de causis conseruandæ tyrannidis disputet Philosophus: Respōdeo hoc non fecisse quia fauet, sed ut tyrannorum sophismatis & arcanis ad viuum reſeratis, nos illorum infidias citius fugiamus. Non enim optat tyrannidē conseruari, sed conseruandi artes & modos (quibus vtuntur Nerones) docet; si iisdem vtaris ad perniciem ciuitatis, abuteris Philosopho, qui hoc non suadet; si iisdem premonitus vigilantius ciuitatem cures, Arist. sapiens, nam id persuasit. Sed ad Arist. textum me conseram, in quo de causis conseruandi regnum & tyrannidē vberius differit, primum generatim de utroque; tum speciatim de tyrannide. Generalis regula hæc est, quod duo ista administrandi genera ex contrarijs conseruentur, causæ enim contrariæ producunt contrarios effectus; si enim

Macch. de
principe
Mala ut vene-
na propinan-
da.

ca

Causæ speciales regni conseruandi. Imperij moderatio.

Herodot. Lycurg. in Clio. Plut. in Lycur.

Idem Theop. Plut. in Lacō.

Causæ conseruandæ tyrannidis.

Altera perfica altera sophistica.

ea quæ superius demonstrata sunt corrumpant has formas, necesse est ut eis contraria conseruent & tueantur: Exempli causâ, odium frangit, amor conseruat regnum. In specie autem regni conseruandi causa est imperandi moderatio. hoc est, cum principes inextinguibili honorum siti non ardent, sed suis finibus contenti viuunt: quo enim pauciora sunt in quibus illis permittitur imperiū, eo tutius & diuturnius ipsum imperium manet, reges enim hoc modo instructi minus ferociunt minusque heriles & tyranni fiunt; hinc inde reges apud Molossos per multas ætates hominum florere. Ferunt Theopompum regem illum Lacedæmoniorum Nicandri filium Ephoros regibus oppositos instituisse, regiamque hoc modo maiestatem aliquantulum imminuisse: hic postea à sua vxore interrogatus, an non puderet minorem potestatem liberis suis relinquere, quam ipse à patre accepisset, minorem (inquit) mea coniux forsitan relinquo, sed firmiorem ac diuturniorem trado: Sunt enim magna imperia magnis subiecta casibus, & Iouis fulmina sæpè in alta cadunt, melius exiguo viuatur, & rex suis contentus diutissime conseruatur. Superest nunc tandem ut causas conseruandæ tyrannidis exponam: inuitus quidem hoc facio, sed imitatus Philosophum hoc animo me facturum dico id, ut pulli scorpionis non citius exclusi quam suffocari videantur; scio equidem non sine periculo carbunculos vlceraque; pestis disseccari posse. Nam ut ex illis sanies pestifera halitusque; contagiosus fluit, quo spiritus vitales inficiuntur: ita hoc patefacto vulnere quo grauius non est in ciuitate, subtimeo ne perniciosi simul cum acre fatidum vaporem in sua præcordia hauriant. Sed ad rem. Duo sunt tyrannidis conseruandæ media; vnū Persicum & immane, alterum sophisticum & dissimulatione plenum; illud cæde, sanguine & oppressione, hoc fraude, hypocrisi & perfidiâ constat; illud in primo actu & scenâ leones & cannibales ostendit, hoc verò sub toga gladium, sub nube fulmē habet; in illo sine modo sceleris, in hoc sub specie virtutis conuiuia truculenta fiunt; illud denique apud Barbaros solum, hoc verò (proh dolor) apud Christianos

viuit.

viuit. Nam regna nunc temporū non habentur tuta, nisi vulpes quasi coniugata segetē messēque; populi faculis accensis vastent. Phalaris, Nero, Periander, Hercules furens in prima tragedia; Mithridates, Tygranes, Cæsar, alijque; innumera- biles in secūdâ sua fata lugent. Prima tragedia quæ Barbarorū est tredecim furias eademque; feras & feroces habet, quarum voces horribiles & execrandas numero & ordine sequutus Philosophum hîc recitabo. Istarum prima tota flammigera veluti ab inferis in theatrū prodiens, hanc legē tradit. Nobiles (inquit) & sapientes viri tanquā eminentiora papauerum capita obtruncantur; mortui enim nō mordent, vires sepultæ non ledunt, potentes oppressi non nocent; si ergo in altum accrescant cedri excendantur, nam si diutius viuant nocebunt plurimū. Sed vide quid agas. Nam ut sublati columnis ruit edificium: ita extinctis nobilibus cadit imperiū. Secunda inter nigras sorores paulo lenior est, violenta tamē, nam sic loquitur, Sodalitates & conuiuia in ciuitate funditus prohibeantur, & quid ita? Certè nē cōcordia, quæ est infesta tyrannidi, inter ciues hoc modo alatur: sed caue, nā sine cōcordia nec domus nec ciuitas diu cōstare potest. Tertia Megera furentior, capitali odio in Palladem concepto, fulmina in arces Musarum mittit. Tollantur (inquit) scholæ, tollantur Musæ, honesta institutio, disciplina ac sapientia tollantur, tollantur denique Athenæ in quibus mores iuuentutis examinantur, franguntur vires, futiles quæstiones mouentur, noua de lana caprina phantasmata discutiuntur, magna excuduntur de Deo, de fide, de ciuitate leuissimarū opinionum monstra. Itanē pessima fascinatrix ais? Vis tolli scholas? Vis tolli Musas? Vis sacras ædes & artes tolli? Patienter immanitatē hanc tuam non fero, & quamuis Medusæ caput geris, in te tuamque; funestam vocem dicere non cessabo: sit ergo hæc quæstio, An fas sit regibus academias tollere, artiumque; scholas prohibere? Licet ais, at non decere dico, idque; punctis, sic tandem probo. Academia & artes sunt lumina & fontes sapientia, à quibus splendor & sapor virtutis in omnes partes reip. fluunt: ergo eadē tollere nō licebit. Antecedens cōstat,

Ii

quia

Immanitatis 13. turia.

Prima nobilium laniena. Theodotus. Plu. in Pomp. Mach. de prin cap. 3. Sebast. Fox. lib. 3.

Secunda sodalitarum prohibitio.

Tertia Scholarum euersio.

Dubium.

Pro academijs.

Academiae
orbis, artes
sidera.

Academiae ut
oculi.

Academiae a
tyrannis dis-
solutae.

quia academiae sunt veluti Musarum orbis, & artes sidera in illis fixa: at nisi orbis suum motum, sidera suam lucem habeant, quae vita rerum, quae influentia erit? Praeterea ut oculi sunt in corpore, ita academiae & artes sunt in ciuitate: sed oculos effodere non licet: ergo academias & artes tollere non licebit. Propositio aperta est, quia ut oculi omnia membra corporis, ita academiae omnes reip. partes illustrant. Assumptio probatur, quia ut prohibet natura oculos euellere: ita prohibet iustitia Athenas & Musas tollere. Deinceps contra ius naturae ac rationis est academias tollere: ergo eas tollere non licet. Antecedens perspicuum hinc est, quia natura confusione, ratio ignorantiam fugit, quae tamen duo sublati academiarum artiumque; scholis sequuntur necessario. Quae enim cognitio rerum sine arte, quis ordo sine toga, quae administratio ciuitatis sine doctrina & sapientia esse potest? Insuper quae sunt honorifica, bona & necessaria in rep. tollere non oportet: sed academiae artiumque; scholae sunt honorificae, bonae & necessariae in rep. ergo illas tollere non licet. Honorificae sunt, quia verum honorem; bonae quia candorem vitae, necessariae quia in rep. ciuium ordinem & amorem pariunt. Huc adde quod reges perpetuo studere debeant bono & conseruationi ciuitatis, quod certe facere non videntur si academias tollant: nam quid magis licentiam morum, perturbationem rerum, barbaritatem plebis, tyrannidem principis gignit, quam bonarum literarum naufragium & casus? Porro atroces tyranni hoc agunt: ergo iustis regibus id agere non licebit. Antecedens patet, quia truculenti olim carnifices Athenas (fastum totius Graeciae, fides & lumen) penitus extinxerunt: sic Iulianus funestus apostata Christianorum gymnasia sustulit, artiumque; professoribus silentium iussit; sic in Hungaria aliisque eximii mundi partibus (quas Mahometes vicit) academiae, scholae & artes immanitate oppressae iacent. Norunt enim crudelitatis monstra Palladem & tyrannidem, amorem artis & Martis furorē, sapientiae lumen & ignorantiam, studium virtutis & odium ciuitatis simul cohabitare non posse. Multa hic alia se offerunt argumenta quibus probetur haec causa, sed infinitum esset omnia quae

velim

velim de re tanta scribere, pauca tamen haec addam si non sim molestus, nempe a tempore, a testimonio, ab exemplo. A tempore, quia omnes etates hominum academias & artes approbarunt: eas ergo tollere non licet. De antecedente dubitari non potest, cum constet (si historiis fides adhibeatur) omnes scientias post diluuium columnis lapideis insculptas posteris apparuisse; constat deum solem, lunam, aliaque; caeli lumina dedisse in signa temporum; probabile ergo est primam etatem honorasse astronomiam; constat Tubalem Adami filium inuenisse musicam; constat Chaldaeos in omni arte fuisse instructissimos, quod fieri non potuit si a maioribus suis artes non didicissent. Superfluum esset alias etates ordine percensere: nihil ergo hic dicam de Moyse aliisque; gubernatoribus filiorum Israel, qui omni scientiam Chaldaeorum ac Aegyptiorum fuerunt imbuti: nihil hic de Samuele ceterisque; prophetis, qui Rama Gilead sua collegia & academiā habuerunt. Nihil hic de Paulo qui disputando saepe in schola cuiusdam Philosophi nomine Tyranni, adeoque; Athenis non contempsisse sed approbasse venerabile nomen academiae videtur: nihil de Constantino, Theodosio aliisque; verè augustis imperatoribus, qui scholas, collegia, academias magnifice extruendo ecclesiam Christi plurimum propagarint: nihil de beatissimis nostris fundatoribus, qui in Anglia (fortunatam insulam) duo totius orbis terrarum nobilissima gymnasia, Oxoniam & Cantabrigiam aedificarunt, in quibus docti & sapientes viri non aliter quam stellas (ut loquitur propheta) lucent, suos radios in omnes mundi plagas ac regiones fundunt. Da Christe ut in perpetuum fulgeant, nullamque; eclipsin o Christe patiantur: fac queso, o salus omnium, ut in illis vox ista non audiat, tollantur scholae, tollantur academiae: conserua nobis principem Elizabetham quae fauet, conserua patronos qui illas sub alis fouent, excita multos Wicchamos, Waynfletos, Whytos, qui ad gloriam tui nominis haec loca augeant. Consecrantur tibi o deus, non finas deficere; dextram tuam in hunc usque diem seruasti, non finas cadere; pelle vultures, pelle lupos si qui sint, & non patiaris ruere. Rationes a testimonio & exemplis tacitus hic

I i 2

nunc

Gen. 1. 14.

Gen. 4. 21.

Dani. 1. 4.

1. Reg. 19.

Act. 19. 9.

Act. 18.

Poli dor. 1. 4.
Authoris p.
etas.

Heldeberg de
academijs.
Sebast. Fox. de
reg. 1.2. Card.
de varietat.

Quarta ciui-
um familiari-
tatum prohi-
bitio.

Quinta Satel-
litium.

Malus custos
metus.
Sexta Susur-
rones.
Vide Anti-
mach. com-
ment. 1.1. theo. 2.

nunc prætereo, nam adhuc (est Deo gratia) ubique florent academiæ, viuunt doctissimorum hominum ingenia, monumēta maiorum palam & apertè hanc rem loquuntur, plenæ historiæ, annales pleni sunt illorum laudibus quas malitia nulla delebit, ætas nulla conticescet. Si nominatim testimonia & exempla requiras lege Heldebergiū, qui de singulis mundi oraculis & academijs scribit; sed breuitati studeo, aliter potuissem hic quidē vrgere, quod nihil magis barbaritatē, vim, perfidiam, licentiam vitæ, heresin, atheismum, & confusionem omnium parit quàm scholarum & academiarū defectio. Si ergo iusti, si tuti, si pij ac religiosi velint esse principes, non tollere sed fouere, non euertere sed conseruare debent academias, in quibus splendor regis, honor ciuitatis, amor virtutis, omnium bonorū sapor ac influentia inest: pernicioſa ergo vox ista est & planè tyrannica, tollantur scholæ, tollantur academiæ. Imò oraculum hoc sit, viuant scholæ, viuant Athenæ, artes ac scientiæ, quæ sunt radij diuinæ sapientiæ, ad gloriā beatæ triadis in sempiternum viuant: pius est qui assentitur, improbus qui Amen non acclamat. Istam Megeram aliæ Erinnis sequuntur vmbre, pergam igitur eo ordine quo inceperam. Quarta furia inuida & malitiosa est, quæ sua let ut ciues inter se ignoti & suspiciosi arte & fraude fiant; notitia enim & familiaritas fiduciam & beneuolentiā gignunt, in quibus tyrannidis ruina cernitur. Sed attēde, firmius imperiū illud est, quod amicitia, quàm quod vi acquiritur. Laruata iā quinta in theatrū venit & ut videatur prouida, iubet ut satellites pro foribus versentur, obseruentq; ut omnes & singuli redeuntes à foro portas regis aut principis viri in quauis ciuitate saluent: hoc (inquit) modo ciues perpetuò seruire & famulari discēt; sed audi, metus & seruitus sunt mali ianitores ciuitatis. Sexta callida & astuta est, sed ut habeatur sapiēs, præscribit, ut ubiq; & passim susurrones atq; exploratores constituentur, qui in peregrinis nationibus arcana principum, domi secreta ciuiū perdiscant, suisq; tyrannis referant & denuncient: sed quæso hoc tecum cogita, quā sit miserū sic imperare. Verū de hac causa in dubitatione huius

cap.

cap. plura dicemus. Septima furibunda est, quæ vult ut calūniæ, lites & discordiæ inter ciues disseminentur, utq; plebs cū nobilibus, potentes cum infimis, omnes cum singulis digladiantur; sed considera qualis sit futura administratio, si sub cineribus pestifera nutriatur seditio. Octaua intonat in pauperes, iubetq; ut plebs ad extremam fortunam miseriamque infidiosè redigatur, aliter (inquit) otio fluxuq; rerum ad altiora animi cogitata tendet: hinc Pyramides Aegypti, hinc columnæ Cypselidarum, hinc Olympij edificatio, hinc Polycratis opera in Samo inuenta fuerunt, quæ omnia ad otij fugā inopiamq; plebis faciunt: huc quoq; referri possunt subsidia benignitatis, tributa subditorum ultra modum exacta: sed rectè ille, Thesaurus principum est in arca subditorū. Reliquæ istius ordinis execrabiles vmbre horribili voce ad hunc modum strident. Suscipiantur (inquit) bella siue iusta siue iniusta ne ciues otio delectentur & insolescat hostis. Amicis (inquit decima) confidere nō oportet. Vxoribus & seruis (inquit undecima) omnia indulgere cōuenit. Adulatores, sicarii, dissoluti (inquit duodecima) ad latus tyranni admittantur; isti enim omnia ad gratiam loquuntur, quoniam sunt ad omne facinus instructi, ad omnē licentiam vitæ educati. Peregrini (inquit vltima) potius quàm ciues ad conuiuia & familiaritatem sumantur. Sed o miseram rem, in qua Mars, diffidentia, libido, seruitus, adulatio, morūq; dissolutio regnant! multe sunt istæ furie, quibus in deuastandis rerump. formis vtuntur tyranni, earum tamen voces ad duo capita vel potius arcana tyrannicæ astutiæ redigi ac reuocari possunt. Tyranni enim id agunt & conantur ut ciuib. suis auferant tū nocendi voluntatem tum potestatem conspirandi; illud fit pusillanimitate & diffidentia, hoc verò opum, armorum ac præsidiorum priuatione; pusillanimitas & diffidentia in animis ciuium ingenerantur, si nugis ac nouis specie magnis, sed reuera de lana caprina occupentur, si prouisum fuerit ne altioribus cogitationibus incumbant, si tragædijs nobilium ad angustum pressumq; animum adigantur. Alterum nempe conspirandi facultatem tollere contingit, si arma, opes, aliaque

Ij 3

vitæ

Septima lites
ciuium.
Macch. de
prin. c. 20. in
Liui. 1.3. c. 27.
Octaua Po-
puli inopia.
Vide Anti-
mach. com-
ment. 3. the-
or. 32.

9. Assidua
bella.
10. Diffidentia
amicorum.
11. Indulgen-
tia in suos.
12. Familiaritas
impura.
13. Peregrinū
hospitium.

Arcana tyrannica.
Ne velint, Ne
possint nocere
ciues.
Diffidentia. 3.
causæ.

Fraudis mini-
stri 9.

Vide Macch.
de p. m. c. 20.
Antimacch
comment. 3.
theor. 26.

Macch. de
prin. cap. 18.

Pisistratidæ.

Macch. prin.
cap. 18.

vitæ necessaria auxilia sub prætextu aliquo virtutis à ciuibus tollantur, hinc enim inerimes & elumbes fient, sed quodnam robur & firmitatem corpus habet cū eiusdem membra contabescant? Quam dignitatē ciuitas in qua suis viribus & armis boni ciues carent? Atque hæc de priori modo nempe Persico tyrannidem conseruandi, sequitur nunc vt de altero nempe sophistico & simulato differamus. Hic verò est, cum tyrannus non vt leo, sed vt vulpes & versipellis regiam maiestatem imitatur, simulatque ea solū facere quæ Cæsaris personam deceant, de hoc nouem præcepta adhibentur, quæ enumerabo tantū n, nam vereor ne principes istorum nimis capaces fiant. Primum ergo est vt tyrannus videatur pater patriæ, curamque rerum omnium in se sollicitè suscipere, hoc autem (vt docet Philosophus) continget, si populi studio acquirita in scorta, peregrinos & artifices scelerum non nisi clam profundat, si aliquādo rationem acceptorum reddat, si de fauore in populum studioque virtutis sæpe loquatur. Secundum est vt tributa, subsidia, aliasque exactiones solū nomine administrandi necessaria, vt puta bellum aut captiuorum redemptionem postulet. Tertium vt nō seuerus sed grauis, non formidandus sed venerabilis, non astutus sed simplex, non inops mentis sed politicus, non demissi animi sed magnificus esse videatur. Quartū vt neminē nisi sub specie deuotionis in Deum aut patriam iniuriā lædat. Quintum vt palam vnam vxorem habeat quamuis clā multas Laides & meretrices alat, sæpe enim multæ tyrannides vt suprà demonstratum est propter turpitudinem vitæ extinctæ fuerūt, vt Tarquinius, Heliogabalus, Appius Claudius, alijque sexcenti qui in fruendis voluptatibus nullum modum tenuerunt. Sextum vt egregiè dissimulet tyrannus se sobrium & vigilantem tutorem esse in extirpandis seditionis fibris, in augendis reip. bonis, in obseruandis antiquis legibus ac institutis maiorum. Septimum est vt singularem in Deum pietatem summamque religionem fingat, nā hoc modo vt ait Philosophus) subditi de religione principis persuasi minùs sibi metuent, rariùsque illi struent insidias, quem à Deo adiuuari credunt.

Octa-

Octauum est vt aliqui benè merentes de repub. præmijs honorificis sed sophisticè, alij verò supplicijs seuerè afficiantur. Postremum est vt occisis nobilibus sub specie & nomine legæ maiestatis concedat eorum reditus posteris, ne videatur potius scuitiam quàm iustitiæ seueritatem proposuisse. Horum omnium summa hæc est, vt tyrannus, rex, pater patriæ, tutor ciuitatis, patronus iustitiæ, vitæ lumen, rationis columen esse videatur. Sed Christe bone! Quæ hæc præcepta? Quæ tegumenta & nubes scelerum? Estne hoc viuere? Estne hoc imperare? Fidem, religionem, pietatem in Deum & patriam simulare? Si hoc liceat, quid tandem non licet? Deum ergo obsecremus vt Machiauellum aliosque pseudopoliticos legere & in oculis, animis, manibusque ponere & gestare nunquam liceat.

Distinctio.

Modi cōser- uandi tyran- nidis sunt duo,	Vnus barba- rus seu Persi- cus, huius generis sunt	Potentiores interficere, Sodalitates & conuiuia tollere, Scholas & academias subuertere, Ciues inter se ignotos reddere, Peregrinos ad forum inescandi causā admittere, Susurriones & exploratores clam instituere, Inter nobiles, diuites & plebeios calumnias serere, Populum ad inopiam, metū & pusillanimitatē cogere, Bella iniusta suscipere, vt omnia sint salua domi, Amicis non confidere, Vxoribus, meretricibus, seruis omnia indulgere, Parasitos, ganeones, carnifices, aliosque id genus ho- mines beneficijs afficere.
	Alter astutus seu so- phisti- cus, hu- ius ge- neris sunt	Dissimulanter summam curam rerū omniū habere, Oeconomizæ prætextu tributa exigere, Grauitatem & venerationem personæ fingere, Neminem apertē iniuriā vulnerare, Vnam palam vxorem tenere, Sobrietatem, vigilantiam, studiumque pietatis ac re- ligionis egregiē simulare, Bene merentes aliquando sub colore virtutis præmi- js afficere, malos autem punire.

Opp. Machiauellus præcipua capita suorum de principe præceptorum ex hoc libro petijt: iuste igitur vulnerari non potest, nisi eodem (vt aiunt) gladio inguletur Arist.

Li 4

Resp.

Arist. & Machiavelli differimen.

Resp. Aliud Machiavellus, aliud Arist. sibi proposuit, ille enim ad monarchiam, hic ad tyrannidem has causas retulit; quippe Philosophus admodum sapienter arcana tyrannorum hoc modo retexit, at Machiavellus istas vite & administrationis labores tanquam leges in regno & rege posuit.

Pol. 4. cap. 13.

Opp. Quadam hoc loco carpit Philosophus quae antea approbavit: ergo minus caute de istis iam causis disserit. Antecedens patet, quia antea licitum esse docuit, ut sophismatis in fallendis civibus magistratus utantur, in quo praecepto omnes modos sophisticos conservanda tyrannidis mihi ponere videtur.

Sophismata ex fine estimanda sunt.

Resp. Alia est intentio boni magistratus, alia tyranni; ille enim utitur sophismatis, fallitque aliquando cives, sed ad bonum commune tendit; hic vero praestigis insiditque utitur, sed sibi non civitati consulit.

Opp. Peregrinos ad forum admittere, populum ad inopiam, metum & pusillanimitatem cogere, bella cum vicinis nationibus (ut omnia sint tuta domi) suscipere, aconomia nomine tributa exigere, aliaque media tyrannidis conservant monarchiam: ergo iniuste hoc loco sunt condemnata. Antecedens probatur, quia ius gentium requirit ut ubique terrarum forum & templum peregrinis pateant: Natura iubet vim vi repellere, prudentia postulat ut populus metu a factione, tributis a seditione deterreatur.

Resp. Hac omnia quae adfers aliquo respectu in recta reipub. administratione tolerari possunt, non tamen si eo animo fiunt quo in tyrannide proponuntur. Licet enim peregrinis forum patefacere, sed non inescandi causa, licet populum ad inopiam & metum cogere, non ut opprimatur sed ut in officio contineatur melius, idque tum solium cum superbus, contumax & factiosus existit.

Opp. contra quaestionem.

Academiae institutae sunt solum ad otiosam contemplationem rerum, quae non prodest reipub. ergo illas tollere regibus licebit. Antecedens probatur, quia academia nihil aliud est quam magna schola in qua artes speculamur: hinc aulici non academici sunt ad civitatem apti, est enim in illis ingeniorum actio, est in his vero quaedam segnis & inutilis studiorum veluti sepultura: illi enim agendo disputant, hi verbis solum & quasi sonantes inter se de rebus parvi momenti certant, quippe quid nomen & verbum, quid genus & species, quid tropus

Aulici academicis magis politici.

& schema, quid unitas aut linea, quid gnomon aut cythara, imò ut altiora dicam, quid sphaera & sydens, quid materia & forma civitati prosint? At haec sunt mysteria de quibus Platonici, academici & Aristotelis alumni in scholis disserunt.

Resp. In verbis his tuis motus inest, at nullum in rebus pondus: ridiculum enim est quod dicas academias solum ad otiosam contemplationem destinari, quippe in illis practica reperiuntur ingenia, & ab illis actionis sydera tanquam a suis orbibus germanis lucent. Nomen & verbum, genus & species prosunt reipub. nam in illis radices viresque artis ac rationis insunt.

In otio negotium.

Opp. Contingit aliquando haerere infectis academicis rempub. in qua sunt eiusdem infectionis tabe laborare: si ergo aliter extinguere non potest contagio, easdem tollere & extirpare licebit. Nam melius est corruptas partes amputari, quam totam civitatem in discrimen trahi. Hoc ni fallor sacra tabula confirmant, in quibus constat collegium sacerdotum Baal & mendacium prophetarum iussu domini per suos vates penitus deleri. Præterea civitates saepe radicibus delentur propter conspirationem in regem: multo ergo magis deleri debent propter rebellionem in Deum, cuius venerandi summam & singularem curam omnes principes ac imperatores habere decet, nam verum illud est: Per me reges regnant. 3. Reg. c. 17. Prou. 8. 15.

Resp. Ut submersio hominis non est causa cur aqua, ut devastatio domus non est causa cur ignis tolleretur: ita academia propter infectionem erroris funditus non extinguenda. Quod urgeas ex suppositione, nempe si aliter extinguere non potest contagio; respondeo ex falso nil nisi falsum: sed falsa est ista suppositio, fieri enim potest ut medicina saepe, non sanguine tollatur ista contagio. Præterea hac ratio fallaciam habet (ut quidam volunt) à secundum quid ad simpliciter, nam etsi fortasse in hoc casu liceat, non tamen sequitur simpliciter licere. Quod addas melius esse partem infectam quam totum perire, verum est si pars non sit primaria in qua vita totius & anima consistit, qualis est ipsa de qua nunc agitur academia, quae est vita & anima civitatis. Deinceps exempla sacrarum literarum semper legem non faciunt. Postremo ultima ratio iniquam comparisonem inter regem & Deum habet, nam Deus potius conversionem quam confusionem querit, verum tamen si eo proreperit contagio ut medicinam curari

Iti 5.

non

non possit, tenent aliqui iustiores non esse tollendi causam quam que est aduersus deum & religionem impia conspiratio. Caterum eorum pace dicam homines non moenia, non reditus, non vectigalia peccare: authores ergo mali potius tollendi sunt quam loca; nam illis sublati meliores succedant, at his deletis spes nulla manet.

Dubia.

An liceat exploratores & auscultatores passim collocare?

An permittenda sit omnibus de regibus loquendi libertas?

Contra delatores. Anti-macch. comment. 1. theor. 2.

Rationes.

Aures Midæ.

SICCINE viuis Hiero, vt metuas sermones & rumores ciuium? si rectè agas non est cur timeas, si malè iustum fanè non est speculatores tuos in angulis ciuitatis collocare; imò Perficum, Barbarum & tyrannicum est passim & ubiq; subauscultatores & otacustas constituere, qui omnibus rebus & agendis & dicendis aures admoueant, qui in omnem cætum ac congressum hominum callidè insinuent, qui vitæ & fortunis ciuium malitiosè insidientur, quis tutus si tales in repub. nebulones viuant? Quis liber si tales scorpiones magistratus alant? Pessima pars seruitutis est subesse seruis: at tales carnifices in domo, in mensa, in sinu alere est iugum seruitutis intolerabile; sed rem punctis probo. Est tyrannorum (vt hic docet Philosophus) exploratores, & (si liceat nouum verbum affingere) intelligentiarios habere: ergo regibus (qui sunt tyrânis in omnibus cōtrarij) tales fouere non licebit. Antecedens perspicuū est in textu, vbi inter causas cōseruandæ tyrannidis hanc vnā tradit Arist. vt sint istiusmodi auscultatores qui dicta facta que ciuium notent, suisque tyrannis referant & declarent. Hoc (inquit) satisfactum fuit Syracusis, hoc Hiero atrox ille tyrannus fecit. Conclusio huius rationis rectè sequitur & cohæret à repugnantibus; quæ enim magis inter se certant quàm rex & tyrânus, quàm barbara oppressio atque ciuilis & libera gubernatio hominum? Præterea tumultuante Marte istos habere licet: ergo florente pace habere non licet. Porro seruilem metum in animis subditorum hoc parit, adeoq; sæpè flammæ seditionis mouet: sed hæc duo nempe seruilem metum & hostilem seditionis

seditionis motum reges fugere oportet: ergo regibus hoc facere non licebit. Deinceps rex suspiciosus in suos ciues esse non debet: ergo istiusmodi vulpes inter eos constituere & collocare non licet. Insuper hoc agere contra libertatem naturæ est, contra dignitatem ciuitatis, sine exemplo bonorum, & contra legem charitatis: ergo non licet. Quippè vt cancri inter rolas, lupi inter oues: ita exploratores inter ciues manent; hoc autem libertas, hoc honor ciuitatis, hoc lex amoris & charitatis negat. Postremò si melius sit in repub. apertos habere hostes quàm dissimulantes amicos, & si subauscultatores isti sint blandi dissimulatores, qui sub esca hanum & virus gerunt, nemo est quin videat admodum iniustum & periculosum esse tales in repub. tolerare. Caterum animaduertendum hic est nos vsum veneni aliquando inter salutare medicinas admittere; vt ergo ex viperinis carnibus mythrædaticum: ita ex serpentinis istis auscultatoribus aliquando vtile subsidium in ciuitate nascitur. Sed cautè hic adhibenda est distinctio temporum, in quibus istæ hienæ à suis latibulis & antris prodeant: Prescribunt quidam politici nostræ ætatis duo tempora, nimirum vel quando intestinæ seditionis est vehemens suspicio, vel quando ab externo hoste facta est inuasio. Huc quoq; addunt vtile esse hoc genus sophismatis si in suspectis & vicinis nationibus obscure & occultè adhibeatur, speculatores & auscultatores in bello sacra philosophia approbat, eosdèq; prudentia Lacedæmoniorū qui sæpè istiusmodi vulpculas Athenas miserunt) antiquitus approbavit. Nihil hic dicam de praxi nostrorum temporum, iusta est si causam honestam habeat, iniusta si solam speciem & laruam virtutis gerat. Altera dubitatio huic affinis & cognata est, nempe, An permittenda sit omnibus de regibus loquendi libertas? Verba textus hæc sunt. Nam tum (inquit Philosophus) hoc est cum exploratores isti per forum cursitant) minùs audent liberè loqui, imò si liberè loquantur minùs occulti erunt. Nimis securus rex fuit Antigone qui pulsans ad fores maledicentium tibi dixisti, Cauete ne rex vos audiatur; In regem malè concepta & cogitata non sunt toleranda

Delatores cancri, lupi.

Otacustarum vltus.

Quando exploratores sunt emittendi.

Dubium.

Plut. in 2. poph. In maledicentibus.

Exod. 22. 28.
Eccle. 10. 20.

Prouer. 16. 15.
2. Reg. c. 16. 7.

Prou. 8. 15.
4. Reg. c. 2. 24.

Num. 16.

Exod. 20. 12.

Macch. in Liu.
lib. 1. cap. 7.

toleranda, nedum ergo maledicta; si enim libertas malè sentiendi de rege ciuibus negetur, multò magis malè dicendi prohibetur licentia. Præterea rex sacra persona est totius ciuitatis, cuius dextra vitam & necem tenet: in regem ergo loquendi libertas non esset: nam si sit, confusio sequetur necessario. Loquatur ergo agricola sed non ultra rastum, loquatur miles sed non ultra hastam, loquantur ciues sed non ultra sortem: de regibus verò liberè non loquentur, nam ista libertas iram principis, ira autem principis mortem & perniciem gignit. Pessime Semei cur nomē Dauidis maledicā discindis linguā? Nōnè memineris regem à Deo constitutū esse? quicquid ergo in Dauidem loqueris aduersus diuinam prouidentiam loqueris, nam Deus est qui reges fecit, & per quem reges dominantur. Pueri qui maledixerunt Prophetæ à sæuissimis vrsis occisi sunt: caue igitur qui in regē loqueris, nam inultam non ferēs tantam contumeliam. Si enim pæna irrogetur ei qui ciuem, socium iniuriā afficit, quantum supplicium debetur illi qui libertate loquendi suum regem vulnerat? Romani, Macedones, Lacedæmonij, aliæque nationes olim hoc vitium linguæ inter scelera læsæ maiestatis annumerarunt, nec minore seueritate quàm cetera id ipsum persecuti sunt: petulantia igitur ista loquendi de regibus tollenda. Murmurarunt solū filij Israel in Moysen ducem, Aaronem sacerdotem suum, sed principes eiusdē seditionis & complices viui ad inferos (horrendum est dictu) descenderunt. Dic mihi que salus esset in corpore si partes capiti opponerentur, at rex caput est totius ciuitatis & ciues partes: ciuibus ergo ista libertas malè loquendi de regibus non indulgenda. Postremò rex pater est, at patri maledicere non licet: ergo nec regi, concludo igitur istam de regibus dicendi libertatem in bene instituta ciuitate tolerandam non esse.

Opp. contra primam dubitationem.

Opp. Per exploratores & subauscultatores insidia proditorum sæpè deteguntur, nec non prouisa propulsantur: ergo in ciuitate toleranda. Præterea accusatores malorum sunt in ciuitate approbandi: sed exploratores sunt accusatores malorum: ergo exploratores etiam sunt

sunt in ciuitate approbandi. Postremò Romani in singulis locis sibi subiectis suos speculatores habuerunt: si ergo illis istos fouere licuit, cur nobis etiam non licebit?

Resp. Detectio & accusatio malorum sunt duobus modis, aut palam sub nomine iustitiæ, & sic approbari debent in repub. aut occultè non sine astutia & malitia accusatorum, & sic tolerari non debet. Quamuis ergo per exploratores insidia & mala prauisa sæpè propulsantur, non sunt tamen permittendi istiusmodi, quia animo potius effundendi sanguinem quàm exequendi iustitiā ad accusandum veniunt. Verū id solū fieri in ciuitate dicitur quod ordine & iure fieri dicatur; sed ita inescare ciues eorumq; vitæ sic insidiari nec humanum, nec iustum, nec decorum est. Sint ergo si placet in repub. accusatores, sed noti; sint exploratores, sed iusti; nam aliter oasosum est nomen accusantis; habuerunt quidem Romani suos speculatores sed solū temporibus belli ac seditionis.

Opp. contra secundum dubium.

Opp. Libertas loquendi ciuibus data reges cætiore & meliores reddit: ergo est approbanda. Antecedens probatur, quia cum reges intelligant quid tota ciuitas de se sentiat, pudore quodam suffunduntur, & cum Philippo Macedonum rege mortalitatis suæ meminisse incipiunt. Præterea populus Romanus hanc libertatem habuit, qui sæpè imperatores non solū voce sed etiam libello vulnerarint. Huc illud quoque accedit quod Nathan, qui Dauidi adulterium; Elias, qui Achab idololatriam; Iohannes, qui Herodi incestum obiecit, in sacris tabulis plurimum laudentur, quod sanè non fecissent si liberè loquendi potestas ciuibus tolleretur.

Resp. Vt leones vulnerati sanius non moriuntur: ita reges contumelia labe notati non semper meliores sed sæpè deteriores fiunt. Absolutè ergo vera non est antecedens propositio neque eiusdem confirmatio. Ad alteram partem argumenti respondeo istam libertatem apud Romanos non viguisse: nam quamuis legatur multos consules & imperatores procacitatem & furorē tribunorum persequisse, nunquam verò accepimus istam libertatem loquendi populo fuisse concessam. Postrema pars rationis nihil probat contra institutum, nam Prophetæ & sacerdotes Dei legati sunt, qui hoc in mādato habet ut summis, medijs, infimis sine omni timore scelera denuntient, sed ita sine

Accusator notus, Explorator occultus. Macch. in Liu. lib. 1. cap. 8. Delator serpens in occulto mordens. Eccle. 10. 11.

Parrhesiæ fructus. 2. Reg. 12. 7. 3. Reg. 18. 18. Marc. 6. 18.

a. Reg. cap. 12. *sine omni timore ut in denunciando prudentia non desit, sicut in presentis exemplo Nathan luculenter apparet.*

CAP. XII.

Verum sit certa & fatalis regnorum periodus?

Cap. 12.

Exempla tyrannidum cito pereuntium.



PORTVNE antea, cum de causis evertendæ tyrannidis disputatum erat, ostendimus tyrannorum statum mutationibus fortunæ maximè subiectum esse, eundemq; diu permanere non posse: id ipsum nunc in fronte huius cap. quatuor exemplis demonstrat Aristoteles, quæ quidem exempla mea opinione videntur potius causas conseruandi quam evertendi tyrannidem illustrare. Nam in primo docetur cur centum totos annos tyrannis Ortagoræ & filiorum eius apud Sicyonios durauerit; fuerunt enim illi multis in rebus populares, & sæpè etiam videbantur iusti, nam Clisthenes eorum vnus cum (qui victoriam ab ipso abiudicarat) & coronâ viuum donasse, & statuâ mortuum honorasse dicitur. Ferunt etiam Pisistratum cum ad Areopagum in ius vocatus esset sententiam iudicis haud inquit accepisse: his modis illi sibi diuturnius imperium reddiderunt, leuiora fortasse vulnera astutè ferentes, ut ipsi postea grauiora truculenter infligerent. Proximè diuturna fuit Cypselidarum tyrannis Corinthi, quæ firma etiam diu permansit, nam Cypselus ipse annos 30. Periander 44. Psammeticus Gordiæ filius annos 3. & aliquot menses tyrannicè imperauit. Tertium exemplum Pisistratidarum est, qui Athenis 37. annos populum cum suo patre Pisistrato crudeliter oppresserunt. Vltimum est Hieronis, Gelonis & Thrasibuli, qui Syracusis annos tantum duodecim fremuerunt: diutissimè ergo tyranni Sicyonij, minùs diu Corinthiani, breuiùs paulo Athenienses, breuissimè autem Syracusani regnauerunt. His positis ad alteram partem capitis accedit Philosophus, in qua

Plat. in Hipparcho.

qua more suo Platonem carpit, qui certam & fatalem regnorum conuersionem interitumque numeris ascripsit: hinc quaestio quam nunc tractamus est, Vtrum sit definita rerum publicarum periodus? Bodinus vir nostræ ætatis politissimus egregiè in libro de methodo philosophatus hæc habet verba, Absurdum sanè mihi videtur quòd Plato rerum publicarum exitus & vicissitudines sola numerorū potestate metitur: tamen si enim Deus immortalis potentiâ, numeris, ordine ac mensura mirabili colligauit, non tamen numerorum viribus multò minùs fato tribuendum est, sed maiestati diuinæ, quæ ipsa (ut Augustinus scribit) fatum est aut nullum omnino aliud existit. Itaque cum Aristoteles causis consequentibus omnia tribueret, Platonis numeros irrisit libro quinto de republica, quò nihil melius est in tota disputatione aut accuratiùs ab eo tractatum: hætenus ille, cuius verba eo libentiùs induxi, quò ardentius velim præstigiatores ac magicos nostrorum temporum intelligere se in diuinationibus dirisque prælagijs rerum publicarum nimis altum sapere, cum eorum alij numeris, alij intelligentijs, alij sideribus, alij circularum cœlestium motibus ac influentijs ciuitatum declinationes conentur assignare. Omitto hîc Copernicum, qui solem immobilem stare & terram motu cieri & rerum publicarum conuersiones ex hoc motu oriri somniauit: nemo tamen (ut utar iterum verbis Bodini) inscitæ tantæ fuit, ut à centris circularum cælestium, multò minùs terrestrium, vim vllam influere putaret. Sed relinquo istos & ut soleo causam breuius atque concisus argumentis probo. Voluit Plato (ut hîc nihil dissimulem) rempub. mortalem esse, eiusdem interitus causam numerum ponit, cuius sesquitertia radix quinario coniuncta duos concentus efficit; cum (inquit) hic numerus fiat solidus, natura æs & ferrum, id est homines malos, cum aliter aurum & gemmam, id est bonos gignit. Obscurè nimis ô Plato loqueris, dic ergo quid velis? Est numerus in motu cœli. Quem motum intelligis? Motum solis: at cum ille triplex sit, ostende quem vrget? Retrogradum intelligo, qui numero signorum motuque

Plat. pol. 8. Dubium. Bodin. de method. hist. c. 6.

Politia conuersiones cui sint ascribendæ.

Bodin. de meth. hist. c. 6.

Plat. pol. 8. post. initium.

Hesiod.

Platonice opi-
nionis expli-
catio.
Vide Ptolom.
in quadripar-
tit. Melanct.
de periodis
imperatorum
to. 2. declam.

Plato refelli-
tur.

Reip. defini-
tio.

tuq; cernitur. Quid de hoc numero? quid de motu? volo duo-
denarij cubum in mutatione rerum obseruari. Adhuc aper-
tius quæro. Volo in hoc motu & numero multiplicationem
duodecies duodecim concipi, quæ duodecies multiplicata
1728 definitè efficiunt, quem numerum implent magna im-
peria vt Assyriorum à Nino rege ad Alexandrum. Videris er-
gò docere numeros solarium annorum, quos per duodecim
signa motu retrogrado & latitudinis sol ipse conficit, causas
conuersionis esse, si duodecies duodecim duodecies multi-
plicati geminentur. Quid ni? si hunc annorū, motuum & con-
uersionum numerum tam exactè prosequeris, in quo facies
cœli conuersa magnam rerum caniciem adfert, cur de cubo
quinarij etiam non loqueris, in quo ad quingentesimum quæ-
que plus minùs annum toruus aspectus cœli numerusq; con-
uersionis cernitur? Sed vterius non vrgeo, scio enim de vni-
uersali non de singulari aspectu solis numeroque motus à te
disputatum iri, dabis nunc veniam (insignis Philosophæ) vt
cum Aristotele discipulo tuo & præceptore meo hoc dogma
refellam. Numerus res mathematica est: ergo conuersionem
rerumpub. non potest efficere. Antecedens omnium Philo-
sophorum calculis verum habetur. Ratio pater, quia res ma-
thematicæ abstractæ sunt: sed res abstractæ agere in interi-
tum rerum existentium non possunt: ergo numerus non po-
test. Si verò dicas numerum numeratum intelligi, qui nihil
hic aliud est quàm numerosa conuersio cœli, tum quidem sic
vrgeo, respub. esse ordines ciuitatum, qui à mente humanâ &
voluntate pendent: sed menti humanæ & voluntati cœlum
nullam periodum nullamque necessitatem imponit: ergo
nec rebuspub. quæ ab illis pendent. De maiore nemo philo-
sophorum dubitat cum definitio sit reipub. vt sit ordo ciuita-
tis procedens à recta ratione, quæ ad mentem; & à iustitia,
quæ ad voluntatem refertur. Minor constat, quia inter cœlum
& mentem, stellam & voluntatem agendi & patiendi medi-
um non est. Est enim cœlum corpus, mens autem & volun-
tas spiritus substantiam habent. Porro si verum sit quod vulgo
dici solet, Sapiens dominabitur astris; & iterum, Sidera incli-
nant

nant non imponunt necessitatem. Non video fatales mor-
bos, dies criticos & sepulchra rerumpub. tam certè & defini-
tè posse ipsum Atlantem augurari: nam quos pulsus ciuitates
habent, vt eorum motu languidiore dira adesse fata diuine-
mus? Deinceps certam periodum imperiorum numero, mo-
tu, fato, aut quouis alio humano & naturali modo statuere est
meo iudicio diuinæ prouidentie plurimum detrahere, dei que
verbo fidem abrogare; quippe quid aliud hoc est quàm deum
fatali quadam necessitate suis medijs astringere? Dei q; Pro-
phetas de regnorū periodis vaticinantes potius astrologos &
philosophos quàm inspiratę veritatis nuncios & legatos appel-
lare? Daniel de imperiorum casu numeroq; egit. quid? Danie-
lem Ptolomęi magis volumina quàm Dei oracula consuluisse
dicemus? At sunt qui audent numerum illum dierum &
hebdomadarum mysterium apud Prophetam cœli motibus
siderumque influentijs assignare. A minore hîc alia ratio ad-
duci potest, nempe quòd certa periodus vitæ humanę defi-
niri non possit: ergo nec ciuitatis. Antecedens probatur, quia
ante diluuium constat hominem penè millesimum attingisse
annum, nunc verò 63. fatalem & climactericum arbitramur.
His positis quæro quæ causa tantæ mutationis erit,
cœlum eundem motum numerumque tener, eandem natu-
ram homo. Inid si vitæ humanæ periodus certissimè à cœlo
pendeat, cur gemini sub eodem sidere nati eandem sortem,
cur innumerabiles in bello aliquando occisi diuersam fortu-
nam non paterentur? Moriendum quidem est, at quis perio-
dum suæ vitæ, quis modum & tempus suæ mortis tener? Si
ergo vitæ humanæ conuersio (quæ quodammodo à cœlo
pendet) à nemine certò definiri potest, quis audet de periodo
ciuitatis (quæ non cœlum sed mentem & voluntatem sui
causas habet) analyticè definire? Nihil hic dicam de sceleri-
bus & flagitijs populi, quæ sunt (vt sacra testantur oracula)
causę præcipuæ euertendi imperia, quid enim sulphur & ig-
nem in Sodomam & Gomortham à cœlo deuocauit? an ma-
ligna siderum & planetarum coniunctio? non sanè. quid tum?
Immanis vitæ turpitudine. quid diluuium totius mundi fecit?
Kk Immanis

Iob. 12.

Daniel. 7.

Gen. 5. 27.

Iob. 34. 30.

Gen. 19.

Gen. 6.

Ion. 1. 2.

Aliqui demūt
annos. 489. nisi
computes ad
Alexandrum,
& sic addūt. 41

1588.

Periculosus
siderum aspe-
ctus.
Ios. 10. 13.

Immanis scelerum turpitudine; quid templum? Quid Ierusalem deuastauit? Certè populi turpitudine. Niniur triste & fatale funus minatur deus: sed quæ causa? Ipsius ciuitatis turpitudine. At dices moralis hæc causa est non naturalis quæ hoc loco quæritur. Quid? An cælum bonos & malos gignit? An cælum vi suâ in pulcrem semper imperia vertit? An triste tum sidus regnat cum ciuitates ruant? Periculosa est hæc doctrina & multos in voraginem atheismi trahit; vult quidem deus ut medijs sed temporibus & medijs non alligatur. Potestremo in loco libenter scirem vtrum isti magici diuinationes temporum possint exactam rationem istius periodi exemplis illustrare, nec non certissimè ex suis Sybillæ folijs annum, diem, horam ruentium imperiorum præfagire? Gloriarum, quidem plurimum 1728. annos impleuisse Assyriorum monarchiam, totidemq; annumerari ab eluuiionibus aquarum vsque ad euersionem templi ac reipublicæ Iudæorum iactitant; quid? Nonnè vnus annus defuit, non superabundauit vnus? sed ridicule, cur idem spatium Medorum, idem Persarum, idem Macedonum imperium compleuisse non probant? Cur nunc Romanorum aquilam iisdem limitibus non circumscribunt? Operæpretium est profectò videre istos in vallum quasi phantasmatum impingentes, alij enim negant hæc fuisse imperia mundi, alij imperia esse quidem concedunt sed non vniuersalia, alij de numero annorum certant, alij de influentia cœli dubitant, alij causas excudunt nouas, pauci verò aut nulli attingunt veras. De hac re amplius paulo ac vehementius scribo, quia hodiè ab inferis reuocantur furie, hodiè Sybillæ de mirabili anno recitatur carmina, hodiè à Calabria nescio quæ fatalia deferuntur noua, mira hodie de terribili aspectu siderum passim dissipantur opinionum monstra. Non tamen hic nego (viri politici) formidolosa nobis minitari cælum: hoc tamen est quod optem, ut in senectute mundi nō stellā sed deū timeamus, eumq; rogemus ut sol cōstet in medio cœli, donec Israel suos hostes vincat, imò si ei visum fuerit magno cœli spacio retrocomeet, ut Elizabetha Angliæ regina feliciter ac diu viuat. Sed hic filum abrum-

pam

pam quæstionis, & ad reliquam textus partem exponendam veniam, in qua primum docet Philosophus Platonem in hoc non sensisse malè, quòd cælum aureos & ferreos (id est, bonos & malos) mores in animos hominum instillare putarit; nam alij (inquit) dociles ad virtutem, alij nulla eruditione sanabiles, hoc est, difficulter boni & studiosi fiunt. In illo verò errauit quòd vnā solū causā conuersionis inuenerit, eandemque communem & falsam, ut exemplo rei simul ortē & mutatē ostendit. Alterum quod reprehendit apud Platonem est, quia posuerit optimā reipublicæ formā à se descriptam primum in Laconicā, hoc est optimatū imperiū, proximè in paucorū potentiam, hinc in statum populārē, postremò in tyrannidem cōnutari. Hoc (inquit Philosophus) verum non est cum sepius in contrarias quā in vicinas formas respub. transferantur. Tertiò arguit Platonem quia omisit formā in quam vertitur tyrannis, hoc quidem fecit (ut ait) quoniam tyrannis est adeo immutabilis, ut facile non sit, in quam formā mutetur, certò definire, nisi forte velit eandem in optimā quam finxit reuocari. At (inquit) sepe tyrānis in tyrannidē translata est, ut apud Sycionios; sepe in paucorū potentiam, ut Chalcidica illa quam Antileon obtinuit; nunc in democratiam, ut Syracusana Gelonis; nunc in aristocratiam, ut Carthaginensis: reliqua exempla in textu aperta sunt. Quartò Platonem carpit, quòd causā mutandi rempub. in paucorum potentiam, nimium pecuniarum studium & cupiditatem esse existimauerit, cum potius huius conuersionis initium est quòd diuites existiment penitus iniquum esse, ut qui nihil habent, sibi in honoris participatione adæquantur. Quintò in illud disputat Platonis ubi docet in oligarchia duas ciuitates comprehendī, quia ex diuitū pauperumq; cōmixtione cōstat: hoc (inquit Philosophus) fieri nō potest, quoniam nullā factā diminutione rerum hic status in alium vtpote in popularem statū transferri potest. Postrema conclusio contra Platonem est quod vnā solū morālē causā declinantis reip. constituerit, nempe rerum familiarium ac fortunarum profusionem: quasi verò (inquit Philosophus) omnes aut etiam plurimi

Secundus Platonis error.
Pla. pol. 8. & 9.

Tertius error.

Quartus error.

Quintus error.

Sextus error.

Kk 2

Cap. 10.

plurimi ab initio diuites & opulenti fuerint. Aliæ ergo causæ præter istam (vt nos ipsi fecimus) assignandæ sunt. Exempli causâ, honoris ambitio, iniuria, contumelia, odium, nimia indulgentia, & licentia morum, hisque similes permultæ, quæ vt antea ostendimus (tamen si nulla rerum aut patrimoniorum intercesserit iactura) horribiles mutationes & motus in ciuitate gignunt. Multa vt vides (studiose lector) in quintum hunc librum scripsi, illos secutus qui nō tam multa quàm multum scripserint: operam in eo dedi vt eorum, quæ apud Philosophum sunt, prætermitteretur nihil. Pharmaca composui vt spero salutaria, si quid veneni in gustu senseris, fumus est non virus: nam eiusdem vires pro viribus extinxi & temperaui: hoc dico quia in causis tyrannidis conseruandæ multa fortasse aures tuas offendant, sed illud solum velim intelligas me in omnibus omnia ad gloriam Dei & ecclesiæ tetulisse.

Cap. 11.

Distinctio.

Duo in hoc c. tractatur, { Duratio tyrannidis, cuius quatuor ponuntur gradus & exempla Sycioniorum tyrannorum, qui 100; Cypselidarum, qui 74. Corinthi, Cypselidarum, qui 37. Athenis, Hieronis & Gelonis, qui 22. annos Syraculis populū oppresserunt. Fatali periodo rerumpub. de qua satis distinctè diximus. Refutatio { Morali causa conuersionis, quam etiam Platonis de { satis dilucidè explicuimus.

Definitio. fati.

Opp. Est naturalis ortus ciuitatis: ergo est fatalis eiusdem periodus. Antecedens probatur in primo libro Politicorum cap. 3. ubi probat Arist. ciuitatem esse à natura. Ratio patet à definitione fati, quod nihil aliud est quàm causarum in rebus à natura procreatis necessaria connexio, earumque in senescentibus certa & inuitabilis declinatio.

Fatum physicum, stoicum.

Resp. Hæc definitio fati vires suas habet in rebus simpliciter & absolute naturalibus, qualis ciuitas non est, quæ non tam à natura quoad materiam, quàm à mente & voluntate humana quoad formam pendet. Præterea hoc loco non de fato physico & causarum nexu, sed de stoico & mathematico agitur, quod numero siderumque motu aspectu & influentiâ definitur.

Opp.

Opp. Res omnes caduca & mortales suam fatalem periodum habent secundum diuinam providentiam: sed res publica sunt caduca & mortales: ergo res publica suam fatalem periodum habent secundum diuinam providentiam. Maior constat, quia Deus omnia numeris, ordine & mensurâ colligauit, certumque tempus durationis constituit. Minor inductione omnium rerumpub. quæ olim floruerunt & nunc in sepulchro obliuionis iacent, confirmatur.

Resp. Hæc omnia concedi possunt, nam non quarimus utrum sit periodus rerumpub. secundum providentiam Dei, sed utrum sit ultimum & definitum ciuitatis fatum secundum influentiam cæli, idemque hominibus certissime notum, quod negamus.

Opp. Cum Deus vult respub. & imperia secundum providentiâ suâ cadere vitur certis ac definitis naturæ causis: sed certa & definita naturæ causa sunt nota hominibus: ergo cum Deus vult respub. secundum providentiâ suam cadere est notum hominibus: quo concesso non video quin certa periodus à medijs causis (quibus in providentiâ sua Deus vitur) certo demonstrari queat. Maior huius syllogismi probatur à minore, quia cū voluerit deus 15. annos ætati Ezechie addere, solē 10. gradus à suo cursu renocauit; cum voluit Israelē pugnando vincere, solem stare in medio cæli iussit; cum voluit suorum filij mortem omnibus conspicuum reddere, mirabilem eclipsin fecit, quâ visâ Dionysius insignis ille Philosophus coactus est dicere, aut Deus patitur aut tota mundi machina dissoluitur. Direxit Magos per stellam, præmonuit Ierusalem per cometam, quid multis? Medijs in exequenda iustitia vitur: sed medijs scientiam mortalibus concessit, quâ præditi cur rerumpub. mortalium periodum ignorarent?

Resp. Media natura considerari possunt duobus modis, vel secundum propriam vim, motum & ordinem, & sic eorum scientiam mortalibus concessit Deus; vel secundum providentiâ Dei, qui medijs naturæ pro arbitrio vitur, & sic eorum scientiam hominibus non dedit, vt in omnibus istis exemplis, quæ hic adducuntur, patet: in quibus probatur quod contra vim propriam, motum & ordinem his causis & medijs uteretur Deus. At quæris cum secundum vim propriam, motum & ordinem hæc media disponantur, cur tum secundum eandem rerump. periodum non prælagiret homo? Respondeo vt supra, quia

Reg. 4. c. 20. Iosua cap. 10. Luc. 23.

Mat. 2. Ioseph. de bello Iudaico

quia respub. non est opus simpliciter natura sed etiam mentis: attamen hac media vim mutandi opus mentis non habent, nisi ut loquuntur Philosophi ex consequenti & fortuito.

Opp. Ab exitu Israelitarum ex Aegypto ad regnum Salomonis fuerunt anni 500. ad exilium Babylonicum rursus 560. à reditu ad ultimum excidium 500. quid opus est multis? Observatum est mirabilem & fatalem alterationem in omni celebri imperio circiter hoc tempus (ut ait Iochimus) cōtigisse: ergo videtur esse quadam periodus ciuitatis, nam ut homo 63. annum climactericum, ita ciuitas annum quingentesimum periculosum habet.

Resp. Ista inductio manca & mutilata est, nec vniuersaliter concludit: nam mille exempla rerum pub. adduci possunt quae nullum eo anno senserunt motum defectionis. Agnosco tamen hanc observationem non esse inutilem, de cubo quinary, in quo retrogradus motus coeli summum metum formidolosi aspectus habet, hoc tamen affirmo non esse fatalem causam periodi. Nam ut homo climacterico suo anno non semper moritur: ita respub. in hac aetate necessario non commutatur.

Dubia.

Utrum ad bene administrandam rempub. vlla coeli influentis ratio sit adhibenda?

Utrum facilius sit in formam vicinam quam in extremam rerum pub. commutatio?

Dubium primum.

ETS I contra illud Platoniorum & Stoicorum dogma de fatali numero & periodo rerum pub. modò disputauerim, eo tamen animo non sum quin plurimum naturae coeliq; viribus in administratione ciuitatis attribuam. Si enim mores animi sequantur temperaturam corporis, ut medici; si inferior mundi globus sit superiori contiguus, ut Philosophi docent; negare non audeo quin coeli vis magna vel potius mirabilis sit flectendi mores & affectus hominum adeoque rerum pub. formas & status cōmutandi. Quanquā igitur inficias eo certò ac definitè per numeros, motus aut vires coeli periodū ciuitatum posse demonstrari; illum tamen indignum magistratus nomine existimo, qui omnem coeli influentis rationem

nem negligit, qui planetarum & signorum ortum & occasum ignorat, qui climatum vires in singulis nationibus (maximè verò in ea in qua versatur) seriò ac diligenter non considerat. Quis enim est dignus magistratus nomine qui infinitas qualitates loci, qui mores populi, qui temperiem aeris, qui anni partes & vices non intelligit? Sed hæc omnia à coeli influenza pendent, quippè iuxta vim coeli singulae nationes suos pulsus, suos mores, suas vires habent: hinc Scythæ bellicosi, ingeniosi Hispani, Pæni leues, Græci mendaces, Aegyptij falsi & superstitiosi dicuntur. Præterea in singulos sub coelo natos fit influentiæ necessaria impressio: ergo multò magis in magnas nationes. Antecedens probatur, quia quis negat sub Ioue magnificos, sub Marte bellicosos, sub Luna molles, sub Mercurio dociles & inconstantes nasci? si ergo priuati affectus vi coeli infundantur, quanto magis locorum mores à coelo fluunt? Quorum rationem si oratione negligat magistratus rectè præesse ciuitati non potest. Insuper si coelum vim nullam in moribus fingendis habeat, dic mihi cur septentrionales bellicosi? Cur ingeniosi australes? Cur insulares callidi & versutifiani? Certum est ex siderum radijs istorum morum radices fluere: si ergo bene administrare velit magistratus, climatum scientiam illum aspernari non deest. Postremò cum magistratus à Philosopho pater, pastor & medicus ciuitatis dicatur, debet quidem ut pater mores ciuium, ut pastor vires temporum & locorum, ut medicus infirmitates corporum & aspectus siderum intueri: sed hæc rectè agere non potest si coeli influentis rationem ad bene imperandum non adhibeat: est ergo ad bene administrandam rempublicam coeli influentis ratio adhibenda. Sequitur altera dubitatio, nimirum, Utrum facilius sit in formam vicinam quam in contrariam reipublice commutatio? Plato hic in vicinam, Aristoteles in contrariam facilius transmigrare affirmat, res verbo concluditur: nam ut ait Thomas bipartitò respublica in aliam vertitur: aut gradatim, & sic in vicinam; aut raptim seu violenter, & sic in contrariam

Magistratus
Pater,
Pastor,
Medicus.

Dubium secundum.

Mutatio gradatim, rapida,

trariam facilius commutatur. Si enim sensim & gradatim in aliam migret, verisimile est quod per media quosdam lapsus & labes habeat. Nam ut elementa symboli habentia citius: ita respublicæ affinitatis vinculo coniunctæ facilius inter se transferuntur. Hinc quidam volunt cum Platone ut est in textu simpliciter optimam rempublicam in aristocratiam, hanc verò in paucorum potentiam, paucorum verò potentiam in popularem statum, popularem denique statum in tyrannidem commigrare; at Aristoteles huic repugnans & contrarium docet. Vult enim ille non esse inter respublicas ut inter elementa & vitia quædam transmutationis media, quippe regnum inquit in tyrannidem, aristocratia in diuitum potentiam, populi senatus in furorem multitudinis frequentissime sine medio conuertuntur. Verum hoc quidem est quod ait Philosophus, nam potest rex fieri tyrannus, possuntque optimates euadere factiosi idque proxime ut loquuntur & immediate; sin verò mixtæ rerum publicarum formæ cum simplicibus comparentur, inter quas etiam est quædam contradictio, lapsus non fit sine modo, occasus non fit sine medio. Exempli causâ. Monarchia Romana quæ fuit regum, per aristocratiam quæ fuit consulum in seditiosam populi potentiam quæ fuit tribunorum cecidit. Hinc aliqui gyrum & orbem rerum publicarum colligunt, nam olim cum adhuc mundus in crepundijs fuit, viri rationis coacti sunt homines regulos constituere, vnde regnum; at cum isti superbiâ elati in lupos se conuerterint, ex regno tyrannis extitit, verum cum aquilæ nobilesque viri tyrannorum vngues & oppressiones diutius sustinere non potuerint, tyrannis in aristocratiam fluxit: cum verò optimates successionem vultures facti sunt, aristocratia in paucorum potentiam abiit: sed hoc iugum non tulit multitudo, quare impetu tandem facto sibi rapuit imperium, quod democratia dicitur. Cæterum multitudo hydra multorum capitum est, quare nē in anarchiam verterentur omnia, coacti sunt homines retrospicere & tandem ad regni studium iterum se conferre; sic regna ut vides cadunt, sic magna imperia

Forma mixta,
Simplex.

peria cadunt, sic transit gloria mundi, nihil enim sub sole firmum, perpetuum nihil. Ver æstas, æstatem hyems, hyemem iterum flos veris sequitur; annus suum gyrum, mundus suum orbem habet, in cuius solū puncto ciuitates manent; at quid punctum si cælum spectes? Nihil. quid regnum si æternum spectes? Profecto nihil.

Opp. contra dubium primum.

Opp. *Ordines & mores ciuitatis ut antè probatum est dependēt ab animo non à cælo, à lege educationis non ab inclinatione sideris: ergo clymatum scientia ad bene administrandam rempub. non est necessaria.*

Resp. *Ordines & mores ciuitatis considerantur bifariam, aut primario, & sic ab animo & lege educationis; aut minus primario seu ut loquuntur ex consequenti, & sic à cælo & inclinatione sideris pendent. Cæterum cum mortales magis natura pulsum cæliq; motum sequantur quàm rationis nutum & imperium; clymatum scientia magistratui est admodum necessaria, ut modum educationis per inclinationem multitudinis hinc rectius intelligat.*

Opp. *Si certa sit clymatum scientia quoad mores hominum, cur certa non est quoad periodum ciuitatum, quarum vita in moribus hominum tota consistit?*

Resp. *Satisfactum est huic questioni modo in superiore distinctione, in qua ostendimus mores hominum non absolute & primario à motu cæli dependere, est tamen istius inclinationis certa scientia, nam inclinatio naturam, educatio vim rationis sequitur.*

Opp. *Fallit nos sæpe clymatum scientia: ergo ad administrandam rempublicam non est necessaria. Antecedens probatur, quia hoc posito quod sit certa, sequeretur necessario australes & subsolares nationes natura vi maiorem vim animi, septentrionales verò maiorem vim corporis habere. Sol enim australium humores temperat spiritusq; animales viuaciores reddit: sed sæpe contingit quod australes minus ingenio felices & beati existant, ut Sabellici aliq; historici narrant. Præterea boreales in alio parte mundi*
Kk 5. *viuant*

uiuunt, & proinde in subtiliore aere: probabile ergo est maiorem ingenij vim sibi posse vendicare.

Resp. Climatū scientia non fallit: quod vr̄ges de australibus & septentrionalibus, verum quidem est particulatim in paucis sed non generatim in omnibus. Et sanē defectus non est in actione cæli sed in mala dispositione cerebri. Nam ut omnis terra pars non est apta ad fundendum fructum: ita omnis constitutio cerebri non est docilis ad capiendum ingenij cultum. Postrema pars obiectionis de altiore mundi parte & subtiliore aere necessario non concludit, præsertim cum desit benigna influentia solis quæ vires ingenij recreat.

Opp. contra dubium secundum.

Opp. Negat Arist. esse circulum conuersionum in hoc cap. erga minus consideratè ponitur. Iterum negat esse mediā per quā una forma in suā contrariā vertitur: ergo malè de conuersione successiua & violenta distinguitur.

Resp. Non hīc absolue circulum conuersionum negat, sed semper in optimā reciprocari & renocari negat. Altera pars argumēti antea dissoluitur, cum ostendimus Platonem de comparatione mixtarum rerū pub. cum simplicibus solum disceptasse, & sic verum est sensim & gradatim per mediā in contrarias formas dilabi. Sed nunc colophonem huic libro addam, obsecrans diuinā maiestatem ut reges & regna in centro veritatis sine motu, in circumferentia virtutis sine lapsu diutissime conseruet.

Laus soli Deo.

Utrum officium sit bonorum principum rerū pub. labes vi & armis dissoluere?



ISPVNGI omnia, quæ sunt in hoc libro præcepta, quidam satis deuoti interpretes peroptarunt; ratio est, quia in illis axiomata tum instituenti tum conseruandi rerū publicarum labes ac digressiones continentur. Impium (inquiunt) est morbos corporis, sceleratum verò morbos sordesque ciuitatis fouere & conseruare; istorum pium errorem atque beneuolum in patriam affectum probo; verum quoniam ea sunt tempora in quibus ex ouis olim conceptis caudatos scorpiones passim prorepantes videas; potius præmonendi sunt ciues, ut ictum & aculeum præmuniti fugiant, quam permittendi, ut ignorantia tantorum malorum decepti pereant. Si quis ergo hoc loco fiscitetur cur Arist. tam impensè operam nauet, ut nō reſtæ rerū formæ, vel si verius dicam, deformitates tot & tā varijs coloribus vestiantur: respondeo ut antea, non aliter Antecedentis doctrinæ cau- illum istas insidias & laqueos in hoc libello, quā nauis gubernatorē arenas & scopulos depinxisse; quippe (ut ait Ver- tio. for) ideò à Philosopho istarū transgressionū idola imaginēsq; delineātur, nō ut adorētur à principibus, sed ut crecta per tyrannos à bonis ciuibz dissoluantur. Verba eius hæc sunt, Volentes labes dissoluere, magis quidem hoc possunt, si illas cognoscant; quippe hoc modo sciunt euitare fraudes domi- nantiū easq; eneuare. Nam ut in theoricis scientijs recitatur errores, nō ut homines in eos incidant, sed potius ut eos sciāt euitare: ita in hac descriptione reip. proponuntur errata ut eadē scientes fugiamus. Non enim malū est scire id quod malū est, sed id ipsum cognitum perpetrare. Qui ergo candidè Philo-

Erroris viam,
propter veri-
tatis semitam.
depinxit Ge-
rard. Do. in
sua Specul.
Phil.

Philosophum exponunt eiusdemq; sententiam rectè perci-
piunt, in instituendis & conseruandis malis rerump. formis
oleum & operam non effudisse asserunt, præsertim cum in
animo hoc habeat, vt malas instituendo, quæ rectæ sunt,
euidentiùs appareant, meliùq; conseruentur. Non id dicam
quod Versor hic addit, nempe vnã causam esse cur Arist.
tyrannidem, oligarchiam & popularem insaniam tã amplè
instituerit, quia aliquandò isti dominandi modi sunt neces-
sarij. Nam licet sint mali, ea tamen possunt esse tempora
moresq; hominum, vt ad tempus plurimùm expediant, sicut
dictatura Romanorum, & Atheniensium ephoria. Si enim
Iouem non colēt ciues, cogantur Martem adorare; truncum
contempserunt ranæ, & ideo illis dabatur vultus; si pacis o-
liuam non ferant homines, digni sunt vt Martis hastam acu-
tam & amentatam sentiant. Sed de hac re superiùs satis idip-
sum inculcatum; nunc tamen volumus, vt Arist. & Machia-
uellum ex eodem cratere fæces non propinasse, & eodem
animo has sordes rerumpub. non descripsisse cogitemus; cū
ille vt labes, hic vt formas; cum ille in eis dominantes pro-
ditores patriæ, hic verò reges bonos & politicos imperato-
res nominet. Hic (inquit Versor) inopportunè non mouetur
dubium, vtrum quilibet princeps iustè possit dissoluere re-
rumpub. labes? In solutione supponit tria, primum est quòd
princeps sit quodammodò in ciuitate omnia: secundū quòd
primo enti, id est Deo (cuius personam gerit) præ omnibus
iure naturæ obligetur: tertium quòd omnis transgressio &
labes reip. sit præter naturam primi; entis maiestatem; hinc
concludit officium esse cuiusvis boni principis istas deformi-
tates rerumpub. quantum in se est, dissoluere ac delere. Ve-
rùm quoniam principatus sunt vel subalternatim (vt aiunt)
positi, vt ducatus sub regno; vel è regione constituti, vt duo
distincta & diuersa imperia, quæstio est, an principes tene-
antur alios armis cogere, vt iura naturæ primi; que entis, quæ
violarent, complectantur? De subalternatim positis hono-
ribus in eadem ciuitate anceps non est interpretatio; nam li-
cet superioribus suos inferiores ferro ad officium cogere.
De

De non subalternatim positis hæc est quorundã interpretum
sententia, nempe quòd liceat cuilibet iustè administranti re-
pub. alios penitus iuri naturali, humano & diuino se oppo-
nentes armis inuadere; rationem addunt, quoniam quilibet
rex bonus vicem gerit primi principis & vniuersæ naturæ.
Si ergo insignes ab illis defectiones fiant, tenetur officio illas
pro viribus corrigere & reformare; nam (vt aiunt) omnes
principes Deo & naturæ subijciuntur; & vt proditores in re-
gem dissoluunt vnitatem imperij, digniq; sunt ob id facinus
diro supplicio: ita reges qui in Deum & naturam peccant,
violant harmoniam & consensum, factiq; sunt indigni luce,
indigni sceptro & imperio. Præterea (inquiunt) si in bono
vtili liceat subuenire subditis intolerabili tyrannorum iugo
oppressis aduersus principes, quanto magis illorum nomina
eradi debent ex catalogo regum qui in naturam & Deum
insano quodam impetu & affectu sæuiunt? Catilinarijs om-
nibus & singulis iustè sua amputantur capita, quia vñionem
in caput: iustè suæ dilacerantur partes, quia vñionem in ciues
(qui sunt rerumpub. membra) perfringunt: sed omnes prin-
cipes Deo subditi sunt, à quo si seditiosè discesserint, tam-
etsi propter sceptri maiestatem manerent homines; scele-
ris tamen indignitas postulat, vt regius splendor ferri ru-
bigine hebescat & obscuretur; quis enim exspectat illum
vt alij diligant, cum ipse contemptui numen diuinum habe-
at? Hæc olim alij, hæc etiam nunc scribo, vt intelligamus
non iniusta esse arma quæ in barbaros & infideles sumuntur;
nam præter oraculum diuinum, quo iubetur Israel contra
Cananzos præliari; argumenta non desunt quæ nos mone-
rent in isto delirio mundi ferrum & flammam aduersus Ma-
hometistas exercere. Tremunt nunc mœnia Christiana, O
Christe bone fac non declinent; Acherontis ostium apertū
est, & lapides in arces turesq; Syon loquitur, suum enim
Alcaron Turcæ, & Persæ suam Magiam habent, imò multis
partibus Europæ tanquam expressum verbum fidei protru-
serunt, imò venerunt gentes & polluerunt templum tuum
domine, imò prophetas tuos gladio, cruci, lapidi condem-
narunt;

Qui alijs pro-
spicit & pub-
licis consule
commodis
iustè admini-
strat.

In quos prin-
cipes & quan-
do non iniu-
stè sumuntur
arma.

Num. 33.
Deut. 7. & 31.

Agrippa de
occulta Phil.
in epistol.

3. Reg. 19.
Heb. 11.

526
Deut. 13.
Iudic. 13.
4. Reg. 8.

Liber sextus.

CAP. I.

Qui aliena,
clam, & vi,
priuata, &
publica, vfur-
pat, sacraq; &
sancta polluit,
non rex sed
tyrannus iure
dicitur. Plato.

Ioh. 13.

1. Cor. 1. & 6.

narunt; expergiscere quæso & tuos Iosuas, tuos Sampsones, tuosq; Dauides, hoc est omnes Christianos reges excita, vt ab impijs discordijs quibus seipsos lacerant resiliētes, vna- nimi consensu aduersus hostem tuum pugnent. Hæc oro (studiose lector) quia iustissimum bellum esse existimo quod pro Christo eiusdemque dulci columbâ & columna veritatis geritur: tyrannis enim Persica est labes reipub. contra natu- ram, aduersus deum: sed (vt probatum est) tenentur reges na- turæ deiq; hostes armis inuadere, labelq; rerumpub. corrige- re & coercere; cur ergo otiosi stamus? Cur arma non sumi- mus? At dices vindicta relinquenda deo est, verum est sed de- us rarissimè vindicat sine medio. Periculosum hoc est quod doces. Quid ita? Quia arma non sunt sumenda in principes, vt antè docuisti. Verum id quoque est: at tyrannus hostisque dei principis nomen non meretur. Sed antè negasti tyran- num à suis ciuibus iure posse spoliari. Adhuc id ipsum nego, si vel successionē vel electionē factus sit princeps, hic autem de regnis non subalternatim positus disputatur, quorum la- bes contra naturam primiue regis maiestatem institutas li- cet alijs regibus dispungere & extirpare. Si ista aperiatur fæ- nestra, lupus ouile Christi (vt aiunt) ingraffabitur, omnisque leuicula tragicè bellandi arripietur occasio. Dic ergo, quæ regna, quos reges intelligis? Barbaros, non Christianos cer- tē: nam illi naturæ, religioni, Deo, Christo, Ecclesiæ, omniq; iuri diuino & humano se penitus opponunt: hi verò vnum idemque caput habentes & adorantes armis seinuicem ma- stare non deberent, nouum enim acceperunt mandatum, vt se mutuo diligerent, non laniarent: quippe monstri instar est, vt membra vnius capitis, vt partes eiusdem corporis, vt inco- læ eiusdem ciuitatis, vt filij eiusdem patris, vt in Christo fra- tres vincula pacis disrumperent, ac non aliter quàm carni- uoraces & truculenti leones se lacerarent. Christianis lites & contentiones prohibuit Apostolus: quantò vehementius belli manes & flammæ prohiberi voluit? Siccine iā doces? Quid si rex Christianus prorsus omnem religionem, fidem, Dei que cultum abijciat? Quid si Diagoras Infidelis, Barba-

ricus

CAP. I.

Liber sextus.

527

ricus & Mahometista fiat? Quid? Caueat tum ille ne iustis- simum Dei fulmen sentiat, qui fædus, quo Deo obstringi- tur, iniustissimè violauit; caueat (inquam) ne quando nu- men diuinum facinorose oderit, ipse nomen regis lumenq; honoris humani non iniuste perdat. Hactenus de causa cur in hoc libro non rectæ rerumpublicarum formæ & labes ab Aristotele sunt institutæ diximus, nunc enucleatius ad ipsum textum exponendum paucis accedere oportet. Primum Summa huius hoc caput tres habet partes, nempe repetitionem præce- dentium, futurorum quæ aguntur propositionem, & deniq; expositionem quandam popularis potentia, à qua initium hic liber trahit. Repetitio tam aperta & perspicua est, vt lucem soli videatur addere, qui in eadem exponendâ velit laborare. In propositione ostendit Philosophus se dictu- rum de varijs forinis democratiæ earumque connexioni- bus, quæ hoc atque illo modo (vt ita loquar) circumflexæ diuersas reipub. administrandæ formulas efficiunt. Exem- pli causâ, si in populari statu diuites consultant, oligarchiæ; si potentes in iudicijs dominantur, aristocratiæ rationem & motum hic status induit. Hoc posito declarat duas potissi- mum causas, cur multæ sint species popularis potentia: vna est, quam superius dixit, nempe dissimilitudo mul- titudinis; nam in populari statu est quædam multitudo a- gricolarum, quædam opificum, quædam mercenariorum; si prima cum secunda copuletur, vnam; si vero tertia cum duabus primis, alteram speciem democratiæ effectam vi- deas. Alia causa, cur plures sint species istius administra- tionis, est proprietatum diuersarum distinctio, quæ popu- laris potentia diuersas species parit: vt ergo partes, ita pro- prietates istius forme sciri & considerari oportet; nam vt ex partium ita ex proprietatum distinctione diuersa ge- nera & modi administrandi in hoc statu oriuntur. Si quærat hoc loco aliquis, quare primum & tam copiose in hoc libro de populari imperio egerit Philosophus: Respon- dent alij quia ea ætate multitudo nouo imperandi modo per tribunos studere cepit: alij verò quia oculatius debent magi-

Summa huius
capitis.

Vulgus affe-
ctibus & arbi-
trio, non rati-
one agitur.

Populus sine
magistratu,
tanquam na-
uis sine nauta,
in scopulola
ruit.

Liber sextus.

CAP. I.

magistratus in omni repub. instituenda respicere ac prouidere, ut populus rectè gubernetur. Nam cum omnis ciuitas sit multitudo, omnisq; repub. ordo ciuitatis, necesse est ut populus (ex quo utrumque maximè consistit) plurimi in utroq; fiat & æstimetur: verum quoniam est difficile hydram multorum capitum demulcere, & imperitam multitudinem lenire, Philosophi fuit primùm & copiosè de hac specie disputare.

Distinctio.

Quatuor tractantur in hoc cap. {
 { Quæstio de licitè armis sumendis in barbaros & infideles, qui contra naturam & Deum peccant.
 { Repetitio eorum quæ præcesserunt.
 { Propositio illorum quæ in hoc lib. sequuntur.
 { Distinctio { Partium { quæ diuerſas species demo-
 { & { cratiæ gignunt & produ-
 { Proprietatū } cunt.

Opp. Disputatum est antè copiosè de democratia diuinitumq; potentia: ergo supernacaneum est de illis hunc totum librum instituere.

Resp. Considerantur ista administrandi genera duobus modis, aut quoad definitionem & diuisionem, sic satis antè de illis disputatum est; aut quoad institutionem multiplicem variamq; imperandi in illis rationem, quæ duo in hoc libro idcirco pertractantur ut ista pestes rerumpub. cognitæ dissoluantur facilius.

Opp. contra quæstionem.

Labes rerumpub. aliquando sunt necessariae in ciuitate, ut in tempore belli tyrannica dictatura, in seditione civili vis Persica & breuis furor: ergo non licet eas dissolvere.

Resp. Dictaturam in tempore belli & seditionis (si populi consensu fiat) tyrannidem aut labem reipub. esse negamus. Nam ut chirurgi crudeles haberi non debent, qui ferro partes corporis si putrescant sine omni mora abscindunt: ita dictatores non sunt existimandi tyranni, qui seditiosos ciues aut hostes capitales vi & armis tollunt.

Opp. Aperire fenestram ad perniciem rerumpub. non licet, sed alios contra naturam & aduersus deum regnantes armis exagitare est fenestram ad perniciem rerumpub. aperire: ergo reges contra naturam & deum imperantes armis inuadere non licet. Minor probatur, quia armis irritati crabrones & non superati furent, suasq; hastas

CAP. I.

Liber sextus.

hastas in suos hostes vertent. Huc adde quòd difficillimum sit Dei ac natura hostes discernere & indicare.

Resp. Diligenter animaduertendum hic est quòd res qualibet principes non urget ad praliandam cum alijs, sed quando dei causa agitur, vel quando intolerabilis iniuria contra ius & equitatem nobis offertur. Praterea non statim ad arma sed primùm ad consilia monitaque veniendum est, nam si leniri possint verbis urgeri non debent armis. Sunt enim arma extrema remedia, & sanè hoc modo Barbaros (qui in naturam & deum peccant) urgere non est fenestram ad perniciem rerumpub. patefacere. Nam etsi ut irritati leones sauiant, debilitati tamen metuent ne ut honorem ita suam vitam perdant. Hoc etiam addo quòd non sit difficillimum dei ac naturæ hostes discernere, cum illos solum hoc loco dei hostes appello qui Christum omnemq; religionem ac pietatē capitali odio persequuntur.

Opp. Barbari & immanes tyranni flagella diuina prouidentia sunt ad ulciscenda humana scelera: ergo qui arma in illos sumunt contra diuinam prouidentiam pugnant.

Resp. Excitauit Pharaonem deus, sed Moysen ut ducem misit & liberauit populum: certum est Barbaros, Persas & Turcas esse flagella dei: sed quoniam in deum & Christū pugnant, officium regum est suum caput defendere, & in hostes dei arma suscipere. Nam etsi diuina prouidentia hostes ecclesie aliquando permittit: ab illis tamen abhorret animo, & non præscribit ut illorum impetum patiamur, imò præcipit ut omni modo illorum insidijs relictumur: non ergo contra diuinam prouidentiam pugnatum est cum aduersus impios geratur bellum. Nam etsi tyranni respectu nostrorum scelerum sunt flagella dei, eo tamen respectu quo deum & naturam oderint, ut flabella turbis suppressi & sedari debent.

Opp. Cogi infideles non debent ad fidem: ergo in eos arma gerere non oportet. Antecedens probatur, quia deus volentes non coactos recipit. Ratio patet, quia ideo potissimum in eos suscipiuntur arma, ut fidem recipiant.

Resp. Aliud est arma in illos gerere nè ecclesiam ladāt, aliud est illos ad fidem cogere nè ipsi in gehennam ruant: fatemur ad fidem cogi non debere, omnium tamen interesse dicimus illos ab ouili Christi propulsare. O utinam ergo velint meminisse tandem Christi-

*ani principes, utinam inquam diutius istas inter se maximarum
tragœdiarum tædas non alerent, utinam amplius illud lugubre
carmen non audiamus,*

*Eheu quàm leuibus pereunt ingentia causis!
Milites Iudaorum vestem inconsutilem Christi non diuiserunt, ut
nos diuidimus, & nisi omnipotentis dextra protegat Ierusalem, Ti-
to, Vespasio, barbarisq; Turcis & tyrannis prodimus.*

CAP. II.

*Utrum ciues in democratia maiorem quàm in regno & opti-
matum potentia libertatem habeant?*



RIORI in hoc libro occurrunt
dubia, quia omnia propemodum
quæ in eo tractantur sunt valde no-
ta & perspicua, quando autem se ob-
tulerint paucis ut supra à nobis per-
stringentur. Nunc verò peditentim
(ut aiunt) secuti Philosophum quò
ille traxerit veniemus. Duo igitur in
hoc secundo cap. proponit Philoso-
phus, nempe postulata quædam seu axiomata, & mores seu
instituta popularis potentia. Postulata duo sunt, libertas &
æqualitas, illam parendi & imperandi vicissitudo, hanc re-
rum honorumq; proportio æqualis arguit. Vult enim popu-
lus per vices imperare, vult vnumquemq; ut placet viuere,
vult deniq; æqualitatem rerum numero non dignitate dime-
tiri, & sic dimensam sibi vendicare, quippe in hoc statu de
libertate rerumq; æqualitate tota est contentio, si desit illa
sæuiunt, si hæc deficiat tumultuantur singuli, nam illam ut
finem, hanc ut modum viuendi populares quærent. Mores
seu proprietates quæ democratia competunt sunt decem, ni-
mirum omnes ex omnibus ad magistratus eligi, omnes vni-
cuiq; & vnumquemq; omnibus præesse, magistratus ex for-
te tribuere, magistratum inopem aut non ita diuitem creare,
bis neminem ad vllum magistratū nisi ad militarem admit-
tere,

Decem pro-
prietates de-
mocratia com-
petentes.

tere, magistratum ad breue tempus sustinere, omnes de om-
nibus aut saltem maximis iudiciū ferre, concionem in omni-
bus aut maximis, magistratum in nullis aut minimis domina-
ri, consilium magistratum valere in populum sed sine mer-
cede, omnes si non mercedem at magistratus, iudicia, conci-
ones, consilium capere, ignobilitatem, inopiam, opificia sū-
mè popularia constituere; oligarchia enim nobilitate, diui-
tibus & disciplina circumscribitur. Huc addunt quidam alias
proprietates, nempe magistratum non debere esse perpetu-
um, eiusdemq; creationem ab electione ad sortem deduce-
re, sed præcedentiū duarum potiùs repetitionem quàm demō-
strationem nouarum hanc esse puto; quare ad postulatū
primum reuersus hanc quæstionem moueo, scilicet, An ci-
ues in democratia maiorem quàm in regno aut optimatum
potentia libertatem habeant? Quid ni fortasse dices habeant,
præsertim cum populus libertati ut fini suoq; quasi summo
bono studeat, cum viuere cuiq; ut quisq; velit omnino in hoc
statu liceat, cum omnia ad æqualitatem rerum ac dignitatū
reduci ac reuocari iubeat: sed in regno & aristocratia seueri
sunt magistratus, seueræ leges, viuendi licetia nulla, nulla re-
rum, dignitatum aut personarū adæquatio: tanta ergo non est
in regno & optimatum potentia libertas ac est in populari
statu, de quo nunc agimus. Videtur hæc omnia vera esse quæ
affirmas, sed vera non sunt; nam si libertatē verè definias, maio-
rem in regno & optimatum potentia, quàm in democratia li-
bertatē inuenies. Distinguo igitur hoc nomen libertatis vel
voluntatis affectum & arbitrium, vel habitum & iudicium
rationis spectare. Vulgò definitur facultas quā quisq; potest
ut velit pro affectu viuere. Rectius autem definitur potestas
quā quisq; possit & velit ex præscripto mentis & rationis vi-
uere: sed in regno & optimatum potentia quæ ad perfectū bo-
nū referuntur inest hæc animi libertas secundū mentē & ra-
tionem, in democratia autem illa quæ est secundum affecti-
onē: est ergo maior in regno & optimatum potentia libertas
quàm in democratia. Illa enim quæ affectu definitur licentia
potiùs quàm libertas, hæc verò quæ rationis iudicio definitur
vera

Qui seipsum
vincit plus
agit quam qui
urbes expug-
nat. Salomon.
Cicero. lib.
paradox.

vera libertas sola nominari debet, quippe serui sunt qui affectibus mancipantur, at liberi solum qui rationi & virtuti seruiunt. Nam boni tantum sunt liberi, tametsi seruiunt; hinc præclare in paradoxo quodam Cicero, Libertas est potestas viuendi ut velis. Is autem viuit ut vult qui recta sequitur, qui gaudet officio, cui viuendi via considerata & prouisa est, qui ne legibus quidem propter metum paret, sed eas sequitur atque colit, qui nihil facit, nihil cogitat nisi libenter & liberè. Si ergo vera & germana libertas non sit in viuendo secundum sensum & appetitum (nam sic viuunt bellue) sed secundum mentem & sapientiam ut in Ethicis docet Aristoteles, quis est, qui non videt ciues in regno & optimatum potentiam maiorem quam in populari statu habere libertatem? lacerant igitur populares de sua libertate quam diu volunt, sophisticè & fraudulenter dicant Marius & Scylla, cauete Quirites, cauete socij, nam consules vos libertate spoliant: certum est non libertatem hanc esse imperandi quam volunt, sed licentiam, ut luculenter cecinit Horatius.

Latius regnes auidum domando

Spiritus, quam si Libiam remotis

Gadibus iungas, & uterq; Poenus

--- Seruiat uni.

Libertas est
cum virtus,
seruitus cum
affectus reg-
nat.

Quippe non immunitatem viuendi sub hoc nomine libertatis, sed immanitatem regnandi querunt. Cum enim nobiles in regno aut aristocratia libertatem populo nundinentur, verendum est ne resp. sui funeris cometam videat; nam tum est libertas cum virtus, tum iugum seruitutis cum affectus regnat: sed in monarchia & aristocratia virtutem, in democratia autem affectum imperare cernimus: concludimus ergo maiorem in illis quam in hac inesse populi libertatem.

Distinctio.

Absoluunt
hoc C. quod
instituitur
de popula-
ri statu,
nempe

Postula-
ta, quæ
sunt duo

Libertas, & hæc
probat magis
regno & optima-
tum potentiam quam
populari conue-
nire propter usum
Æqualitas, quam
populus requirit
in participatione

Rectæ rati-
onis,
Ordinis,
Virtutis,
Boni commu-
nis seu finis:

in quibus
vera liber-
tas consi-
stit.

Honorum.
Rerum.

Conditiones seu mores numero nimirum decem, qui suo ordine in suppositione paucissimis enarrantur.

Opp.

Opp. Prima conditio, nimirum ut omnes ex omnibus ad magistratum elegantur, non est popularis: ergo non recte. Antecedens probatur, quia si hoc fiat, confusio non ordo ciuitatis erit; quid enim maiorem confusionem parit quam ut Gryllus, qui natus est ad rastrum potius quam sceptrum, in subsellij dignitatis sedeat? sed per hanc conditionem requiritur, ut saxe populi, quæ Gryllo stulior est, consulat, indicet, dominetur.

Resp. Et si prima conditio requirat ut omnes ex omnibus in hoc statu ad magistratum elegantur, octaua tamen postulat ut con-
cio in omnibus aut maximis, magistratus verò in nullis aut minimis dominetur. Quamuis ergo per primam quadam liber-
tas omnibus conceditur, in octaua tamen ordinis causa coerce-
tur.

Opp. Tertia conditio quæ postulat ut magistratus per sortes in hoc statu demandentur non est popularis: ergo non recte instituitur. Antecedens patet, quia ubi est maxima prudentia ibi est minima fortuna: sed in populari statu est maxima prudentia: ergo in popu-
li statu est minima fortuna, & ex consequenti per sortes in eo cla-
ues reipublice tradi non deberent. Maior est Aristoteles sexto Ethico-
rum & Physicorum secundo, nam sors & fortuna sapientibus non
imperant. Minor quoque est Aristoteles in tertio Politicorum ubi probat
populum unitum magis ingenio, consilio, prudentia valere quam in-
ter omnes unum.

Resp. Quoniam est maxime popolare ut omnes & singuli in hoc
statu spem imperandi, consultandi, indicandi habeant, necesse est
ad confusionem evitandam ut magistratus per sortes in eo crearen-
tur. Præterea negamus maximam in hoc statu esse prudentiam, &
ad locum ex Politicis sumptum dicimus Aristoteles illic ultro citroque dis-
putando confuse non desinit hoc attulisse.

Opp. contra quæst.

Opp. In democratia viuere licet ut quisque velit: ergo in ea est
maior populi libertas quam in regno aut optimatum potentia, in qui-
bus populus seueris legibus coercetur. Antecedens est Aristoteles in tex-
tu. Ratio sequitur ex definitione libertatis.

Resp. Libertas vera non consistit in viuendo ut quisque velit, sed
in dirigendo vitam ut ratio & ordo inbent: ac in regno & optima-

rum potentia cives ex præscripto ordinis & rationis viuunt: in regno igitur & optimatum potentia cives maiorem quam in democratia libertatem habent.

Opp. Alligari & obstringi legibus non est liberum: sed in regno & optimatum potentia cives alligatur obstringiturq; legibus: ergo in regno & optimatum potentia cives non est liber. Maior constat quia quod est debitum & coactum non est liberum. Minor probatur quia in regno & optimatum potentia leges sunt ad quarum nutum, vocem & imperium cogimur.

Virtus legibus non eget: sapiens enim ad normam virtutis actiones omnes dirigit.

Resp. Qui viuunt secundum rationem & virtutem, legibus sponte obediunt, ipsq; liberum est sic inservire, nam obsequi iustitia & aequitati non est seruitus sed libertas; quippe in amplectenda virtute onus non est sed honor: est ergo liberum bonis & honestis legibus astringi, est liberum illarum nutum, vocem & imperium sequi. Quod vero aliquando in regno & aristocratia multi ad crucem, ad gladium, ad eculeum pertrahantur, hoc euenit quia mali & scelerati sunt, vitamq; humanam (qua in rationis triumpho ponitur) deserunt & relinquunt.

CAP. III.

Vtrum expediat, si cives pari numero in senatu dissentiant, res magnas per sortes definire?



ARTES huius cap. apud philosophum sunt duæ, quæstio & solutio: quæstio est, quomodo futurum sit ut iustum seu æquale tam diuites quam pauperes (ex quibus omnis ciuitas constat) in populari statu teneant? Hoc dubium inde oritur, quia paulò antè de iusto arithmetico in distributione rerum honorumque disputatum erat.

Quidam existimant Philosophum hoc loco in ista quæstione proposuisse duo, videlicet vtrum æqualitas in democratia sit accipienda ex censu & quantitate rerum, vel ex numero

&

& multitudine personarum? Hoc est vtrum in distribuendis muneribus ciuitatis talis proportio haberetur, ut sint quingenti diuites, qui tantam rerum & facultatum copiam habeant, quantam mille pauperes, indeq; tantum hij ac illi in bonorum communium participatione valeant? Hoc dubio posito, quærit, Vtrum respub. hoc modo accepta secundum ius popolare iustissima sit, illane quæ ad personarum numerum, an hæc quæ rerum copiam & potentiam respicit? Ad hoc respondetur aliter populares, potentes verò aliter id iustum adepturos. Dicent enim populares homines, id esse iustum & æquale, quod ita esse pluribus videatur; at hij qui oligarchiæ student, hoc est diuites, id solum iustum esse affirmabunt, quod dignioribus ac potentioribus viris sit probatum. Vtramq; opinionem refellit Aristoteles & ostendit ex utraque sequi magna incommoda: nam si sumatur iustum ut velint diuites tyrannis & oppressio; si verò ut optant pauperes diuitum ruina & contumelia sequitur. Magni enim & potentes viri plebeculam infimæ conditionis multitudinem quasi muscam pedibus conculcant, & multitudo pauperum in gregem quasi coacta nonnunquam diuites bombicantes fucos quasi à præsepibus arcent & expellunt. Quid ergo agendum est? Quid definiendum? Cum enim contingit omnem ciuitatem ex diuitibus & pauperibus constare, videtur dubium ad quos calculos reuocetur hoc iustum popolare, de quo nunc agitur. In secunda parte huius capituli plena & aperta sequitur solutio, nempe illud in democratia ratum ac definitum esse debere, quod maiori parti iustum & æquale videatur; maiori parti dico, ut simul diuites & pauperes coniungantur, si partes ambæ de rebus consultantes idem omnino sentiant. Exempli causa, si sint triginta diuites & pauperes, qui deliberandi vel iudicandi potestatem habent, si ex his viginti rem in quæstionem deductam ac deuolutam concludant, pro firmitate & stabili decreto aut lege istorum vnanimis haberi debet sententia; sin verò in concione aut senatu coacto par & equalis sit vorum seu suffragiorum numerus & diuisio,

Duplex error de iusto secundum affectus limitando.

Assimilantur leges apud Scythas araneorum telis quibus minima capiuntur.

Quæstionis sensus explicatur.

facilior aut expeditior via non est exortæ componendæ litis quam per sortes & calculos rem integrari & dubitatam controuersiam terminare. Hinc (quæ à nobis proposita est) quæstio nascitur, nimirum vtrum expediat (si ciues pari numero in senatu dissentiant) res magnas per sortes definire? Verba Philosophi hæc sunt: Si in concionis aut iudicium consessu sententiæ ab vtraque parte sint æquales, aut sorti res permittenda est, aut aliud tale faciendum. In rectis administrandæ reipub. formis antè negauimus fortunæ temeritati quicquam committendum esse, nisi per magna inciderit rerum necessitas & occasio; aliquandò tamen euenit, vt in biuio quasi hereat consultatio humana, adeoque sit incerta & anceps, vt penitus declinet si vltra sortē rationis modo aliquo non fulciatur. Nè ergo in tantâ quasi contrariorum ventorum luctâ naus reipub. periclitetur, nè in tanta animorum distractione nimium iactentur ciues; sapientes viri fortunam aliquandò in senatum vocant, consiliorumq; participem & veluti moderatricem faciunt; hoc autē tum solum fieret cū ratio deficit, tum valeret cū consultatio languet: non ergo inconsultò olim Romani in templo suo Pantheon oculatum Ianum & cæcam fortunam iuxta collocarunt, vt cum bifrons deus à tergo non cerneret, aleam suam fortuna mitteret. Proponere ante oculos de eligendo rege, de bello gerendo, aut re alia quauis magni momenti & ponderis in concione agi, ad calculos & suffragia ventum est, domus diuiditur, sumuntur nomina, inueniuntur æqualia, sit liberū pro arbitrio mutare sententiam: at variare vult nemo, quid quæso in hoc casu reipub. agendum? Quid definiendum erit? Diuites & potentes viri indignam contumeliam sibi iniectam esse putabunt, si victi cedant: populus sibi omnem tolli libertatem existimabit, si vi pulsus cedat & conniucat; pertinacia vtrinque est, salubrior ergo non existit ratio tollendi discordiam quam rem definire per sortilegium. At dices in tanto dissidio fiat ad regem deuolutio. Quid si rex desit? Tum ad magistratum, qui regis personam induit. At semper talis non existit. Non refert, sit vnus, sint plures, ad illum aut hos referatur contentio.

contentio. Parum sapias, nam si contra diuites feratur sententia, euolat seditio: si contra pauperes, exclamat oppressio. Cæterum si per sortes res terminetur, nemo erit tam inuidus qui non cedit, nemo tam imprudens qui non quiescet: impium enim est & stultum occultis rerum euentis (quæ vitari non possunt) repugnare. Quamuis igitur providendum sit (quoad fieri potest) ne istiusmodi res contingant anticipites, quæ præceps consilium aut nullum reddunt; cum tamen contigerint tutius aliâ non possunt quam hac definiri viâ. Præterea cum languente consilio res forte agantur suspicio fraudis non est, nullus insidiarum metus, corruptio nulla; quæ omnia in deuolutione ad vnus sententiam, aut variatione suffragiorum, plerumque insunt. Multi iidemque non contemnendi existimant sepius sapientum consilia ad eas angustias non sine diuinâ providentiâ & motu impelli, vt sicut in occultissimis rerum multarum causis primam causam agnoscere: ita in his arcanis ciuitatis per ignotas sortes eiusdem mirabilem potentiam impellantur confiteri. Si ergo humana ingenia in deliberatione capienda verriginē patiantur, si populus & princeps, si omnes & singuli de rebus magnis & dubijs philosophantes veluti in visco hæreant, si vel ad dextrâ vel ad sinistram festinandum, si vnum vel alterū faciendū sit, necessariò in sorte auspiciū boni, in fortuna providentiâ futuri occultari putemus. Deliberarunt Apostoli quem in Iudæ proditoris locum substituerent, multi tum graues, sancti & religiosi viri erant qui episcopatum occuparent, non synodo sed sorte, idque non sine diuina providentiâ Matthias in Apostolorum numerum & communionem sanctorum venit. Credo equidem sortes etiam illas, quas milites proiecerunt pro inconsulti saluatoris veste, quodam modo motu diuino non caruisse; nam quauis corpus immaculatum agni lanceo, flagro, clauo miserè lacerarunt: vestem indiuisam tamen per quam allegoricè fidei vnitatem intelligimus, sanctę ecclesię reliquerunt. Hoc scribo non vt sortibus res magnæ in concione committantur si voce & ratione concludi possint, sed vt tum quidem loquatur fortuna cum cæcutiat omninò humana

Diuitius omnia administrantur vt docent Bertinus fol 198. & Fernelius.

Quicquid euenit, censendum est cum Seneca à diuino numine immitti.

Astor. cap. 1.

Mat. 27.

Mar. 15.

Luc. 23.

Ioh. 19.

De indiuisa

Christi in-

consulti ve-

ste, doctorum

explicatio.

humana prudentia. Adduci hic possunt multæ multarum gentium ac ciuitatum cōsuetudines, multaq; de sortibus maiorum dicta & locorum exempla. Ridiculum fortasse videatur quod Darius potentissimus ille Scytharum imperator positus sit sceptro per hinnitum equi, & tamen hoc scribit Iustinus: nouum & inusitatum non fuit apud Macedones talorum iactu res magnas concludere: hodiernus dies testatur Venetos suos duces & magistratus sortibus eligere, grauesque hoc modo lites & controuersias tollere: non est ergo penitus absurdum, non est à ratione omnino alienum, si quædam aliquando fortunæ aleis committantur. Est enim in versatili fortunæ sphaera sæpè auspiciū, non semper ludibrium hominis; est quies aliquando & status, non semper lapsus ciuitatis; quippè non solū noctuam & cicadam, sed etiam apem & formicam Athenis dedit.

Distinctio.

Iustum populare positum est in e. qualitate	{	Rerum, vt eadem sit proportio possessionis.
		Honorum, vt eadem sit distributio dignitatis.
		Vocum, vt eadem sit cōsensus multitudinis, quæ si forte distrahatur, remedium per sortes esse debet, quod legitimum esse in hoc statu argumentis apertis supra probatur.

Opp. contra primam partem cap.

Opp. Eadem rerum & honorum participatio confusionem gignit: ergo in nullo statu reipub. est toleranda. Antecedens probatur, quia si in bonis fortuna nulla sit distinctio, nullus futurus est ciuitatis ordo, nulla inter Socratem & Gryllum, hoc est inter sapientem & stultum erit discriminatio.

Resp. Respondent quidam democratiam labem esse reipub. & in ea confusionem rerum & personarum esse: melius tamen respondetur quod rerum & honorum æqualis sit participatio non actū sed potentiā, quodq; ne Gryllus quidem à sua sorte in hoc statu deprimetur: ceterum vt antea demonstratum est, concio in maximis, magistratus verò in minimis principatum tenet.

Opp. contra quæst.

Opp. Superius de usu sortis disceptatum fuit: ergo otiosa est ista eiusdem repetitio.

Resp.

Resp. Superius negauimus in recta reipub. forma eligi debere magistratum sorte, si ratione id commodè fieri potest; hic verò de alio statu administrationis agimus, in quo sortes aliquando sunt necessaria: non est ergo otiosa de eā nunc disputatio, quia nona iam de ea differendi datur occasio.

Opp. In contraditione populi (si res magni momenti sortibus terminentur) fieri potest vt temeritatis motu ciuitas à Scyllā in Carybdim, hoc est à malo in peius cadat: nihil ergo sortibus committi & mandari debet. Antecedens probatur, quia si æqualiter distracta vocū multitudine sortes seditiosis faueant, necesse est vt reipub. sui sepulcrum & quasi cadauer videat: at frequentius malis quàm bonis, factiosis & sceleratis quàm studiosis virtutis ista fortuna pile & quasi trica contingunt: sequitur ergo tutum non esse res maximas ciuitatis sortibus definiri.

Resp. Hoc argumentum urget rarissimè in ciuitate sortibus vtendum esse; illarum tamen vsum simpliciter non tollit, nam quod sortibus hoc loco euenire dicitur, id ipsum vocibus euenire potest, si maiorum turba in suffragando vincat. Vt ergo non sunt tollenda voces, quia aliquando ciuitatem ledunt: ita non sunt tollenda sortes, quia aliquando in facinorosos cadunt.


Opp. Vsum adhibendi sortes neq; antiquitas, neq; autoritas maiorum, neq; locorum præsens consuetudo confirmat: ergo admitti non debet. Antecedens probatur, quia vt scribit Herodotus nihil magis sapienter gubernatæ ciuitates abhorrent quàm fortuna & sorti quicquam committere.

Opp. Idem Herodotus scribit Athenienses tanti Musæi sortes estimasse vt Onomacritum (qui easdem adulterasse deprehensus Herod. lib. 7. esset) in exilium exterminarent. Præterea quis ignorat Homericas olim sortes tãto in honore fuisse, vt per easdem admissi poeta canere potius vaticinari quàm mentiri canentes haberentur? Macedones, Venetos, aliasq; antea ciuitates attigimus, quæ satis firma & antiqua sunt in hac re testimonia: sententia ergo Herodoti intelligenda est hoc modo, nimirum ciuitates sapienter gubernatas nihil magis abhorre, quàm fortuna & sorti quicquam committere, si rationis imperio aliter concludi & definiri queat.

CAP.

CAP. III.

*Verum in democratia agricola pastoribus & mercenarijs sine
preferendū?*



ATO & Columella (quorum adhuc nemo auctoritatem ut exoticā attenuauit) tantis encomijs rei rusticæ studium & artem extulerunt, ut planè nescias (si oppidò non attenderis) utrū melius sit cum Fabritio illo senatore rastrois laborare, quàm cum Hortensio in rostris causas ciuiles atticā eloquentiā agere. Qui phi-

Æsopus.

Utilitates
quas particu-
larim produ-
cunt hę artes,
enumerantur.
Agricultura,
ultra reliquas
omnes artes
maximè ne-
cessaria tum
propter neces-
sitatē, tum
propter hone-
stam utilita-
tem, primas
obinet in Pa-
tricio.

losophantur in theatro honorem vendicant, & non inuideo; at qui operantur in agro honorem hunc alunt, quibus aliquid concedendum puto. Gallus gallinaceus dum vertit stercoreariū offendit gemmā; si gemmarius (quod est pretiosum) capiat, ingratus est si gallo granum non concedat. Agricola, pastor, mercator; qui terram, pecus, merces; colere, nutrire, augere cupiunt; hic ab Aristotele inter se comparantur: ita tamen ut agricola, si popularem imperandi modum & statū spectes, pastori & mercatori longissimè præferatur. At dices quid hoc ad reipublicam de planta, de oue, de tricis mercatorum agere? Plurimum sanè interest reipublicæ istarum rerum vsum cognoscere. Nam si aratrum negligat, granum; si ouem, lana; si mercatorum tricis (ut ais,) ornatus & splendor ciuitatis deficiet: ex agriculturā enim multiplicem terræ fructum, ex arte pastoralis infinitum pecudum pecorumque vsum, ex mercaturā externarum gentium, rerum morumque tam scientiam quàm utilitatem percipimus. Hęc tria ergo sunt in ciuitate quidem necessaria, nam ei victum, vestem & decorum tribuunt: verū quoniam in vita & victu maior necessitas quàm in veste, in veste autem maior utilitas quàm in ornatu inest: iure optimo agriculturam, quæ vitam & victum tribuit, pastoralis atque mercenariæ Arist. hic anteposuit.

Ad

CAP. 4.

Liber sextus.

Ad historias nunciasque temporum & veritatis de his tribus acturus me nunc non conferam, quod si facerem effusus sermo in volumen creſceret, modumque laudis non inueniret: quippe in quanto honore ac pretio hęc tria olim fuerunt habita, testes sunt Thebæ, quas agricolæ; testis Roma, quam pastores; testes Athenæ, quas mercatores magnificè extruxerunt. Adam & Patriarchæ coluerunt terram, Moyses & Dauid aluerunt gregem, arcam & nauem inuenit Deus. Sed compa- rationis argumenta & rationes aggrediar, nec non ostendam ad administrationem populi seu democratiam agricolas pastoribus & mercenarijs longè aptiores esse. Cum hic status (popularem intelligo) ex plebeiā multitudine maximè coalescat, adeoque proximè ad politiam (in qua propter publicum & commune bonum dominatur populus) accedat, quoniamque multitudo hominum vigetior sensu quàm mente existens ad obiecta magis externa quàm interna feratur, necesse fuit ut (mente otiosā nunquam existente) turba ciuium circa illa opera sollicitè occuparetur, in quibus veluti expressa & visibilis virtutis species formaque cerneretur. Sed in re rustica multæ quasi sensibiles virtutes sunt, ut labor corporis, humilitas, finita diuitiarum appetitio, contemptus honorum, animi simplicitas, frugalitas vitæ, mira victus parcimonia & moderatio: quæ omnia ita commendant agricolam, ut rusticus beatior in suo paruo tigurio quàm Alexander in suo magno imperio esse videatur. Principes enim purpurā vestiti, saginati epulis, otio dediti, vitiorum quasi nidos struunt, & ad Syrenum vocem somniantes sine villo honoris vexillo pereunt: at agricolæ pannis à frigore solum recti, crassioribus esculentis pasti, laboribus exhausti fucos à præsepibus arcent, Helenam contemnunt, Circes carmina non audiunt, casti, sobrij, expertes fraudis & doli viuunt. Obstupenda est ergo dei prouidentia, quæ ita disposuit ciuitates, ut Coridon & Thirses intenti operi à stercore & pecore in cælum aduolent. Grandis est agricolarum labor, & onus graue, quo corpus vifum defessum veluti ad animi & pietatis imperium subeundum cogitur; hinc illud, Labor improbus & corpus sanum & mentem

Gen. 3.
Exod. 3.
1. Reg. 16.
Gen. 6.

Agricultura
homines bea-
tos reddit.
Cato.
Vnde Aglaus
Pisophidius a-
gricola fœlix
ab Apolline
iudicatus est.

Formicas &
apes imitantur
agricolæ, qui
dum vilia si-
mul & hone-
sta querunt,
viriorem in-
quāmenta
fugiant.
Vir. Georg.

Vt iucundita-
tem præbet, sic
& otium agri-
cultura fugat.

Agricolæ vir-
tutis studiosi.

Fraus viget in
otio, unde oti-
osi venenum
reipub. nomi-
nantur. Diod.

mentem saluam reddit. Qui ergo minus animo & ingenio
vigent, hij cum agricolis deficiunt corpore, ne dum sensus sa-
ginentur otio, animi vires corrumpantur vitio. Patres olim in
renascente ecclesia constituerunt vt fratres & monachi stu-
dio fatigati in vineis foderent & laborarent, hoc autem ideo
fecerunt, vt non solum oblectamentum caperent, sed etiam
vt otium, quod est vitiorum fomes & esca, fugerent. Ceterum
ad Arist. reuertor, sunt inquit agricolæ aptiores ad gubernan-
dum democratiam, primum quia existunt plerumq; honesti
& studiosi virtutis, tum quia sunt ferè omnes & singuli inex-
perti fraudis, deinceps quia sunt alieni ab auaritia, postremò
quia minime omnium ambitioni & seditioni student. Quòd
sint studiosi virtutis patet, nam vt suprà ostendimus, agri-
colæ onus & Aetnam reipublicæ sustentant, labores &
dolores ciuitatis deuorant, corpora exhauriunt, animos
à vitiorum tyrannide & iugo liberant, hij enim nec ocu-
los idolis Veneris, nec gustum Bacchi ferculis, nec tactum
scortorum menstruis, nec aures Paridis cantilenis, nec na-
res spumosa voluptatis fumulis corrumpunt. Si cespitem,
focum, seruum & bouem habeant, viuunt contenti, vl-
tra sortem nihil ambiunt, pro foribus cane & anseri vi-
gilante securi dormiunt, surgunt mane, laudant Deum, ad
opera reuertuntur, sed quid hoc aliud est quàm honestè &
studiosè viuere? Quòd verò sit expers fraudis minimeque
astutum hoc genus hominum, hinc constat, quia otio non
torpet & consortio caret: astutia enim ex otio prauoque
consortio manat, quippe fraus studium, insidiæ callidum
consilium postulant: at agricolæ laborum tedio vulnera-
ti id otij non habent vt dolis, id consilij non habent vt
insidijs studeant. Præterea agricolæ sordide non sunt
auari & sirculosi belluones rerum; rationes in textu ad-
dit Philosophus, tum quia solum naturalibus diuitijs vrunt-
tur, circa quas nec appetitus multum decipi, nec appeten-
di modus ultra modum superari potest, tum quia minore
illorum conditio & exilis status conseruatur: vnde sæpè con-
tingit quòd agricolæ mutatâ administrandi formâ diuitum
poten-

potentiam libenter ferant, modò proprijs possessionibus
ac bonis (tametsi sunt illa quidem exigua) gaudere per-
mittantur; quod sanè non fieret, si appetitus acquisitis
necessarijs non penitus acquiesceret. Postremò ambitio-
nis tædis & flammis seditionis agricolæ rarissimè aut
nunquam accensi candent; nam solum fertile non soli-
um regale, terræ fecunditatem non maiestatem impe-
rij intuentur. Quamuis ergo omnis homo sit gloriæ &
honoris cupidus, & proinde agricultores dignitatis insigni-
ijs aliquando titillentur; illorum tamen sitis facilius sa-
tiari & extingui potest, si ad consilia, iudicia & decreta
ciuitatis admittantur, si fruantur suis, si solum medio-
crem libertatem habeant. Est ergò politicum & eti-
am necessarium tam agriculturam quàm agricolas in re-
publica non minimi æstimare, immo honorificis aliquan-
do præmijs ad hoc studium allicere. Lucio Quinto Cin-
cinato in agro aranti nunciatum est cum dictatorem es-
se factum; à villa in senatum accersebantur Curius a-
lijque permulti senes, vt ait Cicero; Quid addam? Amæ-
nius nihil, vtilius nihil, nihil delectabilius agricolarum
arte, quæ (vt ait Plato) in rerum naturalium varietate,
vfu & fecunditate ponitur. Sed de hac re plura a-
pud Ciceronem, Xenophontem & Politianum legite, hæc
nunc sufficiant, ex quibus patet optimam popularis po-
tentia speciem esse quæ ex agricolis & agricultura con-
stat. Nam vt summum dicam, agricolæ non torpent o-
tio, rerum copia non abundant, honores ambitiosè non
petunt, non student insidijs, seditioni, maleuoli, astu-
ti rarò aut nunquam fiunt, corpore ad bellum gerendum
valent, aliena non rapiunt, exiguo contenti viuunt, mar-
supia, gazas, thesauros ciuitatis emulgere, emungere & ex-
haurire non student, immensos denique fructus ex v-
tero terræ suo ipsorum labore partos ciuitati alendæ &
conseruandæ præstant. Hæc autem pastores & mercatores
similiter non agunt: sunt ergo agricolæ in politica demo-
cratia illis multis gradibus præferendi. Succedunt nunc
Romulus

Tantum ab his
abest iniuriam
inferre, vt ius
ciuile agricul-
tura inten-
dentes ab
omnibus op-
pressionibus
defendendos
esse statuatur.
l. ii. c. de lu-
cris aduo. lib.
12.

Ad pastora-
lem vitam
descendit.

In pastore
tria requirun-
tur.

Luc.2.

Ioh.21.

Romulus & Remus omnium nobilissimi pastores & fundatores Romæ, sed quid de vita pastoralis dicam? An pastores cum suis fundis ouiumque gregibus in senatum veniant? Tityrus & Melebeus Mantuam non Romam colunt, pastores in valle, monte & silua cum suis ouibus versari debent potius quam in concione cum suis ciuibus: sed verbis ludo, rem ergo in punctum contraham. Pastores hic non solum pro illis qui oues alunt, sed etiam pro his qui ex pascuis viuunt, accipiuntur; ad quorum vitam requiruntur tria, solitudo vite, animi industria, corporis robur seu fortitudo: solitudo vite, ut attendant gregi; animi industria, ut pascua pabulaque salutaria inueniant, morbosque pecoris curent; corporis robur, ut gregem non solum a feris defendant, sed etiam ut ipsi omnem aeris procellam & tempestatem ferant: hinc concluditur quod vita pastoralis non sit proprie ac simpliciter politica, quippe est solitaria; sed solitudo quodammodo est contraria luci & celebritati hominum, quæ proprie ciuilis dicitur. Præterea versari & viuere perpetuo cum belluis mores a ciuitate alienos gignit: nam ut nimia familiaritas cum scortis meretricios & effæminatos viros reddit: ita qui cum brutis animantibus in annos viuunt, mirum non est si agrestiores & rudiores fiant; est ergo vita pastoralis admodum periculosa malè educatis viris, quos antea Philosophus ab omni communione vitæ & virtutis iustissime exclusit. Nam quemadmodum boni sæpè vitam heremiticam agunt, ut in hoc puncto mortalitatis æternam & infinitam numinis circumferentiam oculatiùs contemplantur: ita mali & dissoluti solitariam sæpè profitentur vitam, ut ab illa circumferentia in fæces suorum scelerum & fauces inferni præcipitantiùs cadant, isti sunt qui pro punctulo voluptatis immensum virtutis præmium & geminam perdunt, pro terra cælum, pro pluma Christum: pro pluma dico Christum quia in hac valle securi & supini dormiunt, quorum vita mors est & mors vite sepultura. Non tamè hic nego quin sint multi pastores, qui vigilantes media nocte videant angelos, audiant & canant gloriam in excelsis Deo, qui inquam pascetes oues ter ament Christum, cuius vestigia sequuti præclara exempla

exempla sanctimoniarum relinquunt gregi. Sed quorsum hæc? An pastoralis vita theorica potius quam politica & ciuilis nominetur? imò certè, nam solitaria est, nec non a strepitu ciuitatis remota & aliena. Enoch, Abel, Dauid, dum inter Dumeta pascebant greges, sincere deo effuderunt preces: si mens nimis igitur non sit depressa, vita pastorum non est abiecta; si verò cum agricolarum opere & arte comparatur, minus ciuilis est minusque in usum ciuitatis necessaria. Superest nunc ut mercenarij & mercatores eorumque vita cum agricolarum & pastorum conditione a nobis cõferatur, nam hæc est postrema pars comparisonis nostræ. Mercatorum mater natura, nutrix semper experientia fuit. Cum enim in omni loco omni que terrarum plaga omnia non abundant, adeoque multa vtilia, multaque etiam necessaria desint, mercatores creati sunt, ut quæ domi præstò non habentur, ex illis petantur nationibus, in quibus copiosius fluunt: vehiculum mercatoris nauis est, manus dextra, nummus fama, fides, scopus rerum commutatio: instituuntur ergo mercatores in omni re publica nè indigentia rerum necessariarum & vtilium langueant aut labantur ciuitates; hinc mercatoribus libertates & priuilegia multa dederunt patres, utputa commune fori, portum, templum, iudicium, & ultra in multis locis liberum suffragium, non aliter quam si essent a natura aut electione ciues. Mercator (ut Sepulveda statuit) debet esse vir comp-
tus, diues, iustus, laborum patiens, linguarum, morum, locorum doctus, in acquirendo diligens, in expendendo sumptuosus; ornatus corporis requiritur, ut fiat amabilis; diuitiarum, quia

*Quantum quisque suam nummorum seruat in arcâ,
Tantum habet & fidei;*

Iustitia, ut nomen & fidem seruet; laborum patientia, ut maioris aerisque tempestates ferat; linguarum, morum, & locorum scientia, ut suas ipsius causas & negotia tractet; in acquirendo diligentia, ut copiam suarum rerum adaugeat; in expendendo liberalitas, ut fauorem populi sibi conciliet. Tales mercatores reipublicæ præsidia sunt & (ut ita loquar) defen-

Min

ctuum

Qualis esse
debet merca-
tor.

Qui victum
labore quæri-
tant nec non
necessaria af-
ferunt fouen-
di sunt merca-
tores. Cato &
Cic. lib. 1. off.
3. Reg. 5.
Genet. 35.

ctuum in ciuitate medici & medicinæ; quippe quid deficiat,
quid sit defuturum sedulo considerant: consilio capto per
mare, per terram, per ignem ad Indos volant, naues onerant,
per Syrtis redeunt, nullum vitæ & fortunarum discrimen fugiunt,
modò rerum deficientium fecunditate & copiâ suas ciuitates beent.
Laudantur in sacris literis Tyrus & Sidon propter mercatores suos,
beati fuerunt illi quidem mercatores, qui pretiosa multa in ædificationem templi Salomonis peregrè aduexerunt, merces optima ut ita dicam
fuit Ioseph, quem emptum olim à fratribus mercatores in
Ægyptum & in domum Pharaonis detulerunt: in hoc non
sunt condemnandi, qui iam Indis, Anthropophagis, & immaniter barbaris hominibus gemmam verbi diuini cum suis
mercibus obtulerunt; mercedem in cœlo habent, qui tales merces emunt.
Hactenus de conditione & nomine mercatorum, nunc de comparatione eorum cum agricolis & pastoribus
in democratia agitur. Distinguendum hic est quòd vita mercatorum
bifariam consideretur, vel strictè secundum originem & institutionem,
vel fultè & communiter secundum progressionem temporum hominumque
corruptionem: primo modo eorum vita iusta omnibus, utilis sibi,
reipublicæ necessaria est: iusta omnibus, quia neminem lædit; utilis sibi,
quia in quæstu & lucro ponitur; reipublicæ necessaria, quia eiusdem
indigentia subuenit & succurrit. Secundo modo accepta nocet plurimum,
est enim rapax & capax omnium, adde si placet, quòd sit mendax & fraudulenta;
rapax, quia plerumque in mercatoribus appetitus pecuniarum est insatiabilis,
iuxta illud,

Belgarum mos multum
laudari debet
qui mercatores
omnes libidinum
irritamenta
apportantes,
prohibere solebant.

Crescit amor nummi quantum ipsa pecunia crescit;
Capax, quia omnium maximè Plutum diuitiarum Deum adorant & venerantur,
adcoque aurum non aliter quam vul-
tutes & leones prædam mordicis in arca tenent; Mendax, quia omnes
ferè & singuli mercatores in protrudendis mercibus audent peierare,
nedum (illorum id pace dicam) mentiri, fingere & dissimulare.
De his locutus Philosophus ait quòd agricolis & pastoribus sint deteriores,
tum quia illorum studia

dia & opera nihil habent cum virtute commune, tum quia auari, fraudulentis, ambitiosi existentes facilius ad seditionem
pertrahantur, quibus malis difficilius in illis occurritur, quia potentes sunt & opulenti,
nec non in foro & theatro quotidie versantur, cum agricolæ & pastores ruri in opere quieti viuunt.
Animaduertendum hic est sub nomine mercatorum artifices & mercenarios omnes
in hoc capite generatim intelligi, propriè tamen (ut superius diximus) mercatores
sunt qui naui, merce, arte, reipublicæ defectibus opitulantur, omnemque indigentiam tollunt.
Si paucis hic velis accipere quæ ordine in hoc capite ab Aristotele dicuntur, Summa totius
summa hæc est, primum quidem probat quòd administratio capitis, illa popularis sit optima,
quæ ex agricolis constat: rationes addit, quia agricolæ solum circa necessaria
ad victum occupati non moliuntur quicquam aduersus rempublicam, quia
suis detenti operibus furentius aliena non appetunt, quia delectabilius illi opus
conficiunt ruri, quàm lucem ciuitatis ferunt, quia magistratus non petunt,
aut si petant, facile illorum sitis extinguitur & satiatur, si saltem creandi magistratus
& corrigendi facultas illis tribuatur: statuendum ergo est in hac forma
reipublicæ ut populus magistratus eligat, ut idem certas ac definitas possessiones habeat,
ut hæreditatem non vendat, ut in imensum non ditescat, ut secundum leges
& instituta maiorum viuat. Post agricolas, pastores in hoc genere imperij
proximum locum vendicant, magnam enim cum agricolis cognationem habent;
quippe in agris versantur, & corpore valentes ad bellum apti, utiles & idonei
sunt: cæterum minùs politici eò habentur quòd magis solitariam quàm agricolæ vitam
desiderant. Deinceps turban mercatorum, opificum & mercenariorum deterrimam
popularis imperij speciem efficere ostendit, ratio in textu sequitur, quia otiosa est,
auara, & ad omnem huiusmodi seditionis facillimè incitata. Postremò tres
leges ad conseruationem huius administrationis tradit Philosophus, prima est
quòd nemini liceat possidere vectigalia ultra certam ac definitam proportionem,

Quæ in magistratu eligendo obseruari debent. Pastores apud antiquos sub agricolarum nomine continentur, ut apud Cat.

Leges tres.

nem, secunda quòd nemini liceat primas sortes hereditatis diuendere, tertia quòd nemini liceat ius suum hereditarium oppignorare.

Distinctio.

Agricolæ sunt pastoribus, mercatoribus & mercenariis in demo- cratia præfe- rendi propter	{	Antiquitatem agriculturæ, quæ post exilium primo- rum parentum à paradiso instituta fuit.
		Necessitatem eiusdem in $\left\{ \begin{array}{l} \text{Vita,} \\ \text{Vitu,} \\ \text{Cultu.} \end{array} \right.$
		Multiplicem utilitatem rerumq; immensum fructu, quem ciuitati præstat, ut puta in grano, in planta, in pa- stione, alijsque infinitis rebus.
		Incredibilem voluptatem & delectationem, quam ex ea omnes in omni ætate habent: cū ergo vita pastoralis & mercenaria neq; institutione tã antiqua, neq; in usu ciuitatis & vitæ humanæ tã necessaria, nec delectatione tã amena sit, merito agricolarum vita est præferenda.

Opp. Agricola ruri semper versati agrestes & rudes sunt: ergo non sunt omnino apti ad rempub. Antecedens constat, quia rusticitatis consuetudo in naturam abiit. Argumentum tenet, quia illi solum sunt ad rempub. capeffendam apti qui morum ornatu, cultu ingenij, rationis imperio valent.

Distinctio A-
gricolarum.

Resp. Agricola sumuntur aut pro mancipijs natura, & sic non sunt apti ad capeffendam rempublicam; aut pro patribus familias ruri sollicitè occupatis, virisq; rerum rusticarum probè expertis, & sic sunt pastoribus & mercenarijs longè aptiores ad potentiam popularem gubernandam, de quâ hic agitur. Notandum ergo hoc loco est, quòd prima non dentur agricolis respectu omnium, nam sic meliores essent quàm consules, quàm senatores, quàm sapientes viri; sed solum hic comparatio est inter agricolas, pastores & mercatores, in qua comparatione propter rationes superius allatas hijs illi iure præferuntur.

Opp. Vita theorica seu contemplatiua est melior politicâ seu actiua: sed pastorum vita est magis theorica & contemplatiua quàm vita agricolarum: ergo vita pastorum est melior. Maior est Aristotelis

Aristotelis decimo Ethicorum. Minor verò est in textu.

Resp. Non hic differitur de perfectione vita respectu moralis virtutis aut mentis, sed respectu ciuitatis & actionis, plura ab agricolis (qui semper in opere) quàm à pastoribus (qui plerumq; in otio viuunt) emolumenta & commoda reipub. offeruntur; melior est quidem theorica vita, si hominem; at melior est politica, si ciuitatem spectes.

Opp. Mercatores in opere magis honorifico, in periculo magis formidoloso reipublica causâ versantur: ergo agricolis sunt præferendi. Antecedens patet, quia opus mercatoris est cum exteris nationibus pacta inire, illarum mores, ritus & leges discere, ciuitatis defectiones supplere, inter syrtis navigare, quæ omnia sunt multò illustriora quàm sterquilinum fodere, terram arare, aut quoduis negotium rusticorum agere.

Resp. Ludis, nam hic non tam dignitatem quàm necessitatem operis & actionis cōsiderare oportet. Fatemur fortasse in actione & vita mercatorum maiorem esse splendorem & ornatum, at negamus penitus ex illa maiorem utilitatem & fructum reipublica euenire, nam omnia ferè quæ mercatores emunt sunt superflua, at omnia quæ agricola pariunt sunt necessaria; si aromata, gemma & aurea vestes desint, uiuit reipublica; at ciuitas sine grano, lana & cibo perit.

Opp. Negari non potest quin mercatores maiorem prudentiam & experientiam imperandi habeant quàm agricola: ergo in administratione reipublica popularis sunt magis astimandi. Antecedens ex textu patet, in quo docetur quòd mercatores in luce ciuitatis uiuant, quòd conciones & concilia adeant, quòd rerum maximarum successionem & vicissitudinem intelligant, quòd mores ciuium viresque legum ad unguem discant: sed agricola ruri in cespite & pauperi tigurio istorum nihil videntes vel audientes sedent.

Resp. Hac omnia plurimum urgerent si de alio statu & forma reipublica hoc loco ageretur, sed in democratia in qua populus principatum tenet hac omnia tam accuratè non requiruntur. Preterea cum mercatores locupletes facti, oligarchia potius quàm populi libertati studere soleant, verendum est ne plus illorum experientia noceat ad mutandum, quàm agricolarum mediocris industria

industria pro fit ad conseruandum statum ciuitatis. Satis ergo est in populari potentia popularem habere scientiam & experientiam rerum, aut saltem ita politis & expertis viris clauis ciuitatis concedere, ut illis frenos pro arbitrio populi seu multitudinis liceat inijcere. Opp. Absurde in hoc capite tradit multa Philosophus: ergo male hoc loco defenditur. Antecedens probatur, quia suadet in hoc statu populari consultum fore ut quisq; pro arbitrio uiuat. Iterum tutum esse ait in hoc genere spurios, perniciosos & peregrinos ciuitate donare. Adhuc licitum esse affirmat sophismatis & dolis eò usq; fallere, donec multitudo nobiles & medios superet. Plura quid addam? Sernorū licentiam, puerorum molliem, faminarum communitatem, plusquam barbaricam diuinorum cum humanis confusionem, omnia deniq; tyrannica artificia & commenta hinc approbare videtur, quae singula legentibus manifestè patent.

Resp. Vno verbo dirimatur tota haec controuersia, si dicamus in singulis locis quae adducuntur, de ultima specie popularis potentia disputari, quae istis artibus opus habet ut conseruetur: est enim supra quam dici potest deterrima, modisq; pessimis conseruanda; quippe ex colluue multitudinis coalescit, spurios, fadsragos, barbaros, impuros, omniq; genere flagitiorum coopertos carnifices tanquam ciues optimos in suum amplexū suūq; senatum rapit. Fatemur ergo Arist. haec omnia dicere; ita tamen ut ad tyrannicam & furiosam populi insaniam potius quam ad veram populi potentiam referantur omnia: ut igitur antea de tyrannide agens temporum, locorum, hominum, retextit scelera, ita nunc de populari furore differens sub nomine conseruationis pestes contagiosas labis eiusdem ad viuum refecat & describit: in alijs verò popularis administrationis formis, ut hic perspicuum est, haec monstra malorum fugienda docet.

Dubium.

Virum vulgus ad studium agriculturae incitari debeat?

Prioris disputationis continuatio.

TRES à Philosopho in hoc textu fanciuntur leges ad conseruandam populi potentiam accommodatae, quarum prima est ut quisq; certam ac definitam agri mensuram possideret, secunda ut nemo primam sortem haereditatis venderet,

deret, tertia ut nemo ius haereditarium pignori aut vsurae daret; primam & secundam Plato, tertiam Oxylus Thrax ille legumilator Aphytæorum tulit: in prima equalitas, libertas in secunda, in tertia ciuitatis honos & amplitudo quaeritur. Pares enim sunt ciues cum quisq; certam mensuram habeat, liberi cum quisq; aliquid iure suo proprio teneat, honorifici cum neq; fœnore alios neq; pignore seipso vulnerant. Sed de prima solum hic lege agitur, quae mihi videtur tantum ad agricolas pertinere, quippe fieri non potest ut omnes & singuli artifices atque mercenarij agrorum possessionem quaerant, neque hoc conuenit ut omnes in agris uiuant, & sanè verba in textu Aristotelis huc tendunt: sic enim ait, Ad populum agriculturæ studiosum reddendum leges quaedam ex ijs, quae apud populos olim positae sunt, omnes adiuuent conferantq;. Leges verò, quas modò recensui, proximis in textu sequuntur verbis: hinc colligo vulgus incitandum esse ad utile studium agriculturæ, quod partim ex hoc loco, partim ex alijs breuiter sic probo. Est necessarium in omni repub. ut hoc fieret: ergo fieri debet. Antecedens constat, quia sine hoc studio & opere res publica conseruari non potest. Deinceps nobiles, mercatores, mercenarij, opifices alijs reipublicae vsibus & locis inseruiunt: ergo expedit ut vulgus solum ad hoc studium alliciat. Præterea vulgus à natura procliuè est ad hoc opus & studium: ergo si præmium & laudem addas, facile alios cunctos in hac arte superabit. Porro nullum studium maiora aut meliora comoda ciuitati suggerit quam agricultura: ergo ad eiusdem studium populum magnis propositis præmijs magistratus trahere & exhortari debet. Postremò omnes olim ciuitates sapienter institutæ hoc ipsum fecerunt: ergo fieri quidem debet: melius autem fieri non potest quam eo quo hic docet Arist. modo, nempe ut unusquisq; certam ac definitam agri partem teneret, eandemq; possessionem vendere aut oppignorare non liceret. Proprietas enim rerum voluptatem omnibus, perpetuitas hereditatem posteris certiore facit: ut ergo patres certam possessionem: ita successores spe & expectatione ad laboriosum hoc opus, opus & studium allectantur.

Min 4

Opp.

Ut ciuitas bene regatur, agricultura neuitquam negligatur, admonet Tremellius Scroph.

Opp. contra primam & secundam legem.

Opp. Si unusquisq; certam agri mensuram teneret, adeoque teneretur lege eandem non vendere, otiosi posteri redderetur: hanc ergo ratio incitandi vulgus ad studium agricultura non est satis prouida, utilis & consulta. Antecedens probatur, quia inopia laborem & industriam, copia torporem & segnitiam parit, ut ait Seneca: hoc enim posito quod segniores à natura simus, illoque addito quod constet de possessione patrum iuris, non dubitandum est quin potius otio & voluptati quam negotio & labori nosmetipsos voueamus.

Resp. Disputas, quasi nulla esset inter agricolas educatio, nullaque rei rustica faciendae consuetudo, aut fortasse per agri mensuram magnam rerum abundantiam intelligis, sed in utroque plurimum deceptus erras; nam per certam agri mensuram Philosophus exiguum pradiolum intelligit, quod sine cultu & labore faciendum non redditur: non solum ergo studium patrisfamilias sed etiam successorum labor ad messem istius segitis requiritur, eò enim lex tendit, eoque primum conceditur.

Opp. Tantus non est in agricultura sudor quantus est honor: ergo vulgo non conuenit. Antecedens probatur, quia antiquitus in omni praeclara repub. viri nobiles sese ad hoc opus contulerunt, ut de Cato- ne, Quintio, Curio, aliisque sexcentis apud Romanos, de Cyro minore illo apud Persas, apud Athenienses de Codro, de Lysandro apud Lacedaemonios in historiis legimus. Præterea ex agricolis & viri fortissimi & milites strenuissimi gignuntur. Postremo scientia agricolarum non est penitus experta astrologia & meteorologia, ut ex Hesiodi & Virgilij Georgicis constat: sed neque militaris disciplina, neque diuinorum rerum contemplatio vulgo id est rudi hominum multitudinem & turba conuenit: ergo nec studium agricultura ad vulgus spectat.

Resp. Fatendum est olim honorificos viros hanc agricultura scientiam nobilitasse, neque hic negamus quin ad eandem celi, terra ac temporum contemplatio quodammodo spectet: caterum illos non necessitatis sed voluptatis causam arasse censemus, eamque celi, terra ac temporum contemplationem naturalem experientiam potius quam scientiam, observationem potius quam demonstrationem olim fuisse & nunc esse putamus; agricola enim non sunt astrologi aut Philosophi arte sed usu, non scientia sed natura & longa rerum experientia.

CAP.

CAP. V.

An bona damnatorum potius Deo quam principibus pauperibusque in repub. consecrentur?



NALYSIS istius cap. hæc est, agitur de conseruatione popularis imperij; in quem finem quinque adducuntur præcepta. Primum quod legumlatorum sit, non solum in hac sed etiam in omni reipub. forma, sancitis legibus conari, non tam ut ciuitas existat quam ut diutissime conseruetur.

Quinque requiruntur præcepta ad conseruationem popularis imperij.

Nam sicut in corpore humano vita non est viuere sed valere: ita in ciuitate parum prodest collecta multitudo, si non sit eiusdem salutaris ordo & diuturna conseruatio: non enim societas tantum sed societatis diuturnitas incolumitasque ciuitatem facit. Secundum præceptum est ut damnatorum bona non principibus, non pauperibus, sed sacris vñibus consecrentur: non principibus, ne sitis immodica rerum illos tyrannos; non pauperibus, ne spes mercedis illos homicidas & truculentos accusatores reddat. Nam auri est sacra fames, at Crassi aurum suffocauit dominum. Tertium est ut falsi & insidiosi accusatores exquisitis pænis mulcentur, quâ lege publicè demum notâ rariora iudicia, pauciora periuria & supplicia fierent. O quam misera est ciuitas in qua innocentium mors & vita à perditorum (cauterio exustis) conscientijs pendent; quam scælix & beata quæ subornatos testes & sycophantas tollit! nam quis tutò viuere, si cuius quemlibet falsò accusare liceat? Quartum est quod ubi sunt parua aut nulla reipub. vectigalia, rariores conciones; ubi verò magna & multa, frequentiores senatus fierent; ita tamen ut quæ abundant bona statim populo non diuidantur, sed in publica reseruentur ciuitatis gaza: populus enim in accipienda mercede est instar dolij aut vasis perforati. Nam ut dolum pertusum paulatim ex vna parte recipit & ex altera effundit: ita multitudo non citius capit quam consumit

Aurum utile propter usum, inutile propter appetitum

M m 5

omnia.

omnia. Cæterum cauendum est ne populus cum extrema fortuna & miseria conflictetur, nam hoc naufragium est democratiæ: hinc quantum est præceptum, nempe quod utile sit ex affluentia reddituum oppressis & inopiâ laborantibus aut tantum dare quantum ad agelli comparisonem, vel rerum commutationem & mercaturam sufficit; aut more Carthaginensium & Tarentinorum illos ad beneuolentiam & placabilitatem allicere suis ipsorum iumentis & aliquibus possessionum fructibus inter egenos ac pauperes distributis, quos sic ditatos nunc sorte, nunc electione ad magistratum dignitatique locum admiserunt. Haftenus de expositione textus, nunc ad quaestionem venio quæ est, An damnatorum bona magis Deo quam principibus aut pauperibus consecrentur? Neesse est ut in omni rep. sapienter institutâ putridæ partes (de quarum desperatur salute) à politico corpore rescindantur, ne earum contagio pestiferos halitus in totius ciuitatis venas & præcordia spargat: ut ergo bonis & studiosis sceptrum, ita malis & facinorosis ferrum iure debetur. Cæterum ne membra sine causa pereant, iustitia misericordiam & prouidentiam sibi comites habere debet, ut sit tanquam mater propitia, si spem virtutis; cauta tamen & seuera, si sceleris immanitatem videat. Hinc in omni ciuitate, comitia, tribunalia, iudicia solemniora instituuntur, ut nemo summæ, mediæ, infimæ conditionis sine iuris ordine & iudicum religione condemnetur: non ergo licet, imò horrendum est adeoque contra iustitiam, humanitatem, & naturam miseros in carcere & vinculis detentos suffocare, confodere, aut alijs quibuscunque modis è medio ante sententiam damnationis tollere. Sed quaestio hæc oritur, Vtrum Deo & sacris vsibus damnatorum bona consecrentur? Affirmat Philosophus consecrari debere, argumenta quibus id probem quatuor sunt, à consentaneis, ab euentis, à contrarijs & fine. A consentaneis, quia ratio postulat ut Deo (qui est iudex & vindex scelerum) sanguinis effusi pretium tanquam victima offeratur. At dices auro & gemmis non eget Deus, verum est nec tuis precibus; minutum tamen

ipsum

Quaestio.

Legum mini-
stri, Præmium
Pena.

Quatuor mo-
dis compro-
batur quaestio.

ipsum viduæ boni consulit, precesque Cornelij & Cananæ non contempsit. At quid? vis ut Deo damnatorum facultates dentur? Volo: quis autem accipiet? Deus per manus pauperum in ecclesia. Attende, triginta argenteos quos Iudas in templum detulit, principes sacerdotum recusantes dixerunt non licet eos mittere in thesaurum templi, quia pretium sanguinis fuit; quid hinc? Ergo non licet bona damnatorum (quæ sunt sanguinis pretium) deo consecrare. Erras, idque multifariam, nam primum agni innocentis facinorocissime proditi, accusati & condemnati pretium hoc fuit, sed iuste condemnatorum alia causa aliaque conditio est. Præterea consilio accepto agrum figuli in sepulturam peregrinorum iisdem argenteis coemerunt, pretiumque illud non in prophanium sed in diuinum & sacrosanctum vsum ut sacræ iam docent literæ conuerterunt. Secunda ratio ab euentis ducitur, nam cum homines intelligant damnatorum bona Deo consecrari, tam rei quam accusatores religione quadam & metu perculsi & à peccando sapius & ab insidiando magis sibi præcauebunt: extimescent enim ne occultissima mentis sensa & cogitata perscrutatus Deus sanguinis pretium ab illis exigit, si alijs iniuste accusando insidentur; sceleris pœnam requirat, si ipsi facinorosi viuant. Hinc ut opinor constitutum est, ut bona illorum (qui sibi violentas intulerunt manus) sacris vsibus debeantur, quæ consuetudo iam apud Anglos viget. A contrarijs demonstrari hoc potest, quippe si principes aut multitudo hæc bona possiderent, non salus sed oppressio, non ciuium quies sed contentio & seditio erit. Nam si Achab Nabothi vineam ardentius appetat, repulsus subornatis testibus in vitam & sanguinem innocentis sæuiet, verum si Deo non sibi vuas vineti deberi sciuerit, placatiùs ager, lapidemque non quæret quo iustum obruat: similiter si nihil quaestus ac lucri inopes sibi obuenturum ex nece damnatorum senserint, lupinam appetentiam sanguinis deponent, virique eminentes tutius in portu nauigabunt; tum enim in nobiles multitudo furit, cum ex effuso eorum sanguine

Marc. 12.
Act. 10.
Marc. cap. 7.

Matth. 27.

3. Reg. 21.
Cupiditatis
sunt pedisse-
quæ, Indigen-
tia, Desideri-
um, Iracundia
Odium.

Omnis accusatio quæ lucrum spectat aut odium simpliciter mala,

Rom. cap. 8.
3. Reg. cap. 6.

Marc. cap. 12.

ne prædam opimam speret, ne ergo vndiq; aut oppressores pauperum aut accusatores nobilium per forum & theatrum ciuitatis voluent, melius cum illa repub. agitur in qua damnatorum bona Deo potius quàm principi aut multitudini concedantur. Postrema ratio ducitur à fine, est autem finis istius legis duplex, humanus & diuinus: humanus in quiete ciuitatis & in salute ciuium, diuinus in cultu æterni numinis cōstituitur: ad confirmationem primi verba solùm Aristotelis in textu adferam, sic ergo loquitur, Hoc lege sancito ne quid eorum qui damnantur populi fiat, sed consecratur; ij qui iniusta facinora faciunt nihilominus sibi à peccando cauebunt (æquè enim multabuntur) & multitudo agrestis atq; imposita minùs erit ad reos condemnandos facilis & propèsa, utpote nihil inde lucri factura. Ex his verbis concludo multò salubrius esse ciuitati (si vel Politicum spectemus forum) ut sine accusatorum odiosa turba & pestifera colluie respub. sit instituta: nam quæ pax? Quæ quies ciuium esse potest si in omni angulo, mensâ & tecto latitent & insidientur Zoili, & contecti ouinis pellibus canes & lupi voracissimi? Diffidentiam & suspicionem horribilem hoc inter ciues parit, eorum animos detestabili odio accendit, rapit incautos ad crucem, & ad motum seditionis vniuersos tandem trahit. Hæc verò omnia (bonis damnatorum sacris vsibus dicatis) euitantur, ut si finem politicum consideres melius sit Deo quàm hominibus damnatorum bona consecrare. De fine & vsu diuino qui ex ista donatione pendet quid dicam? Nemo est ut opinor qui non intelligit auctis ecclesiæ militantis hoc modo bonis maiorem reuerentiam religioni adhiberi: nam tolle omnem in ecclesia honorem, ordinem & maiestatem, tollesq; ipsam ecclesiam: quippè etsi Christus suos Apostolos terræ dominos non constituit, sanctis & electis tamen terrarum orbis possessio iure debetur solùm, imò ut loquitur Apostolus, languēt opera & creature Dei ut in electorum manus traderentur. Qui ligna, lapides, aurum & ornamenta in templum Salomonis attulerunt, non sunt à domino rephensi, laudatur vidua quæ minutum in thesaurum templi misit,

Math. 26.
Marc. 14.
Math. 27.
Exod. 35.

1. Tim. 3.

Ecclesia assimilatur Lunæ.

Math. cap. 26.

Act. 10.

sit, laudatur Magdalena quæ pretiosum oleum in pedes & caput Christi fudit, laudatur Ioseph de Aramathia qui syndone & sepulchro eius corpus texit, laudantur qui munera altari, qui decimas sacerdoti, qui Deo primitias soluunt; huc mea iam tendunt verba, ut iniquè comparatum esse putemus, si ædificia in quibus nos homunciones viuimus sint quasi palatia; & templa in quibus Deum colimus, sint quasi stabula; si inquam nos vermes saginemur ut porci, & ministri Dei summâ rerum inopiâ laborantes viuant ut serui, non suadeo hic ut in Ecclesia dominantur sicut reges, nam hoc prohibuit Christus: illud tamen ex animo peropto, ut ab Ecclesia omne dignitatis præmium & splendor non tollatur; est enim ecclesia instar lunæ, quæ etsi magnam eclipsim aliquandò patitur, omnem tamen lucem non amitteret dignitatis suæ; hæc enim dignitas partim viuentium donis, partim morientium & damnatorum bonis augeri debet. At dices malè parta (qualia sunt plerumq; damnatorum bona) grata sacrificia Deo fieri non possunt: verum id est, attamen cum in ambiguo res existat cui fieret restitutio, consultissimum est hæc bona offerri & consecrari Deo; is enim in meliorem vsum ea commutare in sua ecclesia potest; quippe ex malis Deus gloriam sibi & honorem ecclesiæ frequenter elicit, non quòd à Deo approbentur mali, sed quòd ille (summum existens bonum) cuncta in bonum, nō aliter quàm ignis omnia in ignē solet conuertere. Cæterum dic mihi quid de pauperibus futurum est, si Deo soli & Ecclesiæ damnatorum bona consecrentur? Melius est profectò ut diuedantur ista & diuidantur pauperibus. Magna hæc species est charitatis, sed iste grunnitus Iudæ fuit, qui crumenam tenuit, quasi verò bona Ecclesiæ non sint bona pauperum, certum est quod ut Cornelij preces & elemosinæ per angelum: ita bona Ecclesiæ per manus pauperum Deo offeruntur; imò potius quàm fame grex Christi contabesceret, Laurentius presbyter pretiosa templi vasa diuendit, & tyranni minis contemptis ante martirium pauperibus diuidet & largietur.

Distinctio.

Distinctio.

Bona damnatorum Deo potius
quā principibus aut pauperibus
consecrari debent, quia sic

Frequens tollatur ciuium accusatio:
Seditionis & effundēdi sanguinis tol-
latur occasio.
Honoris & rerum in ecclesia maior
fiat augmentatio.
Istorum bonorum in meliorem vsum
fiat conuersio.

Opp. contra primam conclusionem capitis.

Opp. Prohibet Arist. in prima conclusione huius cap. leges max-
imē populares in democratia, aut consulares & senatorias in oligar-
chia seu diuitum potentia constituere: sed hoc agere est istos reipub.
status prosternere & labefactare: ergo improvidē & inconsultō vi-
detur de his formis hic disputare. Minor probatur, quia populi po-
tentia maximē popularibus decretis, edictis verō consularibus diui-
tum auctoritas maximē defenditur: ratio est, quia ut corpus huma-
num similibus: ita ciuile & politicum non contrarijs conseruatur.

Resp. Considerantur hī status duobus modis vel inchoatē vel ab-
solutē, inchoatē, & sic legumlatōres in eis constituendis non tam
similitudinem decreti & legis quā progressionem & conseruationem
ciuitatis spectare oportet. Si enim exempli causa fundatores po-
pularis potentie in prima institutione eiusdem leges maximē popula-
res conderent propter reliquias prioris status periculum seditionis e-
mineret. Suadet ergo Arist. ut potius diuturnitatem conseruationis
quā similitudinem legis considerent qui vel popularem statum vel
diuitum potentiam constituunt, ut q̄, sensim ac lentō ab antiquis mo-
ribus ciues ad intentam formam pertrahantur.

Opp. contra quæstionem.

Opp. Damnatorum bonis Deo consecratis frigidior & rarior
non erit hominum accusatio: ergo hac ratio quæstionis à Philosopho
non rectē assignatur. Antecedens constat, quia malitiam suam &
inuidiam insidiatores vite pallio religionis ac pietatis in Deum hoc
modo tegere & dissimulare studebunt, adeoq̄, ut Deo grati & ho-
minibus sancti videantur & elo flammigero in iustos & innocentes
ferocius sapissimē rapiantur.

Resp. Fatendum est immanem sapē malitiam sub pallio religio-
nis

nis latitare: quis enim castius quā adulter, quis sanctius & reli-
giosius quā dissimulator, quis iustius quā maleuolus insidiator
sanguinis & vite loquitur? Ceterum comparatione factā si bona dā-
natorum deo consecrentur rariore accusationes fierent, et si inuidi
& malitiosi fortasse sapius alios sub hoc prætextu accusarint, cupidi
tamen & inopes omni frustrati premio ab accusatorijs insidijs peni-
tus desistent.

Opp. Damnatorum bona sunt prophana & sceleratorum mani-
bus veluti infecta: ergo Deo consecrari non debent. Antecedens cō-
stat, quia plerumq̄ sunt male parta, & in malos vsus ab illis destina-
ta. Ratio tenet, quoniam solum sacra & pura Deo conueniunt.

Resp. Ut medici venena temperata saluberrima alexipharma-
ca faciunt: ita Deus bona damnatorum prophana in pios vsus ver-
tit. Munera enim & dona à templo, ab altari, à Christo sanctifica-
tionem (ut ita loquar) habent. Nam ut Deus venditionem Ioseph, Gen. 45.
qua fuit mala, in salutem fratrum, qua fuit bona, commutauit: ita
damnatorum bona, quamuis sunt impiorum manibus & parta &
quasi infecta, idem Deus in sacros vsus conuertit.

Opp. Religio damnatorum bonis in immensum aucta insolens &
superba redditur, nec non his modis saginata aut in ignauam obliui-
cnem dei, aut in truculentam rebellionem vertitur: sic enim locuple-
tata diuitias parit, qua filia (ut est in prouerbio) facile deuorabit
matrem. Præterea voces Christi sunt, Tolle crucem & sequere me, Luc. cap. 9.
nō ait tolle aurum & mundū: iterū abi & vende omnia, & da pau-
peribus. Adhuc, Impossibile est inservire Deo simul & Mammoni. Matth. cap. 19.
Math. 6.
Porro qui voluerit inter vos primus esse, erit vester seruus. Huc
adde quod Propheta, quod Apostoli, quod Christus ipse, quod Mar-
tyres omnesq̄, sancti Des inopiam, nuditatē, mortē, nō copiam, ama-
nitatem, vitam amplexi fuerint: non ergo diuitie, non honor, non au-
thoritas in ipsa Ecclesia quari debent. Christus saluator noster lo-
cum in quem caput reclinaret non habuit, an ergo decet nos miseros
syndone & plumis inuolutos securissimē dormire? An decet pur-
purā, auro, gemmis, alijsq̄, vane gloriæ pigmentis gloriose ornatos in-
cedere?

Resp. Verba & ornamenta hac sunt non argumenta, sic nervos
sacra Philosophia tendūt, qui vires ecclesia velint concutere: quare

ut singulis respondeam, primum dico religionem fulgentibus diuitiarum arenis auctam non suffocari, sed perniciosos dispensatores qui veller a non oues quarunt: sitia quidem deuorauit matrem, sed hoc facinus hominis est, non religionis, quæ bona sibi deuota in optimos usus confert: voces Christi omnes humilitatem docent, omnem tamen dignitatem & honorem ecclesiæ (cui maximum dedit) non tollunt; Tolle crucem ais, vende omnia, Mammonem fuge, O utinam ipse velis. Sed hac nos instruunt ut fixos oculos in speculis istius mundi non habeamus, exempla quæ ducis usum creaturarum in ecclesiâ non negant; fuerunt enim inter prophetas reges & qui cum regibus versati sunt, fuerunt inter Apostolos & Martyres Episcopi, Doctores, Diaconi, & qui magnam auctoritatem habuerunt, ad suam tamen dignitatem gerendam tantarum opum subsidij non tunc fuerunt muniti ac nunc sumus. Ratio est, quia cum in perpetua cruce & persecutione ecclesiâ fuit, nec adhuc reges conuersi patroni, & regina nutrices eiusdem extiterunt, nunc verò dic mihi quis splendor in domo Dei, in familia Christi esset, si reges stellæ ductu, ihesus, aurum & mirram, hoc est si magnifici viri diuina gratiæ influentiâ commoti, munera & (ut ita loquar) sacra beneficia Deo non offerant, si ministros Dei nullis sacerdotibus, nullis honoribus donatos inter mortales (qui non tam spiritu quàm sensu & auctoritate mouentur) viuere patiantur? At qui possunt esse hospitales Episcopi, ubi beatus requirit Apostolus, si omni dignitate, si omni vel externo honore careant? In hoc illorum laus & commendatio lucet. si in oceano & abundantia rerum se seruos, se nudos, se castos, se temperantes faciant.

Dubium.

Verum falsi accusatores easdem penas subirent quas alijs intenderint?

Heste. cap. 7.

Daniel. cap. 6.

3. Reg. cap. 21.

DIGNVS cruce malitiosè Haman qui in crucem Mar- docheum iniuste tollere studuisti; luxuriosi presbyteri quàm iniquè lapidi Susannam condemnastis? Sed quàm iuste eandem subiistis plagam? Memorabile est illud factum tuum augustissime Dariæ qui falsos accusatores Danielis in speluncam leonum dedisti præcipites; nigra est facies accusatoris & nomen accusationis est odiosum, Sed ô tempora, quàm facile est nunc temporum in Naboth, in Stephanum, in

in Christum falsos accusatores & subornatos testes inuenire? Naturæ vox non mouet, Quod tibi fieri non vis alteri ne feceris. Christi vox non vrget, quàm mensurâ alijs dimensisti, eadem dimetientur & vobis: cur igitur Aristotelis sententiam hîc recitarem, quæ docet pauciora iudicia & tribumalia futura esse in repub. si grauissima pœna in eos, qui alios falsò accusant, constituatur? Verba & herbæ ut est in fabula improbo puero senis poma deripienti ab arbore descendere non persuaferunt, at virtus depellendi in lapidibus inuenta fuit: ita sanè sæpissimè cum natura & gratia malos non vrget, pœnarum formido ad officium cogit. Sapienter ergo Philosophus suadet ut grauissimæ pœnæ in calumniatores & sycophantas constituentur, utque eandem incurrant plagam quàm alios affligere contendunt; quippè si liberum sit cuius pro libito alios quoscunq; capitis accersere & accusare, in quo tandem statu oues & innocentes erunt? Agnus in fonte non bibit quin lupo accuset sine causa, deuoret sine lege: cæterum si patefactâ agnorum innocentia lupi sanguisugæ prætextam pœnam lucent, plures agni, pauciores lupi; plures oues, pauciores vulpes; plures innocentes viri, pauciores accusatores insidiosi essent. In repub. ergo religiosè administrata fœdissimis testibus falsisq; accusatoribus eadem pœnâ (quæ accusatis impendit) infligeretur. Si dracuncula aut alia immanis bestiola inuadat hominem, capta statim occiditur, & tamen hæc suam naturam sequitur: an ergo conuenit ut homo ad humanitatem natus tantum facinus, qualis est iniusta sitis alieni sanguinis, impune & inultus ferat? An conuenit ut Cainus effuso fratris sanguine in honore viuatur? Et non sub segite reprobis & miser pereat? Vim vi repellere natura docuit, iustitia hanc legem confirmauit, cur ergo non licet insidias vitæ cognitæ tentato supplicio coercere? Sed dices natura hanc legem dedit, at gratia eandem reuocauit, illosq; beatos appellat qui flammæ & procellas persecutionis propter iustitiam ferunt. Verum hoc est, non tamen id voluit Christus ut ciuili gladius in vindicandis malis penitus hebesceret; nam etsi iustior est

Nn

homo

Freig. in quæ-
stionib. Polit.

Bene viuere
est secundum
naturam hu-
maniter ago-
re. Plato.

Mat. 23. 35.

Act. 7.

Dan 14.
Hester. 7.
Dan. 13.

homo qui iniustam mortem subiit, non est tamen iniusta lex quæ falsis accusatoribus idem infligit vulnus. Zacharias iniuste occisus hoc moriens dixit, deus videat & requirat; sanguis innocentium vocem acutam, celerem & penetrantem habet: quamvis ergo Stephanus lapidibus obrutus Christi exemplo commotus dixit, Ignosce domine nam nesciunt quid faciunt: illa tamen martyris patientia quæ docetur, falsò accusantis penam, quæ iure incutitur, omninò non tolleretur: nam ut illa diuinam sapientiam, ita hæc diuinam iustitiam sapit, quæ (ut est in factis) falsos accusatores Danielis, Machabei, Susannæ (ut supra diximus) leoni, cruci, & saxo dedit. Si euenta huius rei spectes mirum in modum approbabis, nam metuentes mali nè eandem salutent crucem ad quam alios (quibus invident) pertrahere conantur, à susceptis insidijs alienæ vitæ facile cessabunt, suosq; conciuēs ledere ac vulnerare diutius nō molientur; nam ut impunitas multos audaces ad omne flagitium: ita seueritas pænæ nonnullos longè cautiore & in accusando leniores reddit. Postremò ut verbo concludam, tabulæ diuinæ & humanæ hoc probant: ergo res non est illicita. Diuinæ nullam iniuriam & facinus inultum ferunt; id & præstant humanæ, sicut apud Romanos, qui olim iusserunt ut scilicet accusator, qui crimen intendit quod probare non potest, pœnam ferat quam laturus erat reus si conuictus fuisset: hinc ciuium vita sine fraude, libertas sine metu, honor sine odio, tribunal sine damno & malo iniuriæ lucet.

Sunt accusatores illi necessarii, qui sui quasi officij religione quadam duci, publicæ utilitati consulant. Cicer. in Ver.

Opp. *Accusatores in repub. sunt necessarii: ergo nullâ sunt pœnâ digni. Antecedens probatur, quia ubi deest accusandi seueritas, ibi libertas vel potius immanitas peccandi viget, quippe cum homines ferocius & tetrins viuunt, cum ab accusatione seipsos securos norunt.*

Resp. *Non hîc negamus quin accusatores in ciuitate sint necessarii, sed insidiosos carnifices & accusatores falsos eadem afficiendos penâ, quam alijs intenderint, aperte docemus. Nam ut est in iusta accusatione ciuitatis salus, ita in falsa & insidiosa calumnia lethale virus & vulnus inest.*

Opp.

Opp. *Christus pro suis accusatoribus orauit, iussitq; ut patienter omnem contumeliam & iniuriam pateremur: ergo pari penâ accusatores falsos affligere & vulnerare non licet. Ratio tenet, quia pari relata & influcta penâ vindicta queritur, quâ vera patientia negat.*
Resp. *Patientia resistentiam non iustitiam negat: si sania carnifex, beatus in iusta causa qui suam crucem patienter tulit; nam premium in cælo & cum deo habet: et si ergo unusquisq; iubetur priuim non resistere, iustitia tamen & magistratui relinquitur insidiatores vita & sanguinis condemnare; pati ergo potest, & tamen punire; ignoscere, & tamen in iniurias vindicare.*

CAP. VI

Virum oligarchia in omnibus democratia contrarietur?

An pessima rerum publicarum forma firmiora semper possident præsidia?



OPVLAREM potentiam descriptâ oligarchia seu diuitum potentia iam describenda sequitur. Caput hoc breue est eiusdemque analysis longè breuissima; quippe hîc solùm istorum statuum per antithesin & oppositionem facta est comparatio. Meminisse ergo oportet olim in quarto lib. quatuor species democratia totidemq;

Quatuor de democratia species oligarchia speciebus opponuntur.

oligarchia posuisse Philosophum, quarum singulas inter se opponi & contrariari disertis verbis insinuat. Vnaquæq; inquit oligarchia ad contrariam democratia spectat & relata est: ea quidem, quæ est oligarchiarum temperatissima & prima, ad optimam democratiam & primam, hæc autem est ea quæ politia finitima & cognata existit. Prima nempe species diuitum potentia electionem suorum magistratuum secundum census minores maioresque facit, hinc non solùm Cræsis sed Fabritijs, id est non solùm opulentis sed etiam pauperibus mediocri fortunæ beatis ad remp. aditus reseat. Distinguntur enim in hac forma oligarchici imperij magistratus in necessarios, quos mediocriter opulenti, &

Nn 2

in

in excelsos quos solum magnifici & sumptuosi gerunt, qui pompam & maiestatem ciuitatis sustinere & decorare possunt. Animaduertendum hic est quod relique tres species oligarchiæ gradatim ab hoc amore & fauore populi declinent, tēdantq; magis ac magis ad effrēnem tyrannidem diuitum & oppressionem multitudinis. Nam vt prima pro censu definito infimæ classis ciuibus quosdam magistratus tribuit: ita secunda censum auget & pauciores de multitudine ad sedes magistratuum admittit: tertia verò magno proposito pretio (quod rarò assequi possunt pauperes) maximam partem multitudinis à spe & fructu dignitatis arcet: quarta autem tota herilis & tyrannica omnes præter pecuniosos & potentes omninò excludit: hos gradus & species oligarchiæ si aptè cum illis democratiæ modis & formis cōpares, vt in oppositis contrariam naturam: ita ex comparatione eandem disciplinam facillè elicies: nam contrariorum (vt aiunt Philosophi) diuersa natura est, sed eadem scientia. At in hac comparatione (vt ad quæstionem discutiendā propius accedam) nomen oppositionis paulò latiùs accipitur non solum pro disparatorum (vt loquuntur Dialectici) sed etiam pro relatorū pugna & contentione: popularis ergo diuitumq; potentia differunt quidem & opponuntur, sed non in omnibus. Opponuntur in materia, forma, obiecto, fine. In materia, quia in democratia tota multitudo, in oligarchia diuitum solum turba seges ciuitatis dicitur: cū ergo in utroque statu sit diuersa ciuium cōgregatio, diuersa materia vtriusque esse rectè concluditur. Nam vt in collectione ciuium materia: ita in ordine & vnione forma ciuitatis manet. Quod verò sit diuersa forma istorum hinc patet, quia sunt in illis diuersi ordines, diuersæ leges & administrandi rationes: nam in illa est fauor, in hac murmur & dolor populi. Præterea principes sunt quasi formæ ciuitatis, sed in istis distincti sunt principes & magistratus: sunt ergo distinctæ formæ vtriusque. De obiectis quid dicam? Cum in populari communitatem, in diuitum potentia priuatam commoditatem omnes aucupentur: at commune & priuatum differunt: obiectis

In quibus differunt popularis diuitumque potentia.

obiectis ergo hij duo status differunt. Postremò quis ignorat quod democratiæ finis sit viuendi libertas, oligarchiæ verò diuitiarum sitis & accumulatio? Populus enim ad licentiam vitæ, diuitum turba ad rerum affluentiam veluti ad summum bonum rapitur: sed libertas vitæ & auri cupiditas differunt: ergo hij duo status sine differunt. Non addam hic distinctionem legum, varietatem magistratuum, societatum discrimen, aliaq; multa in quibus etiam plurimum hæ duæ species distinguuntur: nam in democratia multi, in oligarchia pauci regunt. Iterum in illa democratia ex arbitrio: in hac ex maiorum præscripto viuunt. Postremò æqualitas in illa, in hac verò nulla tenetur proportio, nulla rerum aut personarum similitudo. Diuites enim in hoc statu non aliter quàm leones vnā reipub. partem vendicant propter excellentiam, & propter potentiam alteram, tertiam verò propter iusticiam vt aiunt, quia scilicet sunt lumina ciuitatis, vltimā autem sibi rapiunt, nam si neges, actum est de amicitia. Pera igitur & baculum relinquuntur Iro, at zona (quā se concingeret) potentum ad uncā manu tollitur. Inter istas oligarchiæ species quæ hic à Philosopho cum oppositis democratiæ formis conferuntur, vltima est omnium longè deterrima simillimaque (vt ait in textu Aristoteles) Dynastiarum potentatui & tyrannidi; quippè in ea sunt paucissimi magistratus, iidemque Timones & Dracones, qui ciuiū sanguine & carnificinā delectantur, qui non spargunt sed metunt, qui nihil largiuntur sed depopulantur omnia, qui non curant sed vulnerant, qui non seruant sed perdunt ciues; ista species quanto est pessima, tantò maximam (vt vtat verbis Philosophi) cautionem custodiamque desiderat & requirit; hinc desumpta est illa (de qua nunc agimus) dubitatio, Vtrum pessimæ rerum pub. formæ maiora ac firmiora semper postulent præsidia? Affirmat Aristoteles postulare, id ipsum quoque affirmamus. Notandum hic est quod Philosophus non suadet vt vitiosa ac iniusta imperia (quorum occasum & eclipsin optat) conseruentur, sed hoc intelligit quod ista (si tandem irrepserint) non possunt nisi

Diuites potentes, improbi. Plato.

Argumenta.

magnis armata præsidij diu conseruari. Si rationes requiras, hæ sunt quas hic & alibi ex Arist. sumo. Prima à simili, secunda à contrario, tertia à definitione violenti, postrema ab inductione exemplorum ducitur. A simili, nam vt morboſa & infirma corpora, annosa & detrita nauigia ad vitandum ægritudinis & tempeſtatis discrimen maiore quàm ſana & firma opus habent induſtriâ, maiore curâ & cautione: ita imperia fraude & inſidijs parata, vi & tyrannide retenta, fulminibus motibufq; fortunę magis ſubiecta ſunt, ſi potentiore manu & impetu non protegantur. Quid moror? Vt iuuenes mortifero correpti morbo grauiffimè cum morte coluctantur, victi tamen languent & cedunt demùm: ita terriores labeſ rerumpub. ex motu ſeditionis ortæ contra naturam & iuſtitiam ad tempus certant, at tandem concuſſæ nutant & penitus extinguuntur. Sunt enim quaſi flamma lucernæ deficiente oleo, quæ breui lucere & ſubſultare videtur: at exhauiſto oleo ſubito euaneſcit; quippè ſi fraus, ſi furor, ſi oppreſſio ceſſent, iſtæ ciuitatum nebulae ac tempeſtates diſſipantur. A contrario hoc ipſum facile probatur, nam ſi ſapientia, conſilium, iuſtitia in adminiſtratione optimarum ciuitatum ſint cauſæ perpetuæ conſeruatiſſimæ; inſania, temeritas, licentiaq; morum in malis erunt cauſæ ruinæ: ſed vt qui rectè & ſapienter imperant ſedatis vndiq; præcellis ſine magna difficultate clauum veluti in puppi ciuitatis ſedentes tenent: ita qui in folio Neronis ſunt maiores difficultates & pericula ſubeant neceſſe eſt, vt ſe & ſua tueantur. Eſt ergo in malis quàm in bonis conſeruandiſſimæ imperijs maior adhibenda cura. Tertia ratio à definitione violenti aperta eſt, nam ſi violentum ſit externus impetus & veluti tempeſtas contra naturam, quæ ſe mouedo & agendo terit, ſi quoq; verum id ſit quod Philoſophus docet, nullum violentum eſſe perpetuum, qui fieri poteſt vt tyrannides & deformitates rerumpublicarum diu ſine maxima difficultate floreat? Peſſimæ ergo ciuitatum formæ maiora ac firmiora poſtulant præſidia, maiores curas & munimenta, ſi ſtare diu & conſeruari velint. Vltima ratio nimis ſæcunda & moleſta eſſet

eſſet ſi ex antiquitatis annalibus ac monumentis plurima exempla peterem, ſatis ergo eſt Romanum ſub perſecutoribus, Scithicum ſub Dynaſtis, Perſicum ſub demagogis & aſſentatoribus populi, iam quoque Turcicum ſub tyrannis ante oculos lectoris ponere imperium. Deus bone quot ſophiſmata, quot inſidiæ, quot truculentæ tragædiæ, quot monſtra humanarum actionum in illis latent? Quæ omnia & olim & nunc eò ſunt deſtinata, vt ruinosa & declinantiæ imperia ſuffulta ſtarent; at cadere neceſſe eſt, quia arenosa fundamenta habent. A coniunctis etiam demonſtrari hæc cauſa poteſt, nam dolus, vis, metus ſunt cuſtodes tyrannidum & malarum ciuitatum: ſed quando fraus portas, vis ſedes, timor ipſorum magiſtratum arces ſeruat, velox ruina & atrox miſeria ſequitur. O quàm infortunata eſt illa ciuitas in qua Dionyſius vxoris fidem, tonſoris cultrum, ſuiſpſius vmbra, malefactorum conſcientiâ percuſus timere cogitur!

Diſtinctio.

Abſoluntur in hoc Capite duo,	Quæſtio, in qua probatur contrarietas inter popularem diuitumq; potentiam in	Materia, quæ eſt diuerſa multitudo. Forma, quæ eſt diuerſus ordo ac inſtitutio. Obiecto, quod eſt libertas, honor. Fine, qui eſt dominari.
	Dubitatio, in qua probatur quod deterrimæ ciuitates maiora poſtulent præſidia à	Simili, Contrario, Definitione violenti, Inductione exempli, Coiunctis & circumſtantijs.

Opp. contra quæſtionem.

Quæ gradu ſolum differunt, naturâ non differunt: ſed democratia & oligarchia gradu ſolum differunt: ergo naturâ non differunt. Maior conſtat, quia gradu eſt affectio & accidens non natura.

Nn 4

Minor

Minor probatur, quia prima species utriusque status in hoc solum differunt, quod illa plures pauperes, hac pauciores ad magistratus & officia eligat. Similiter si reliquos modos oligarchia cum reliquis democratia formis compares, gradus non naturae distinctionem & discrimen inuenies.

Resp. Positum est non in omnibus has duas imperandi formas differre, gradu autem solo non differunt, nam licet in utroque genere administrationis sint diuites & pauperes ad rempub. admissi, idem tamen non est modus, idem ordo, eademque imperandi utrimque finis & intentio, in quibus utriusque maxima distinctio inest, ut in analysi & demonstratione questionis constat.

Opp. Isti status non existunt: ergo de illorum contrarietate inutilis & otiosa est disputatio, nam de umbra & non ente (ut aiunt) non esset contentio.

Resp. Primum negatur antecedens, nam ista imperandi formae in multis locis vigent. Secundo negari potest argumentum, quia et si nunc non existerent, recte tamen & sapienter de illis instituitur disceptatio ne illis ignotis in administranda repub. facile oberremus, imo ne errore commisso aut persistamus in eo, aut à malo (ut aiunt) in peius irruamus.

Argumenta contra dubium.

Deterrima ciuitates omni modo & conatu extinguerentur: ergo de illis conseruandis tradi & assignari non debent praecepta. Ratio tenet, quia conseruandi datis praeceptis armantur tyranni & ad audaciam magis animantur.

Resp. Respondendum est hic non tradi praecepta conseruandi, sed hoc solum demonstrari quod istiusmodi imperia infirma sint maioreque egeant subsidio. Si verò urgeas alibi conseruandi praecepta Philosophum tradidisse, respondeo hoc factum ab illo esse, non eo animo ut conseruentur, sed ut cognitis tyrannorum insidijs & sophismatis illorum vires & impetus frangerentur facilius.

Opp. Persica & Turcica imperia diutissime floruerunt: ergo violenta imperia diu conseruari possunt, quod antea negatur.

Resp. Nimis diu quidem floruerunt si sentire ac furere in (bristum & ecclesiam) contra quem ne porta inferorum diu praeualebunt) florere dicatur, hoc tamen contingit meo certè iudicio ut pusillus

lus grex domini magis probetur, utque Sion unita in se reddatur fortior: nam Hannibale pulsante portas suaque tela in ciuitatem iactante illustrior victoria erit. Præterea si consuetudinem Barbarorum & consensum populi abiecti spectes, negamus illa imperia esse violenta, nam tum violentum dicitur cum agentis motibus frustra resistitur.

CAP. VII.

Verum athletarum palestra in ciuitate recte instituta sint permittenda?

An nobiles ex officio templa Deo, palatia vrbi consecrare debeant?



POLITICI est docere non solum quæ & quot sunt ciuitatis genera, sed etiam quæ loca & climata horum, quæ illorum sunt capacia distinctè & accuratè explicare. Postquam ergo Aristoteles quid democratia, quid oligarchia sit, & quomodo inter se distinguantur ostenderit, distinctionem hominum & locorum affert, ut cui populo & loco hæc, cui illa conueniat, à quouis dilucidè intelligatur. Sunt, inquit, quatuor multitudinis ciuilis partes, vna agricolarum, ad quam reducitur pastoralis; alia artificum; tertia mercatorum; quarta mercenariorum. Agricola sunt qui opus scienter in terra agunt, quæstumque honestum ex ea metunt. Artifices hic appellantur qui artes sordidas & illiberales tractant. Mercatores qui mercaturam & rem cauponariam faciunt. Mercenarij qui ad opus faciendum pretio conducuntur. Hæc quatuor genera hominum pacem & tranquillum reipub. statum respiciunt; sunt quoque alia quatuor genera quæ Martem spectant, quæque versantur in bello, videlicet equites, pedites grauis armaturæ, pedites leuis armaturæ, militesque classici, quibus prælium nauale geritur. Equites sunt milites equestri ordinis, qui in prima acie constituti impetum hostis frangunt. Pedites grauis armaturæ sunt experti milites

Sic Cic. qui omnes opifices in sordido quæstu versari arbitrat.

vndiq; & magnificè ornati, qui cominùs eminusq; nō sine arte militari pugnant. Pedites leuis armaturæ milites expediti, gregarij, aut ferentarij dicuntur, qui signo dato in hostem ex ducis mandato ruunt. Classici sunt veterani milites qui ex castris ligneis nauibusq; per mare cum hoste certant. In his (si turbines seditionis æstuent, si ingrassentur hostes) capitolina reip. spes & fortitudo ponitur: suadet ergo Philosophus patribus in repu. filios suos, dum etiam nū sunt iuuenes viribusq; integris, ad leues & expeditas pugnas erudire, vt tandē grandiores ætate facti militarium operū opifices, duces & athletæ fiant. Ex his verbis quæstionem quam nunc sum tractaturus duco, nimirum, An athletarum palæstræ in ciuitate rectè institutâ permittantur? Expressa verba Arist. textus hoc nō requirunt, sed verborum sensus planè & apertè docet; nā qui possunt patres suos filios ad pugnas erudire arteq; militari instituere, si nulli sint qui artem pugnandi & præliandi doceant? Palæstræ ergo athleticæ esse debent, in quibus rei militaris scientia publicè exerceri possit, adeoq; nutriri bellica seges ciuitatis: vt cum ad mœnia, ad castra, ad classes veniat, nō solum vi sed arte, non solum armorū & equorū subsidio sed etiā vsu & ingenio bellicosos hostes valeat sternere & superare. Inexpertī medici, sepē aduersā valetudine laborātes, perdūt & occidūt, sed rudes & imperiti milites seipsos mactant: est ergo necessarium vt in rectè institutis ciuitatibus Olimpica exercitia habeātur, in quibus militaris scientia sine sanguine. Martis furor sine periculo, hostis insidiæ & fraudes sine omni timore perdiscantur. Sapienter Flauus Vegetius Renatus, Qui desiderat (inquit) pacem, præparet bellum; qui victoriā cupit, militem imbuat diligenter; qui secundos optat euētus, dimicet arte non casu; quippe nemo cum prouocare, nemo audet offendere, quē intelligit superiore fore si pugnet. Hanc artē olim & antiquitus maiores nostri in omni ætate, in omni gente ac vrbe honorificè aluerunt: testes sunt Athenienses qui cassidē in capite, hastā in dextra suæ Mineræ posuerunt: testes sunt Romani qui suū capitoliū in altissimo mōte vrbis extruxerunt, statuamq; Martis ad terrorem hostium in cel-

Athenienses
diu Lacedæ-
monijs paru-
erunt donec
in palæstra
exerciti ad
tantas vires
peruenerint
vt victores
victi supera-
uerint.

lissima

fissima eiusdem turri graphicè æri insculptam cū omni genere armorum ac tormentorum collocarunt. Quantum in prælijs Lacedæmoniorum disciplina profuerit (vt omittam ceteros) testis est Xantippus, qui Attilium Regulum Romanumq; exercitum non tam virtute quā arte edomuit & contriuit: quot consules, quot legiones, quot lumina Romanorum vnus Hannibal Carthaginensis ille istius ferè artis auxilio & ope extinxit? Quot vrbes deleuit? Quot signa & castra sustulit? In hac palæstra & arte olim celebriores fuerūt nostrates, qui palatia & collegia plena armigeris in Turcam mittendis habuerunt, quorum vires Rhodorum insulæ, quorum laudes annales nostri eloquūtur. Dic quæso, an solum lacertis suis ac Martis impetu Romani tot vrbes, tot gentes, tot imperia sibi subiecerunt? Fieri non potuit vt pastorum paucitas globum totius mundi tot sæculis vi sola naturæ sine arte militari verteret. Vñus huius scientiæ sunt quidem numero infiniti, famā celebres & laudis tubā digni: nā ex desidijs alacres ad pugnā, ex ignaris expertos, ex imbecillis fortes, ex incognitis & obscuris nobiles magnanimosq; duces efficit, naturā locorū, opportunitatem temporum, hostiū vires, fraudes, stratagemata & munimenta hæc sola scientia docet, hæc sola insidias prodit, furorē à manibus ciuitatis pellit, castra figit, tormenta parat, vitā ciuiū defendit, omnia deniq; pacis ornamenta seruat. Sed de his alijsq; infinitis bellicæ artis cōmodis Flauīū Vegetiū, Sextum Lulium Frontinū, & Aelianū de instituēdis aciebus legendos esse suadeo, qui sanè præclara opera sententiosè conscripta de re militari nobis posteris reliquerunt. Plura hīc de ista quæstione non dicam, quippe ad eundem ferè sensum à nobis antea est disputatū. Pergit in textu Arist. & ostendit duo, nimirū rationē sciendi quæ ratio oligarchiæ, quæ democratiæ apta sit, & quoq; modum conseruandę diuitū potentię: primū his verbis absoluitur, Equitatus inquit & grauis peditū armatura diuitum magis est quā pauperum (quippe vterq; exercitus eget magnā diuitiarū copiā) Leuis autē armatura militū & nautica turba ad popularem statum pertinet: gens ergo illa quæ est ad æquitatum & grauem armaturam propensa facilē diuitum imperio

Laus huius
scientiæ.

imperio paret, quæ verò nata est ad leuiorem pugnam populi imperium alit. Alterum quod in textu est de conseruanda diuitum potentia tria politica præcepta habet. Primum vt etiã populo concedatur aliquid in repub. sicut olim apud Thebanos & Massilios, spe enim beneficij allectatus magis rempub. amplectetur. Secundum vt imponantur principibus viris ciuitatis sumptuosæ suorum munerum functiones, sic populus sua sponte & libenti animo administrationis experts manebit; & ijs qui magistratus gerunt facillimè ignoscet tanquam imperij sui magnam persoluerent mercedem, quam pauperes nec velint nec possint attingere ac sustinere. Postremum est vt admissi in arcem reipub. sacra Deo templa, celsa vrbi ædificia, crebra plebi conuiuia suis ipsorum sumptibus ac impensis parent; quæ omnia aspiciens populus gaudebit plurimum, nec non talibus præfectis libentissimè obsequetur. Hinc rectè Cicero, Odit populus priuatam luxuriam, publicam magnificentiam diligit; ex his emergit dubium, An nobiles ex officio templa Deo, palatia vrbi consecrarent? O magnam ruinam rerum, ô miserabilem caniciem temporum; in qua tandem ætate viuimus? Quid? De templis Deo dicandis, de vrbibus extruendis agimus? O vtinam frustra non ageremus. Non opus nunc est triginta hominum millibus cædendis arboribus & octoginta lapidicidarum millibus saxis quadrandis pro Salomonis templo destinatis; pauciores iam artifices & operarij seruiant: opus potiùs nunc est vt rex Cyrus per omnia regna proclamari iubeat, Deus cœli præcepit mihi vt ædificarem ei domum in Ierusalem, quis est in vobis de vniuerso populo eius? Si Deus cum ipso, descendat in Ierusalem. Vbi Iustiniani, vbi Constantini, vbi omnes magnifici ecclesiæ renascentis & languentis patroni? Illorum cineres ex sepulchris vt olim Memnonis fauillæ volant, laudesque perennes ex detritis & effossis eorum monumentis canunt. Agite pseudopolitici vel potiùs ficti Christiani, tēpla furore Persico deijcite, Christum in templis manu factis non habitare altis vocibus exclamate: hoc vnum tamen si placet meminertis, Deum olim habuisse tabernaculum & archam, Christum

Sola magnificentia populi fauorem auget & amicos conciliat. Cæsar.

Quæstio. 2.

3. Reg. cap. 5.

3. Esdras c. 3.

& Apostolos materiale templum non contempsisse; nam aliter haud dixisset ille, aurum templi sanctius non esse templo, aliter hij ad horam orationis in templum non ascendissent. Ite inquit Christus & stantes loquimini in templo plebi. De hoc templo locutus, ait, Domus mea domus orationis est, sed vos fecistis speluncam latronum. Quid? Vendētes columbas flagris ex templo expulit, & nihil facturum eum fuisse putemus si demolientes columnas templi inuenisset? Sed ad rem fortasse dices, certè ab instituto non sum digressus, nam sic argumentor. Deus vult (vt probatum est) templa sibi consecrari: sed pauperes hoc tantum opus præstare non possunt: ergo ex officio nobiles hoc munus subire debent. Addam nunc verba Aristotelis. Conuenit (de nobilibus loquitur) cum in- eunt magistratus, sacrificia magnifica facere, & in opus ali- quod publicum ædificandum pecuniam insumere, vt populus urbem partim statuis ac templis, partim præclaris ædificijs ornatam aspiciens, reipublicæ administrandæ formam lubenter stantem ac permanentem videat. Ex his verbis tres rationes & argumenta ad dubij confirmationem peto: primum est ex parte Dei, secundum ex parte ciuitatis, tertium ex parte populi & multitudinis, quorum singulis iustum & perpetuum à nobilibus debetur officium; si ergo nobiles & illustres viri templa Deo cōsecrent, populus propter opinionē religionis honorificentius illos in primis colet, illorumq; imperiū multo religiosius feret: si verò vrbē edificijs ex officio donent, idem populus illis ius obedientiæ cedet libentius, tum quia ipse tam magnificum opus non potest præstare, tum quia eorum magnificentia ac liberalitate magis honorari ciuitatem viderit. Tertia ratio ex parte multitudinis est, quia infimæ conditionis homines illos maximè diligunt & admirantur, quorum beneficijs seipso accumulari senserint: sed populus ex istis communibus bonis, Deo, vrbi, & sibi datis magna emolumenta colligit: vtilius ergo nihil est quàm hoc in officio nobilium ponere, vt istiusmodi ornamenta ciuitatis faciant: nam extructionem templorum religio, ædificiorum splendorem admiratio, largitionem munerum ac beneficiorum populi

Mat. 25.
Act. 3.
Act. 5.
Matth. 21.
Marc. 11.
Luc. 19.

Nobilem vult
Anglus affabile
hospitem magnificum esse
populi

Tho. White
miles.
Tho. Pope
miles.
Gualterus
Mylmey, mi-
les honorifi-
cus serenissi-
mæ R. E. à
consilij.
Doct. Caius.

puli dilectio sequitur; adorabit enim popul' cultores dei, magnificos admirabitur, diliger & amplectetur liberales. Cyrus & Darius apud Persas, Numa Pompilius & Seruius Tullius apud Romanos hoc ipsum fecerunt, lugendum est si honorifica hæc charitas apud Christianos frigeat. Ferunt in ciuitate Veneta sexaginta duo diuorum templa spectari augustissima, virginum vestalium septem & viginti, totidemque fratrum & monachorum cænobia. quid longè exempla peto? Anglia istiusmodi spectaculis ac monumentis nobilium iam olim floruit, Christum precor vt paucorum exemplo (qui iam ædificant) plurimi ad simile charitatis officium pertrahantur. Annum nunc quadragesimum sextum ago, at in hoc spatio multa ædificia insignia ad priuatum vsum, templa verò & collegia pauca in diuini numinis cultum extructa & ædificata vidi. Non possum nec debeo hic tacitis præterire Thomam Whitum & Popum armigeros, qui duo Oxoniæ; Gualterum Mylmey honorificum virum, & doctorem Caium venerabilem senem, qui duo Cantabrigiæ Deo & musis consecrarunt collegia. Hæc scribo non vt irritem quosuis, absit enim à meis scriptis omnis satyrica & stulta reprehensio, sed vt consopitos animos insignium virorum ad imitanda maiorum præclara opera & vestigia incitem. Det Deus vt sterilitas nostrorum temporum in Saræ risum & fecunditatem commutetur.

Distinctio vtriusque quæstionis.

Dux sunt quæstiones in hoc cap. vtrum	Achletarum palaestra permitti debeant? Hæc probatur	Ab usu antiquissimarum ciuitatum,
		Dignitate, Vtilitate, Necessitate eiusdem scientiæ, A multiplici exemplo.
	Nobiles ex officio Deo templa & vrbis palatia consecrarent? Hæc demonstratur	Per exempla diuina & humana, Per decreta gentium, Per præcepta Philosophorum, Per commoda & emolumenta, quæ rebus publicis ipsique nobilibus inde eueniunt.

Argumenta

Argumenta contra primam quæst.

Opp. Athletarum palaestra audaces, temerarios ac seditiosos efficiunt: ergo in rectè instituta ciuitate tolerari nō debent. Antecedens probatur, quia arte bellica instructi homines immaniores ac ferociores fiunt: ratio est, quia vt bellum est contra naturam ad interitum, verum: ita ars bellica violentos, furiosos & crudeles reddit, omnemq; mansuetudinem & clementiam ab animo humano tollit, imò homines in feras penè conuertit.

Resp. Vitia hæc hominis sunt non artis, nam quamuis longior belli usus ferociores reddat: est tamen in arte militari frenum, est certa moderatio, & licet huius scientia comites videantur esse ira, mors, furor, aliq; sexcenta mala ciuitatis, non tamen ita sunt: sed eo hæc ais institui vt non aliter in bello quàm in pace secundum leges vueremus, neminemq; iniuste ac furiose laderemus.

Opp. Bellum est flagellum Dei, vindicta sceleris, malum ciuitatis, ruina pacis: ergo eiusdem scientia non est exercenda. Ratio tenet, quia quod simpliciter malum est admitti in ciuitatem non debet: sed hæc scientia est simpliciter mala. Probatnr hæc minor propositio, quia ex malà causà nempe ex bello nascitur: at quod bellum sit malum ex definitione constat.

Resp. Omnia illa adiuncta belli in antecedente propositione, quæ aduers, demonstrat bellum esse malum pance sed non malum culpa, nā iustā existente causā bellum iustum & honestum dicitur. Præterea argumentum negamus, nam et si vitia sunt simpliciter mala, eorum tamen scientia est bona, semper enim necessario non sequitur, si causa sint bona aut mala, effecta quoque esse bona aut mala, nisi in eodem genere boni & mali hæc cū illis conferantur vt Philosophus in secundo Topicorum docet. Sed hic aliter se habet cōparatio, nam quia bellum est malum contra naturam, scientiam belli malam concludis esse contra iustitiam, quod est malum moris non nature.

Opp. Mania non arte sed impetu & robore perfossa cadūt, vrbes armorū vi cedūt, non oratorū eloquentia, Siracusas Archimed. caput mathematicum non defendit, cum Marcellus inuasit ciuitatē: frustra ergo militaris scientia docetur cū Hercules furēs in bello agitur.

Resp. Palladium surreptum fatale exitum Troiana vrbe erat, at hoc idolum non vi & armis, sed insidijs & arte sublatum fuit. Equum

Sabellie. lib.
10. cap. 8.

Equus Troianus mirâ arte fabricatus decepit ciues; quamuis ergo concedimus mania non deturbari, vrbes non deici ac deuastari, non expugnari hostes sine vi & armis: artem tamen militarem non reijcimus, sed Aeneam & Hectorem, artem & martem simul in bello consociari volumus.

Argumenta contra secundam quæst.

Opp. *Nobiles sunt maximè liberi in omni repub. ergo ex officio cogi non debent ad decorandam ciuitatem statuis ac templis (ut hic ait Arist.) Ratio probatur, quia coactio libertatem tollit, onus in officio impositum obscurat splendorem dignitatis; imò languidum & ingratum est beneficium quod à coactis & inuitis datur.*

Resp. *Statuis & templis ex officio ornare ciuitatem, non est libertatem tollere sed potius augere, neq; hoc loco suademus ut nobiles cogantur ad hac monumenta virtutis, sed id volumus (cum fieri hæc debeant in honorem Dei & ciuitatis, cumq; pauperes non possint prestare) quòd honorifici viri ex officio hac debent agere; ex officio dicimus, quoniam hominum gratorum est acceptis multis pauca rependere.*

Opp. *Deus locis ac lapideis templis non alligatur, spatijs aeris non circumscribitur, superstitiosum ergo est Deo ruinosa sacella consecrari. Antecedens constat, quia Deus est spiritus immensus ac inuisibilis, ubiq; totus & tamen nullo circumscriptus loco. Vnde dicitur quòd in templis manu factis non cohabitaret. Ratio probatur, quia vanum est maiestatem Dei angulo ciuitatis alligare, quam cælum & terra non possunt comprehendere.*

Resp. *Rectè quidā, quòd quem cælum non cepit uterus gessit; si in utero virginis ad tempus latuit, cur in templis non maneret? ex rubo, ex archa, ex tabernaculo, ex monte loquutus est Moysi, cur ergo in tēplo cum doctoribus non disputaret? Opus pecuniā nō habet Deus, & tamē minutum vidua non cōtempnit; Fatemur quidē ubiq; esse secundū essentiam, non est tamen absurdum in templis manere si spētes promissum. Qui ergo templum Christo dicant, domum seu tabernaculum (in quo Deus cum hominibus veluti loqui & cohabitare desiderat) videntur edificare. O Deus, excita quaso multos Salomones ac sapientes viros qui tibi templa, urbi palatia, sibi perennis fama monumenta extruant.*

Virum magistratus rectè in suas species diuidantur?



QUONIAM ciuitas sine magistratu est veluti corpus sine anima & vita, posteaquam Philosophus docuerit quo modo & ex quibus constituantur respublice, considerandum putauit necessariò, qui, quot & quales magistratus esse debent: quippe ab illis ciuitas tanquam à fontibus motum, vitam, sensum ac intellectum trahit. Materiam hanc antè paucis attigit Aristoteles, sed nunc plenius & accuratius eandem tractat. De bonis magistratibus in hoc delirio mundi annoque clymaterico agimus: in quo penè

*Nemo animum summi memorem genitoris in altum
Excitat, ad cælum mittit suspiria nemo. In quo regnant
Ira, superstitio, meror, discordia, luxus,
Sanguinis atra sitis, vini sitis, & sitis auri,
Livor, adulterium, dolus, obreptatio, furtum: In quo inquit,
Informes horrent facies, habituq; minaces,
Ambitio ventosa tumet, doctrina superbit,
Personat eloquium: nodos fraus abdita necit.*

Prudentius.

Laterem (ut aiūt) & ethiopem lauamus, nam de istis temporibus scriptum est, nullam carnem, imò ne iustos quidem saluari posse, si diutius Christi aduentus prorogetur. Cur ergo tu nunc scribis fortasse quæris? Causam dicam, quia ut cum ægotant homines opus est medico: ita cum delirat mundus opus est medicinâ. Conandum ergo est ut oculi ciuitatis simplices fiant & perspicaces, ut lince in quærendâ malorum culpâ, non aquilæ in perspicandâ & aucupandâ prædâ præmioque fiant. Sed paululum digressus ad me reuertor.

Officium, ne-
cessarium, cō-
mune.
Magistratus,
politicus,
theoricus.

Ædilis.

Magister ope-
rum.

Quæstor.

Custos ro-
larum.

Carceris præ-
fectus.

uertor. Aristoteles, instituto suo breuissimè explicato, magistratum in duo quasi summa genera distinguit, lineamque ut loquuntur dialectici prædicamentalem magistratuum describit; genera duo sunt, officium necessarium, sine quo ciuitas consistere non potest, officiumque commune ac minus necessarium, sine quo splendida & ornata non manet. Primum hoc genus diuiditur in magistratum politicum, qui circa res ciuiles, & in magistratum theoricum, qui circa res diuinas versatur. Politicus iterum est aut superior aut inferior, ille clauis reipublice tenens ad gubernacula sedet, hic res communes sed necessarias easdemque vel intra vel extra urbem tractat: hinc magistratus multi urbani, multi suburbani à Philosopho in textu tanquam infimæ species nominantur. Alterum summorum generum nempe officium minus necessarium multas quidem species habet, de quibus, expositis primùm necessarijs, breuiter dicemus. Primus inter necessarios magistratus est ædilis seu fori magister, qui rebus vendendis & emendis tum ad cultum tum ad victum necessarijs præest, cuius est omnia ad æqualitatem reducere, & ne quid desit ad sufficientiam vitæ ex fide & officio providere. Alter magister operum appellatur, cuius officium est circumspicere ne ædificia & itinera ciuitatis ruinosæ aut indecoræ fiant, hic magistratus alios multos sub se in populosis urbibus comprehendit, quales sunt murorum, fontium, portuumque custodes, quos Archadius limenarchas vocat. Alius coactor seu quæstor definitur, cuius est redditus publicos & vestigalia exigere, eaque in publicos sumptus distribuere & erogare. Quartus est tabularum & rotularum custos, ad cuius officium pertinet religiosè publica ciuitatis scripta distinguere & custodire, ut inde tanquam ex sacra officina principum decreta sententiæque iudicum de rebus controuersis habeantur. Quintus est præfectus carceris, qui in iudiciorum executionibus (siue damnatus quis fuerit siue reus factus) versatur; huius officium inquit Philosophus est plenum inuidiæ magnumque sæpè incurrit odium

um grandeque periculum. Inuidiosum enim est mucronem cruentum ex manu iudicis vibrare, periculosum eundem in nefarios ac condemnatos vertere. Quamobrem ubi non est merces magna proposita hunc magistratum homines recusant, est tamen necessarius, quippe frustra exercentur iudicia nisi eorum sequatur finis & executio. Lites enim de rebus iustis sunt inutiles, nisi res iudicatæ ad exitum perducantur: extorque iustitiæ manibus gladium, ciuitatis nerui infirmantur, ut ait Seneca: politicum ergo valdeque consultum erit in hoc magistratus genere, si alij vitæ ac necis sententiam dicant, alij pœnam atque exemplum à reis & condemnatis sumant. Damnare enim simul & multam exigere odium duplex habet, hominesque nimium inuisos & odiosos reddit. Vnde quidem euenit ut boni viri hunc magistratum maximè fugiant, vident enim odium, vident periculum: expedit ergo plures ad hoc officium admitti, ut alius sententiam ferat, alius supplicium sumat. Immo consideratè factum erit (rebus valde magnis & periculosis tractatis) ut noui & recentes admissi iudicium in reos dicant, ne seniores intolerabili inuidiâ vulnerentur; hoc ipsum exemplo Atheniensium in textu constat. Nunc pergam, aliosque magistratus (in quibus maior apparet splendor ac species dignitatis) breuiter ostendam. Inter hos primi sunt clauigeri ciuitatis, ad quos tota urbis custodia pertinet, horum quidem est excubias facere ac inuigilare ut tam in bello quam in pace, portæ, gazæ, ac mœnia ciuitatis à vi & fraude hostium tam internorum quam externorum muniantur. Sub horum nutu ianitores, murorum præfecti, cistarum custodes viuunt. Alij in hac classe ciuitatis vocantur duces seu imperatores rei militaris, quibus committitur tota rerum bellicarum curatio atque administratio, his equites, pedites leuis & grauis armaturæ, his sagittarij, classiarij, nautici & gregarij milites subijciuntur, nominatim vocantur hij magistratus classium præfecturæ, equitum magisteria, ordinum seu legionum imperia, aliaque similia de quibus Vegetius

Capitalis
animadu-
ersio periculo-
sa.

Clauigeri.

Duces.

Censores.

Senatores.

Magistratus
theoricus.

(vt suprâ diximus) enucleatè scripsit. Illis in hoc genere dignitatis succedunt graues & austeri Catones censores nuncupati, penes quos est officiorum rationes exigere, de moribus ciuium inquirere, peccantes castigare, multitudinem in certas classes diuidere & (vt ita loquar) cōcenturare. Censoribus finitimi sunt ephori & senatores, qui sunt vt hīc docet Philosophus summi magistratus vno solū excepto, qui (vt ait) ius cogendi senatus & conuocandæ totius ciuitatis habet. Vide studiosè lector quo modo gradatim à membris ad caput, à medijs ad summum & supremum perueniat Arist. Nā vt sidera non lucent sine sole: ita ciuitatis lumina (sint illa quidem magna) non splendent sine rege, qui conuocare ciues, senatum cogere, res controuersas concludere ac definire potest. Hactenus de politicis magistratibus, aliud iam genus curationis sequitur, quod in cæremonijs & dei cultu versatur: quid multis? Magistratus sacri sunt, aut qui sacris operantur vt sacerdotes & pontifices, aut qui sacra procurant vt templorum editui & custodes. Inter illos vt in politicis magistratibus vnum summum esse voluit Aristot. quem alij principem, alij prætorem, alij regem sacrorum, alij prytanem olim appellarunt, hunc Iudæi & Romani pontificem maximum, nos verò vt opinor archiepiscopum appellamus, penes quem fuit sacram concionem cogere, & de rebus dubijs cum alijs sui ordinis consultare ac definire: in horum pectore lucerent duo, iustitia & sapientia, ex horum ore veritas tanquàm riuulus ex fonte fluere & emanare. Sed deus bone vbi nunc sacerdotes, vbi sacra? amore, metu pretio corrupti sumus, placentia loquimur, puluinarijs peccantium cubitus sustentamus.

*Sed sapiens (qualem depinxit musa Maronis)
Impavidus fortisq; bonum, & predicere verum
Audet, & humani generis trutinare furores:
Quamuis in Siculo crucientur corpora tauro,
Cervicemq; super præceps dependeat ensis:
Nam verè sapiens non vana pericula mortis*

Horret;

*Horret: ita fixo stabiluit limite vitæ:
Non iustum dominus, non verba minantia terrent:
Sed Christi leges infracto pectore promit.*

Hæc hæc sunt officia ministrorum Dei, hæc agerent, in his studijs dies noctesque vigilarent, aut cum Nathan Alegoricè, aut confidenter cum Elyâ & Iohanne Baptista Dauidi Achab & Herodi sua ipsorum scelera denuntiarent. Nominantur enim tubæ, canes, stellæ, sal terræ, custodes Ierusalem, angeli, prophetæ, legati, apostoli, pastores, doctores, animarum episcopi, & quid non quod sanctum, quod sacrum, & quod excelsum est? Sed quid est tuba si non clangat, quid canis si non latret, quid stella si non luceat, quid sal terræ si non sapiat? De cæteris non dicam, quippe nemo est qui eorum nominum mysteria non videat. Hoc solum dico si ethnici, si Philosophi, imò si Barbari tanti suos sacros vel potius superstitiosos magistratus æstimarint, quanti nos Christiani veros Dei ministros æstimare ac reuereri debemus? Si illi (vt hīc docet Philosophus) comuni ciuitatis foco & lare suos sacerdotes honorificè aluerint, cur nos decimas & sancta altaris munera pernegamus?

*Eheu præcipiti mortalia corda profundo
Mersa, salutarem quarite posco viam.*

Boetius.

Ministros Dei, ecclesiam Dei, Dei oracula ac templa Dei bonis, honore, cultu veneremur; via enim salutaris est, Christum Christi que legatos & ministros honorare, hoc si desit, prudentia hominum in stultitiam, consilium in temeritatem, politia in anarchiam, ciuitas tota in confusionem ac perniciem citò ac præcipitanter ruet. Asia, Africa, maxime que pars mundi luctuosa huius rei exempla sunt. O lachrymosum tantorum imperiorum statum, sed adhuc alæ Christi agitantur, adhuc audiamus vocem illam: O Ierusalem Ierusalem
Leges non profunt vbi sacra præcepta cadunt. Qui enim altario deseruiunt cum altario participant. 1. Epist. Pauli ad cor. c. 9.


Matth. cap. 23.

Meninerint
ergo, qui ma-
gistratum sus-
cipiunt, maie-
statem reip. se-
gerere. Qualis
enim est, qui
ciuitati præ-
est, talis erit
populus. Ecc.
cap. 10. ver. 2.

saletur quoties voluit te congregare sicut gallina suos pullos, fac Christe non audiamus illud, sed noluisti. Omissis nunc istis ad alia in textu sequentia venio quæ sunt duo, nempe expositio rerum circa quas iam explicari magistratus versatur, & enumeratio eorum magistratuum qui dicuntur minus necessarij: expositio hæc est. Versantur inquit magistratus necessarij circa res diuinas, circa res bellicas, circa vectigalia & sumptus, circa forum, urbem, portas, circa iudicia, commercia, professiones, exactiones, custodias, ratiocinationes, mores & reposcendas rationes ab ijs qui magistratu defuncti sunt. Enumeratio non est obscura, nam minus necessarij magistratus seu communes pauci solum recensentur, quorum id tantum interest vt elegans & ornata habeatur ciuitas. Huc inquit Philosophus spectant mulierum disciplina, legum custodia, puerorum institutio, gymnasiolorum præfectura, curatio ludorum & si qua alia forte huius generis instituantur in ciuitate officia. Qui disciplinam in faminas exercent, patroni ac moderatores matronalis (vt ita loquar) decentiæ & modestiæ in victu & cultu vocari possunt; hic enim sexus pauonis caudam amat, & excessum in plumis & ornamentis (si non sit habena) quærit. Brevitati studeo, aliter de fictis crinibus in capite, de monstrosis linteolis in collo, de vanis tabulis in pectore, de sericis caligis ac lyripipijs in pede, de alijs prodigiosis pigmentis nostrorum temporum libenter dicerem, sed digito compesco labellum, ne animal tam nite ac mansuetum mihi succenseat. Reliqui magistratus ex hoc ordine, custodes legum, instructores iuuentutis, gymnasiolorum præfides, ludorum magistri nominantur. Sed de his & alijs qui sint, lectorem ad librum primum pandectarum iuris ciuilibis, vel potius ad libellum quem Fenestella de magistratibus Romanis scripsit referendum puto. Nunc ad Platonis ideam & Mori vtopiam, vel si placet eutopiam delineandam venio, nam in septimo iam sequuturo libro Aristotelis diuinam quandam reipub. formam confingit, quam adhuc nulla hominum multitudo vnquam salutauit.

Distinctio.

Distinctio.



Opp. contra quæstionem.

Opp. Plura sunt magistratuum genera quæ hic à Philosopho non recensentur: ergo non est accurata ista diuisio. Antecedens probatur, quia thesaurarij, cancellarij, secretarij, equitum magistri, chambellani, alijsq; id genus multi in hoc catalogo non inscribuntur, sicuti in textu patet.

Resp. Generatim omnia, numerosè autem singula non recensuit Philosophus, ad hæc tamen ista quæ adfers reduci ac reuocari possunt, vt thesaurarij ad quæsturam, cancellarij ad iudicis officium, & sic deinceps de cæteris. Præterea non est institutum Philosophi de officijs & magistratibus singularum nationum ac gentium agere, sed ea solum munera definire quæ ad communem & mixtum reipublicæ statum requiruntur.

Opp. Sunt quædam ciuitates tam parue vt plures magistratus uno non permittant, quemadmodum constat de illis quibus vnus prætor aut Regulus solum præest: ergo non necessario plures in qualibet ciuitate magistratus (vt hic docet Philosophus) requiruntur.

Resp. Roma plures, Mantua vnum magistratum postulat; notandum

dum tamen est quod hic fuisse nomen ciuitatis pro tota repub. & imperio sumatur, non strictè pro una vrbe: at in repub. necessario requiruntur plures magistratus idemq; distincti specie; plures ne fiat confusio, distincti ne in ciuili administratione natura tollatur ordo ac imitatio. Nam ut in rerū natura est unus primus motor, multiq; sub illo motrices cause: ita in ciuitate est unus summus moderator omnium sub quo alij magistratus viuunt. Et ut in corpore naturali partes sunt secundum motum & officium distincta specie: ita in ciuili imperio secundum naturam magistratus differunt; at sicut illa omnes ac singula ad unum bonum nempe conseruationem corporis: ita hi quoq; omnes & singuli ad bonum commune ciuitatis tendunt.

Dubium primum.

Vtrum ludorum magistri in rectè instituta ciuitate sint permittendi?

Opp. Quoniam in hoc capite circa magistratus ciuiles multa aguntur, quæ cognitione digna tacitè à me prætermitti non debent, unam vel alteram dubitauinculam mouebo, quam argumentis ultrò citroq; habitis breuissimè absoluam. Prima est virum ludorum magistri ut magistratus sint in rectè administrata ciuitate permittendi? Videtur (ut loquuntur veteres) quod non, nam illi non sunt habendi magistratus qui ad otium cines trahūt: sed eutrapeli & ludorum magistri ad otium cines trahunt: ergo magistratus non sunt habendi. Maiorem ratio probat, quia otium perdit ciuitatem. Minorem Aristoteles probat, in quarto Ethicorum, ubi docet tempus in ludis positum esse inane & otiosū. In fine etiam huius capituli disertis verbis ait quod hæc spectacula sint otiosarum ciuitatum. Præterea non est virtus in illis: ergo non sunt magistratus habendi. Antecedens probatur, quia virtus ut est in secundo Ethicorum est circa difficile: at ludere quod est obiectum istorum magistratum non est difficile; ergo in illis non est virtus. Postremò hoc posito quod tales permitterentur magistratus histriones quoq; sunt permittendi, nam frustra instituuntur spectaculorum præfecti, si non sunt lutores ac histriones qui scenam & theatrum ornent: sed qui histrionibus largiuntur pecunias peccant: ergo tales magistratus in rectè administrata ciuitate non sunt creandi.

Resp.

Resp. Ut respondeam ordine istis argumentis animaduertendum est quod duplex sit genus hominum, unum theoricum soli rerum diuinarum contemplationi deuotum, aliud politicum & sociabile quod amenitate rerum humanarum delectatur. Distinguendum etiam est quod ludi fiant quatuor modis, aut sui ipsorum causa, aut gratiæ lucri, aut ut mens humana recreetur, aut ut remoueantur quedam impedimenta & veluti trica fragilis humana vitæ, quales sunt dolores, curæ, studia, negotiorum ac laborum tædia, quibus animi hominum non aliter quam humeri magnis oneribus depressi fatigantur. Generatim ergo nunc dico ad omnia, quod primum genus hominum ad ista mortalia oblectamenta & theatra non accederet, quia à cœtu hominum, à celebritate se quasi voto ac professione separarint; aliud verò genus potest, modo duabus postremis causis impulsū aut persuasum veniat: hoc verò ut fiat decorè circa ludos tales constituuntur magistratus, qui non ad otium sed ad honestam animi recreationem fessos labore cines admitterent, & hoc quidem ut secundo respondeam argumento est quiddam difficile in quo virtus ponitur. Ad ultimum dico, quod omnes scænici actores non histriones dicantur, sed illi solum qui sua spectacula & insipidas comædiæ vendunt ac nundinantur.

Dubium secundum.

Vtrum expediat eundem dare & exequi sententiam mortis?

Opp. Nemo debet exequi sententiam mortis: ergo inanis est questio. Antecedens probatur, quia hoc modo odium incenditur, pax ciuitatis perturbatur, homicidium committitur, accenditur odium: nam ut ait in textu Philosophus damnare & exequi sententiam mortis homines inuisos & odiosos reddit. Pax ciuitatis perturbatur, quia metus inde seditionis euenit: homicidium committitur, quia homo suā vitā & famā vi quadam deprimatur. Præterea si sit necesse ut aliquis exequeretur sententiam mortis, nemo melius potest quàm ille qui eam tulerit, quippe ut is optimè causam nouit: ita iustissimè pro quantitate culpæ penam infligeret.

Resp. Tutius est ut pars corrupta tollatur à corpore quàm ut totum pereat, negamus ergo antecedens, & ad probationem dicimus quod exequi sententiam mortis inuisos reddat, sed solum inuisis & malis hominibus; neq; hoc modo pax perturbatur sed conseruatur

O o 5

potius

potius. Postremo homicidium non est sceleratum & iuste condemnatum hominem membratim decerpere, quia in scelere perpetrando suorum membrorum usum & potestatem is iure prodiderit, qui eandem ad debitum suum finem & bonum civitatis non retulerit. Ad postremam partem argumenti respondeo, duplicem considerandam esse sententiam, aut in causa civili in qua idem potest condemnare & exequi, aut in causa (ut aiunt) criminali, in qua utrumque, propter duplex odium quod sequitur, ad eundem non pertinebit.

Utrum ad disciplinam intemperantium faminarum creandi sint magistratus in civitate?

Opp. Satis est severis legibus morum vestiumque effaminationem ac deformitatem corrigere, idque per unum magistratum civitatis: non est ergo opus plures ad hanc rem vocare, cum unus non solum hoc sed etiam alia permulta reipub. onera muneraque possit sustinere.

Resp. Antecedens propositio infirma est & penitus neganda, nam in hoc sexu vestium & morum tanta semper fuit immodestia, ut mirum non sit si hoc loco Philosophus ad mulierum disciplinam particularem & distinctum requirat magistratum; qui, si hoc seculo iam viveret, non unum sed centum meo quidem iudicio postularet. Nam ut omit- tam Laides & earum spumantia ubique lupanaria (quae huius disciplina ac magistratuum defectu turpissime accreuerunt) in veste, vultu, voce picarum vanitatem tacere non possum: nam quid sibi velint iam crines more Sycambri in nodos contorti, quid fersa & torques in collo, quid fulgentia auro & gemmata cadauerum tegumenta? Omnes hominum! corrupta o tempora & atra!

Nemo nefas censet vestes gestare plicatas. Sed adeste bellissima tenerrimaque, nympha, quid profuit Cleopatra pretiosa vestis? Quid Isebeli aureum ornamentum corporis? Nonne illius mammas infecit vipera, nonne huius viscera canes nigri deuorant? Attendite, quid aliud estis quam bella vermium sterquilina? Moriendum vobis est, & in sepulchro hac forma, sator & putredo contagiosa erit. Fallax est hac species vestra & tanquam umbra fugax, virtutis solum forma in sempiternum vivet.

Laus soli Deo.

Lege Pauli
epist. I. ad
Tim. c. 2. vers.
9. & 1. Pet. 3. 3.

LIBER SEPTIMVS.

CAP. I.

Utrum civilis beatitudo magis in internis quam in externis consistat bonis?



IGNISSIMVS est hic liber miro Arist. ingenio, in quo eutopiam & (ut ita loquar) diuinam reip. ideam ac formam sapienter delineasse videtur: quam etsi in hoc stadio & olympo mortalis vite non attingimus, eiusdem tamen globum & sphaeram tanquam optimum exemplar in administratione reipub. ad quod

Eutopia in hoc libro delineatur ut ad eam tenderemus.

tenderemus, haud temere ac inconsiderate intuemur. Nam ut coelum oculo & animo videndum & optandum a Deo proponitur, quod tamen in hac vita digito non tractamus: ita haec venus ac radiosa diuinæ reip. stella nobis obijcitur contemplanda, tametsi eiusdem lumen solum in hoc centro positi sine magno motu & influentia sciamus. Hæc aurea species civitatis (sit illa quocumque nomine appellata) est absolute bona, & veluti omnium virtutum tam humanarum quam diuinarum celestis hierarchia. Ab hac omnes recte administrandi formæ deductæ sunt, & ad hanc reuocatæ conquiscescunt, nam hæc inquit Philosophus non viribus nature, non fortunæ dotibus, sed solum virtutum præfidijs munita & circumsepta est: quæ ergo civitates ab hac longius declinant, inquietæ & turbulente sunt. Nam ut columba illa emissa ex archa (diluuii cooperta terrâ) quietem pedi (antequam reuersa est) non inuenit: ita respublicæ a portu virtutis in oceanum veluti humanæ vertiginis præcipitate vacillant semper & periclitantur donec ad eundem portum reuocatæ fuerint, est enim solum virtutum navis à tempestate seditionis tuta. Sed quorsum hæc omnia fortasse ais? Certè ut intelligas institu-

Civitatis species absolute bona.

Philosophi
institutum
in hoc libro.

Summa totius
libri consistit
in quatuor
scilicet fine,
materiâ, par-
tibus & modo
ciuitatis op-
timæ.

Optima vita
hominis & ci-
uitatis in vir-
tute constat.
Eadem vnus
hominis & ci-
uitatis felicità-
tas.
Virâ optimâ
hominis in-
cognitâ opti-
ma admini-
strandi forma
ignoratur.
Vita vel pro
principio vel
pro actu eius-
dem sumitur.
Optima ope-
ratio illa quæ
fit secundum
optimam po-
tentiam ani-
mæ.

institutum Philosophi, qui de simpliciter optima reipub. ad-
ministrandæ forma acturus, talem omnino ciuitatem (quam
à nobis delineatam vides) in hoc libro describit ac proponit;
verum vt plenius quæ sunt apud illum percipias, summam
totius libri breuissimè collectam vide. Tractantur in hoc li-
bro quatuor, finis, materia, partes, & modus, quo ciuitatis
forma diuina fiat. Finis est sola contemplatio actioque vir-
tutis. Materia est duplex, proxima, vt multitudo; remota, vt
regionis situs & loci constitutio. Partes sunt propriæ vt ci-
ues, communes vt ædificia & ornamenta ciuitatis. Modus
deniq; est studiosa iuuentutis disciplina & educatio. In pri-
mo tractatu libri de fine, in secundo de materia, in tertio de
partibus, in postremo de modis, (quibus vndiq; ciuitas bea-
ta fiat) agitur. Primus iterum tractatus in duo diuiditur capi-
ta, in quorum priori ostendit Philosophus quod optima vita
tum hominis tum ciuitatis non in mentita naturæ aut fortunæ
potentia, sed in sola virtutis influentia ac perfectione con-
sistat: in secundo eandem vnus hominis & totius ciuitatis se-
licitatem esse paucissimis demonstrat. Hoc primum caput
suas quoq; partes habet, nempe expositionem instituti, vitæ
beatæ descriptionem, refutationem errati, conclusionem
propositi. Expositio instituti est vt quæ sit optima mortali-
um vita inuestigari debeat, nam illâ obscurâ & incognitâ
neceffe est etiam vt optima administrandi forma ignoretur,
quippe hæc ab illa vt fructus à planta pender: at quæ sit op-
tima vita nemo perfectè scire potest, nisi quæ sit optima vitæ
actio idem intelligat; nam vt calor ignem, splendor so-
lem: ita actio vitæ dignitatem prodit. Animi aduertendum
tamen est quod vita aliquando à Philosophis pro principio
sumatur, & sic anima vita dicitur; aliquando autem pro se-
cundo actu eiusdem principij, & sic quæuis naturalis (vt ita
loquar) actio & operatio hominis vita dicitur, siue ille qui-
dem vigeat, siue sentiat, siue se loco moueat, siue intelligat;
Harum verò operationum (vt ait Donatus) optima est illa
quæ est secundum optimam potentiam animæ, id est secun-
dum rationem: is enim propriè vitam humanam viuit, qui
secun-

secundum mentem & sapientiam viuit; ex quibus concludo
illam ciuitatē optimè administrari, quæ mentem in puppi &
sapientiam gubernatricē habet, vt in libris ethicorum mag-
norumq; moralium (quos hic exotericos & quasi externos
appellat) præclare docuit Arist. Descriptio vitæ beatæ (quæ
est secunda pars huius cap.) breuis hic traditur, & certè non
alia quā quæ in Eth. tradebatur: nam etsi Philosophus requi-
rit ille quidem tria bonorum genera, nempe naturæ, fortunæ,
animi ad verè beatum hominem efficiendum, essentiam ta-
men felicitàtis in internis animi bonis & ornamentis solum
lucere docet, quod quidem exemplo fortitudinis, tempe-
rantia, iustitiæ ac sapientiæ quatuor nobilissimarum virtu-
tum in textu probat. Quis enim cum beatū dixerit qui mus-
cas circumuolutantes metuit defectu fortitudinis? Qui cum
esuriat aut sitiât à nulla re appetitū suum frænât defectu tē-
perantiæ? Qui vt locupletior fiat charissimos amicos & inti-
mos ob quadrantem interimit defectu iustitiæ? Qui deniq;
non aliter ac puer & insanus in omnem errorem incidit de-
fectu sapientiæ? Virtutes ergo solum verè beatum faciunt;
naturæ autem & fortunæ bona sæpè miserum ac infelicem:
illæ enim sunt absq; omni fuco & colore bonæ, hæc verò bo-
norum solum nomen & speciē habent. Sequitur iā refutatio
in qua hæc quæstio latet, vtrum ciuile beatitudo in internis
magis quā in externis consistat bonis? Fuerunt quidam
pseudophilosophi qui fallacibus mundi vmbri decepti na-
turæ ac fortunæ tanquam dominis rerum humanarum sacri-
ficia adolerunt, quiq; omnem humanam beatitudinem illis
referre acceptam conati sunt. Aduersus istos hoc loco disse-
rit adeoq; confirmat in bonis illis quasi paleam sinē grano,
florem sine fructu, scoriam sine auro, somnium & ideam re-
rum maximarum sine omni subiecto & fundamento esse. Nā
vt eccho non est vox ipsa sed vocis reuerberatio; vt color in
iride non est verus color sed coloris (vt ita loquar) imagina-
tio: ita externa corporis & fortunæ bona non sunt solida sed
bonorum speciosa quædam specula & idola, quæ in sui ad-
mirationē plectos heu nimis miseros quidē faciunt. Quid
enim

Optimè ad-
ministratur
ciuitas quam
mens & sapi-
entia guber-
nant.

Essentia feli-
citatē in solis
animi bonis.

Virtutes solæ
beatum faci-
unt.

Quæstio.

Refutatio
pseudophilo-
sophorum.

Bona externa
bonorum spe-
ciosa idola.

Externa bona
facile amittuntur cum
difficultate
acquiruntur.
Rationes quæ
probant ciuitatis
beatitudinem in
fortuna bonis
non locari.

enim infelicius esse potest quam contemptâ virtute de viribus cum Goliath aut Milone, de formâ cum Absolon aut Narcisso, de honore, potentiâ, diuitijs cum Nabuchodonosor aut Crasso immaniter gloriari? Goliath lapillo percussus, Milo robore compressus, Absolon quercu suspensus, Nabuchodonosor in monstrum versus, Crassus auro suffocatus fuit: & tamen ut Pantheri humana stercora; ita mortales in hoc ludo temporum vanissimas has umbras terræque viscera persequuntur, quæ ut flumina à labris Tantali citò diffugiunt, tamen si ut aureum vellus Iasonis periculosissimè comparentur. Sed ut rationes Philosophi sine vlla digressione in vnum quasi punctum conferam & contradam, ex illo probabo quòd in bonis fortunæ (qualia sunt opes, pecuniæ, honor, potentia, gloria) vera non sit ciuitatis beatitudo. Primum quia in illis appetendis nullus est finis, nulla satietas, nulla quies. Secundò quia suis ipsorum viribus & per se non conseruantur sed ad sui firmitudinem virtutes postulant. Tertiò quia vi sæpè auferri possunt, senioque conficiuntur, quod in animi bonis non contingit. Quartò quia æquè malis ac bonis conueniunt, immo aliquandò magis perniciosos natura ac fortuna beant. Quintò quia istorum affluentia & copia habentibus plus nocet quam prodest, vera autem bona non similiter. Sextò quia sitim appetitus non extinguunt sed inflammant, non terminos circumscribunt sed vrgent ad infinitum malum & cupiditatem rerum. Septimò quia expetuntur hæc bona propter aliud & nò per se. Octauò quia Deus, qui neq; naturæ neq; fortunæ subijcitur, horumq; nihil habet, omnium in essentia beatissimus est & habetur. Postremò quia miseros sæpius quam beatos bona ista mortales reddunt. Verum ergo est illud Horatij,

Horat lib. 4.
Od. 9.

*Non, possidentem multa, vocaueris
Recte beatum: rectius occupat
Nomen beati, qui Deorum
Muneribus sapienter uti,
Duramq; callet pauperiem pati,
Peiusq; letho flagitium timet:*

Hæc

Hæc omnia quidem de bonis corporis dici possunt, quibus addit Philosophus (si animus & bonorū partorum possessio & corpore charius ac præstabilius quiddam sit tū simpliciter tum nobis) consequens & necessarium esse ut quanto animus est diuiniore corpore, tãto eiusdem bona huius bonis sint præferenda. Nā ut ait in textu Arist. animi causâ hæc sunt optabilia & expetenda, & omnes bene sanæ mentis homines ea expetere animi gratiâ debent & nò animū illorū causâ, quippe quæ extra animū sunt casus & fortuna seu causæ sunt efficientes: iustus verò ac temperans nemo à fortunâ aut naturâ dicitur: concludo ergo verbis Philosophi nullam esse præclaram actionem aut viri separatim aut communiter totius ciuitatis sine virtute. Sed hætenus inquit hæc instar procemij ei disputationi quam habituri sumus præposita sunt, id est quasi diceret hoc fundamentum optimæ ciuitatis ponimus, quòd sola & perpetua sit illa ciuitas in qua animi bona, non fortunæ, non corporis principatum tenent; flores naturæ cadunt, fortunæ risus fallit, vtriusque via periculosa est: relinquitur ergo quòd solùm virtutum sydera in optima ciuitate luceant, radiosq; non in senatum solùm sed etiam in omnes angulos & partes efficaciter effundant suos.

Virum ciuile beatitudo magis in internis quam externis bonis consistat?
Distinctio.

Ciuitas dicitur vel
Communis, quæ est ad vitam humanam accommodata, adeoque permixta bonis & malis; istius beatitudo plurimum à bonis fortunæ & naturæ pender, vnde facta est distinctio inter bonum virum & bonum ciuem.
Absoluta seu optima, quæ exemplaris dicitur; & huius felicitas magis in internis quàm externis bonis consistit, ut dilucidè decem rationibus ex Arist. in suppositione probauimus.

Opp. *Fabulosum est ciuitates in aere cum Lucano, & ideas in animo cum Platone, utopias cum Moro, aliâq; istiusmodi commenta fingere: ergo otiosum est istam (ut loquuntur) exemplarem reipub. formam describere. Antecedens constat, quia res tales non sunt nec esse possunt omnino. Ratio sequitur, quia hac exemplaris forma nihil aliud est quam mera philosophi imaginatio; nam res nulla tali descriptioni subest.*

Resp.

Quantò animus est corpore præstantior, tantò eiusdem bona huius bonis sunt præferenda, &c.

Nulla præclara actio sine virtute.

**Causa cur op-
timę ciuitates
non appare-
ant non est in
defectu virtu-
tis sed in ap-
petitu homi-
nis.
Impossibile
est duplex.**

Resp. *Lucanum* (qui ad coticulam suam linguam acuit) hîc pe-
nitens reijcio; *Platonem*, *Morum*, *Arist.* de optimâ repub. philoso-
phantes audio: & quamvis eas describant ciuitates quæ non appa-
rent, inanis tamen non est eorû disputatio; nã si attentius rē conside-
res, causa cur non appareant non est in defectu virtutis sed in appe-
titu hominis, qui magis affectum quàm mentem & rationem se-
quitur. Impossibile ergo dicitur duobus modis, aut absolutè quod fi-
eri non potest, exempli causa ut *Deus* seipsum neget: aut compara-
tè, quod fieri quidem potest, actu tamen non fit, verbi gratiâ ut ho-
mines solum ad nutum virtutis viverent, suasq; ciuitates secundâ
normam rectæ rationis gubernarent, hac inquam non sunt, nō quod
fieri nō possint, sed quod mortales appetitus magis quàm intellectus,
affectus magis quàm virtutis motu & imperio capti naturam suâ,
quæ est ratio, natura lucem, quæ est sapientia, deserunt.

Opp. Docuit antea Arist. ad beatitudinem civitatis necessariò
requiri abundantiam bonorum omnium. Praterè ad bonum ciuem
efficiendum nò virtutem moris sed muneris & officij postulat: vide-
tur ergo probabile civitatis felicitatem magis in bonis externis
quàm in internis consistere; nam si virtus ad ciuem bonum effi-
ciendum non requiratur, & si qualis est ciuis talis futura civitas,
negandum non est quin existente ciue sine virtute civitas quoq; cõ-
stet absq; virtutis possessione, cum ciuis & civitas sint coniungata,
qua eodem modo afficiuntur.

Resp. Hæc omnia vera sunt de civitate communiter non absolute sumptâ, nam in illa hæc bona externa sunt necessaria, in illa inter bonos viros & bonos ciues facta est distinctio: at in hac absoluta & exemplari reipub. formâ non tam muneris quàm virtutis ratio spectatur, in hac inquam sola virtus virum & officium facit.

An virtus splendorem ab animo, vel animus à virtute habeat?

An virtus splendorem ab animo, ^{ut animus a virtute}
 Opp. Virtutes ut hic docet Philosophus, animi causa sunt expe-
 tendae non animus propter illas: ergo non virtus ab animo, sed ani-
 mus à virtute splendorem ac dignitatem habet: huic tamen con-
 trariam paulo antè in hoc ipso capite insinuari videtur, ubi probat
 Arist. virtutem esse optimam, quia animus (in quo est) existit
 diminior.

Resp. *Verumq³ verum esse potest, nam ut sol maiestatem splen-*
doris

doris sui à luce & lux à sole; ita virtus ab animo & animus à virtute dignitatem habet. Sed ut gemma est pretiosior auro: ita virtus animo illustrior ornatu non habitu natura dicitur; ornatu dico, quia virtus affectio, animus substantia definitur.

An beatitudo in deo sit accidens?

Opp. Nihil de deo apud Philosophum certò disputatur: ergo inanis est ista ex Arist. dubitatio. Antecedens constat, quia saepe numerum deorum facit, saepe deum animal appellat, aliquando deum mundo & mundum deo ex fatals necessitate astringit, nonnunquam deum nihil aliud quàm naturam esse desinit, nonnunquam intelligētiarum primum primumq; motorem omnium extra cælum, nusquam & ubiq; positum.

Resp. Erras, nam certissima est de deo apud Arist. disputatio; numerum deorum facit ut dicis, quam inaniter & otiose hoc obijcis vide, quasi verò non sit loquendum cum multis sentiendum cum paucis. Lege septimum lib. physicorum, secundum de cælo, lib. de mundo; 10, 11, & reliquos metaphysicorum libros, ubi ex instituto de deo agitur, & dic si possis an deos non inest, imò illic quodammodo definitum deum inuenies esse motorem primum, unum, infinitum, simplicem, bonum, incommutabiliter subsistentem, sine tempore & loco, qui mutare potest omnia, ipse tamen mutari non potest. Quod urgeas deum vocari animal, rideo: nam tu nosti illic animal aut pro animante & mouente sui omniumque sumi, aut verbum illud ex Platone Philosophum mutuari. Tertium quod obtrudis mendacium est, nam Arist. non aliter primum motorem & primum mobile simul esse aut colligari voluit, quin semper deus simplicissimus actus liberrimusque agens appelletur, ut in eodem libro & loco patet. Reliqua quæ adfers sine omni absurdo admitti possunt, nam extra cælum, in cælo, nusquam & ubique subsistit deus: & ut respondeam dubio iam agitato, subsistit quidem essentialiter beatus. Verba Philosophi in hoc textu aperta sunt. Dei inquit testimonio utendum est, qui quamuis beatus sit, non tamen propter vllum bonum externum beatus est, sed ipse propter se, & quia sit talis suapte natura: non est ergo in deo beatitudo accidens, sed deus est ipsa beatitudo: accidens enim omne imperfectionem arguit: at deus nihil imperfectum habet. Insignis hac sententia Arist. de deo nunc temporum memoratu dignissima videtur, D

Virtus animo
est illustrior
ornatu, non
habitu naturæ.

2 Topicor.
7 Physicor.
11. Metaphys.
12. Metaphys.

Loquendum
cum multis,
sentiendum cū
paucis.
Deus vnus &
qualis.

Animal pro
animante &
mouente lui
sumitur.

Beatitudo non
est accidens in
Deo.

ut persuasi deum esse animumq; hominis beatisimum (quo proximè ad deum divinâ vitâ & virtute venit) illam solummodo fœlicem ciuitatem esse putemus, in qua ratio & virtus regnant.

CAP. II.

*Verum sit eadem beatitudo ciuium cuiusq; & totius ciuitatis?
Verum legitimum ac iustum sit bellum inferre finitimis quò
augeatur imperium?*



In proemio huius libri nobis studio-
sis optimæ reipub. ac vitæ præman-
sum quasi cibum in os dedit Philo-
sophus, quem si (vt solent docti) pro-
bè ruminemus, haud erit eorum quæ
sequuntur difficilis aut amara con-
coctio. Virtus manna mentis est &
nectar animi sapientia; at in his so-
lùm viuere & vigere ciuitatem do-

cuit. Nam vt corpus cibo & potu: ita animus, qui est homi-
nis forma, vitâq; ciuitatis, virtutum ambrosiâ & influentiâ
pascitur. Verùm nè quò diuinior eò obscurior hæc eius sen-
tentia videatur, in vtramq; partem differendo pergit, & in
hoc capite quatuor quæstiones mouet, duas quas in fronte
vides, alias duas quas in tertio cap. absoluit; priores illas (quia
sunt hîc discussæ) paucis demonstrabo, posteriores verò op-
portunè in suis locis ostendâ. In præfatione ethicorum hanc
primam quæstionem attingit Philosophus, idemq; bonum
esse cuiusq; ciuis ac est totius ciuitatis ait. Rationes Arist. hîc
duæ sunt, vna ab autoritate, altera ab inductione. Ab autho-
ritate, nam in promptu inquit hoc est quòd omnes (Philoso-
phos intelligit) eandem esse beatitudinem vnus cuiusq; ac
est totius ciuitatis vno ore concesserint; senserunt enim sa-
pientes viri ciuem & ciuitatem in communi bono ita con-
sentire, vt si idem non studerent omnes & singuli, tota ciui-
tas veluti contrarijs motibus distracta citissimè contabes-
ceret. Ab inductione hoc ipsum probat, quia si studeant
ciues opibus vt in oligarchia, si libertati vt in populari po-
tentia

Virtus est
manna
mentis.

Quæstio. I.

Ratio duplex.

CAP. 2.

Liber septimus.

tentia, si oppressioni vt in tyrânide, aut ex aduerso si virtuti vt
in rectis imperandi formis, necesse est vt putemus ideo hoc
ab illis fieri, quia diuitias, libertatem, latum imperium, aut
virtutem ciuitatis beatitudinem esse arbitrentur: aliter enim
singuli ad ista obiecta non tam cupidè aduolarent, si in illis
aut iudicio confirmati aut opinione decepti fœlicitatem to-
tius inesse non iudicarent: cum ergo ita de ciuitatis fœlicita-
te loquuntur homines, vt de fœlicitate singulorum, argumẽ-
to est quòd eadem sit tam ciuitatis quàm singulorum ciuiũ
beatitudo, idem bonum ac finis. Præter has duas rationes *Rationes alia
alia adijci & adhiberi possunt à toto & partibus, à coniuga- annexæ.*
tis, à simili. A toto & partibus, quia partes vnitæ sunt nihil
aliud quàm totum: sed ciues sunt partes ciuitatis: ergo ciues
collecti sunt ipsa ciuitas; quo posito sequitur quòd idem sit
commune bonum vtriusq; eadem beatitudo; nam aliter idẽ
secum dissideret, hoc est totum à partibus & partes à toto,
quod est instar monstri, in principio suæ conseruationis id est
in bono communi dissentirent. A coniugatis, quia quicquid
boni vel mali vni coniugatorum conuenit, omnibus idem
conuenit: sed ciuis & ciuitas sunt coniugata: ergo quicquid
boni vel mali ciuitati conuenit, idẽ ciui etiâ conueniet, quo
dato nemo est qui non videret idẽ esse tam ciuis quàm ci-
uitatis bonum. A simili, quia vt est in corpore physico & na-
turali, ita est in politico & ciuili: sed in corpore physico &
naturali (si vel partes inter se vel partes cū toto in bono con-
seruationis discordent) pernicies sequitur; ita in corpore po-
litico si ciues vel inter se vel à tota ciuitate in summo bono
dissentiant, si inquā ad idẽ bonũ hæc & illi nõ tendant, neces-
se est vt vtrumq; in summũ malũ incidat. Sed distinguendũ
hic est, quòd bonum duobus cõsideretur modis, vel secundũ *Bonũ duplex.*
essentiam (vt aiunt) in suis principijs, vel secundũ existentia *1. Secundum
essentiam.*
in circumstantijs, priore modo idem est vtriusq; bonum, po- *2. Secundum
existentiam.*
steriori verò non est; nam contractius bonum ciuis quàm ciui-
tatis dicitur. Si alia tradatur distinctio rem totam ad vnguẽ
tenes, nempe quòd bonum sit aliud specie, aliud numero, in
illo non in hoc ciuitas & ciuis conueniunt, absurdũ enim est

Bonum idem
specie in ciue
& ciuitate non
numero.
Vide plura
cap. 3.

Beatissima ci-
uitas ex cuius
institutione
vnusquisq;
optimè age-
re, beateq;
vivere co-
natur.
Virtus
Moris,
Mentis.

Qui summum
bonum ciuile
in amplifican-
do imperio
posuerunt.

vt idem numero in omnibus & singulis inesset bonum, vt ergo est eadem virtus non numero sed specie in cunctis ciuibus quæ est in tota ciuitate: ita eadem est horum vtriusque beatitudo specie non numero, quæ ex virtute nascitur. Hactenus de questione in prima fronte capitis istius posita, mouentur nunc alia duæ, vna, An vita theorica & solitaria sit magis expetenda quam quæ in luce ciuitatis agitur? Altera, An ciuibus varijs modis affectis eadem esset forma & (vt loquitur Philosophus in textu) eadem dispositio ciuitatis? In primam vtrò citroq; disserit, at hinc neutram certò definit, illud autem vt firmum & fixum omnium fundamentum ponit, nimirum beatissimam esse ciuitatem eam, ex cuius institutione vnusquisq; optimè agere, beatèque vivere conetur. Verum quoniam virtus sit duplex, moris & mentis, vtrum vita ex illius vel huius præscripto melior sit, questio magna est: nam etsi vita hæc quæ est ab omnibus externis rebus segregata & soluta, eademq; solo Philosopho & sapiente digna videatur quidem à ciuitate aliena, est tamen ea in ciuitate valde necessaria, nam quæ ciuitas rectè sine sapientis consilio dirigi aut gubernari potest? Præterea cum vita actiua sit negotijs sollicita, milleq; casibus fortunæ subiecta, inimica quidem est mentis quieti, quæ proximè sapientes ad deum veniunt. At dices aduersus nos quod vita actiua sit quasi spiritibus plena, optimarum virtutum fructibus sæcunda; lux contemplationis & veluti ipsa per quam viuit anima; nam quid est cōtēplatio sine actione, nisi quasi lucerna sine lumine, & flamma suppressa sine calore? Vmbra persequeris, nam contemplatio est diuinissima actio sapientis, est inquā contemplatio actio sapientis, eademq; vt in proximo audies capite, ad administrationem ciuitatis apprimè necessaria. In secunda parte huius cap. (quod nunc sequitur) vulgaris opinio vitæ beatæ ponitur & refutatur, fuerunt enim & nunc sunt multi qui summum bonum ciuile in amplificando imperio ac dominatu posuerunt: hoc probat Philosophus exemplis Lacedæmoniorum, Cretensium, Scytharum, Persarū, Thracum, aliarumq; nationum quæ ad bellum suos ciues ideo

ideo instruxerint ac cōposuerint, vt cum Nino finitimos inuaderent, suaq; confinia aliarum gentium damnis spolijsq; augerēt & onerarent. Hinc apud quasdam nationes leges quædam institutæ fuerunt, quæ ad hanc bellicam virtutem populū excitarent, quemadmodum ferunt Carthagine anulorum ornatū ita quemq; capere vt plurimas militias tolerarit. Lex etiam erat apud Macedones, vt qui nullum hostem occidisset in foro ignominiosè cingeretur capistro. Apud Scythas autem ei, qui hostium neminem interfecisset, ex aureo scypho, qui circumferebatur in solemnibus illorum festis, bibere non licebat. Apud Hispanos (gentē bellicosam vt in textu ait Philosophus) mos erat tot numero verucula seu hastas figere circa sepulcrum, quot quisq; hostes interemerit. Similima his plurima olim Britanni (populus teste Cæsare ad martem natus) fecisse dicuntur, vt Alexandri multi Achillis clipeo, hastā, sepulchro conspectis ficerent; est enim in mortuorū sepulchris ac imaginibus quædam (vt ita loquar) vitæ historia His positis exemplis querit Arist. iustum an iniustum sit bellū finitimis inferre vt imperia & dominatus dilatētur? Iustum quidem & legitimum esse negat, quippè in amplificandis imperijs & mactandis finitimis non lucet beatitudo ciuitatis: in illos ergo impetū facere, ab illis imperium & dominatum rapere nō solum iniustum sed etiam ignominiosū haberi debet, nisi quidem sint illi barbari & serui à natura, quibus vtile & iustū est alieno imperio subesse ac inservire. Licet enim homines ad iustitiā cogere, vt natura & euangelica cō- nes ad iustiti-
am cogere.
Luc. 14.
uiuij parabola videntur confirmare: at liberos volentes iux-
tā ac inuitos armis cogere, illorum ciuitates deuastare, depopulari agros, omnia deniq; eo solum animo inuadere vt longè lateq; dominemur, iniquum est & ab intentione naturæ, iustitię, rationis ac legis penitus alienum: quod sic ex Arist. paucis confirmo. Quæuis ciuitas in se satis beata esse debet: Iustum & legitimum non
ergo sine iusta causā alienū nō inuaderet imperium: nam eo
animo inuadere vt solū auctior fiat dominatio est publicum
quasi latrocinium & homicidium profiteri; nō est ergo iustū, non
est legitimum in finitimos vi & armis susceptum imperium.

Seruos à natura & immaniter barbaros vi subigere licet.

Alia ratio in textu hoc modo se habet. Quemadmodum est in alijs artibus & scientijs, ita est in ciuili facultate: sed in alijs ita se res habet vt neq; medicus vi cogat ægrum ad sanitatem, neq; Philosophus ignorantem ad sapientiæ studium, neq; nauis gubernator liberos ad suam artem: ergo nec iusti imperatores finitimos & vicinos impellerent ad suum ipsorum amplificandum imperium; vis enim ista longè lateq; dominatrix nimis imperiosa est & vltra quam dici potest iniusta. Præterea in eo non consistit ciuilis beatitudo aut optima administranda reipub. ratio, quod est vel præter vel contra naturam: sed vi & armis finitimos inuadere eosq; herili ac tyrannico imperio subigere est quiddam violentum & contra naturam: non est ergo iustum, non est decorum vt fiat. Hoc tamen semper excipio nisi sint serui à natura aut immaniter barbari & insidiosi machinantes semper malum & perturbantes quietum & tranquillum statum ciuitatis; tales verò si sint, conandum quidem est vt ars arte deludatur, & clauus clauum pellat, stultum enim est ab armis abstinere cum hostis in tergo hereat: sin minus, hoc est si non sint hostes sed in suis ipsorum sedibus quieti, ciues illos spoliare est ius naturæ violare, illorum fortunas imminuere est latrocinari, illos occidere est innocentium sanguinem effundere, nec non atrox homicidium perpetrare. Sic ergo principes in imperando facerent, quod venatores in venando, venamur enim non omnem feram, sed quæ est apta cœui: ita illos finitimos solum inuadere debemus qui sunt à natura serui. Porro in eo non ponitur scælicitas ciuilis aut modus gubernandi sine quo ipsa ciuitas beata esse potest: sed sine imperio in finitimos ciuitas beata esse potest, cum multe sint ciuitates quæ finitimos non habent) sequitur ergo hunc modum alijs dominandi non esse laudabile. Postremò si bellum gerere non sit per se bonum ciuitatis, nam (vt ait Cicero) suscipitur tantum vt sine iniuria in pace viuatur, si inquam aut pro se defendendo, aut pro iniuriâ propulsandâ admitti hoc malum in ciuitatem debeat, quàm iniqui sunt æstimatores rerum qui in finitimis subigendis & in acquirendis nouis imperijs beatam

beatam vitam statimq; ciuitatis ponunt? Legumlatores ergo non debent ad bellandum legibus prouocare ciues vt alijs dominantur, sed in hoc potius eorum officium situm est, scilicet mores hominum locorumque conditiones considerare, vt studiosi pacis & virtutis solum in ciuitate viuant. His rationibus hoc vnum argumentum addo, ab euentis nimirum, quia periculosum est magnam multitudinem ad furorem & inuidiam irritare, quod sanè faciunt illi qui hastis & flammis vicinas ciuitates vastant: nam etsi homines forsitan subactos suo iure teneant, angues tamen dentatos & caudatos in sinu se tenere putent: verum si non vincant sed superati sunt, quod fieri quidem potest (quis enim exitum bellorum nouit?) actum est de ijs illico, & suis ipsorum gladijs transfossi & iugulati pereunt. Miserandū est exemplum Turcici imperij, quod hoc modo ortum in immensum vt vides permissione diuina creuit, teneant ergo sua omnes, nam iustum non est, nec ergo tutum aliena possidere, ad tempus fortasse insidiosa aut violenta valere possunt inuenta hominum, sed absq; iustitiâ & æquitate præualere non possunt diu, quippè vana & infirma sunt stratagemata ciuitatis quæ columnâ virtutis non fulciuntur.

Exitum bello. rû nemo nouit.

Vana sunt stratagemata ciuitatis sine virtute.

Questiones
duæ sunt in
hoc Cap.

Prima, An idem sit bonum cuiusq; actoris ciuitatis? quod affirmat Philosophus verum esse,

Secunda, An liceat inferre bellum finitimis vt amplius fiat imperium? hîc distinguit Philosophus de.

Si bonum secundum essentiam in principijs ac specie, non secundum existentiam in circumstantijs & numero consideretur, vt liquet ex argumentis constat. Finitimis, qui sunt serui à naturâ, quos vi & armis coercere licet. Finitimis, qui sūt liberi, quos percutere non licet, vt à nobis quinq; rationibus in suppositione probatur.

Distinctio.

Opp. Docuit Arist. in primo Polit. aggregatam scælicitatem esse summum bonum ciuitatis: sed in vno homine omnium bonorum accumulatio & affluentia esse non potest, vt in primo Ethicorum demonstrat: ergo eadem non est cuiusq; ac totius ciuitatis beatitudo.

P p 4

Resp.

Resp. In primo Politicorum de communi ac mixta ciuitatis formâ, hîc verò de optimâ disputauit Philosophus; in illa natura ac fortuna requiruntur opes ac vires, sed in hac satis est si virtus sola viuât. Respondeo igitur eandem esse felicitatem vtriusq., si essentiam spectes: nam quamuis nemo mortaliū omnium bonorum fortuna, animi, corporis perpetuam affluentiam habeat, si tamen anchoram virtutis teneat, non minus beatus (quàm qui est beatissimus) haberi debet.

Opp. Bonum cuiusq. & totius ciuitatis est idem essentia & definitione: ergo est idem numero. Ratio probatur, quia idem numero distinguitur solum in idem definitione, nomine, proprietate & accidente, ut est in primo libro Topicorum: si ergo bonum cuiusq. hominis & totius ciuitatis sit idem essentia ac definitione, erit quoq. idem numero, quod est absurdum, ut idem numero accidens sit in multis subiectis.

Resp. Eadem numero definitione dicuntur solum definitum ac definitio, quæ idcirco numero eadem dicuntur, et vna essentia specifica non indiuidua ad vnum explicetur, sunt enim definitio ac definitum res eadem & vna. Cum ergo dicimus hoc loco idem esse bonum vnius & omnium, intelligimus idem definitione ac essentia specifica, non indiuidua ut aiunt.

Opp. contra secundam quæstionem.

Ninus rex ipse finitimis deuictis suū auxit imperium, Cyrus idipsum fecit; id quoq. fecit magnus Alexander, imò Romani, Lacedæmonij, adeoq. etiam Iudæi numinis oraculo sæpè consulto idipsum fecerunt: licet ergo bellum inferre finitimis solum ut augeatur imperium. Ratio ab inductione tenet.

Resp. Pauca exempla ambitionis vim legis ac veritatis non habent. De Israelitis verò (qui iussu domini terram promissionis inuasunt) dico, quòd iuste quidem hoc fecerint, primum quia Domini est terra & plenitudo eius, orbis terrarum & vniuersi qui habitant in eo, at is hanc terram patribus promisit, eandemq. promissam posteritati dedit. Præterea si Philosophum consulas, hoc bellum non fuit iniustum, quia incolæ & possessores eiusdem terra fuerunt hostes Dei immaniterq. barbari, seruig. à natura, quos (inquit Philosophus) non aliter ac feras persequi debemus.

Opp.

Psal. 24.

Opp. Augere & amplificare imperium est patriam illustriorem ac fortio-rem reddere: hoc autem deuictis finitimis efficitur: ergo finitimos inuadere ac superare licet. Maior constat, quia amplificare imperium victorijs est signum fortitudinis, quæ robur & gloriam habet. Minor probatur, quia deuictis finitimis ciuium numerus augetur, & ipsa ciuitas armis & viris aucta formidolosior hosti externo redditur.

Resp. Augere imperium vi & armis est signum fortitudinis quam gloria sequitur, si iusta sit belli causa: sed finitimos inuadere & in alienas possessiones irruere vim quidem habet, at non iustam quam leges belli postulant.

CAP. III.

Utrum optima vita ciuium magis theorica esset quàm practica, magisq. in virtutibus mentis quàm moris poneretur?



E quæstiones superiùs motæ & adhuc omninò indisscussæ scrupulos in animis lectorum parerent, hic quasi postliminio Arist. easdem resumit, resumptasq. acutè & sapienter soluit. Vides studiose lector hæc omnia apud Arist. optimè cohærere, nam primum de fine quærens optimæ ciuitatis, illam potius in internis quàm in externis bonis elucere docuit; in 2. eandem in singulis quæ est in tota ciuitate vitam ac felicitatem postulat; nunc verò qualis debeat esse hæc vita, theoricane aut practica, in virtutibus mentis vel moris ponenda, directè ostendit. Sic medium, finem & fructū cernis; medium virtus, finis beatitudo, fructus vitæ pietas & sanctimonia dicitur: ô ter beatam ciuitatem in qua hæc tria vigent! De optima ciuium vita disserens Philosophus duas Philosophorum opiniones adfert, in altera vita actiua contemplatrici, in altera contemplatiua actiua præfertur. Qui primas partes contemplatrici deferunt eam diuinam, sanctam & solum liberi hominis propriam esse

Ciuitatis optime Medium Finis, Fructus.

Pp 5

aiunt,

aiunt, actiuam verò tantum seruorum esse nec non curis, doloribus & negotijs plenam. Qui autem versa vice practicam & actiuam defendunt, hij contemplatiuam vitam otiosam appellant, cumq; beatum esse non posse asserunt qui nihil agit. Sed error vtrinque est, ut hic docet Arist. nam illi iniuste vitam actiuam accusant, quasi in ea omnes ut serui ac mancipia sub iugo herili viuerent, hij quoque inconsiderate vitam contemplatiuam ut otiosam & cessatione torpentem condemnant, cum in ipsa virtutum contemplatione diuinissima mentis actio insit, est enim imperium in liberos, quod verè civile est; est etiam imperium in seruos, quod tyrannicum & herile dicitur: in illo est beatitudo, si habeant in eo principes virtutem ut rectè agant, & iustam potètiā ut acta iustitiæ & decreta absoluāt; in hoc verò est miseriarum quasi styx & lacuna, in qua omnia scelerum tormenta, at nulla virtutis ornamenta viuunt. Quid enim est in herili imperio ac dominatu bonum? quid sanctum? quid ab immanitate tutum? rex pater suos subditos ut filios diligit, at tyrannus oppressor suos ut seruos & mancipia tractat: in regno est libertatis quædam equalitas, est certus honoris ordo, at in herili imperio triumphat iniquitas & confusio omnium. Non est ergo optimum putandum potestatem habere, & tibi imperiū arripere, nisi id quoque habeas quod maximè optandum est, nempe cæteris virtute præcellere ac præluere. Non enim qui regunt bonis actionibus præstare dicuntur, nisi tantum alijs antecellant, ut ait Arist. quantum vir faminis, pater filijs, dominusq; seruis: qui enim aliter agunt non tantum regendo prosunt, quantum recedendo à virtute nocent. Ad ultimam iam partem huius ca. accedo, in qua Philosophus ex hac comparatione vtriusque vite, eam longissimè in optima ciuitate præfert, quæ in contemplatione animi secundum virtutes mentis agitur, hinc quæstionem præfixam in fronte istius tractatus moueo, quæ ut accuratius tractem à distinctione actionis, quæ est in textu, incipiendum puto: est ergo actio vitæ beatæ duplex, vel comparata ad alios, vel absoluta quæ in se finem id est contemplationem habet: non in illa sed in hac Philosophus su-

Imperium duplex, civile tyrannicum.

Melius est alijs virtute præluere quam imperium in alios obtinere.

Quæstio. Actio vitæ beatæ duplex est, vel absoluta in se vel comparata ad alios.

premiam felicitatem hominis & ciuitatis ponit. Si dicas hanc actionem ignauam & otiosam esse, respondet Arist. quod virtutis actio non sit ignaua: nam ut mens est forma hominis, ita virtus mentis vita ciuitatis; respectu ergo cessationis contemplatio actio est, quasi diceret Philosophus, contemplatio non est otiosa animi agitatio aut somniculosa ab agendo cessatio, ut quidam stultè volunt, sed est diuina quædam mentis operatio, quæ suum quasi genium & influentiam habet; ita tamen habet ut primario neque respectu materie in quam transit, neque respectu operis quod producit fluens actio dicatur, sed immanens & perpetua intellectus in seipsum versio, excellentem & diuinum in se finem habens. Sine hac (inquit) mentis actione nullum opus hominis, nulla ciuitatis actio feliciter succedit. Hoc ergo posito quod optimus finis hominis & ciuitatis sit bona actio, cumq; bonæ actiones sint diuersæ & distinctæ specie, illa nobilissima iure dicitur per quam optimè operari dicimur: operari autem optimè dicimur cum secundum mentem & virtutem intellectricem id est sapientiam viuimus; quippe propria hæc vita hominis est, & cum in omnibus requiritur, propria quoque esset totius ciuitatis. Sed ut hæc præclare ab Arist. discussa in puncta contraham, sequuntur rationes ad confirmationem quæstionis sumam, prima à signo, secunda à potentia, tertia ab obiecto, quarta ab authoritate, quinta à comparatione ducetur. A signo, quia probabile est vitam optimam in illis virtutibus maximè collocari à quibus omnia dicta operaq; recta cuiuslibet hominis ac ciuitatis summum lumen & laudè habent: sed à virtutibus mentis omnia præclara dicta operaq; hominis & ciuitatis summum lumen & laudè habent: ergo in virtutibus mentis vita optima collocatur. Maior constat. Minor probatur, quia in omni opere, ut in architectura alijsq; operibus infimarum artium, illi optimè agere dicuntur, qui maximè intelligentiā & sapientiā vigent. Qui ergo in eterna contemplatione virtutum rerumq; diuinarum sunt versati optimam vitam agunt, & quauis res mortales in hac vita & ciuitate tractantur, tamen si tractentur ut media non ut fines, si ut instrumenta non ut extrema actionum

Contemplatio est actio respectu cessationis quia non est otiosa cessatio sed diuina mentis operatio.

Confirmatur quæstio quinque rationibus.

actionum proposita nihil refert, sic enim animus in suo circulo à puncto in punctum per media caduca vertitur. Secunda ratio à potentia deducta est, nempe quod illa vita sit optima, quæ bonis optimæ potentiæ animi ornatur: sed intellectus est optima potentia animi: ergo vita, quæ mentis virtutibus ac bonis ornatur, est quidem optima. Minor constat, quia intellectus veluti in puppi rationis sedet, & ut gubernator navis reliquis præscribit potentijs animi. Tertia ratio verum obiectum intellectus docet, quod est ipse deus (ut hinc ait Philosophus) argumentum formatur hoc modo. Vita optima in contemplatione nobilissimi & primi entis ponitur: sed ens primum & nobilissimum id est deum virtutibus mentis non moris intuemur: ergo vita optima potius in virtutibus mentis quam moris ponitur. Maior hoc loco & etiam decimo libro Ethicorum patet, quibus locis si testimonium illud sacrum addas, res Philosophorum calculis non indigebit, nempe quod hæc sit vita æterna ut te cognoscant: cui veritati Augustinus assentitur, cum ait quod visio dei sit tota merces vitæ: sed mentis virtute tantum cognoscere deum & videre dicimur: ergo in illis vita optima manet, nam quæ vita sine deo? Quæ ciuitas sine deo manet? Sapienter ille,

*Si desit pietas est vana scientia rerum,
Si desit pietas omnia cæca manent.*

Iohannis 10.
De ciuitate
dei.

Mens & vita
cuiusq; in
optima ciuitate
ad deum
referri debet.

Notemus obsecro hoc vnum ex Philosopho ethnico & gentili, quod mentem & vitam cuiusq; in optima ciuitate ad deum, ad deum inquam voluerit referri. Nam ut in ethicis ait & hic insinuat, is solum vitam humanam viuere dicitur qui secundum mentem & sapientiam viuens diuinum numen & lumen sapit. Heu Christe bone tantanè in ethnicis fuit religio, & iam cælitus inspirati atheismum patimur? Ratio ab authoritate Platonis est, qui olim dixit beatas fore respub. quas mente sapientes regerent: mente sapientes ait, quasi diceret in mentis sapientia tota vitæ beatæ lux & contemplatio ponitur, tota quies ciuitatis; melius ergo est secundum Platonem mentis quam voluntatis præscripto institui vitam & administrari ciuitatem. Vltima ratio comparisonem habet

bet, nimirum quod illa vita (quæ facti sumus Deo similimi) sit quidem nobilissima: sed vitæ secundum virtutes mentis institutæ facti sumus Deo similimi: ergo vita secundum virtutes mentis instituta est quidem optima. Minor probatur, quia propius non accedimus ad Deum re vllâ quam sapientiæ mentis, quæ nihil aliud est quam veluti radius diuini numinis humanæ menti communicatus; hinc traditur præceptum ut in hac vitæ theoricâ non desides, non otiosi simus, sed ut virtutibus mentis prælucentes alios consilio & sapientiâ, alios arte, scientiâ & intelligentiâ iuueamus. Sic inquit pulchrè, Deus ipse agit, cui non sunt externæ actiones; sic multò magis nos agere debemus, qui non nobis solum sed alijs nati & creati sumus.

Nullâ re propius accedimus ad Deum quam sapientiâ.

Distinctio.

Vita contemplatiua duplex,	{	Respectiua, quæ est aut	{	Aboluta, quæ est in solo Deo, qui seipsum essentialiter intelligendo Deum filium ab æterno genuit.
				In se reflexa, qualis debet esse ministrorum Dei.
				In alios transfusa, & hæc probatur esse in optima ciuitate, ut in quinque discussis argumentis constat.

Opp. Vita theorica est solitaria: ergo non est ciuilis. Antecedens & conclusio sunt Arist. primo Politicorum.

Resp. De vitâ contemplatiuâ in se reflexâ non de transfusâ in alios eo in loco agitur, illa quidem est solitaria, hæc verò per virtutes mentis alijs communicatur. Nam ut quies sedentis ad puppim est salus nauigantium: ita contemplatio sapientis est conseruatio ciuium.

Opp. Vita contemplatiua otiosa est, ut in textu dicitur: ergo non est ciuilis, quæ opus postulat.

Resp. Otiosa est respectu corporis non mentis, quæ perpetuò in se ipsam vertitur. Nam ut qui impense studet laborat ille quidem tamen si videatur otiosiari: ita contemplator rerum diuinarum non ludis, tamen si corpus ab onere & labore vacat.

Opp. Vita ciuilis potius in illis virtutibus consistit à quibus boni quam in his à quibus solum veri nominamur: sed à virtutibus mor-

ris non mentis boni dicimur: ergo in illis potius quam in his vita civilis constat.

Resp. Quamuis obiectum virtutum moris sit bonum, obiectum autem virtutum mentis sit verum, haec tamen scilicet virtutes mentis si ad primam veritatem id est deum (ut hic postulat Philosophus) referantur, non solum nos veros & sapientes, sed etiam bonos & studiosos faciunt; nam ut pedissequa suis dominis: ita virtutes moris virtutibus mentis ancillantur, verè enim sapiens non est qui inhonestè vivit.

Opp. Scire deum in vita civili non est satis nisi illum diligas: sed dilectio dei magis in virtutibus moris quam mentis ponenda est: ergo vita civilis magis in virtutibus moris quam mentis consistit. Minor probatur, quia dilectio dei est opus voluntatis in qua virtutes moris, non intellectus in quo virtutes mentis sedent.

Resp. Dilectio Dei Dei veram cognitionem ut effectus suam causam sequitur, qui ergo verè deum per contemplationem novit, is deum propter seipsum diligit. Nam ut dominus seruo: ita intellectus voluntati, quid agendum, quid fugiendum sit, praescribit.

Opp. Odisse deum est longè detestabilius quam ignorare deum: ergo diligere deum, quod est opus voluntatis, est longè melius quam deum scire, quod est opus mentis. Ratio tenet à loco repugnantium.

Resp. Vera haec sunt, & tamen hinc nihil absurdi sequitur, praesertim hoc posito quod voluntas praescripto mentis obsequatur. Praeterea hoc argumentum ab oppositis verè non trahitur, quia odisse & ignorare, diligere & scire non sunt opposita: nam idem Iudas potest odisse, & ignorare deum, idem Petrus potest deum scire & diligere: quod non fieret, si haec inter se ut vera opposita repugnarent.

Opp. Vita in virtutibus moris posita utilior est civitati quam ea qua virtutibus mentis perficitur: ergo est magis civilis. Antecedens probatur, quia vita illa est communius bonum: at quo communius bonum eò divinius est ut docet Arist.

Resp. Negamus maiorem, nam vita illa non est utilior si maiestatem civitatis spectes. Quippè ut gubernatoris opera in dirigenda

dà naue non cedit illorum operi qui laborant: ita haec vita divina, qua civitatem dirigit, non minus utilis est reipublica quam illa qua tota in opere & negotio ponitur. Ad probationem ergo respondendo, quod vita haec sit communior, non tamen quoad boni essentiam melior.

CAP. III.

Verum magnitudo civitatis sit hominum numero vel potentiâ definienda?



ARTIS de fine quo allicimur, nunc de materia optimæ civitatis agitur. Qui urbem condunt in primis finem proponere, tum materiam & instrumentum parare, hinc de situ, de aere & denique de modo conservandi agere ac considerare debent. Videtur hunc ordinem?

Methodum quam hic tenet Philosophus didicisti; nam finem proposuit, & materiam nunc tractat: de cæteris in suis locis differit. Qui civitatem ex voto constitui velit, eum de suppellectile ac materia eiusdem diligenter secum considerare oportet: nam ut textori & fabricatori navis, ita fundatori civitatis materiam appositam & opportunam adesse convenit. Est autem materia civitatis duplex, hominum multitudo & ipsa regio, de prima in hoc, de secunda in altero disputatur capite. De prima hæc quaestio est instituta, An magnitudo civitatis sit hominum numero vel potentiâ civium definienda? Quidam numero ac multitudine habitantium non facultate ac potentiâ civium metiendam esse hanc civitatis magnitudinem voluerunt, contra quos hoc loco Aristoteles tribus aut quatuor argumentis certat. Primum à notatione magni, secundò à comparatione aliarum rerum, tertio à distinctione magnitudinis, postremò ab incommodis quæ illorum opinionem sequuntur. A notatione magni, quia id proprie magnum

Methodus
Philosophi.

Materia civi-
tatis duplex.

Quaestio.

Argumenta
Aristotelis
quibus refellit
errorem quo-
rundam.

ris non mentis boni dicimur: ergo in illis potius quam in his vita civilis constat.

Resp. Quamuis obiectum virtutum moris sit bonum, obiectum autem virtutum mentis sit verum, haec tamen scilicet virtutes mentis si ad primam veritatem id est deum (ut hic postulat Philosophus) referantur, non solum nos veros & sapientes, sed etiam bonos & studiosos faciunt; nam ut pedisseque suis dominis: ita virtutes moris virtutibus mentis ancillantur, verè enim sapiens non est qui inhonestè vivit.

Opp. Scire deum in vita civili non est satis nisi illum diligas: sed dilectio dei magis in virtutibus moris quam mentis ponenda est: ergo vita civilis magis in virtutibus moris quam mentis consistit. Minor probatur, quia dilectio dei est opus voluntatis in qua virtutes moris, non intellectus in quo virtutes mentis sedent.

Resp. Dilectio Dei Dei veram cognitionem ut effectus suam causam sequitur, qui ergo verè deum per contemplationem norit, is deum propter seipsum diligit. Nam ut dominus seruo: ita intellectus voluntati, quid agendum, quid fugiendum sit, praescribit.

Opp. Odisse deum est longè detestabilius quam ignorare deum: ergo diligere deum, quod est opus voluntatis, est longè melius quam deum scire, quod est opus mentis. Ratio tenet à loco repugnantium.

Resp. Vera haec sunt, & tamen hinc nihil absurdi sequitur, praesertim hoc posito quod voluntas praescripto mentis obsequatur. Praeterea à hoc argumentum ab oppositis verè non trahitur, quia odisse & ignorare, diligere & scire non sunt opposita: nam idem Iudas potest odisse, & ignorare deum, idem Petrus potest deum scire & diligere: quod non fieret, si hac inter se ut vera opposita repugnarent.

Opp. Vita in virtutibus moris posita utilior est civitati quam ea qua virtutibus mentis perficitur: ergo est magis civilis. Antecedens probatur, quia vita illa est communius bonum: at quo communius bonum eò divinius est ut docet Arist.

Resp. Negamus maiorem, nam vita illa non est utilior si maiorem statem civitatis spectes. Quippe ut gubernatoris opera in dirigenda

dà nave non cedit illorum operi qui laborant: ita haec vita divina, qua civitatem dirigit, non minus utilis est reipublica quam illa qua tota in opere & negotio ponitur. Ad probationem ergo respondeo, quod vita haec sit communior, non tamen quoad boni essentiam melior.

CAP. III.

Verum magnitudo civitatis sit hominum numero vel potentiâ definienda?



ARTIS de fine quo allicimur, nunc de materia optimæ civitatis agitur. Qui urbem condunt in primis finem proponere, tum materiam & instrumentum parare, hinc de situ, de aere & denique de modo conferuandi agere ac considerare debent. Videtur hunc ordinem?

Methodum quam hic tenet Philosophus didicisti; nam finem proposuit, & materiam nunc tractat: de cæteris in suis locis disserit. Qui civitatem ex voto constitui velit, cum de suppellectile ac materia eiusdem diligenter secum considerare oportet: nam ut textori & fabricatori navis, ita fundatori civitatis materiam appositam & opportunam adesse convenit. Est autem materia civitatis duplex, hominum multitudo & ipsa regio, de prima in hoc, de secunda in altero disputatur capite. De prima hæc quaestio est instituta, An magnitudo civitatis sit hominum numero vel potentiâ civium definienda? Quidam numero ac multitudine habitantium non facultate ac potentiâ civium metiendam esse hanc civitatis magnitudinem voluerunt, contra quos hoc loco Aristoteles tribus aut quatuor argumentis certat. Primum à notatione magni, secundo à comparatione aliarum rerum, tertio à distinctione magnitudinis, postremo ab incommodis quæ illorum opinionem sequuntur. A notatione magni, quia id proprie magnum

Methodus Philosophi.

Materia civitatis duplex.

Quaestio.

Argumenta Aristotelis quibus refellit errorem quorundam.

Magnitudo
ciuitatis non
à vastitate
loci aut nu-
mero ciuium,
sed à suffici-
entia agendi
pendet.

magnum dicitur quod opus (ad quod destinatur) expedite
potest perficere; hoc autem in ciuitate non immensâ turbâ
numeroque hominum, sed certâ & excellenti facultate ciui-
um definitur: non ergo à vastitate loci, non à ciuium nume-
rosâ turbâ, non à multitudine rerum, sed ab egregiâ poten-
tiâ & (vt ita loquar) sufficientia scilicet ac fortunatè agen-
di magnitudo ciuitatis pendet. Nam quemadmodum in
re militari non militum confertissima multitudo sed vis &
ordo magnam victoriam præstat: ita in re ciuili non silua ho-
minum sed optima dispositio & potentia ciuium magnam
urbem aut ciuitatem facit. Altera ratio à comparatione du-
cta suas vires in natura habet, nam sic inquit: Ciuitas magna
dicitur, vt medicus ille Hippocrates magnus fuit: at Hippo-
crates non magnus vastitate corporis sed artis excellentiâ
fuit: ergo ciuitas magna non numero sed potentiâ habenda
erit. Deesse in hac re exempla non possunt, sic magnus Ale-
xander, magnus Pompeius, sic magnus Cæsar fuit. Tertia à
distinctione ratio sic se habet, quod si velint magnitudinem
ciuitatis multitudine definire, oportet primùm quænam sit
ista multitudo quam velint ostendere. Nam multitudo est in
ciuitate duplex, ciuium nimirum & eorum qui serui, inquil-
ni & peregrini dicuntur: si illos solùm intelligant pauca nu-
mero non populosa erit ciuitas, sin verò hos periculosa est
eorum opinio; quid enim funestior pestem ciuitati adfert
quàm seruorum & peregrinorum in catalogum ciuium in-
considerata admissio? Quarta ratio absurditates & incom-
moda istius opinionis declarat: si enim turbâ ac multitudine
ciuitatis materia aut magnitudo definiatur, magna futura est
confusio, quod liquidò hinc constat, quia ciuitas ordine, ra-
tione, lege regeretur: at cōferta & (vt ita loquar) infinita ho-
minum caterua nec facilè in ordinem cogi, nec ratione co-
erceri, nec legibus sapienter dirigi & gubernari potest. Im-
pedit enim rectam imperandi formam numerosa multitudo
hominum, nisi diuina mens ac potentia esset, quæ ciuitatem
& urbem, vt Deus vbique subsistens terrarum orbem rege-
ret: nimia ergo & exuperans multitudo ciuitatis materiam
non

Multitudo ci-
uitatis duplex,
ciuium & ser-
uorum.
Nihil ciuitati
funestius quàm
seruorum &
peregrinorum
admissio.

non definit, imò leges violat, ordinem peruerit, dignita-
tem obscurat, contemnit magistratum, omnem perniciem
ac confusionem parit. Verùm quoniam multitudo ad com-
plendam ciuitatis magnitudinem requiritur, quanta &
qualis esse debeat hæc magnitudo nunc docet Philoso-
phus. Quandam (inquit) requiri magnitudinem numero
completam, sed hoc addo vt neque excedat modum, ne-
que deficiat nimium; iustam autem proportionem noue-
ris, si egregiè præstare possit ciuitas id operis ad quod de-
stinatur. Nam vt satis tum sanum corpus humanum di-
citur, cum nulla vel totius vel partis actio impeditur: ita
ciuitas satis tum magna habetur, cum facilè suis officijs mu-
neribusque fungitur. Sic enim fit in ciuitate vt in naturæ
artificiæ opere: nam vt animal, homo, planta respectu
naturæ (ad proportionem perducentis omnia) si partes
abundent aut deficiant dicuntur monstra; & vt nauigium
palmi vnus longitudinis aut ad duorum stadiorum lon-
gitudinem porrectum omninò inutile & ineptum est nauig-
ationi, aut quia nimis paruum aut quia nimis magnum
existit: ita ciuitas quæ nullam symmetriam & proportionem
suæ magnitudinis & paruitatis habet, habetur illa quidem
aut vana aut nulla. Nam si sit nimis exigua omni euentu
fortunæ deficit & labascit, si verò sit instar Babylonis im-
mensa, præco (vt inquit Aristoteles) sonoram vocem Sten-
toris habere debet: nam aliter in publicandis edictis perci-
pi & audiri non potest; quasi diceret, si ciuitas sit nimis mag-
na, confusa quoque erit. Concludit ergo ciuitatem tum esse
satis magnam, cum tanta ex familijs & pagis in vnum lo-
cum affluerit multitudo, quanta ad benè beateque viuen-
dum sufficit, quæque suis bonis contenta est. At dices, si au-
geatur hic numerus maior aut maxima, si diminuatur minor
aut minima dicetur ciuitas. Non ita est (vt hic docet Philoso-
phus) nam magnitudo semper ex factis & operibus eorum
qui imperant & qui imperio parent perpendi & considera-
ri debet: ratio est, quia in vasta & nimis magna ciuitate
ciuium classes non sunt probè distinctæ, illorum ordines
non

Iusta magni-
tudo ciuitatis
cognoscitur si
præstare id
possit ad quod
destinatur.

Ciuitas nimis
magna confu-
sa est.
Ciuitas quan-
do satis mag-
na.

non sunt satis noti, imò quod est maximum, ciues ciuibus & illorum ordines magistratibus ignoti sunt: sed vbi ciues ciuibus ignoti sunt ibi necesse est munera ciuitatis minùs consideratè distribui, iudiciaq; minùs iustè & sapienter fieri, circa quæ duo aut negligenter agere, aut turpiter errare valde periculosum est ciuitati: non ergo in populosa multitudine hominum, sed in iusta proportionè ac potentiâ ciuium materia ciuitatis aut magnitudo cernitur.

Distinctio.

Magnitudo ciuitatis consideratur bifariam,	Primariò, & sic à sufficienti potentiâ ciuium pender, vt probauimus argumentis à	Notatione, Comparatione, Distinctione, Inductione absurditatum.
	Minùs primariò, & sic à multitudine pender, in quâ vitari debent duo,	Excessus, ne nimis confusa. Defectus, ne nimis infirma ciuitas fiat.

Opp. Potentiâ agendi id omne ad quod ciuitas destinatur est forma ciuitatis ergo non est materia. Antecedens est Arist. ubi docet Philosophus copiam ac sufficientiam rerum omnium esse finem & formam ciuitatis.

Resp. Non hic docet Philosophus potentiâ ciuium esse materiam ciuitatis, sed potius in potentiâ quàm multitudine eandem contineri, cum ciuitas magna ea sola dicitur quæ ad beatè viuendum sufficit, non quæ ex infinita aut exili multitudine coalescit.

Opp. Potentiâ est quadam ciuitatis qualitas: ergo in eâ illius mensura aut quantitas inesse non potest: magnitudo ergo ciuitatis quæ est illius mensura à numero potius quàm à potentiâ pender.

Resp. Est quidem potentiâ quadam qualitas ciuitatis, magnitudinem tamen & mensuram hic declarare dicitur, quia in illa vis tota ciuium (quæ sunt partes ciuitatis) cernitur. Materia enim à sua potentiâ suum motum & nomen habet.

Opp. Materia ciuitatis sunt domus & pagi, vt docet Philosophus primo Politicorum: ergo non est magnitudo, vt hic definit.

Resp. Ratio non sequitur, quia ex domibus & pagis hæc magnitudo, de quâ hic disputat Philosophus, constituitur.

Opp.

Opp. *Mania & adificia sunt materia ciuitatis: ergo magnitudo ciuium non est materia.*

Resp. Hæc ratio infirma est, nam *mania & adificia metaphoricè, at ciuium magnitudo vera ciuitatis materia dicitur. Sunt enim mania & adificia materia loci non ciuitatis, quæ à ciuibus non à materia loci non ciuitatis.*

Dubium.

An ciues à magistratu cognosci & distingui debeant?

Opp. Fieri non potest vt infinitior numerus ciuium ab vno cognosci possit: ergo hoc requiri non debet à magistratu vt omnes ciues noscat.

Resp. Dux rationes sunt in textu cur ciues à magistratu cognosci debeant, prima, quia hoc modo rectius iudicare potest, muneraq; & honores melius distribuere. Secunda ne serui & peregrini maximâ hominum coronâ & turbâ tanquam ciues lateant, & veluti flammæ seditionis in præcordijs ciuitatis spargant. Respondeo igitur ad argumentum, quod licet à magistratu vno omnes & singuli ciues cognosci non possint numero, specie tamen & ordine cognosci possunt, quod est ad hoc munus persiciendum satis.

CAP. V.

An vna vrbs magna seu metropolis debeat esse in quauis regione eiusdemq; situs prope mare?



EMOT A materia ciuitatis est regio, propinqua (vt aiunt) ciues, qui non à multitudine sed à potentiâ (vt est iam satis demonstratum) pendent. Regionis nomen nunc latius, nunc strictius sumitur; latius pro stadio & circuitu totius imperij suis cancellis & limitibus circumsepti, & sic Ptolomæus Germaniam regionem nominat; strictius pro definitis partibus sedibusque regni, & sic Camdenus nostras accipit, vbi id ait quod doctè & laboriosè tandem perfecit. In singulis inquit Angliæ

In epist.

In regione
spectanda sunt
tria, quantitas,
qualitas, situs.Quantitas sicut
magnitudo.Qualitas regi-
onis duplex.Situs regionis
optimus.

Angliæ regionibus qui sint limites, quæ terre dotes, quæ antiquioris memoriæ loca, qui duces, qui comites fuerint, paucis perstrinxi. Vtroque modo hoc nomen apud Philosophum mihi capi videtur, ut postea (cum de eiusdem amœnitate, copiâ, situ, influentiâ, magnitudine, aliisque rebus in ea necessarijs agitur) manifestè patebit. Breue est hoc de regione caput apud Aristotelem, sed longior paulò tractatio sequitur; omnium summa hæc est, quòd in regione sint spectanda tria, nimirum, quantitas, qualitas & situs seu loci dispositio. In quantitate materiam & mensuram, in qualitate copiam & affluentiam rerum, in situ influentiam cœli aliâque tum ad amœnitatem tum ad utilitatem ciuium necessaria considerare oportet. Quantitatem non aliter quàm vrbs magnitudinem definit, eamque totam ad feracitatem & abundantiam omnium (quibus efficitur ciuitas beata) refert. Regio enim optima tum est consensu omnium quæ maximè copiosa & rerum omnium fecunda sit, eaque magnitudine & bonitate, ut ciues possint ex eâ liberaliter & simul temperanter viuere: liberaliter inquam respectu aliorum, temperanter autem respectu sui. Qualitas regionis aut est aliundè recepta, aut à natura insita & infixa; recepta à Deo per influentiam cœli, de qua in proximo; insita vi suâ per dispositionem loci, de qua in hoc ipso capite disputatur; hæc montium, fluminum, sylvarum, pastionum, aliarumque rerum omnium ad victum & cultum spectantium vbertate maximè commendatur: si enim vterus terræ sit horum fertilis, si sit ad benignam vim cœli concipiendam docilis, si sæpius fructus conceptos non aliter quàm mater suos filios pariat, regio quidem grata, regio amœna, regio qualitate beata & fortunata dicitur; quippe quæ qualitas loci est oprabilior quàm quæ fecunditatem rerum omnium (quibus ciues conseruantur) gignit? Situs de quo hic agit Philosophus est aut regionis aut vrbs: regionis situs commodissimus habetur si ad bellum gerendum sit accommodatus, si hostibus aditu sit difficilis, si ipsis ciuibus ad educendum exercitum

citum sit facilis & expeditus, si denique sit oculis ita expositus ut neque hostis in illo lateat, neque subsidium naturæ aut artis desit. Primariæ vrbs (quam Freigius metropolim appellat) situs prope mare esse debet, sed primum vtrum talis vrbs esse debeat in regione, tum de eiusdem situ & loco dicemus. Si fusè nomen regionis sumatur, necesse est ut in ea vrbs vna cæteris illustrior & excellentior sit, ad quam tanquam ad vnum euportorium & theatrum honoris causâ tota regio fluat. Hæc vrbs (si fieri id potest commodè) totius regionis veluti cor & centrum esse debet, à quo reliquæ partes ac membra vitam & lumen habeant; si huius ornatum spectes augustissima, si mœnia fortissima, si utilitatem rerum omnium varietate refertissima, si ciuium numerum, ordinem, splendorem omnium populosissima, iustissima, magnificentissimaque esse debet. Sed ut succinctis hoc argumentis probem, à simili, à necessario, à contrarijs & ab antiquitatis exemplis breuiter sic disputo. Politica scientia (ut ait Aristoteles) imitatur naturam: sed natura in omni regione locum vnum eminentem fixit, eundemque maximè ornauit: ergo politica scientia vnâ urbem in quauis regione constitueret, eandemque ornamentis quàm queat maximis perpoliret. Minor huius syllogismi constat, quia in regione elementari ignem, in regione ethereâ cœlum sideribus ornatissimum tanquam urbem diuorum fabricauit. De minore mundo nempe homine quid dicam? Cuius corporis regiones omnes ac partes ad vnâ capitis sphaeram referuntur, in qua tanquam in metropoli animus ut princeps, vires animi ut vigilantes magistratus, sensus ut diligentes serui ac ministri sedent. Habet quidem natura ut suos carceres & sentinas, ita suos ordines & quasi classes ciuitatis, quæ quidem omnia ad vnum summum reducuntur. Ut natura ita necessitas metropolis institutionem probat. Nam ut inter ciues est vnus princeps: ita inter ciuitates vrbs vna esse debet principis maiestate & honore digna, sed ad principis maiestatem & honorem excelsa palatia, hono-

Quæstio
pars prima.

Argumenta.

In homine a-
nimus est
quasi prin-
ceps, vires ani-
mi tanquam
magistratus,
sensus velut
serui.

honorifica tribunalia, altissimæ turres, munitissima castella, populi magna frequentia, aliaque pene infinita Corinthia opera requiruntur. Non capit Augustum Mantua, Roma capit. Immo absurdum est & penitus indecorum ut nobiles sub cespite & fumoso tigurio viuerent: locus enim ut homo suam maiestatem habet: vrbs ergo necessario requiritur in quâ princeps, procures, iudices, hisque obediētes ciues vnâ viuant, & ad quam tanquam ad asylum iustitiæ relique omnes regionis partes urgente necessitate veniant, quæ si desit (ut argumentum à contrarijs inferam) nemo est qui confusionem & luem ciuitatis non videat, nam si vrbs talis sit lux, eiusdem ruina perniciēs regionis erit. Postremo antiquitatis exempla in hac re non desunt, si Romam in Italiâ, si Lutetiam in Galliâ, si in Angliâ Londinum Troianum illud insigne palladium spectes: quid multis? In omni regione ac gente vnâ primariam urbem inuenies, in qua regia solis (ut ita loquar) splendet. Ierusalem (metropolin Iudæ) Christus ipse salutauit, intrauit templum, elegit Syon, reges, pontifices, prophetas in illa approbavit. O vtinam Moyses & Aaron, Dauid & Samuel, Iosua & sacerdos, in omni non solum metropoli sed etiam in omni vrbe & ciuitate viuerent; hoc est ut ciuili administratio & religio vnâ in omni loco & senatu discernent causas & consultarent; vana enim & inanis est omnis humana de rebus consultatio si cum eâ non sit coniuncta religio. Accedo nunc demum ad situm vrbis, qui (ut verbo explicem) prope mare esse debet: infinitus hic esset sermo si de immensis commodis ac beneficijs dicerem quæ vrbs prope mare sita AEolo & Neptuno accepta refert, eas solum vtilitates hic recensebo quas Aristoteles in calce huius & in fronte alterius capitis breuiter perstringit. Eæ vero sunt duæ, nempe opportunitas expugnandi hostes, & facilitas exportandi & importandi merces, quibus addi possunt delectabilis viuendi ratio prope mare, & perennis fructuum veluti scaturigo quæ à mari in urbem fluit. Hic enim situs lignea mœnia in portu aduersus hostem

Consultatio
est inanis si-
ne religione.
Questionis
pars secunda.

Vtilitates duæ
vrbis prope
mare sitæ.

stem habet, hic situs commune quasi forum orbis terrarum habet, hic situs amœnitatem maris & fertilitatem telluris adfert, hic denique situs infinita bona ab exteris nationibus in urbem vehit: est ergo vrbs hoc situ fortior, est excellentior, amœnior est, est locupletior. Sed vetus est illud,

Omnis commoditas sua fert incommoda secum.

Ista maris propinquitas in urbem suas pestes fundit, hinc enim ciuium externi mores, mercatorum fraudes, peregrinorum lues in urbem fluit, hinc magnæ insidiæ hostis, vanæ pompæ & deliciæ ciuis, hinc sæpè contagio pestis in vrbis viscera & præcordia manat: nam quid aerem suffocat velocius quàm spuma, sæx & contagio maris? Hæc ferè omnia in principio alterius capitis obijcit Philosophus, sed respondet aut prudentiâ legumlatorum, aut curâ magistratuum hæc omnia præueniri posse & euitari mala.

Distinctio.

In regione consideranda sunt	Magnitudo, quæ potius à potentia inhabitantium quàm à locorum vastitate pendet.	{	Vrbis, quæ debet esse celebris in quauis regione.

Opp. Ingens turba ac multitudo hominum in vnum collecta locum legum & magistratuum contemptum, magnamque rerum confusionem gignit: sed in vrbe est ingens turba ac multitudo hominum in vnum collecta locum: ergo in vrbe est legum & magistratuum contemptus magnaque rerum confusio. Quo dato melius est nullam metropolim aut urbem in qualibet regione omnino adificare, quàm statum imperij confusa multitudinis temeritati committere. Maior est Arist. in quarto capite, ubi docet populosam multitudinem regi-
oni plus nocere quàm prodesse; nedum vrbi, in quam veluti in globum ingens multitudo cogitur. Minor est Arist. in hoc cap. ubi probat urbem non solum suis cinibus sed etiam finitimis subsidio iri, quod sanè fieri non potest si ingens turba in vrbe non viueret.

Resp. Vrbs magna est quadam imago orbis: sed ut in orbe Deus

honorifica tribunalia, altissima turres, munitissima castella, populi magna frequentia, aliaque pene infinita Corinthia opera requiruntur. Non capit Augustum Mantua, Roma capit. Immo absurdum est & penitus indecorum ut nobiles sub cespite & fumoso tigurio viuerent: locus enim ut homo suam maiestatem habet: vrbs ergo necessario requiritur in qua princeps, proceres, iudices, hisque obediens ciues una uiuant, & ad quam tanquam ad asylum iustitiae relique omnes regionis partes urgente necessitate veniant, quae si desit (ut argumentum a contrariis inferam) nemo est qui confusionem & luem ciuitatis non videat, nam si vrbs talis sit lux, eiusdem ruina perniciēs regionis erit. Postremo antiquitatis exempla in hac re non desunt, si Romam in Italia, si Lutetiam in Gallia, si in Anglia Londinum Troianum illud insigne palladium spectes: quid multis? In omni regione ac gente unam primariam urbem inuenies, in qua regia solis (ut ita loquar) splendet. Ierusalem (metropolin Iudae) Christus ipse salutauit, intrauit templum, elegit Syon, reges, pontifices, prophetas in illa approbavit. O utinam Moyses & Aaron, Dauid & Samuel, Iosua & sacerdos, in omni non solum metropoli sed etiam in omni vrbe & ciuitate viuerent; hoc est ut ciuili administratione & religio una in omni loco & senatu discernere causas & consultarent; vana enim & inanis est omnis humana de rebus consultatio si cum ea non sit coniuncta religio. Accedo nunc demum ad situm vrbis, qui (ut verbo explicem) prope mare esse debet: infinitus hic esset sermo si de immensis commodis ac beneficiis dicerem quae vrbs prope mare sita AEolo & Neptuno accepta refert, eas solum utilitates hic recensebo quas Aristoteles in calce huius & in fronte alterius capitis breuiter perstringit. Eque vero sunt duae, nempe opportunitas expugnandi hostes, & facilitas exportandi & importandi merces, quibus addi possunt delectabilis viuendi ratio prope mare, & perennis fructuum veluti scaturigo quae a mari in urbem fluit. Hic enim situs lignea moenia in portu aduersus hostem

Consultatio
est inanis si-
ne religione.
Questionis
pars secunda.

Utilitates duae
vrbis prope
mare sitae.

stem habet, hic situs commune quasi forum orbis terrarum habet, hic situs amoenitatem maris & fertilitatem telluris adfert, hic denique situs infinita bona ab exteris nationibus in urbem vehit: est ergo vrbs hoc situ fortior, est excellentior, amoenior est, est locupletior. Sed vetus est illud,

Omnis commoditas sua fert incommoda secum.

Ista maris propinquitas in urbem suas pestes fundit, hinc enim ciuium externi mores, mercatorum fraudes, peregrinorum lues in urbem fluit, hinc magnae insidiae hostis, vanae pompae & deliciae ciuis, hinc saepe contagio pestis in vrbs viscera & praecordia manat: nam quid aerem suffocat velocius quam spuma, sax & contagio maris? Haec ferè omnia in principio alterius capitis obijcit Philosophus, sed responderet aut prudentiam legumlatorum, aut curam magistratuum haec omnia praeveneri posse & evitari mala.

Incommoda
quaedam cau-
enda de qui-
bus vide plu-
ra c. sequenti.

Distinctio.

In regione con- sideranda sunt	{	Magnitudo, quae potius a potentia inhabitantium quam a locorum vastitate pendet.
		Maiestas
		& Situs, qui prope mare esse debet, ut aperte docuimus.

Opp. *Ingens turba ac multitudo hominum in unum collecta locum legum & magistratuum contemptum, magnamque rerum confusionem gignit: sed in vrbe est ingens turba ac multitudo hominum in unum collecta locum: ergo in vrbe est legum & magistratuum contemptus magnaque rerum confusio. Quo dato melius est nullam metropolim aut urbem in qualibet regione omnino adificare, quam statum imperij confusa multitudinis temeritati committere. Maior est Arist. in quarto capite, ubi docet populosam multitudinem regioni plus nocere quam prodesse; nedum vrbi, in quam veluti in globum ingens multitudo cogitur. Minor est Arist. in hoc cap. ubi probat urbem non solum suis ciuibus sed etiam finitimis subsidio iri, quod sane fieri non potest si ingens turba in vrbe non viueret.*

Ingens turba
collecta con-
temptum pa-
rit & confusi-
onem.

Resp. *Urbs magna est quaedam imago orbis: sed ut in orbe Deus*

& natura: ita in urbe magistratus & prudentia omnem confusio-
nem tollit. Respondeo igitur non esse in urbe maiorem multitudi-
nem quam qua sponte regi aut seueris legibus coerceri potest: ubi
dicit Philosophus ingentem turbam hominum electionem magistra-
tum iudiciaq; ciuitatis confundere, intelligit immanem & barba-
ram multitudinem in qua liberè non solum liberi sed etiam serui &
peregrini viuunt.

Opp. Vrbis magna nunquam fuit, qua praecepti multitudinis fu-
rore ac scelere conuulsa non tandem perijt: ergo non est tutum vrbes
magnas constituere. Antecedens probatur, quia gloria Roma, Co-
rinthi splendor, Carthagini maiestas, Ierusalem magna & sancta
ciuitas multitudinis insania, superbia, seditione, impietate perijt,
caduera & sepulchra aliarum urbium, nobis hodie multitudinis
flagitia & temeritatem loquuntur.

Resp. Hac exempla optime probant iustam vindictam sceleris,
non malam institutionem urbis. Nam quamuis Deus à fundamen-
tis aliquando deleat multas ciuitates propter facinora qua in illis
sument, illarum tamen foundationem & rectam administrandi ra-
tionem vehementer probat. Et si ergo fatear in exercitu ac legione
hominum frequentius mala euenire, tamen (cum iste non sit finis co-
denda urbis ut in illa nequitia sed ut iustitia viuat) causam hanc
urbis tollenda satis efficacem esse non fateor.

Opp. Acuit hostes urbs magna, pulchra & referta opibus: ergo
condi & edificari non debet, ne sit quasi signum ac vexillum, quod
hostem ad bellum & seditionem moueat.

Resp. Contrarium diceres, nam cum hostis urbis potentiam sen-
serit, mouere bellum penitus formidabit.

Opp. de situ urbis.

Situs urbis prope mare tria maxima mala in urbem vehit, scili-
cet nauticam potentiam, peregrinos mores, morbos contagiosos, qua-
les sunt pestis, lepra, qua saepe incolis circa mare contingunt: ergo
situs istiusmodi urbis non est probandus. Antecedens probatur, pri-
mum de nautica potentia, quia probabile est illos arrepturos im-
perium, quorum maxima multitudo & facultas est: sed maxi-
ma vis & multitudo in urbe prope mare sita est eorum qui in mari
negotiantur: ergo probabile est illos arrepturos imperium. De secundo
quis

Mala urbis
prope mare
sita.

quis dubitat, cum ad comune forū & sedes urbis sic sita peregrinorū
greges quotidie permittantur? Tertium probo, quia ex facibus ma-
ris putrefactus aer saepe inficitur, & ex frequenti esu piscium ie-
pra contrahitur; huc aado sterilitatem, terra quam salsecio ma-
ris efficit.

Resp. Ista omnia incommoda facile bonis legibus praecaueri pos-
sunt, si enim in seditiosos & peregrinis moribus studentes seuerius
animaduertatur, factionis & corruptionis cancer in praecordia ci-
uium facile non irrepit. Praterea si littora verrantur sapius, si ca-
nales & sentina urbis purgetur, si faeces diutius in continenti herere
non permittantur, si struantur rogi, si pulsentur campanae, rarissima
quidem continget infectio: at esus piscium (ut ais) generabit lepram,
verū est si caninus sit appetitus & perpetua eorum ingurgitatio, sed
in urbe copia ciborum & delicia viuunt. Quod dicas de sterilitate,
nihil est, nam dulcis vapor maris refusus in terram eandem uberi-
orem reddit: nam quamuis eiusdem salsecio sterilitatem gignit, ubi
est inundatio, tenuis tamen vapor qui solus à mari euocatur & in
terram relabitur, potius gravidam quam effatam tellurem efficit.

Legibus bonis
facile praeca-
uentur incom-
moda urbis
prope mare
sitae.

CAP. VI.

Virum classis bellica & navales copiae sint in omni Metropoli
necessariae?

Verum peregrinatio sit utilis?



In vestibulo huius Cap. obiectioni-
bus quorundā de situ urbis occurrit
Philosophus. Dixerunt enim quidā
comunione maris & nauigatione De his in-
nis vsum magis nocere quam pro- commodis
desse urbi. Causas duas huius rei tra- vide. cap. pre-
dunt, nempe mutationem morum, cedenti.
quā peregrinorū confluxus; sitinaq;
immoderatam rerum, quam inanis
hominum appetitus efficit: nam loquente experientia vr- Noui mores
bes & villae mari propinquae ex commercio cum peregrinis ex commercio
facillimè nouos mores discunt, eademq; ex multiplici com- cum peregrini-
mutatione rerum incredibilem cupiditatem diuitiarū hau- nis facile dis-
cuntur.
riunt:

riunt: sed quæ maior infectio ciuitatis esse potest quam ut sepultâ virtute Pluti & Mammonis à ciuibus adorentur idola? Istitis statim respondet Philosophus, sed primùm situs prope mare commoda (qualia sunt repulsa hostis, protectio vr- bis, rerum commutatio, importandi necessaria & exportan- di vsus) docet. Verùm quoniâ hæc & alia argumenta in pri- ori cap. (vt consentanea rei de quâ tum egimus attexuntur) satis nunc erit si à nobis dissoluantur paucis, ait ergo Aristot- eles si ista incommoda (nimirum innouationem morum, re- rumq; immoderatam appetitionem) vrbi ex istiusmodi situ euentura magistratus timeant, possunt illi quidem hoc o- men auertere si aut seueris legibus aduenarum licentiam comprimant, aut (quod multò melius est) si vrbem non longè, aliquantulum tamen à mari & portu distantem ex- truant. Si enim ex voto (inquit) vrbs sit condita, naualia & portus ita disponi & situ locari debent, vt neque idem oppidum occupent, neque admodum longè ac remotè di- stent: sic si quid fortè emolumenti eueniat, continuò & fa- cilè in vrbem vehi, si quid mali ac detrimenti manibus & propugnaculis interpositis clausisq; portis facilè euitari & repelli potest. Hactenus de obiectionibus contra vrbis situm in textu habitis, nunc quæstionē de vsu huius situs ac dispo- sitionis breuiter tractabo: quæstio hæc est, Vtrum classis & nauales copię sint in omni metropoli necessariae? Vrbs non solum ad mercaturam & commutationem rerum: sed etiam ad artem bellicam & expugnationem hostium structa & cō- stituta est: hinc Carthago præter portum excelsa sua mœnia habuit, hinc Athenæ vrbs illa præter naues altissimis tur- ribus aggeribusque superba fuit, Roma non caruit suo ca- pitolio, neque vrbs vlla careret subsidio. Verùm cum ho- stes terrâq; mariq; sæpè obsideant & oppugnent vrbem, cū dies noctesq; excubias faciant, vt in vrbis quasi costis & late- ribus suas hastas figant, cum nunc in continenti hereant, nunc per mare irruant & ingrassentur, prouidentius nihil est constitutum, sapientius nihil prouisum, quàm vt clas- ses & nauales copię adsint, quæ instar nemorum contra

Ciuitas non longè, aliquan- tulum tamen à mari di- stare debet.

Quæstio.

Laus naualiū copiarum.

vim

vim hostis vrbem protegant & defendant. Nobiles isti muri ita Mineræ urbē aduersus Lacedæmonios bellicosam gen- tē tutata sunt, vt donec exarserit intestina seditio, frequens tentantem frustra hostem secuta sit confusio. Gratulor hic tibi patria dulcissima, quæ portus amplissimos, quæ fortissi- mas classes, quæ munitissimas arces & castra prope mare ha- bes; parua es & tamen firma, parua es & tamen tuta, insula parua es & tamen inuicta, si Ionam ex naui, si Ionam ex vē- tre ceti prædicantē audias, hoc est si verbo dei de cœlo tonā- te cum Niniuitis plangas, cum Paulo surgas, cum Petro lu- geas, cum filio prodigo à porcinis quisquilis luxus & otij ad pænitentiam te totam vertas. Dextra Dei te præ ceteris na- tionibus diu seruauit, sis ergo grata; ala textit, sis ergo iusta; clypeus defendit, sis ergo pia; Christum oro & obsecro vt pereant omnes in te Catilinæ, qui tibi malè optant; confun- dantur, qui tui interitum & naufragium quærunt. Sed penè extra me positus limites elapsus erā, reuertar igitur ad clas- sem & naualem potentiam vrbis; Philosophus sic loquitur, Classem & copias nauales utilissimum est habere (certo nautarum numero definito) non solum vt auxilium præste- tur vicinis, sed etiam vt hostibus terrā mariq; incutiat me- tus: cito enim pede ad finitimos feruntur naues, quibus citò etiam ab vrbe depelluntur hostes. Cæterum nauiculariorum numerus neq; in immensum augeri, neq; frequentius in vr- bem venire debet, vt hic docet Philosophus: nam illud toti imperio periculosū, hoc moribus sedatis infestū erit. Sunt e- nim nautici animosi homines, rarò bonis legibus, rarò emol- litis moribus obsequentes; Neptunus enim ferox est & fe- ros facit milites; quamuis ergo vrbi sint necessarij (in eo ta- men quòd aliquantulum à virtute & humanitate discedant) pro partibus eutopicę ciuitatis, quam nunc describimus, ha- beri non debent; hos verò alere & fouere oportet ciuitatem, ijsq; quasi sceptrum Neptuni marisque imperium polliceri: imperandi enim titulis & insignibus mirificè capiuntur mi- lites, modò quoad victū & cultum nihil desit necessarium, id verò si desit, furunt & sanè non sine causa. Nam quid ma-

Athenæ dice- bantur vrbs Mineræ.

Gratulatio Angliæ.

Ionas. cap. 3.

Act. cap. 9.

Matth. 26.

Luc. 15.

Numerus na- uiculariorum non debet esse immensus nec frequentius in vr- bem venire.

Nautici non sunt partes eu- topicę ciuita- tis.

Nauticis ma- ris imperiū est concedendū.

gis

gis deplorandum est quam ut miles pro ciuitate pugnans inedia & frigore exhaustus pereat? philosophus probat hunc vsum classicæ & naualis potentiae inductione multarum ciuitatum, nominatim verò Heracleotarum, qui multas triremes instructas & classes armatas in suis portibus habuerunt. Sequitur nunc alia quaestio, An peregrinatio sit utilis reipub. **Lib.7.cap.6.** Tametsi Philosophus hoc loco videtur quidem omnem peregrinationis vsum ciuibus negare, cum ait, Inutile omnino esse aliquos in alijs legibus educatos ac peregrinos in vrbe versari. Quoniam verò (si penitus examinetur verba) in illis potius obiectio quam vera opinio & sententia inest, opportunè quidè contrarium inferimus, anscq; hanc datâ & acceptâ, è re ciuitatis hinc esse defendimus ut ciues peregrinentur, patrijsq; sedibus aliquandò euolent, aliasq; gentes, terras ac nationes lustrant. Quod autem hoc ipsum suaserit Philosophus, ipsius verba alibi declarant, vbi sic loquitur: Itaque perspicuum est ad legum ferendarum scientiam plurimum **Lib.1.Rhet. cap.4.** conducere terrarum peragrationem, in qua multarum gentium instituta, legesq; licet agnoscere: at verò in consilijs publicis historiarum & antiquitatis cognitio mirificè utilis est. Infer si placet, ergo utilis est peregrinatio: sine qua hæc bona nec rectè sciri, nec facile acquiri, nec probè & feliciter tractari possunt. Verum antequam longius abeamus hoc nomen distinguo, quòd peregrinatio sit, aut publica aut priuata: illa est legibus instituta & restricta, hæc libera priuatè vel utilitatis, vel delectationis causâ suscepta: illa publicâ personâ, publicū negotiū, institutū ac mādātū publicū, publicū & utilē ciuitati finem seu bonum respicit: hæc verò qualibet de causa impetratâ veniâ in libera & immuni ciuitate fiat. Illa est peragratio, publicâ auctoritate viro alicui spectato & solerti demādāta, quâ reipub. nomine sed sine imperio in alias nationes ac gētes vehitur, idq; aut mores & leges discēdi, aut negotia publica tractādi causâ: hæc deniq; est volūtaria multorum locorum ac gentium fructuosa & delectabilis lustratio, in qua priuati ciues proprium suum vtile, iucundum, aut honestum, id est, opes, amoenitates, mores, & artes quarunt. Siue hanc

hanc, siue illam intelligas non refert: nam vtramq; apprimè utilem esse in ciuitate probamus. De illa prima nemo sanæ mentis dubitabit, cum sine legatione, quæ est prima peregrinationis species, nulla omnino ciuitas, nulla respub. nullum imperium constet. Sed de illa præclare & doctè Albericus **Alber. Gen. de legationibus.** Gentilis, ciuilis scientiæ doctor scripsit, ad quem, lectorem studiosum (qui plura de legationibus scire desiderat) referendum puto: solum hoc loco argumenta quibus probatur esse utilis & necessaria peregrinatio cudere & recensere oportet, nec non eiusdē leges præscribere ac demonstrare. Sunt ergo quidam limites huius quaestionis & cōditiones peregrinantium, prima, ut nemo sine venia publica aut priuata solum natiū deferat, aliasq; inuisat nationes: secunda, ut nemo iuuenili solo impetu aut affectu peregrinetur: tertia ut patria, bonumq; ciuitatis ante peregrinantium oculos ponantur: Quarta, ut qui peregrinantur sint etate integri, ingenio maturi, viribus robusti, vsu rerum experti: Quinta, ut sibi prospectum habeant, ne quid necessarium in toto itineris circuitu deficiat: sexta, ut mores, leges, consuetudines, ædificia, & arcana aliarum ciuitatum diligenter obseruent: septima, ut redeuntes in patriam rationem peregrinationis suæ publicè reddant, inde pro merito virtutis palmam & præmium suæ peregrinationis accepturi. Hæc omnia Plato (ut nostras **Lib.12. de leg. lib. de posuonibus.** Mulcasterus celebris ille optimorum ingeniorum cultor & formator doctissimè collegit) in libris de legibus sapienter docet: nam peregrinationem aut ad commutationem rerum, aut ad religionem, aut ad ciuilem administrationem ciuitatis, aut ad iuuentutis institutionem tanquàm ad scopos præcipuè referendam voluit. In prima classe mercatores, in secunda Philosophos, in tertia legatos, in quarta morum ac legum oculatos observatores collocat. Si hæc leges & fines peregrinandi sedulò ac seriò obseruentur, non est dubitandum, quin multum sit è re ciuitatis ut ciues aliquandò peregrinentur. His verò neglectis dici potest illud; Cui peregrinatio dulcis est, amara patria; cui dulcis patria, amara peregrinatio; & iterum, Quibus domi nihil boni vsui **Augst. in Psa. Plutar. de trip. Polit.** est,

est, dulcis est peregrinatio. Haftenus de legibus & finibus peregrinantium, nunc quod sit utilis ipsa peregrinatio concisus argumentis demonstramus. Nemo mortalium negat reipub. felicitatem in eo sitam esse, ut ciues sint à periculis tuti, moribus sancti, artibus exculi, prudentiâ ciuili vsuque rerum instructi, copiâ deniq; rerum externarum (quibus necessitati suæ medentur) abundantes & referti: sed sine peregrinatione nullum horum omnium commodè & feliciter potest præstari: est ergo peregrinatio in ciuitate utilis & fructuosa. Hæc singula ut probem si vrgeas, sic à singulis argumenta peto. Ideò à periculis tutos & viribus potentes ciues esse optauit hoc loco Philosophus, ut difficulter inuadi & oppugnari ab alijs, alios verò facilè possint inuadere: est ergo peregrinatio necessaria, quâ ciues exterorum consilia inuestigent, mores discant, & (si iure belli sint adoriendi) vires explorent. Sic olim peregrinati sunt permulti, iidemq; aut sponte, ut nobiles Campani Romani; aut iussu, ut Aristto Carthaginem imperante Hânibale, duoq; illi Hebræi in terram promissionis imperante Iosua: si ergo tam prophana quàm sacra exempla peregrinationem probent, absurdum est eandem si recusemus. Sed ad secundam rationem venio quam sic formo. Moribus sancti debent esse ciues: ergo necessarium est ut graues aliquandò viri morumq; censores & magistris alias nationes peragrent. Si enim Lycurgus eat peregrè, ut de moribus emendandis sui populi oraculum consulat, redeunt Lycurgo Spartani credent: hoc est, si sapientes alias vrbes & terras inuisant, facilius multò in patriam reuersi, contagionem morum (nouis adductis optimorum exemplis) tollent, suasq; ciues meliores reddent; hoc modo, suorum popularium mores Anacharsis correxisset in multas gètes peregrinando: hoc modo rex Scytharum peregrinando in Græciam suos barbaros expolijsset nisi vterque ob illustrem conatum à Scythiis fuisset occisus. Tertia ratio utilis peregrinationis à cultu ingenij, à multiplici rerum scientia pendet: incredibile enim est, quantam gloriam quantosque fructus bonarum literarum peregrinatio Philosophorum ac sapi-

Generalis syllogismus causæ.

Leg. Liuium dec. 3. l. 6.
Liui. dec. 4. l. 4.
Iosua cap. 2.

Herodot. l. 4.

entum hominū antiquis rebus publicis attulerit. Vnde quæso Romani suum Ciceronem lumen eloquentiæ, unde Athenienses suum Platonem sapientiæ fidus habuerunt? Nonne à Græcia quam ille, nonne ab AEgypto quam hic diuinus diu salutauit? Addo nunc quartum argumentum quo iuste laudetur peregrinatio, quia experientiam vsuq; rerum parit: quippè hoc modò solum ingenia, mores, consilia, leges, consuetudines, ornamenta pacis, belli instrumenta, arcana rerum pub. aliaq; mille nota fiunt, quibus patria tutior, prudentior, beator redditur. Ad hunc finem iussit Plato ut ciues peregrinentur, in hunc finem etiam Lycurgus teste Arist. in Cretam profectus est. Quid multis? in hunc finem permulti hodie terras & gentes obeunt: Nam aliter dic mihi qui possunt in pace, in bello, in foro, in portu cum exteris præclare ad patriæ salutem agere, si cum exteris ad tempus versati, exterorum mores ac ritus, oculatiores quasi testes, non cerant, si eorum (quæ multis itineribus didicerunt) vsu & experientiâ prudentiores ciues non fiant? Postrema ratio à mercatorum portu peregrinationis laudem in forum ciuitatis vexit; nam vbi mercatores si non sit peregrinatio, vbi rerum necessariorum commutatio si non sit hinc inde mercatorum libera & iusta nauigatio, vbi denique splendor, vbi celsitudo, vbi lumen ciuitatis si cesset cum exteris gentibus negotiatio? Dic quæso, cur fuerit inuenta nauis, si nulla nauigatio, si peregrinatio nulla approbetur? Istis argumentis quinque alia possum (si verbis molestior non essem) pro utilitate peregrinationis adijcere, nempe quod peregrinatio sit oppressionis remedium, miserorum hospitium, conscientiaæ asyllum, fœderatarum ciuitatum vinculum, & veluti speculum mortaliū qui nihil aliud quàm peregrinantium iter in hac vita agunt. Quod sit oppressionis remedium, hinc liquidò constat, quia sub tyrannis oppressi ciues medicinam salubriorem non habent quàm fugam: nam ut ab angue, cane, & peste, ita à tyrannide, & oppressore fugere oportet. Quemadmodum ergo medicus suadet sauiente peste ut citò, procul, tardè; ita politicus monet ut grassante

Diog. Laert. in Plat.

Plat. in sua re-
pub. de legat.
dial. 12.
Pol. 2. cap. 7.

Peregrinationis
quintuplex
vltus.

Cæsare,

Exod. 12.

Cæsare, furente Clodio, Marcellus, Ligarius, Cicero ad tempus cedant, rebusq; desperatis sine ullo in patriam aut principem rebellandi animo trans mare volent. Quod sit miserorum hospitium quis negat, cum ubiq; gentium tot peregrinantibus recipiendis hospitia liberaliter extructa, dotata, dicata videat? Aduenam (inquit dominus) non contristabis, neq; affliges eum, aduenę enim & ipsi fuistis in terra Aegypti. De asylo conscientię quid agam? Credo equidem pijs Christianis sub Persa miserrimę viuentibus licere, si possint, peregrinandi nomine & prętextu subterfugere, deumq; verum in terra sancta adorare. Hoc licuit Iudeis sub Pharaone oppressis, cur Christianis igitur non liceret? Saba peregrinata est vt audiret Salamonē, tres reges stellā ducti vt viderent Christum: Sequitur, quod peregrinatio sit fæderatarum ciuitatum vnio & quasi vinculum; hoc verò inde liquet, quia hæc ciuitatum conspiratio esse non potest sine honorificis legatis vltro citroq; missis: at in legatis maximę vsus peregrinationis ciuili cernitur. Postremò speculum est mortaliū in hac vita, quę vita nihil aliud est quàm ipsa peregrinatio & transitus ad futuram, in qua bene peregrinantibus gloria, ignauis verò & tardis ignominia datur. Cōcludo igitur peregrinationem vtilem, imò necessariam esse ciuitati, & propter salutem ciuitatis, & propter sanctitatem ciuium, & propter ingeniorum cultum, & propter experientiam rerum, & deniq; propter necessitatem mercatorum, quibus causis addo illas quinq; quas modò breuiter & dilucidē addidi & adumbraui.

Distinctio primę quęstionis.

Verum classis bellica & nauales copia sint omni Metropoli necessaria?

Vsus classicę & naualis pugne probatur necessarius propter

Perpetuam defensionem vrbis,
Facilem expugnationem hostis,
Conseruationem vicinę gentis,
Augmentationem honoris, qui à re nulla magis quàm à classe probè instructa pender.

Opp.

Opp. Nautica potentia audaciam, audacia temeritatem, temeritas seditionem, seditio deniq; tristia bella & euenta gignit: ergo nautica potentia tristia bella & euenta gignit. Prima partes huius sortis in textu probantur, quia nautici (vt docet Philosophus) vsu maris feroces facti omne legum morumq; iugum cernicibus suis facile excutiunt. Quo dato sequitur non esse vtile vt ab vrbe naualis exercitus aleretur.

Resp. Et si nautici pleriq; sint quidem consuetudine vitę feroci-
ores, vt Martis agnoscas filios, cum tamen illorum ferocitas sit ne-
cessaria, potius legibus & prudentiā magistratuum est emollienda,
quàm illius defectu extinguenda ciuitas. Praterea negamus nau-
ticam potentiam ordine & ratione institutam audaciam, temerita-
tem aut seditionem gignere, imò affirmamus potius illam hæc mala
ac monstra à ciuitate pellere & arcere.

Ferocitas nau-
ticorum ne-
cessaria.

Opp. Nautica potentia non est necessaria vrbi: ergo malè hoc loco eiusdem necessitas ponitur. Antecedens est expresse in textu, nam hæc sunt Arist. verba. Ingens hominum multitudo quę versatur in negotio & instrumento nautico ciuitatibus necessaria non est.

Resp. Intelligit per ingentem illam hominum multitudinem quę in mari versatur, nauticam turbam quàm à catalogo numeroq; ciuium excludi voluit: non ergo sequitur hoc argumentum, nam quāuis non est necessarium vt nautici sint ciues, illorum tamen potentia & copia possunt existere necessaria.

Opp. Præfetti nauium antè ab Aristotele inter primarias partes annumerantur: ergo videtur contradicentia dicere cum iam id ipsum neger.

Resp. Quidam respondent hoc loco non excludi à libertate ciuitatis præfectos classis, sed immanem turbam ac multitudinem nauticorum. Alij verò respondent illos non excludi à communi & mixta politia, sed ab optima ciuitatis forma, de qua hoc loco agitur. Verumuis responsum probabiliter adhiberi potest.

Opp. Nauicularij maximis periculis se reipublica causā obiciunt: ergo indignum videtur illos à libertate ciuitatis nomineq; ciuis penitus excludere.

Resp. Fatendum quidem est eos qui in tumultuoso mari versantur grauissima vitę & fortunarum discrimina subire, ratio tamen

Rr

non

non inde sequitur, quod ea de causa maximis civitatis honoribus ac beneficijs fruerentur: nam sic iuxta probari potest servis à natura maximas urbis dignitates deberi, quia illi quidem maximè laborant. Sed respondemus nauticis multa beneficia, multas immunitates ac privilegia multa concedi debere, hoc tamen non permittit Philosophus, ut in senatum tanquam consules ac patricij viri permittantur.

Nauticis privilegia danda sunt, sed non sunt admittendi in senatum.

Distinctio secundæ questionis.

An Peregrinatio sit utilis?

Vilem esse peregrinationem probant	Salus civitatis, nam hoc modo tutior redditur.
	Sanctitas morum, nam alienis moribus legibusque perspectis & meliores & cautiore efficiuntur ciues.
	Cultus artium, nam hoc modo augentur magisque splendescunt scientiæ.
	Utilitas rerum, qui peregrinatione maximè acquiritur.
	Necessitas mercatorum, quorum opera & peregrinatione suis defectibus medetur civitas.
	Oppressorum subsidium, quo evitatur furor.
	Miserorum hospitium, quo lenitur calamitas.
	Conscientiæ asylum, quo animus deo consecratur.
	Confederatarum civitatum vinculum, fœdus & fides, quæ legatorum operâ servantur.
	Speculum mortalium, in quo qualis sit hæc vita in via ad aliam cernitur.

Opp. Tria magna incommoda peregrinatio in civitatem vehit, nempe corruptionem morum, mutationem legum, contentionem civium propter nimiam peregrinantium multitudinem: non est ergo peregrinatio utilis reipub. Antecedens à Philosopho in fronte huius cap. innuitur. Ratio constat, quia his monstris in civitate conceptis & creatis, necesse est ut civitas lethale vulnus ferat, quippe corruptio morum perniciem, grande periculum legum mutatio, discordia civium interitum civitatis secum apportat.

Resp. Non ex peregrinatione civium, sed ex admittance, morum & confusione peregrinorum hæc mala enasci & procudi docet Philosophus: non ergo peregrinationem utilem esse negat: sed nimiam morum & multitudinem peregrinantium qui in urbibus diu morantur & veluti in sinum admissi civitatis mores sapè inficiunt, nec non viribus

viribus auctis res magnas audacius tentant: ceterum hac nunquam aut saltem raro ciues nati & germani agere nitentur.

Opp. Vix toleranter insaniunt meo iudicio qui fertiles agros in proprio possessos spinis ac vepribus tabescere & suffocari sinunt, ut alienos eosdemque steriles & effatos colant: videntur ergo peregrinantes olcum ac operam perdere qui patriam quæ est gratissimum solum deserunt, ut alienas terras illis quidem non matres sed novercas erraticè atque spaciose peregrinando admirentur.

Resp. Similitudo non tenet: nam peregrinantes à nobis descripti patriam incultam non deserunt, alienas gentes ac civitates non ideo salutant ut easdem colant & admirentur, sed idcirco instituta est peregrinatio ut multis & magnis rerum arcanis sapienter notatis ipsedemque peregrinantium opera veluti in tabula conscriptis respublica beator & fortunatior fiat.

Opp. Fragilis & flexibilis est natura hominis, verendum, ergo est ne peregrinantes premijs aliarum nationum allekti capitale odium in patriam concipiant, eandemque reuerſi aut peregrinis moribus contagiose inficiant, aut cum hoste diutius morati armis nefarijs seditiose innuadant. Horum utrumque (si diuinis & sacris credamus) 3. Reg. 12. roboꝝ ex peregrinatione in Egyptum contigit, nam tandem reuerſus patriam suam tyrannide oppressit, populumque ad vitulos Egyptiorum Deos adorandos traxit.

Resp. Fatendum est flexibilem & quasi ceream esse naturam humanam eandemque solis radijs verbisque & minis citò principum liqueſcere, rarissime verò ista affectuum procella in graues & prudentes viros (quos hic solum admittimus) cadit, si autem semel bis ternè cadat unius aut alterius scelus tam nobile bonum civitatis non perderet.

Opp. Alexander dum Persas non inuicit modo sed vicit, linguam, cultum, mollitiam, Persa non natus, sed factus est. Hannibal dum Capuam cepit, à Capuana captus in amore languet. Antonius pro Cleopatra oblitus est patriam, suamque ipsius animam misere effudit. Circes veneficia peregrinantes Ulyſſis socios in porcos transformarunt; auscultantes sibi Syrenes impulerunt in Syrtes, quid multis? Et se & suos obliuiscuntur qui peregrinam Loton, ut est apud Homerum, gustant: peregrinatio ergo plus mali quam boni civitati adfert. (Odys. gressus

gressus enim sapientum confert prudentiam non montes aut maria, ut Erasmus ex Laertio probat.

Resp. Umbra hac est argumenti & pondus idem cum superiore habet, nam quamvis aliqui in flore atatis peregrinantes dulci veneno capiuntur, graues tamen & prudentes viri, ut modo diximus, ut Circes poculis syrenum cantilenis ab aureo vellere quod quarunt, rarissime possunt auocari. Ratio est, quia ut in illis affectuum faces ardent propter atatem: ita in his edomitis cupiditatibus senilis prudentia & prudens senectus uiuit.

Opp. Famâ celebres & excellentes olim respub. seueris legibus omnem peregrinationis usum sustulerunt: est ergo verisimile non esse necessariam reipub. ut hic pratenditur. Antecedens constat, quia Lacones & Cretenses tam ad se omnem aditum legatis quam a se omnem portum peregrinari uolentibus inusserunt occludi ac prohiberi.

Resp. Insignes illa respub. non funditus peregrinationis usum sustulerunt (ut hic tu ais) sed tumultuante hoste sapienter quidam portus ac portas suas occluserunt, ne ab iisdem tanquam ab equis Troianis hostiles insidia & prodiones in urbes reperent motumq; seditionis excitarent. Alij respondent historicam solum non Philosophicam peregrinationem in illis ciuitatibus prohiberi. Historica peregrinatio est eorum qui varias urbes perlustrant ut aliquid se uidisse præ ceteris gloriari possint; atq; hi cælum non animū mutant, hi solum in itinere artem ac priuilegium portentose mentiendi acquirunt. Philosophica peregrinatio est eorum qui sapientiam aut experientiam sibi proponunt, hoc uero nulli negatur.

Opp. Marcus Tullius senator pene sexagenarius proconsul Sicilia dehortatur Calium Rufum a peregrinatione hoc modo. Urbem mi Ruse cole, & in ista luce uine, omnis enim peregrinatio (quod ego ab adolescentia indicauit) obscura & sordida est ijs quorum industria Roma potest illustris esse, quod cum probè scirem utinam in sententia permāsissem: uidetur igitur M. Tullius ab adolescentia ad senectutē usq; omnem peregrinationem obscuram & sordidam indicasse.

Resp. Suadet Calio Edili iam Curruli ut urbanos magistratus honoribus provincialibus longè praeponat, atq; ita quidem multo utilius esse puto (quia in repub. multa sunt promincia) in ea prudentiam

Plutarch.

am pleno de flumine haurire quā in prouincia paruos quasi riuulos peregrè degustare. Comparatè igitur non simpliciter de peregrinatione hic loquitur orator; quod hinc constat, quia antequam munera publicè suscepisset uel ob atatem capere potuisset, peregrinatus est ipse in Graciam ut augeter eloquentiam & prudentiam, quod quidem praeclare sub ea peregrinatione perfecit: nam Atticam sacundiam ipsumq; quasi Palladium Graca sapientia in forum & Capitolium Romanum duxit, statuamq; eternam eloquentia diuina Palladi in senatu finxit & consecrauit.

CAP. VII.

Utrum in temperatis regionibus ac climatibus mundi habitantes sint ad praxim politica scientia omnium docillimi?



E urbis fine, materiâ, situ & mensura satis iam disputatū est, nunc agendum est de qualitate, quam hic Philosophus partim in moribus ciuium, partim in viribus cœlestium corporum collocandā putat. Memini me anteâ pauca de officio magistratū quoad climatū siderumq; rationē, motum ac influentiā disputasse, ibiq;

Qualitas ciuitatis vel in moribus ciuium vel in viribus cœlestium corporum collocatur.

docuisse ad eos pertinere plurimū ut sciant sub quibus cœli partibus & aspectibus versantur. In hoc enim principes viri cuiusq; nationis philosophari debēt, ut (mediocri scientiâ in descriptione mundi, in cōtemplatione cœli comparatâ) accuratius demū intelligāt quibus rebus suos subditos & ciues accomodent: nā plerumq; mores animi nō solū corporis temperaturam & affectū, sed etiam influentiam & aspectū cœli impressum sentiunt. Hinc qui sub altis & frigidis climatibus mundi nascuntur, homines cordati satis, sed minūs ingeniosi; qui uero sub imis & torridis partibus degunt, ingeniosi satis sed minūs cordati & audaces fiunt. Sequitur ergo illud quod maximè in quæst. urget Arist. nimirum (eos qui in tēperatis ac medijs regionibus mundi versantur) esse quidem ad politiam natos, quippè vtriusq; tēperature participes facti & fecerunt.

Mores animi cœli influentiā sequuntur.

Quæstio. Qui in temperatis regionibus nati ad politiam apti sunt.

Rr 3

roce

rorem inquit atq; animosam & solertem atq; ingeniosā naturam habent; pro exemplis in textu sunt Europa, quā frigidam & animosam; Asia, quam calidam & solertem; Græcorū politia, quam mediam & vtriusq; compotē esse definit Arist. Græcos ergo ad praxin politicæ sciētiæ hoc est ad prudentiā & animositatē docillimos esse hīc confidenter affirmat. Sed hęc meo iudicio generatim de climatibus & qualitatibus cæli ab Arist. dicuntur, nam statim hęc verba addit, Eodē etiam modo inter se differunt Græcorum nationes, alię enim ingenio præditę sunt mero ac simpliciter; alię ad vtrāq; vim benē temperatę. Quasi diceret non sunt tantū totius mundi climata & spacia sed varię singularū nationū plagę ac loca cōsiderāda, nā sæpē euenit vt in vnius eiusdemq; imperij ac nationis circulo multifariā populus tā in corporis q̄ in mentis dotibus afficiatur, exempli causā; Borealis plaga nostrę regionis robustiores corpore, australis verō infirmiores gignit; qui autē in cētro ipsius regni viuunt mediū quasi inter hęc duo extrema tenēt. Sed dices quare boreas fortes & armatos, quare auster molles & togatos facit? Respōdeo, quia boreas impensē frigidus intus corporis calorē pellit, & quia auster impēse calidus internū calorē plurimū dissoluit; cōceptus enim calor animositatē, euocatus debilitatē parit: hinc boreales strenui & bellicosi, hinc australes infirmi sed ingeniosi habētur. Quippe qualis est humorum in corpore partiūq; proportio, talis est in ipso animo vis, motus & affectio; nā animus in hoc trūco corporis multū ab externo aere, multū à cælo, multū ab ipsa materiā pendet: ratio est, quia omnia vt docet Philosophus per sensuū quasi media & instrumenta sapit. Vidit sed per oculū, audit sed per aurem, tangit etiam sed per manum, immo quod maius est intelligit & ratiocinatur sed per phantasia & phantasiā: magnā ergo vim habet loci, aeris, corporis cæliq; actio seu dispositio, si mores populi & affectiones spectes. Quare qui rectē hęc à nobis disputata animaduertērint, intelligent illi quidem praxim & opus politicę sciētiæ non ineptē ad Græcos eosq; qui mediam totius mundi aut regionis alicuius plagam inhabitant referri. Nā attende, tria sunt

Non tantū climata totius mundi sed varię singularū nationum plagę considerandę.

Boreas calorem intus pellendo fortes, Auster verō calorem dissoluendo debiles reddit. Animus in hoc corpore per sensuum media & instrumenta sapit.

sunt quę hoc efficiunt, optima constitutio corporis, saluberrima dispositio aeris, benignissima influentia sideris: in medijs enim climatibus ac regionibus mundi complexio hominum maximā ex parte sanguinem, aeris dispositio proportionem sanguinis, cæli aspectus sanguinis augmentum & conseruationem respicit, sed sanguis est pabulum cordis, quo viuere; est vehiculū mentis, quo sapere & sentire dicimur. Nā dum animus est actus corporis tam diu sanguinis motu & pulsu agitur, quo ergo purior est sanguis eo subtilior est spiritus, quo spiritus subtilior eo mens ipsa diuinior & excellentior dicitur, non quod animus non sit immortalis, si absolutē consideretur, vt est spiritus, sed quod ab organis & humoribus dependeat, si comparatur ad corpus cuius forma & actus primus definitur. Huc tendunt hęc omnia, quod frigide zone & climata mūdi homines magnanimos sed rigidos, quod torride ingeniosos sed timidos & meticulosos efficiant, qui verō medias partes & temperatas colunt, & martis & artis periti ad praxin politicæ docillimi aptissimiq; habentur. Nam complexione corporis, dispositione aeris, cæli constellatione ad prudentiam & magnanimitatem sunt propensiores, at hę due virtutes homines insigniter politicos reddunt, nam prudentia prospicit futura, apprehēdit media, dubia quę occurrunt facile dissoluit, magnanimitate autē quę sunt prudenter incepta feliciter perficiuntur omnia. Sed dices quomodo tum Græci & Romani qui sub hoc aspectu & zonā viuunt sua gloriosa amiserunt imperia? Respōdeo figurā & aspectum cæli solū inclinare ad hoc opus, voluntatem autē perficere: sed Græci & Romani naturę inclinatione fortes & ingeniosi, spōte ignaui & otiosi euaserūt, suisq; delicijs mācipati perdiderunt imperia: Suadet ergo Arist. vt legum-latores & magistratus potius virtutis formam quā figuram cæli contemplantur, vtq; ad eius nutum ciuium mores cōfingāt & instituant. Nam etsi Græcos climatis temperies fortes & politicos, Asianos autē in eadem solertes timidosq; fecit; consuetudo tamen naturę hunc cursum alterauit: plurimū ergo viuendi & administrandi ratio à prudentia magi-

Tria sunt quę efficiunt eos, qui mediam plagam incolunt aptos ad politiam.

Animus absolutē consideratus vt spiritus est immortalis vt ad corpus comparatur ab organis & humoribus dependet. Prudentia & magnanimitas politicos reddunt.

Formam virtutis potius quā figuram cæli contemplari oportet.

Magistratus
esse debent
acri ingenio
ad cogitan-
dum, feroci
animo ad
audendum.

Ab amicis læ-
di & vulnera-
ri graue.

stratus pendet. Qui verò magistratus esse contendunt in ciuitate, & acri ad cogitandum ingenio, & feroci ad audendum animo esse debent, non tamen sicut Plato docuit nempe ut sint notis mites & agni, ignotis canes ac infesti; si enim ullus ardor animi in illis sauiet, potius in notos si sint iniusti, quam in ignotos si non sint iniuriosi, accendi & inflammari debet. Quippe notos vi quadam animi diligimus, ab illis ergo lædi, ab illis vulnerari vulnus inmedicabile haberi solet: hinc Archilochus poeta ille Lacedæmonius de amicis querens, sic animum suum alloquitur,

Nonne appetebant iugulum amici ipsi tuum?

Præterea natura & experientia hoc docent esse verissimum, quod notorum imò fratrum odia sint quidem maximè intoleranda. Quamuis ergo magnanimi, feri & asperi in neminè esse debent, (siquidē in illis nihil est laudabilius placabilitate atq; clementiā) si tamen à nobis & amicis in eos contumelia fluat, in illos seuerius quā in ignotos & peregrinos feruntur.

Nam bella fratrum sana, pugnaq; aspera,

Qui valde amârunt, odia gerunt acerrima.

Et hæc quidem apparent in Abelo & Caino, in Iacobo & Esau, in Romulo & Remo, in Eteocle & Polynice fratribus & filiis Oedipi (nam ex sua ipsius matre viperas istas genuit) qui ut ferunt, sic viui se mutuò oderūt, ut mortui & in ignem positi se ipsos flāmis diuiserint. Notos igitur & amicos maximè verò nobiles & primarios viros cauere oportet, nè ex amicis inimici facti se capitali odio prosequantur, nam Astiages Harpago, Atreus Thiesti sine cæde & sanguine conciliari nolunt.

Distinctio.

In temperatis climatibus ac regionibus mundi habitâtes probantur esse optimi politici, quia in illis est

Optima constitutio corporis,
Saluberrima dispositio aeris,
Benignissima influentia sideris,
Maximè æqualis participatio vtriusque extremitatis, quæ omnia aciem animi plurimum acuant & ad prudentiam atq; magnanimitatem propensiores reddunt.

Opp.

Opp. Errauit Arist. de climatibus & regionibus mundi: ergo de illis rectè quoad ciuitatis vsum disputare non potuit. Antecedens probatur, quia ille neq; sub duobus arcticis circulis propter immanitatem frigoris, neq; sub torrida zona propter immanitatem caloris ullum populum habitare posse somniavit: sed Oceano iam perlustrato hoc falsum esse experientia docet.

Resp. Error hic non solum Arist. sed Ptolomæi & omnium ferè astrologorum fuit, argumentum tamen hoc negatur: nam et si loca singula non nouerit, eorum tamen qualitates ex generali contemplatione climatum optimè descripsit.

Opp. Generalis ista cognitio de moribus hominum est nimis confusa: ergo non rectè traditur. Antecedens patet, quia ex generali regula certa in singulis regionibus morum non nascitur scientia.

Resp. Non requiritur certa scientia, satis est si sit probabilis coniectura: at talis ex hac generali cognitione iam assignatâ facile colligitur, si partes singularum regionum secundum plagas mundi distribuuntur.

Opp. In praxi politica scientia fortitudo requiritur: sed in frigidis nationibus magis fortes & animosi reperiuntur homines quam in temperatis: ergo potius in frigidis quam in temperatis regionibus nascuntur politici.

Resp. Ad praxim politica scientia non solum fortitudo sed etiam prudentia requiritur: sed in temperatis regionibus habitantes utriusq; virtutis compotes magis sunt. Præterea negamus in frigidis nationibus magis fortes reperiri, nam in illis potius robur quam fortitudo dicitur.

Opp. In calidis regionibus viuaciores, subtiliores & prudentiores reperiuntur homines, ut hic fatetur Arist. ergo aptiores ad munera ciuitatis.

Resp. Quamuis prudentiores & subtiliores in calidis locis reperiuntur, sunt tamen plerumq; imbecilles & meticulosi: minus ergo apti ad ciuitatem quam qui in medijs habitant.

Opp. Virtutes mentis sunt, non regionis, non cæli influentis: ergo inconsideratè contrarium hoc loco insinuat.

Resp. Virtutes mentis sunt perfectæ, regionis & cæli inchoatæ:

Rr 5

in

in illa enim splendent, ab his tamen quodam modo fluunt. Nam ut imbres terram aptam ad fecunditatem: ita benigna cœli & regionis vires hominem propensum ea docilem ad virtutem capeffendam reddunt.

Dubium.

An iure seuerius in notos si peccent, quàm in ignotos animaduertere liceat?


Opp. *Natura (ut hic docet Arist.) amorem quendam erga notos genuit: ergo seueritas illa in notos non est iusta.*

Iniuria ab amicis illata duplicem penam meretur.

Resp. *Amare notos natura docuit si nullam iniuriam agant, ceterum iniuria ab illis illata duplicem meretur penam, unam quia amicos fallunt, alteram quia ledunt: fallunt, quia aliud ab illorum amicis expectatur: ledunt, quia loco amicitiae damnum infertur.*

CAP. VIII.

Utrum omnia (sine quibus constare non potest ciuitas) sint vere partes ciuitatis?



Vide cap. 4. Hæc pars quatuor tractatus in se continet.

ALI A pars & sectio huius libri (in qua de proxima materia & instrumentis ciuitatis agitur) ab hoc cap. octauo initium habet; remota materia regio est, proxima autem ipsorum ciuium varia multitudo. Hæc pars seu tractatio quatuor habet capita, in primo rerum necessariorum enumeratio, in secundo verarum partium vsus & distinctio, in tertio ipsi cultores & possessio, in postremo mœnium, fontium, aliorumque operum (quæ ad cōseruationem ciuitatis spectant) descriptio explicatur. Primum in hoc cap. mouetur questio, Utrum omnia (sine quibus constare non potest ciuitas) sint vere partes ciuitatis? Negantem partem questionis hic tenet Philosophus, eamque tribus argumentis probat, nimirum à comparatione ciuitatis cum operibus naturæ, à notatione partium, & ab ipsarum inter se distinctione

distinctione respectu finis: primum argumentum sic se habet. Quemadmodum fit in effectis naturæ, ita in hijs ex quibus consistit ciuitas: sed multa sunt in illis necessaria quæ non sunt partes, ut cibus, potus, somnus animali: ergo multa sunt in ciuitate necessaria quæ non sunt partes ciuitatis, ut artificum instrumenta, serui, agri, pecuniæ & his multa similia: at sine his constare non potest ciuitas: ergo omnia (sine quibus ciuitas constare non potest) non sunt partes ciuitatis. Secundum argumentum à notatione partium sic est. Omnes partes aliquid commune habent cum toto in quo communicant: sed omnia quæ sunt necessaria in ciuitate non habent aliquid commune in quo communicant: ergo omnia necessaria ciuitati non sunt partes ciuitatis. Maior constat, quia omnes partes rei naturalis habent totius formam cōmunein, exempli causa; partes animalis animam à qua suas vires, motum, & officia petunt: sed multa sunt necessaria ciuitati quæ in anima & forma (ut ita loquar) ciuitatis nihil commune habent, ut serui, opes, & instrumenta, quæ non sui, sed gratiæ sese vtentium in ciuitate adhibentur. Postremâ ratio hoc modo formatur, Quæcunque in fine ciuitatis communicare non possunt, non sunt per se partes ciuitatis: sed multa sunt necessaria ciuitati quæ in fine eiusdem communicare non possunt: ergo multa sunt necessaria ciuitati quæ non sunt partes ciuitatis. Maior constat, quia omnes partes ad formam totius à qua motionem, & ad finem à quo perfectionem habent reducuntur. Minor probatur, quia serui aliaque multa de quibus modò diximus sunt quidem ciuitati necessaria, & tamen non communicant in ciuitatis fine. Sed finis (inquit Philosophus) ciuitatis est multiplex, nam alij sibi proponunt optimum virtutis vsum, vnde aristocratia & regnum; alij opes, vnde diuitum potentia; alij libertatem, vnde democratia seu status popularis nascitur. His iam decisis ac definitis sex valde necessaria ad omnem ciuitatem paucis demonstrat, quæ nominatim sunt alimonia, artificia, arma, pecuniæ, sacra, iudicatio. Vnde colligitur quod in vrbe necessario requirantur agricolæ, artifices, milites, opulenti, sacerdotes

Sex necessaria ad omnem ciuitatem.

cerdotes & iudices, ut Sesostris rex Aegypti primusque author huius partitionis olim præclare docuit. Cibi comparatio ad agricolas & pastores, instrumentorum confectio ad artifices, armorum usus ad milites, diuitiarum supeditatio ad locupletes, sacrorum procuratio ad sacerdotes solum, iudicatio & ad tribuales iudices, & ad curiales senatores consultoresque; pertinet; nam consultare est de rebus honestis & utilibus iudicare: hæc inquam omnia sunt adeo necessaria ut sine illis ciuitas nullo modo constare aut florere possit. Nam sine victu & alimento ciues non viuunt, sine instrumentis artes non exercentur, sine armis nec contumaces & seditiosi in ordinem coguntur, nec hostium impetus & iniuria propulsatur; sine vi pecuniæ nec splendor domesticus, nec decus urbis, nec subsidium rei militaris queritur; sine sacerdotio (quod in primo loco ut hic docet Philosophus ponendum est) nulla religio, sine religione nullus Dei timor, sine timore Dei nulla iusta actio, nullus probè viuendi ordo in ciuitate manet: quid multis? Sine iudicio & Iudice tribunalia, leges, nec non ipsa iustitia silent, omniaque malè succedunt & peruertuntur omnia.

Distinctio.

In hoc capite ab- soluuntur duo, sci- licet	Quæstio, in qua probatur quod omnia necessaria ci- uitati non sint partes ciui- tatis, ut patet argumentis à	Comparatione animalis ac ci- uitatis.		
		Notatione partium commu- nicantium in totius forma.		
	Enumeratio eorum quæ sunt ad omnem ciuitatem necessa- ria, hæc autem sunt,	Consideratione finis ad quem partes reducuntur.		
		Alimonia, Artificia, Arma, Opes, Sacra, Iudicia:	Agricolas Artifices Milites Opulètos Sacerdot. Iudices & senatores	spe- ciatim
Opp.	Quæcunq; sunt ita			

Opp. Quacumque sunt ita necessaria ut sine iis res esse non possit, sunt partes rei: ergo falsum est quod hic docet Philosophus, nempe esse quadam necessaria sine quibus ciuitas esse non potest, cum tamen neutiquam sint partes ciuitatis. Antecedens probatur, quoniam

Sepulue. in
hoc cap.
Consultare
est de rebus
honestis &
utilibus iudi-
care.

quoniam quacumque sunt ad essentiam rei necessaria sunt solum principia, ut alibi docet Aristoteles, sed principia rei sunt partes: ergo omnia quæ sunt necessaria ad essentiam ciuitatis sunt quoque partes ciuitatis.

Resp. Non solum esse essentia ut loquuntur, sed esse existentia hic intelligit Philosophus, quacumque ergo sunt necessaria ad essentiam ciuitatis sunt ipsa principia & partes, ut ciuium multitudo & ordo: sed quacumque sunt necessaria ad bene esse, hoc est ad existentiam, completa ciuitatis non sunt semper principia ac partes, ut serui, possessio, leges, aliaque per multa quæ ab Arist. recensentur.

Opp. Instrumenta rei sunt partes: ergo male serui, pecunia & adificia (quæ sunt instrumenta ciuitatis) partes eiusdem esse negantur. Antecedens patet, quia ut manus & sensus dicuntur instrumenta & partes corporis: ita pecunia & serui sunt instrumenta & partes ciuitatis.

Resp. Non est similis ratio & proportio utriusque, cum organa corporis in eiusdem forma communicent, instrumenta vero urbis in forma ciuitatis non communicent. Præterea affirmo instrumenta partes per accidens (ut aiunt) & metaphorice, non autem per se & vi sua dici.

Opp. Pecunia non sunt necessaria ciuitati: ergo sex illa quæ recensuit Aristoteles non sunt necessaria. Antecedens probatur ratione & exemplo: ratione, quia pecuniarum nulla est satietas; exemplo, quia à Lycurgo omnis pecuniarum tollebaturs usus.

Resp. Pecunia non hic sumitur solum pro impresso auro & argento, sed pro qualicunque mensurâ & medio rerum commutandarum, at sine pecuniâ sic acceptâ ciuitas omnino esse non potest.

Opp. Principes sunt præferendi sacerdotibus: ergo male in textu sacerdotum ceteris omnibus præfertur. Antecedens constat, quia principes sunt ipsa anima & oculi ciuitatis, imò (ut alibi docet Philosophus) sunt tota ciuitas.

Resp. Præferendi sunt principes rerum ciuiliu iurisdictione, præferendi autem sacerdotes rerum diuinarum ordine; sunt enim principes summi magistratus ciuitatis, sunt sacerdotes legati Dei & primæ interpretes veritatis. Theodosius enim res urbanas, at Ambrosius res sacras & Deo consecratas tractat.

Sola principia
& partes ne-
cessaria ad esse
alia verò ad
bene esse.

Pol. 2. c. 7. Po-
lib. hist. lib. 6.
Pecunia pro
medio rerum
commutanda-
rum.
Plat. 5. de leg.
Pol. 1. c. 6. Plin.
1. 33. ca. 3.
Pol. 4. cap. 4.
& 14.
Principes
sunt præfe-
rendi rerum
ciuiliu iuris-
dictione, sa-
cerdotes re-
rum diuinaru
ordine.

CAP. IX.

An sordidi artifices creari possint sacerdotes? Quâq; ætate sacerdotes sint initiandi?



DONIAM nihil in hac mea interpretatione Arist. aut otiosè prætermittere aut temerè præcipitare apud me proposui, ea quæ sunt in hoc ca. vel minùs necessaria, vel satis demù per se perspicua non sunt negligentiùs omittenda; succinètiùs tamen & pressius hoc loco agâ, ne ex mure leonè, ex colle montem fingam. Egit

Cap. 8.

Vide pol. 4. c. 4.

Idem potest esse agricola, artifex, miles, diues, sacerdos, consul in democratia, non in oligarchia & aristocratia.

Agricolæ, artifices, mercatores propriè non sunt partes optimæ ciuitatis; milites, iudices, sacerdotes sunt.

Pol. 3. cap. 3. Cap. 6. lib. 7.

(vt vides) Philosophus de sex operibus necessarijs ciuitatis: omnia quæ sunt necessaria non ideo partes esse, quia sunt necessaria ostendit; nunc sex ista accuratiùs discutit, quædam ex illis partes esse, quædam partes non esse concludit, & vt verbo exponam singula, hæc summa est eorum quæ dicuntur. Primum quærit Arist. vtrum sex ista sint omnibus & singulis cõmunia? hoc est, an idem possit esse agricola, artifex, miles, diues, sacerdos, consul? In populari potentia seu democratia potest (inquit) sed in oligarchia optimoq; statu reip. non potest; nam in illis distincta sunt munera ciuitatis, distincti ordines & classes ciuiũ. Hinc sequitur in textu quædam expositio partium, nempe quod in optima ciuitate (de qua hîc solum agitur) sint tantũ boni & iusti viri ciues, (nam in hoc statu idem est bonus vir ac bonus ciuis) agricolæ ergo, artifices, mercatores propriè & per se huius administrandæ formæ nō sunt partes: milites verò grauis armaturæ, iudices, sacerdotes verè partes dicuntur. Excluduntur tres illi, quia operi, arti, lucro intenti rariùs virtutem colunt, hij verò tres admittuntur quia fortes, iusti & religiosi virtutē maximè intuentur. At dices oblitus est sui Arist. nam paulò superiùs milites etiã à ciuium catalogo penitus expunxit. Erras, non omnes milites sed militum faciem & turbam nauticam, quæ ferox est, à senatu & concilio vr̃bis exclusit. His positis tria illa postrema munera (quæ

(quæ maximè ad ciues pertinent) nempe militum, iudicum & sacerdotum eisdem hominibus mandari posse affirmat, hoc tamen fieri debet diuersis ætatibus, prout hominum natura cõditioq; poscit. Iuuenibus enim officia militaria propter vires, senioribus tribunalia propter virtutes, maximis natu & quasi cineritis sacerdotia propter egregias animi doctes ascribi & concedi debent: sic ex milite aut iudice fieri potest sacerdos, sed ex artifice, agricolâ aut mercatore nullo modo; hinc quæstio est quam proposui, vtrum sordidi artifices creari possint sacerdotes, quâq; ætate sacerdotes sint inaugurandi? Verba Arist. hæc sunt. Reliquum est ex eis, quos

Idem potest esse miles, iudex, sacerdos sed diuersis ætatibus.

Quæstio.

suprà enumerauimus sacerdotum genus, atque horum quidem descriptio & ordinatio non obscura est. Nam neq; agricola, neq; illiberalis & sordidus artifex sacerdos instituendus est. A ciuibus enim deum coli decet: & paulò post, Decet (inquit) deo immortalī cultum tribuere, & ætate grandibus temporisq; spatio defessis requiescēdi licentiam dari, his videtur sacerdotia deferenda. Hinc colligo, quod in consecratione sacerdotis secundum Philosophũ consideranda sunt tria, nimirum, ordo, vita, ætas: ordo venerabilis, vita cõlectis, ætas grãdis & senilis esse debet; per ordinem omnes tutores, cauponarios, tabernarios, omnesq; illiberaliũ ac sordidarũ artificum professores; per vitã omnes sicarios & sceleratos homines; per ætatem omnes pueros & perturbationum seruos à nomine sacerdotum excludi volumus; sed in hac re primũ rationem Arist. in textu examinemus. Sordidus (inquit) artifex sacerdos instituendus non est, rationem addit, à ciuibus enim Deum coli & adorari decet: sed quid sibi velit hoc ipsum (enim)? Si formetur ratio, quomodo tandem sequitur? A ciuibus Deum coli adorari & decet: ergo tutor non debet sacerdos fieri. Rectè quidem sequitur, nam si à ciuibus Deum religiosè coli & adorari velis, tutores & cauponarios (qui religionem in contemptum trahunt) ab ordine sacro arcere debes; si ratiocinari ergo placet, sic syllogismũ confice. Vbi religio in cõtemptum trahitur, illic deus non ritè colitur: sed vbi tutores, sordidiq; artifices fiunt sacerdotess, ibi religio

In consecratione sacerdotis consideranda sunt tria.

Ratio Arist. qua probat artificem non debere esse sacerdotem.

in

Sacerdos fa- in contemptum trahitur: ergo ubi sutores sordidiq; artifices
era dans Deo. fiunt sacerdotes, ibi deus non ritè colitur: si ergo deum ritè
Sacerdotis officium. coli & adorari velis, sutores & artifices ab ordinibus sacris
Pat. de rep. exterminare debes. Præterea sacerdotis officium est munda
lib.3. tit.4. deo sacrificia offerre, sapienter dei oracula & mysteria rese-
rare, populum ipsam veritatem docere, civium animos vir-
tutum præceptis & exemplis imbuere; sed quàm præclare
rudes & imperiti (vt nè quid grauius dicam) sutores hæc fa-
ciant, nemo est tam imprudens, qui non viderit: nemo est
tam impius, qui tali commisso scelere non lugeret. Porro
quorsum Athenæ, academix, collegia, gymnasia, loca sacra
vbiq; condita & fundata fuerunt? Quorum artes studiaq; sa-
pientiæ in tanto honore semper extiterunt, si sapientibus vi-
ris relictis otiosi carnifices & fæces populi in vineam domi-
ni admittantur, qui aut tanquàm idola nihil loquuntur, aut
tanquàm monstra deprædantur in gregem? Deinceps quo-
modò res sacras honorificè vt decet, religiosè vt debent, pos-
sunt carbonarij aut bubulci tractare, qui nigris & illotis ma-
nibus res viles & sordidas modò tetigerunt? Isti potius ad pi-
strinum & haram quàm ad sacerdotium & aram nati sunt &
constituti. Sed deus bone,

Ordo sacerdotum fatuo turbatur ab omni,

Labitur & passim religionis honos.

Non Numa presbyteros tales in templa sacrauit

Prisca, sed in cunctis integra vita fuit.

Ab sit à meis dictis acerbitas, absit omnis contumelia, veniã
tamen datã, quæ author addit, addam:

Quis furor O miseri ad vos mystica sacra prophanos

Compellit? procul hinc tollite quas o manus.

Quid addam? Necessè est languere ciuitatem in qua tales sa-
cerdotes viuunt: viuunt dixi? Imò viuunt, si viuere dicantur il-
li qui nomen mortis gerunt. Sunt enim plantæ sed sine vi-
ta, fontes sed sine aqua, stellæ sed sine luce, bullæ & vn-
dæ maris quæ omni flatu in syrtes rapiuntur; gregem e-
nim pascere non possunt, nam carent cibo; docere non
possunt, nam carent arte: tales ergo (et si ambitiosè petant)

ad

Sacerdotes
indocti quid
sunt.

ad sacerdotium in Eutopiã & beata ciuitate admitti non de-
bent. Quid multis? Obeamus terras & gentes, nulla profe-
cto inuenimus exempla, nulla instituta maiorum, nulla sa-
cræ aut humanæ Philosophiæ edicta, quibus innixi istã absur-
ditatem Gryllos ad sacros ordines admittendi defendamus.
Romani & omnes apud sæculum prius gentes, suos augu-
res, aruspices, flamines, coniectores, sacerdotes viros gra-
ues, pios, doctos, sapientes habuerunt. Quid? An ethnici
in sua superstitione tam cauti, nos christiani in vera religio-
ne tam incauti & negligentes sumus? Res leuis non est, non
est lana caprina de quã nunc agimus: necessè est vt oues pe-
reant, si pastores in lupos, mulos, aut asinos transformentur;
hoc est si sordidi artifices Simone, olim Mago, iam magno
patrono per fenestram & non per ostium in ouile Christi ir-
ruant & ingrassentur. Remedium huius rei est præceptu fa-
cile (ò vtinam factu non esset difficilimum) si vocatio, proba-
tio, institutio & consecratio obseruentur: à deo enim vocari, proba-
debēt, probari debent vocati, probati verò piè institui & cō-
secrari debent sacerdotes. Sed quã ætate fortasse ais? Respo-
deo ex Arist. cum sint ætate grandiores, hoc est cum affectuū
turbine sedato iustitiã, prudentiã, pietate & sibi & alijs vi-
uere ac lucere possint: nam si Philosophus iuuenes non esse
idoneos auditores moralis Philosophiæ docuerit, quanto
melius nos pueros non esse aptos professores diuinæ philo-
sophiæ tandem opinemur? Sed

En statum multi modo spiritalem

Appetunt primis iuuenes ab annis:

Pantet tandem fatuos relicto

vinere mundo.

Nam cruda hæc ætas penè nullam aut saltem langu-
dam concoctionem virtutum habet; quippe tamer si in ea
ebulle scit sanguis, efferuescunt spiritus, tota natura in ea vi-
get: prudentia tamen consilium, deuotio, iustitia, pietas, sapi-
entia, omnesque penè virtutes frigent: Iuuenes ergo non
sunt (præsertim si in illis fomites affectuum ardeant) ad tam
sacrum officium admittendi.

ss

Distinctio

Fenestell. l. r.

Simoniam.
Remedium
huius mali in
sacerdotio.
Sacerdotes
vocari, proba-
ti, instituti,
consecrati.
Pars secunda
questionis.
Ætate gran-
des tantum
debent esse
sacerdotes.
Eth. l. r. cap. 3.
Sebastianus
Brant fol. 152.

Distinctio.

Exponun-
tur hic
duo,Partes optimæ ciui-
tatis, quæ sunt
autQuestio, An artifices
possint esse sacerdo-
tes? negat Arist. rati-
ones sunt, quiaPer se, ut milites, iudices & sa-
cerdotes, quia fortes, iusti, pii ha-
bentur.Per accidens, ut agricola, artifi-
ces, mercatores, quia operi, arti,
lucro magis quam virtutis studioCiues offendunt, (sunt intenti.
Deum & religionem in con-
temptum trahunt,

Docere non possunt,

Meliores seipsis à locis digni-
tatis impediunt,Ipsi carentes cibo & vellus &
ouem deuorant.

Pol. 4. cap. 4.

Opp. Agricola, artifices & mercatores sæpe in alijs libris pro-
bantur esse partes ciuitatis: ergo male hic negantur.Illi soli ciues
qui præ virtu-
te res alias
omnes asper-
nantur.Resp. Verum est in eo statu ac constitutione reipublice in qua vir bo-
nus à bono ciue differt, veruntamen in hac forma illi solum habentur
ciues qui præ virtute res alias omnes aspernantur: at maximam
ex parte tales non sunt agricola, artifices & mercatores, qui bo-
nem, malleum, & argentum querunt.

Pol. 1. cap. 5.

Opp. Pastores qui hic sub nomine agricolarum continentur, ap-
tiores sunt ad contemplatiuam quam actiuam vitam, ut ante docu-
it ipse Philosophus: ergo non minus quam milites partes huius ciui-
tatis dicerentur, in qua speculatio virtutis rebus omnibus præfertur.Resp. Et si pastoralis vita aptior sit ad contemplationem quam
actionem, si recte constituatur, rarissime tamen reperiuntur in agris
Tyteri, qui inter velleræ Minervam colunt, immo audaces Corido-
nes sapissime (ut olim Pan cum ipso Apolline) decertabunt. Ratio est,
quia otium corporis cum studio mentis non coniungunt. Respondeo
ergo illos minus esse partes beata ciuitatis quam milites, quia hi
actu fortes, illi corpore & animo otiosi existunt. Præterea abiectum
est seruare oves, at honorificum seruare ciues.

Opp. contra quæst.

Opp. Sapientes viri possunt creari sacerdotes: sed quidam artifi-
ces possunt esse sapientes viri: ergo quidam artifices creari possunt
sacerdotes. Maior constat, cum sapientia sit prima omnium virtu-
tiumtum qua ad theoreticam vitam requiruntur. Minor patet exemplo Eth. 6. cap. 6.
Apellus & Polycletus & aliorum, qui licet essent artifices, sapientes à
Philosopho dicebantur.Resp. Sapientia sumitur duobus modis, aut pro excellentia homi-
nis in quavis arte, & sic Apelles, Polycletus, alijs insignes artifi-
ces sapientes viri nominantur: aut pro excellentia vite secundum
mentem & rationem, ad summum verum & bonum destinata,
& sic artifices indigni sunt sacerdotum nomine, indigni ordine &
officio.Sapientia du-
pliciter sumi-
tur.Opp. Christus piscatores aliosque artifices homines penitus illite-
ratos in hunc ordinem & officium elegit: ergo licitum est sutores,
cauponarios, tonsores, & alios id genus homines (si Christum imite-
mur) sacerdotes ac ministros constituere.

Mat. 4.

Resp. Christus Deus & homo egena elementa huius mundi qui-
dem elegit, sed attende, miraculose eisdem diuersas linguas omnem-
que scientiam ac sapientiam dedit: inspirata tum fuit diuinitus sci-
entia, ut miraculis adhuc infans ecclesia cresceret: at nunc qui se
à cælo inspiratos somniant, qui in vallum suorum phantasmatum
impulsi vias & media sciendi spernunt, hi (inquam) & se & alios
plurimum decipiunt.

CAP. X.

Utum agri cultores in beata ciuitate debeant esse barbari &
serui à natura?Distributionem illam modò allatam
ciuitatis per sua genera AEgypti- Plat. in Tim.
orum, Cretensium & Italarum ex- Diod. Sic. lib. 1.
emplis atque testimonijs copiosius cap. 8.
hic enuclare contendit Arist. Seso- Herod. lib. 2.
tris (inquit) rex ille AEgypti (omniū Pol. 2. cap. 8.
antiquissimæ nationis) primus om-
nium multitudinem ciuilem in hæc
genera diuisit. Minos rex Cretæ &
ante hunc Italus (à qua Italia suum nomen traxit) conce-
nationes & sodalitia instituerunt, sed Italarum syssitia
& publica conuiuia longè antiquiora fuerunt. Ferunt
enim

enim Italum regem fuisse Oenotriæ, à quo postea Itali dicti sunt prius Oenotrij appellati: ab hoc Italo litus illud totum Europæ, quod intra Scyllaticum & Lameticum sinum est, nomen Italiæ cepit. Idem hic Italus Oenotrios, qui antea pastores & nomades erant, agricolas fecit, interque multas præclaras leges hanc vnā sanxit, vt ad subleuandam pauperum inopiam, ad honorem ciuitatis amplificandum, ad conciliandam amicitiam inter ciues, conuiuia statis anni temporibus solemniter ac publicè haberentur. Hanc legem Ausonij & Chaones (quorum illi Thyrrheniam, hij Iapygium versùs habitarunt) religiosè obseruasse dicuntur. Sed de hac re plura apud Ptolomæum, Plinium & Strabonem lege; festinemus nunc ergo ad ea quæ sequuntur. Post historicā istā diuisionis probationē quatuor hypotheses infert Arist. quarū prima est quod necessitas res vtilis, abundantia autem & sæcunditas res splendida & ornatas in ciuitatem vexerit; secunda quod in repub. probè constitutā omnia non debeant esse communia, vt censuit Plato; eorū tamen vsus sic esset vt amicitia & liberalitatis communis, vt nemo in ciuitate mēdicaret; tertia quod ad conuiuia muneraq; publica tam pauperes quā diuites accederent, illis tamē in sumptibus parceretur; vltima est sed maxima quod ad omnes & singulos sacrarū rerū procuratio spectet, summi enim, medij ac infimi deo primitias consecrarent. In prima ipsa subsistentia ciuitatis, in secunda rerum ciuiliū vsus, in tertia ornatus, in postrema finis ciuitatis cernitur: quippe duæ illæ primæ ipsum esse (vt aiunt) duæ vltimæ bene esse nobis proponunt. Res enim necessarias habere debet ciuitas vt illis vtatur, vti debet vt recreetur aliquando, sed ita recreari debet, vt in perpetuū deus & religio ante ciuium oculos in omni actione & opere ponantur; deus & religio (inquā,) quia si hæc desint, seges erit vbi Troia fuit, hoc est Babel & confusio nimis superba & excelsa cadet. Verū vt hæc quatuor fiant cōmodius, facienda est (inquit Philosophus) regionis diuisio: diuiditur autem regio in duas partes, nempe in publicam & priuatam: publica rursus distribuenda est, nempe vt vna pars eademque præcipua

Hypotheses
quatuor.

Vide pol. 2. c. 3.
Pol. 2. cap. 8.

Religionis
necessitas.

Diuisio regio-
nis in duas
partes.

cipua diuino cultui, altera conuiuiorum & comestationum vti & splendori ad confirmandam amicitiam inter ciues sit destinata. Similiter priuatorum & singulorum agri sic per sortes diuidi quidem debent, vt binę partes cuique tribuantur, altera prope urbem, altera in extremis finibus regionis: sic inquit Philosophus par erit omnium conditio, æqua securitas, & æqua sollicitudo, siue domi ad mænia, siue foris ad extrema regionis cum finitimis sit concertandum; hoc enim modo magis solliciti erunt ciues in propulsando hoste, cum hic & illic (si hostis vincat) ipsi vulnerentur. Verū quoniam frustra sic ager diuiditur, si quales sint cultores agri hic non ostenditur; in hac postremā parte capitis paucissimis verbis, quales hij esse debent, ostendit Philosophus: hinc quæstionem moueo, Vtrum agri cultores in beata ciuitate debeant esse serui aut barbari à natura? Arist. verba hæc sunt. Eos inquit qui agrum colent maximè quidem optandum est (si optare fas est) vt serui sint, neque omnes vnus gentis, neque animosi. Parum coherentia loqueris Philosophæ, nam olim voluisti agricolas & pastores esse optimos ciues, iam autem hoc ipsum negas; statuisti cultores terræ necessarias esse partes ciuitatis, nunc verò seruos & barbaros ad hoc opus requiris. Parum tu quidem attendis; nam illic de comuni, hic de optima ciuitatis forma differui. At ne in optima ciuitatis forma expedit barbaros esse cultores agri. Quid ita? Quoniam metus est ne barbaris suis moribus ipsum statum turbent; vis ergo vt in sterquilinijs ipsi ciues sudent? Non. Quid tum? certè vt serui ad hoc opus conducantur. Id ipsum non nego, verū magis in voto est vt serui naturā non pecuniā facti hoc onus ferant: rationes ergo expone quare hoc ipsum optas. Hæ sunt, primum quia ipsa natura eos ad terram non ad cælum intuendum finxit, tum quia vasti corpore vagique animo hoc opus melius præstant, hinc quia ingenio pusillanimi nihil noui, nihil mali machinari possunt, postremo quia cibo, potu, speque libertatis solum contenti viuunt: at ciues ad cælum, ad mentem, ad consilium, ad grauiora ciuitatis negotia in hac beatā formā virtus & ordo vocant:

Quæstio.

Rationes quæ
probant agri-
colas esse de-
bere seruos.

Melius est ser-
uos & barba-
ros à natura
ad opus rusti-
cum destina-
ri quàm ciues
& liberos.
Pol. 2. c. 7. & 8.
10.9

cant: melius ergo est seruos & barbaros à naturâ quàm ciues
mente, consilio, virtute liberos ad opus rusticum destinare.
Huc adde quòd antiqua consuetudo multarum gentium
hoc probet, nam Athenienses, Cretenses, Lacedæmonij su-
os Periæcos seruosque finitimos, Romani suos Samnitas, Is-
raelitæ suos Gabaonitas ad cædenda ligna & comportandas
aquas habuerunt.

Distinctio.

Constitit
hoc cap. in

Historicâ expositione diuise ciuitatis per sua genera,
ad quam illustrandam antiquissima exempla Egyptio-
rum, Cretensium & Italarum adducuntur.

Analyticâ demonstra-
tione propositæ quæsti-
onis à

Natura serui.
Figura corporis.
Defectu mentis.
Vsu ciuitatis.
Consuetudine antiquitatis.

Opp. *Ægyptios omnium mortalium antiquissimos ac primos
vocat in textu Philosophus: ergo videtur initium mundi contra
seipsum posuisse, nam si sint antiquissimi illis priores non existi-
tere.*

Resp. *Non simpliciter de antiquissimis in naturâ, sed de primis
& antiquissimis in politia hoc loco agitur. sed de antiquitate Ægyp-
tiorum secundum naturam contentione illam pulcherrimam inter
Scytham & Ægyptum apud Iustinum lege.*

Opp. *De conuiuijs satis superius dixit Philosophus: ergo otiose
hic de eorum antioribus & usu iterum disputauit.*

Resp. *Hic obiter ex occasione diuisionis, illic verò ex proposito &
instituto agit.*

Opp. *Longa itinera tadium gignunt: ergo videtur absurdum
ut priuatorum agri in extremis partibus regionis constituentur.*

Resp. *Hoc agitur ut maius periculum euitetur, nam hoc modo
(ut ait Philosophus) equitas iustitiæq. magis seruatur, & maior est
ciuium ad bellum cum finitimis suscepta concordia, paratiorq. via
ad resistendum, si hostis insidias struat.*

Opp. contra quæst.

Opp. *Ciues fideliores sunt ciuitati quàm serui aut barbari
alterius*

alterius gentis: ergo tutius est ciues quàm seruos & barbaros cul-
tores terre constituere.

Resp. *Tales barbari & serui de quibus hoc loco agimus sciunt
probe tactare rastrum, ignorant improbe violare fidem: nam si ci-
bum dederis, si spe libertatis allectaueris, opus strenue agunt, & à
saginando sterquilinio terra nunquam desistent.*

Opp. *Experientia docet quòd serui citissime fiant contumaces,
insolentiusq. in dominos serantur: verendum ergo est ne isti cultores
barbari moliantur ciuitati insidias, eamq. subuertant ut olim Sam-
nites & Hetrurij Romam.*

Resp. *Circumcidi debet seruorum potentia, frangi sunt illorum
faucibus iniiciendi: requirit ergo hic Arist. ut sint pusillanimes, ne
quicquam mali audiant: ut sint inertes & sine ingenio, ne rebus
nouis studeant.*

CAP. XI.

*Virum vrbes orientem & septentrionem versus sint salubrius
sitæ quàm qua meridiem solisq. occasum spectant?
An vrbes manibus, castris, turribusq. circumcingi & muni-
ri debeant?*



VIRI sitis quoad totam regionem
satis antea, nunc verò quoad seipsam
graphicè depingitur. Est enim vrbs
vel ad alios transfusa, vel in se reflexa
& reciprocata. In hoc situ (ut hic do- In situ vrbs
cet Philosophus) spectantur quatuor res
or, salubritas aeris, belli opportuni- respectu sui
tas, ciuium actionū expeditio, aqua. considerantur
rum stantium & manantium copia: quatuor.

primum & vltimum ciuem, secundum hostem, tertium to- Quæstio 1.
tius ciuitatis bonum commune spectat. De primo & vltimo Salubritas à
prima mouetur quæstio, An vrbes orientem & septentrio- duobus ele-
nem versus sint salubrius sitæ quàm quæ austrum solisque mentis aqua
occasum spectant? Salubritas hæc de qua nunc agimus & aere præci-
puè pendet.

à duobus præcipue elementis penderet aere & aqua, ille enim in precordia, hæc in viscera quotidie missa vitam & spiritum humanum servant: nam quis mortalium non spirans, quis nihil edens aut bibens uiuat? Si aer sit purus & subtilis, spiritus reficiuntur; at si sit crassus, cor ipsum fons vitæ suffocatur. Maxima ergo cura aeris & aquæ in situ vrbis ad prudentem magistratum pertinet, aeris & aquæ dixi, quia ut aer spiritus viuacior: ita aqua cibos salubriores & faciliores concoctu reddit; sed Philosopherum interpretemur. Vrbes inquit ad orientem versus & ad ventos ab ortu flantes positæ saluberrime sunt, hijs verò proximæ ad aquilonem spectant. Agedum non satis est ista simplex & nuda assertio, rationes igitur & argumenta audiamus. Vrbes illæ sunt longè saluberrimæ cuius situm Iupiter, Iuno, Aeolus, Neptunus, hoc est cælum, aer, ventus & mare beant: sed orientalium vrbiū situs ab illis omnium benignissimam influentiam habet: vrbes ergo orientales sunt longè saluberrimæ. Sed altius hunc syllogismum per suas partes examinemus, & primum ex parte cæli. Illa loca sunt saluberrima quæ primam lucem cæli, primos radios solis, optimorumque siderum primos influxus & impressiones habent: sed hæc omnia vrbibus in oriente sitis contingunt: ergo vrbes in oriente sitæ sunt quidem saluberrimæ. De propositione nemo dubitat. Assumptio autem probatur, quia tota deuolutio cæli, prima solis illuminatio, primaque influentia siderum ab ortu ortum trahunt, suasque primum vires in vrbes sibi proximè subiectas fundunt. Sed quam amica & benigna in ea parte cæli sint sidera & signa, quam æquabiles sint eorum motus & itinera, quam mira & amœna sint in subiectis locis eorum effecta, non solum cosmographi & astrologi; sed etiam sacrarum literarum tabulæ loquuntur; ex quibus Paradisum & terram promissionis melle & lacte fluentem orientem versus esse didicimus. Secunda ratio ab aeris usu ducitur, est enim in illis mundi partibus aer purissimus, quippe iter stadiumque solis sequitur, eiusdem radijs optimè temperatur, crassis & fæculentis purgatur vaporibus, dissipantur nebulae, dulceque manna in illo

Aeris et aquæ
maxima cura
est habenda.

Orientales
vrbes saluber-
rimæ.

instar

instar roris ubique nascitur; huc adde quod cum spiritibus vitalibus (in quorum sedes & recessus inspirando sumitur) hic aer proportionem habeat, quo fit ut eodem inspirato iuuetur concoctio, vitæque diutissime conseruetur. Sunt ergo illæ vrbes saluberrimæ quæ orientem versus sunt constitutæ. Tertia ratio ventorum ad vrbes comparisonem spectat, nam Zephyrus omnesque collaterales venti spirantes ab ortu solis ventillant aerem, vapores dissipant, temperant æstum, præcordiorum spiritus vitales fouent quibus assimilantur, calorem impellunt, concoctionem iuuant: sequitur ergo vrbes Zephyro subiectas multò salubrius sitas esse quam quæ in alijs climatibus mundi collocantur. Partes antecedentis propositionis hic persequi infinitum esset, sed qui Arist. hoc loco & in libris Meteoron, qui Plinium, Ptolomæum, aliosque auctores de hac re legerint, omnium ac singulorum veritatem perspectam ante suos oculos sunt habituri. Postremò à fluminum atque aquarum naturâ & salubritate hic situs vrbis plurimum commendatur; aquæ enim quæ viam solis radiosque sequuntur puriores factæ vrbes per quas fluunt salubriores efficiunt. De usu aquæ paucissima hoc loco dicam, dicendum autem est aliquid, quia locus postulat. In usu aquarum salubrium (ut hic inquit Philosophus) diligentia præcipue est adhibenda, est enim aqua elementum omnium maximè tum ad vitam tum etiam ad victum necessarium; nam etsi aer magis præcordia spiritusque vitales & animales fouet, naturales tamen partes ac regiones corporis aquarum fontes magis considerant, earumque usum maiorem in omni cibo ac potu sentiunt: respectu ergo vitalium partium subtilem aerem, respectu partium naturalium aquam salutare præferendam puto; nam aereus calor quasi formam, humor verò aqueus sed non aquosus materiam oleumque vitæ humanæ tribuit. Ut calor enim nativus non est flamma sed conceptus tepor: ita humidum nativum non est aqua sed innatus vapor, in quo vita hominis ut lux lampadis in oleo constat. Sed quid ago? Aquæ (ut hic & in libris Meteoron docet Philosophus) quæ ab ortu manant sunt saluberrimæ, illarum cura summa esse

Aquæ usus.

Vitalium partium respectu
aer est præferendus, respectu naturalium
aqua est anteponenda.

Si

debet

debet, verum ut aquas salubriores scias, has notas aque salutaris discere. Aqua quæ est motu velocissima, limpidissima aspectu, leuissima pondere, facillima concessu, ab ortu solis ad occasum incitata habetur omnium saluberrima: quæ si desit providendum est sedulo magistratibus ut arte per canales & fontes purissima in vrbes deriuetur, stagnaque aquæ pluuiæ fiant, quippe per fistulas arenosas terræ aqua quasi decolata multo purior & subtilior redditur; pluuiæ quoque aquæ in saxeis plumbeisque cisternis dulcissime diu conseruantur. His omnibus modis consulendum est urbibus, ne (si Titus mania obsideat) Iudei aquarum defectu aut contagione pereant. His positis & decis nunc constat vrbes orientem versus propter cœli, solis, aeris, ventorum & aquarum amicas vires & qualitates in se transfusas respectu aliarum mundi partium fieri longè saluberrimas. His secundæ & proximæ sunt vrbes quæ septentrionem spectant, à qua plaga mundi boreas spirat; ratio est quia boreales venti aerem purissimum reddunt, intusque pulso naturali calore concoctionem faciliorem ac celeriore efficiunt. Australes verò & occidentales venti alia his contraria effecta pariunt: concludo igitur institutum quod vrbes orientem & septentrionem versus sint salubrius sitæ quàm quæ meridiem aut solis occasum spectant. Sed hic iam tacitus præterire non possum incuriam nostrorum temporum ac ciuitatum, in quibus neque aquarum, neque aeris seria ac diligens habetur cura, cum latrinis, stagnis, sentinis, sterquilinijs, alijsque sœcibus contagiosis aer & aqua sæpiissime inficiantur, quibus receptis ciues non aliter quàm veneno infecti pestem concipiunt & exhalant: seueris ergo legibus hoc præcaueri debet ut sordes ciuitatis longissime ab ædibus, mœnibus & portis in arua & agros exportentur; nam nihil citius aut periculosius suffocat ciuitatem quàm magna cadauerum & sterquiliniorum præforibus & portis urbium accumulatio. Sequitur nunc alia quaestio, nimirum, An vrbs mœnibus, castris ac turribus circumcingi & muniri debeat? De locis munitis inquit Philosophus, Non omnibus peræque ciuitatibus eadem expediunt, exempli causâ, atx adita & excelsa oligarchiæ

Orientalibus in bonitate proximè accedunt septentrionales.

Sordes ciuitatis ab vrbe longissime sunt exportandæ.

Quaestio 2.

chiæ & monarchiæ propriè conuenit, loci æquabilitas verò democratiæ, aristocratiæ neutrum, sed potius loca firma & munita complurima. Quasi diceret Arist. omnes vrbes ac status rerum contra vim & insidias belli mœnibus armari debent, non tamè pari modo; nam populare imperium minus, regale maius, optimatum potentia maximum subsidium petit. In populari enim statu non est præda quam ambitio rapit, in regali autè sceptrum, in optimatum principatu honor & virtus ambiciosos urget. Sed quæ & quot sunt causæ cur omnes munitis circumcingi ciuitates velit Arist.? Tres sunt, decus urbis, salus ciuis, terror hostis. Decus urbis, quia quid honorificentius adornat urbem quàm mœnia celsissima pulcherrimarum turrium propugnaculis speciosè constructa? si enim in re vlla maxime in muris, castris & sumptuosis ædificijs magnificentia ciuitatis cernitur: indecorum fuit Romæ & Romulo opprobium cum Remus murum urbis transiliret. Salus ciuis quoque à mœnibus & castris plurimum dependet: ergo vrbs mœnibus circumcingi debet. Probat antecedens, quia si adoriantur hostes, tantumque impetum faciant, cui humana virtus non potest obistere, murorum præsidio ac munimento sepiissime ciues protecti sunt; tales autè impetus frequenter fiunt: tutissimum ergo erit si vrbes firmissimis mœnibus roborentur, est enim melius ut telis & tormentis bellicis mœnia & lapides quàm latera & præcordia ciuium perfodiantur: si muros tollas vnâ tantummodo viâ ciues pugnandi habent, si verò muros cõcedas, vnâ in viribus, in mœnibus alterâ hostibus resistendi viâ esse intelliges. Almacidas dux Lacedæmoniorum rogatus cur ipsorum vrbs mœnibus non esset cincta, ostensa iuuentute ciuitatis respondet, quid opus est muris? Muri hijs sunt, hijs sūt castra & mœnia ciuitatis; at paulo post Thebani ducibus pelopidâ & epaminondâ Lacedæmonem obsessâ expugnarunt, ipsum hunc Almacidâ ceperunt, murosque istos nobiles defectu murorum nudos facile superarunt. Salus profecto fuisset Lacedæmonijs si muris circumscripti hostibus restitissent. At in his non solum est salus ciuis sed terror hostis. Hoc olim Pyrrhus rex Epirotarum sensit, qui tegulam percussus ex equo decidit: hoc sensit vita Pyrrhi.

Rationes quibus probat Aristoteles ciuitates munitis circumcingendas.

Exemplum Almacidæ ducis lacedæmoniorum.

Plutarch. in vita Pyrrhi. Abimi.

Iud. 9.

Abimilech, quem mola ab alto deiecta pressit; terribile quidem est & formidolosum ignem (ut aiunt) gladijs sub muro ciuitatis oblecta fodere; nam quamuis Troia deleta sit, Graecorum tamen legio sub menibus eiusdem sepulchrum habet. Pulsauit olim Hannibal portas insignes Romae, sed clausis inuentis citò à muris hostis discessit: est ergo murus urbi decus, mons cui, hosti grandis & immanis terror. Quid multis?

Aliae rationes
prioribus ad-
iectae.

Antiquissima consuetudo gentium, vetus forma aedificandi domum, nouae machinae & artes expugnandi urbem manibus opus esse liquidò & manifestè docent: haec breuissimè sic probo. Maiores omnes & vniuersi suas vrbes manibus cinxerunt: ergo idipsū fieri oportet. Deinceps domus tuta non est sine muro: ergo nec ciuitas quam hostis demoliri cupit. Postremò difficillimū est nouas insidias & machinamenta bellica sine muris repellere: ergo tutissimum erit urbem muris defendere & circumuallare. Ex his constat iustā esse in textu illorū reprehensionē qui urbem ineptè muris carere velint. Postremum, quod hoc in loco agitur, est priuatorū aedificiorū dispositio, quam Hippodamus comptus ille Philolophus ad ornatum & splendorem solum, antiquitas verò ad robur & defensionem retulit, vtrumq; completitur Arist. In priuatis ergo aedibus spectari debent haec duo, splendor & robur; splendor ut sint vniiformes ad amoenitatem, robur ut sint in illis vig hosti inextricabiles ad securitatē ciuis; quippè anfractuosae utiliores sunt ne peregrini facile exitū inueniant, neue insidiantes earū latebras perscrutari possint, tales describit Virg.

In priuatis
aedibus spe-
ctanda duo,
Splendor,
Robur.

Aeneid. lib. 2.

Limen erat, cecaeq; fores & peruius usus

Tectorum inter se Priami, posteq; relictis

Attingo. Aut

Ut quondam Cretā fertur labyrinthus in alta

Parietibus textum cecis iter, ancipitemq;

Mille vijs habuisse dolum, quā signa sequendi

Frangeret indeprensus & irrenocabilis error.

Tales olim in nostrā bellicosā gente fuisse hinc constat, cum adhuc multis in locis subterraneis veluti latebrae & labyrinthi artificiosè extracta sed iam ruinosa mancant.

Distin-

Distinctio

Quaestiones
huius Cap.
sunt, vtrum

Vrbes orientales & boreales sint saluberrimae? Haec probatur à

Benignā influentiā cæli,
Cursu solis,
Subtilitate aeris,
Salubritate ventorum,
Ab optimo vsu aquarum.

Vrbes muris circumuallari debeant? Haec confirmatur

A decoro urbis,
A salute ciuis,
A terrore hostis,
Ab exemplo antiquitatis,
A comparatione domus,
A nouis machinis quotidie inuentis.

Opp. contra primam quaestionem.

Medici est de sanitate urbis solum disputare: ergo ad magistratum omnino non pertinet. Ratio sequitur, quia medicus & magistratus distincta officia habent.

Resp. *Medicorum est docere quae loca sint salubria, & quomodo sic fiant, sed magistratum est imperare ac prouidere ut haec ipsa ordine & lege fiant: ad medicum ergo disputare de salubritate pertinet, ut arte praescribat; ad magistratum verò, ut lege & edicto mandet.*

Medicus docet quae loca salubria: magistratus prouidet ut talia fiant.

Opp. *Boreales venti intus calorem nativum vehementius pellunt, celerioremq; concoctionem faciunt: ergo salubrius vrbes septentrionem versus sunt constitutae. Antecedens probatur, quia venti boreales sunt à natura & motu subtiliores. Ratio tenet, quia sanitas in nativo calore aucto & concoctione facili maxime consistit.*

Resp. *Boreales venti sunt quidem & natura subtiliores & celeriores motu; veruntamen ab altiore mundi plagā delapsi plus insto rigidi & austeri fiunt: quippè non solum intus vehementius calorem pellunt, sed eundem impulsu acrius inuadunt, nec non penetrando saepe extinguunt: non ergo illic melior sit concoctio, quia aeris cum natura non est proportio.*

Boreales venti nimis rigidi calorem nativum laedunt, quia aeris cum natura non est proportio.

Opp. *Aqua semper sequentes solem magis turbida & contagiosa fiunt: ergo illa causa sanitatis male à Philosopho assignatur. Antecedens patet, quia vi solis dulciores partes aqua solum euocantur, relinquuntur autem crassa, quae intus sumpta contagionem gignunt.*

Resp.

Resp. Dulciores partes aqua vi solis euocantur, ubi immensus ardor ut in meridie, non ubi moderatus calor ut in oriente manet, flamma enim exurit sed calor benignus fouet.

Opp. Venti orientales (ut ait Plinius) sunt tempestuosi & uastantes omnia: ergo sunt causa potius interitus quam salutis illis urbibus qua ortus solis subiiciuntur.

Resp. Non de ventis illic sed de procellis, quales sunt turbo, typho & praeter loquitur historicus, venti autem ab illo dicuntur, quia tempestates istiusmodi sine flatu non sunt.

Opp. contra secundam quaest.

Moenia nimis securos & otiosos ciues efficiunt: ergo urbes moenibus non cingerentur. Antecedens probatur, quia moenibus circumuallati ciues minus se ad artem militarem accommodant, maioremque in moenibus quam in manibus & lacertis ciuium confidentiam ponunt.

Resp. Si hoc contingat magna est incuria magistratus, qui ciues in armis & bellica disciplina quotidie exerceret, qui hoc sepe cum Solone diceret non in moenibus ciuitatis sed in viribus hominis, non in munimentis sed in lacertis vis belli & fortuna constat.

Opp. Castra in urbe sunt nonnunquam causa tyrannidis: ergo permitti non debent. Antecedens probatur, quia illorum subsidys ut perniciosi & scelerati principes possint ciues opprimere, totamque ex illis urbem scorpionum glandibus, veluti a caelo terram fulminibus deuastare.

Resp. Vitium hoc hominis est non arcis, qua ad virtutem non ad tyrannidem extracta fuit: non est ergo rationi consentaneum ut castra & arces tollantur, quia illis abutuntur mali: sed potius ut honorificentius muniantur, ut in illis conseruentur boni.

Opp. Domus castra pacis & securitatis essent: ergo in illis postica & anfractuosa latibula fieri non deberent. Ratio sequitur, quia hac metum, qui est paci & securitati inest, arguunt.

Resp. Tale castrum pacis Hannibal dux ille nobilis obtinuit, cum sumpto veneno Romanos metu liberauit. Sunt quidem ades ciuium ueluti castra pacis eorum, magis uero dicantur quo in eas hostes aditus uisibilior patet. Neque id uerum est quod meum arguant, nam quo plures labyrinthos habent, eo securiores ab hoste ipsi ciues in illis viuunt.

Opp.

Solonis dictum non in moenibus ciuitatis sed in viribus hominis vis belli constat.

Procellae a Plin. vocantur venti, quia non sunt sine flatu.

Opp. Moenia, arces, castra, adesque instar labyrinthorum extructa ad popularem statum non requiruntur: ergo hic male defenditur ad omnem urbem requiri. Antecedens est Arist. in textu.

Resp. Popularis status considerari potest vel absolute in se, & sic Popularis status non respectu sui sed hostis opus habet moenibus, castris, & dibulis anfractuosis.

CAP. XII.

An prop: sacras ades forumque liberum artificibus sordidis habitare liceat?

An essent in omni urbe loca celebriora in quibus cuiusque facultatis ciues distincte epulentur?



VI D sibi vult tandem Arist. ista tua tam frequens de Deo, de templis, de sacerdotibus, de sacris aedibus disputatio? An tantopere ad hominem politicum a te requiritur sacra religio? Persuadere nobis fortasse velis unum (ut in Physicis ais) Deum esse, unumque motorem primum, ac non credimus, virgere nos velis confiteri Deum (ut in libro de mundo ais) omnium quaecumque sunt in hoc mundo seruatorem esse, nullamque naturam satis instructam ad salutem esse posse (nam sic loqueris) quae citra Dei praesidium sibi relinquitur: sed latere lauas, nam non credemus: probares hinc fortan quod si velimus proximè ad Deum accedere deberemus secundum mentem, virtutem ac sapientiam viuere, ut in Ethicis doces. Sed hic siste vestigia Philosophae, nam tam religiosè non viuimus. Postremo ut ad rem propiis accedam, peroptas ut sacra aedes magnificè idque in excelso urbis loco deo consecrentur, utque longè ab artificum strepitus remoueatur, sicut hic contendis. Stulte quid agis? Temppla non extruemus, immò si qua iam sint supersticiosè extructa, sutores, aurigas, sicarios, omnique generis mortales in illis ambulare, garrere, nundinari te inuito permittemus. Illud

Arist. multa diuina dicta de Deo.

Phys. 7.

De mundo.

Lib. 10. Ethic. ca. 11.

Illud enim tuum, Ens entium miserere mei, vanum elogium est, nos quidem terræ filij & naturæ sumus, cuius vi ac numine nunc omnia (vt olim) stare & cohærere credimus.

Sebast. Brant.
cap. de con-
temptu Dei.

*O male prudentes: quorum sic corda tenebris
Obscure iacent, nequeant ut credere recte,
Et curare deum: quo sunt elementa creata,
A quo processit nitidus sol, lucida Phæbe,
Qui statuit lucem & noctes & tempora cuncta.*

Quæstionis
primæ pars
prima.

Sed pergami & nõ obstante atheismo nostrorum temporum probabo ex Arist. sacras ædes magnificentissimè extruendas, omnemq; artificum strepitum & clamorem ab eis longissimè remouendum esse. verba Philosophi hæc sunt, Sed ea quæ rebus diuinis consecrata sunt domicilia conuenit locum idoneum habere. Qualis autem sit hic locus idoneus sequentibus verbis interpretatur, cum ait. Talis fuerit locus & ad efficiendam situs præstantiam satis illustris atq; eminens, & præ vicinis partibus ciuitatis tutus ac munitus. Hæc de præstantia loci, de reuerentia sic loquitur. Decet autem huic loco talis fori structuram esse subiectam, quale in Thessalia vsu repertum est, quod liberum vocant: hoc porro significat ab omnibus rebus venalibus purum & sincerum esse oportere, neq; quenquam sordidum atq; illiberalem artificem, neque agricolam, neq; alium quenquam talem huc intruere, aut omnino aspirare, nisi à magistratibus accessatur. Huc tendunt hæc omnia quasi dixisset Philosophus, ædes sacræ honorificentissimè extrui, muneribusq; ciuium splendidissimè ornari, illustri foro quasi claustro & asylo fortissimè muniri, nullis deniq; artificum manibus aut instrumentis turpissimè prophanari debet. Verum quoniam hanc rem antea attigerim laconicè nunc agam. Palatia principum splendida & excelsa esse debet: ergo templa Salomonis multo magis: quippe maior in his maiestas sedet. Iterum loci Deo consecrati maiestas animis hominum maiorem deuotionem incutit: ergo ædes sacræ magnificè ædificare decet. Porro valde indecorum est vestes & calcaria nostra auro splendere, deiq; altaria & templa luto sordescere. Adhuc haud meliora signa

externa

externa nostræ internæ voluntatis Deo exhibere poterimus quàm sacras ædes in quibus adoretur: illas ergo non tanquàm stabula & fumosa latibula fabricari conuenit. Præterea si Deus ipse (qui est ubiq;) cælum cælorum omnium corporum splendidissimum & ornatissimum veluti sibi templum fabricauit, nonne absurdum erit si ecclesiam (quæ esset imago cœli) deformitate sordidam & incultam esse patiamur? Deinceps creator primas & optimas omnium creaturarum sibi offerri iubet: si ergo sacræ ædes ei dicandæ sint easdem præ cæteris locis terræ augustissimas esse ex iure conuenit. Postremò exempla insignia huius rei, quæ tam ethnici quàm Christiani mirabili deuotione perculsi nobis reliquerunt, nos si non ad nouas extruendas, ad veteres tamen veluti nutantes reficiendas allicerent ac permouerent. Nihil hîc de Herostratis & Iulianis nostrorum temporum dicam, hoc vnum tamen dicam, si Deus Xerxis milites missos ad spolandum Apollinis templum opus insigniter superstitiosum propter solam intentionem mali tonitru & fulmine extinxit in via; quam deus bone pœnam sunt illi sustenturi, qui non Apollinis sed diuini numinis templa deuastari & conculcari sinunt? Altera pars huius quæstionis de vsu sacrarum ædiu facile patebit, si has rationes perpendamus. Musarum collegia à strepitu & clamore artificum longè remoueri debent, vt candidati bonarum literarum quietius operam suis studijs nauent: ergo multò magis ædes sacræ vt sacerdotes Dei rebus diuinis attendant melius. Præterea ædes sacræ Deo consecrantur: ergo sordidis artificum funis coinquinari non debent. Præterea rebus venalibus prope ædes sacræ expositis animi contemplatiuum distrahuntur: ergo prope illas artificibus habitare non liceret. Postremò quorsû iussus est Moyses calceos exuere, quorsum in templo Salomonis nullus instrumentorum strepitus ex edicto regis auditus erat, quorsû Christus numularios eosq; qui suam domum (vt ait) speculancam latronum fecerunt flagris e templo expulit, si ædes sacræ illiberalium artificum vicinitate ac strepitu contaminare liceat? At nunc quod dolendum est in eis,

Tt

Tractantur

Quæstionis
primæ pars
secunda.

*Tractantur causa rerum commercia, quaestus,
Contractus omnes, officiumq; fori.*

Altera quaestio est de conuiujs & celebrioribus locis in quibus ciues diuim secundum ordines & classes epulentur. Hic antiquum morem & consuetudinem gentium sequi videtur Aristoteles qui primum numinis, tum ventris curam habuerunt, ut pulchrè Ouidius ostendit, ubi sic de Anio Phæbi Antistite, & Anchise illo sene Troiano loquitur.

Ouid. 13. libro
Metam.

*Thure dato flammis, vinoq; in chura profuso,
Casarumq; boum fibris de more crematis
Regia tecta petunt: positiq; tapetibus albis,
Munera cum liquido capiunt Cerealia Baccho.*

Concœnationes à ciuib.
habent. & pub.
licis locis.

Diui isti inter ethnicos primum sacras ædes & oraculum, tum regia tecta epulumq; petunt: ita hoc loco Philosophus primum de sacris ædibus, tum de honorificis epulandi locis præclare differit: quod sint habenda publica conuiuia antè satis probatum est, nunc ergo restat de modo dicere. Vult ergo Aristoteles ut in celebrioribus ciuitatis locis à ciuib. cuiusque ordinis ac facultatis solemniores concœnationes apparentur, id est ut sacerdotes in magnificis domicilijs prope sacras ædes constructis, milites in turribus prope muros ciuitatis, mercatores in triclinijs prope commune forum, nobiles in palatijs prope aulam regiam, iudices ac magistratus in gymnasijs prope templum pacis, omnes denique & singuli ciues in tectis illustrioribus eò destinatis & ornatis splendide vnà epulentur; quod hoc expediat sic probo. Fieri non potest nec decet ut omnes & singuli ciues cuiusque ordinis ac facultatis in vno augustiore loco simul conuiuentur: ergo necesse est ut in diuersa sodalitia ac classes secundum ordinem & facultates distinguantur. Præterea in hoc tam respectu locorum magnificè extruendorum quàm epularum quæ splendide, publice & exquisitè apparantur, insignis honor ciuitatis fulget. Quæ enim res magis honorant Carthaginē quàm

quàm ampla & insignia ædificia? Quæ res magis recreant & consolantur ciues quàm certis anni temporibus & festis optimè instituta conuiuia? Porro istorum institutio duo potissimum respicit bona ciuitatis, nimirum reconciliationem ciuium, & illorum recreationem; illa odium, hæc tedium curarum ab illis tollit; cum ergo in vno loco (ut diximus) hæc fieri non possint, in diuersis iisdemque nobilioribus locis celebrari debent. Postremò, quandoquidem antiquitas (ut tum in prophanis tum in sacris historijs constat) hunc ordinem conuiuandi nobis commendat, quandoquidem Abraham & Patriarchæ, David & reges conuiuati sunt, immò quandoquidem nuptiale conuiuium Christus ipse magno miraculo approbavit, absurdum aut impium non erit magnificè ad honorem ciuitatis, iuste ad amorem ciuium, temperatè ad animorum recreationem conuiujs & epulis aliquando indulgere: habeant ergo ciues cuiusque ordinis suas aulas, suæque triclinia, in quibus à curis liberati epulentur lautijs: hoc tamen opto ut cum Persarum regibus ante cibum de modestia, post cibum de iustitia disputare meminerint. Quid moror? Si ordinem & summam huius capitis requiras hæc est, primum sacras ædes & prytanea (in quibus sacerdotum officia & conuiuia magistratuum celebrentur) ædificari postulat Philosophus: in his locis tria requiri ait, splendorem operis, vsum virtutis, securitatem vrbis. Hinc forum duplex distinguit, vnum liberum à commercijs strepituque artificum, quod prope ædes sacras locaretur; alterum necessarium & reum venalium commutationi destinatum in quo publica negotia ciuitatis tractarentur. In agris quoque templa sparsim & loca epulandi fabricari optat, ut in illis sylvarum præfecti, & nauiculatores Deo inservire, & genio aliquando indulgere queant. His positis sic concludit, Superuacaneum est longos esse in harum rerum explanatione, talia enim intelligere difficile non est sed facere potius: nam de his verba facere optantis est, ea autem euenire fortunæ.

Alexander
ab Alex.
Lib. 5. cap. 21.
Ordo huius
capitis.

In ædibus sacris & prytaneis tria requiruntur. Forū duplex.

Templa & loca epulandi agris ædificari debent.

Dux quæst sunt huius cap. quarum	Prima pro- batur dialo- gic. more à	Minore ad maius, Fine & usu sacrarum ædium, Decoro, Signo, Probabili, Consentaneo, Ab exemplo maiorum.
		Ab impossibili, A comparatione, A duplici usu conuiuiorum, Ab exemplis antiquitatis.

Opp. contra primam quæst. Plerumq; vitiorum voragine a palatijs tectisq; procerum in vulgus fluunt: ergo non est tutum illa prope ades sacras constituere. Antecedens patet, quia in palatijs principum molliter, otiose & delicate viuunt. Ratio tenet, quia hoc modo magis contemplantium animi quam artificum strepitu a deo, a religione, a pietate distrahuntur.

Bonorum
confortia pec-
catum non
aliter quam
alexipharmaca
venenum
expellunt.

Opp. Quo mollioribus flagitijs palatia fluunt, eò melioribus locis iungerentur, nã bonorū confortia peccatū nō aliter q̃ alexipharmaca venenū expellūt. Quod urgeas m. nã vim esse sceleris qua ab illis manat, respondeo maiorem esse vim numinis qua in tēplis manet.

Opp. Ades sacra paterent omnibus: ergo etiam artificibus. Antecedens patet, quia omnes in illis numen adorarent.

Resp. Licet artificibus ad sacras ades accedere, sed prope illas propter strepitum habitare non liceret, quippe in illo est religio, in hoc autem religionis prophanatio.

Opp. Aurea tēpla nimisq; ornata superstitionē & idololatriam gignūt: ergo tā magnificē (ut hīc requirit Arist.) nō extruerentur.

Externa orna-
menta signa
sunt quā puri-
tate & sincer-
itate deum
veneramur.
Aurum & or-
natus templi
idololatriam
parit.

Resp. Si Deo (qui nullo loco circūscribitur) placuerit cum hominibus in templis habitare, si voluerit, immo si iusserit templa in terra sibi consecrari, hoc unum peto, an sit aliquid tam pretiosum, tam excellens, tam diuinum, quod eius maiestati non inseruiret? Nam quamuis cum Catone agnoscam Deum spiritum & mente pura colendum esse, externa tamen hac ornamenta sunt signa, quā puritate & sinceritate illum veneramur. Neg. id verum est quod aurum aut ornatus templi idololatriam pariat, est enim vitium hoc corrupti hominis non splendoris, qui in alium finem destinatur.

Opp.

Opp. contra secundam quæst.

Conuiuia licentiam vita, loca excelsa superbiam & insolentiā gignunt: ergo non est in urbe utile istiusmodi loca in eum finem erigere. Antecedens patet, quia hac est conditio mortalium; a Baccho ad Venerem, a solio dignitatis ad vanitatis escam aduolare.

Resp. Ista ei contingunt qui solius voluptatis causa idq; quotidie epulis saginantur, verū tamen hac conuiuia & loca alium finem aliumq; ordinem habent: nam ad recreationem & reconciliationem ciuium idq; certis temporibus anni referuntur.

Opp. Sunt quaedam classes ordineq; ciuium tam exili facultate & copiā rerum, ut neq; loca tam insignia, neq; conuiuia tam exquisita possint honorifice comparare: male igitur ab omni ordine hoc ipsum requirit Philosophus.

Resp. Per cines cuiusq; facultatis & ordinis Arist. hoc loco intelligit primarios, qui rebus non sordidissimis maximeq; illiberalibus additi sunt. Aliter responderi potest, quod vis unita multorum tamet si pauperum magnam vim diuitiarum pariat, ut patet in infimo ordine ciuium Londinensium, qui suas aulas epulasq; honorifice extructas & apparatus habent.

CAP. XIII.

Verū consideratio mediij & finis omnē actionē vitæ præcederet?
An ad beatos cines efficiendos plus ratio quàm natura aut disciplina valeat?



IVITATIS fine, materia, subsistētiā, coherentiā partiū & instrumentorū iam satis explicatis, vltima tractatio & quasi catastrophe huius libri sequitur, in qua ostēdit Arist. ex quibus & qualibus optima (de qua nunc agimus) constaret ciuitas. Diuisa est hæc pars in 5. Cap. in quorū primo proponitur finis mediumq; triplex quo acquiritur, in 2. & 3. institutio vitæ traditur, in 4. leges de coniugijs, in postremo leges de puerorum moribus ac disciplinā sancuntur. Si hoc loco urgeas Arist. antea de

Catastrophe
huius libri in
quinq; capita
diuisa est.

Perfectio om-
nium hominū
in duobus
consistit, fine
vitæ, & viâ ad
finem.
Via dicitur
triplex medi-
um; natura,
institutio, ra-
tio.
Rectissimum
iter ad felici-
tatem.
Quæstio. 1.
Argumenta
quod finis &
via ad finem
consideranda
sunt.

Finis & medi-
um aliquando
concordant,
aliquando
dissident.
Error de fine
vel medio hu-
manæ vitæ
periculosus.

de fine ciuitatis egisse. Respondeo id esse verum, sed illic mente contemplandum solum, hic verò quasi manu tenendum proponit; illic enim absolutè in seipso, hic autem comparatè quoad sua media tractatur. Vnde illud est quod habet Philosophus in principio huius capituli, nempe duo esse in quibus ponitur omnium hominum perfectio & præstantia, nimirum vitæ finem & rectam ad illam viam. Per vitæ finem hic solam beatitudinem, per viam triplex medium scilicet naturam, institutionem & rationem intelligit. De fine inquit satis in libris de moribus, ubi beatitudo actus & usus virtutis definitur, diximus; de medijs quoque in illis nonnulla disputata sunt, nam illic in virtutibus morum rectissimum vitæ humanæ iter ad arcem beatitudinis ex præscripto prudentiæ apparere ostendimus. Quod hæc duo sint diligenter cuius consideranda, nempe finis & ad eum media, artes, natura & ratio suadent. Artes quia omnes & singulæ scientiæ inanes & otiosæ sunt; in quibus certus ac definitus finis non proponitur, adeoq; etiam in quibus ad eundem finem assequendum optima non inueniuntur media: exempli causa, in arte medicâ frustra de sanitate corporis disputatur, si herbæ, si potiones, si salutaria pharmaca, quæ sunt instrumenta sanitatis desint ac desiderantur. Natura quoq; hoc probat, quæ finem semper per media appetit & acquirit. Ratio denique, quia ut vaga est manus sagittarij sine scopo & telo: ita otiosa est vitæ institutio sine fine & medio, quo finis ille ut fructus acquiri, ut scopus attingi potest. Veruntamen hic teste Philosopho fieri potest ut hæc duo concinent & concordent, fieri quoque potest ut dissident & dissident; conuenient autem si bono proposito fine bona etiam eligantur media; discrepabunt si eorum vnum sit bonum puta finis, alterum malum puta modus, aut si in utroq; error committatur; ut si imperitus medicus nec finem morbi, nec recta curandi media consideret. Hæc omnia ad institutum refert Philosophus ut demonstret periculosum esse errorem de fine vel medio humanæ vitæ, at sunt permulti cæcutientes & oculis perstricti homines, qui neg-

neglectâ verâ beatitudine ex bonis fortunæ, naturæ, aut corporis aureum felicitatis Nilum fluere & manare somniant: sed hæc inquit Philosophus non sunt per se & vi suâ eligenda bona. At dices fortasse sunt hæc ad vitam civilem necessaria: ergo sunt bona per se eligenda. Ratio hæc non tenet, Bona fortunæ nam ut in medicina ad sanitatem acquirendam aliquando naturæ, corporis, quamuis potiones & incisiones sunt necessariae, non tamen per se sed respectu sanitatis; & ut ad conseruandam ciuitatem aliquando supplicia sunt necessaria, non tamen vi suâ sunt eligenda sed respectu iustitiæ & securitatis: ita hæc bona scilicet fortunæ & corporis non sunt per se bona sed in comparatione se bona felicitatis ad quam referuntur. Falluntur ergo isti, turpiterq; errant ponentes instrumentum esse causam operis potius quàm artem, ut illi solent qui absurdè opinantur lyram esse magis pulsandi causam quàm musicam scientiam. Sunt enim ista bona instrumenta in existentia virtutis, non principia in naturâ & subsistentia felicitatis, quæ (ut hic docet Aquinas) ex solis virtutibus moris ac mentis constat. Nec Felicitatis cessarium ergo esse cõcludit Aristoteles ut legumlatores ad subsistentia in solius virtutis studium animos ciuium exemplo, lege ac disciplina moueant, quippe tum verè felix & beata futura est solis virtutibus ciuitas, cum omnes & singuli ciues virtuti student; atque mentis & moris constat. boni quidem & studiosi tribus medijs sunt ciues, nempe per naturam, consuetudinem, & rationem; hinc quæstio est de quâ nunc agimus, scilicet, An ad studiosos & beatos efficiendos ciues plus ratio quàm aut natura aut disciplina valeat? Quæstio scilicet. Omnibus relictis ambagibus & verborum circuitu cunda. per naturam hoc loco non principia hominis sed propensionem docilem ad studium & amorē virtutis: per disciplinā non seueritatem legis sed consuetudinem vitæ & vim educationis; per rationem nō solum mentis conceptum sed etiā imperium intellectus & sapientiæ in contemplatione virtutis intelligo. Sensus ergo quæstionis hic est, utrum ratio, id est intellectus formatus plus valeat ad studiosos & beatos efficiendos ciues quàm aut natura id est propensio ad virtutem, vel disciplina id est institutio vitæ, quæ generatim à lege & T 4

Ratio plus
valet quam
natura vel dis-
ciplina.
Obiectio.

& magistratu, speciatim à parentibus & præceptoribus dependet: Rationē hīc cæteris duobus ad hoc præclarum opus perficiendū valentiorē esse defendimus. At dices in Ethicis tenetur à Philosopho quod plus valeat educatio quam aut doctrina aut mentis ratio: verū est si rationem inchoatam nō perfectam, si simplicem nō formatam intelligas; at doctrina est ratio formata aī; verū est, sed illa docentis est & externa, hæc verò ratio de quā nunc agimus discēntis & interna est. Verumenimverò discēntis ratio nō est adhuc formata, vt hīc defendis. Est, quāuis adhuc fortasse omni ex parte nō sit perfecta. Vt enim aurum in flammis positum concepto calore non statim scoriam deponit, tendit tamen ad splendorem & puritatē suā: ita mens seu ratio studio virtutis inflammata tamen si statim ignorantie nebulas nō excutiat, flectitur tamen magis magisque ad perfectionem felicitatis suæ, quā tandem prædita & ornata alia media & instrumenta superat. Quasi verò ratio felicitate prædita sit medium: quid nīdnam vt virtus in beato manet non vt finis, sed vt medium quo apprehenditur: ita ratio licet sit in se perfectissima, instrumentum tamen & medium felicitatis acquirendę dicitur. Hęc ratio siue ardens virtutis studio, siue lucens in excelsa felicitatis arce est quidem ad beatos ciues efficiendos tā naturā quā disciplinā longē efficacior. Quemadmodū se res habet in operibus naturæ, ita in ciuibz efficiendis beatis: sed in operibus naturæ perficiendis tamen si multum ipsa principa, multum quoque proprietates iuuent; forma tamen & finis ea solū perficiunt: ita licet plurimum natura quæ est propensa, plurimū quoq; disciplina & institutio vitæ ad hoc opus virtutis conferant: sola tamē ratio quæ modum formæ habet, ipsum opus cōplet & cōsumat. Hinc inter morales virtutes posita est prudentia, hinc inter virtutes mentis veluti imperatrix & regina habetur sapiētia, quæ nihil aliud est hoc loco (si interpretari velis) quā diuina & formata ratio. Præterea vt sensus, appetitus, voluntas intellectui: ita natura & institutio vitæ rectē imperanti rationi subsunt; & vt illa per intellectū, ita hæc per rationem perficiuntur omnia. Quippē ratio formata primū

Inter morales
virtutes pru-
dentia, inter
virtutes men-
tis sapientia
habetur regi-
na.

primū verissimum finem proponit, tum viam rectissimam præscribit, his verò conceptis ipsa cæteris exemplum præbet; hinc alias facultates mentis ad eundem finem & viam aut vt orator trahit, aut vt dominus se sequi præcuntem iubet: si sequatur cōsilio, iudicio, sapiētia iuuat, & tandē veluti dominus suos seruos, eos felices & beatos efficit: sed hæc præstare non possunt natura & disciplina, ergo eis ratio est præferenda. Insuper quorsum contemplatio à Philosopho tot gradibus præfertur, si ratio quæ est speculatio mentis in beatis efficiendis naturæ & disciplinæ (quæ tota in actione sola versantur) non sit longē præferenda? Est ergo natura procliuis ad virtutem quasi terra fertilis; est disciplina & institutio vitæ quasi cultura terræ; est verò ratio quasi agricola qui & terrā colit & culturā ipsius terræ perficit, natura enim humana vepres & spinas parit, si eam nō colit ratio; cultura ipsius terræ rudis est, si eam formata non ornet & perficiat ratio. Quippe quid mortales à ferinis moribus ad cultū ingenij perpulit? nonne ratio? quid nunc in ordine & officio nos cōtinet? sola ratio. quid ergo magis ciues beatos reddit quā felix & beata ratio? Postremò re nullā propius ad deum accedimus quā mente & ratione: ergo naturā & disciplinā omniāq; alia media in beatis efficiendis formata ratio & sapiētia vincit. quid moror? in naturæ procliuitate flos veris, in institutione vitæ spes messis, in formata denique ratione palma virtutis & felicitatis inest; à naturā enim radices & potentias, ab institutione incrementa & progressus, à ratione verò & sapiētia ornamenta & fructus vitæ beatæ suximus.

In hoc ca. quæ- stiones sunt duæ, in qua- rum	Prima probatur quod me- diorum & finis consideratio omnē actionem vitæ huma- næ præcederet, hoc confir- mat Philosophus	A vi naturæ, Ab exemplo artis, A loco similis, Ab inductione absurditatis, quæ sequitur si ista consideratio de- (sit,
	Secunda probatur quod ad beatos ciues efficiendos plus ratio quā natura aut dis- ciplina valeat, argumenta quæ hanc quæstionem con- cludunt sunt	Ab interpretatione, A comparatione, A similitudine, A proportionē naturæ, Ab excellentia intellectus & contemplationis.

Ethicorum 3. Opp. Nulla est consultatio de fine, ut docet Philosophus in Ethicis: ergo inconsideratè hoc loco requiritur ut de medio & fine consultemus.

Finis non sub consultatione sed sub considerationem cadit. Resp. Non dicit hoc loco finem sub consultationem, sed sub considerationem cadere debere: consultatio enim est mediorum tantum, at consideratio de medio & fine esse potest.

Eth. 6. cap. 1.

Opp. Præter hæc duo scilicet medium & finem principia agendi ut natura, appetitus & intellectus considerari debent (ut placet Arist. in Ethicis) ubi tria agendi principia tradit: ergo ineptè hæc duo solum considerata proponit.

Resp. Principium verè agendi in re qualibet est ipsemet finis, & agentis intentionem non opus spectes. Quod verò protrudas exempla apud Philosophum natura, appetitus & mētis: dico quod et si necessario intelligantur ista, eorum tamen ratio non est quærenda, quia sunt prima agendi elementa, primæq; moralium & intellectualium actionum principia.

Opp. contra secundam quæstionem.

Opp. Sunt plura media & meliora acquirenda felicitatis quàm hæc tria quæ hic recensentur: ergo non rectè hæc solum tria à Philosopho assignantur. Antecedens probatur, quia virtutes & earum actiones sunt media quibus cives efficiuntur beati: sed virtutes & earum actiones hoc loco non enumerantur: ergo sunt plura & meliora media quàm hic assignantur.

Virtutes sunt interna principia potius quàm media felicitatis.

Resp. Virtutes & earum actiones sunt interna principia potius quàm media felicitatis, ut non solum in hoc capite sed etiam in primo Ethicorum constat.

Opp. Virtutes definiuntur in Ethicis media: ergo inconsideratè hoc loco media esse negantur.

Resp. Virtutes sunt & media & principia: media respectu virtutis, extremitatis principia autem felicitatis.

Opp. Natura est principium omnium: ergo non rectè hoc loco dicitur medium. Antecedens est Arist. secundo Physicorum.

Resp. Natura non hic ut in Physicis sumitur, nam hic pro inclinatione ad studium virtutis, & sic est medium quo apprehenditur beatitudo: illic verò pro primâ causâ, quæ in materiam & formam dividitur.

Opp.

Opp. Institutio vitæ plus ad efficiendos cives beatos quàm natura aut ratio valere dicitur primo Ethicorum. ergo otiose hoc loco contrarium docetur.

Resp. Loquitur illic Arist. de institutione vitæ respectu inchoatæ non perfectæ, respectu simplicitatis non formatae rationis, de qua solum hoc loco differit.

Opp. Formata ratio solum nos probè scire docet: sed recta institutio docet nos probè vivere: plus ergo valet ad efficiendos cives beatos recta institutio vitæ quàm formata ratio. Argumentum tenet, quia in efficiendis civibus beatis nō tam scientia quàm vitæ integritas & iustitia requiritur.

Resp. Formata ratio non solum (ut ais) nos probè scire docet, sed etiam reliquas facultates animi suo ipsius imperio subiectas ad studium virtutis trahit. Tum enim verè beati sumus cum secundum mentem & sapientiam vivimus, ut in decimo Ethicorum & hoc loco probavit Philosophus.

CAP. XIII.

Utrum sit è re civitatis ut iuvenes in eâ magistratus gerant?
An felicitas moris ad felicitatem mentis tanquam ad bonum perfectius & nobilius referatur?



NATURA (ut modò diximus) virtutis studiū inchoat, auget disciplina, ratio formata perficit. De naturâ factis, nūc de disciplinâ & ratione agitur, idq; ordine ut vides, nam prima quæstio disciplinæ vsū, secunda rationis imperiū & maiestatem continet & exponit. Ut directius hæc demonstraret Philosophus primum hoc fundamentum ponit, omnem scilicet disciplinam civilem in imperantium & parentium officio comprehendere, sic enim ait, Perspicuum est ex hac diuisione (parendi & imperandi intelligit) disciplinæ rationem pendere, ut qualis huius quæstionis distinctio fuerit, talem civium disciplinam esse.

Dubium.

esse oporteat. Hoc iaceto fundamento resoluit dubium, quod est, An expediat eosdem semper imperare eosdemque semper parere imperio? Si inquit inter mortales alij alijs tantò animo & corpore antecellerent, quantò diues & heroas hominibus præstare virtute existimamus, tum quidem è re ciuitatis esset ut ijdem semper præessent, ijdemque perpetuò subessent imperio. Verùm quoniam hoc est inuentu difficile, ut Scylax Cariadensis author ille vetustus de regibus Indorum eligendis scripsit, vicissim ordines ac munera ciuitatis ius æquum postulantibus attribui & assignari debent. Nam ut ciues definiuntur participes consilij, iudicij, magistratus: ita in libera ciuitate aditus cuilibet ciuium ad hæc tria pateret, quod quidem fieri non potest si ijdem semper imperent, ijdemque perpetuò seruire cogerentur. Inter similes ergo & parès iustior est ac tutior imperandi & parendi alterna vicissitudo, sed ita tamen ut seniores præesse, iuniores subesse & obtèperare discant. Hinc prima emergit quæstio, An sit è re ciuitatis ut iuuenes in ea magistratus gerant? Quid hic agam, quid scribam nescio: nam si iuuenes excludam, Scipionis virgulam; si verò admittam, Catonis censuram timeo: at causa non est ut mihi succenseant iuuenes si Philosophum & philosophiam sequar. Dico igitur puerilem & iuuenilem ætatem senili grauitati subiiciendam esse: nam illam parere, hanc regere & imperare decet. Sed proh dolor, sunt omnia iam versa & transuersa, susq; deq; acta & transacta omnia: Appij & Catones ut cæci & delirantes senes explosi silent; noui oratores & senatores fiunt. Paris ante Nestorem iudicium dicit, sed attende, is pomum Veneri, nò Iunoni, non Mineræ dedit: magis ergo è re Troianæ ciuitatis fuisset si pueri atque iuuenes senili imperio obtemperassent, & ut in illà, ita in omni rectè administrata republica fieri quidem debet, quod sic paucis & compressis argumentis probo. Naturæ ordo (ut ait Philosophus) flagitat ut iuuenes sub disciplinà senili uiuant, quippe natura à minis perfectò ad perfectum progressa iuuentutis utile obsequium & senectutis illustre imperium docet, & sanè hoc verum est: nam iuuenes

Imperandi & parendi alterna vicissitudo esse debet. Quæstio 1.

Iuuenilis ætas senili grauitati est subiicienda.

iuuenes sunt quasi teneriores plantæ, quæ nò in curuum crescunt, senectutis baculo fulciri ac sustentari debent. Sapienter poeta,

*Flexilis est iuncus: salices flectuntur amara,
Robora dura minus.*

Quid de re-
med. amoris.

Expediit ergo ut iuuenes ad tempus magistratu careant, seruamq; disciplinæ prius ferant quàm magistratum gerant, sed festinat oratio. Iuuenes negantur esse apti auditores moralis Philosophi: ergo minus apti & idonei sunt ut magistratū gerant. Præterea ut sæpè nauis aut fluctibus immerfa aut scopulis allisa perit, in quâ gubernatores nauigandi imperiti sunt: ita ciuitas illa cadat necesse est, in qua inexperti iuuenes ad puppim sedent: è re ergo ciuitatis erit si iuuenes ambitiosi magistratu careant. Porro quorsum Romani augustissimum suum regimen senatum id est quasi ex senibus constitutum concilium appellarunt, si imberbis iuuentus ad magistratus ciuiles admitteretur, cuius ratio affectio, cuius experientia cæcitas atque ignorantia & propter æstum caloris & propter defectum ætatis ducitur. Deinceps non permittitur in iustè ordinata repub. ut iuuenes creentur sacerdotes: ergo à pari non crearetur magistratus. Insuper natura hoc omnes docuit scilicet iuuenes esse quasi filios quorū est obedire, & senes esse patres quos imperare docet: nò est ergo decorum ut iuuenes magistratuum officio defungerentur in senes. Porro omnia testimonia tam humana quàm diuina hanc rationem imperandi ac parendi laudant, damnantq; contrariam: concludam ergo illud quod sacræ me literæ docuerunt, Væ regno cuius rex puer est, væ ciuitati in qua iuuenes magistratū gerunt. Roboram imperium concussum tum fuit, cum abdicatis senibus adolescentes consules & senatores sui regni fecit. Quoniā ergo hæc ætas sit vicina lapsibus, affectibus subiecta, implicata erroribus, rarò constans, rarò prudens, rarò experta rerū, expedit ut potius filiorū more senili disciplinæ ad tēpus obsequantur, audiantq; illud Ciceronis, Offici. 1. Est adolescentis maiores natu reuereri, exq; eis diligere optimos & probatissimos quorum consilio & autoritate nitatur, incuntis

Polit. 1.7 c.9.

3. Reg. 12.

ineuntis enim ætatis inscitia senum constituenda & regenda est prudentiâ. Hinc sapienter Plutarchus dixit, Iuuentus imperata faciat, senectus imperare debet. Sed ubi est (Deus bone) hæc venerabilis canicies senum? Vbi grauitas? Vbi constantia? Vbi iusta seueritas & seuera iustitia morum? Indulgentia profecto nostrorum temporum defectioque disciplinæ est falsis lachrymis deploranda, nam repuerascunt iam senes, qui etsi mortem hospitem, & sepulchrum quasi diuersorium ante oculos videant, delirantes tamen nulla iuuenibus præcepta, nulla consilia disciplinæ tradunt; oblitum sunt certe id quod sapiens dixit, Qui parcit virgæ odit filium, qui autem diligit illum instanter erudit. Noli (inquit ille) subtrahere à puero disciplinam, si enim percusseris eum virgâ non morietur: tu virgâ percutis eum & animam eius ab inferno liberabis, & dic mihi

Quid moderata nocet pueris correctio blandis?

Hanc ipsam disciplinam senum in iuuenes hoc loco requirit Philosophus, ut textus manifestè docet, vult enim senes præesse iuuenibus, non ut domini suis seruis, sed ut patres suis filijs imperare solent. Hoc autem (ut ait) multò facilius fecerint, si animos iuuenum ab amânis & vtilibus bonis naturæ atque fortunæ ad felicitatem moris, & à felicitate moris, ad felicitatem mentis sensim & gradatim erigant; hinc nascitur secunda quæstio, Vtrum felicitas moris ad felicitatem mentis tanquam ad perfectius & nobilius bonum referatur? Prima ratio in confirmatione huius quæstionis à diuisione, secunda à subiecto, tertia à comparatione, quarta ab excellentia obiecti, quinta à similitudine, postrema à contrario & exemplo ducitur. Diuisio hæc est, quod potentiarum in animo aliæ sint expertes rationis, ut vires vegetandi & sentiendi; aliæ rationis compotes, ut intellectus & memoria. Rursus partium ratione præditarum aliæ per influentiam & participationem, ut appetitus & sensus; aliæ per essentiam & constitutionem, ut mens & intellectus rationis vsum habere dicantur: appetitus enim lumen rationis, ut aer in se splendorem solis recipit,

Prouerb. 13.

Prouerb. 23.

Quæstio 2.

Rationes confirmantes.

capit. Postremò mens ipsa quæ est nobilissima facultas & (ut ita loquar) ipsa vita animæ diuisa est in practicam, quæ actiua; & in theoreticam, quæ speculatiua dicitur. His vberimè in Ethicis & satis hoc loco explicatis sic ratio-cinatur Philosophus. Felicitas quæ est in inferiore potentiâ animi refertur ad eam (tanquam ad perfectius & nobilius bonum) quæ est in nobiliore parte & potentia animæ: sed felicitas moris est in inferiore parte & potentiâ animæ nempe voluntate: felicitas autem mentis est in nobiliore nempe intellectu: ergo felicitas moris ad felicitatem mentis ut ad perfectius & nobilius bonum refertur. Secunda ratio à subiecto sic se habet. Mens quæ est pars diuinissima animi secundum essentiam suam est subiectum theoreticæ beatitudinis: ergo ad eiusdem felicitatem, alia omnia bona tanquam media ad suum finem bonumque perfectius referuntur. Tertiò hoc ipsum à comparatione rerum sic probo. Felicitas ea, cuius dextra est prudentia, refertur ad illam ut ad perfectius nobiliusque bonum, cuius splendor in sapientiâ ponitur: sed felicitas moris in prudentia, felicitas autem mentis in sapientia versatur: ergo felicitas moris ad felicitatem mentis tanquam ad perfectius nobiliusque bonum refertur. Nam ut sapientia diuinior est virtus quàm prudentia: ita felicitas mentis excellentior est eâ quæ solum prudentes facit. Quartò obiectum theoreticæ felicitatis est ipse Deus, qui est prima veritas: ergo felicitas moris, cuius obiectum est virtus moralis ad eam ut ad perfectius & diuinus bonum refertur. Quintò ut bona vtilia & necessaria sunt propter bonum honestum, ut negotia propter otium, bella propter pacem: ita actio illa in virtutibus moris posita propter æternam contemplationem sapientiæ in virtutibus mentis constitutam acquiri & comparari dicitur. Postremò errarunt respublicæ illæ quæ sic præcepta ac instituta disciplinæ tradiderunt ut spem, florem ac segetem ciuitatis ad alium finem ac bonum quàm ad felicitatem & quietem mentis allicerent: ergo omnia bona (sint illa

Error Lacedæmoniorum
quatuor ratio-
nibus refelli-
tur.

illa naturæ, corpore aut moris) ad hoc diuinissimum bonum mentis ut ad vsum perfectissimum finem traherentur. Antecedens in textu probatur ab exemplo Lacedæmoniorum, qui suam iuuentutem ad martem ac rem militarem tanquam ad summum bonum ciuitatis educarunt. Sed istum errorem in textu hoc modo refellit Philosophus, ista inquit laconice institutio vitæ non est recta, primum quia finem potius utilem quam honestum proponit, secundò quia bene esse ciuitatis non respicit, tertio quia vim potius in seruos quam in liberos imperium arguit, postremo quia bellum omnia iura diuina & humana peruerit, nec non sæpe perniciem ciuitatibus (in quibus exercetur) adfert, ut ipsis Lacedæmoniis (qui ducuntur in exemplum) & postea Romanis contingit, arma enim quæ non habent hostem, sæpissimè in ciuem conuertuntur, præsertim quidem in illis ciuitatibus in quibus Mars deuotius quam mentis beatitudo colitur.

Distinctio.

Quæstio- nes huius cap. sunt, an	Iuuenes gererent magistratus? Probatur (si attendas) quod non gererent,	<ul style="list-style-type: none"> A comparatis, A naturâ ipsâ, A minore, A simili, Ab exemplo, A pari, Ab officio senum, A testimonio.
	Moris felicitas ad felicitatem mentis referatur? Hæc autem elucescit in argumentis à	<ul style="list-style-type: none"> Diuisione, Subiecto, Comparatione, Ab excellentiâ obiecti, Similitudine, Ab exemplo.

Opp. Præfectura belli est magistratus: sed ad hoc officium Aristoteles antea iuuenes eligendos esse putauit: ergo iuuenes possunt magistratum gerere.

Resp. Iuuenem ætate non moribus illic intelligit. Aliter etiam respondeo illic de communi ciuitatis formâ, hic de Eutopia & exemplari

emplari optima (ut ita dicam) ciuitatis ideâ Aristotelem disputare, in illa iuuenes cum senibus, in hac tantummodo senes munera rei publicæ tenent.

Opp. Ere magis est ciuitatis ut illi tenerent magistratus qui & ingenio possunt administrare recte, & natura subsidio viribusque corporis res arduas perficere: sed tales sunt iuuenes: ergo è re ciuitatis esset ut magistratus fierent. Maior constat, quia unitum bonum melius simplici. Minor probatur exemplis Cæsaris, Hannibalis, Scipionis, aliorumque sexcentorum, qui mille Catones & Appios superarunt.

Resp. Cum iuuenes à magistratibus excludit Philosophus, non omnes ut quidam volunt, sed solum inexpertos rudesque rerum, excludit. Alij verò dicunt non tam acre ingenium (quod iuuenibus facile concedunt) quam graue consilium (quod tantum senibus attribuant) ad gubernandam nauem ciuitatis requiri. Postremo exempla ista non urgent, quia in campo solum furiosi martis non in statu optanda pacis istorum ætas probata fuit.

Opp. contra secundam quæst.

Opp. Duæ primæ rationes quibus probatur quod felicitas moris sit ad felicitatem mentis referenda omnino coincidunt: ergo ineptè distinguuntur. Antecedens patet, quia si attendas, utraq; ratio à nobilitate subiecti nempe mentis humane trahitur.

Resp. Erras, nam prima ratio à diuisione ducta existentiam, secunda à subiecto diuinam essentiam mentis respicit & proponit; existentia enim ad alias potentias relationem, essentia verò ipsam mentis constitutionem absolute continet.

Opp. Felicitas moris ad felicitatem mentis, ut ad bonum perfectius & diuinius refertur: ergo felicitas moris non est summum bonum, quod est contra Arist. in primo Ethicorum. Argumentum confutatur, quia si ulterius bonum habeat idque in essentia boni, ut hic defenditur, necesse est ut fateamur illud non esse supremum ultimumque bonum.

Resp. Ratio ista non tenet, quia respectu tantum moralium actionum felicitas illa actiua, respectu autem intellectualium felicitas hac contemplatiua summum bonum dicitur. Potest ergo recte & sapienter illa dici ultimus finis ac summum bonum in comparatione

tionem earum actionum quas claudit, quales sunt moris: sed non in comparatione actionum quas incipit, quales sunt mentis, quae sola vi sapientia perficiuntur.

CAP. XV.

Virum in bello fortitudo & constantia, in pace philosophia, in utroque temperantia & iustitia virtutes sint necessariae?

An in disciplina ac institutione vitae prior corporis & appetitus quam mentis & rationis cura haberi debeat?



Emonstratum iam satis est bellum ad pacem, negotium ad otium & quietem animi, necessaria & utilia ad honesta, partem animi rationis expertem ad partem rationis competentem, mentemque actiuam & practicam ad theoreticam & speculatiuam, haec omnia & singula ad Deum referenda esse. Pulcherrimus est hic ordo rerum optimique gradus actionum: nunc restat ut propius ad disciplinam ac institutionem vitae explicandam veniamus, utque dicamus quae virtutes in bello, quae in pace, quae in negotio, quae in otio & placato statu ciuitatis requirantur. Tota enim vita (ut hic docet Philosophus) diuisa est in otium & negotium, in bellum & pacem, ad quas partes omnis institutio ciuiliis vitae legumlatorum iudicio ac prudentia magistratuum accommodata erit. Belli (ut alibi diximus) triplex finis est, ne alijs seruiamus, ut imperemus alijs ad ipsorum bonum, ut cogamus eos seruire quos seruire lex & natura iubet. In summa, bellum propter pacem, & acris medicina propter sanitatem suscipi & adhiberi debet. Belli virtutes duae sunt, fortitudo & constantia: fortitudo ut animose & prudenter, constantia ut studiosè & perseueranter res arduas & periculosas suscipere, susceptas peragere & sustinere queas: si desit fortitudo temeritas, si desit constantia leuitas & fuga in re militari confundent omnia.

Quocirca

Quaestio 1.
Vita tota in otium & negotium, in bellum & pacem diuisa est.
Belli finis triplex est.

Belli virtutes duae sunt.

Quocirca (inquit Philosophus) ciuitatem conuenit esse fortem & patientem laborum, iuxta id quod est in prouerbio (Non est otium seruis.) Rationem addit, quippe qui fortiter periculum adire non audent, eorum qui inuadunt & superant iustissime serui esse debebunt. Virtus pacis hoc loco una sola à Philosopho nominatur, nimirum philosophia, sed Pacis virtus una haec talis est sub qua omnia arcana naturae & oracula sapientiae continentur. Quid enim aliud est philosophia quam rerum tam humanarum quam diuinarum augustissima scientia? dic sodes, an velis omnes & singulos ciues in pace Philosophos esse? ridiculè: hoc tamè in votis est ut omnes & singuli philosophentur ciues. At qui fieri id potest si non sint Philosophi? Facile, si vitam & moribus philosophiae praecepta discant, atque praescripta sapientiae seruent. Aliud est studere philosophiae, ut eam doceas; aliud eandem discere, ut iuste & sapienter viuas; viuere enim est probè philosophari, at quoniam hoc ipsum id est iuste viuere in pace & rebus secundis est difficillimum, ut hic ait Philosophus, philosophiam hanc pacis solam virtutem nominat. Quid? an pax tum philosophiae nutritrix est? O utinam esset, nam si esset, ignorantiam, superbiam, licentiam vitae, aliaque portenta ac monstra temporum non peperisset: mirum hoc est sed verum paradoxon, pax saginata philosophiam mendicantem reddit. Attamen ut so- reddit. ginata philosophiam mendicantem reddit. Philosophiae le sublato tenebrae, ita philosophiae studio extincto rerum publicarum sequuntur ruinae; quippe in hoc studio est asylum pacis, sapientiae lumen, ordo vitae, institutio morum, legum anima, scientia rerum, splendor hominis, gloria & honor ciuitatis. Quamuis ergo pax diuturna filia ingrata est, philosophia tamen paci mater benigna est, eamque conseruat diutissime. Aliae duae virtutes quae in utroque id est in pace & bello requiruntur sunt temperantia & iustitia; virtutes dixi? Virtutum geminas dicerem, in quibus candor vitae cernitur, & in sariis, quibus cardo ciuitatis voluitur. Est enim temperantia casta Diana morum, est verò iustitia sapiens Minerva legum. At dices in bello violantur leges, mactantur ciues, virgines, matrones, coniuges viciantur: quae ergo in bello temperantia? Quae aequitas

æquitas & iustitia inest? Non de facto sed de iure nunc quaestio est: fatemur quidem Marcum Antonium fuisse incustum, fuisse iniustum; sed Scipio & Hannibal seueras leges belli castissime obseruauerunt. Quæ enim vis Martis esse potest, si Veneris turpitudine elumbetur homo? Quæ fortitudo militis, si iustitiæ regulis non dirigatur actio? Verum etsi hæ duæ virtutes sint & ad bellum & ad pacem necessariae, magis tamen cum studio philosophiæ coniunctæ in pace & otio requiruntur. Nam bellum (vt hic ait Philosophus) iustos & temperantes esse cogit, rerum verò secundarum tranquillitas ac iucunditas, otiumque cum pace coniunctum petulantes & contumeliosos reddit. Plurimum igitur opus est philosophiâ, iustitiâ, ac temperantiâ ijs qui in insulis (vt aiunt) fortunatis viuunt, quiq; omnibus potius fruuntur quàm vtuntur bonis, quæ nos beatos videntur efficere. Nam cum ridet fortuna sæpè in præcordijs venenum gerit, vitrea enim est & cum splendet frangitur, cum inquam omnia prosperè ac foeliciter nobis succedere & euenire videntur, si philosophia, si temperantia, si æquitas & iustitia desint, necesse est vt declinent omnia. Bellum flagrum est quo pellimur ad officium, & ipse Manasses in vinculis exclamat, miserere; ceterum in rebus prosperis, in pace, in plenitudine panis cum Iobi filiis supini & incauti sed periculose ludimus. Aegrotis sæpè ante mortem contingit leuamē sine ratione, egrotus iā mundus est & senio propè confectus, nutat capite, delirat animo, & non aliter quàm lux lucernæ oleo deficiente languet; terræ motibus, signis, prodigijs, præmonstrantibus futurum malum credere noluit Ierosalem donec circumcincta ab hoste & percussa periit. Quid? Nonne terra cōtremuit? Nonne apparuerunt portenta? Nonne comētæ prædixerunt mala? Fac Christe bone vt non ægroti leuamen sine ratione, vt non securi hostem sine cautione sentiamus, fac vt in pace philosophia & amor sapientiæ, fac vt iustitia & temperantia in ciuitate viuant. Has, vt ratione ab exemplo in textu probat Arist. neglexerunt Lacedæmonij solum Martis virtutes amplexi & admirati, sed ob

Fortuna cum ridet in præcordijs venenum gerit. Bellum flagrum est quo pellimur ad officium. Paralip. 33. Iob cap. 1.

ob hanc solius causam præmaturâ veluti morte imperium illud extinctum & deletum fuit. Superest nunc vt de modo & ratione acquirendi istas virtutes disputem nec non exponā, An in institutione ciuium à corpore vel animo colendo primū incipere debeamus? Nam (vt hic docet Philosophus) duplex est ciuium habenda cura, vna circa corpus, altera circa animum: in curâ corporis sunt considerata duo, generatio & naturalis educatio. Magistratum inquit interest à principio præuidere vt ciuium corpora bene generentur, & generata parentum & nutricum industriâ aptissime ad virtutem veluti ad diuinam hospitem recipiendam confingantur. Secunda hinc quaestio est, an in disciplinâ ac institutione vitæ prior corporis & appetitus quàm mentis & rationis cura haberi debeat? Vt verbo concludam omnia, cura magistratus in disciplinâ ciuium duplicem respectum habet, vel intentionis, & sic primū mentem & rationem: vel actionis, & sic primū corpus & appetitum fingere & formare debemus. Est enim mens forma & finis corporis, est corpus vera materia & quasi sphaera mentis: sed finis est primū in intentione, materia autem est primū in actione naturæ: prior ergo corporis & appetitus quàm mentis & rationis in practica institutione vitæ ratio haberi debet. Nam vt artifex primū materiam operis comparat tum formam, tamen si hanc prius quàm illam in intentione habuit: ita magistratum primū corporis & appetitus curam gerere oportet, quamuis illa nempe corpus & appetitum ad rationem & mentem referat. Videtur quidem hoc ipsum naturæ ordo postulare, nam quoniam in vtero matris prius internè formatur corpus quàm anima accedit: ita ex imitatione naturæ externa institutio fieri debet, vt prior corporis quàm mentis cura habeatur. Absurdum enim est si vsum rationis & mētis in crepundijs fascijsq; vagientium infantulorum quæras: aptum ergo vtile erit si vt ceram ad sigillum, ita corpus ad animum fingere & efformare contendas, & sanè plurimum prodest ad acquirendam virtutem talis corporis præparatio. Nam virtutes animi sequuntur temperaturam corporis: hinc

Ciuium cura duplex est habenda.

Quaestio. 2.

Cura habenda prior vel intentione, vel actione.

illud, Digna est species quæ imperet; & hoc si placet, caute ab illis quos signavit natura: lac malum & sæpè atros mores, lac etiam dulce & bonos mores ex mamillis maternis & nutricum sugimus. Nega si potes, nonnè melancholici solertes, nonnè phlegmatici otiosi & socordes, nonnè iracundi cholericus, nonnè sanguinei Veneris alumni fiunt? sed complexio in ipsa infantia arte, vñ, dieta mutari, corrigi & temperari potest: corporis ergo cura & diligens præparatio in primis adhiberi debet, vt anima sedes illustrior virtutis & sapientiæ fiat. Postremò quoniam corpus origine prius animà est, & appetitus mente; quoniamq; affectus (vt ira, ardor animi, dolor & cupiditas) in pueris statim in lucem editis insunt; necesse est vt illorum id est corporis & appetitus prima cura habeatur, ne illorum malis affectionibus mens & ratio, vt sol & luna nubibus obscurentur. Nihil hîc dicam de vñ & exemplis maiorum, qui vt passim narrant historiæ omne studium & cogitationem eò contulerunt, vt corpora infantum aprissima animorum organa & domicilia fierent: hinc grauē pœnam apud Cretenses & Romanos illi parentes & nutrices subierunt, quorum liberi per incuriam educationis insignem aliquam deformitatem corporis habuerunt.

Distinctio.

Quæstiones duæ sunt, quarum	Prima docet quod requirantur in	Bello fortitudo & constantia propter honorem ciuitatis.
		Pace philosophia propter institutionem ciuis.
	Secunda docet, quod prior corporis & appetitus quàm mentis & rationis cura sit adhibenda, huius thesæ argumenta ducuntur à	In vtroq; temperantia & iustitia propter cultum virtutis & obseruationē legis.
		Fine, Simili, Vñ naturæ, Tempore, Probabili, Ortu priore corporis, Exemplis maiorum.

Opp. Bellum (vt ait Seneca) est inimicum virtuti: ergo in bello non requiruntur virtutes. Præterea in bello cogimur omni horâ mutare sententiam: ergo ad bellum gerendum potius solertia quàm constantia est necessaria.

Resp.

Resp. Primum argumentum nego, nam quoniam bellum est infestum virtuti, idè magis non minus requiruntur virtutes, ne atrox, crudele, & iniustum fiat. Ad secundum respondeo quod et si occasione in bello sapissimè mutetur sententia, constantia tamen vt in bono proposito perseueremus magis quàm solertia requiritur: nam illa facti, hæc virtus ingenij dicitur, solers enim est qui citò optimè medium inuenit, & constans qui animosè medium inuentum agit.

Opp. Ridiculum est omnes ciues Philosophos optare, nam tum quis terram coleret, oneraq; reip. sustineret? ergo ineptè hîc videtur Arist. constituere vt philosophia sola in pace civili vineret.

Resp. Philosophiam naturalem aut moralem omnes ciues in pace & otio discerent, vt vel natura arcana sciant, vel morum præcepta teneant: & sanè hoc modo omnes ciues Philosophos optare non est absurdum.

Opp. Leges silent in bello: ergo in bello non requiritur iustitia, quæ est legum domina & interpret.

Resp. Est iustitia legalis, quæ silet: est verò ius gentium & iustitia naturalis, quæ in bello loquitur.

Opp. contra secundam quæst.

Opp. Mens est dignissima pars hominis: ergo eiusdem primam adhiberi debet cura.

Resp. Verum est si ordinem dignitatis non natura, si intentionem non actionem spectes.

Opp. Mens corpus & appetitum regit: ergo eiusdem in institutione vita prima habenda est ratio. Antecedens est Arist. hoc loco & in decimo Ethicorum. Argumentum probatur, quia imperantis prior quàm parentis habenda est cura.

Resp. Hæc quoq; vera sunt si dignitatis, non si naturæ & temporis rationem spectes.

Opp. Mente Deum colimus: ergo eiusdem primam curam habere oportet. Ratio probatur, quia Dei cultus eumq; colendi modus omnibus rebus naturæ, tempore, & dignitate præferendus est.

Resp. Non hîc negamus quin mentis & rationis prima sit adhibenda cura quoad intentionem, non tamen quoad opus & actionem; mentis enim institutio deiq; cultus primum intenditur, at corporis prima cura adhuc non lucente ratione ac mente adhibetur, hos

*hoc ideo fit ne, cum animus luceret, obrutus in male formato corpore
ut in sepulchro iaceat.*

CAP. XVI.

Utrum liceat in bene administrata repub. pueris & adolescentibus uxores ducere?

Utrum ad vitandam nimiam multitudinem civium liceat abortum facere?

Summa capituli in sex consistit.



Quo organa sunt aptiora eò animus liberius agit.

Coniugium quid sit.

Quæstio 1.

EX in hoc capite demonstrantur, nempe ætas contrahendi matrimonij, qualitas contrahentium, prægnantium cura, expositio infantium, tempus generandi, adulterij, pæna. Ut ordine hæc singula percurram, animaduertendum id est quod modo dixerim, nimirum optimam dispositionem corporis (cuius partes plurimum ad honestos & candidatos mores efficiendos valere; nam quanto organa sunt aptiora, eò animus (dum est actus corporis) liberius & splendidius agit. Ut enim Cytharædus qui lyram bene sonantem habet, suavius astantium aures demulcet, qui verò discorde & malè sonantem habet absurdius videtur agere: ita animus, qui harmonicè quasi dispositis membris, partibus corporis vititur, magis splendet quàm qui in trunco & simulachro corporis sepelitur. Vtique igitur legumlatoribus corporis eò usque dum cura habenda est, donec per eiusdem figuram ac dispositionem futura Platonis indoles à zopiro in ipsis crepundijs indicetur. Verùm cum hoc fieri non possit commodè, nisi generantium ac genitorum diligens & accurata habeatur ratio; proximè de coniugio (quod est sacra & indiuidua viri cum fæminâ consociatio, ad generationem prolis, ad conseruationem domus, ad solatiū vitæ) agitur. Hinc orta est quæstio, an liceat adolescentibus uxores ducere? In hac thesi spectantur duo, tempus &

CAP. 16.

Liber septimus.

& actus matrimonij: de tempore primùm generatim, tum Tempus & speciatim & distinctè differit Philosophus; generatim quòd actus matrimonij fieri debeat opportunè & accommodatè ad naturam, speciatim quòd ante certam ac definitam ætatem coniugium non fieret. Generatim sic agit, coniugium eà ætate iniri debet qua vir generare & vxor concipere quidem potest: sed non in quacunque ætate hoc fit: ergo in ætate certa & definita cōiugium fieri oportebit. Si enim ætatum magna sit dissimilitudo verisimile est quòd magna etiam futura sit inter virum & vxorem dissensio, quæ nè fiat magistratus sedulo ac diligenter præcauere debet: veruntamen hoc malum vitari non potest si opportunum tempus celebrandi nuptias non assignetur. Præterea cum liberorum futuræq; sobolis maxima habenda sit cura, non liceret cuius quauis ætate ad libitum vxorem sumere: si enim sit inter genitos & genitores nimia ætatum distantia, cessabit officium; si verò sit nimia propinquitas, omnis reuerentia in parentes tollitur: quippè liberi prope æquales cum parentibus ætate inolescere & intumescere solent, proq; censoribus suorum parentum haberi volunt: est ergo statuenda ætas in qua coniugium inire liceat. Insuper providere oportet ut corpora genitorum animæ potentij vel in ipsa infantia coaptentur: at ut hoc fiat, expedit quidem tempus præscribere in quo vir & fæmina coniungantur: haud parùm enim proficit ætas congrua ad producenda corpora temperata aptaq; ad liberam seruitutem & obsequium animæ. Sed quæ tandem est ista ætas? Quod tempus generandi vxorem? Legislatorem agit Philosophus aitq; virū ad septuagesimum, fæminam ad quinquagesimum annum ætatis suæ à generatione declinare, ac proinde à nuptijs nisi consolationis causâ vtrumq; abstinere iubet. Sed Deus bone, quot hodie curuos & decrepitos senes in amplexibus & vlnis Laidum inuolutos ubiq; videas? Natura illos spadones fecit, & tamen (ut loquitur propheta) visâ puellâ hinniunt, & quamuis in cymba Charontis vnum pedem habeant, de Helena cogitant & loquuntur. O quàm indecora res est & impia, delirantes senes cum oculis cæcutiāt, cum

Vv 5

careant

Adolescentu-
lis non licet v-
xores ducere.

careant dentibus, cum ex naribus & ore pus & spumam æta-
tis mittant, cum inanibus tremant, cum vacillent pedibus,
cum totis nature viribus deficiant, de sponsa & libidinosa ve-
nere somniare? Natura hoc in belluis semper abhorruit, sapi-
entia maiorum hoc semper prohibuit. Quid ergo, an adoles-
centulis liceat vxores ducere? Ne illud quidem licet. Dic
causas. Dicam. Si placet argumenta confice. Conficiam; sunt
ergo argumenta quatuor quæ hanc causam probant, primū
à comparatione, secundum ab effectu, tertium à testimo-
nio & exemplo, postremum à tempore & opportuno duci-
tur. A comparatione, quia sic est in hominibus quoad appe-
titum coniunctionis ut est in belluis: sed si in teneriore æta-
te belluæ congregiantur, imperfecti nascuntur fetus, sapius-
que fæminæ quàm mares: ergo idem contingeret in ciuitate
si adolescentuli vxores ducerent. Ab effectu, quia hoc posi-
to quod adolescentibus liceat vxores ducere, necesse est ut
quantò virtus generandi sit imbecillior, tantò dolor pariun-
di sit acrior & laboriosior, immo hinc nani & perpusilli ho-
munciones nascuntur, hinc (quod modò diximus) genito-
res ac geniti propè æquales fiunt, hinc circa administratio-
nem familiæ oriuntur querelæ, hinc accretio & augmenta-
tio corporū iuuenilium tollitur, hinc fæminis crebrius quàm
maribus procreatis spes belli & superandi hostis penitus de-
letur, hinc abortus, hinc mutilati, hinc mōstra, hinc alia sex-
centa mala euenta fluunt. Argumentum à testimonio ora-
culi diuini narrationem habet, nempe quod Træzenij (cum
multæ mulieres apud eos partibus interirent) oraculo con-
sulto intellexerint Dei iram in Træzenios antè non posse
placari quàm fructus seriūs Deus ipse perciperet: quod ora-
culum de immaturis nuptijs & nimis festinatâ filiorum pro-
creatione magi exposuerunt, legeq; hinc factâ (quâ adoles-
centes à connubijs pellebantur) tabes seu contagio penitus
euanuit. Humana testimonia infinita sunt, Aegyptiorum, qui
non ante triginta; Lacedæmoniorum, qui non ante triginta
quinq; Romanorum, qui non ante triginta septem suos ado-
lescentes ducere permiserunt. Postremò à tempore oppor-
tuno.

tuno ratio sic se habet, non conuenit mares aut fæminas al-
ligare nuptijs nisi in ea ætate in qua vtriusq; vires corrobo-
rantur: sed etas ea in fæminis, vicesimo secundo; in maribus,
tricesimo septimo secundū Philosophū definitur: ergo ante
id temporis ducere non liceret. Cæterū pace Philosophi di-
cā quod cēseo, nepe quantūvis eo seculo in quo ipse vixerit,
adolescencia firmitior & diuturnior fuerit, nunc tamē in occa-
su mundi, cū omnia velocius consenescent, citius ducendum
esse puto: viris ergo circiter trigessimū, fæminis circiter vice-
simū etatis annū matrimoniū contrahere liberū licitūq;
esto: sic erit equalitas quodāmodo temporis, cum si attēdas,
fæmina citius per quoddā spatium à conceptione quā vir à
generatione cesset & deficiat. Huc addi potest quod lex ista
plurimū conferat ad temperantiā & experiētiā; ad tempe-
rantiā, quia adolescentiores vsu Veneris præmature fiunt li-
bidinosi; ad experiētiā, quia sedatis affectibus ratio magis
& prudentia in hac ætate viget. Ex parte liberorum aliud ar-
gumentū addit Arist. scilicet quod (si non ante hoc tempus
animos ad nuptias homines appellant) futurū sit ut ciues lō-
gè robustiores corpore & animo vigetiores nascantur, ma-
ximè si parētes tempus & modū Veneris, si victus rationē &
religionē obseruent parentes: tempus huic rei aptum hiemē
potius quàm æstatem, ver potius quàm autumnū, noctē po-
tius quā diem, mane potius quā serò, post concoctionē poti-
us quā statim à cibo, spirante boreā potius quā austro, hic &
alibi præscribit Arist. Modus est ut rarissimè congregiamur,
nam excessus vires eneruat, exhaurit semen, accendit renes,
consumit spiritus, ingenium tollit, pestem, tabem, morbūq;
Gallicum (ut aiunt) gignit. Quid multis? Ipsum sepulchrum
mortemq; præmaturam adfert. Victus ratio neq; athletica,
neq; nimis tenuis & parca esse debet: illa enim violenta est,
& laboriosum efficit partū, hæc nimis infirma & valetudina-
ria periculosum sæpè minitatur abortum: præscribit ergo
Arist. ut mulieres grauidæ & prægnantes curā suorū corporū
habeant, ut se desidiz non dedant, ut se mediocriter moue-
ant, ut deniq; alimentum non nimis tenue & subtile edant,
Religio

Viris circiter
30. fæminis
verò circiter
vicesimum
annum ætatis
nubere licebit.

Tempus vene-
ris,

Modus eiussd.

Victus ratio
in grauidis.

Religio paren-
tum.

Quaestio 2.

Neq; membris
orbati sunt ex-
ponendi, neq;
abortiones
faciendæ.
Argumenta
quibus proba-
tur non licere.

Leg. si mulierē
8. ad L. Corn.
de sicarijs &
L. Cicero. 39.
de pœnis.

Religio quam hic requirit Philosophus superstitio est, nimirum ut ad quotidianum cultum venerationemque deorum eorum se conferant, quibus forte obigit gignendis animabus imperare, quales olim fuerunt Castor, Pollux, Iuno & Lucina. Loquitur Philosophus cum poetis, sed intelligit vnus Dei numen inuocandum esse, ut patet in omni loco ubi de Deo ex instituto agit. Sequitur altera pars capitis, in qua alia mouetur quaestio, nempe, an liceat ad vitandam nimiam multitudinem ciuium abortum facere? Praemonendus est hic lector diligens, quod Philosophus hoc loco de exponendis mutilatis, & de abortu faciendo non secundum suam ipsius sententiam loquatur (ut diuus Thomas ait) sed secundum morem & institutionem quarundam gentium; quæ, ne multitudo ciuium in infinitum cresceret, barbarè & inclementer membris orbatos eijcere, abortionesque crebriores facere solebant: si enim secundum suam opinionem locutus fuisset, quorsum alia remedia longè istis humaniora addidisset? Exempli causâ, in subsidium aliorum principum, ut minueretur numerus, ciues mittere; senesque atque alios permultos à nuptijs celebrandis cohibere. Ut ergo re breuiter perstringam, dicendum est mancos & orbatos membris non exponendos, neque abortiones villo modo faciendas esse: primum negat parentum affectio, quæ sæpissimè in imperfectos ardentius transit: alterum natura, ratio, religio negant, quia abortum facere est homicidium committere. Quid enim aliud est abortio quam embrionis aut infantis in vtero matris truculenta occisio? hæc autem sic probo. Contra naturam est abortionem facere: ergo facere non licet. Antecedens probatur, quia vitam sine lege per vim extinguere est contra naturam: sed infantulum in vtero matris dormientem colocynthide occidere est vitam sine lege per vim extinguere: ergo abortionem facere est contra naturam. Præterea hoc facere est contra rationem: ergo facere non licet. Antecedens constat, quia ex iure mulier quæ visceribus suis vim intulerit, quod partum abigat, morte punitur: quâ quidem seueram poenam lex non præscripsisset, si ratio horrendum

dum hoc facinus esse non persuasisset. Est quoque hoc scelus contra humanitatē: ergo non est inter homines tolerandum. Antecedens patet, quia nihil est immanius quam infanti naturæ castris obuallato vitam tollere; si enim peccatum sit virum, qui potest obsistere, vi & armis inuadere; quanto atrocius flagitium est innocentem in vtero matris adhuc palpitantem obtruncare? Postremo est contra religionem: ergo non licet. Antecedens probatur in textu his verbis. Quid pium ac religiosum sit? Quid non sensu vitaque circumscriptum ac definitum erit? Quasi dixisset Philosophus, impium ac contra religionem est vitam ac sensu præditum infantem tollere; satis si addam illud (non occides.) Sed heu qualia sunt tempora in quibus viuimus? Quot virgines stupratæ, quot coniuges adulteræ, quot vbique meretriculæ mercedi expositæ sabinâ & colocynthidem bibere didicerunt? Pauca admodum partem mandragoræ cum Rachel, ut fiant fecundiores, petunt; sed nimis profecto multæ pilulas fatidas sumunt ut grauidæ factæ abortionem faciant: sed quid nunc queror, præsertim cum

Multis digna quidem res & laudanda videtur

Alterius lectum concutere atque thorum?

Vbi ubi lex tua Cæsar, cum ubique Aegyptus adulter, ubique; Tarquinius superbus, ubique; iudices & sacerdotes luxuriosi viuât?

Ab Venu ad nutum trahis omnia, seu magis urges,

Tu fera, tu caca, tu caci ianua lethi,

Corpora tu maculas, animas in tartara mergis.

Concludam iam tandem cum Arist. quoniam inquit ætas conciliandi nuptias & tempus operam dandi liberis definitum est, suademus ut senio & morbis confecti à coniunctione nuptiali desistant, utque adulteri omnesque qui veneris insidijs student pro sceleratis ciuibus habeantur; audite Philosophum ipsum loquentem. De concubitu inquit viri cum aliâ sceminâ, aut sceminæ cum alio viro, esto absolutè turpe & flagitiosum alium aut aliam vlla ratione villoque pacto tangere videri, cum & est & appellatur coniux. Cum hoc docetas sapiens Philosophe non credo te Phrynen meretricem

Genes. cap. 30.

Iuuenal. sa-
tyr. 6.

vn-

unquam iniuste tetigisse, eamq; suam tecum in vlnis & amplexibus voluisse.

Distinctio.

Probatur In hoc Ca- pite quod non liceat	Adolescentulis vx- ores ducere a	Comparatione aliorum animantium, Ab effectu doloris & periculi in Testimonio oraculi, (partu, Tempore opportuno ducendi, Commodis & incommodis quæ iu- ueniles nuptias sequuntur.
	Abortionem facere, quia hoc est contra	Naturam, quæ abhorret. Rationem, Religionem, } quæ prohibent. Humanitatē, Iustitiam, quæ hoc facinus seu- rè castigat.

Opp. Matrimonium est de iure naturali: ergo nulli ætati nega-
retur. Antecedens patet in primo Politicorum ubi docet Arist. ho-
minem esse animal civile appetens naturaliter societatis conjugalis.
Ratio probatur, quia quod insitum est a naturâ cuilibet ætati con-
uenit, & per consequens adolescentie.

Aliquid con-
uenit natura-
liter vel in-
choatè vel
completè.

Resp. Aliquid conuenit naturaliter duobus modis, aut inchoatè
ut virtus, aut completè ut sensus homini: primo modo matrimonium
est de iure naturali, quare non est necesse ut omni ætati competat,
nam id solum omni tempore conuenire dicitur, quod absolutè &
completè conuenit.

Opp. In adolescentia est maxima vis caloris & robur nature:
ergo connubium licitum esset adolescentia. Antecedens probatur,
quia in adolescentia est duplex calor, & ad nutritionem & ad aug-
mentationem corporis.

Resp. Maxima vis & robur natura potius in iuuentute est
quàm in adolescentia: nam et si duplex calor inesse videatur adoles-
centulis, duplicem tamen habet finem, nempe nutritionem &
augmentum, quæ duo prematurâ venere & nuptijs plurimum
impediuntur.

Opp. Multi castè & temperanter viuere non possunt in ardore
adolescentia: ergo illis saltè tadas nuptiales accendere permittere-
tur, zonâq; virginale ut aiunt soluere. Antecedens constat, quia do-
num

num castitatis non omnibus datur, nam omnes non capiunt verbum Matth. 19.
hoc, ut ait Christus. Ratio tenet, quia melius est nubere quàm vri.

Resp. Omnes non capiunt verbum hoc, non dicit saluator (inquit
diuus Chrysostomus) non possunt capere, sed non capiunt, hoc est non
quod non possint sed quod non velint, petentibus enim gratiam non
denegatur gratia: si remedia huius ardoris ab Aristotele petas pri-
mo Ethicorum abstinentiam à cibo, castigationem corporis, leges se-
ueras ciuitatis tradit, quibus si addas orationē ad Christum Atrius
& Aegyptius à scelere abstinere possunt.

Opp. Matrimonium est medium castè viuendi: ergo ab eo nul-
la ætas cohiberi debet.

Resp. Est matrimonium res quidem honorabilis, iusta & pia, est
quoq; medium castè versandi cum gratâ & fideli sociâ vita, sed hoc
adde si secundum ordinem & præscriptum iustitia suscipiatur.

Opp. contra secundam quæst.

Non est contra naturam excrementum natura expellere: sed fœtus
vita, motus, & sensus expers est excrementum natura: ergo fœtū
expellere non est contra naturam. Minor constat, quia fœtus ad-
huc motus, vita, & sensus expers est nihil aliud quàm menstruo-
rum saccus, ut medici definiunt.

Resp. Primum nego conceptum semen esse sine motu, vitâ, &
sensu: tum dico tamen si actu hac non inessent, quoniam tamen natu-
ra ad ea tendit, contra naturam esse tam excellens natura opus de-
struere ac impedire, neq; est fœtus solum menstruum saccus, cum
semine concepto formalis & actiuâ potentia insit.

Opp. Minus malum est eligendum, nè sequatur maius: sed
minus est malum abortionem facere quàm ciuitatem nimia turbâ
& multitudine opprimere: ergo licet abortionem aliquando facere.

Resp. Minus malum est eligendum, si maius, quod inde sequitur,
honestis modis euitari non potest: sed nimiam turbam ciuium alijs
honestis modis diminueri licebit, exempli causâ, si adolescentes,
pauperes, senes, infirmi, serui à connubijs arceantur, si matres suos
ipsarum infantulos enutrire cogantur, si in subsidium aliarum na-
tionum ac principum ciues confertim transmittuntur, aut deniq; si
Theophili in exemplum castitatis, non ut olim Eunuchi, sed ut san-
cti propter regnum cælorum in hac vita decastrentur.

Dubi-

Dubium.

An adulterium sit per se malum? Et an in eo plus vir quam mulier peccet?

Opp. Naturalis appetitus non est peccatum: sed naturalis appetitus usu unus femina aut viri non satiatur: ergo si plures adhibeat, non est peccatum. Maior est Arist. in Ethicis, ubi probat nos neq. secundum appetitum, neq. secundum affectum iustos aut iniustos, bonos vel malos appellari. Minor constat, quia appetitus est vi sua infinitus. His positis & concessis sequitur adulterium (quod est actus naturalis appetitus) non esse peccatum.

Appetitus rationi subiectus vnâ famina contentus esse potest.

Resp. Appetitus consideratur bifariam, aut ut est solus sensibilis, qui est communis hominibus cum belluis: aut ut rationis imperio est subiectus, & sic unus viri aut uxoris usu satiari potest. Nā lex rationis iubet ut homo se uni solus astringat, nexumq. indissolubile nuptialis societatis obseruet, quam legem violare est peccatum; est ergo adulterium si naturam spectes per se malum: huc adde si placet, quod in adulterio iniuria immanis fiat alteri, quod sit contrarium diuina legi, quod perniciosum sit ciuitati, quod proles incertitudinem gignat, quod negligentiam parentum & filiorum contemptum pariat, quod contentiones, insidias, homicidia, aliaq. infinita mala in ciuitate creet: esto igitur absolute turpe & flagitiosum (ut rursus utar verbis Philosophi) alium aut aliam adulterium quouis colore aut pretextu committere.

Opp. Arist. in quinto Ethicorum adulterium esse aliquem posse affirmavit, qui tamen non sit iniustus: ergo adulterium omni modo non est per se malum.

Resp. Dixit ex parte affectus adulterium iniustum non nominari, sed ex parte habitus & intemperantia adulterium omnium flagitiosissimum esse, & hic & in septimo libro Ethicorum concludit.

Lib. Prob.

Opp. Mulier est frigidior complexione omni viro: ergo si sit adultera magis peccat quam vir. Antecedens est Arist. Ratio tenet, quia frigus complexionis est medium, quo fortius insidijs venereis oblectetur: quod si non fecerit, praesertim natura duce, magis quam vir peccatum habet.

Resp. Frigus in feminis non extinguit sed potius per antiparistasis accendit facies libidinis: nam hoc modo querit natura defectio in illis

illis frigoris metum penitus arcere: hinc illud est Arist. quod mulier non aliter virum quam materia suam formam appetat: sed ut verum verbo attingam, vir in hoc scelere magis quam mulier peccat, Vir magis primum quia natura viro principatum in mulierem dedit: hinc quia peccat in vir perfectio, mulier imperfectio natura dicitur. Porro vir constanter ingenium vsuq. rationis nobiliorem habet, unde probabile est adulterio quod magis ex malitia quam infirmitate peccet. Postremo mandatum est ut recte vir praesit famina: si ergo cum illa peccet non solum vim natura sed etiam legi diuina facit.

CAP. XVII.

Utrum lacte solus eodemq. potius matris quam nutricis alerentur infantes?



ONIVGIVM & procreationem liberorum sequitur eorum institutio, de qua in hoc cap. breuissima sed efficacissima traduntur praecepta. Singula ordine percurram antequam ad quaestionem discutiendam veniam. Sunt ergo in educatione liberorum iam natorum praeipue consideranda tria, victus, motus, & cultus.

In educatione liberorum spectanda sunt tria: Victus infantium.

Victus infantium copiosus esse debet, facilis concoctu, & ad ipsam naturam atq. teneram aetatem accommodatus; copiosus, ut infans tum alatur tum augmentetur; facilis concoctu, ut ingurgitatione non suffocetur; accommodatus ad aetatem, ut consideretur complexio, & certa edendi tempora obseruentur. Genus alimenti infantibus accommodatissimum lac est praeipue maternum, quod nihil aliud est quam sanguis in colorem alium vi naturae ad sustentationem infantium commutatus: si adhibeatur nutrix prouidendum est ut sit moribus honesta, lacte abundans, constitutione corporis bona, à morbis libera, victu delicata: ratio est, quia infans ab vberibus tam matris quam nutricis mores & morbos fugit.

Lac pueris conuenientissimum. Quid sit. In nutrice quae spectanda.

X x

Secundum

Motus.

Secundum præceptum est de motu infantium, qui talis semper esse debet, ut eorum corpora ac membra à distortionem atque curvitate fascijs quibusdam & instrumentis adhibitis conseruentur, agitenturque huc atque illuc sæpè per manus nutrices, nè conlopihi humores paralyfim aut epilepsiam seu comitiale morbum generent. Tertium præceptum est de cultu, qui partim ad corpus, maximè ad mentem spectat;

Cultus.

cultus corporis in infantia tenuis & frigore penetrabilis esse debet, assuescere enim oportet liberos ad tolerandum frigus, quippè illud & ad valetudinem & ad rem militarem est utilissimum; immanis tamen & barbara fuit illa Celtarum consuetudo, qui suos infantulos frequenter in fluuios immerferunt. De cultu animæ multa & insignia hic adhibentur præcepta, hic cultus cura quædam & disciplina (quam habent parentes suorum liberorum) definiri potest. Diuiditur autem hæc disciplina in domesticam & publicam, illa ante annum quintum, hæc ad quintum incipit; illa nempe domestica disciplina in hoc potissimum sollicita esse debet, ut ætas adhuc tenera & nondum ad studia laboreque idonea inertiam fugiat, quod fieri potest tribus medijs, lusu, sermone, fabulâ: lusus liberales atque honestos, eosdemque;

Cultus animæ quid sit.

Disciplina duplex.

Domestica disciplina.
Media fugiendi inertiam tria sunt.
Lusus,
Sermones,
Fabulæ.

Pro Roscio Amerino.
Pueri debent aliquando plorare.

nec laboriosos nimium, nec nimium remissos esse oportet; sermones utiles esse debent, & ad vitam futuram accommodatæ; fabulæ iucundæ sed morales illis narrandæ sunt (quales sunt apologi AEsopi & Hesiodi): sic futurum est ut ludicra hæc initia vitæ, nempe lusus, sermones, fabulæ præcursorum quædam & imitationes consuetudinis futuræ habeantur, tum verò vel maximè cum hæc omnia imagines quasdam virtutum gerant. Stoicus non est in hac re Aristoteles, nam ad fabulas & poetarum commenta audienda pueros admittit, sed eâ lege ac omine ne eorum mores deprauentur. De istiusmodi loquitur orator, conficta sunt multa à poetis, ut effectos nostros mores in alienis personis, expressamque imaginem vitæ quotidianæ videremus. Præter lusus, sermones, & fabulas alia educationis media spectanda sunt, primum est ut pueri non semper ludant

&

& rideant, sed aliquando vocem contendant & plorent; vocis enim contentio & ploratus membra distendunt, spiritus vitales attonitos & depressos excitant, humores à capite (quæ re maximè opus est in pueritia) discutiunt & expellunt. Compressio enim animæ & spiritus ijs qui in aliquo labore versantur vires suppeditat atque amplificat, quod quidem pueris vocem contententibus & plorantibus contingit. Aliud præceptum est ut pueris moderandis præfecti impensè curent, ne cum servis & mancipijs vertentur: quippè id genus hominum exhalat nescio quam pestem & virus in tenera & quasi cerea præcordia puerorum, qui sunt adhuc quasi arundines leuissimo quouis flatu in omnem partem ac viam flexæ. Tertium est ut parentes suos liberos diligenter custodiant, & arceant ab audientibus, videndis, spectandis, malis sermonibus, obscænis idolis Veneris, vanis spectaculis leuissimorum histrionum, qui plusquam ridiculas ne dicam impias fabellas huc illuc vagabundi agunt. Hic opportunè monendi sunt illi, qui suos infantulos iurare & conuitiari docent, qui simulachra Veneris intuenda, artemque amandi perdiscendam suis filiis proponunt, qui denique ad theatra plena Veneris, plena vanitatis illos non solum ire permittunt sed etiam alliciunt. Non hic omnes ludos omneque histriones præsertim hystoricos, tragicos, & si placet comicos (modò sint verè faceti) condemno: quippè ARISTOTELES hoc loco THEODORVM quendam peritum tragædiarum actorem laudat, CICERO suum laudauit ROSCIVM, nos ANGLI TARLETONVM, in cuius voce & vultu omnes iocosi affectus, in cuius cerebroso capite lepidæ facietæ habitant. Cursim in præsentia de his rebus mentionem fecit Philosophus, de quibus postea vberius disputabit: verum quoniam modò disciplinam puerorum in domesticam & publicam diuiserit, illâ iam satis expositâ, terminum huius à quo & ad quem (ut aiunt) breuiter demonstrat. Publica enim disciplina à quinquennio incipere quidem debet, duobus verò sequentibus annis ad septimum usque providendum est,

Pueri cum servis & mancipijs vertant non debent.

Pueri arcendi sunt ab audientibus, videndis, spectandis, malis, idolis, obscænis, spectaculis vanis.

Histriones omnes non sunt condemnandi.

Disciplina publica eius distributio.

Xx 2

ut

Quæstionis
pars prima.

Lac alimentū
maximè ac-
commodatum
infantulis.

ut pueri sint earum disciplinarum (quas eos discere oportebit) solum spectatores, à septennio autem duplex incipit disciplina, vna vsque ad pubertatem, altera ad vigesimum primum ætatis annum; hic non per hebdomadas in quibus est error, sed per annos naturæ diuisionem secuti, quid sit optimum in quauis parte ætatis, quid pessimum facile inueniemus. Hæc summa est omnium, quæ in hoc capite dicuntur: superest ut vnā quæstiunculam è toto quasi cumulo decerptam paucissimis enarremus. Quæstio hæc est, An lacte solum eodemque potius matris quam nutricis sint alendi infantes? Natura prouida & sagax perpetuò fuit in conseruandis ijs quæ in lucem edit, ut constet in plantis, in belluis, atque in rebus minoris pretij, in quibus sollicita non solum est ut gignantur bene, sed ut genita veluti nutricis manu foueantur: Si ergo sit tam benigna mater & quasi propitia belluis, quanto magis hominibus in quibus totius naturæ globus, speculum & artificium cernitur? Aui plumam, leoni pellem, pisci squamam tanquam arma natura dedit, istorum matres tamen lege deuinxit, ut suos pullos, catulos atque foetus ad tempus alerent. Quid ergo? An hominem nudum, inermem, vagientem, & impotentem peperit, ut matres lacte, oculis, & vlnis non fouerent? Nimis profectò sunt deliculæ matres nostrorum temporum, aut si magis placet sunt nimis ferè & crudeles, quæ mamillis suis exhaustis & exsiccatis suos infantulos otiosis nutricibus passim & vbique tradunt; ut tandem huic malo pro viribus occurrā, primum infantes lacte, tum potius lacte materno quam nutricis fouendos esse probabo. Quòd lac sit alimentum omnium infantulis maximè accommodatum multis rationibus probari potest, quas hic solum digito attingam, ut ad alteram partem quæstionis accedam. Lac est alimentum à quo natura ipsa in vtero matris infantem per vmbelicum nutrit: ergo est huic ætati maximè accommodatum. Quod enim genus cibi magis placet quam illud quod natura parat? Præterea lac maximam proportionem & similitudinem san-

Quæstionis
pars secunda.

sanguinis (quo infans & alitur & augetur) habet: ergo lac infantibus alimentum maximè naturale dicitur. Porro lac est nutrimentum concoctu facilimum, ut omnium medicorum consensu constat: ergo lac præcipuè huic ætati conuenit. Insuper lac velocissimè in omnes regiones corporis transfuehitur: ergo lac corporibus infantū aptissimè accommodatur. Postremò aliud genus cibi, ut puta carnes, aut pisces non possunt infantes naturæ vi conficere: ergo lacte solum ad tempus alerentur. Huc adde si placet, quòd lac alijs animalculis natura dederit: ergo nouerca esset hominibus si idipsum ut optimum pernegaret. Altera pars quæstionis (nempe quòd matres potius quam nutrices suos foetus alerent) multa argumenta habet, quæ sic breuiter Philosophorum more conficio. Natura matribus lacte distenta vbera ideo dedit, ut ipsæ suos infantes alerent: ergo si naturæ legem & imperium sequantur, ipsæ suos foetus enutrient. Præterea matres idipsum lac habent quo infantes in vtero alebantur: res ergo salubrior erit infantibus si eodem nutriantur. Porro ardentior affectio & amor in matre quam in vlla nutrice inest; quippè infans verè os de osse, caro de carne matris: ergo mater potius quam nutrix infantes aleret. Insuper periculosa est mutatio lactis (cum eadem non sit fortasse nutricis ac fuit matris complexio) ergo optandum magis est ut matres quam ut nutrices suos fouerent infantes. Deinceps quoniam mores boni vel mali sæpè ex vberibus hauriuntur, rationi consentaneum est ut potius matres quam ut nutrices hanc curam susciperēt. Postremò reginæ castissimæ olim hoc ipsum fecerunt, leges ac instituta maiorum hoc ipsum fieri iusserunt, quid ergo in malum obstat quo minùs nostræ iam pictæ femine hoc ipsum præstent? Nimis sunt profectò molles, nimis vanæ & delicatæ, perdunt sobolem ut fugiant in fronte rugam, imò perdunt sobolem ut statim à partu amplexentur venerem: generatione capiuntur plurimum, sed nutritionem genitorum ac institutionem abicere videntur. Vrsæ, leonæ, tygres hoc non faciunt, puderet ergo matres si idipsum faciant.

Xx 3

Dislin-

Distinctio.

Proban- tur hoc loco duo, nempe	Quod infan- tes lacte nu- trirentur, id- que propter	Consuetudinem vitæ, Facilitatem concoctionis, Velocitatem motus, quo citò in omnes par- tes hoc alimentum rapitur, Similitudinem ac proportionem quam habet cum sanguine.
	Quod infan- tes lacte po- tius mater- no quàm nutricis a- lerentur, causæ sunt, quia	Natura ideo vbera lacte distenta dedit, ut eo- dem suos infantes alant, Matres lac idem habent quo in utero aleban- tur, Affectio maior est erga prolem in matre quàm in nutrice, Periculosa est lactis mutatio, Cum lacte sæpe boni vel mali mores ex vbe- ribus hauriuntur. Leges ac instituta maiorum hoc fieri impera- runt.

Opp. Ex lacte obstructions generantur: ergo lac non est alimen-
tum infantulis accommodatum. Antecedens est Hippocratis,
qui febricitantibus capiteq; dolentibus ob hanc causam lac dare pro-
hibet.

Resp. Lac muliebre, quod hic à Philosopho intelligitur, tenue est
& aquosum obstructioneq; non facile gignit: lac vero caprinum aut
vaccinum crassiorem materiam habet, & ne inflammatio maior
obstructioq; fiat, febricitantibus & capite dolentibus id sumere in-
terdixit Hippocrates.

Opp. Lac (ut placet medicis) facile in malos humores vertitur:
sed pueri crassis & malis humoribus abundant: ergo utile alimen-
tum illis non est, ne in tales humores commutetur.

Resp. Ut in malos ita in bonos humores lac facile commutatur:
sed in pueris duo remedia sunt, natura quæ propter similitudinem id
alimenti appetit, & laeior alui quæ omnia superflua quotidie in senti-
nam mittit.

Opp. Vinum maiorem similitudinem cum sanguine quàm lac
aquosum habet: ergo vinum infantes biberent.

Resp. Vinum maiorem similitudinem non habet, quia plus iusto
calidum

calidum est, & non aliter quàm flamma flammis adiecta stramine-
um corpus infantis urit & accendit.

Opp. Mulieres puerpera parius laboribus sunt admodum de-
biles & infirma factæ: ergo opus est nutricibus.

Resp. Rarò factæ sunt tam debiles & infirma quin lactis habe-
ant satis, quo unum infantem nutrant; verùm si partu laborioso
valde elumbes fiant, necessitati cedendum puto, modò nutrix simi-
lima complexionis comparetur.

Opp. Indecorares est & planè indigna ut regina suos infantes
lactare cogantur: ergo non semper requiri debet ut materno lacte
infantuli nutrantur.

Resp. Res indecora non est, nec omninò indigna ut fiant regina
maiores: si ergo placeret illis, multò melius esset si ipsæ etiam in hac re
nature nutum sequerentur. Galerius olim persuasurus nobilissimæ
feminae ut suam filiam proprio ipsius lacte nutrirer, hanc rationem
dixit, si inquit agriculus lacte nutriatur caprino lanam contrahit
asperam & hirsutam, versa autem vice si capriolus lacte bidentis
sustentetur pilos leniores habet: ita quidem infans qui lacte nutricis
alitur, sæpe detiores; qui verò lacte materno alitur, sæpe mores ama-
niores habet.

Dubium.

An infantes frigori sint assuefaciendi?

Opp. Frigus teneriora infantum corpora facile penetrat, eo-
rumq; spiritus & humores obtundit: ergo non sunt infantes frigori
assuecendi.

Resp. Hic neq; laudo Celtarum morem, qui infantes nudos in Frigus medi-
flumen mergunt; neq; illorum consuetudinem approbare possum, qui ocre pueris
omnem flatum & aeris motum timent: mediocre frigus membra fir-
mius constringit, calorem ad præcordia pellit, spiritus vitales auget,
valentiores reddit, ad rem militarem aptiores efficit, nimia verò in-
dulgentia contraria effecta gignit.

Dubium.

An permittendum sit ut sæpe plorent pueri?

Opp. Fletus ex dolore nascitur: at dolor est contractio præcordi-
orum & diminutio spirituum: ergo fletus puerorum non est utilis.

Xx 4

Resp.

Fletus moderatus pueris prodest.

Resp. Fletus immoderatus nocet, mediocris verò plurimum infantibus ac pueris aliquando prodest: nam eorum membra dlatat, spiritus vitales excitat, vocem conseruat, crassos humores per lachrymas à capite deducit.

Dubium.

An liceat pueris cum seruis versari, picturas videre, fabulas audire?

Opp. Sunt multi serui iusti & honesti: ergo cum illis versari licet. In templis quasdam lasciuas imagines erigi in hoc textu permittit Arist. ergo picturas licet intueri. Postremo commendat alibi ludos & ludorum praefectos: ergo licet quoque fabulas audire.

Resp. Philosophus cum seruis à natura hic pueros versari prohibet, tabulas pictas vanissimorum deorum in textu ridet, non laudat, & quod animaduertendum est, ad eas contemplandas solùm ætate prouectiores admittit. Postremo fabulas obscenas & irrisione dignas non liberales audire vetat: si enim serui malitiam aut ignorantiam, si idola venerem & turpitudinem, si fabula vanitatem morum sapiant, insipiunt magistratus qui pueros ab illis longissime non arcant: nam per illa virtutum facula extinguuntur, sparguntur semina vitiorum, corrumpuntur mores, multa alia incommoda gignuntur ciuitatis: exempli causa, otium, libido, temporis iactura, naufragium rerum, & quod est omnium deterrimum, vehemens ad flagitiosos mores induendos motus ac incitatio.

Laus soli deo.

LIBER

LIBER OCTAVVS.

CAP. I.

Verum disciplina seu institutio adolescentum publica esse debeat?



ET V S illud est intellectum adolescentis esse tanquam rasam tabulam & liquefactam ceram, in qua nihil depictum, impressum nihil inest; verum ut in hac re & illa imprimi & depingi possunt multa atque varia simulachra rerum: ita in mente adhuc tenera & flexibili multiplices species virtutum aut vitiorum formae veluti insculpi ac

delineari possunt. Ne ergo in animis adolescentulorum tanquam in agris incultis virtutum loco vitiorum spinæ ac vepres crescant, operæpretium duxit Philosophus culturam huius ætatis ac disciplinam publicis magistratibus commendare. Hoc tamen non idcirco voluit ut parentes & præceptores instituendi curam ac prouinciam excuterent, sed ut à septimo anno ad prouectam ætatem seges reipub. à pessimorum morum contagione tanquam à typhone aut deuastante procellâ tutius conseruetur. Optandum quidē est ut omnes patres vnum illud ab Aenea apud Poetam his verbis Ascanium filiolum alloquente discerent.

Disce puer virtutem ex me, verumque laborem,
Fortunam ex alijs.

Virg. Æneid.
12.

Sic enim Lothus suos liberos, sic Iobus suos, sic Tobias pater Tobiam filium, sic Dauid iam moriturus Salomonē, sic omnes denique sancti & religiosi patres suos obsequentissimos filios instruxerunt. Sed de priuata institutione satis paulò superius diximus, nunc de publica & cōmuni disciplina loquimur, cuius maximam curam ad totam ciuitatem pertinere duobus hic argumentis probat Philosophus, idque hoc modo.

Xx 5

Interest

Vide Quinti.

Lib. 7. cap. 17.
Disciplina publica ad totam ciuitatem spectat.

Plat pol. 2.

Morum con-
formatio ad
statum.Quæstio.
Rationes. 4.Vide Xenoph.
de rep. Spart.
Plut. in Ly-
curg. Polyb. 1.
6. Iustin. lib. 3.
Xenoph. Cy-
rip. lib. 1.

Interest ciuitatis eius rei curam suscipere, cuius neglectio magna dispendia & damna ciuitati infert: sed neglecta institutio adolescentum magna dispendia & damna ciuitati infert: ergo ciuitatis interest adolescentiæ instituendæ curâ in se suscipere. Minor constat, quia qualem optamus ciuitatis formam, talem oportet esse iuuentutis curam; vt in omni reipublice statu ac conditione patet; exempli causâ, si in democratiâ viuas, adolescentum mores ad libertatem; si in oligarchiâ, mores ad potentiam; si in optimâ politiâ, mores ad sapientiam & virtutem debes confingere. Alter syllogismus hic est. Quemadmodum fit in alijs artibus ac scientijs, ita fieri debet in ciuilibus actionibus & scientiâ administrandi rempublicam: sed in alijs artibus quædam dispositio ac instructio ipsum præcedit opus: ergo in ciuilibus actionibus & scientiâ administrandi rempublicam quædam morum institutio præcedere debet. Hæc verò institutio an publica vel priuata esse debeat rationes quatuor sequentes docent, quarum prima à ratione finis, secunda à consideratione paris, tertia à ratione totius & partis, quarta ab exemplo ducitur. A ratione finis hoc modo, quorum est idem finis, eorū debet esse eadem disciplina: sed adolescentum ac totius ciuitatis idem est finis: ergo eadē disciplina esse debet. Verūtamē quis ciuitatis disciplinā publicā esse negat? A consideratione paris hoc ipsum probatur, quia rerum cōmunium in ciuitate cōmunis debet esse exercitatio: sed liberi seu adolescentes in repub. vsu sunt communes (nati enim sunt ad ciuitatē) ergo eorum publica & communis haberi debet disciplina. A partibus ad totū sic disputat Philosophus, cura partis debet respicere curam totius: sed pueri & adolescentes sunt partes reipub. ergo qualis est huius, talis illorū debet esse institutio. Postrema ratio in textu ab exemplo Lacedæmoniorū ducta hanc formā habet. Quod præstantissimæ reip. & senatui Lacedæmoniorum placuit, id vt rectum esse videtur: sed Lacedæmonijs publica liberorum institutio placuit: publica ergo liberorum institutio recta est; & sanè non solum Lacedæmonijs sed etiam Atheniensibus, Persis, Romanis, omni-
niq̃ue

niq̃ue ferè populo sapienter ciuitatem administranti hic ordo educationis placuit. Fuerunt enim in omni repub. optimè administratâ graues & seueri Catones censei q̃; creati, qui publicam morum curam summâ cum fide susceperunt. Quintilianus vberius de hac causâ disputat, ex quo & alijs multæ præter has iam traditas decerpi possunt rationes: verbi causâ, in educatione priuata tum parentum tum præceptorum error aliquando ex ignorantia, aliquando ex affectione euenit: est ergo cōmunis & publica instituenda disciplina, ne aliquando priuata noceat; q̃ verò priuati tutores & parentes frequētius errent Timotheus peritus ille musicus luculētius videtur ostēdere, qui sepē vnâ mercedē ad dedocēda errata, alterâ ad edocēda sua præcepta à suis discipulis exegisse dicitur. Porro excellētior forma educationis ea est, quæ in sapientia & cōsensu totius ciuitatis fūdata firmiorē anchoram & cōstantiâ habet, quā quæ ab vnius hominis iudicio pēdet: sed publica disciplina in sapientiâ & cōsensu totius ciuitatis fūdata firmiorem anchorâ & cōstantiâ habet: ergo publica disciplina melior est quā priuata. Assumptio constat, quia rarijs institutio, quæ senatum authorē & legem moderatricem habet, mutatur, quā quæ ad arbitrium vnius vel alterius vertitur. Postremò institutio publica semper publicum bonum & finem ciuitatis respicit: ergo melior est quā priuata, quæ aliquando vsum & affectum priuatorū hominū intuetur. Quid hic adderem approbationem huius rei ex sacris oraculis, in quibus passim constat deū præscripsisse multos ordines seniorum, qui publicam disciplinā in suum electum populū exercerent? virgā suam habuit Aaron, & sceptrum suū Moyses, malos gladio percussit Iosua, & flagro ex templo sceleratos exterminauit Christus; filij prophetarū habuerunt præfectos suos, & nunquā in ecclesiâ defuerunt vigiles custodes & censes morum, qui si nunc defint, si inquam nunc defint, ecce miseriam; si defint, ecce ruinam & confusionem omnium; si enim vera disciplina, si recta institutio desit, non ordo sed horror; non administratio sed miserabilis confusio ciuitatis sequitur. Quippe vt naus sine clauo, ita est ciuitas sine disciplinâ,

Fenestel. lib. 2.
cap. 17.Brufon. lib. 2.
cap. 23.
Pol. 4. cap. 1.Ios. 10.
Math. 27.

disciplinā, quā mali impelli, boni moueri ad officia possunt.

Distinctio.

Adolescentulorum institutio duplex est,	Privata per	Parentes & Præceptores } vt supra.
	Publica, quæ magis requiritur in ciuitate, vt probatur argumentis ductis	A periculo si negligatur, A similitudine in alijs artibus, A fine cuiusque & totius ciuitatis, A consideratione patris, A consideratione totius & partis, Ab exemplo Lacedæmoniorum, A comparatione vtriusque, A medijs vtriusque, A fine vtriusque, A testimonio sacrarum literarum.

Pol. 2. cap. 2.

Opp. *Commune bonum* (vt est in proverbio) negligitur, ergo & publica institutio adolescentum (quæ est commune bonum ciuitatis) minus est approbanda.

Commune bonum negligitur cum desint præfecti.

Resp. *Commune tum bonum* negligitur cum præfecti, qui eadem consulant, non instituntur; sed ad institutionem iuuentutis magistratus seu censores in qualibet rectè administratâ ciuitate destinantur. Præterea neglecta communis disciplina ciuitatis non arguit eandem minus bonum esse quàm domesticam, sed potius probat dissolutos esse magistratus, qui suum in hac re officium negligunt.

Opp. *Incredibilis est natura affectio* in parentibus erga liberos: ergo eorum priuata cura in filios erit vigilantior attentiorq; quàm est magistrat nū in alienos, quos sibi in fidem & tutelam susceperunt. Ratio tenet, quia ab illis natura in filios, ab his industria solū veluti in seruos fluit.

Resp. *Non minor est affectio boni magistratus in patriam quàm patris in filium*, censores ergo morum non minus ciues quàm patres suos liberos diligunt: nam vt in his est spes sobolis, ita in illis est flos & fructus ciuitatis: vivit enim pater in posteris, & floret ciuitas in liberè natis & educatis ciuibus.

Opp. *Ciuum liberi* (vt ait Philosophus in hoc capite) non sunt priuati sed communes: ergo eorum nō est omnino priuata sed publica disciplina. Ratio tenet à pari, quia cōmuniū solū cōmunis est disciplina, quo concesso, nulla est ista communis cum priuatâ comparatio.

Resp.

Resp. *Re priuati, vsu communes ciuium liberi dicuntur*: hinc illud, partem patria, partem amici, partem parentes nostri ori us vendiscant: quippe nobis solū nati non sumus. Vt ergo patria communem: ita pater priuatam nostri possessionem adeoq; institutionis rationem & curam habere dicitur.

Opp. *Magistratus naturam ac mores ciuium minus certò ac definitè nōrunt quàm parentes à quibus nati, suscepti & enutriti sunt*: ergo publica illorum institutio minus accommodata videtur. Ratio tenet, quia priuatim instituti quā viâ dociles sint pueri, & ad quos mores sint flexibiles propter longam consuetudinem, melius quàm publici magistratus sciunt.

Resp. *Quamuis parentes & præceptores melius forsan priuatos mores & actiones suorum liberorum nōrunt*, quibus tamen modis sint omnes & singuli ad vsum & bonum ciuitatis efformandi accuratius quàm magistratus (eā solū de causa instituti) non nōrunt: cum ergo in publicâ disciplinâ adolescentum bonum publicum spectetur, longe melior hac quàm illa iure optimo haberi debet, iuxta id quod dici solet, bonum quo communius eo melius.

CAP. II

Virum adolescentes ad honores ciuiles admittendi liberales scientias absolute & accurate perdiscerent?



INSTITVENDAM esse idq; publicè adolescentiam ciuitatis constat; sed de rebus, de quibus est erudienda, apertè ac definitè adhuc non constat: vt ergo sit veluti authentica institutio ac disciplina ciuilis, res quasdam hoc loco proponit & discutit Philosophus, in quibus vita humana versâ & versata est dum

Vita versatur in rebus vtilibus, necessarijs, iucundis.

veluti in olympico stadio posita ad scopum & laurum felicitatis tendit. Res istæ sunt vtilis, necessaria, iucundæ: vtilis vt incerta fortunæ dona, bonæque naturæ, quibus in hoc cursu vtimur; necessaria vt virtutes mentis & moris, quibus

Quæstio solu-
ta in 7 l. c. 14.

Primum ge-
nus hominum
qui in rebus
utilibus vitæ
summum bo-
num colloca-
runt.

Adolescentes
ad artes modò
non sordidas
educandi sunt.
Liberales ar-
tes duplices
mentis, ma-
nus.

Artes sordidæ
quæ sunt.

bus quodammodo in hac vitâ perficimur: iucundæ, vt e-
natæ ex his voluptates, quibus (si vberius fluant) depraua-
mur. Fuerunt ergo (vt hic docet Aristoteles) alij, qui sum-
mum bonum pro affectu definientes nunc ad hæc nunc ad
illa adolescentum mores efformandos esse censuerunt: hinc
quæstio est, Vtrum ad mentem vel animi mores disciplina
ciuilis sit magis referenda? Mouet quidem hanc quæstionem
Philosophus sed non soluit, quia in septimo libro copiosè
demonstrauit virtutes mentis multis gradibus præferendas
esse, eamque vitam esse diuinissimam, quæ secundum men-
tem & sapientiam agitur. Si ergo studiosus lector plura de
hac re scire desideret, ad illum iam locum eum referendum
puto. Pergam in textu, opiniones inquit Philosophus mor-
taliū de his rebus nempe utilibus, necessarijs, & iucundis
variæ sunt: qui enim in terram oculos defixos habent aureis
retibus venantur umbras mundi, capiuntque res minutulas
veluti aranearum telis, quibus tamen eorum mentes non
aliter quàm pedes tricis sic impediuntur, vt dum fugaces &
inanes nugæ sedulo atque impensè colligant, in cymbam
Charontis & in sepulchrum (non audeo dicere in tartarum)
incidunt & rapiuntur; ab his obiectis (vt ait Philosophus)
quæ dulcem odorem habent, quæque ipsos sensus nimium
demulcent, naturâ tardiùs dimouemur. Mallemus enim in
falis statuas cum Lothi vxore transmutari, quàm cum Mariâ
relictis mundi nugamentis ad pedes Christi conquiescere,
Ambrosiamque cœli degustare. Cæterum utilia hæc bona
suum vsum suumque splendorem in ciuitate habent, suntque
adolescentes ad eas artes modò non sordidas educandi, qui-
bus ornatî & ad libertatem & ad temperantiam munificen-
tialij & sibi honestè viuunt. Liberales artes sunt vel mentis (vt
ita loquar) vel manus: illæ theoreticæ, hæc verò mechanicæ di-
cuntur; illæ omnes & singula probandæ sunt, hæc quoque vt
ancillæ sunt etiam admittendæ, modò eum sordidum &
illiberalem non efficiant. Sed attende, illæ hoc loco solum ar-
tes definiuntur sordidæ, quæ ciuili corpora ad virtutis vsum
nepta reddunt, quales sunt rapaces illæ & meretriciæ, in
quibus

quibus turpe lucrum vt summū bonum quæritur; aut saltem
illæ quæ homines seruos & mancipia naturæ reddunt, quales
sunt carnificum, cementariorum, fullonum, aliorumque qui
sentinas nauium hauriunt, sordes ciuitatis purgant, aliæque in-
quinatissima opera reip. non vi legis vt capti in bello, sed le-
ge naturæ vt serui faciant: ad istas inquam artes adolescentes
liberè nati educari non debent, nisi ipsos natura digito ad
sterquilina designauit. Alterum genus hominū, qui volup-
tuosa Veneris ludibria atque latibula quærent, quique aspidis
caudâ icti in vtramque aurem securè dormiunt, donec Dalila
pilos abscindat capitis, suis in somnijs relinquo, vnum tamen
hic cum Arist. Parentes, præceptores, præfectos moneo, ne
filios, alumnos, ciues ad lethalem hanc escam & hamum tra-
hant, quibus si capiuntur raro sanè aut nunquam vllâ disci-
plinâ à profundo hoc somno excitantur. Hunc enim som-
num lethargus, lethargum apoplexia, apoplexiam mors,
mortem gehenna sequitur: est tamen vel in hoc vitæ gene-
re quædam disciplina, vt adolescentes neque abhorreant
voluptates, sicut olim Stoici: neque in iisdem semper hererent,
sicut Epicurei, qui pecudum vitam profitentur. Tertium er-
go iam restat amplectendum vitæ genus nempe necessari-
um, quod in virtutibus mentis ac moris ponitur, nam hæc so-
lum in ethicis res agendæ, hæc solum hoc loco res necessariæ
dicuntur. Quid igitur? An hæc solum sine modo per disci-
plinam ciuitatis adolescentibus sunt perdiscendæ? Non sanè,
quippe in his etiam est modus & distinctio: nam vt omittam
virtutes moris, in quibus amplectendis est modus non ha-
bere modum, quæstio solum hic est de virtutibus mentis,
Vtrum adolescentes ad honores ciuiles eligendi liberales
scientias absolutè & accuratè perdiscerent? Verba Philoso-
phi hæc sunt. Non est illiberale nonnullis scientijs liberalibus
vsque ad aliquem finem instructum atque ornatū esse, sed in-
eas incumbere ijsque affixū esse vsque: eò donec ad perfectionē
peruentum sit, id ad ea incōmoda, quæ à nobis cōmemorata
sunt, obiectum est. Hæc verba Arist. Thomas, Versor, Sepul-
ueda, & alij de artibus verè ingenuis & liberalibus intel-
ligunt,

Secundum
genus eorum
qui in volup-
tate sumum
bonum collo-
carunt.
Voluptas Le-
thalis esca.
Voluptatis
comites.

Tertium ge-
nus vitæ in re-
bus necessarijs
collocatum.

Quæstio.

Liberales artes absolutæ, Comparatæ.

Medicina non est ars mechanica.

Virtutum intellectualium aliæ absolutæ, aliæ comparatæ.

ligunt, non opus ergo hic habeo eas in liberales, absolutas & comparatas distribuere. Absolutæ liberales sunt quæ omnino intellectum à seruitute sensuum, phantasie & appetitus liberant, ut philosophia & mathematica scientia; comparatæ verò quæ partim mentem ratione dirigunt, partim eandem in materiâ rerum sensibilibus immergunt, quales sunt facultates quædam mechanicæ, inter quas multi absurdè medicinam nominant; absurdè dico, quia etsi medicina ad sanitatē corporis destinetur, animū tamē à sua mente ad corpus non distrahit, sed potius corpus ad mentis imperiū & liberas actiones dirigit. Cæterum ad rem veniamus, animaduertendum est expedire in ciuitate, ut intellectus primariorum ciuium sensibus & potentijs corporeis præsent ac dominantur: sed hoc commodè fieri non potest, si artibus liberalibus non imbuantur: ergo oportet liberales artes ab illis percipi. Cum iam hoc constet perdisci debere, quæritur an absolutè & accuratè perdisci debeant? Verbis modò citatis negat Philosophus. Quid? An tam citò Aristoteles oblitus est sui? Nonne in septimo libro primam ciuium felicitatem in virtutibus potius mentis quàm moris ponendam esse existimauit? Nonne etiam vehementius illic persuasit ut omnes ad sapientiam perfectam mentisquæ absolutas virtutes contenderent? Vera sunt hæc omnia quæ ais. Cur ergo hoc loco contrarium docet? Non docet. Animos ciuium istarum studio impediri affirmat, non est hoc contrarium? Non studio illarum sed excessu animos ciuium obrui & impediri insinuat. Quasi verò in diuinis virtutibus mentis sit ullus excessus? Virtutes ipsæ sunt media sed vtriusque extremis oppugnata. Quid ab ipsis extremis ergo non à virtutibus deterret ciues? Attende, virtutum intellectualium aliæ sunt absolutæ, ut scientia & sapientia; aliæ sunt ad has relatæ, ut ad scientiam grammatica, rhetorica, dialectica, aliæque artes. Quorsum est hæc distinctio? Ut intelligas studendum esse alijs virtutibus tanquam medijs, alijs verò tanquam finibus bonisquæ (ut ita loquar) summis. Quid hinc inferis? Id certè quod opto, nimirum animos primariorum ciuium studio longiore mediarum virtutum & artium à summis.

mis & diuinis fruendis bonis distrahi non debere: nam qui in medijs semper hærent ipsum optatum finem non acquirēt. Estne ergo hic sensus Philosophi ut in medijs & subalternatis scientijs ne quid (ut aiunt) nimis? Id ipsum docet; nam quā periculosum erit ciuitati, si primarij adolescentes perpetuò in dialecticæ, geometriæ, musicæ, aut aliarum mediarum artium studijs habitarent? Qui ergo sunt ad honores ciuitatis eligendi, artibus liberalibus ut medijs uti, non ut summis bonis trui & gaudere debent; nam illud sapientis est, hoc curiosi. Iure mihi videtur Cicero in C. Sulpitio & in Sex. Pompeio hoc vitium damnasse, quòd alter in astrologiâ, alter in geometriâ magnum studium, multamquæ operam in res obscuras atque difficiles contulissent. Studere ergo licet dialecticæ, sed non cum Scoto, qui Scotomiâ cerebri in ea arte laborauit; studere licet geometriæ, sed non cum Archimede, qui ducens lineas à milite percussus periit; studere licet Astrologiæ, sed non cum Protagorâ, qui alijs diuinans mala in profundum terræ hiatū incidit; studere licet arcanis philosophiæ, sed non cum Homero & Plinio, quorū alter in curipo demersus, alter æternâ sepultus iacet. Vana est in re omni curiositas, Curiositas vana est, tarditas pessima in via progrediendi tarditas: morari igitur in scientijs quæ sunt veluti semitæ ad ulteriorem finem est dormire cum pessima. Lepore, dum lentò reptans testudo scopum acquirat. Stramineas ergo hodie in dialectica & philosophia quæstiones, quæstiones Superflue quales sunt an embrio sit ens vel non ens, an Socrates mortuus sit homo vel asinus, aliasque his similes penitus condemnno, triuialia enim hæc sunt & superflua veluti excrementa artis. Idem de curioso aliarum artium maximè verò de astrologiæ studio, quo plurimi hodiè plus iusto capiuntur, dico: nam rectè ille.

*Quicquid Ephimerides fingunt, per inane laborant,
Nil genesis sortes, nil quoque fata valent.*

Hic non in artes declamo, nam adoro musas; sed vel excessum studio artium & minus accommodatum vsum iure reprehendo. Excessus est, si adolescentes sint nimis in earum contemplatione curiosi; minus accommodatus vsum est, si labores

Liberalibus artibus utendum ut medijs non fruendum ut summis bonis.

Superflue quæstiones non mouendæ.

Excessus in studio artium & minus accommodatus vsum reprehenduntur.

Rationes cur
studijs im-
mergi non
debeamus.

in eis positi non sint ad bonum publicum ciuitatis destinati. Multi enim artes liberales discunt, vt illas sciāt tantū, & hoc est vanitatis; multi autem iisdem incumbunt, vt earum studio & ipsi castius viuant, & reip. in qua versantur melius consu- lāt, & hoc est sapientiae. Qui vero his artibus ingenuis studēt merentur subscellia senatorum, quippe beatissima est futura illa ciuitas, cuius nauis philosophantium chartis dirigitur & gubernatur, hoc est cuius administratio est penes illos qui virtutibus mentis instructi conantur non tam scire verum quam bonum agere, & ad reip. vsum accommodare. Sūma omnium hæc est, abdere se in studijs artium est ingenia ad- olescentulorum defatigare: ergo qui sunt ad reipub. accessu- ri non debent absolute & accurate artes perdiscere. Preterea vehemens artium contēplatio ab actionibus & negotijs rei- pub. externis & necessarijs animos adolescentū distrahit: er- go non est approbanda. Porro curiositas est in studio artium si ad vsum vitę & reip. non destinētur: ergo vt sciamus solū artibus studere non licet. Deinceps virtutes mentis sunt in- strumenta & media ad vltiorem finem destinata: ergo illis potius vti quam frui oportet. Postremò vita beata in actione ponitur: ergo in contemplatione artium modus requiritur. Qui igitur ad amplissima fastigia ciuitatis contendunt, hij artium studijs sic debent inuigilare, vt cum Catone in senatu sapienter disputent, & cum eodem (si opus sit) in campum martium confidenter proleant.

Distinctio.

Virtutes mentis sunt aut	Respectiue, quę mediorum loco po- nuntur, in quibus studendi modus adhiberi debet, ne	<div> <div>Absolute, quę finis rationem habent, vt</div> <div>Sapientia, Scientia.</div> </div>
		<div> <div>Adolescentum ingenia nimium confundantur,</div> <div>Externa negotia ciuitatis om- nino negligantur,</div> <div>Virtutes morum & actiones vi- tę penitus tollantur,</div> <div>Artes vt fines vitę humanę su- perstitiose adorentur.</div> </div>

Opp. *Disciplina in ciuitate adhibetur vt cines boni & studiosi
fiant.*

fiant: sed boni efficiuntur solū per virtutes morum: ergo disciplina ciuiis magis ad virtutes moris quam mentis est referenda, quod est contra Aristotelem in principio huius capituli.

Resp. Negamus per virtutes moris cines tantummodo bonos & studiosos effici: est enim in sapientiā alijsq; virtutibus mentis non so- lū vis quadam cognoscendi verum, sed etiam consequendi bonum, vt autē pluribus demonstrauimus.

Opp. Adolescentes non tam mente quam appetitu & sensibus mouentur: ergo eorum disciplina potius a virtutibus moris quam mentis debet incipere. Ratio tenet, quia virtutes moris appetitum & sensum optime moderantur.

Resp. Etsi appetitus & sensus adolescentulorum sint primū moderandi, via tamen & ratio idipsum efficiendi a virtutibus men- tis fluit: prudentia enim (quę est virtus intellectus) prescribit quid sit agendum in qualibet virtute moris, sapientia autē omne opus & actionem perficit.

Opp. contra quęst. propositam.

Opp. Non est nimium in ipsa virtute: ergo inconsiderate docet Philosophus esse in studio virtutum intellectualium vllum excessum. Antecedens probatur ab inductione, quia ne mo potest esse nimis pe- ruius in grammaticā, rhetoricā, philosophiā, aut ceteris liberalibus scientijs: quod quidem cōtingeret, si in illis hoc ipsum nimium & ex- cessus esset.

Resp. Hoc nimium non est in excessu virtutis, sed in affectu ho- minis: quę ardentius quam par est in contemplationem huius vel il- lius artis incitat, cuiusq; studium in debitum finem iam est in bo- num ciuitatis non dirigunt.

Opp. Perfecte & absolute sapientibus solū debetur honor: er- go adolescentes accesserit ad honores ciuitatis debent perfecte sape- re, quod fieri non potest si accurate in artium studijs non versen- tur. Antecedens constat, quia honor est primum perfectę vir- tutis.

Resp. Studium artium ac scientiarum ductus contingit modis, vel vt rerum abitarū vires & causas intelligamus solū, & hoc ge- nus studiū a Philosopho tanquā impedimentū ciuitatis hic cōdena- tur; vel vt scientiarū vsum ad reip. bonū referamus, & sic optandū est.

*est ut omnes primarij adolescentes liberales artes perdiscerēt, adeoq;
per eas honores & dignitates in ciuitate ordine vendicarent.*

*Opp. Artes & scientia sunt regula recte rationis: ergo earum
studia potius dirigunt quā impediunt animos ciuium, qui iisdem
præditi & ornati sunt.*

*Resp. Fatendum est artes & scientias esse quidem normas recte
rationis: non tamen sequitur quin vel curiositas in earum studijs,
vel minus accommodata intentio finis adolescentum animos & in-
genia ab amplioribus ciuitatis negotijs impediāt, non ergo hic aut
aries, aut artium studia, sed extrema utriusq; vitia condem-
namus.*

CAP. III.

Utrum musica in omni humana vita statu sit utilis?

Quatuor sunt
quæ olim ma-
iores pueros
suos docue-
runt.



Distinctius adhuc de rebus, quibus
sunt instituendi adolescentes, Arist.
hoc loco differit. Quatuor (inquit)
sunt quæ olim maiores in recte ad-
ministratâ rep. pueros docuerūt, ni-
mirum literas, artem gymnasticam,
musicâ & pingendi facultatē. Per li-
teras grāmaticā, historiam, poesim,
& recte tam loquendi quā scribendi
vsum, per gymnasticā militaris scientiæ praxim & exercitati-
onem, per musicam illam nobilissimam cantandi scientiam,
per facultatem pingendi non solum Apellis penecillum, sed
etiam artem figurandi & cosmographiam intelligo. Gram-
matica ad reliquarum artium studia & præcepta facilius in-
telligenda, ars pictoria ad climata stadiaque mundi tabulis
delineāda, praxis gymnastica ad robur & fortitudinem, mu-
sica ad otium animi mentisq; quietem in omni vitæ statu hic
plurimum conferre dicitur. Hinc Terentius, fac periculum in
literis, fac in palæstrâ, in musicis, quæ liberum scire equum est
adolecentem. His positis accedit Philosophus ad istorum
vltimum nempe ad musicam, eamq; in omni causâ ac condi-
tione

Eunuch.
act. 3. scena 2.
Quæstio.

tione istius vitæ non solum vtilem sed etiam necessariam
esse ostendit. At dices textum ipsius Aristotelis non videris
legere, in quo hæc insunt verba. Quocirca musicâ maiores
nostri inter disciplinas numerarunt, non quod sit necessa-
ria, nihil enim tale habet, neque quod sit utilis. Quid tu ex
hoc textu colligis? Hoc scilicet, quod musica sit neque ne-
cessaria neque utilis. Lege iterum Philosophum, & adde
verba quæ sequuntur, nempe quod non sit utilis aut necessa-
ria ut aliæ literæ ad lucrandam pecuniam, aut rem familia-
rem tuendam destinatæ; quasi diceret, musica est utilis &
necessaria, non tamen ut aliæ artes, quæ suum opus & quæ-
stum habent. Tempus me deficeret si de antiquitate, dig-
nitate, vsm, ac necessitate musicæ, quæ velim, hoc loco
scriberem: non ergo oratorum sed Philosophorum more
omnia (quæ sum scripturus) ad puncta reuocabo; & ut à de-
finitione initium sumam, Musica est scientia concentuum, vi
naturæ, vocis, aut instrumenti inter se suauiter conspiranti-
um, quæ ad Dei cultum hominisque vitam destinatur. Est
scientia, quia definitam materiam, proprietatem & demon-
strationem habet; est scientia concentuum, quia in numero,
proportione, harmoniâ rerum, vtrumque, ac instrumentorum
constat; est scientia vi naturæ, vocis, & instrumenti, quia om-
nis musica est aut naturalis, vocalis, aut instrumentalis, ut lo-
quitur Boetius; quæ ad Dei cultum, qui illam dedit, vitamque
hominis, qui illâ non nihil eget, destinatur. Naturalis musica
(vulgò mundana nominata) partes mundi omnes & singu-
las respicit, in quibus est admirabilis quædam concordia &
harmonia, vnde Pythagoras & Plato in motu cælestiū cor-
porum musicam posuerunt, & sanè non solum in diuinis illis
sphæris ad numeros & proportionem perpetuò rotatis, sed e-
tiam in elementis, maximè autē in partibus humanis, adeoq;
in animi potentijs canentium veluti chorus visq; tota musi-
ces inesse videtur. Est enim anima (definiente Boetio) veluti
dulcissima naturæ cythera potentijs suis tanquam neruis ac
fidibus cōpacta. Quid hic dicam de Philomelis? de alaudis?
de alijs sexcentis auiū generibus, quas non industria sed ipsa
natura

Musica non
solum utilis
sed etiam
necessaria.

Laus musicæ.

Musica natu-
ralis.

Musica vocalis.

natura musicam edocuit? Qui ergo musicam contemnit lapsus est non homo, degener & spurius non naturæ filius, ut olim Aeteas ille fuit, qui magis equos hinnientes, aut balantes oues audire quam homines canentes peroptauit. Musica vocalis est quæ vocum concentu perficitur, cuius origo à loque, ut Diodorus Siculus; à Mercurio, ut Polidorus Virgilius scribit, deducta fuit; non multum refert ad quæ istorum referas, nam

Deus est in utroque parente.

Luc. 2.
1: Paralip. 25.

2. Reg. 6.
4. Reg. 3.
Psalm. 149.
& 150.
Musica instrumentalis.

Gen. 4.

Musica mixta.

Musica omnes
scientias sui
delectatione
superat.
Vitæ humanæ
diuisio
Otium quid sit
& quotuplex.

Sed quid poetice loquor, cum verè deus omnipotens (in quo præter concentum nihil inest) hanc quoque speciem harmoniæ dedit, qui linguam & vocem finxit, qui matres infantulos canendo placare docuit, qui angelos gloriam in excelsis cantantes misit, qui cantatores in suo templo collocari iussit: Amphionem, Orpheum, Orionem, Timotheum, aliosque infinitos laudatissimos viros hic non inducam, qui Deos mouisse, infernos spiritus lenisse, lapides & sylvas traxisse vi musices dicuntur. Cantauit David, an hoc te mouet? Eliseus à Psalte coram se canente ad prophetandum excitatur, non hoc te urget? Deus psalmis & hymnis se coli & honorari iussit, non hoc te vincit? Sed de usu statim pluribus. Musica instrumentalis est quæ organis ac instrumentis sonantibus suauiter constituitur; hæc suam originem (ut sacre nos literæ docent) à Tubale Lamech & Adæ filio traxit, hic enim pater eorum omnium extitit, qui cytheram & musica instrumenta tractant. Quanta vis huius generis sit Orpheus lyra, Hectoris tuba, cythera Davidis mirifice & aperte docent. Est alia species musices quæ mixta dicitur, hæc vel ex omnibus vel ex pluribus (exempli causa) vocibus ac instrumentis inter se coniunctis constat; in hoc est tam incredibile mouendi sensus mentis; artificium, ut planè mentiar, si non affirmem, hoc genus artis omnem scientiam sui delectatione superare. Perspecto iam & demonstrato quid musica, & quotuplex; restat usum ab Arist. in hoc cap. insinuatū breuissimè explicemus. Tota vita humana diuiditur (ut supra ostendimus) in otium & negotium, in pacem & bellum. Otium (ut hic distinguit Philosophus) est vel cessatio laborum, qualis

qualis est in vitâ practica & actiua; vel intermissio studiorum ac meditationum, qualis est in vitâ theoricâ & speculatiua. Opus enim est non solum ut, qui laborant, ab opere & negotio aliquando cessent; sed etiam ut, qui student & orant, à contemplatione nonnunquam quiescant & ferientur; nam dum sumus mortales, non solum laboribus vires corporis, sed etiam perpetuis meditationibus vires mentis fractæ & exhaustæ sunt, si honesto otio non recreentur. Sed musica, de qua nunc agimus, fessa corporis membra reficit, spiritus attonitos viuaciores reddit, vires sepultas excitat, ipsum animum deiectum mirifice erigit & confirmat: est ergo musica ad otium, siue illud sit cessatio laboris, siue sit intermissio mentis, admodum utilis & necessaria. Quid multis? Negotiorum tedium musicâ lenitur, musica in pace Dei numen colitur; musica in bello hostis furor fragitur: nulla ergo est pars vitæ siue in otio, siue in negotio, siue in pace, siue in bello quæ musicæ usu non reficitur. Nihil hic dicam de morali (ut ita loquar) musicâ, quâ in animis hominum insignes pietatis affectus, effectusque mirabiles virtutis efficiuntur; hoc unum tamen dico, musicâ magis ad vitam theoricam quam practicam hominum pertinere, nam quauis est negotiantium prima medicina, quâ acceptâ alacrius ad opus reuertantur, est tamen contemplantium quodammodo anchora & finis, per quam in primam concentus unitatem ac maiestatem nescio quâ extasi ac desiderio animi rapiuntur. Leuiora sunt quæ ex Homero hic addit Philosophus, non tamen omittenda, nempe quod musica sit in mensis, triumphis, & conuiujs adhibenda. Poeta sic canit,

At decet ad lantæ cantorem accersere mensas.

Homer.

Et iterum,

Cantorem accersunt qui carmine mulceat omnes,

Homer. Odyss.

Audaturque, amplâ conuiujs cantor in aulâ

Ordine dispositis longo.

Si pressius hæc demonstrari optes, sic accipe. Natura hæc artē docuit: ergo est necessaria. Maiorum autoritas ubique approbat: ergo est necessaria. Est optima laborantium & contemplatiui medicina: ergo est necessaria. Affectus pietatis mouet, virtutis

Aug. lib. 2. de
doct. Christ.
cap. 16.

Musica pueris
discenda.

Vide Plat. pol.
3. & 7. de legib.

Ars nulla ex-
cellentior mu-
sicâ.

Musica mollis,
grauis.

Boetius de
Musica, l. 1. c. 1.

Literæ, facul-
tas pingendi,
ars gymnastica
ad vitam ciui-
lem plurimum
pertinent.
Vide Plat. lib.

virtutis mirificos effectus gignit; ergo est necessaria. In pace
ciuem recreat, in bello hostē fugat: ergo est necessaria. Deus
eandem in templum suum admisit: ergo est necessaria. Huius
ignoratio scripturarum intellectum impedit, vt Augustinus
docet: est ergo necessaria. Quid opus est verbis? Musica sani-
tatem conseruat, morbos pellit, malos dæmones fugat, ami-
citas gignit, sensus ad obedientiam mentis, mentem ad deū
trahit; dic causam igitur cur non sit necessaria; dic (inquam)
causam cur pueris & adolescentibus (vt hīc Philosophus ve-
hementer suadet) in primis omnium non sit perdiscenda? Mihi
credite patres, ars nulla excellentior aut diuinior est quā mu-
sica, quā liberi vestri in teneris annis instructi ad Deum &
pietatem pertrahantur. Non intelligo mollem & effamina-
tam illam symphoniam, quā vagabundi tibicines ad illece-
bras vtuntur; sed grauem & diuinam eam, quæ cum animā
humana proportionem habet, quæq; nos nostrosque sensus
& affectus à terrā ad cælum, à vanitate ad virtutem, ab inani
strepitu mortalium ad gloriosum chorū celestium spiritum
um, ab hoc indiuisibili puncto temporis ad infinitam circū-
ferentiam numinis possit allicere, possit auocare. O ter bea-
tam ciuitatē in quā pueri & adolescentes sic discunt canere.
Qui plura de hac re velint discere, legant Boetiū, si verò sint
Angli, legant doctum libellum nuper Oxonij natum & ini-
pressum, in quo de antiqua dignitate musices vsuq; politico
& ecclesiastico eiusdem agitur. Quæ sequuntur in hoc cap.
illud ostendunt quod in fronte eiusdem traditur, nimirum li-
teras, pingendi facultatem & gymnasticam plurimum ad vi-
tam ciuilem pertinere. Grammatica enim est seges & funda-
mentum artium; pictoria facultas affabrè rerum umbras de-
lineat, suisq; moralibus figuris animos mortaliū mirificè de-
lectat; Gymnastica scientia magnopere ad robur & fortitu-
dinem valet: sunt ergo adolescentes his artibus ac virtutibus
ornandi, sed ita, vt neque illis solam voluptatem, neq; tur-
pissimum lucrum & quæstum aucupentur. Artes enim tum
verè artes dicuntur, cum liberales nomine ingenuos & libe-
ros suos cultores & possessores faciant.

Distin-

Distinctio.

Negotiū, vt ciues defatigati laboribus recreentur.
Otiū, vt studijs & meditationibus attenuati ad
tempus reficiantur.
Pacem, vt ad virtutis amorem studiumque pieta-
tis incitentur.
Bellum, vt vires pugnantium magis excitentur. Ra-
tiones quibus demonstrantur hæc omnia aperte
sunt, & repetitione non egent.

Musice quoru-
plex vtilitas.

Opp. *Ægyptij musica vsum omnino iunioribus tanquam noxi-
um & periculosum prohibebant; idem fecit sapiens ille legumlator
Lycurgus; idem Alcibiades, qui cytheram reiecit; idem Alexan-
der, qui lyrā Paridis contemptā cytheram Achillis id est clipeum &
hasta postulauit: videtur ergo musica non esse omnibus approbata.*

Diod. Sic. l. 1. c.
2. de re anti.
Plut. in Alcib.
Ælian. lib. 9.

Resp. Non omnem sed solum effeminatam musicam a suis ciui-
tatibus exterminarunt isti, vt constat in vita Lycurgi, qui omnem
musicam præter fistularem in rempub. suam admisit, fistularem au-
tem reiecit, ne ciues inflando suis pulmonibus præcordijsq; nocerent.

Plut. in Licur.

Opp. Pueri & adolescentes naturā sunt aucupes voluptatis, non
opus est ergo musicā, ne eiusdem illecebris effascinentur. Ratio te-
net, quia musica tadas voluptati addit, præsertim in illa ætate in qua
affectus regnant.

Pueri volup-
tatis aucupes.

Resp. Est quadam species musica, quæ animum ad virtutem fle-
tit, vt postea docet Philosophus, quæ doricam harmoniam appel-
lat; ea quidem à multis moralis nominatur, quia affectus adoles-
centulorum à vanis mundi nugamentis ad verā pietatis studia vr-
get, hanc pueris & adolescentibus proponendam esse suadet.

Dorica har-
monia pro-
banda.

Opp. Musica à laboribus & negotijs reipub. magis necessarijs
adolescentes ad otium auocat: ergo non est utilis. Antecedens pro-
batur, quia in musicā maximè (vt hīc docet Philosophus) otium agen-
tis & speculantis queritur.

Resp. Musica a laboribus & negotijs reipub. quidem nos auocat, Otiū Musicæ,
sed ita vt ad eadem alacriores reuertamur: neq; otium quod est seg-
nities; sed otium, quod est animi requies, ex musica vsu queritur.

Opp. Vehementius alijs cantantibus recreamur quā si ipsi can-
tores simus; imò accuratius de alijs concinentibus iudicium ferimus
quā si ipsi laboriose cum alijs vocem extendere contendamus: non
est

Ry 5

est

est ergo musica ut utilis & necessaria nobis perdiscenda. Antecedens constat, quia alijs cantantibus maiore voluptate demulcemur, nulloq; omnino labore defatigamur. Ratio tenet, quia illud voluptatis causâ a nobis necessario non est discendum, cuius maiorem delectationem ex alijs (quàm si in nobis esset) capiamus.

Resp. Negamus antecedens, & ad probationem dicimus, quòd maior recreatio non ex alijs quàm ex nobismet cantantibus percipitur, si recreationis causâ ad cantandum laboribus aut studijs defessi veniamus, imò non est labor cantare, sed sæpè non cantare dolor, præsertim si alijs cantantibus non sciamus canere.

Dubium.

An ars pingendi sit pueris & adolescentibus perdiscenda?

Pingendi incommoda 4.

Opp. Ars pingendi est illiberalis: ergo nò est primarijs adolescentibus perdiscenda; Ad vanas umbras & phantasmata animos puerorum trahit: ergo non est utilis. Periculum est ne illius vsus rempublicam in idololatriam ducat: ergo non est necessaria. Postremo imaginem facere est lege diuinâ prohibitum: ergo non est omnino toleranda.

Exod. 20. 4.

Pictoria facultas duplex.

Resp. Ut satisfaciam his quatuor in uno conclusis argumentis, distinguendum est de pictoriâ facultate, quæ vel strictè pro mechanica solum, vel fuse pro omni arte, quæ figuram tractat, accipitur: primo modo accepta còmunis & vulgaris, altero verò modo sumpta ingenua & liberalis dicitur. Sub pictoriâ ergo scientiâ calami scriptionis, Apellis penicillum, statuariâ Polycleti, Euclidis lineam, Ptolomæi tabulam, mundiq; descriptionem comprehendimus. Si ergo vlla sit literarum scribendi necessitas, si vlla utilitas morales imagines delineandi, si vlla sit dignitas in statuaria, in geometricâ & cosmographicâ scientiâ, quis est tam ignarus qui artem pictoriam ut inutilem & abiectam audeat contemnere? Sed ut nunc ordine singulis rationibus respondeam, ad primam dico quòd ars pingendi non est illiberalis & sordida, si modo secundo accipiat. Ad alterâ dico vanas non esse umbras & figmenta, quæ ab Apelle, Polycleto, Euclide, Ptolomæo, alijsq; egregijs viris depinguntur, sed quæ ab illis fiunt mores hominû artiûq; mysteria & arcana ad viuû oculis præsentare. Quod in tertia ratione metuas ne pingendi licentia idola & idola-

Pingendi utilitas.

lola trahant, respondeo dementè fuisse Narcissum, qui suam ipsius formâ in fonte adorans perijt; si enim miser admiretur aurû, si lapis ex imagine idolum faciat, vitium hominis est, qui rebus abutitur, non artis tam excellentis, cuius vi rerum morumq; historia in tabulis quasi perpetuis conseruatur. Ultima ratio vana & obtusa est, nam Deus in catalogo non imaginem fabricari sed idolum prohibet: imago figura rei est, Idolum nihil; ab imagine ad rem ipsam mens citò auolat, sed idolum est, si mens in imagine & trunco diuersa cesset & conquiescat.

CAP. IIII.

An utile sit pueros gymnastica arti assuescieri?



V X T A prouerbiu labor est utilis. Vide Plat. de corpore, maximè autem in pueritiâ, leg. lib. 7.

quæ ætas humorum copiâ abundantius diffluit: hinc est quòd Arist. resumat hoc loco illam partem prioris diuisionis, in qua pueros arti corporum exercendorum tradendos esse existimauit. Est ergo ars gymnastica ea facultas in benè instituta ciuitate, quâ puerorum corpora ad rem militarem & defensionem patriæ veluti apta instrumenta & arma efficiuntur: sic Plat. in Tim.

Ars gymnastica quid sit.

enim debet esse institutio ciuium, ut non solum animo & còsilio sed etiam corpore & lacerto reipub. possint auxilium ferre. Ceterum hic Lacedæmonios reprehendit Philosophus. Vide Plat. qui grandioribus & immanioribus exercitijs suos pueros & pol. 3. adolescentes vulnerant; nam tria hinc mala eueniunt, (ut ait) deformitas corporis, impedimentum augmentationis, morû barbaries & immanitas. Deformitas corporis, quia vt oneribus grandiusculis diutius humero portatis, ita Olympici exercitijs maioribus quàm par est impositis corpora declinant, languent & deformantur. Impedimentum augmentationis hinc etiam contingit, quia spiritibus labore nimio

ex-

Morum Barbaries.

exhaustis franguntur vires, extenuantur partes, truncus totius corporis exarescit. Morū deniq; barbaries & immanitas hinc apparet, quia diuturno vsu belli homines immanissimi & efferatissimi veluti lupi efficiuntur; hoc ipsum ostendit exemplis Achæorum & Heniocorum, qui ad necandos homines faciles & procliuēs sunt, ipsiq; Anthropophagi dicuntur, id est tales qui humanis carnibus saginantur: non sunt ergo in hoc Lacones comprobandi, qui pueros laboribus immensis feris & crudeles reddere contendunt, quasi id ad fortitudinem & magnanimitatem perutile esset; quippè non in feris & lupinis moribus (quales fuerunt Syllæ, Marij, Neronis & omnium tyrannorum) sed in mansuetis & leoninis (quales fuerunt Cæsaris) vera fortitudo consistit: vnde poeta,

Ouid.

*Corpora magnanimo satis est prostrasse leoni,
Pugna suum finem cum iacet hostis habet.
At lupus & turpes instant morientibus vrsi
Et quaecumq; minor nobilitate fera est.*

Pol. 3. c. 10. l. 5.
cap. 11.

In-gymnastica
exercitatione
spectanda
quinque.
Ætas.

Ordo.

Modus.
Victus ratio.

Finis.

Sed hīc aliquis potest dicere, cur tantoperè reprehendis disciplinam Lacedæmoniorū, quos antè pluribus in locis propter administrationem reipub. suę laudibus extuleris. Respondet Philosophus fuisse olim ciuitatem illam nobilissimam, quamdiū in studio laborum assidue versabatur, nunc autem extremis certaminibus quasi anhelantem deficere & declinare affirmat. In priore statu florentem laudauit, in posteriore nutantem reprehendit. His positis concludit in gymnasticā exercitatione præpositos esse constituendos, quorum esset prouidere ne pueri & adolescentes ad certamina nimis effusè & dissolutè ferantur, utq; hoc fiat commodius consideranda sunt ætas, ordo, modus, victus ratio, & finis. Ætas pueritiā & pubertate definitur, in illa (inquit) lenior, in hac paulò acrior fieri debet exercitatio. Ordo in tempore exercitationis cernitur, nempe ut mane & vespere istiusmodi certamina suscipiantur. Modus est, ut vires corporis in palæstra laboriosè decertando non consumantur. Victus ratio tenuis non athletica, mediocriter tamen plena non misera, salutaris non crassa & contagiosa esse debet. Finis deniq; est militaris

taris rei scientia cum salute patriæ copulata: si hæc obseruentur, quàm utile sit pueros & adolescentes gymnasticæ disciplinæ assuescere nemo est, ut opinor, qui non videat. Veruntamen si vlla adhuc sit hæsitatio, argumenta hæc punctim collecta meditanda propono. Gymnastica exercitatio superfluos humores corporis quibus abundant pueri cōsumit & consumit: ergo pueris eiusdem disciplina utilis & fructuosa est. Præterea exercitatio ista spiritus consopitos excitat, vires reficit, robur inducit, veram fortitudinem gignit: est ergo utilis. Deinceps in hac scientia est veluti palæstra ciuitatis, in qua arma & præsidia belli aduersus hostem insunt: quis ergo est qui ad hanc arcem & artem pueris & adolescentibus (in quibus spes ciuitatis latet) aditum intercludendum & obserandum putet? Insuper si Lacedæmonij, si Athenienses, si Romani, si omnes gentes ac nationes adolescentiam in hac arte exercuerunt, rationem non video cur ut inutilis à nobis sit reiicienda. Olympus in Græciā, theatra palæstrica in Italiā, loca celebriora vbique terrarum bellicis rebus destinata hanc artem utilem & honorificam, adeoque pueris & adolescentibus necessariam esse eloquantur. Postremo huius artis neglectio pueris & adolescentibus, nec non toti reipub. est perniciofa, utpotè quæ segnitiam corporis, audaciam hostis, interitum ciuitatis adfert: eiusdem ergo exercitatio propter contrarios effectus utilis & fructuosa haberi debet. Sed quoniam sæpius de hac re antea diximus, nunc paucis contenti cum Philosopho huic capiti finem imponemus; illud tamen addo, quod ille in fine suadet, nempe ut ad pubertatem vsque leuiores exercitationes adhibeantur, ne violento motu corporis vires imminuantur, accretioque debilitetur plurimum, quæ quidem euenire ex hoc signo probat, quia rarissime violentis motibus, exercitijs, & oneribus in pueritia & adolescentia depressi palmam in Olympo attigisse, victoriamq; reportasse in historijs feruntur: sunt ergo leues pueris exercitationes corporis adhibenda, at post pubertatem cum triennium in alijs disciplinis cōsumperunt, maiores labores sunt eis iniungendi, cum triennium

Gymnasticæ
probatio
quintuplex.

Puerorum ex-
ercitia sint
moderata.

ennium (dico) in alijs disciplinis consumpserint, in quo spatio alijs studijs addicti corpore effusius laborare non debent. Ratio in textu est, nam vno tempore & mente & corpore laborem sufferre non oportet; quippe corporis quidem labor menti, mentis etiam labor corpori impedimento est. Corpus enim est arca mentis, mens autem lux & vita corporis; si arca salua sit, mens lucet magis; si mens declinet, protinus & omnino ipsum corpus perit.

Corpus arca
mentis, Mens
vita corporis.

Distinctio.

Vfus gymnasticæ. Gymnasticâ disciplinâ pueri & adulescentes sunt instituendi, ut
Illorum artus & membra dilatentur, Humores in illis crassi (quibus abundant) moderato exercitio consumantur, Ab ipsis res bellicæ probè intelligantur, Cum opus sit aduersus hostem animosè pugnare & preliantur, Maiorum exempla & vestigia in hac re & disciplina sequantur.

Pol. 7. cap. 14. Opp. Satis de hac questione disputatū fuit antè, cum probauit Philosophus rem militarem pacis tempore esse exercendam: ergo otiose hoc loco iterum inculcatur.

Resp. Illic generatim de re militari, hic speciatim de arte gymnastica solū; illic confuse de praxi omnium, hic verò distinctè de institutione puerorum & adolescentum agitur.

Opp. Gymnastica disciplina & musica contraria sunt: ergo si musica sit pueris & adolescentibus perdiscenda, ut est; gymnastica perdisci non debet. Antecedens patet, quia gymnastica est ars corporis, musica scientia mentis; gymnastica laborem, musica leporem habet. Ratio sequitur à loco contrariorum.

Resp. Non sunt contraria hæc duo, si ad diuersa subiecta, in quibus insunt, referantur. Contraria enim ad idem subiectum vicissim pertinent, sed hæc distincta subiecta nempe corpus & animus, diuersaq; obiecta (in quibus versantur) habent: diuerso ergo respectu ab ipsa perdisci & acquiri possunt.

Opp. Immares & efferatos adolescentes scientia hac militaris efficit: ergo non est utilis. Antecedens probatur exemplo Lacedæmoniorum in textu, qui ideo suos pueros hanc artem docuerunt, ut eosdem ferociores & truculentiores efficerent.

Resp.

Resp. In hoc error Lacedæmoniorum fuit qui potius ad hanc artem exercendam mansuetis & leoninis moribus suos adolescentes pertraxissent. At dices mansueti & leonini mores contrarij sunt, & simul in vno coherere non possunt. Respondeo non esse contrarios, nam per leoninos mores hoc loco generosos & iustos intelligit Philosophus: leo enim est generosum & iustum animal, quod hostem contumacem vngue, dente, caudâ inuadit, at in ouem mortuam & iacentem desuare non contendit: hinc reges leonibus, tyranni lupis, tygribus assimilantur.

Leonini mo-
res generosi
& iusti.

Opp. Immodica & violenta exercitationes vires corporis extinguunt: sed in arte gymnasticâ immodica & violenta sunt exercitationes; ergo ars gymnastica pueris & adolescentibus non est perdiscenda. Minor probatur, quia hæc ars corporibus habitum athleticum conciliat, qui habitus (ut Hippocrates docet) propter virtutis motusq; rationem vires sepe infirmas & elumbes habet.

Resp. Istum violentum motum in principio huius capituli Arist. prohibet, easq; ciuitates iure reprehendit, quæ athletarum habitudinem corporibus adolescentum hoc modo conciliant, causas duas addit: prima est, quia sic corporū formas corrumpunt, secunda est quia eorum incremento & augmentationi nocent.

An corporis labor ingenij vires frangat?

Opp. Mens est incorporea potentia animi: ergo corporis labor eiusdem vires non potest obtundere. Ratio tenet, quia mens est omnis passionis & corruptionis experta, ut Philosophus docet. Lib. 3. de Ani. cap. 5.

Resp. Mens est incorporea quidem potentia animi, omnisq; passionis ac corruptionis experta, si absolue in animo separato, non autem si respectiue in animo coniuncto corpori consideretur: nam dum est in ergastulo corporis, tam diu vitur eiusdem organo & instrumentis, tantus ergo est utriusq; consensus, ut alter alterius vulnera & passiones sentiat. Quemadmodum igitur in instrumentis musicis, si vnum neruum tangas, alter eiusdem concentus in alio iuxta posito instrumento mouetur: ita in animo & corpore contingit, si motus & affectus utriusq; spectes. Corporis ergo labor menti, & mentis labor corpori impedimento est, ut in calce huius capituli conclusit Philosophus.

CAP.

Virum musica solatij potius quam virtutis causâ sit perdiscenda?

An vita contemplatiua magis quam actiua musicâ indigeat?

Musicae laus.

Dubia tria
quæ mouentur.



PHILOMELAM omnium musarum & artium quasi volentem ad suam manum resumit Philosophus, musicam intelligo, cuius hic vocem ut medicinam doloris, motricem affectus, effectricem virtutis pluribus commēdat, hæc enim tria in primis mouet, an quietis solum causâ sit perdiscenda musica? An etiam ad mores & virtutes trahat? An denique magis ad vitam contemplatiuam quam actiuam valeat? De his tribus ultro citroque disserendo primum progreditur, sed tandem resoluit & concludit omnia. Dubitatio prima hunc sensum habet, an musica solatij & quietis causâ ut somnus & potus comparetur? Quod sanè non fit, quia Morpheus, Bacchus, & Ceres, id est somnus, vinum, & panis non mentem sed corpus recreare videntur: sed in musicâ nerui intellectus percussi sonant, motumque virtutis & affectus sentiunt. Cæterum pergit Arist. & disputationis causâ probat musicam ludi & quietis causâ non esse perdiscendam: ratio sic est, Pueri non ludunt cum discunt (nam omnis disciplina cum dolore & labore coniuncta est): ergo musica ludi & quietis causâ non discitur. Si dicas quamuis in discendo pueris non adsit quies, illis tamen iam viris factis post artem acquisitam aderit: ad hoc videtur respondere quod tantopere solliciti non esse deberent future recreationis suæ, sed potius ut Medorum & Persarum more alios peritos musicos in hunc finem alerent. Ludis Philosophæ, sed perge: quid contra secundam quæstionem adfers? Quæ illa? Hæc nimirum, an musica ad mores & virtutes nostrahat? Sic argumentor cum Lacedæmonijs. Boni & studiosi esse poterimus tametsi musicam ignoremus: ergo musica

musica non tantopere ad mores & virtutes confert. Nos fallis profecto, sed age, quid contra tertiâ adfers? Quæ tertia? Hæc nempe, an magis ad quietem contemplationis quam actionis musica requiratur? Istas tres rationes accipe. Pueri perfecte contemplari non possunt: ergo contemplationis causâ musicam non discerent. Adde etiam quod viri perfecti ex alijs melius quam à seipsis hanc musicam quietem petant: ergo nec viris nec pueris musica ad contemplationis quietem prodest. Postremo Iupiter secundum poetas non canit: ergo ad contemplationem non valet. Video nunc sanè (ut diutius non dissimulem) te iugas agere, nam ista argumenta leuiora sunt & penè nullius ponderis, refutabo igitur. Si id agas optatum habeo. Attende ergo. Attendâ diligenter. Sed dic mihi vnū quæso, an ordine de singulis his tribus dices? Dicam, sed eorum duo ad vnâ quæstionem contraham. Quæ illa duo? Prima illa nempe quies & virtus. Moue si placet illam quæstionem, in qua hæc duo continentur. Hæc est, an musica solatij & quietis potius quam virtutis causâ sit perdiscenda? Defendis (ut opinor) ad vtrumque musicam conferre. Quid nisi? Audiamus ergo. Tria à nobis proposita, ad quæ valet musica, sunt quies, virtus, contemplatio; per quietem relaxatio-
nem animi & corporis; per virtutem perfectionem mentis; per contemplationem animi in primum bonum, primumque verum defixâ intentionem intelligo. Quod valeat ad quietem hinc constat, quia est maximè liberalis & iucunda recreatio animi & corporis, quia est dulcissima medicina doloris, sur temporis, laboris fuga, omnisque molesti affectus & ipsius miseriæ cura: hinc Musæus insignis ille musicus à musis (ut opinor) nominatus solitus est dicere (ut hic docet Arist.)

Dulcius esse nihil cantu mortalibus agris.

Per cantum musicam, per ægros non solum morbis laborantes, sed nos omnes mortales fortunæ telis confossos intelligit, qui sanè ex modulatione tantum leuamen percipimus, ut omni mortis malique curâ depositâ cum cygnis libenter veluti canentes moriamur. Est enim tanta inter animam humanam & musicam proportio, ut non ineptè anima hominis

ZZ

nis

Quæstio. I.
Musica & ad
solutum & ad
virtutem con-
fert.

Musica non
tantum solatij
sed etiam vir-
tutis causa
perdiscenda.

nis naturalis musica & harmonia dicatur. Verum ut ad questionem acutius discutiendam veniam, probandum est non tantum solatij & quietis, sed potius virtutis causa hanc nobilem scientiam perdiscendam esse. Quoniam ergo ludus, quies & iocus non sint bona per se sed in relatione ad aliud, musica non horum solum causa est perdiscenda; nam ut ait Cicero, Non ita generati a natura sumus, ut ad ludum & iocum facti esse videamur, sed ad seueritatem potius & ad quaedam studia grauiora atque maiora, virtutis scilicet: id ipsum hoc loco probat Philosophus, qui musicam non solatij tantummodo sed potius virtutis causa perdiscendam suadet. Concentu enim vocum naturaliter (ut aiunt) mouemur ac delectamur omnes, sed quiddam maius & diuinius in musica expeti & desiderari debet, nempe conformatio animi ad virtutem & ad perfectam contemplationem dispositio: non ergo solum quies sed quies propter virtutem, virtus autem per se & visus in musica discenda queritur. Nam ut ex alijs obiectis sensus exteriores pulsantibus phantasmata quaedam in occultis potentijs animi imprimuntur, quibus tanquam formis ac imaginibus mens ipsa depingitur efficiturque sciens: ita chordae musicae & concentus ab auribus ad intellectum, ab intellectu ad voluntatem transfusi in animo mirificos affectus fructusque mirabiles virtutis pariunt, quibus homo iustus, sapiens, & beatus redditur. Homo enim non audit musicam ut leo, sed de ea iuliat & distinguit, eiusdemque nutu & quasi instinctu ad virtutis studium & amorem ducitur. Quid negas? An magneti vim attrahendi ferrum, an lingue canis sanandi modum, an eloquentie mouendi artem concedis, & musicam (que est affectuum domina) hominem ad mores & virtutem flectendi viam & habenam negas? Erras profecto si sic animum inducas tuum: sed plura argumenta cape, nimirum a causa, ab exemplo, a comparatione & fine. A causa, quoniam illud est quodammodo causa virtutis, quod nos letari bonis & dolere contrarijs docet: sed musica hoc efficit: ergo musica est quodammodo causa virtutis. Ab exemplo, quia Olympica illa musica animos hominum diuino quodam afflatu permouet concitatque, ut experientia

rientia docet: ergo dorica harmonia ad pietatem morum sapienter inuenta minorem in bonis efficiendis potentiam non habet. A comparatione, quia morales imagines & statuae hominum saepe nos ad virtutem flectere & mouere possunt: multo ergo vehementius musica nos ad virtutis amplexum trahit, in qua non solum virtutis imago sed etiam ipsissima virtus inest. Est enim musica quaedam virtus mentis. Si haec vera sint, cur non emollescit mens tua? ridiculum est mihi crede fateri species & idaeas rerum animum afficere & realem virtutis vocem animo loqui non posse credere. Obiectum visus mera idea est antequam animum pulsat, & tamen saepe ad virtutem mouet; sed vox musices realis per aurem ad mentem intrat, cur ergo magis ad virtutis amplexum nos non moueret? Postremo a fine sic disputatur. Musica est medium ad vltius bonum non autem ad quietem corporis: ergo ad virtutem mentis, in qua verissima quies & perfectio inest. Quoniam iam accuratè constat musicam ad solatium & quietem, sed magis ad mores & virtutem spectare, superest ut alteram questionem nunc verbo exponam, quae est, an vita contemplatiua magis quam actiua musica scientia egeat? Nemini iam dubium est quin musica plus ad virtutem quam pingendi facultas animos puerorum allecetet, ut exempla Pausonis & Polygnotti in textu docent, quorum ille solum figuras, hic vero mores hominum luculenter expressit. Veruntamen ut visus ad capeffendam doctrinam minus valet quam auditus: ita minus ars pictoria, quae per visum, quam musica, quae per aurem percipitur, mentem ad virtutem amplectendam incitat. Sed quorsum haec fortasse dices? Eo certe quod melius intelligas omnem musicam non esse ad contemplationem virtutis necessariam. Nam ut pueri non Pausonis sed Polygnotti imagines, hoc est non inanes umbras sed morales & excellentes intueri debent: ita in contemplatiua vita non Panos fistulam sed Apollinis lyram audire conuenit; Est enim musica varia & multiplex, alia enim est humilis & remissa, quae lydia; alia vehemens & incitata, quae phrigia; alia mediocris & media, quae dorica nominatur.

Musicae species
es varia.

Lib. 4. de Mu-
sica.

Musicae doricæ
encomium.

In præfa. in
psalmos.
Lib. 9. cap. 6.
confel.
Vita contem-
platiua magis
eget musicā
quā actiua.

Boetius in hac re est consulendus, qui septē harmoniæ speci-
es ponit, nempe hypodoriā, hypophrygiā, hypolydiā, phry-
giam, lydiam, mixolydiam & doriā, quæ omnes & singulæ
diuersas vires ac proprietates in affectibus mouendis habēt.
Sed ad propositum nostrum, grauis & diuina illa musica ora-
culis plena doria nominata pertinet, illa enim potissimum
animum ad studium sapiētiæ ac verę pietatis trahit, hac olim
in sygnagogis ethnici, hac nunc in ecclesijs Christiani vtun-
tur; est enim in ea quædam cœlestis harmoniæ imitatio, quā
veluti dulci & salutarī medicinā animi morbi curantur, dis-
sipantur vitia, minuuntur curæ, ros gratiæ diuinę sensim ac
pedetentim instillatur, vt Augustinus asserit, qui Augusti-
nus ad lachrymas & fletum voce & harmoniā dulciter can-
tantis ecclesiæ se sæpē motum fuisse confitetur. Sed ad rem.
Hac musicā vita contemplatiua magis quā actiua eget,
quod paucis sic argumentis probo. Vita contemplatiua est
vel perfectā vel imperfectā, illa magis eget, quia musica
est quodammodo eiusdem forma & perfectio, quippē to-
ta in cōcentu & harmoniā animi illa vita cōstat: ne ergo vl-
la sit mentis defectio, nē vlla declinatio virtutis, necesse
est vt musicā confirmetur: si verō sit imperfecta, eō magis
eget, nē Damas tadio contemplationis ictus se à Christo
ac religione ad mundi nugas vertat. Labor enim virtutis mo-
dō susceptę magnus, sed perfectę nullus: dū ergo hæc vita est
veluti herbescens & inchoata, opus est doricā harmoniā, quā
magis magisq; in dies singulos augeat & roboretur. Nā si
obiecta mundi, quæ sunt grauiā quasi mentis pondera; si ob-
lectamenta appetitus, quæ sunt quasi toxica venena animi,
instinctu musico nō tollantur, facilis relapsus erit, quem des-
census auerni heu nimis lubricus & periculosus sequitur. Prę-
tereā quoniā homo est ex humo natus, & ad deū veramq; cō-
templationem sine medio excitari non potest, necesse est vt
theoricę vitę deuoti melodiā à terra ad cœlum, ab hac abisso-
rerum ad deum omnium bonorum fontem & finem eleuen-
tur. Expediit hic etiam perpendere & considerare quòd inter
musicam & contemplatiuam vitam sit maxma similitudo &
conspiratio,

conspiratio, quæ semper in actiua vitā non cernuntur; nam
in actiua vitā mille sunt illecebræ, quibus mobiles volūtates
hominū in deuiā rapiantur. Si igitur hic vrgeas magis opus
habere musicā quā reuocentur, respondeo id verum esse si
musicā ad mores accomodatam intelligas. Sed hic de doricā
& phrygia harmonia agimus, quæ (vt loquitur Philosophus
in textu) ad mentē instinctu diuino concitandā valet. Huc ad-
di potest quòd olim ethnici in suis oraculis, quòd prophetæ
in suis augurijs, quòd maiores nostri in suis exequijs celebrā-
dis hac specie musices vsi fuerint; quod sanē non fecissent, si
plurimū momēti ad vitā contēplatiuā musica nō contulisset;
quippe in oraculis, augurijs, exequijs contemplatio maximē
exercetur. Concludā ergo theoricā vitā magis quā practicā
musicā egere, quia est vita difficilior, quia est ipsi harmoniæ in
sua ipsius natura similior, eaq; de causā illam magis expetit,
quia est hoc inodo constantior, quia eiusdem diuino motu &
instinctu deo facta est coniunctior, quia sacerdotibus, pro-
phetis, omnibūque deuotis atq; sanctis & nunc est & sem-
per fuit habita cæteris artibus longē diuinior. Tali enim nu-
merorum distinctione, tali proportionē vocū cōstat, vt mēs
extra se quasi posita de cœlo, de Deo, de immortalitate &
gloriā solū cogitet ac meditetur. Verū quoniā de numeris
hic agimus, animaduertendum est Arist. in fine huius cap. de
rhythmis agere, in quibus nō solū harmonicus sonus, sed etiā
sensus diuinus inest; quasi nobis suaderet sapiēs Philosophus
vt in cōtemplatione nō sicut aues, sed sicut homines alterna-
tis vocibus concertemus. Nā quāuis fatear pastores angelo-
rū cantu, & Iohannē 24 seniorū corā agno cātantiū Alleluia Reuel. 5.8.
plurimū delectari, nec non in deum sic extra se positos de- Reuel. 14.23.
uotissimē raptari posse: sensu tamen percepto rhythmorum,
id est si placet psalmorū & hymnorū, qui cantātur, multò de-
uotior spiritus & cōtemplatio redditur: excipio tamen duo, Canendi cau-
videlicet nisi scientiā inflati nouo sensu abundemus, & nisi tiones 2.
cōtradiciendi studio hereticē delectemur: tū quidē melius est
sono & concentu solū ad simplicē pietatē moueri animū,
quā malo sensu non aliter quā monstrū parturiēs laborare.

Musica fru-
ctua.Musica
confertMagis ad vir-
tutem quā so-
latium, quiaVirtus est bonum per se, solatiū verò prop-
ter virtutem.Musica comparatur non ad sensum tan-
tū, sed ad mentem, in qua virtus sedet.
Musica magis animum quā ars pictoria
ornat.

Musica est via & quasi vox virtutis.

Magis ad vitā
cōtemplatiuā
q̄ actiuā, quia

Vita contemplatiua est difficilior.

Musica est ei vitæ similior.

Musice vsu vita illa est constantior.

Hoc modo facta est Deo coniunctior.

Sanctis patribus musica ceteris artibus
habita est diuinior.

Opp contra primam quæst.

Eth. 2. cap. 5.


Musica est causa affectus: ergo non est causa virtutis. Antecedens
patet, quia musica proximè demulcet sensum, unde affectus nasci-
tur. Ratio tenet, quia affectus est (desinente Philosopho) animi mo-
tus à recta ratione, qui est virtuti planè contrarius: ergo si musica
sit causa affectus, non erit causa virtutis.Musica medi-
ocres affectus,
non acres
gignit.Resp. Affectus sunt vel acres, qui desinuntur motus animi à
recta ratione; vel mediocres, qui sunt voluntatis stimuli ad virtutē:
hos nō illos musica moderata gignit; moderata dico, quia est quoddā
genus musices quod ad scelerum immanitatem, ac voluptatum ille-
cebras animos hominum periculose incitat, quali hodie vagabundū
tibicines ad inflammandam venerem & libidinem vtuntur.Opp. Musica Dorica & Phrygia ad virtutem nos magis non
mouet quā ad solatium: ergo nulla. Antecedens constat, quia mu-
sica Dorica & Phrygia solatiū tantum ante & post acquisitam vir-
tutem spectat: docet enim nos letari medijs quibus oportet in acqui-
renda virtute, & docet nos gaudere virtutibus acquisitis: videtur
ergo magis ad solatium quā ad virtutem destinari.Resp. Quamuis ante & post acquisitam virtutem animi solatiū
musices hoc genus spectet, nō tamen illud propter se sed propter vir-
tutem spectat: recte ergo non concluditur quod musica magis ad so-
latium quā ad virtutem nos moueat, quoniam ad illud solū per
accidens (ut aiunt) ad hanc verò per se vi musices allectamur.Opp. Musica recreationis causa inuenta fuit: ergo potius ad so-
lati-Musica ad re-
creationem,
virtutem.latum quā ad virtutem refertur. Antecedens est Arist. in tertio
capite huius libri. Ratio constat, quia res qualibet ad id maximè re-
fertur, cuius causa constituitur.Resp. Musica recreationis causa inuenta quidem fuit, hac ratio
tamen non sequitur, quia recreatio finis musices per accidens, virtus
verò & contemplatio per se dicitur. Ut enim artis medica vnus fi-
nis est comparare medicinas, alius verò iisdem comparatis sanitatē
efficere: ita musices medius finis est recreare, vltimus verò homines
gratis & amenis affectibus percussos ad studium virtutis magis al-
licere.

Opp. contra secundam quæstionem.

Vita contemplatiua est per se satis delectabilis & iucunda: ergo opus
non habet musicā. Antecedens constat, quia nihil est suauius aut iu-
cundius virtute, quæ solā vitā cōtemplatiuā capitur, ut in 10. Eth-
icorum, & in principio septimi lib. Politicorum Arist. probauit. Ratio
tenet, quia musica eā de causa huic vitæ attribuitur, ut in otio &
contemplatione degentibus vita suauior amantiorq̄ fiat.Resp. Vita cōtemplatiua absolute perfecta in hoc mortali Olympo
non est: comparatione tamen actiua vita perfecta & absoluta dici-
tur, quippe multo minores curas & molestias habet, easq̄ quas ha-
bet facilius deuorat: ne autem præualere infirmitate natura aut ir-
ruente fortuna procellā obruatur, musica ut consolatrix adhibetur,
cuius ope vita integritas perpetuò conseruatur.Opp. Videris fateri actiuam vitam maioribus molestijs curisq̄
diuexari: magis ergo videtur musicā indigere. Ratio tenet, quia
musica est (ut docet Philosophus sapè in textu) nihil aliud quā mo-
lestiarum ac dolorum veluti cura & medicina.Resp. Satisfecimus huic argumento in expositione textus, ubi
concessimus actiuam vitam magis indigere, si musicam ad virtutes
morum accommodatam intelligas: non autem si musicam Doricam
que solū ad virtutes mentis & diuinum afflatum spectat, hac enim
homines in extasim animi & obliuionem mundi rapit, hac demones
ut tyra Davidis à Saule furente fugat, hac in oraculis vim quandā
cælestem habet, hac deniq̄ contemplantium præcordia ad religionē
& deum instinctu quodam diuino flectit. Veneranda ergo hac est, &
supra quā dici potest honoranda, ut eius quotidiano vsu à somno
securitatis (in quo iam mundus stertit) excitemur.

*Virum vocalis & instrumentalis musica omni aetati conueniat?
Virum musica fistularis à repub. exterminari debeat?*

Prætextus eo-
rum qui omne
musices vsum
condemnant.



ST quoddam genus hominū in hac ætate nimis proteruum, & (vt ita loquar) Stoicè supersticiosum, quod omne musices vsum in tribunali suo vanissimè condemnat: prætexunt hi nescio quam causam summe pietatis, nempe vt deus ab hominibus distinctè cum intellectu, & non confusè graculorū more adoretur, quod sanè fieri (vt aiunt) non potest, si in templo vt in theatro cantibus ac instrumentis concertemus. Deus inquit fistulosis organis & lyris nervosis non placatur: delirant ergo qui ijs vtuntur, hinc sæpe vrgent illud quod antiquitas dedit:

Non vox sed votum, non cordula musica sed cor,

Non clamans sed amans cantat in aure Dei.

Vtinam votum, cor, amorem Deo isti persoluerent, tum quidem vox, cordula, & clamor omnino non deficerent; fateor equidem id verum esse, quod Cassiodorus habet, Non solū cantantes sed intelligētes psallere debemus, id quoque optandum est, quod patres in concilio 4. Carthagenensi præceperunt: vide inquit vt quod ore cantas corde credas, & quod corde credis opere & vitā comprobes. Rationem diuus Augustin. addit, bene inquit psallere & malè viuere est deo odiosum. Sed quid? An hinc concludis musicam omninò à templis exterminandum esse? Hoc est arma militibus tollere, quia artificiolè non pugnant. Sed vult Philosophus hīc dorian solum musicam in templis & oraculis adhiberi; quæ certè siue sit plana, siue sit variata, grauis & distincta est, mentibusq; hominū veluti apertè loquitur: si sub hac specie psalmi, hymni, carmina diuino numini in templis decantentur, siq; ad maiore deuotionē concitandam cū instrumentis musicis voces humanæ coniungantur, absurdum aut impiū haberi

Cassiodori
sententia.
Decretum
consilij car-
thaginensis.
In psal. 40.

haberi non debet. Nam quamuis instrumenta syllabicè non loquantur, musicè tamen ferentes sonum pios affectus mouent. Quid sapius hīc de musica in templo Salamonis, de Davidis cytherā & cymbalis bene sonantibus dicerem? Qui de hac re dubitant legant Augustinum in præfatione, quam in Psalmos scripsit, Chrysostomum in Psalmum 148. Tertulianū ad vxorem libro secundo, Athanasium de interpretatione Psalmorum ad Marcellum, Eusebium libro quarto de vita Constantini, & decretum totius ecclesiæ contra Paulum Samosatenum hæreticum; quod Psalmos & cantus, qui ad honorem Christi decantari solebant, tanquam à viris recentioris memoriæ editos exploserit. Sed reuertamur ad Aristotelem, & videamus an musica vocalis & instrumentalis omni aetati conueniat? Pueritiæ & adolescentiæ conuenire affirmat, idque duobus argumentis hoc modo suadet. Quicquid plurimū valet ad rectè iudicandum de moribus est pueris & adolescentibus perdiscendum: sed musica tam vocalis quàm instrumentalis plurimū ad rectè iudicandum de moribus valet, etiamque confert ad ipsam bonam dispositionem morum, vt antè probatum est: ergo musica tam vocalis quàm instrumentalis est pueris & adolescentibus perdiscenda. Maior constat, quia puerorum & adolescentium plurimū interest eas artes discere, quæ ad mores pertinent. Minor etiam constat, quia in musica est expressa morum similitudo, miraque affectuum ad studium virtutis inflammatio. Secundum argumentum hoc est, Quicquid est accommodatum delectabili & liberali puerorum & adolescentium exercitationi ab eis est perdiscendum: sed musica tam vocalis quàm instrumentalis est accommodata delectabili puerorum atque adolescentium exercitationi: ergo ab eis est perdiscenda. Ratio hæc patet, quia hæ duæ ætates sine exercitatione languent, quiescere enim omninò nesciunt. Vt ergo infantulis Archytæ crepitaculum dandum est, quo se delectent & exerceant: ita pueris & adolescentibus musica illa crepitacula & organica est perdiscenda, quæ liberaliter & honestè mentem capiant, moueant corpus, tempus fallant.

Euseb. l. 7. c. 24.

Quæstio.
Musica voca-
lis & instru-
mentalis pue-
ritiæ & adoles-
centiæ conue-
nit.

Musica instru-
menta non fu-
erunt causæ
flagitiorum
sceleratis.

Senes musicā
exercere de-
bent in musæo,
domo, templo.

fallant. Sed dices, nonne prouectioribus etiā etate praxis hu-
ius artis conuenit? huic dubitati uulgo respondet Arist. in tex-
tu, cum Democritos quosdā suorum temporū, hoc est Momos
quosdā & irrisores refellerit: fuerunt enim quidā Aristarchi
etate Arist. ut nunc sunt, qui actum & opus musices homines
sordidos & illiberales efficere ineptissimē dicebant, qui Sar-
danapalū mollem, Neronē tyrannum, Alexandrum intolē-
tem, Homerum insanum, furiosū Herculē, Paridem adulterū
ex opere praxiq; musices factos esse censuerunt. Habuerunt
quidē hij omnes suas lyras, multaq; & varia instrumēta mu-
sices; sed negamus lyram, ad quam cantabat Nero, causam
fuisse cur Romam incenderit; negamus cytheram, quam
Paris tractabat, causam fuisse cur Helenam sustulerit; nega-
mus inquam uocem aut instrumentum causas omnino esse,
cur isti aut alij quicunq; insani, furiosi, adulteri, aut quouis a-
lio modo flagitiosi fiāt; ineptū sanē est mentis labem in artis
usum vertere, vel propter scelus hominis splendore artis tol-
lere. Fateamur enim quod isti (ut hodiē nimis multi) fuerint
abusi ad morū licentiā hac diuinā scientiā, estnē igitur vene-
rabilis eiusdem usus tollendus? an inde cōcludes omnes sor-
didos & illiberales effici, qui fides & neruos pulsan, aut cō-
forti uocū cōcentu ad numeros & modos cātant? hoc est gla-
diū Dauidi negare, quia gladio Saulus seipsū transfixit, usūq;
rei eximie tollere, quia pessimi homines eādē abutuntur.
Quid ergo? An senibus decorum esse putas, si musicis instru-
mentis digitos admoueāt, si in choro cōtendant? si vociferen-
tur? vide quid tibi respōdeat Arist. qui pueris & adolescenti-
bus tractationē, uiris & senioribus iudiciū huius artis cōueni-
re asserit. Rectē igitur nō uult senes ludere, non uult cantare;
temerē & incōsideratē hoc infer, nā iudiciū artis nō tollit
artis praxim; possunt enim senes aut recreationis causā ad so-
latiū uitę, aut causā cōtemplationis ad cultū dei hanc artem
exercere, non tamen ut pueri & adolēcentes in foro, theatro,
ludo; sed ut decet grādiōres domo, in musæo, in tēplo, in qui-
bus hymnos deo canere, & dulcissima pietatis instrumenta
tractare senili etati conuenit. Hinc ut opinor Socrates in sua
senectute

senectute hāc artē didicit, ut Patricius scribit; hinc Epaminō. *Exempla se-*
das senex lyra pulsare non recusauit; vana enim nō sunt quę *num qui mu-*
sunt honesta, indecora nō sunt quę ad diuinos usus destinā- *sicam exercu-*
tur. Sed de secunda quēstione disputemus, scilicet an musica *erunt.*
fistularis à repu. sit exterminanda? Plato (ut ait Patricius) mu- *Quęstio. 2.*
sicam tripartitam fecit, vnam uoce solū constare ait, ut in *Musica triplex*
cantu humano cernimus; alteram uoce simul & manu, ut cū
neruorum pulsibus oris modulatione concinnimus; tertia so-
lis manibus perfici ait, ut cum silente organo uocis cytherā
percutimus. De hac ultima specie harmoniæ hoc loco agi-
mus, quam Arist. organicam, artificiosam, aut instrumentale
in textu appellat. Instrumentorum uerō alia sunt bellica, ut
membrana, tuba, & sonora fistulæ; alia sunt ethica & mora- *Instrumento-*
lia, ut organa, cytherę, barbitona; alia theorica & diuinis usu- *rum musico-*
bus inseruiētia, ut psalteria, trigona, sambuca, omniaq; ea *rum diuisio.*
quę mentem sursum in meditationem rerum diuinarum
rapiunt; alia denique theatrica & Bacchanalia, ut lyra, ple-
ctra, omnes tibiæ maximē ad, uoluptatem mouendam ar-
te & usu destinatæ. Hę omnes musicę formę (ut docent Phi-
losophi) si opportunē adhibeantur, singularem in republica
usum & dignitatem habent, imō Socrates apud Platonē tan- *Cicero Tus. 1.*
ti æstimat ut auderet dicere mutationem musices aut defe- *Socrates totā*
ctionem reipublicę maximē periculosam esse, perinde ac si *uitę rationem*
diceret ciuium fortunam, bellum, pacem, uirtutem totam- *à fidibus de-*
quę uitę rationem quodammodo à fidibus dependere. Hinc *pendere cēset.*
Timotheus musicus ille egregius patriā explosus fuit, quia
unum neruum musico instrumento addit; hinc Themistoc-
les cum in epulis recusatit lyram, habitus est indoctior:
quid multis? Tanti fecerunt maiores nostri hanc praxim
artis ut indignos uitā, luce, ciuitate putarent, qui lyram
aut contemnere ut AEtas; aut mutare ut Timotheus; aut
ignorare ut Themistocles videbantur. Sed dices si om- *Fistularis mu-*
nis instrumentalis musica approbetur, cur fistularis non *sica solū in*
admittitur, Attende omni ex parte fistularem musicam non *pacato statu*
reiecit hoc loco Philosophus sed in placato statu ciuita- *ciuitatis re-*
tis tantum: uult enim in bello proculdubio adhiberi, ut *ijcitur.*
homines

homines acrius ferociusq; extra se quasi positi in hostem rapiantur. Quod verò in florente & beato statu ciuitatis talis admitti non debeat, sic argumentis probat. Fistularis musica ad mores initiores non confert: ergo in placato reipub. statu admitti non debet. Ratio constat, quia fistularis musica hinc intellecta est sonora illa vehemēti flatu edita, quā milites ad pugnam potius quā ciues ad pacem concitātur: sed in placato reipub. statu non acres sed mediocres affectus, idēq; non ad impetum animi sed ad quietem & virtutem sunt leniter commouendi. Alterum argumentum hoc est, Musica fistularis spiritus vitales consumit, pulmones nimium distendit, anhelitum difficilem efficit, corpus defatigat, tabem generat, mortem sæpē repentinam infert: ergo non est approbanda. Tertiū sic se habet, Lacedæmonij & Athenienses tibijs olim vsi, vt ex tabulis Thrasippi apparet, hoc genus musices tanquam inutile ad mores & virtutē abiecerunt; idem fecit Lycurgus in sua ciuitate; idem Romani: ergo non est toleranda; nā quāuis Græci in primis suos buccinatores, tibicinesq; inflantes & inflatos habuerunt, incōmodis tamen experientiā demū perceptis hoc genus musices à templo pacis in campū Martis abegerunt. Quartò sic differit Arist. Opus fistularis musices est seruile & illiberale: ergo nō id genus musices est permittendū. Antecedens constat, quia fistularis musica suscepta est lucri & mercedis causa. Ratio tenet, quia ea sola musica est perdiscenda in placato statu reip. quæ est tantum hominibus liberis & ingenuis digna. Postremo à Philosopho hoc modo concluditur. Minerva fistulas à se repertas abieciisse dicitur, idq; ob duas causas: primū quia oris deformitate offensa erat; tum vel maximē quia hoc genus harmoniæ nihil vsus ad intelligentiam & mentē adfert: talis ergo musica in statu florente ciuitatis nō est exercēda. Sed attendendū hinc est, non solum laboriosam musicam & fistularem hoc loco sed etiam voluptuosam & nimis exquisitā (quam mirabilem appellat Arist.) reiiciendam esse, maximē verò si vel ad turpe lucrū, vt illa; vel ad luxū & voluptatē, vt hæc nimis delicatula referatur: eò igitur accedūt omnia, eò in quā omnia Arist.

rist. præcepta tendunt, vt in musica (siue illa sit vocalis siue organica) solā virtutis vocē audiamus, eiusq; harmonica præcepta non tam voce canere quā mente sapere perdiscamus.

Distinctio.

Proban- tur in hoc ca- duo.	Primū, quod musica vocalis & organica omni ætati conueniat, quia	Pueritiæ & adolescentiæ conuenit ex- ercitationis & virtutis causā, Virili ætati & senectuti conuenit iudi- cij, recreationis, pietatis, & contemplati- onis causā, vt apertè in textu docetur.
	Secundò, quod musica fistularis non sit in placato reipu. statu adhi- benda, quia	Non est ethica & moralis, Est nimis violenta & naturæ inimica, Maioribus non fuit approbata, Est seruilis & illiberalis, Mineræ & mularum studijs est infesta.

Opp. contra primam quæst.

Opp. Senes non debent vocalem & instrumentalem musicam exercere: ergo omni ætati non conuenit. Antecedens est Arist. in textu, cuius verba hæc sunt. Idcirco oportet eos dum pueri sunt opera musices tractare, ubi verò adoluerint grandioresq; facti sunt, opera quidem missa facere, recteq; iudicare debent.

Resp. Satisfactum est huic argumento in expositione nostrā, ubi docuimus iudicium musices ad senes, opus ad adolēcentes pertinere: ita tamen vt Socrates, Epaminondas, Nestor & Homerus aliquando & cantent & ludant, non autem vt iuuenes in foro, sed vt senes in templo, idq; pietatis & contemplationis causā.

Opp. Musica vocalis & instrumentalis omnem adificationem tollit: ergo in ecclesia non est adhibenda. Antecedens probatur, quia vocum & instrumentorum confusione diuinus sensus eorum, qui cantantur percipi non potest.

Resp. Verū hoc est, si distincte & syllabice (vt aiunt) à musicis nō cantetur: at si voces & instrumenta suauiter & distincte consonēt & concordēt, non videtur quin & melius sensus percipiatur, & etiā interno sensu mens ipsa magis ad deū & pietatē incitetur. Quantū fletu in canticis tuis, inquit Augustinus, audiēdo hymnos & Psalmos, August. lib. 9. & quā internē vocibus dulciter cantantis ecclesia tua mouebat? conf. 9. cap. 6.

Opp. Deus est spiritus: ergo mente non cantu & voce coleretur.

Resp. Ratio non coharet, quia vt deus mentē, ita corpus creauit: & vt illius facultatibus præcipue: ita huius partibus & potentijs se adorari

Mat. 1.
Iohan. 11.

adorari iussit, si signa signatis (ut aiunt) facile respōdebunt: quare cū externam musicam extollimus, internum animi concentum non negamus, imō potius illius impetu huius acie acimus & excitamus.

Opp. Musica vocalis & instrumentalis expresso verbo non mandatur: ergo approbari non debet.

Resp. Sic potes probare aurum, thus, & myrrhā, quæ reges obtulerūt christo: unguentū pretiosum quo Maria Magdalena pedes Christi inunxit; aliāq; infinita veneranda non approbari: quippe expressum verbi chirographum & mandatū non habent. Respōdeo igitur musicam deuote inferri posse modo in honorem Dei adhibeatur.

Opp. contra secundam quæst.

Opp. Tibia sunt permittende in placato statu reipub. ergo musica fistularis. Ratio tenet, quia musica fistularis ex tibys constat.

Resp. Tibiarum alia sunt sonora, bellicis vsibus accommodata; & tales in pacato reipub. statu prohibentur; alia verò sunt in quibus est expressa humane vocis imitatio, & tales propter delectabilem suauitatem ac similitudinem permittantur.

Opp. Arist. nominatim in textu reiecit cytheram: ergo præter fistularem musicam, alia est reiicienda.

Resp. Per cytherā Arist. hoc loco (ut quidā exponūt) magnū, perforatū, & sonorum instrumentum intellexit, in quo pulsando plus laboris quā leporis fuit: ne ergo seruile ac illiberale esset tale propter ingentē molem circumferre, eiusdē vsum non ineptē nobis pernegauit.

CAP. VII.

An musica conducatur ad tria?

Musices subiectum,
Partes, species,
Media.

Fines.



Subiectum musices circa quod versatur melos est seu harmonia, partes natura, vox, instrumentū: species, dorica quæ ad mores, lydia quæ ad actiones, phrygia quæ ad diuinos animi motus concitandos pertinet: media sunt modi, clauēs, numeri; fines scilicet rerum recreatio, institutio morū, rerū diuinarum contemplatio, sub qua hoc

loco animi expiatio (ut vtar verbo Arist.) continetur. Hinc postrema politician quæstio est, An musica conducatur ad tria

tria? Antequam ad hanc quæstionem discutiendam veniam, breuiter & succinctē partes ipsius textus veluti digito attingam & demonstrabo. Postquam in priore capite quibus instrumentis, & quousque vtendum sit, docuerit Philosophus; nunc de cantibus, harmonijs, rythmis generatim & rudi (ut aiunt) Minervā disserit. Partes huius capituli tres sunt, scilicet triplex de musicā dubitatio, de tribus eiusdem finibus & terminis resolutio, horum omnium deniq; ad mores & ætates hominū applicatio. Triplex dubitatio hæc est, vtrum ad disciplinā morum omnibus harmonijs, numeris & rythmis vtendum sit? deinde, vtrum eis qui in institutione puerorum elaborant, aliā ipsis pueris musicam accommodemus? postremo, vtrum musica sit optabilior ea quæ in cantu consistit, an quæ in numeris? triplicē hanc dubitationem Arist. in textu non soluit, cuius rei duas causas tradit, primam quia nonnulli eius ætatis musici & Philosophi accurate de illis disputarunt, secundā quia ad institutionem morū sufficit solum vmbra rudiores delineare, ac generalia præcepta musices tradere & adhibere. Altera pars capituli est de tribus finibus musices resolutio, in qua ad tres terminos ac veluti scopos musica refertur: hij verò sunt recreatio, doctrina, morum contemplatio: ad hanc vltimam partem, lustratio animi siue expiatio ab Arist. reuocatur. Est verò expiatio animi quædam veluti sedatio affectuum, quæ sacris cantibus (ut hic loquitur philosophus) perfici solet, de qua pluribus in expositione quæstionis statim dicemus. Vltima pars capituli est applicatio horum ad mores & ætates hominum, distinguunt ergo philosophus quod duplex sit genus hominum, aliud politū, aliud rude & ignarum: illi exquisitum & remissum, huic magis leue, detortum ac deprauatū musices genus conuenit. Vt enim quidā cæci & lippientes magis indecoris quā pulchris coloribus: ita quidā naturā ab harmonia declinantes magis Panos stridente fistulā quā Arionis dulcissimē sonante cytherā capiuntur. Vtendū ergo est vt docet Philosophus omni musicā, sed non eodem modo omnibus; Hercules enim tubā, Tyterus inflatā fistulā, Orpheus lyrā, Dauid

Capitis huius partes tres.

Dubitatio triplex.

Resolutio de tribus finibus musices.

Applicatio ad mores & ætates hominum. Politis musica exquisita conuenit, ignaris verò deprauata.

Omni musicā vt conuenit sed non omnibus eodem modo.

Platonis re-
futatio.In ætate duo
consideranda.
Potentia.

Decorum.

Locus.
Modus.
Genus
Harmonia.Quæstio.
Musica condu-
cit ad tria.

uid organis & psalterijs delectatur. Adfert (vt in textu ait) vniciq; voluptatem id quod cuiusq; naturæ accommodatū est; ad disciplinam morum autem vtendum est solūm morat-
tis cantibus & harmonijs, qualis est doria: nam medium in-
ter duo extrema tenendum est: at dorica harmonia media
est inter lydiam, quæ ad humana opera; & phrygiam, quæ ad
philosophiæ studium & diuinum animi motum concitandū
spectat. His positis Platonem refellit, qui phrygiam concit-
atricem affectuum cum dorica moderatrice virtutum con-
iunxit, tibiamq; reiecit, quæ tamen (vt hic ait Philosophus)
est aptissimum instrumentum concitandi affectus, vt in or-
ganis, psalterijs, alijsq; id genus musicis instrumentis con-
stat. Quod verò sit phrygia harmonia concitatrix affectuum,
testimonio poetarum & nominatim exemplo Philoxeni (nè
hoc negaret Plato) confirmat. Hic Philoxenus (vt ait) carmi-
na pathetica quidem fecit, affectibusq; plena, quæ, cum ad
dorian concinnare enixus erat, non potuit, ad phrygiam
verò reuocauit, & tum excellunt, sed hæc quoad mores. In
ætate considerata duo sunt, potentia & decorum: defessis
ergo & senibus natura cantus non acres & vehementes sed
remissos suggerit: desunt enim eis vires, desunt spiritus. In
hoc ergo iure Socrates culpāus erat, quod omnes remissas
harmonias quasi Bacchiorum lasciuas & temulentas respu-
erit, cum tamen senes ægri & defessi (maximè egentes sola-
tio) hoc solo genere harmoniæ reficiantur: nam lydia musi-
ca pueris & adolescentibus accommodata, illis propter imbe-
cillitatem est valde periculosa. Decorum tria spectant, locus,
modus, & genus harmoniæ; locus ætati & personis accom-
modatus: modus nè ultra modum & modestiam (quod viti-
um cantoribus commune est) decantetur. Genus harmoniæ,
vt auditorum animi cantantium operā & contentione aut
ad disciplinam morum, aut ad fessorum quietem, aut ad cō-
templationem diuinarum rerum alacriores fiant: nam hæc
tria sunt, ad quæ musica conferre dicitur, vnde quæstio est,
an musica conducatur ad tria? De his tribus antè in tertio capi-
te huius libri disputatum est, hoc verò loco fit solūm istorum
omnium

Ad solatium.

Harmonia op-
timum solatiū
in miserijs.Ad institutio-
nem morum.

Lib. 2. cap. 1.

Ad contem-
plationem.

omnium repetitio: ne ergo sim verbis molestior rem actam
non agam, breuis ero. Quoniam in vitā humanā nihil cer-
tius est incertā vitā, eademq; infinitis malis ac morbis ob-
noxia; quis non videt afflictos solatio in malis; languidos me-
dicinā in morbis indigere? Sed quod solatium in miserijs
maius? quod pharmacum in morbis melius est harmoniā,
quā omnium malorum tædium aut omnino tollitur, aut le-
nitum toleratur facile? Exemplum huius rei dedit Empedo-
cles, qui dementatum ad sobrium ingenium hoc solūm mo-
do reuocauit. Ismenias quoq; Thebanus ille musicā solūm
quamplurimos febribus æstuantibus liberaffe dicitur. De mo-
rum disciplina iterū quid dicam, cum satis iam satis con-
stet musicam (quam Doricam appellamus) neruos animi ad
virtutis concentum tendere, & veluti ab affectibus malè so-
nantibus ad morum concinnitatem & harmoniam flectere?
Exemplum huius rei dedit Pythagoras qui concitatos iuue-
nes ad vim pudicæ familiæ afferendam, mutatis in spondeum
lyræ modulis compressisse fertur; simile de Caio Graccho
scribit Patricius qui dulcissimā hanc musā vsus populum Ro-
manum sæpissimè ad suam voluntatē flexit. Postremò quod
ad contemplationē rerum diuinarum musica conducatur, fre-
quens eiusdem olim vsus in oraculis, in templis, in vaticinijs
manifestè quidem docet & conuincit; motus enim diuinos
& admirabiles animis hominum inculcit, eosdem ad studium
pietatis ac deuotionis accendit, curis rerum mortalium &
caducarum omnino liberat, in obliuionem mundi pellit, ad
contemplationem cœli Deiq; rapit: sed vt hæc omnia con-
cludam non malè scripsit ille, quicumque musicam sic de se-
ipsa verbis loquentem finxit.

*Vinco, flecto, rego, cantu, dulcedine, plectro,**Dira, cruenta, feros, tartara monstra, viros:**Languentes releuo, morituros excito, maestos**Erigo, pallentes munio, vinco Deos.*

Vincis quidem, & amplius paulò addam, præ cæteris musis
verè triumphas: diuina enim es & non solūm ad solatium, ad
mores, ad studium sapientiæ, sed etiam ad expiationem ani-
mi

Expiatio quid mi celsius demissa. Verum quoniam de expiatione iam mentionem fecimus, abs re non erit verbo querere, quid sibi per id nominis Arist. in textu voluit. Sic enim loquitur, Dicimus autem non vnius utilitatis causa vti nos musica oportere, sed plurium (institutionis enim siue disciplinæ & lustrationis siue expiationis gratia eam utendum est) & paulo post addit, Quid expiationem appellemus, nunc quidem simpliciter, alias autem in libris de arte poetica planius exponemus. Defatigant se hic multi, & excruciant nimis, ut huius verbi interpretatio inueniatur, sed toto illo non extante libro de poesi conscripto, contententur se quidam quid sibi velit Philosophus penitus nescire: veruntamen ne lector studiosus ab optato fine huius operis diutius remoremur, certum est per expiationem hoc loco sedationem affectuum, scelerumque purgationem intelligi, quod sane ex verbis in textu subsequentibus liquido & aperte constat, verba hec sunt. Etenim ex hac agitatione & permotione nonnulli concitati (quasi extasi) feruntur: sed hoc videmus sacris cantibus tranquillari ac sedari, cum utuntur musici cantibus animi furore leuantibus ac purgantibus perinde quasi curationem & purgationem sint consecuti. Per agitationem hoc loco Aquinas incredibilem illum animi motum ad rerum diuinarum studium, per sacros cantus phrygiam illam & grauem concitatricem musicam; per hoc ipsum nempe animi a furore leuari & purgari, mentis sauis affectibus scelerumque stimulis liberari, docte & sapienter intelligit. Estne ergo tanta vis tantaque diuinitus data influentia musicæ, ut vel philosophi vel ethnici & pagani eiusdem impetui, idque in sacris, in sacris inquam cantibus seipsum sensisse dixerint? quid? an fateamur hoc verum esse? Deus bone cur musicam hoc tempore nos Christiani spernimus? imò cur non probamus? cur non amplectimur? dat quietem, si sumus fessi; mores, si sumus mali; sapientiam, si sumus ignari; libertatem ab affectibus, si sumus sceleribus mancipati: defessos enim recreat, flagitiosos corrigit, ignaros docet, otiosos & segnes ad studium pietatis trahit. Huius author Deus est, materia melos est, custos homo est, gloria Christi finis est. Hec nos studiose lector mouerent plurimum ad studium & amplexum

Expiatio est
sedatio affectuum.

Musices com-
moda.

plexum musices, si natura in cæli orbibus, si ordo in elementis, si in aurbus concentus, si consensus in partibus humanis, si tota mundi machina (que nihil aliud est quam quedam nature musica) mouere non potest. Quid moror? si Tubal Adami filius, si Miriam Aronis soror, alique; mulieres cum tympanis, si Anna mater Samuelis, si Debora, si David, si alij infiniti (ut sacre testantur literæ) Deum musicè laudarint, cur musicam ut canonicam artem honorificè non recipimus? Patriarche, prophete, angeli ipsi (ut in euangelio constat) patres, & doctores renascentis ecclesiæ cecinerunt, arteque diuinam hanc exemplo, voce, atque præcepto commendauerunt: stoici autem sumus si recusamus, epicurei si condonemus. Sed ut unde suscepta est ibi terminetur oratio, accede frater qui meas de repub. lucubrationes legeris, ascendamus queso in templum domini, laudemus Deum in sono tubæ, laudemus in psalterio & cythera, laudemus eum tympano & choro, laudemus eum in cordis & organo, laudemus eum in cymbalis bene sonantibus, laudemus eum in cymbalis iubilationis, omnis spiritus laudet dominum.

Musica conducit ad
tria, nimirum ad

Recreationem, quæ est fessorum à laboribus & curis iucunda cessatio, seu negotiorum intermissio.
Institutionem vitæ, quæ est morum disciplina, & affectuum moderatio.
Contemplationem, cuius partes duæ sunt, Veritatis inquisitio, Affectuum scelerumque expiatio.

Distinctio

Opp. Plures sunt fines musices quam recreatio, disciplina morum ac contemplatio: ergo ad hac tria solum non conducit. Antecedens probatur, quia honor Dei, & unio animi ad Deum per consensum sunt alij fines, ut Boetius docet.

Resp. Ut dialectica ad sermonem, congressum, & philosophiam: ita musica ad hac tria confert: & ut illa tria sunt fines communes: ita & hac, sub quibus alij continentur, exempli causa, honor Dei unioque animi sub rerum diuinarum intuitu & contemplatione.

Opp. Morum disciplinam impedit musica: ergo ad eam non conducit. Antecedens probatur autoritate Gregorij pontificis, qui ait, diuina blanda vox queritur, congrua vita negligitur: & cantor minister Deum moribus stimulat, cum populum vocibus delectat.

Aaa 2

Resp.

Resp. Loquitur Gregorius de abusu hominis, non de vitio artis: si enim vita cantantis voci non respondeat, homini non arti vitio vertendum erit.

Confess. lib. 16. cap. 13. Opp. Musica impedimentum est contemplantibus: ergo ad contemplationem non confert. Antecedens ab Augustino probatur, qui confitetur se mortali peccato saepe condemnandum fuisse, quod magis sono vocum quam rerum sensu moueretur.

Resp. Diuus Augustinus hic non condemnat artem, sed suam ipsius si attendas infirmitatem, quae occasione mali ex bonis per se accepit. Ut ergo dulcedo vini non est causa ebrietatis, sed intemperantia bibentis: ita musica non est causa distractionis, sed nimia audientis incuria, qui sensum cum sono non coniungit.

Opp. Expiatio scelerum & affectuum moderatio opus solius Dei est: ergo impium est hoc ipsum musica ascribere.

Resp. Ut medicina est medium non principium sanitatis: ita musica est instrumentum, non causa expiandi sceleris. Deus enim solus nostras iniquitates delet, musica tamen saepe percussus a furore scelerum ad Deum flectimur; est enim in concentu musico vis quadam diuina, quae anima humana propter similitudinem monetur officij, moueturque ad harmoniam naturae & principij sui: at harmonia anima (ut definiunt Philosophi) est ipsa virtus, natura spiritus, principium Dei, cui gloriam & Osanna in excelsis nunc decantemus, ut empti de terrâ cum illis centum quadraginta quatuor millibus nouum illud canticum in caelis beatissime canere perdiscamus. Vides studiose lector tui solius causa hoc à me opus susceptum & perfectum nunc esse, mercedis loco hoc solum vehementer rogo, ut tuis precibus adiutus in choro illo caelesti per Christi misericordiam unus cantorum fiam. Obsecro dic saepe, sis illi propitius (O Deus) qui hunc librum fecit, sis illi quaeso salus: sine viua, sine moriar, ut tu sis saluus precabor. Vale.

Laus soli Deo.

Per-

Peroratio operis.



HEORICVM ciuitatis globum (candide & Christiane lector) tibi nunc demum in manus minus fortasse Atticè, laboriosè tamen descriptum trado; in cuius centro (quod est immota & perpetua iustitia) quaeso fixis & firmatis (ut aiunt) pedibus immoti stemus, nec non planetas qui sunt politice virtutes, stellatum cœlum in quo lucent heroes, primum mobile cuius axes voluunt & reuoluunt principes, adeoque; ultra hunc globum primam causam id est Deum (à quo virtutes, proceres, reges, omniaque pendent) contemplemur. Phaëtonis id est Machiauelli omniumque pseudopoliticorum & Atheorum currus indomitos & furentes equos (nè in malorum Oceani præcipitemur) citò & procul fugiamus. Nam ut Eliæ currus in altum raptus triumphum Christi: ita Machiauelli quadriga velocibus incitata rotis occasum mundi & aduentum Antichristi probat. Quippè sicut in illius curru exarsit diuina charitas, quæ pallium inuocanti Eliseo dedit: ita in huius plautro horribiles inferorum manes & furiae vehuntur, qui mundo iam declinanti diras & lethales pestes minitantur. Cum enim à ciuitate exulet virtus, ablegetur fides, exterminetur Christus, necesse est ut in templo Dei Antichristus sedeat; at Machiauellus patriarcha in Christianis imperijs Mahometicæ politiæ omnem virtutem, omnem fidem, omnem religionem, adeoque ipsum Christum Christi que metum & cultum tollit. Nam aliter quorsum in cap. de fide principi seruandâ ista amuleta vel potius ista venena in principum imperia ac ciuitates spargit? Verba ipsius legam: Cum itaque principis magni referat belluinum ingenium scite induere, ei tum vulpis tum leonis mores assumenda erunt; Fidelis es Machiauelle qui principem in capite de fide vim & fraudem doces: sed plura legam, sequuntur hæc verba: Princeps, qui sapientiâ est præditus, debet ea promissa vitare quæ suis commodis fore contraria videt. Perfidia hæc est

Aaa 3

non

Peroratio operis.

non fides quam doces pessime; ceterum legamus plura. *Ad omnem venturum & fortuna conversionem versatile ingenium princeps habeat necesse est.* Quid? An hæc est fides? An hæc religio quâ Deum colis? Horreo ea quæ addis addere homo omnium scelestissime, sed addam, ut omnes te vulpem esse ex cauda, leonem ex vngue sciant; sic ais: *Vitam igitur princeps tueatur, curetq; imperium conservare: quibus autem id fiat rationibus, ea modo honesti speciem præferant, nunquam non honore digna laudibusq; existimentur.* O Christe bone! an regna, an sceptrâ à te data hominibus solum virtutum umbris, religionis solum formis tenenda & conservanda putemus? Pessima est fides tua Machiavelle, quæ perfidiam gignit; blasphema & periculosa doctrina, quæ sui cultores in gehennam trahit. Sed hinc sistam vestigia mea, & vnde incepti ibi concludam opus. Hortor te igitur (Christiane lector) ut isti Merlino & prestigiatori hominum (ex incubo nescio quo dæmone nato) diutius nè credas, nigra eiusdem volumina Vulcani faucibus & flammis quæso committas, poma Sodomitica tamen si pulchra, quæ tibi offert, caue nè gultes. Mundus iam ut probe nosti vultum quasi Hippocraticum habet, idemq; penè exhaustus spirituum vitalium & animalium veluti defectu nutat; canum temporis caput est, & alæ eiusdem senio cōfēte, motuq; defessæ languent. Diu ergo valere non potest mundus, diu volare non potest tempus. Moriendum tibi & mihi est, nam *cuncta in quibus est spiraculum vite morientur.* At Cæsar sum fortasse dicis: morieris tamen, & ibi erit curvus gloria tua. Quid si pontifex? Tu etiam morieris, & episcopatum tuum accipiet alter. Mors mihi parcat nā rex sum. *Cras quoq; tu morieris; nemo enim ex regibus aliud habuit.* Vm mortis contemno, sum enim Hercules. Sed audi, *gladius tuus te non defendet. Quis enim est homo qui vivit, & non videbit mortem? Quis eruet animam suam de manu inferi?* Non est quod mortem mihi intermineris, nam Lucullus sum, quem locus à cymba Charontis teget. *Stulte, hac nocte repetent tibi animam, & quæ parasti cuius erunt?* Parce mihi O mors bona, nam Eva & mulier infirma sum. Sum filia tua, & tamen non parcam. At matri O filia

Gen. 7.

Esa. 22.
Psal. 108.
Eccl. 10.

Psal. 38.

Luc. 12.

Peroratio operis.

filia parce. Nihil agis, quippè deuorasti pomum, & duxisti in bonis dies tuos; nunc igitur in puncto ad inferna mecū descendes, & quoniam *Pulvis es, in pulverem reverteris.* Quid moror? *Moriemur omnes & sistemur ad tribunal Dei.* Quarum rerum meditatio nos quidem plurimum moueret, ut à Deo, à fide, à pietate morum, à religione nullis perditorum insidijs, nullis sophismatis distrahamur: moueret inquam ut tam in priuata vita scelerum portenta quàm in politica luce noua Atheorum paradoxa non aliter quàm procellas & scopulos fugiamus. *Reddite rationem villicationis vestra Cæsares,* Luc. 16. nam tractastis regnum; *via sum, cur deuia? Vita sum, cur venena? lux sum, cur tenebras? veritas sum, cur ergo mendaces veritatis umbras, latebras & fucos queritis?* Audite. Tantum nunc ergo sentietis tormenti, quantum in vita perpetrastis peccati. Quid daretis nunc pulvis & cinis si à morte ad vitâ, si à sepulchro ad lucem redire vobis permittatur? Heu, quid daremus petis? Imò dicite mihi, quid daretis? Mundum. At reuersi quid tandem agetis? Pœnitentiam. Scio sapitis, tum hæc egisse oportuit cum in epulis & delicijs voluistis. Nam penes vos fuit labes rerum pub. expūgere, leges iustas scire, mores ciuium ad vocem & nutū virtutis fingere, maledicta in Liuium glossēmata & cōmentarios de principe extirpare. Accepisti studiosè lector nunc globū ciuitatis, in fronte nomen Dei, in fine nomen mortis inscriptum vides. Si Deus sit (ut est) ad quem omnia referri debent, satis probauimus nec domum, nec ciuitatem, nec vllam vitæ humanæ partem sine virtute, sine fide, sine religione rectè administrari posse. Si certa mors sit ut est, monemur etiam ut viuendo iustè discamus artē moriēdi benè. Valeant ergo & hinc longè faceffant sophistæ nostrorū temporum, qui nō solū priuatos mores hominū insidiosè inficere, sed etiā vrbes, ciuitates, gentes suis veluti carminibus perniciosè fascinare studēt. Intellego Doletos, Argentinos, Machiavellianos, omnesq; Diagoristas & Atheos qui aduersus naturā, philosophiā, iustitiā, Deū beligerantes, nullum centrū equitatis, nullas lineas virtutis, nullos circulos rationis, nullos axes & veluti terminos coercēde cupiditatis

Iob. 21.
Rom. 14.

Peroratio operis.

cupiditatis, nullos motores & rectores administrandæ ciuitatis nisi pro libidine & arbitrio volunt. Hoc noluit magnus Philosophus, quem iam exposui: ethnicus fuit, & tamen noluit, imò quidem hoc voluit, hoc etiam suavit (quod sæpe inculco) non posse stare ciuitatem sine virtute, non posse florere sine pietate: hoc suavit Philosophus, hoc iussit Christus: sit ergo vltimum hoc meum Vale (Christiane lector) quòd ciuitas ea solùm sit vera, in qua virtus: is solùm ciuis, in quo Christus viuit.

Vale. A meis adibus Oxonij, anno 1588. Maij 11.

Laus, gloria & imperium soli Deo.



RERVM CONTENTARVM INDEX.

A Brogatio legum.	149.	B	
Academia quo loco habenda.	497.	Beatitudo in actione, in intentione.	219.
& sequens.		Bellum ne vacet religione.	284.
Accusatores necessarij.	562.	Bono cuique præmia cur sint tribuenda.	271.
Actio & effectio quomodo differant.	9.	Bonorum consortia multum iuuant ad bonitatem.	660.
Actus internus, externus.	219.	Bonorum tria genera.	270.
Adulter multis nominibus flagitiosus.	347.	Bonum in essentia, in existentia.	218.
Aedes robustæ sint & splendide.	652.	Bonum publicum, priuatum.	234.
Aequatio bonorum Platonica quæ sit.	129.	Bonus vir est lux, lex, & norma ciuitatis.	276.
Aeris & aquæ comparatio.	649.	Bonus vir & bonus ciuis in optima reipublica forma idem sunt.	353.
Affabilis & assentator differunt.	338.		
Affectu regere tyranni est.	337.	C	
Agricolæ an debeant esse serui.	645. fine.	Causæ constitutionis, cognitionis.	357.
Agricultura nutrix ciuitatis.	55.	Census paruus, absolutus, comparatus.	343.
Agricultura laus.	540. & c.	Ciuile imperium à nuptiali in quo differat.	85.
Amasis Aegyptius.	86.	Ciuili seu politico in homine duo consideranda.	87.
Ambitio parit oppressionem.	386.	Ciuilis iustitia sequitur naturalem.	364.
Amicitia bifariam sumpta.	102.	Ciuis bifariam dicitur. 196. & 205. definitur.	ibid. fine, & 197.
Amicitia qualis inter dominum & seruum.	51.	Ciuis boni virtus.	213.
Amor diffusus minuitur. 108. eius duo vincula.	ibidem.	Ciuis verè & iustè.	200.
Anglia rerum necessarium diues.	204.	Ciuis utroque parente an solummodo sit ciuis.	199.
Animus corporis herus.	42.	Ciuitas bifariam considerata. 23. 202. & 205. cum familia comparatur. 85. est naturalis. 19. est naturalis prior domo. 22. quid sit.	10. 198. fine, & 199. quæ sit beatissima.
Apum imperium. 262. fine, & 263. initio.		596. quæ sit satis magna 609. in quibus consistat. 208. sex res omnis habere debet.	635. recta, non recta. 315. eius bona quarum.
Aristocratie & politie mutandarum plures causæ.	457. & deinceps.	or. 269. partes decem. 330. partes naturales.	12. quæ pars melior. 382. causæ, materiales, formales, finales, conseruantes. 211. forma mutari quomodo possit.
Aristocratie species.	352.	Ciuitatis intentio, actio, 218. eius decretum.	lex est. 228. eius fines. 225. & 226. forma.
Aristotelis multa de Deo præclare dicta.	655.	communis, proxima. 229. vltimus finis.	Deus.
Arma in quos sumenda. 525. neri sunt ciuitatis. 389. quibus non sint gerenda.	391.		
392. sunt possidenda ciui.	391.		
Artibus ingenuis instituendi etiam pauperum filij.	365.		
Artibus quomodo sit utendum.	705.		
& de excessu in earum studijs. ibi. & 706.			
Assentatio & assentatores quàm nocentes sint. 336. Assentationis effecta.	337.		
Assentatores aliquando tristitia loquuntur.	338.		
Auarorum est vitium, quòd ijs desunt multa.	61.		

Index.

Deus quomodo sit. 230. imago triplex. 89.
 unitas unde. 207. mali custodes. frans. si-
 mor. & furor. 4. qualitas in quibus confi-
 stat. 629. tria symbola, atque inde politi-
 tres modi. 362. medium, finis, & fructus.
 601.
 Ciuitatem viri iusti & ornant & susti-
 nent. 269.
 Ciuitate donati ciues. 202. in ea duplex
 ordo, connexionis, & perfectionis. 24. in ea
 id solum fit quod iure fit. 201. in ea loci,
 hominum, forme mutatio. 207. in ea que
 spectentur. 13.
 Ciuium numerus & consimilia ab Aristoteli
 re reprehensa. 127.
 Commune duplex. 112.
 Communia negliguntur. 119.
 Communio dulce malum. 103. de eadem
 Platonis instituta. 104. eiusdem incom-
 moda. 94. & 103. & 111.
 Commutatio à natura inchoatur. 64. pro-
 batur esse necessaria. 65. duplex est. ibid.
 eius effectus. ibidem.
 Concanationes in locis publicis. 658.
 Consilia Aristocratica & Politica. 396.
 Concilij Democratici quatuor modi. 395.
 oligarchici tres. ibidem.
 Concordia Ethica, Politica. 380.
 Coniugium quid. 680. & in sequent. de
 rebus coniugalibus fusi.
 Coniunctio maris & femina duplex, &
 utraq. à natura. 109.
 Consanguinitas, stirps, linea, gradus.
 105.
 Consilium & fortitudo iungantur. 394.
 Consilium, iudicium, Magistratus. 198.
 Consuetudo altera natura. 313.
 Consultatio inanis est que religione desti-
 tuitur. 614.
 Cōtemplatio quodam modo est actio. 603.
 Coniunia publica non vituperata. 172.
 Corpus arca est mentis. 718.
 Creatura malis aduersaria. 62.
 Criminum tripartita diuisio. 151.
 Cura liberorum à natura. 10.

D

Definitio generalis competere potest
 pluribus. 198.
 Democratiæ species. 345. med. & fine.
 346. initio. eius mutande sex cause. 445.
 & deinceps. eius proprietates decem. 530.
 fine, & seq. initio.
 Demastasio respectu materie, respectu for-
 me. 210.
 Disciplina publica. 697. & deinceps.
 Disciplina civilis in imperantium & pa-
 rentium officio consistit. 667.
 Doctrina parui penditur. 80.
 Domus partes, instrumenta, finis. 34.

E

Ebrius pena grauiori multetur. 193.
 & 194. tripliciter peccat. ibid.
 Educatio priuata, publica. 115. priuato-
 rum & nobilium in politia varia. 364.
 in Educatione puerorum quatuor spe-
 ctanda. 364.
 in Electione quid spectandum. 223.
 Eligere sorte, suffragio. 396.
 Equorum alendorum conditiones. 327.
 Exercitij vehementioris incommoda. 715.
 Exercitia puerorum leuiora sint. 717.
 Externa sunt tantum bonorum idola. 589.
 in ijs non est beatitudo. 590.

F

Fæmina non est monstrum. 19 & 88.
 Fæminæ celebres. 32.
 Fæminis non negatur imperium. 32. 40.
 85. 88. eas decet silentium. 91. 92. ijs cum
 Marte nihil. 134.
 Familiæ pars est res possessa. 29. eius par-
 tes. 29. primariæ, minus primariæ. 36.
 comparatur cum ciuitate. 85. 86.
 Fieri & esse differunt. 28.
 Filij pauperum & diuitum ad que cohor-
 tandi. 368.
 Flagitium. vide Crimen.
 Flagitia diuiduntur. 157.
 Fæderatas ciuitates que faciant. 244.
 Fæderas.

Index.

Feneratores quales. 66.
 Fenus mercatura uisus. 66. an sit licitum
 76. an sit tolerandum. 78. cur illicitum. 81.
 describitur. 80. est pestis re ip. 72. ceteri fu-
 deis aliquo modo permissum, nobis tamen
 omnino negatum & prohibitum. 80. pe-
 cunia naturalem usum peruerit.
 in Fænore fraus. 83.
 Forum in homine duplex. 153.
 Forum iustitiæ, conscientie. 250.
 Fortuna risus sardonius. 676.
 Fraudis præcepta. 9502.
 Fraus bona. 389.
 Fundorum possessio propria, fructus com-
 munis. 118. 119.
 Generi virtus honorem parit. 86.
 Gruum vigilantia. 263.
 Gubernandi nexus. 324.
 Gubernationis siue imperij partes. 257.
 Gymnastica in exercitatione spectanda
 sunt quinque. 716. eâ cur exercendi sint
 pueri. 718.
 Hæreditas minimè vendenda 139.
 & 143.
 Hippodami leges. 147. eadem refutata.
 148.
 Homo ad malum natura procliuus. 355. a-
 nimal est ciuile. 21. & 22. idq. dupliciter.
 25. animal optimum & pessimum. 23. ap-
 comparatur. 22. eius ad usum sunt à Deo
 omnia. 56. & 62. idq. ut is Deo subdit. 57.
 eius natura animalis, intellectualis. 27.
 in homine animus princeps est, vires ani-
 mi magistratus, sensus veluti serui. 613.
 Honor verus. 45. naturalis. ibid. & 46.
 Honos est onus. 232.
 Iactura dignitatis, ciuitatis. 279.
 Immanitatis furia. 13. 497. & seq.
 Imperandi & parendi vicissitudo. 668.
 Imperare semper ex arte stultum est. 292.
 in Imperantibus & parentibus duo con-
 siderantur. 90.
 Imperia populi & diuitum in quibus
 differant. 564.
 Imperij popularis conseruandi præcepta
 quinque. 553.
 Imperium ciuile quomodo differat à nup-
 tiali. 85.
 Imperium priuatum triplex. 227.
 Impotentia naturales. 37.
 Indefinitus, infinitus. vid. Multitudo.
 Iniuriarum cause & remedia. 136.
 Instrumentum variè sumptum. 30.
 Intellectus quasi rasa tabula. 697.
 Iudex cur esse nemo debeat in sua causa.
 249.
 Iudicis infirmitas, maiestas. 250.
 Iudicia non sunt interuicibanda. 178. &
 179.
 in Iudicijs que requirantur. 152.
 de Iudicio & Iudicibus. 410. & deinceps
 per totum caput 16. libri quarti.
 Iustitia nature. 38.
 Iustis variè. 44. eius limites quatuor. 243.
 Labes descriptæ sunt malorum cause
 acceptæ non datæ. 322.
 Labes reipub. cur describendæ. 321.
 Lac alimentum infantibus accommoda-
 tissimum. 692.
 Lex ciuitatis lingua. 273. diuina, huma-
 na, naturalis. 154. quas res debeas respice-
 re. 127.
 Leges bonæ aut malæ, absolute, compa-
 ratæ. 361.
 Leges Hippodami. 147. & 148.
 Leges magistratus muti quomodo vitam
 habeant. 358.
 Leges in vniuersis decreta populi in re-
 bus singulis versantur. 37.
 Legum custodes & ministri reges. 297.
 Legum dignitas, earumq. observatio. 355.
 Legum abrogatio. 149.
 Legumlatores varij. 189.
 Liberorū in educatione tria spectanda. 689.
 Libertas dupliciter considerata. 242.
 Libertas vera que sit. 532.
 Lydi quomodo tolerandi. 474. & 475.

Index.

M

Machianellus improbe virtutes rejicit.
1. non legendus. 2. comparatur cum
Paracelso. ibid. eius perniciofa paradoxa. 4
Magici cur plectendi capite. 444.
Magistratus quid 399. fine. & 400. eius
cura quadruplex. 399. Est ciuitatis o-
culus. 214. eius auctoritas. 302. eum re-
gat ratio. 305.
Magistratus munus, loquens. 292. mu-
nus exequatur, non accipiat. 350. &
& 351. est secundum ciuitatis lumen.
399.
Magistratus triplex. 97. & 100.
Magistratus mali taxantur. 319.
Magistratus qui non debeant esse. 399.
Magistratus Politicus, Theoricus. 578.
& c. eius varia nomina & munera. 519.
Virum indicat. 271. eius participatio du-
plex. 202. eum recusantes puniunt. 369. ab
eo gerendo qui prohibeantur. 345. 346. 347.
Magistratum distinctio. 401. qualitates
402. materia circa quam versantur. ibid.
tempus. ibid. in ijs constituendis tria consi-
deranda. ibid. & 403. eorum nundinati-
ones illicitae. 187. & 188. eorum iria or-
namenta. 477. & seq.
Magnificencia populum conciliat. 572.
Magnifici quidam nostra memoria viri.
574.
Magnitudo ciuitatis unde sit aestimanda.
608.
Mala cognita vitantur. 320. cur aliquando
permittantur. 78. Vicina sunt bonis. 383.
Mali toleratio. 206.
Malis ne minimis quidem comminendum.
467.
Malus aliquando bonum agit, at bene nu-
quam. 73.
Medicina non est ars mechanica. 704.
Mens vita est corporis. 718.
Media ciuitas cur optima. 376.
Medij ciues quatuor modis. 375.
per Media peruenitur ad extrema. 341.
Medium ad extrema comparatur. 363.

Medicina naturalis, artificialis. 76. & 80.
Mendicos Plato abigit. 133.
Mercator mendax. 84. Eum quae deceant.
545.
Mercaturae tres partes. 79.
Methodus Aristotelis in libris Politicis. 8.
fine. & 9. initio.
Mide votum. 68.
Militaris disciplina in pace exercenda.
141. & 144.
Milites mania ciuitatum. 44.
Monarchia administratio angustissima.
316. Cum tyrannide comparatur. ibidem.
eius euerenda causae communes quinq.
486. & 487. Proprie duae, in fine eius cap.
Mora trahit periculum. 392.
Mores quomodo sequantur temperantia. 40.
Musica & utilis est & necessaria. 709.
de ea praclare & fusius, libri octauo ca-
pitibus. 3. 5. 6. & 7.
Multitudo indefinita, infinita. 385.
Miris cur cingenda ciuitas. 651.
Mutationes periculose. 149. & 155. fine. in
ijs quae res requirantur. 160.

N

Natura animantis duplex. 111.
Natura & mater & nutritrix. 56. &
necessitati consulit & voluptati. 61.
Natura hominis, sensibilis, ratiocinatrix.
114.
Natura humana quibus constet. 112.
Naturaliter aliquid duobus modis conue-
nit. 686.
Naturalium copiarum necessitas. 624.
Necessarium duplex. 71. & 300.
Necis potestas dupliciter considerata. 289.
Nimium cui licet, plus vult quam meretur.
385.
Nimium diuitibus non est tribuendum.
ibid.
Nobiles bene educandi. 294. quibus rebus
populum decipiant. 387. ijs non est affinitas
contrahenda cum exteris. 462. & 463.
Nobilitas naturalis, civilis 50. quomodo sit
a natura. ibid. de non ente disputatio. 310.
&

Index.

& 311.
Non rectum, contradictoriè, priuatiue.
233.
Numismatis conditiones septem. 67.
Nuptiae secundae. 115 & 116.
Nuptialis coniunctio, & cura liberorum.
113.
Nutrix qualis esse debeat. 689.

Obsemperandi disciplina duplex. 216.
Occidere cui, & quem liceat. 289.
Odium ciuile quam perniciosum. 181.
Oligarchia simplex, mixta. 344. eius 4.
species. 338. 339. 346. eius mutanda causae
plures. 451. fine. & deinceps fusius.
Omnia non possumus omnes. 381.
Opes ne in immensum accendantur. 137.
Opifices sunt ciues. 145. 146.
Optimae respub. absolute, comparate. 374.
fine.
Ordo bifariam dictus. 209. eius necessitas.
225. in quibus rebus cernatur. 229.
Organis in aptioribus liberius agit ani-
mus. 680.
Orium etiam a contemplatione necessari-
um est. 711.

Pacis tempore de bello cogitandum. 140.
Pater in filia viuere. 544.
Patria communis parens. 368.
Patrimonij usus, possessio. 144.
Peccata in Deum, naturam, ciuitatem. 176.
vide Crimen, Flagitium, Scelus.
Pecunia bifariam sumpta. 71. cur necessa-
ria. 66. in ea querenda sit modus. 74. eius
magna vis. 386.
Pecunia non sunt vere diuitiae. 67. & 73.
Peregrinationis usus quintuplex. 623. eius
utilitas fusius. 626.
Perfectio consistit in duobus. 660.
Philosophia laudatur. 675.
Platonis errores aliquos per plures pagi-

nas cap. 12. libri quinti. eius secunda po-
sita. 126.
Plebiscita quando valeant. 333.
Plorare infantibus non inuile prorsus est.
690. & 691.
in Panis par sit omnium ratio. 359.
Politica quid. 357. ei praestit Christus. 2. eius
bene constituta signum. 363. eius & aristo-
cratie mutandarum causae. 457.
Politica corollaria quatuor. 481. & 482.
Politice auctor Aristoteles quomodo sit. 8.
duplex consideratio. 311. finis affluentia
bonorum. 9. genus, praxis. ibid. Nomen, ob-
iectum, fructus. 8.
Politicorum obscuritas minuitur. 306.
Popularis potentiae partes, seu species. 331.
Populi libertas causa litigandi. 241. ei
quomodo negetur imperium. 260.
Populus cause tractandus. 396.
Possesse rei duplex usus. 66.
Possesse res duplices sunt. 29. in ijs quae
considerentur. 77.
Possessionum natura, usus. 118.
Posterior dies docet priorem. 173.
Praemia bonis tribuenda. 271.
Praemium excitat. 44.
Princeps quibus subiiciatur. 220. fine. ei-
us obedientia quomodo voluntaria, quo-
modo necessaria. 221.
Principes quando, & a quibus puniendi.
222.
Proditores occidendi. 288.
Proditorum filij iuste puniuntur. 7.
Prudentia in bonis, astutia in malis. 342.
bifariam consideratur. 218.
de Pueris & eorum educatione varia
precepta. 689. & eorum exercitia leuia esse
debent. 717. eos maiores nostri quatuor res
docebant. 708.
Puniri priuatiue, positiue. 349.

Questionibus superfluis superseden-
dam est. 705.
B

Index.

R

Rectum & non Rectum quomodo sint
species reip. 232.
Reges fuisse ab initio. 12.
Regi non est resistendum. 235.
Regio bisariam accepta. 611. dimidiatur.
644. in ea quæ sint spectanda. 612.
Regnum Turri comparatur perpetuo op-
pugnata. 299.
Reip. status varij. 234. 235. & 236.
Religionem matrem suam diuitiæ deuo-
rarunt. 150.
Religionis in ciuitate necessitas. 644.
de Rerum communione fusiis. 117. & c.
Rerump. differentiæ communes, propriae.
324. propriæ generales, speciales. ibidem.
& 326.
Respectus in quibus nites essentiâ. 16.
Respub. Anglorum, Gallorum, Venerorū,
238. Lacedæmoniorū. 162. & 363. reser-
uati. 173. & 174. Carthaginensium. 180. &
181. Spartanæ reprehenditur. 162.
Respub. mixta. 324.
Respublica recta non recta, & viriusque
subdiuisiones. ibidem.
Rex bonus dextra, malus est sinistra Dei.
320.
Rex imago Dei, iustitiæ, ciuitatis. 371
quibus comparetur. 227.
Rex simpliciter, comparatè. 301.
Rex unus quodammodo magistratus om-
nes. 186.

S

Sacerdotes indocti quibus rebus simi-
les sint. 640.
Sacerdotes ne gerant magistratus. 407.
ne implicentur mundanis occupationibus
150.
Sacerdotis consecratio. 639. eius officium.
640.
Sacris contemptis cornis respublica. 581.
Sanctis quibus rebus conseruetur. 76.
Sapientia alius dominatur. 57.
Sapientia dupliciter sumpta. 643.
Satellitum ciuitatis. 292.

Scelera triplicia.

Seditio in bonam partem accepta. 425.
in Seditioe considerantur tria. 427. &
428. eius causæ. 420. & 431. fusiis. de-
finitio. 420. exempla. 421. & de eadem
plura. ibidem. & 422.
Senatus, magistratus, & iudicium quàm
necessariæ res reip. 393.
Senatus quid. 304.
Senes muscam exerceant. 730. & 731.
Senex bis puer. 203.
Sernitus legalis, & eius rationes. 43. &
47.
Sernus ad usum datus. 39 à natura est sex
de causis. 37. confertur cum arifice. 88. an
in eo alia virtus præter instrumentalem.
86. est instrumentum animatum. 30. est res
possessa & instrumentum. 29. quid sit. 31.
eius imago. 31. necessitas. ibid. propria.
ibid. quomodo sit defectus. 37. eius perfe-
ctio quæ. ibid.
Sernis armorum usus non permittitur.
125.
Silentium decet feminas. 91. & 92.
Similia non probant. 52.
Simoniam remedium. 641.
Societas simplex, mixta. 17.
Solitaria vitæ causæ plures. 26.
Solitarius non est pars ciuitatis. 21.
Solitarius triplex. 22.
Sophismatum usus in politia. 388.
Sordes longe exportanda. 650.
Sortitio triplex. 403. & 404.
Successio dupliciter considerata. 297.

T

Tales ditatus. 79.
Turba offensa turbo est. 390.
Turcicum imperium unde creuerit. 3.
Tyrannis deterrima labes reipub. & cum
ita. 315. 318. 485. 491. eius à regno diffe-
rentia septem. 491. eius euertere ratio-
nes. 488. eius imago. 370. effecta. 316.
Tyrannis grecorum, barbarorum. 369.
Tyrannorū & tyrannidū durationes. 510.

V

Index.

V

Venus enervat Martem.
Victus duplex.

Virtus considerata absolute, respectiue.

Virtus boni ciuis. 213. & 352. duplex est,
officij & viri. 7. & 170. est ad felicitatem
via. & conseruat naturam. 2. est in politia
necessaria. 1. est politica regulæ. 2. est iuri-
dicorum veterum scopus. 4. est naturæ me-
dicina. 50. est in seruo imbecilla. 51. est
præferenda sanguini. 246. est præsidium
ciuitatis. 211. non eget legibus. 534. sine
aliâ in seruo præter instrumentalem. 86.
sine eadem in viro & femina. 90. eius a-
ctus est essentia ciuitatis. 353. eius a-
ctio communis mensura, comparati faci-
lis, & perpetua cur dicatur. 247. ei de-
bent omnes incumbere. 89. eâ præcellere
quàm imperio melius. 602.
Virtutes aliter insunt feminis ac viris.
19.
Virtutes intellectuales, absolute, compa-

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

V

FINIS.

Ἡ δὲ τὸ πολιτικὸν ἐν ἑαυτῷ ἔχει τὴν ἀρχήν.